


四庫禁燬書叢刊編纂委員會

北京出版社



四庫禁燬書叢刊

集部第五一冊目次

石白前集九卷後集七卷

〔清〕邢昉撰
清康熙刻本

一

顧與治詩八卷

〔明〕顧夢游撰
清初書林毛恆所刻本

二八五

壯悔堂文集十卷遺稿一卷四憶堂詩集六卷遺稿一卷

〔清〕侯方域撰
清順治刻增修本

四〇五

石臼前集九卷後集七卷

〔清〕邢昉撰

清康熙刻本

山東省圖書館藏

定學先生堂漫筆

邢孟貞石白集

石臼集序

石臼集者明末詩人高淳邢先生孟貞嘗居石臼湖上因以名其集先生博學高才不可一世生遭陽九之運明社屋矣飢餓化離難於衣食凡有所觸於中飢饉無聊歌傷懷則一於詩焉發之昔謝康樂擬鄴中諸詩謂陳孔璋書記士故言喪亂爲多夫身遭喪亂卽王徐應劉皆當言之獨孔璋乎然觀蕭氏文選錄鄴中詩頗多而孔璋書箋兩檄外無聞焉當由其文言不韻或音多焦殺故逸之耳乃知孔璋以詩累喪亂非以喪亂累其詩也

石臼前集

序

蓋貴池劉城有是言予嘗賞之云爾今讀先生詩凄清悲壯山峙雲涌多溫厚之遺無怨排之失具體少陵而出入韋孟錢劉以發其菁華才兼衆體誠名家也王隱曰古人遭時則以功達其道不遇則以言達其才而庾信亦云窮者欲達其言勞者須歌其事若夫先生志潔行芳矚然塵垢之外幾與楚騷爭烈矣先生沒已五十年詩益大重於世今高淳進士王君孚與兒子至同年譜於先生有葭莩親校定是集爲十六卷其作於勝國者爲前集九卷入

本朝者爲後集七卷將付剞劂而諸序於予兒至

京中嘗來亦屢以爲言夫序先生詩者多矣予復何能益一辭也乃於其以石臼名集有慨焉先生無炊索米饑走四方卒賣志沒譬諸石臼受舂者也今湖水清漣而無所用必之洋洋可樂饑耶抑古來地名石臼者非一後漢郡國志常山國南行唐有石臼谷然章帝紀建初三年夏四月己巳罷常山呼沱石臼河漕詩不云乎高岸爲谷深谷爲陵此一石臼也時而河者時而谷固知陵谷有變而名不可磨滅也區區高淳帶水間出一詩人以

石臼前集

序

光昭斯土則文章之所留貽又豈有窮也與綿津山人朱榮撰

石臼集原序

往得孟貞詩於龍友喜其如春雲溶溶秋雲英英有可翫說不可攬採之意戊子秋采詩白下與治于皇告曰孟貞之詩成矣今之隨州長江也余讀之信然然尤喜其古體歌行骨格老蒼敘事典質殆優入少陵之室深造而自得者也昔者微之之稱少陵以爲千古詩人之總萃元和以降作者代興波譎雲詭橫從穿穴靡不人鑄一少陵卽盧仝馬異亦皆得少陵之一支而少陵之面目不存焉迨宋之西江而翦刻露矣迨近代之北地而剽儗

石臼集

序

滋矣此皆從門而入漸深造而未能自得也陶淵明隱逸詩人之宗也鍾記室品之謂其源出于應璩古人之詩其源流深長如是今學者思弋獲古人往往以勝氣出之以蒙氣蓋之庸可幾乎孟貞之殖深矣積厚矣其殆以少陵爲果位而隨州長江其分身示現與泰山之雲觸石而出膚寸而合不崇朝而雨天下春雲之溶溶也秋雲之英英也其殆將瀰漫於是乎其殆將歸藏于是乎孟貞笑而起曰命之矣虞山錢謙益撰

高淳邢孟貞與余交三十年初刻魯稽齋詩超然

清舉深相慕也于是竟陵執耳猶未自立漢幟偶

與楊龍友品藻時賢爲孟貞屈一指因訂交晨夕

無間偕游雲間與陳臥子李舒章諸人周旋久孟

貞詩一變而步趨不同孟貞所尚在太祝蘇州隨

州考功間上溯顏謝旁及郊島涵泳久之駸駸成

家矣生平不慕榮利不問生產不屑借交游以博

名譽落穆踽涼多否少可以餘力爲制科文非不

佳視青其衿若芒刺竟被斥顧有喜色性剛下一

語不合見色拂衣恥爲俯仰故終身無所遇窮賤

以老以予觀孟貞雖甘心隱約借令有負郭二頃

石臼集

序

二

構精舍數椽積書其間深居飽食以教子放意遠游不以饑寒內顧未嘗不以爲樂卒以貧病強出病甚以歸歸乃不起傷哉先是宣城施尚白與吾兩人言詩甚合數遺書迎致子困追呼不果行會孟貞來余執手語曰吾兩人索居有時實難爲別如尚白停雲何若家居不易吾兩人來會可卜子往矣孟貞遂行豈知渡口蓬牕遂與我友訣也傷哉尚白篤于友朋嘗言我當爲孟貞作計垂老小適當在斯人而孟貞不待矣傷哉孟貞旣死溫縣范正使君來聞夏邑崔正誼明府言愴然以不及

佳見爲恨刻其詩使君奇偉男子尚風義力能
扶植人時余在難自分且死使君獨奮袂起包胥
魯連口手並急卒白其冤借令孟貞而在其急爲
之謀必不下尚白而孟貞死矣傷哉然孟貞詩既
傳吾代千秋居然一席海內識與不識皆當想見
其人足以豪矣卽貧病以死視彼投贄曳裾走聲
名如驚裘馬奕奕殺青克棟自謂高視詞壇旣而
滅沒草腐者相越豈止萬里復何憾哉復何憾哉
金陵顧夢游撰

論詩者曰詩莫盛于唐非也詩蓋自唐而止也論

石臼前集

序

三

唐詩者曰詩必法盛唐亦非也詩蓋不自盛唐而
止也自此而止者踰跬步弗得焉如臨不測之淵
而惴惴懼其墜也不自此止者跬步弗踰隘也季
札觀六代之樂至卽以下始無譏也故由漢魏至
唐詩之變極矣詩可以弗漢魏而斷斷乎不可以
弗唐也由開元至大中唐詩之變極矣詩不可以
大中而斷斷乎不可以開元畫也是說也前此有
之至孟貞而鑿鑿不可破孟貞束髮攻詩始漢魏
迄宋元窮源歷變自謂已極而其持論蓋如此乙
酉冬始與孟貞稱詩兩人指歸各以自闕孟貞疑

余或岐之余亦疑孟貞或余岐而俱不以相告也
久之浸見弗岐矣又久之浸見岐有弗岐者矣然
後相視而笑苦甘冷暖之間油然以入焉故詩止
于唐而不止于盛唐孟貞之言亦余之言也詩可
以弗漢魏而不可以弗唐孟貞之言而非余之言
也蓋孟貞謂漢魏不可爲者也唐人惟不爲漢魏
故能臻于極後之爲漢魏者胥失焉余曰伯玉感
遇孰謂非漢魏乎子獨忘夫貌焉者所喜耳雖有
褰裳濡足之憂維予不以爲非也所謂岐而有弗
岐者也盛唐之不可爲猶夫漢魏獨至中唐而貌
石臼前集

序

四

者寡矣大中以下始同曹鄴耳故孟貞詩五言清
擬右丞左司也而綽約則錢劉刻厲則昌黎東野
盡致矣七言排宕歷落者少陵而新鄉嘉州文昌
仲初遞出也五言近體望昭于王孟變化于長江
七言近體文房爲宗極五七言絕句不名一家要
在貞觀元和之世也宣城施閏章撰

石臼前集目錄

卷一

樂府八十九首

卷二

五言古詩二百十首

卷三

七言古詩一百七十五首

卷四

五言律詩五百二十一首

卷五

七言律詩二百七十九首

卷六

五言排律二十三首

卷七

七言排律五首

卷八

五言絕句六十首

卷九

七言絕句一百二十首

孫登典校字

編次族人

逢玉超

發育之

柯月柯

楷鳳侯

楷端木

鼎榮晉侯

烈觀侯

樟雲翔

夢煜中儒

履聖儒

濤廣生

璉生嘉

景慶天儒

峰廷森

亨庭煜

方慶端儒

復章斐生

兆申恒生

紹魯振伯

紹統斯萬

紹緒斯皇

紹麟書伯

紹綱斯朋

紹芳斯祐

紹箕斯永

石印集

石臼前集卷一

高淳邢昉孟貞父著

後學 商丘宋至山言父校

同里王孚顯若父校

樂府

長安道

大道引鳴珂西京甲第多南山通御氣渭水象天河玉樹宮中隱章臺月下過更聞楊與馬辭賦激頽波

糶穀謠

仲夏焚巫庭蠅甲遍原膳十日穀價高乃與山嶽伍人生有積穀不須腰下組列國開前門喧隘如官府錢容黃勝金金氣白過乳吐嗟吟賸間粟出如風雨憶昔陶淵明乞食意何取不能安五斗而有終身苦矢之以冥報氣結傷千古

長門怨

阿嬌倚極寵無那如偏叢思寵一朝絕冷落長門宮中宵聞鳳琯復道回雕輦千門待月明珠簾向空捲月落不上天銀河空復泣君心與妾心安得更縫綰

有鳥篇

庚辰仲春吳陵舟中逢老母誕辰作

有鳥有鳥鼓翼鳴阜銜一粒粟歸餉其母解此粟雖微本自玉山禾願母食之歲歲長不饑解朝出求食暮出求食茫茫廣野霧露充塞鳥不得食鳴聲惻惻解三鳥饑奈何吻噪喉乾不惜喉乾腹如迴瀾我猶終日鳴悲酸誰持麋脯爲母餐

從軍行二首

八月桑葉落兵寇雁門烟塵蔽千里戰士如星奔彎弓射鳴鏑漢月隨南轅歸來麟閣上意氣感君恩

石臼前集

卷一

家在藍田下往來塞上亭射獵無朝暮長驅塞草青孤軍忽轉戰獨當單千庭威聲振絕漠叱咤凌風霆凱逐降王返勳將良史銘更聞歌荻杜清廟未須局

紫驢馬

春日叢臺下班楊夾路隅採桑淇上女挾瑟邯鄲姝翩翩紫驢馬蹀躞行中衢鳴鞭過柳市巧笑生羅襦誰憐閨裏妾日夕詠蘼蕪

隴頭水

驅車上隴阪隴水流不絕一聞流水聲行人共嗚

咽嗚咽不在冰中有白骨昔日長城卒遠向臨
洮沒魂飄沙漠間怨入水聲裏水作東西流嗚咽
無時已

少年行

三川年少子結交五陵遊玉鞭驅白馬彈鋏上青
樓裴徊看楚舞慷慨聆齊謳朝過井里聶暮託夸
門侯探丸下長樂仗劍臨西州忽逢魯勾賤爭博
久淹留誰能天祿關日共雕蟲謀

獨漉篇二首

獨漉獨漉水清泥墨泥墨弗恤水清魚泣飛彈無

石臼前集

卷一

聲彈彼文禽鳴鼻鼓翼鳴於中林豫且制龍醢腸
菹肉蜉蝣蜿蜒乃得飽腹上山採樵爰命斧斨猗
蘭雖微繫於天王河伯有臣其名曰獺饕餮食魴
乃籌厥伐雄劍鳴削欲報大恩世謂鉛刀子勿復
言

獨漉獨漉水深泥汨有舟有梁勿用疑惑暈暈雄
雉呈於兔罝子欲活雉何得咎噬黃雀近人不避
彈射國相有思不如縲綬神龜見夢反損厥壽孔
公贖之左顧在紐遭驥太行斫鞅叱羈服廂如故
流涕奚爲手持颶風宜送飛鴻爲鳶削木塵彼太

空

空城雀

黃雀出深林翩翩向城闕城中倉廩高飛食倉中
粟偶遭挾彈子彎弧氣輝赫少年壓盤餐不假汝
充腹棄汝與蒼鷹顧盼不肖搏饑肉太息語少年
慎勿矜汝能翩翩挾彈雖可觀意氣猶不如蒼鷹

枯魚過河泣

孟津有神魚鼓鬣生雲霧昔曾入王舟王師爲歌
舞一朝失深淵見困於網罟自知神物貴波濤不
得阻天吳及靈鯨旦暮相勞苦行過大河岸隕涕

石臼前集

卷一

忽如雨作書與魴魚涓滴幸分與變化安敢希聊
取潤焦腐

秦女卷衣

長安木葉落宮中秋氣悲君王歌吹罷妾侍卷衣
時彩月絢瑤席薰籠隱綉帷金壺鳴永漏終夕有
恩輝顧以微軀賤流光安可希

雉子班二首

蒿離離雉斑斑雉子翼錦如爛野田側蓬蒿間其
母出求食雉子望母還飲啄相隨去畢志殉茅菅
幸懷耿介意不慙軀體孱寄謝虞羅者金籠安足

攀

雉子錦斑爛翩翩備五色雄雌咿嚶鳴相將距咫
尺一朝絰網羅勇決奮一擲其肉供鼎俎其義存
金石遂使樊夫人三歎不能食

上之回

漢帝慕蓬瀛仙人樂五城蓬瀛不可覩雍時驚華
旌北出回中道遠過甘泉營輝煌屯萬乘四顧沙
漠清雲中紛翠蓋云是安期生旁有赤松子驂龍
來相迎參差不一遇荒淫終何成遂令崆峒上長
留萬古名

石臼前集

卷一

五

猛虎行

採樵入深山猛虎狸文斑猛虎據地吼齒牙欲相
關骨肉充腸胃流血布草菅恣睢但飽食豈顧賢
豪間爲我謂猛虎咆哮亦何麤食人損爾德寧異
狸與狐騶虞不折草休聲播皇都騶虞何其仁猛
虎何其愚往謝泰山君人肉安可舖

空城雀

啾啾空城雀飛栖逐籬樊安卑固定分饑困亦有
端羣雀噪野田飽食棄其殘猥欲掇所棄躑躅鳴
悲酸中情庶往訴仰視雲中鸞鸞饑方欲食復無

金瑯玕

短歌行

飲不汲貪泉行不休曲木貪泉令人貪曲木令人
曲繇來志士懷十步九反覆西山兩餓者羞食鹿
臺粟日月有銷滅採薇歌不足此意仍勿傳銜悲
向空谷

游俠篇

飈風大宛馬俠氣并州子雕鞍錦障泥寶劍黃金
韋飲酒新豐市結客深井里千金爲母壽片諾許
人死手把於期頭征輪向西指歌動易水寒冠衝
石臼前集 卷一

白雨四章

白雨絲絲黃塵瀰瀰蜚螳饑食塵中未夸 入揖
古人命卑虛左出逢車聲呼子螺贏 鶴饑啄影
有啄斯馨死則瘞爾躑躅其銘 耕必有耦賈亦
有仇淫淫雨絲活活苔秋匪沮匪鮑遑恤我憂

行路難

君不見南山白石白楚楚雕龍輦作明堂礎君不

見東海大珠光燦燦一朝按劍遭零落白龍在淵
蛇蟠泥雞無鳳羽梧桐栖扶桑牛枯若木死春風
未老寒蟬嘯行路難慎勿迷詠史謾尋牛渚月千
秋無復謝征西

秋蟲引

百蟲團團鳴一燈其聲淅瀝川流水久之月出照
虛幕坐暘冷光身上著月光散落冰漸中夜涼安
可聞秋蟲

牧牛詞

牧童牧牛亦牧犢沿溪放牛一白額秋田將熟牛

石臼前集

卷一

尾禿犢角如栗摩其腹食草眠草犢相逐牛背童
子清溪曲菱叢雄雞高兩足射以短箭抱滿束落
日跨牛過溪宿牧牛在溪勝在谷明日射雞乘早
旭

姑惡鳥

姑惡鳥姑惡鳥汝形雖微汝舌巧昔日爲婦姑不
惜姑不汝惜憎汝舌形雖變化舌猶昔慎勿打黃
鶯慎勿彈黃雀亦莫挑弓射雙鴨爲我彈去此微
禽不使牕前叫姑惡

烏夜嘯二首

北風吹林響枯櫟明星在樹光的的東方月出聞
烏嘯夜半霜清毛羽濕驚飛歷亂更相呼遶樹千
迴影不孤林中殘葉舞遶遶枝上嘯聲轉蕭瑟烏
夜嘯勿鳴咽寒林幾日回葱蒨弩力成巢將爾雛
雛飛八九逐雙燕

空林寂寂宵正永青燈熒熒光愈耿天邊月作樹
頭霜樹上烏生地上影一夜嘯聲迴北斗嗟峨老
樹空相守東枝西枝飛幾回瞳瞳曉色穿林數聯
翩散盡暮仍還凍羽珊珊不暫閒乍可嘯殘白門
柳不教飛上紇干山

石臼前集

卷一

行路難十二首

駕我車策我馬飛蓋飄飄去中野居家咨嗟不得
意爲欲適我同心者東至泰山西黃河河冰如山
山峨峨摧輪覆轡將奈何人生安得久離別紅顏
銷盡憂思多行路難行路難聽我歌丈夫貧賤無
不可慎勿流浪成蹉跎
秋風捲枯籜歷亂東西南北飛遊子見之竊歎息
不覺流淚下沾衣人生相命直坎壈百年刺促將
安歸爲君抵節歌行路吞聲掩抑氣已微
君不見銅雀臺井幹百尺松風哀君不見金谷樓

美人一去成千秋只言貧賤不得意富貴失意良
更多只言貧賤長寂寞富貴寂寞空悲歌繁華寧
得久相戀海水滔滔東逝波請君獨力挽海水海
水不回君奈何

君不見長安少年子生來不讀詩與書結交金張
七葉貴撞鐘鼎食華堂居盤中珍膳五侯送腰下
雜珮懸碑礫指麾顧盼有光彩自謂驕奢人不如
卻笑倪生何落拓南山日出帶經鋤

結髮爲君婦盛衰好惡不相棄少年桃李對芳菲
倏忽遠道成離異落花不復著故枝安得容顏無

右白前集

卷一

凋悴當昔盛年時棄我如鴻毛何況今日顏色改
君心寧得無波濤人生快意那能久行嗟坐歎心
鬱陶

君不見三春藿蘼爭艷陽秋風捲入雲中翔昨日
紅顏如露薜今朝對鏡忽自傷盛年一失豈再得
况復抑鬱枉摧戕生世不得一日樂黃蘗白骨斷
人腸

君不見塞上鴻羣起聲噉噉北風雨雪忽飄散悲
鳴求侶西復東結交青雲子謂言頭白同生死豈
知意中已索莫昔時膠漆今流水由來輕薄盛繁

華袷服雖美中情鄙寄言瓊牖平生友我當與爾
偕終始

對酒忽不樂仰天長歎自錯愕少年榮盛今安往
面頰枯瘦忽如削自古聖賢皆坎坷我今不怨長
蕭索日月棄我不相顧形骸倏化歸冥漠感君相
勸強作歡悲從中來淚雙落

君不見原上草芊綿亦何好秋風相欺凌摧折不
待老丈夫失路心煩冤衆中愁歎口不言衆人多
歡爾何憂含凄發歎各有絲經秋蒲柳須凋隕安
得繁霜不滿頭

右白前集

卷一

羈旅向他州寒暑代換忽如擲骨肉相契濶夢中
髣髴觀容色晨起炊作糜駕言返鄉域故鄉可盤
桓如何久行役人生日與骨肉遠雙鯉迢迢亦何
益

君不見梧桐枝上蜩斷續悽厲鳴商飈風前嘒嘒
仍未已玄雲朔雪已飄飄千里復千里一朝更一
朝祇道紅顏愁裏盡那容白髮鏡中銷

諸君幸勿歎聽歌行路聊自寬嚴冬草木委霜雪
披拂春風還可觀世間苦樂更回換反覆豈異波
與瀾我有嘉肴并旨酒平生親故罄交驩燕樂從

朝恒至夜莫令北斗空闌干

古別離

春日春楊柳飛花滿御溝含情綺閣上離別恨悠
悠年年離別遙相待賤妾容顏已應改青樓夢罷
曉鶯啼絨書絨怨到遼西蕩子長征何日返頻蛾
拭淚關山遠菖蒲出水葉生齊直待花開歸已晚

古塞下曲二首

涼秋八月烽火平沙磧連連迫營屬國猶稽大

宛馬朝廷復遣貳師兵鐵衣遠度天山道萬里征
行絕水草笳夜起月漫漫騎星奔沙浩浩蒲

石臼前集

卷一

六上

桃首宿世應稀漢使河源幾日歸不及參差青海
鴈年年一遶上林飛

朔客懸吳鉤橫行出隴頭塞下大小百餘戰白髮
仍戍交河流交河凍合無流水邊庭雪淨黃雲起
蕭條五月南風吹白草連天幾千里

燕歌行

東風淑景上蘭條翠羽啁啾啄井桃春鶯競入楊
花轉代馬長銜首宿驕陽關西去無消息玉鏡盤
龍惜顏色蘇合薰香透錦緋蒲桃引蔓垂瑤席霜
落江南鴈始飛陰山瀚海雪霏霏左賢欲遁猶催

戰太白高懸又合圍高樓粉黛傷遲暮黃河冰堅
不可渡三五明月更誰憐十二金人那能鑄妾望
迢迢玉塞中聞歌荻杜泣春風龍庭何歲無征戰
能得紅顏幾度紅

從軍行

臨洮西北接燕然單于亭障迴臨邊已向朔方窺
右臂更出雲中蹙左賢長安少年事遊冶鬪雞挾
彈章臺下飲酒不厭金巨羅出塞能騎渥窪馬聞
道分兵救白登玉門關外片雲凝南山石沒藍田
羽北地烽連瀚海冰嚴冬雪斷天山草拓地因開
石臼前集 卷一 二

鳥栖曲

繡戶鶯啼曉曉聲雜百鳥河堤楊柳覆金羈夜夜
烏栖楊柳枝不見汝南王相憐劉碧玉碧玉頻蛾
恨轉生只爲鳥啼曙相促

飲馬長城窟行

萬騎寇朝那北地雲中戰馬多烽火朝連蒲

類海征人夜戍金微河征人臨夜發馬上看明月
寒風縮馬毛一飲長城窟長城窟中水如乳可憐
白骨相撐拄當時築城因備誰道長城卒辛苦
如雲萬里莽蕭蕭西起臨洮東渡遼馬嘶鳴不
敢度縱橫白骨無昏朝飲馬長城氣蕭索流水聲
悲淚雙落亡秦者別有云安取築城連大漠今
年鬼哭長城中明年鬼哭望夸宮長城築罷扶蘇
死渭水東流恨豈窮

冉冉枯蓬散遠天
亭亭月出滿秦川
秦川織婦鴛

鵲錦孤月徘徊照孤寢幾日焉支落漢家玉門迢
遞尚應遮空憐塞外傳刀斗獨傍關山眺月華

隴頭吟

長城戍客秦川發秦川千里看明月金鞍白馬隴
城西隴水潺潺傷馬骨雲中飛將屏藍田往來射
獵南山邊一矢曾驚石沒羽仰觀太白臨天五
將分兵出洮水嫖姚已奪單于壘平生百戰更誰
憐卻使三軍怨桃李

巫山高

巫山巫峽已重重
空中秀出神女峰
東連黃牛西

白帝參差黛色何迢遞
襄王昔上陽雲臺神女嬃
娟安在哉形影夢寐一朝滅
玲瓏宮館沉蒼苔猿
聲斷續高唐路宋王虛傳有詞賦
千秋寂寞望煙
巒空識朝雲往來處

公無渡河

刺船臨河河廣苦無梁披髮一叟提壺漿臨流欲
渡河湯湯其妻止之隨以亡哀聲淒惻不可當河
廣無梁亦無楫與舟鼃鼃崢嶸食人安冒休渡河
溺死河悠悠筦篴千載令人愁

車遙遙行

布田前集 卷一 十四
夜寒霜白鷄喔喔僕夫牽車出茅屋行子登車天
未明家人門外聞車聲車聲漸遠天漸曉谷轉山
迴路繚繞人生作計難自量在遠日多在家少車
遙遙遙遙向千里長江有岸海有涯車輪輾處紅
塵起

寄遠曲

明星歷歷光可摘鯉魚漈漈鮮可食欲烹鯉魚憶
遠人忽得狂夫書一尺開書讀罷淚長流欲報狂
夫未有由雲中一鳥忽高翥下來爲我銜書去

擊筑吟

漸離擊筑燕市中蕭條四顧來悲風逡巡一奏咸陽宮咸陽宮中近至尊虎豹猙獰門九閤筑聲斷續如相迫噫彼矐者子諸侯客

薤露行

薤上露易晞還易滋人無千歲壽意氣何能爲不見當時海島上膝前按劍吐雄辭築成高塚徒巖藥平生孤憤將安施

蒿里行

古樹白楊道塚墓何磊磊白楊無故枝慘澹成蒿里前人已沒續後人後人已沒前人陳東風歲歲石臼前集 卷一 五
吹芳草蒿里千年不復春

飛龍引

軒轅殘蚩尤垂衣尚清玄鑄金貢九牧匪爲求神仙鼎成騎龍凌紫煙衣冠寂寞橋山邊武帝宮中築桂館金莖玉露如流泉緱氏虛畱大人跡蓬萊不見空迤邐鼎湖想像飛龍處仰望青天涕泗漣

精衛謠二首

精衛銜木石飛飛爾不棲朝飛海東暮海西口中流血將誰訴海水茫茫尚如故
精衛銜木石朝飛暮飛折雙翼爾不見夸父逐日

成鄧林思欲填海爾何心鄧林之木有時盡東海東流萬古深

長安有狹斜行

長安二月盛繁華陌上飛花滿狹斜玳瑁梁間雙燕子飛來飛去遶盧家盧家小婦吹玉琯繡戶凝粧長繾綣桃李花飄未忍看此際雙蛾早生怨遊絲宛轉掛雕甍黃鳥關關無限情密密霏煙籠芍藥垂垂結子墮紅櫻紅櫻欲墮風光晚芍藥聊持堪贈遠簷前粉絮漸飄颻鏡裏容華惜婉婉從將錦字織鴛鴦機慙慙更賦盤中詩盤中機上無窮恨石臼前集 卷一 六
讀罷題殘淚轉滋金羈白馬長安市浪作邊庭游狹子十年征戍未曾還一夕愁心去十里

野田黃雀行

野田雀東西飛毛羽非珍脂不肥側有網羅何以施衆雛啁啾爾何之雛安在蓬蒿下鷹鷂雖甚武意在鴻鵠不在汝

戰城南

戰城南救城北城南血流川城北積尸多腐肉烏鳶啄人肉飛起何連連徘徊不肯食銜之倒掛高樹顛城中六親不相憐無人出收骸歸葬城南邊

君不見秦家金人臨洮前漢家烽火通甘泉士卒
白骨蔽草莽黃沙大漠四顧空茫然 以鳴鏑
起塞下始與中國論控弦河西酒泉更征戍玉門
無歲無風煙戰城南城南水嗚咽征人相枕死憤
怨何絲雪水中之聲萬古終不絕

猛虎行

日出獨上太行阪日入獨歌猛虎詞丈夫流浪不
得志須臾鬣髮變如絲中原豺虎恣啖食白日黯
慘晝無色始聞漢上啞諸姬復報伊川波血赤洛
陽自古擅名區方漢絲來雄楚都一朝城門忽夜

石臼前集

卷一

二

啟帝子王孫泣路衢前年天子命元戎詔書受鉞
平臺中丞相南征多禁旅諸侯西面皆趨風古人
飛一箭往往能成功今人仗鉞起百萬猶爲空古
人論士及屠狗今人論士如矇矓小儒章句登要
津司馬長卿犢鼻走長卿凌雲豈豎儒楊雄羽獵
爲誇 兩人皆是青雲士棄擲還爲一賤夫貧賤
羞言天下事抗談楊馬人所忌世俗令人顧避多
宛轉俛眉時涕泗避地南奔東海去故人康樂遙
相佇已喜新營在石門復忻容裔登江嶼徘徊江
嶼俯江亭古木含烟萬古青不須更寄臨海作卻

欲天台採茯苓

長相思

長相思在沅湘九疑聯綿鬱蒼蒼水上芙蓉零落
盡無因長戲雙鴛鴦誰信人生非草木榮枯寧保
無翻復古來離別瀟湘間斑斑淚灑臨江竹雲中
孤鴈已徘徊朱絲一彈鳴鷄哀與君昔別菖蒲浦
船不逢牽錦纜回

白紵歌六首

吳刀翦素爲舞衣垂羅飄飄雪霏霏皎若白鵲流
光輝清歌一曲梁塵飛哀音變調聲轉微聲轉微

石臼前集

卷一

六

心轉密愛君奉君歡未畢

西江月薄烟濛濛館娃夜寒霜落空清聲激楚吹
回風蛾眉宛轉情若通卮酒獻君面發紅願君壽
命無終窮

東隣之子妖且妍北方佳人絕可憐吳歌子夜爲
君發華裾歷亂舞翩翩玳筵玉饌羅豐珍絲桐合
奏娛嘉賓與君千歲同斯辰

吟綠水歌白紵館娃美人苧蘿女絕世獨立更無
侶迴眸斂盼奉君醕九月木落寒蟄多博山熱火
薰綺羅娛君清夜夜如何

雙星爛熳月在宇聽歌吳歌觀楚舞堂上坎坎更
擊鼓持觴御醴併進脯請君安坐盈君卮上客犢
車勿駕之人生歡樂果在茲東方漸高安足辭
青陽桃李朝日薰瑤箏寶瑟彈氤氲巧笑含顰併
在君含悽流歎君獨聞聖世方昌樂未闌當筵顧
笑何爲難踟躇結願雙飛鸞

折楊柳二首

東風臨大道垂楊裊碧絲高枝拂綺戶低葉掃金
羈美人出素手折贈長相思誰將白玉管吹向隴
頭兒

石臼前集

卷一

十九

垂楊千萬樹朝日映河梁夢結空閨暖愁隨出塞
長紫烟迷燕子落絮引花光不惜春風晚其如蕙
草芳

隴頭

秦雲起絕塞交河路漸迷征客聞笳吹迢迢過隴
西度磧無青草宣威斬白題隴頭梅似雪幾得報
春閨

隴頭水

潺湲隴頭水策馬事孤征嗚咽千重怨流離四下
聲磨刀冰雪苦拂劍塞雲橫鸚鵡能言語傷人萬

里情

銅雀臺

魏國山河在雄圖勢已休漳河遙入海大陸莽生
秋井幹空遺恨君恩不可留誰憐歌舞罷松柏晚
飈飈

芳樹

曉闌遊絲嬾嚨嚨日影生春風隔夜轉芳樹一朝
榮嫩葉光溥露朱華耀綺甍遲遲聞曉院已見度
流鶯

邯鄲才人嫁爲廝養卒婦

石臼前集

卷一

六

生小叢臺下玉質光離離盈盈挾寶瑟十五揚蛾
眉一朝去丹闕顧影獨嗟咨憶昔珠宮寵綢繆空
爾爲

班婕妤怨

秋風吹廣殿妾怨在叢蘭碧葉霜華落芳莖露氣
殘螢飛宮樹晚漏滴井梧寒詎分瑤塔月惟將扇
影圓

巫山高二首

巫山上巫峽列岫最巖堯明月連江迥青楓帶雨
飄楚雲秋正淡神女暮何嬌獨有陽臺客偏知氣

沈寥

巫嶺與天齊回看萬壑低江迴明月峽雲隱綠蘿
溪谷鳥沙邊去已猿樹上嘯因思天畔雨能令楚
王迷

關山月二首

漢月焉支下黃雲青海頭忽驚沙塞客遙憶故園
樓影逐關榆冷弦生陣秋閨中一長望玉筋已
頻流

明月出長城驚蟄事遠征金波流塞影玉帳卻

兵破鏡看如故寒衣搗未成清輝幾何極一動橐

石臼前集

卷一

砧情

王昭君二首

蛾眉本絕世遠向沙塵道玉塞豈辭勞黃金苦不
早長作漢宮人紅顏亦終老青塚獨傷魂歲歲生
春草

漢宮回望絕青海路逶迤一曲琵琶語千秋羅綺
悲逝將黃鵠侶沒向紫臺陲怨結天月悠悠無
盡時

洛陽道

四塞開姬曆三川阻漢封青槐迷玉勒紫陌度金

鑄御苑交溼澗王風起辟雍自非重驛貢白雉豈
能逢

臨高臺

千里望不極高臺高以軒行子苦道遠別曲悲絃
繁黃鵠起東海一舉離哉翻袖中有短札爲予西
北騫

梅花落

一樹倚簾櫳開簾雪滿空柯殘餘繡色花落已春
風忽憶庭前發遙將隴上同誰憐征戍客歸夢錦
屏中

石臼前集

卷一

五

鳳簫曲

羸女與簫史相攜遊太清翩翩瑤臺侶歲歲鳳凰
鳴簫聲傳解谷仙曲墮咸京影滅不可見彩雲空
復情

雞鳴曲

雞初號夜寒風寂聲膠膠寒帷沉沉四壁暗乍聽
不知方夜半再號牕色正沉沉夜未向闌夜已深
枕上三號聽欲懶身中萬事心中滿亂鳴角角心
更焦東方曙色無纖毫人生本怨飛光促反恨飛
光不得速

石臼前集卷一

石臼前集卷二

石湖邢 昉孟貞父著

商丘宋 至山言父校

後學 同里王 孚顯若父

五言古詩

遊宗遠明瑟園登池上閣

春水浮亂柳野色明郊扉榜舟適至門落花正霏
霏雨後罕人跡泉石皆芳菲因登池上閣四顧延
清暉君辭公府辟了知世事非荷葉始覆水釣竿
已在磯曉歷天邊鳥徘徊故退飛

石臼前集

卷二

一

張友鴻齋中牡丹

青陽忽已晏翠幙紛朝光繁華飲薄露旭日何煌
煌東風轉綺靡顧盼流華觴裴徊御寶瑟湛樂充
君堂心賞苟如此幽谷詎相當永謝巖中士寂寂
沉孤芳

張友鴻新墅晏集

遊絲冒碧樹落日猶飄颻微風入軒檻竹色寒相
向虛堂映晚花高閣通遠嶂玲瓏畫棟開曼出層
簷上履危駭奇構散屣喜弘初夜涼耿華燭佳辰
積惆悵縱橫星漢間清光仍瀟漾人生遭世故離

合如俛仰明日此別君雲山屢回望

病中遣懷

羈遊循海筵對影少所懽心魂已惻惻抱病更長
歎苔色滋虛院雲光生晚寒踟躇迫行役起視春
風殘本無金石姿何以罹斯患人生千里客慷慨
涕汎瀾五禽徒汗漫二鳥何辛酸顧我非威鳳莫
得餐瑯玕

舟過鳳凰山將至橫雲山作

首夏氣清淑輕舟漾前汀物態漸幽拙岸色何青
青白雲生淺渚微風催揚柳葦葉草間花紫色來

石臼前集

卷二

十

芳馨仰見鳳凰山蒼翠紛瓏玲隱映蔽叢蒼蕭穆
虛巖扁橫雲迷窈窕結宇猶娉婷沿洄覲佳賞石
壁映泓渟吳山接溟嶠永懷遵弱齡尋幽距咫尺
地迥棲神靈崆峒雖嵯峨執謂楹與庭

遊橫雲山李氏園亭

鑿山費斧斤架閣費尺度雖有彫琢勞已極空濛
趣蒼蒼石壁開溶溶碧流聚水色乃孤清山根緬
回互孰知泉源深悠然此中度婀娜朱花繁差池
紫燕去物情易綢繆茲遊遂成故平生山海心所
至屬雲樹豈不愛巖扉俛仰反踟顧相思雲壑流

遠寄西飛羽羈遊安可久返我東臯步

登天馬山絕頂三首

紆路行山阿舍揖趣遙巖陟險三四盤雲鬱鬱邈
緬九峰若在掌一一皆可辨物態漸以繁新休各
舒卷振衣歷危磴盤石忻屢踐乍休殊未厭莓苔
不暇選攀躋方自茲中情亦已展

翠微接雲氣孤塔標雲根仰觀猶突兀始失中峰
尊亦有老子宮寂寞清淨源夙駕此山麓道經平
原村斯人雖千載江海存丘樊何況盼睽間芳草
盈衡門獨鶴下煙際清音哀心魂

八日南集

卷二

三

海上多靈峰茲丘亦其亞林嶺互出沒溟色涵變
化絕頂豈不峻飛鳥已在下緬思千將鑄歎息夫
差霸東望范蠡湖瀰瀰向雲瀉古人何雄哉揮淚
想逸駕來者有同心深期勿相訝

四月八日韜光菴禮諸祖像作

朝雨濯溪樹層煙破空林招提忽開霽始踏新桐
陰堂上發孤磬庭際聞鳴禽忘言如有覺一省了
未深雖與緇錫近猶恃平生心歸路反自誦予情
將永沉

豫章周默爾來雲間賦贈

君出潯陽郭逶迤九江水孤舟行一月鷓鴣鳴子
里征途緬浩浩鼓楫未云已沉疴厭于役服食委
行李間關到東海笑樂良自此回望洪崖山遠在
白雲裏行子誦式微赤羽遲江汜邂逅亦何難君
當歸思彌

過汪希伯齋中

出郊始曠望夏木紛龍從數峰各青翠遙遙見林
中鬱紆踐平野遂得樵牧路開戶見清沼臨流映
嘉樹君廬雖不遠魚鳥各有方日夕來者誰顧惟
牛與羊涼風入牕牖新笋漸成竹時把一卷書遠

八日南集

卷二

四

睇平川淙山東半豺虎啖食猶紛紛有詔搜草澤
爲君憂虎文

問宗遠病

十日淹風雨濕雲覆城闕弦朔遂已沉仰見三五
月美人林中賞朱絲動林樾臥疾每消肌觀書恒
散髮既愛神農經亦種首陽蕨悠然想清境棹舟
遲明發願與餐霞人石上洗心骨

雜感十四首

西北古仇池披圖盡隴石其上排千峰其下通小
酉甘泉白如乳瀟然九十九皆云酌此泉顏色勝

瓊玖龍蛇昔鬪爭靈境棄莫取吁嗟彼氏王虎視
亦何有神魚竟不出安希子歲壽

海上有巨魚昂藏數百尺跋浪從東來萬魚皆辟
易長鬣時宛轉失水陷鹵瀉千夫挾斧戕俄頃登
其脊腹有所吞舟人骨猶狼藉想像蓬萊山宮闕
瓊瑤飾舟楫竟見阻真仙永難卽英風邈千載疆
弩無人射空今就菹醢愚者徒嘖嘖其肉雖云美
長歎安能食

舜製十二章文采何炳煥季世慕貂蟬遂使狗尾
亂采章旣明貴達者存憂患奈何屠沽兒服之恣
驕慢伊昔老萊子緝毳蔽程祿終歲不言寒顏色
美且粲吁嗟志士懷豈置冰與炭

陶陶孟夏月草木日以繁桑椹始滿地綠葉蔽炎
曦日見提筐人采掇心憂煩蠶眠雖恐飢踰踯不
能言人生各有繫惻惻窮朝昏所思在親愛中情
況可讓敝廬俯川澤桑柘臨清源努力事耕稼亦
足充饔飧顧盼雲霞光日夕盈衡門衡門倘可悅
何必辭故園

朝登海上樓北望泰山阿邊塵連殺氣日夜高嵯
峨牧馬過汶水吹角臨黃河臨淄百萬戶流血成

洪波一國忌三公秉戎其奈何請觀聊城下一矢
寧在多功成去東海此義誰能磨客欲獻此言淚
下先滂沱

邊塵起東北殺戮如蜩蟬子金求戰士百萬糜戎
行武功雖不競兜鍪氣已張彎弧集統緒擊劍登
華堂却見要路人結交多跳梁我無言雲契安得
俱翱翔

嚴徐昔隱曜四顧無人盼閣下數行書引使京召
見九重賜冠舄光輝未央殿公等安在哉一語則
深眷當時平津貴未覺諸人賤奈何僕公卿高爵

惟自炫草澤一蒙恩舉朝顏色變入宮理見如蜚
語若流電貝錦雖已成容華尚可羨以此感人心
蛾眉恥相薦君寵幸未衰慎勿題統扇

太白謫僊者五嶽蟠心胸乃云萬古宅當在玉女
峰嵩陽終已矣采石有遺封玉骨竟誰在彩雲空
重重我廬距咫尺臨江種芙蓉英風一彷彿曷不
長相從

叢叢北山菜剪伐安此生道存絲戰勝志弱憂無
成倬彼桑八百國相乃所營何有蓬門下翠織波
間鯨拙哉主父偃橫欲五鼎烹斯願良已畢千秋

乖今名

掛席適東海去去何當還本以嬰世網豈謂遊名
山海月照城郭清光吐波瀾坐今遠行客三歲凋
華顏丈夫心有託汗漫誰能攀三歎起揮淚獨恐
沉茅管

少年喜跳浪氣盛方嶢嶢結交二三子肝膽以相
傾天門峻巍巍許我振華纓一朝歷世變千態殊
衰榮中歲始折節頗觀聖哲情汲微知衆淺獵遠
使心瑩薄俗厭枯槁矻矻良所輕陽鳥驅短轡桃
李凋芳馨荏苒歲月晚惻惻寒蟬鳴繁華衆不保

徒能棄君平

衆禽聒天曙衆草經雨繁豈不憎且惡其若盈我
軒蔚蔚庭前蘭榮落朝與昏翠羽籠中禽塞默竟
無言物珍不易蓄况乃守籬藩雖爲耳目玩生理
無一存天命有厚薄反覆安可論悠悠坐觀此太
息傷心魂

惡木非無枝息羽羞珍禽喧喧彼何鳥云是鵩鷃
音濁水非無源流潦何淫淫陽鱉時宛轉未測神
魚心遭美易成喜讐惡尚虞嗔凜凜中所懷莫以
告時人夸齊叩馬諫四海稱頑民胡爲兀不語鬱

鬱長苦辛

戚戚復戚戚坐嗟行歎息薄憂易中人一日千反
覆况有夙所悲中宵淚流席我心常若此我髮安
能黑本意委朝露迺復勸加食孰云軀命微已覺
同金石緬彼安期子齟齬干世策去之海上山瀟
灑瓊宮關中有不死藥欲采何繇得惟冀息心慮
庶以保顏色

同龔當時楊長民湖亭納涼小飲

淼瀾川路迥浦淑接天空木末鷗行過雲邊鳥去
通人間隨釣往舟繫採蓮同仙蹟諸峰外招提一
磬中沿江奔片鷁別澗下孤虹結撰思前代磨鐫
見數公臨觴顧我友倚檻嘯林叢颯颯涼風至安
知雌與雄

廣福寺晚望

蘭若緬一溪青松蔽廣澤石橋溟可渡練湖了不
隔水光動已帶蒼綠間衆色我鄉亦如此鳬鷺慮
相識望望一舟遠烟中渺何適

廣福寺西閣觀慈山大師遺蹟

梵宮峙高閣清曉來攀躋青林敞霽色白雲互東
西伊昔慈山師未踐廬峰梯性不厭文字瀾翻出

天倪一義了自覺數帙垂金篋遺音久寂寞名與古人齊

再過陳少陽先生祠下三首

先生古烈士名與逢干亞逢干尚纓綬先生乃上舍危言方出口錮鑊已相借門前一流水潺湲連日夜佇立揮我涕滔滔亦東瀉

有宋不殺士斯誼忽以寒詔書何煌煌悔過空辛酸鑄金像汪黃支體亦已殘往者豈足惜來者聊足觀二相歿千載磨滅何其難

荒祠古城隅棟棟久離披白日騰拱鼠榛莽羅丹

堦後裔三四人耕植祠下基呼之欲與言衣陋形容羸昔賢光日月豈顧後人爲千秋萬歲名憫嘿令人悲

廣福精舍臥疾寄汪爾康

三江至京口一歲江上客始歷江之永掛席隨賈舶繫舟菱荷岸還思楊柳陌昔與君會日亦知有此別懷中所欲言向君無一結出門見他人仍復卷我舌展轉有別離此意何斷絕羸疾過炎暑精廬間水石午樹聆鳴蟬夕雲暎歸翼我有千頃湖四時明鏡色何日茅簷下投竿笑相揖

廣福寺中元看懺度作

二氣密以遷炎威換清颺梧桐識秋序幾日商風吹盥漱謁金像磬聲亦何悲濟渡揖微顯世跡安可嗟種祭盡蒸民無復高與下感物悽鳴蟬享祀及醫馬羈旅失俎豆苦語不能寫此時望遠歸寧獨生存者踟躇守梵輪哀淚一傾瀉

八月十三日韓元長泛舟載酒同魏臞人夏威如至筠山候月十韻

白露一川迥青楓八月凋沂洄開夕嶂容裔逐寒潮岸遠雲俱沒波平浦獨遙懸崖多在水幽嶼更停橈載酒上危石採菱過小舫磯因垂釣古山似落星搖荷葉彌娟靚萼花轉寂寥江湖長浩蕩歲月更飄飄終作湖中叟鷗羣狎暮朝

十四再同元長臞人泛舟出藕絲堰抵武山小憩復至筠山候月十二韻

佳辰還汎汎涼月故悠悠桂樹岩間秀蒹葭浦上秋榜人穿曲澗漁子散輕舟一過藕絲堰逡巡蘆荻洲磯因垂釣古山似落星浮白石橫孤壘青林鬱小丘連波侵漢遠微浪沒蟾幽繫艇從分飲沿洄省勸酬影將隨兔滿淚擬逐珠流已覺嫦娥寡

深知錦子愁江湖原浩蕩歲晚足夸猶當作湖中
雙朝朝別去鷗

寄弗如虎丘讀書處

卓犖踐山水見子肺與腸山情具水石爲子薪與
糧雪舟共子泛步步踏寒光開胸寫數篇濺落冰
與霜其卷曰雪嘯氣骨瘦而蒼子未覩斯帙遊情
尚荒荒今春春水生湖邊柳絲黃子意無躑躅琴
書載一航臥想生公石新月浩茫茫清幽雜絃管
夜夜照衣裳不作暫遊人此樂方未央尚疑山水
事未止吁樂康東城有徐子落筆追詩亡朱翁髯

石日前集

卷二

十一

作名寫竹邁篋管陳子妙真行翩如鴻鵠翔矯矯
此數子續紛羅一鄉屈身事前輩禮數宜踴躍勿
遽請其畫咨嗟筆墨良勿遽乞其字瑣瑣測圓方
勿遽休其詩隨聲風雅傍斯事淺復淺冒祭多未
嘗不見廣清人懷之走四方

印度在禪河菴與子寺舍相距五里紀事二

首

結伴先結懶買山先買寺東西不可料五六年間
事朝旭開達光松筠一步地與君隔一河誰是王
居士菴以河爲名宛有伊人意就邊衣帶水澹澹

涵一簣比我牀前綠清幽乃不啻磬聲浮水上此
境安能覲

古樹三四圍清陰剛覆屋晴雨相代間蒨菁壓羣
木我友與我鄰幽然隔蒼綠登陟頗無阻往還遲
當熟杳杳數旬內至今虛一宿當密意反疎以此
成幽躅盼君笋出土淪之飽我腹斯時欲往情較
深于看竹

舟滯

中歲無卓識行役不自休炎暑爭利涉蕭灑漸汀
洲遠見溪雲橫傍愛林木稠黃綠映其下颯然如
石日前集 卷二 十一
驚秋水天忽渺渺風濤乃淹留迴篙入幽嶼暑氣
仍在舟舟楫有深意不取三伏遊波間暝未息濯
纓安可謀

僕病

嗟哉病呻吟枯槁寓牀席森森一委駱遙見已不
識汝年尚未艾胡以遭斯厄醫劣昧病源損傷藥
所積詎無達者醫欲致非汝力不恨汝力綿愧我
空躅躅朴心堪仗委意匪在力役平生爲健夫何
忍見其瘠龜勉扣遽者就枕察顏色何以報汝勤
刀圭有微益

晚熱

秋熱非無故不雨成久燠火雲晚崔嵬氣已凌朝
旭水鄉多岸柳晚風未搖綠我廬在其間非復蔭
喬木憚羸不自保逆恐炎威觸露下草際涼星辰
始肅肅蟬一再鳴時夜景永相屬

瘞僕

委化無貴賤昧機去來一死生亦大矣反不爲汝
怵良由生趣惡足使貪情絀樗櫟不能堅故衣裳
肘膝相送亦草草負汝在倉卒俄聞續息定已見
祖行畢無復素旗飄亦覺魂靈泊崎嶇上丘隴荒
墳稍舊萃舊鬼延新人茫茫奔落日維歲在己巳
六月晦之吉掩骨于斯辰秋風浩蕭瑟

雨中簡史校遊

去冬九日中無三四雨隨風飄一冷兩頭蓋可
數到今清明前天時忽齟齬驟令綿去衣盡見潮
生礎一雨三日夜濁流溢湖浦俄聞早麥壞驚起
詢此語眷言我石友屢空塵生釜幸有麥瀕秋芄
芄連數畝慙慙爲訴天賚此喉間忝明日洗我腸
慎勿煩煎苦問爾籬邊笋何時當躍土此願如不
乖擇龍堪一煮

冗士行

人海何蒼茫孑然飄一葉其形雖至微無地得安
插目覩衆所營事事靡關涉衆營豈不勞夜夢栩栩
蝶惟有冗士身至曉不交睫旅行廣陌二十步
九凌躡畏人逢識面開閤煩一筇偶過同盟友歡
然以相接坐席方未溫反走履已躡此中寡我分
遙邁離城堞行當採茯苓終不賣錡鍤人生何位
置四十無定業

旅空

曾聞蟲百足至死猶不殭吾獨愧此蟲在生已傍
徨況乎作旅人誰復詢遊裝疣居賴密友灌灌語
一林亦值友之置安不謀爾糧蚤起夙戒僕致書
我同鄉朝出方忍饑夕歸汗如霧陶公昔乞食辭
拙神內傷自矢以冥報讀之斷人腸我既同其乞
神氣安得王愧僕走碌碌夜宿還空囊

由二茅峰至三茅絕頂復至玉宸觀作

下山必至趾上山必至頂惜幽不惜力盤石自爲
嶺微微雲觸石有若烟生鼎坐久見衆山各有茲
山影崎嶇歷幽磴牽衣栗蓬梗山行雖已疲未憚
玉宸迴玉宸有顏碑書法藏骨鯁欲令眼光洗已

信屐齒猛寧可置乾元汲汲顧餘景入門聞木樨
眼耳鼻俱醒

積金東澗訪陶貞白所居遺蹟 并序

積金峰有玉皇閣閣下有國朝人碑言大
茅峰之後二茅峰之前一坳中亂石叢立
如積金然故名余讀而疑之怪其說之近
于猥淺按南史陶隱居傳云天監四年移
居積金東澗積金之名其來已遠當不以
亂石叢立之故爾傳又云獨愛松風每聞
其響忻然而樂尋此數語移居之意觸目

石臼前集

卷二

七

可想乃作一詩以告遊人當盤薄于東澗
不當滅裂於積金也

穹然塊壤爾胡以巢仙真其名曰積金此語頗未
馴龕間一碑版摩娑讀數巡曰稱積金者象彼石
嶙峋吁嗟同嬰孩淺見不足陳其地爲東澗水石
如魚鱗築此忻澗水松風拂良辰泉聲及松聲一
音相紛綸皆爲東澗有所以置此身卜宅苟無意
曷名爲異人

雷池

靈山值靈泉泉意浮靈表淡然十步潭石壁蓄幽

竊誰云雷火劈或是巨靈沼遽取啜一甌爽氣如
天曉其下一方池尺幅狹而小經時廢不汲翁翳
迹如掃物不用斯曉色味何由好

履穿

一半踏市塵一半踏山泉如何雙草履適向山中
穿幽險隔溪嶺心力追雲煙於此坐太息具後情
或先付之左右人補綻今完堅明當穿樵徑山腹
如蛇蜒五日穿一履十日窮一巔遊嶽將至五用
履當及千晚尋朱士處纖履終天年

湖田看劉稻坐舟中 十一月十四日

石臼前集

卷二

七

一湖居曉上一月能幾遇水烟生肘臂遭值亦有
數湖田今年熟垂穗情所暮腰鎌看農人靜得一
舟趨水物晚方秀楊柳已非故居人隔衣帶漁釣
同一務嘈嘈鳬鴨來冥冥舴艋聚此中抱膝者卽
是古漁父

寺中送彥仍歸湖南

前月屢寄札喚汝共羈旅僧堂夜不扃月出如閒
墅此中三夏臘展書偕飽饑摘葉已充楮拾薪復
供炊氣微獨隱几吟苦肩爲聳汝停誦讀聲愛我
思泉湧寒苦兩憑仗冀得長相從謀食乖斯願劃

然成異蹤當時憐子孱寧復計子蹇豈知今別離
此意猶爲淺子無世間相葺宇當山均種竹大於
臂架椽成我巢

酬印度壽母六十詩二首

我母三十孀今忽至六十問母何以致食荼當食
粒何況三十前患難遭維繫先子躬獨行大孝如
參伋想其泉下心大義今猶立母也至白髮此意
相呼吸不幸生子孱四十猶戴笠胡以爲母娛亦
且慚父笈悠悠寒泉心但如秋蟲蟄我友躬風雅
子職森然執蠶湧說母慈肝腸具墨汁卻於贈我
石曰前集 卷二

間悲響一時集聆茲金石聲轉使萊衣濕金石動
連如非爲小兒泣
子上湖間舫新柳轉黃綠此物表春風不憂寒雨
續寄子以八行高言丐尺幅曰爲母也壽但抒子
胸腹憶昔早失怙俱向昊天哭子猶及弱冠我髮
未覆額靜言想母賢豈惟在冰玉兩母及兩子幸
不異涼燠欽哉立言人非子安所屬書法雖小技
所貴無拘束詩成自寫之慎勿倩僕役投我不敢
褻揖入衣冠肅煥然出篋笥片紙凌綃縠亦知平
生言不在裝巨軸

酬病

久晴春亦厭風日轉爲累微雨忽沾灑鶯花添嫵
媚胡爲病厄厄但見花滿地旁坐問疾人對之憂
憔悴憔悴非我憂悲我有身事堂堂此睂眼蹙蹙
爲口計安有寄食人可以長齎睡良病不妄投靜
者知緣契問我胡暫閒閒爲病所饋我則非閒人
荷此珍重意吁嗟汲汲身健啖亦云愧再拜謝豎
子勞君一相戲

三月初七日舟中看黃山

此山豈不佳風日苦其霽維舟隔一浦漠漠舒遠
石曰前集 卷二
睇遊人如亂絲翻作目中翳奔走失駘蕩詎足爲
點綴使人對山水不敢言奇麗歎息生公臺歌舞
久淫滯花雨不復譚古事日淪逝今人不愛古此
亦其一例凌歊雖邈矣尚可尋荒翳

雨憂

前日梅子熟狂風吹埃塵耕田牛力憊土燥憂農
人崎嶇日短至靈雨叨天仁栽插雖後時高下無
弗勻吁嗟隔朝暮霖潦盈一旬苗栽限歟彌生意
何由新昨有湖田信已共陽侯隣人力冀可挽拮
樸事紛紜此語最聒人抑恐遂爲真力窘事事阻

非敢憚其勤夜見燈花喜早聞鳴鳩嘖嘖喜非一端一一疲我神幸而暑氣薄几席恬宵晨天時亦不惡逼迫由我貧延頸盼秋熟垂穗光如雲數畝藉人手子粒儻見分腰鎌行且動雞黍須一陳邀客坐湖湄臨流煩遊鱗

讀昌黎感二鳥賦

退之賦二鳥盛年二十九出關抱孤影失志事奔走感彼羽毛異光輝照路右行者皆呵避似逢腰下綬借問何爲爾幸值聖明后士苟不遇時文采翻爲垢戶說理既難速累轉疵詬傷哉感此言蓬蒿宜獨守知己不敢問爲恐遭斯咎况我踰疆仕日啖庾郎韭飽食良不數薦書出何手誰云歲華在斯類終無負聲名龜背毛甘作湖上叟

八月初三夜雨

入秋踰二旬不見涼風吹赫曦但如故秋氣胡以爲今日纔一雨乍寒令人疑新涼有好景如何反失之誰能當此際澹然無懷思蕭條命燈燭壁間照鬚眉此物竟何負隨人見鄙夸哀蛩獨不息切切盈堦輝

雨止有懷印度在湖南

貧友不易聚貧別蟲栖蓼只如社前燕故巢不自保東西各飛去敢道何方好把鏡鑷鬢絲我衰子已老秋氣入林木落葉竟堪掃雨餘共新月未厭湖光擾別久貯佳思不在相見早

荅彥仍山行見寄

因不見子久尋子五月書披篋出手牘五言一以俱田家喜新雨言笑在菑畬自訝耕讀并野人愧未如還復哂野人怍怍態有餘此意最深妙片片猴間杼子今方誦讀安可辭其勛老作古農父種豈常荷鋤

石臼前集

卷二

二十

弗如近欲卜居京師將至彼先營其地以書見白贈之

子非丘樊人我昔愛神駿豈有棧檻間可羈千里迅京師名雋窟亦曰桑梓近得交天下士於此起今問子之卜居情何獨今相信其以我爲鑑閉戶失廉藺予計亦已篤終如牛脫鞵幼無耕鑿志老豈爲田畯山川累我足當作路傍瑾

除草

草蔓胡不凋茸茸見秋色露氣其如何涼信猶疑隔生滿門前路累月罕履迹使我避庸人不待常

掩宅今之痛消除自取予情適非爲慕儔侶草草
以延客指顧命牆隅此間畱咫尺百蟲之所托夜
久聞促織

蔬圃

開圃種嘉蔬幾日過芳菲插援殖衆草人力亦匪
稀觀乎今淡薄早知所得微寒露未曾滋結實已
不肥綠葉多濫竽白花空光輝恐不及秋雨將隨
落葉歸明歲墾我地種葵成一園飽餐及仲夏非
復長忍饑

八月十二夜遙同印度看月

石臼前集

卷二

素月亦須輝大輝損幽襟素士亦須別久別志氣
沉迢遙一片光上下兩湖潄皎皎無邊幅應與我
輩深中宵萬籟息傳之金玉音流影逐我形流音
驚我心我有甕間釀愧不共子斟子有杯中瀝語
笑無嗟噉語笑安可久樂事非其任秋氣所觸物
無有不蕭森胸中各如此焉不常相尋

中秋後始晤汝鴻贈之二首

我廬常厭客曾未止剝啄君履常厭地亦豈盡落
落耿介安可恃何人共斟酌三百日荏苒數千里
磅礴若冒作遊人已當了一嶽相別猶徘徊相見

反蕭索睽離在一鄉兩手不堪握

各居不異務有處息其躬森森百至湖逢秋皎如
空小艇浮落葉便與堂堦通但能置釜甑亦可宿
其中此境既所借足以洗我窮秋風豈足苦相望
葦花東

夜試秋茶作

幾夜失秋月於今魄未消不然環堵靜何以一光
搖有邑難言白諸香詎忍飄性真通海嶽意似近
漁樵此際非無對所思如見招看殘波上夕驚起
雪邊朝涕矣方成露藏諸不厭敲何心關穀雨一

石臼前集

卷二

冷卻名翼

離家三日後聞黃序伯至悵然寄此

孤尚已知之遊棲兩汲汲大哉賦比興爾自何方
入出入凡幾載縱橫成斯癖曰已具典型子年不
二十清境觸危思異情甘創獲人所共知子以
爲娛適前日月照扉宜有子行迹如此中秋月子
手何人執自我出門後一雨庭前濕翩然屐齒來
虛白相隨立

湖田劉稻次庚午八月二十四日韻

爲士想知已知已不可遇爲農想年豐年豐不可

數兩者既皆虛於世復何慕天寒刺已遲水落更相趣捨舟循岸行雲木但如故農者三時事我之一日務稼薄不償勞田家盡室聚少壯宜其勤饁彼慚老父

再次前韻

杪秋露猶晞屢霽忻此遇峰巒開遠山溪中見無數家穡非我勸此境宜可慕慕者亦何寡率情成微趨舍原不如人已可思其故此法足以致終莫善所務唯唯雁盡南諒爲稻梁聚遊鱗何澹澹永契濠間父

石臼前集

卷二

三

族伯母劉孺人七十詩

商卿兄母

儒仲藐王侯抗言表貞潔忽遭令孤子氣塞臥一室何有高士懷過情仍自失偉哉長沙母引髮爲子截結友必公卿惟恐名湮滅何有閨闈間好爵中偏熱今人較古人予曰古猶劣令母寡鷺情此意非其屑浮華滿一鄉不使諸孤溺機杆及釜庾教之以堅實母儀允在茲可回衰薄輟以此想栢舟古人之一節如母七十前事事皆冰蘗予能頌其母苦言肝欲裂予忝孔懷人讀之涕泗溢再拜獻此辭還自傷孤孽慚爲母也壽不具清風質

答印度病中見懷之什

子病又逢秋秋其爲子患於此始言懷得非病有間伏枕思少壯俯仰事漫漶胡爲謀不早諸艱迫歲晏吁嗟昧士言往者不可諫夙昔安可非此語同笑訕則知中不平引咎語悲惋達人懷抱間今昨無冰炭

夜宿石門

越山青至天越水綠如玉霽霞盈一溪落日絢幽谷緬懷古昔人結綬膺良牧沉涵山水遊放浪石門宿顏色不可見思踏嶺上躅風榛寂遠聽礧戶

石臼前集

卷二

三

引高矚一宿詎能忘歷覽亦已足霏霏巖下泉飲啜共野鹿

離京口留別龍友職方

雙鵝幾日飛殺氣彌中原十載把予手綢繆朝與昏雖闕維世務眷然中所存片詞抒季布大業倚劉琨仗策辭江徼蕭條返故園豈爲牛渚詠祇共漁樵言麋鹿還本性惟思草本繁仰觀平陂運反覆敢深論多壘通江左西郊角正喧離情視流水遊子停車轅慙慙一書札相望寄蘭蓀

與蔣泰占壁生話舊因贈

繫昔白雲嶺相攜日日遊君家在何許住傍城南
樓睥睨倚絕巖碧澗門前流樵蘇暮入城月出雞
犬收街衢類村巷溪水風颺颺別來三四載夢寐
思其幽我鄉迫離亂兵革何時休想像武林口合
有漁人舟誓願從茲去數畝事田疇歲晏畢井稅
衣食無外求永與君兄弟白首共綢繆

再適永嘉寄所知

吳蠶始食葉桑野綠漸舒出門去東國行路將何
如迅流振孤棹徒御猶踟躕柳絲暗芳渚花氣飄
里閭故人悵遠適折柳贈盈把君行至甌浦緇衣
及初夏念此已蹉跎懷辛淚如瀉時時感北風悲
鳴學代馬幾日出吳關回望銅官山黃鸝千里道
夢寐長相攀

別家

少不務稼穡與世苦枵鑿年長無故業好文成拓
落三載適越郊春風長靡靡江流搖碧絲山株亂
紅萼荏苒東南征淥水鑒城郭別家歎方起撫稚
情彌弱名嶠夙所尚田園安可薄海上當寄書坐
待西風鶚

泛舟朱涇三首

薄泛尋廣漵臨流動還眷白雲在山麓前林敞郊
甸獨鳥溪中飛數帆林外見綠楊幸未衰芳蘋猶
可薦天末起懷思道阻失歡晏夕烟復霏霏佇立
空相盼

日映川梁迴輕舟邁前路漠漠雲林間離離夕陽
樹海甸方飄搖江臯緬回互木末芙蓉花天寒有
零露

我行適海邦掛席隨所向沿洄枉渚長利涉歸臚
漾朝霞明一溪夕景煥千狀葭莢搖洲中辟荔寒
木上踟躕澧浦遊彷彿潯陽望鷺翮拂迴颺漁
石曰前集 卷二
破微浪桔槔肆農作桂檝展旅况憫此勞人歌復
聽採蓮唱臨潭忽阻深中流正滴蕩夜潮迫歸心
引領一惆悵

晚繇九曲池抵葑山作

溪水遠淙淙行見數峰綠逶迤龍池流去遠葑山
足夕景下遙嶽谿雲轉深谷迤西距龍首日聽寒
濤沃綺麗川上霞飛飛兩屬玉山風倏淒厲淹留
更相勗洞庭嘉可遊慎勿忘此曲

遊石公山歷觀諸洞壑因臨石琴小飲賦詩

落日亦何綺孤霞蕩秋清冷冷石琴上爛熳吹華

笙石瀨觸微響石琴乃空鳴客從海上來島嶼波
濤驚沈寥雲木態蕭瑟朱絲情遠睇水上鳬路坐
波間鯨命酒發遙思一樽聊相傾

遊虎跑泉慧定寺

泊舟更登嶺江岸花始飛已覺一泉出得知幽逕
微磬聲搖巖嶠水色徧芳菲黃屋炳宗要金襴時
賜衣真風大師往呵守羣靈威不見空潭上神龍
向夜歸寺有洪武中賜
慧濟大師金襴

冒雪過吉人社集因次其雪中望竹溪友人

十二韻

石臼前集

卷二

七

昨夜雪將尺虛白盈一堂俄驚故人使馬嘶入顏
牆幾日我廩虛雪深穀價昂誰言酸苦辭足抵雲
錦緬緬想徂旅友起坐攬我裳橫策望前林未至
氣已狂卽席羅衆作紙墨間酒漿李杜及郊島各
鳴於有唐高調苟不磨胥爲一代光一聞蕤賓奏
片鐵呈其祥

積雪書懷

積陰不可開凝寒入清瀨山川此晦冥已復同一
皓映眸雖可喜跬步已當掃簷間高一尺浹旬色
亦稿廉纖忽繼至經宿乃逾藻三雪兆大有歡聲

出田老我無田可耕亦覺斯言好見此庭前梅英
英吐花早哀彼雲中鴻所至爲梁稻物情有如此
榮悴安足道

壬申杪冬雨雪兼旬困粟垂空遂有厨烟不
繼之憂追和東坡粲字韻

我髮日以短星星將過半豈不有咨嗟匪爲白髮
歎積雪在堦墀清冷供久玩朝暎射牕隙浩白一
時散舉帷忽惆悵如失佳侶伴房櫳減素輝熟寢
不易旦膠漆在書史徐起擁几案應知一簾外人
事如麻亂眇躬嬰世累往往頃櫛鬢家人告困空
曉炊豈容緩此鄉多富者其家有朽貫守盜宵秉
燭中情亦何悞詎肯出分寸以作雪中炭况可希
灑掃延食於其館寒家無弗寒得使爨烟暖躬耕
飽麤糲不必春白粲

十二月初三日社中賦得殘雪分圖字

一霽何其素柴門如此孤崢嶸分早旭清冷入微
軀消瓦初傳滴融柯轉見枯數峰開遠岫片葉出
平湖野靜猶聞犬林空僅集鳥淡煙生不覺纖月
去如逋剩有淪連色還同綽約膚寒光看自若清
景惜偏徂華子岡邊夕賡眠尚可圖

龍友暑雨履行田間問民疾苦因謁劉文成

墓賦此送之

小邑眷良宰夙駕將安之暑雨灑川澤流潦行逶迤逶迤百里間蕭條事攀踐民寮結層崖入谷聞雞犬悍婆滿膝前欲訴無不展涸鱗澤中蘇患馬亦已獨隧道鬱我我云是文成墓勲烈銘日月松楸老霜露明禋肅俎豆芳蘋雜嘉旨載歆令尹仁佇覺神靈喜山郭遠流泉心清揮五絃政成馴野雉毛羽紛翩躚關起間結屋山勘庫陋荒略其名曰壽皆藝麻貧戶也

宿仙巖寺觀月

彈棹入幽寺夜寂谷逾寬三更月始出一山若清曉長松四五行鬱鬱青翠光寒光正滴瀝回颺悽已傷商飈忽應侯颺颺下巖竇虛塔聆蟋蟀遠響聞猿狖人生嬰世累躑躅慚靈鷲况懷禽慶遊復是五十後夙昔尚與禽始願期相尋離別既千里佇望勞我心

雜詩三首

芸芸萬物內猓貽良不仁天地既生此焉得不食人饑吻恣啖吮摩牙日流血亮殘天所棄乃爲角觶食虞廷尚干羽何獨無威弧角觶雖神獸流沙

安可踰徒令荆與棘生彼簫韶都

設置以張兔罹者雙文雉振頭欲自奮折翼已委地氣決性所鍾機先奚獨昧翩翩野田雀啄食田間穗得飽卽翺嬉驅竿乃驚避雖無耿介名頗覺行藏是世路徒蒼皇微軀安足累
幼安昔避地茫茫涉廣川踰海不謂遠一去四十年往往談名理疊疊造深玄問所與談誰乃是公孫淵口固論世事聊此相周旋龍德既無損清風久逾宣生世偶相符其當師此賢

同于皇和陶淵明乞食詩三首

石臼甫集

卷二

丰

斯世實喪亂四顧將何之晨起策我蹇乃與妻子辭我行庶未遠日夕望歸來廩庾久蕭瑟斷絕藜羹杯穉子甫十齡向壁誦書詩我方謀爾飽曷敢覲其才終焉南山豆荷鋤足相貽

古人貴適性意愜隨所之本非百里器絃歌亦不辭公田已種秫未熟便歸來舉家方絕食何以佐銜杯我性不好飲喜誦止酒詩淵明乃媿韓我媿非陶才吁嗟檀江州梁肉寧見貽

耕田踰十畝胼胝已安之把耒閱寒暑載觀呂覽辭寧當咎既往正可勗將來奈何僭與石饅粥靡

盈杯方從游子展未賦田家詩昔賢秉達節豈有
疆理才緬彼下溪獲端爲誰所貽

縹緲峰絕頂望角背是角里先生遺蹟

孤峰躡雲漢衆山盡如螳岷山細若帶况乃五湖
水繫昔角里生婆娑此山趾出旣偕園李歸亦從
范蠡遂令一水涯蘭社馨千祀迢迢隔山陬別有
角公里清風滿岩谷往往踐遺址

遊龍背

山行屢鬱紆數里出烟藪陟嶺觀龍背怪石森湖
口一一中空變化無不有石龍爭天矯奮鬣如

卷二

三

欲吼亦有石類龜儼然戴其九所歷已環詭下瞰
仍紛糾曲折躋堂奧反側攀戶牖轉盼呼前侶相
失已在後左方一小竇蛇行沙沒肘盤渦得龍脊
騰蹕跨之走日入暝色來山寂嵐霧守護勝神已
怡接趣要非苟俯仰盡石勢幽獨返林莽回顧波
濤間佇立安可久

和汪希伯雨後田家作

涼雨霑禾黍晚風亦徐生林木發華滋乃得佳樹
情老農朝荷鋤忻茲茅簷晴出門旣有事仰見浮
雲征孤雲有卷舒予亦鋤且耕

武義縣南三十里山水中作

平疇忽已盡對面羅衆山入谷行數里倏在層厓
間仰觀隔飛鳥下視紛灣環出谷尚迷路石壁行
愈長厓開更無際合沓唯蒼蒼淙淙亂流湧連澗
鳴不絕迴溪溼青松瀨轉飛白雪束隘屢驚奔水
石互相齧遙遙矚前林隱隱聞啼鴉雨色下西嶺
飄飄落紫氛人影更搖蕩開襟散微雲欲投雲外
飯返顧西日曛其人麋與鹿信宿可爲羣

上翠微嶺訪煉丹臺三皇井觸熱至白雲菴
是楞嚴安禪師道場

白雲菴集

卷二

三

曉烟開衆壑嶺表延炎暉訪古荒臺下軒皇跡已
微井渫尚未改精廬間雙扉冥冥麇鹿境杳杳人
跡稀昔聞道場鼓花雨飄一圍世外猶寂寞白雲
空扉扉

薛千仞客永嘉送之還四明

平生輕世故八十耽遊遨青林映紅顏所歷惟蕭
騷春潮浸孤嶼三月飛天桃角巾休古寺草履登
江皋臨水興方愜訪古心愈切伏生誦古文沒齒
甘蓬蒿士苟不得志千秋同鬱陶

同施尚白宿敬亭山寺

孤烟縈萬木衆峰但繚繞仰觀雲中月微微出林
表春山盡綺麗虛谷自竄窅卻與同遊人坐見獨
飛鳥

長至前一日雪

涼露萎百草嚴霜遽凄辰上天愆嘉澤迢遞踰十
旬田園既焦枯井渫亦皆涸土膏闕不發二麥誰
爲春俄驚維霰集皓潔遂紛綸微陽方欲動佳氣
忽已臻始寬雲漢詠頓覺造化神方春鳴布穀桑
野變荒榛庶惟閭井阜可解國步屯

由嘉樹臺至三姑潭復至玄通洞作

涉澗聞流水拂崖驚喧阗始見翠微嶺忽過嘉樹
臺奔濤下樹頂潭影搖崔嵬路折猿鳥絕洞古欲
卻開入洞攬石髓欲餐仍徘徊雲春連谷口人跡
相隨來空令瑤草花埋沒同蒿菜

由玄通洞至梅雨潭觀瀑

出洞逕已絕恍惚迷所往仰觀石壁峻近見數峰
敵猗猗伏兕守死轉騰猿上砮鉤梅雨潭素雪霏
蕭爽岸開一流奔氣冷浮雲漉乍疑節候殊更覺
天地廣回轉得前路始聞屐齒響笑謂同人遊誰
能共偃仰

由白雲菴西折二里游雷潭縱觀龍鬚瀑作
此山信多穴絡繹相紛糾崎嶇絕頂源散作中峰
流雷潭若鴛井下臨千尺幽崖滑不敢踞縮躬頻
虺蜉俯睨得明鏡墜石轟霆浮仰觀龍鬚瀑足練
懸高丘探源既逾遠奔壑亦彌迢迢數里間浙
瀝猶未休循巖復沿澗寂寥將誰投

游野乘迅風一日至嘉興作

江路忽綿邈惆悵東風前微茫歷吳縣水上開寒
烟夜潮漲溪淥夾岸桃花然雲昏天欲雨一鳩鳴
桑田越溪轉空朗百里輕迴公新林吐微月晚色

乃日前集

卷二

三

猶澄妍孤舟正寥落况復聞扣舷

龍友置酒江心寺避暑與無補各賦五首

蕩舟入江嶼輕橈撥淺瀨羣木秀高岸倏與長風
會東南渺何許曠然白雲外至夜海色來蕭條有
餘慨

潮影白兩岸高嶼延清暉稍覺一江濶坐見羣峰
微遠目送孤鳥迅翮猶翻飛臨流復把酒適盡胸
中機

斗柄忽西指衆星麗秋天天河不覺遠直與滄溟
連雲空淨永夕簫管娛清緬懷河朔飲千載豈

徒然

羸疾畏炎節商飈苦不早布席俯長川星羅矚海
島山色含林氣煩蒸遂如掃觀茲萬里流更得展
懷抱始知麋鹿性所適惟豐草同侶偕此心抗言
各云好

明宰乃康樂抗志栖郊垌孤霞沒遙渚日入登江
亭列坐蔭喬樹樹色猶青青涼飈吹衣帶夜露忽
已零悠悠感時序微醉已復醒誰能辜歲月聊得
終沉冥

甲申秋爾止唁子廬居有詩見遺寢苦痛定

石臼前集

卷二

七

始追酬之

雞關兆客至不知客爲誰入門觀容色儼是我所
思懷中出絮酒爲我久嗟咨穉子來坐隅摩頂歡
相持我里亦蕭條桑柘飄涼颼白露催早稼黃雲
起東菑君願此卜隣偃息長川湄竊恐板蕩日江
垌未安夸弋釣苟未深衡門驚亂離所媿桃源人
永日相娛嬉

湖北展省先墓志感

蕩楫入湖浦雲林鬱相望一宿始遵陸草露霑我
裳斯丘逾百載青杉蔚成行我祖昔卜宅經始斧

與堂牛眠非所冀狐首庶惟良幾時遵兵燹蜩
更流殃千雲歛見翦詎惟樵牧傷國步方在屯閭
里寧遂康踟躕感先澤悲悽想時臧庶耕墓下田
歸骨山之陽

省先墓讀高祖南涯隱君詩版泫然有述

石臼浩千頃結廬在南涯我祖剏光耀日與漁釣
偕巍然兩詩版鐫勒懸高崖拂拭跪且讀金石何
其諸眷言堂構迹豈無明發懷四海盛格闕三方
紛虎豺繩其敢云負鑿坏當無乖

爾止避忌出都寄懷

石臼前集

卷二

七

時危驅哲士駕車出門去蹉跎仰天歎太行在中
路感彼孤蓬征凜茲九版懼適逢孫賓石寨慢倘
相顧

贈別楊無補史弱翁

憶昔適越郊緬遊臨海嶠九月木末脫江閣聞猿
嘯獲與夙好偕清詞吐華妙自從離居後三載隔
言笑世事苦悠悠一生嘗錯料會面各悲辛相懽
更相弔褰裳蹈洪流先詰垂深誚喪亂既殊昔予
輩欣同調

段橋

橋北峰巒翠橋南決萍春因看外湖水分映六橋
人暖日紫絲柳微波最細蘋海雲遙聚散寺閣迴
嶙峋鳥度聞橫簾魚驚避采蓴沿流去何所杳杳
落花津

龍口五首

女蘿長千尋碧色覆寒沚風動石壁雲蒼蒼晨未
已兩岸東奔流孤舟疾如矢朝日烟中開溟濛散
瀧水昔賢秉高蹈白雲豈殊此惜哉已千載孤歎
從茲起

百里竦寒崖崖虛水至清曙色入龍口隔岸聞倉

石臼前集

卷二

七

鷓鴣放丹非一曲空谷神所驚其上流雲氣其下鳴
龍聲繁昔鬼谷子青谿乃藏精玉軫寫流水乃適
幽人情誰謂巖棲者莫惜瑤琴橫

沿流入幽窈掩映分衆色青嶂開一門莓苔繡雙
壁流連俯清冷思踏水底石忽聞晚曉音春風邈
何極所嗟扁舟子感此雙飛翼

東風滿川澤行役隨海雷回看富春水盡入桐廬
流左右鴻濛色石上紛綢繆曾聞澤中叟白首長
披裘江臯有芳杜豈必漢女游

微風吹宿靄翳翳迷江蘿清媛隱喬木噉噉鳴聲

悲春風柔百物淒厲忽在茲彌節眺滄海隔此南
山陲茫茫孤島雨已掛蒼松枝信宿倘可越道路
恐參差不逢安期子于役將何之

婆括道中雜詩五首

日出戒徒旅隴阪行迢遙光旭下山麓四塞氛霧
消一雨灑川陸溪澗成漂搖亂流亦已濟褰裳同
採樵喟彼負薪者行歌空見招

逶迤入谿谷雨氣連層岑遙矚及修隴景色皆蕭
森草綠踰千里布穀飛前林春風畀農作衆動何
浸淫綿綿驚長道脈脈悲遠心

石臼前集

卷二

七

耕夫操耒往餓色形厖羸驅犢小如羊何以駕東
菑井落霏朝烟杲日光離離生理安足恃鞠苦良
自茲請從黃初平牧羊隨所之

大麥被連岡小麥踰隴首百舌號一聲腰鎌行在
手踟躇眺滄海決萍三江口寄書與故人爲問門
前柳仙都有靈藥蹉跎事奔走

驅車馳越徼夢寐在吳關朝登括蒼嶺不見赤松
山葉師洗藥處日夜流潺湲流水豈不古怛思
靈顏白雲峰中出飄渺安能攀

括蒼舟行一百五十里至青田作

三宿踰峻坂舍策循夸途亭午命傍人遵渚揚輕
鱸迅湍若奔馬百里惟斯須還眺南明山青蒼忽
已無片雨雜纖霧歎將回風俱遙遙出城郭始乃
見棲鳥昔聞青田鶴歲歲能生雛雛成忽復去矯
翮凌天都惜哉不可見跂望西飛鳥

游石門洞次唐人詩間韻

同龍友作

茲山謝公前寧無樵牧登絕境了莫寫詭異攷愚
情一朝起荒昧始若開觚楞策仗隨所構築室破
幽層遭賞雖共美寂寞猶爲恒人往迹亦泯飛流
自深弘澄潭散落景久立恐未能亂流巨壑險濯
石白甫集 卷二 三

足細潛崩仰觀崖上石體勢猶騫騰載持石門詠

寄謝辛何朋

遊崇勝寺

沂洄輟亭午艤棹動山情古木數家住高灘亂石
平雲春隨地有蘭若此中清流水牀前入峰巒屋
上生潺湲循澗脈揭厲悅谿行已覺餘霞爛川光
送夕征

由青田至永嘉贈何無咎五首

鬱紆括山聯沂游甌溪阻歲蕤孤鳳凰噦噦中天
舉海色耀九苞解谷中六呂興心發遙歎脈脈徒

延佇

延佇邈雛臻結懷遂靡申瞻雲感客鳥循渚邀芳
鱗欲寄一紙書潮落曠無因雲霞蔚江海夢寐長

逡巡

逡巡戒行舟蕩漾越溪流攢崖吐雲氣峻壑蟠蛟
虬雲林非一曲道遠仍掩畱跂予一長望回瞻眷

颺颺

颺颺谷中颺盛夏滅炎敲徘徊鹿門山永憩晨興
宵伏生誦章句申公柱見招豈知漢陰老惆悵心
惓惓

石白甫集

卷二

早

惓惓締中枕乃在大江潯我有白玉軫願奏瑤華
音逝將碧流水回瞰青雲岑巖谷杳然去嘯聲出
空林

臥病二首

自我來括蒼寒暑忽以遷仰觀雲中月六度逢其
圓層崖結蘿氣磻戶棲嵐烟羸疾煩伏枕况乃憂
思煎商飈始拂牖草木隕華鮮軀命非金石撫枕
長泣然

秋鳳振幽壑白露沾叢蘭芬芳逾涼候衆草同摧
殘采掇豈不榮歲寒良獨難中誠苟不達奚以奉

君歡臥疴沉百慮羈旅綿憂端垂帷鑒薄月涕泗如橫瀾

雜詩五首

憶昔西王母羽葆臨瑤池荒晏未終極山川已間之千載覲一返湛樂翻成悲人生惜壽命貴賤安能岐胸中憂與樂反覆當語誰

白龍好魚服來遊綠水湄一朝脫網罟鼓鬣升天池屯雲作甘雨萬類罔不滋龍性在四海豫且安足噉

越鳥北渡江爲巢戀南枝燕鴻避霜雪春至辭彭

不白前集

卷二

星

蠡物類各有適故鄉寧久睽羨彼雲中鵠一去不可追

曾連却千金行成名亦歸鄙夫逐薰灼饕餮爭光輝妻妾獻巧笑左右羅珠璣榮名詎足恤既盈天所虧天道有茫昧安知是與非

南山有喬木鬱鬱如車盤霜至隕百草枝葉猶可觀青松乏佳色蕭瑟沉巖巖後凋竟誰在愚者昧其端自非達士懷疇能傷歲寒

泛甌江作四首

倣載適甌浦揚舲適華月水石相錯落濟川及明

發迺陟萬仞岡遙遙睇閩粵千里一踟躇亮懷懼沉沒迅飈不乘驚藩籬豈安鵠舟楫幸無違欲往凌窮髮

四海雖云廣萬物各異班當其兩濶絕咫尺無由攀豫章生七載桐梓旦暮間若木曜朝彩詎必羞茅管我踏謝公池不上容成山池草歲華色庶以想容顏

永嘉昔名郡匪惟山水故康樂播曩徽逸少振先路王旣尚清玄謝復蕩神趣洵象浦流褰裳罔可渡豈繫無川梁斯人不我顧汨汨川上雲攬攬

不白前集

卷二

星

淚如雨

南登仙人巖載汲三皇井旣以思遠古復此懷幽屏熠熠巖下芝可以駐迅景兕虎相叫嗥欲采道路梗朱鳳饑不食粟麥延鳧頭人寰不可處悵望三山影

將之楚游別家

方春柳初黃我裝已載倣出門從旅食所至傷局促荆扉得再返水面飛屬玉數畝幸已耕始見東臯綠我耕良苦辛區畛分種稔中情冀一稔舉室皆僕僕眷言適楚郊展轉亂心曲伊昔李太白雅

願觀七澤我志媿匪爾乃在體與粥况茲世大亂
殺氣莽相觸武昌二千里安危詎可卜穉子牽我
裾欲去屢躑躅回頭語婦子秋至禾早熟旦暮鳥
鵲啄爲我持竿逐日歸諒非逢當及場甫築

泰山篇

客行泰山陽回望泰山河梁父相低昂龜蒙亦嗟
哦哀哀彼寡妻收涕如懸河斑獸厲爪齒噬人良
化多聖人亦已猛不去將如何客欲請此意答言
改無苛返步至城郭孤兒泣滂沱交衢暫借問父
死傷虞羅太息語孤兒時命同風波行行立俄頃
聆我泰山歌

登華蓋山絕頂訪太玉洞遺蹟

永嘉城東山磴道青雲曲澗溜瀉寒淙江光裏朝
旭高駕邈容成古洞訪太玉莽莽雲壑間何繇覩
僊躅離披絕頂松偃蓋滴新綠踟躕詢五粒恍惚
誰能卜我懷霞上踪高下恣覽矚洞中有逸典蘿
蒿閉空谷捫松踐蘿蒿載憩幽林宿
積穀山觀驂鸞亭故碑載漢僊人劉君遺事
亭已久廢慨然賦此

嶽嶽積穀頂海色輝巖巒其西連太玉靈閣紛可

觀爰有古仙人翩翩驂紫鸞一朝來降此手揮青
琅玕往謁容成公談笑罄交歡南望赤城麓仙路
何漫漫飛駕歛往之續紛落羽翰遺構不復在古
事日凋殘賴有莓苔字與懷發悲歎

贈邢生伯

皎皎千尺淵鏡形微心魂古欽君子德比物取瑜
璫干將非不銛不如良玉溫止水別妍醜不同塵
鑑昏與子雖異姓猶當申季昆况此淵玉姿閱閱
爲一門大器光吾祖子爲賢子孫渥窪產神馬此
水亦有源莫以騰驤樂忘千緼足寬且服杜陵誠
采葵傷葵根

送序百再往白下二首

志士輕百里遠心慚一齋此方取山水如堂步至
階緬自六朝後遊者皆云佳遊者旣已往子亦難
爲懷歎息同懷人斯情何以乖
珊瑚出小沼投之大海涯大海非無產寶氣適所
歸物奇不戀土戀土少光輝日月日日換行李日
日隨休嗟道中轅勝人堂下扉休嗟行李薄添我
雙涕淚

九水述嘉興幻也禪師語一則極通透悚然

驚歎因綴次成詩以贈九水

老僧九十七耳目常聰明一生未開堂得道無聲
名環坐或問法妙理靡弗傾有如千歲株抽條發
菁英爲訝廬山僧住山輕邁征以身求法者譬如
農夫耕三年困廩間所積秣與杭再如讀書人一
編聲啾啾三年几案上盈尺卷帙橫學道忌速效
固定戒小成安有歷三載曾無分寸程金粟在海
上跋跣心忤忤彼豈有物歟目擊手可擊汝苟不
努力安用尋虛聲我始聞此言悚然發面頰至人
語自妙入耳和且平若其省痛癢不異春雷轟計

石門集

卷二

呈

子住廬山寒暑又幾更涕淚想法乳當給汝一生

置雨

古柳夾遙浦枕上牖江聲早夏秀雲氣翱翔猶至
清乍喧忽不愜唇吻枯餘晴揮汗卜朝雨喟然老
農明麗濯林色靚頓使茗味生踴躍陳甕盎網羅
襟衆菁水骨附山豐匪因釜鑿成竹竿何梟梟徒
令人智萌一雲下涓滴泉源表靈貞猶希簷溜止
彷彿聞蟬鳴石爐見淺火凉夕通微情

賦得松石間意爲陳爾新太史

一山鴻濛色負立烟霧際礪戶厭斧鑿蒼冷自迢

逶偃息生朗懷日月果靈異願誦神農經幽根發
奇氣矧乃丈人名端笏以相戲大樸化泉壑大巧
化朝市惟茲太古薛淵淵結真契

翦桃八首 并序

翦桃哀女駟也庭有緋桃熒熒將華僕人
翦焉因感東野杏塲乃賦此詩

百草東風生芳桃東風死東風不相憐花乳裹泥
滓破土瘞亡嬰草芽白蕨蕨草根方欲茁骨肉翻
銷靡持此問后土願得相爲理

白石既杲杲丹附亦歷歷氤氲至此間豈無造化

石門集

卷十

題

力妍華逐腐草漸有繁星出至殺當芳辰至思捐
一夕不使乘曠風展轉墮瑤席

種桃在庭階花色勝蹊谷小女日千迴繞樹流華
陽殘苞失麗景夜氣猶芳馥所悲花下兒清靈化
爲月

英英同根葩榮悴歟異班上枝雲爲衣下枝泥爲
顏逝者乘元化去去亦不閒所憐無子翁號女悲
霜管

貧女不易筭貧花不易蹊仰觀天地情濃淡果不
齊慈父手中養糲食含悲憐慈父手中葬敝絮等

疾藜孱翁眼血枯死亦無全緣蕭條肘足間詎無
黔婁妻

桃葉有佳色桃根流芳津忽遭持斧客遂爲爨下
薪鑄鐵成斧斤伐樹亦伐人死者惟一斫生者剗
千巡綿綿百日内銜痛猶酸呻龜勉問造化鑄器
宜鑄仁諒此斤與斧伐人安可陳

女生未藏人晶瑩夜珠炳形化一朝寂魂靈咫尺
屏形如辭柯藥魂如逐浪梗巨浪非無涯梗飄難
復省方知誓生兒必用魂魄猛

花同株易榮女同父易佳同株一翦葉存者羞華

菱同父一零落生者空嗒嗒一衣罕異色一步罕

異偕曩器觸悲手昔語驚新懷昨夕忽風雨聲息
聞堂階夜景鳴鷄犬穉魂恐參差牕中嘯纖素鶴
鴛當永懷纖素左太
冲幼女名

舟發湖浦

獻歲事于役結束辭親故因懷于里心畏踏門前
路春風搖岸柳新綠帶官渡穉子牽衣送殷勤一
回顧漾舟逐飛鳥微茫川上度世梗怯屢遷藹衰
厭長驚日入登川梁征途淚如注

姑熟阻兵卻回舟中作

倚棹歷水國信宿抵郡郭霧樹始迷離春郊乃蕭
索巨盜方憑陵兵戈正勞錯禍難迫多端行間恣
剽掠賈舶艤中流候伺風景惡余亦凜前邁徒侶
色皆削回橈驚朝景天水俱漠漠綠芳滿洲渚山
容盡綽約沂川跡無悶戒途意轉愕泛泛波上鷗
澹蕩令人作

九月望夜月

杪秋月轉白入夜露成滴枝鵲尚爭棲砌蟲聲竟
寂築塲迎早霜刈剗良未息朝來漁浦口已復聞
鋒鏑百戰幾時休踟躇心轉惻

石臼前集

卷二

哭

古興八首

驅車辭故里北風何凜烈窮冬天地閉古道厭霜
雪獨行途易迷復此苦寒節朝歌停墨轅勝母迴
曾轍豈不念往路茲路非所屑吁嗟道傍子去去
無時絕

大澤雲瀾瀾霜氣滿空林饑飈奔不息木末啼寒
禽所適在何許茫茫川與岑去我密親愛况悲商
與參雙關窺我我天門峻沈沈雲中忽不見泣下
徒淫淫

道傍有古井其名曰食泉志士不肯飲皎皎意所

宣殉生本多途涓滴已成愆隱之獨不爾一酌同
清川美惡竟何定斯人誠獨賢
曉日驅羸馬寒輝已載途出門望天地白刃克交
衢禹鼎淪泗水神姦莫能圖遂使董卓輩攘攘操
天樞一夫蹈津要四海肝皆脯自非膏出臍莫識
豺與貙
北風捲枯穽飛鳥各斂翼陽光忽西墜奔獸向我
擲凝寒盛肅殺萬類莫能息我胡亦復然東西事
行役道傍有死人已供鳥爲食生者不自保徒爲
死者惻

石臼詩集

卷二

泥

漢道昔再盛投戈息羣姦矯矯梁夫子浩歌乃出
關舉目覽四海忼慨涕潺湲我方遭世亂安能辭
險艱常恐白日速不覩大運還永隨霜與雪泯滅
蓬蒿間
曝暄坐南楹卒卒度寒景大亂茲方始沈憂紛未
整王綱一朝解九鼎若浮梗安得崇山中更有驩
兜擯騶虞獸之仁構机獸之猛庶以載元惡足使
千秋炳
窮陰閼川陸不見白日爛水落無衝波淒風激頽
岸仰觀南飛鴈翩翩在雲漢中路遭雨雪悲鳴忽

凌亂物情有屯塞惻惻起長歎九州正蕩覆且復
哀塗炭天意良如此否泰誰能算

古意

春鳳入虛牖霏雪集庭隅雲影一迴薄瑤華世所
殊瓊檐流夜色臘酒解醑酥結意在滄海緘書悲
遠途

別開少馭少

二少將避亂天台

早夏聞鶯聲江郊起長歎干戈迫路岐易作浮雲
散嗟子南飛鴻翩翩齊羽翰故山歸隱寒臨海期
汗漫儻寄石梁書孤霞同爛熳

石臼詩集

卷二

平

雜興

青冥洗朝暉雲氣歸山阿春風披綠水激灩猶未
波耿耿空倉雀日夕鳴相過羣棲復羣噪剝啄空
枝柯土膏凝不流閭里寒煙多饑雀晝斂翼幸不
憂虞羅羣噪良未已卑栖亦無他空倉觀損益今
古誰能磨

適東甌寄爾止廬江幕中

鳳凰與衆鳥所異惟羽翰六翮苟未備五彩誰能
觀徘徊下阿閣栖息金瑯玕玕雖結實心側不
能餐中原盛殺戮城郭多摧殘神日帶甲流血

川原并至兮壯士髮不見有鬢冠君抱濟時策極
目憂狂瀾戎車指廬霍幕中乃交歡腰下無寸綬
白首成功難我踏謝公跡孤嶼臨清湍江亭俯綠
篠海月升青巒人生若飄緜此別逾辛酸請君把
雄劍拂拭光猶寒

長歌行

吳關千里道春草日夜生榮華競白日碧色含芳
馨春風一相失鵝鴝傷人情仰觀枝上蜩歛忽鳴
秋聲羲和運四氣寒暑適當平百草甚微細誰爲
計枯榮求祿既不遂躬耕復迤邐饑飽難自料性
命如浮烟蒲柳且莫保何用求神仙空聞達人語
丹砂可長年

白沙嶺望海

最糧適遠嶠微遲息林莽夸途忽已窮登登數偃
仰憑崖縱一觀灝氣從茲廣傾耳聆波濤歛情歸
滉漭遙帆隱天水飄忽時佛彷彿託舟楫潮汐
事執掌利涉詎有涯望洋非獨往海客無此心輕
鷗足相賞

過窰嶺觀月出海上始望見雁蕩山

陟險躋嶺表杳杳入林烟始觀海月遙分冰際

天溟濛諸浦合蕩清靈光圓谷風正鳴嘯墜葉紛
翩躚疎星綴木杪下與迴波連鴈山栖落景列岫
摩蒼元乍覲信可悅况乃升穹顛稅駕投烟火惆
悵區中眠

歷四十九盤至能仁寺

日出海霧爭曲折溪行殫佳山洩靈奧取道良亦
難履危攀緣篠戴登七七盤一盤方一度懾息青
林端回瞻林嶺隔頗訝龍宮殘獨見澄潭水巖巖
相與寒

哀于司直有序

甲戌秋於譚友夏集中始識于司直姓字
乙亥冬顧與治書來云司直在白門酷嗜
子詩丙子七月與治又書來云司直日夜
盼子來定交今逝矣嗚呼余與司直交寧
尚有未定者歟作哀于司直詩

天不生我北乃使子南遊孤雲非無心樂映寒潭
秋燕吳兩茫茫縹緲爲朋仇稍通子姓字幸因顧
子郵神理雖不隔眉宇勞相詆顧子能鑒物鑒寒
亦鑑幽子愛死江外以茲當首丘想子秋氣人霜
葉忻鳴啁咽斷方屢續傾耳如鐘球卽今趣冥漠

神聽惟聽聽如何死日月荒荒米可求

由金壇過見末田舍作

五載隔君廬依依辨林木帆帶覽橋烟舟行石塘
曲扣戶寂無人荆扉日日關髻山雨初暗長蕩水
如環雨多林氣溼薄霽閒清晝開扉指稻田伏几
看禾秀聞君時抱憤旦夕爲餐食舊穀幾時斷中
男昨歲婚雖復少饒弱新詩每逾帙舒卷自悠悠
孤雲澹無迹

寺中偶述二首

離家百務止動息頗無礙力作漸不稀近寺驚僧

擊觀此衆人勞省躬日至再新麥僅兩畦信至勸
歸刈喜霽昨意真身動如一債汗漫理不飽一往
有微賴

穰穰非我情崩迫亦時有自茲數旬內安閒庶無
負湖中鳥若恍恍惚過眼後寓目盡冥曠日得計
所受自知關福力無福焉敢徂惟有常忍饑不爲
神所咎

絡緯

百蟲吟草根一蟲各一聲絡緯入牀下永夕耿耿
鳴鳴者鳴其閒聆茲秋夜清胡爲此聲內亦若有

營營早復晤衆鳥頗識鳥僅耕新粒未入口動我
機杼情凡入衣食事盡鳥用爲名命名者何人最
哉以勞生

重經碧蘿舊業哭趙金樞表叔陳汝玉比部
有序

二子死壬申夏秋明年春始哭以詩二子
志也嗟乎二子雖已死其責予詩蓋鑿鑿
焉予既未死弗敢逋責又遲之遲之弗敢
忽憚尸視爾已悲夫

維歲在癸丑築郭北南崗鋤地去荆棘版牘繚以
牆鄰里見之喜擊榼上我梁云昨有佳夢占之在
斯堂必作貴官人願郎進此觴落成迎趙子對坐
一方牀其人眼如漆其氣亦相當宜與曹夫子水
鏡森煌煌出門諮月旦譽之雙琳瑯休之以精舍
娛之以修簞歲寒各分散孤茆頽且荒歛然加點
綴丹碧輝榆桑桐竹分左右開戶引花光陳子最
溫恪白晢如姬姜憶昔戊午春結社爲文章情深
假我榻坐以北間廂爰于此歲秋矯矯登賢良洎
乎薦春官官爲司農郎寄書滿篋笥惟言相思長
別離七八載何止異炎涼田園如秋葉飄落當嚴

霜吾廬亦逝水轉眼孤兔場吁嗟陳子蹇坦率逢
機張筮仕違巧宦翟羽五色戕頃茲歲在申趙子
病羸庭執手宛將訣酸語僧間房盛夏葛公里客
舍聞其亡投筋淚盈掬拊膺走且狂迨巡秋九月
別者涕浪浪悲魂結坎壈孤嘯同沅湘俄傳陳子
訃骨驚如欲僵死生雖有命白刃何倉皇吾君卽
堯舜吾友亦仲行殲身竟曷故斯理終茫茫十旬
哭二子淚盡惟枯眶清明上先隴始知春草芳桃
花雜細雨片片飛池塘此地忽經過顧瞻生悽惶
哀我同心人相隨歸北邙人生無故業敗簪風中
飈在世多牢憂泉壤或徜徉叨爲後死者失路空
徬徨

讀吳見末酸呻草

相鳥取健翮相父取壯夫健翮耐惡風壯夫耐窮
途浮華琢凡骨清慧資良圖瀝血成文章受貶不
受誣文采有正性厭隨不厭通鶴雖失毛羽顧影
妍且癯縱有鑠金口不得詈爲鳧嗟哉酸呻辭使
我顏色枯

賦得幽草根蟲

蟲鳴萎百草始知月令遷誰謂微細質得使秋氣

全斷若飲宵露續如聽夜泉詎不識其苦聊復見
其妍

賦得松氣清耳目

青松起微颺曉作颺颺聲氤氲在一丘颺颺如風
輕其氣轉蕭瑟觸之難爲名詎惟關耳目亦以滌
神情忽見採樵人素節橫榛荆歸來委囊室芬芳
出簷楹始知歷險艱不以傷其貞踟躕青林間惻
然寧能平

西菴放生呈曾升伯先生

蔬食養朝慧微履觸殘磬蕉桐散清寒日下苔色
靜默坐想本根微茫劃疑悟法堂羅水族佛語普
悲鏡燦燦燈花閒涕睫巧頑命波濤歎咫尺一往
獨夙疾渺然非無悟我凡汝已聖夫子不如葷潔
情遊太定喟彼滋味人七箸繞諸疊旃檀濕檀雨
疎光絢涼靚

江漲

大江日日漲風雨相汗漫湖水日夜添波濤忽凌
亂蜿蜒水氣行寸寸觸頰岸繫舟將岸齊高柳拂
水盥踏土試蟻穴怵惕視奔瀾崎嶇湖上田新苗
烟青粼嘉禾雖駿奔胡以凌浩瀾魚遊空中飛莢

蒲各漂散暝色天邊帆遐心一悲歎

山行見田家新布穀種栽瓜豆慨然賦此四首

山行還清曉林氣多在水田家日有事布穀方自
此前溪正窈窕桑鳩鳴不已風物似我鄉曠然隔
千里

雞犬行山椒桑柘葉初綠渚田方引水播種盡種
種入夏農事起日旰返茅屋人生適當爾無事憂
饑粥

種瓜傍籬落新栽每盈把注水或分畦避日時覆

瓦芄芄小麥秀連畛及四野團團榆與柳盡日已

蕭灑

孟夏日正舒草長門前路隣里隔烟火清溪緬可
渡相見各嗟咨惟恐平生負天時苟無違白首永
相慕

五平五仄體

練湖作

空林雲方生廣澤月已冷松間通微明露下濕練
影枯榛聆鳴蜩隔水見繫艇孤懷終沉沉永夜不
復整

葛震父輓辭二首

并序

震父久遊白下庚辰四月歸洞庭而予先
適括蒼比返震父羽化已一月矣明年春
舟過胥閭泫然隕涕賦此寄哀

蕩舟出胥口水綠長洲郭隱隱二峰懸盈盈雙淚
落樹橋返田園食薇歸冥漠夜夜白門烏飛繞遼
城鶴

昔上括蒼嶺遙憶洞庭山離亭送君酒想像愁人
顏四浩採藥處千秋跨羽還一哭蒼髯老徒令鬢
髮斑

塞下曲三首

烽火天山道黃雲青海頭將軍射鵰處千帳擁旂
裘已破月氏國酬勲飲觴體但言七十戰士卒淚
皆流

沙莽浩浩隴上無青草草枯遮白骨日暮牛羊
道古來征戍客誰道沙場好一聞流水聲嗚咽令
人老

驅車臨大河馬去復還層冰冒白雪峨峨屹如
山死生在一戰敢望玉門關仰見刀頭月深閨那
得攀

古意

高樓亦何綺朝日上牕紗拂拭朱絲絃玉軫復參
差桃李千萬樹嬌豔明彩霞春風不相惜惟有萼
蒲花

葳蕤叢蘭葉蕭條白露晞含情啼玉漏遠夢度金
微塞鴈銜蘆至秋螢拂牖飛高高天上月一爲鑒
羅衣

上苑草萋萋靡蕪綠漸齊離亭灞澹北征馬杜陵
西錦裏詩重疊盤中字慘悽憑將御溝水空寄萬
行啼

石臼前集卷二

石臼前集

卷二

五

石臼前集卷三

石湖邢 昉孟貞父著

商丘宋 至山言父

後學 同里王 孚顯若父校

七言古詩

太狂篇

壬申歲邢子出試於御史臺讀遺勅見放焉片辭曰太狂於是歸而終

現泚毫筆燈拂

予愛李謫仙自號楚狂人鳳歌久不作願結廬教
隣我本澹蕩雲壑流一生好入名山遊自昔羈世
網此意空悠悠二十隸博士口稱弟子工咿嘔有

石臼前集

卷三

一

時見人只垂頭三日新婦坐憐憫此日把筆弄文
翰刻畫腐史及班漢不讀東京以下書我信斯言
非汗漫五言性所安河梁當朝餐潘陸尚駢儷閉
目不肖觀三十以後胸中寬齊梁唐宋恣翻瀾予
鱗吞古如饑龜公安滑稽氣已酸他人紛紛誰辨
梟與鷲此時氣岸頗無匹藉藉狂名始奔逸小伎
制科文文采尤自軼見人臨試場一如蟻上垤拊
掌大笑之有鬼縛汝筆懸河走海蛟蜃立紙上一
朝鱗甲出峨峨獬豸冠豈爲狂者怵吁嗟乎我聞
狂則顛號我爲顛良不然虞卿相印棄如草諸生

瑣細安足道我聞狂則痴號我爲痴亦不宜計由
一瓢尚自哂諸生束縛安足忍我聞狂放離塵鞅
放如白鶴皎潔雲霞上我聞狂散契天鈞散如長
檣奉曲謝斧斤謾服還丹淡世情謾勞三疊聽琴
聲石鏡窺之心自清廬山瀑布懸珠璣謫仙已死
一千載至今天壤蜚狂名鳳兮鳳兮兩翩鍛楚狂
浩歌了不怪艾葉芄芄雉所藏網羅雖避失耿介
寄言九苞勿心戒我狂亦違德之衰願師猶龍且
去太

雲間西還別陸集生

石臼前集

卷三

二

陸生昂藏二十幾聲名颯沓如流水太華峰高五
千仞文章突兀奇過此家在吳淞一水涯迴眸顧
盼光成霞少年生長三公里數世爲奕尚書家尚
書風節古希邁有子立朝少司寇父子兩世皆蒙
恩陸生腰下無寸綬甲第聯雲讓季昆郭外流泉
空在門門前水流東入海往往人號平原却白苧
城中足風雨獨共陸生相勞苦鶴唳秋開島上烟
雞鳴夜聽樓頭鼓相思千里何間關前人陳迹猶
班班黃歇尚餘鴻鴈浦吳王剩有干將山陸生氣
岸真輝赫上策十年仍落魄貧賤人看白面郎功

名誰識班駟客三載東來碧草芬一朝揮袂有離
分莫愁湖上徘徊月楊子津邊無限雲我去五湖
惟蕩槳白鷗茫茫日更往欲寄迢迢海岸書鯉魚
一尺隨潮上

希伯往婁江子適丹陽賦別

昨日到君廬今日復西去婁江水漲揮手別一宿
已達毗陵路髯公髯長亦已蒼海濱有屋非故鄉
四海相知幾人在與君忽復成參商他日相逢此
江水豈得容顏長若此

劍池濯足歌

六月十五日正午熾舟揮汗汗如雨虎丘巉巖已
攀陟劍池窈窕誰斤斧仰觀翠壁生蒼烟繞壚千
尺引寒泉下有閭閻千將之寶劍上有莓苔剝蝕
之字元符年懸崖倒垂松與枯掩映日溜鳴濺濺
解衣濯足當澗立炎歊忽失心陶然劍池之劍何
悠悠此地曾悲麋鹿遊眼前所得已快意何必長
臨萬里流

送洪行一往金陵

丹陽城外雨如絲練湖水白南風吹風吹一夜雨
浩浩行人夢向金陵道扁舟俱發柳西獨宿江

門烟霧迷我亦江頭未歸客青山愁聽玄暉嘶

丹陽送龔當時還豫章

昔時相見長干下高閣寒雲正瀟灑紅塵九陌尚
悠悠別袂三江還復把白苧城南未寄書三年海
上有鱸魚君今已作潯陽客回舟仍向長干陌徘
徊一別練湖濱轉盼看飛衣上塵此行正及彭蠡
鴈嘹唳淒清思殺人

練湖行

鐵甕城東一百里江流到海疾如矢十里伐驚樹
上泉平湖忽出澄江汜澄江演漾光千片巨舸峨
峨集江面此湖澹澹復盈盈仍許嘉名號爲練漁
子寥寥三四舟牧兒水中行牧牛水淺草長適牛
性時見網罟驚羣鷗落日欲落前山赤此際雲霞
皆弄色別浦遙含帝子愁潛波疑有鮫人織雲霞
散盡復烟霏地肺山頭月漸微茅峰數疊方縹緲
望見空中鸞鶴飛

徐偃王祠下作

君不見穆王八駿騰空走西過流沙謁王母少女
相隨七萃車瑤池一酌千歲壽鎬京五葉已無王
四海宗徐勢轉張造父御歸奔楚甲偃王不戰空

徐方仁心至死猶無悔醜酒到羊牛萬載子孫奔
散入吳越處處遺祠薦蘭茝精靈不滅此山阿古
木沉沉蔽女蘿弁茲故迹空流水無復當時黃竹
歌

負薪行

老翁負薪三四束行過城西向城北十步趨超一
步速賣薪出城得斗粟喘吁流汗息樹根展轉臥
地無一言借問老翁爾何苦良久不語聲猶吞去
歲蝗飛蔽城關五月不雨至十月五穀食盡蝗子
生二月草間還勃窣幾日東隣無費煙西隣已復

承前集

卷三

五

死黃泉空邨無人鳴晝嘯況我羸老徒逆遭我聞
此語淚如瀉昨日城門騰炭價官中熾火光燭天
巧匠鎔金作酒罍老翁去去無苦辛爾且負炭勿
負薪

楊龍友戎服禦盜歌

楊子好文亦好武乞得閒官一尺組堂前日日羅
衆賓左染丹青右揮塵松江城西飛白羽城頭吹
角畫伐鼓白刃騰騰氣亘天楊子拔劍怒起舞馬
前止列一健兒馬後更帶兩彊弩千以一呼城門
開觀者如牆聲如雷賊夜不來甲第卸百姓遮道

拜馬下吁嗟楊子奚爲者彈棋擊劍何閒雅會取
葡萄入漢家且携首藉來官舍爾餐甘藉勿復憂
他日當封博望侯

白石山歌贈看公先生

白石山青松色松十圍石子尺山中人煮白石折
松枝雲曖曖水如環松如黛白石峨我日長在昔
日紅顏來山中此山白石皆如童紅顏銷落松漸
老參差偃蓋飄春風讀書已盡内外典勾漏羅浮
新重趼年過八十不識藥始覺丹砂爲人淺延年
服藥皆無取日共山頭白石語爲道雲英已化冰

石臼前集

卷三

六

汝若能來當貺汝

九日鵬池山登高寄懷楊龍友

鵬池山在石臼湖南岸

山名

前年九日金山寺楓丹露白茱萸紫江中風浪浩
呼洶歟忽帆檣去子思去年九日吳淞江濤聲滾
滾流寒瀧城頭落日望鄉處雲中哀鴈鳴雙雙轉
盼相思隔林藪故園寥落逢重九繚繞雲飛爵壘
前淒迷鴈過鵬池口君發茸城木葉飄茸城江色
莽蕭蕭子亦還鄉戀山水離心長繞石頭潮此日
鱸魚還更好思君猶繫水蘭橈

醉歌與元長別

江風滾滾吹白雲雲中鴈叫江之濱城頭一酌與
君別落日慘澹烟氤氲君有湖田藝種桂已復年
年苦蠹賊歲荒敢望充廩庾尚未饑驅走南北百
寶時開醉如兀高臺况可親雲月與君醉臥還搔
髮爲我早結一茆茨勿使扁舟蕩吳越

冬夜月下獨飲作歌二首

白門之柳何蕭疎三更擊柝霜天虛城頭烏鵲月
皎皎我胡不飲歎息行趨趨丈夫貧賤逢衰老眼
中世事離離那能好石臼湖水清見底刺船弄竿

石臼前集

卷三

七

皆可喜釣魚射鴨不餓死

白門城上霜層層庭中月落烟霧凝行子戚戚愁
滿膺中夜長歎寢復興獨不見妖狐跳梁嘯中野
四海青絲籠白馬少年日夜吹笙竽王侯珠玉何
爲者我胡不飲心踟躕出門千里當迴車歸來射
鴨復釣魚

朝天宮飲袁道士白鶴樓醉歌

瓦上霜白杲杲我行躑躅亦何早十日行出門九
日恒苦饑北風臘臘寒膚肌高樓日出光離離何
意得逢焦鍊師飲我以酒餽羣隨既不來翠憶客

亦不逢錦貂見眼中幸不覩此物吐霧胸膈無嫌
疑我本不解飲一飲連十卮滿城明月聞清吹爲
言今日醉飽樂樂過千春良不惡袁千袁乎爾不
聞丁令威一去何時歸人生大醉得幾許安問樓
頭白鶴飛

噉噉雲中鴻三首送弟亞貞歸湖上

噉噉雲中鴻悲鳴忽西飛我母日夜望汝歸女歸
入門西日微形容瘦羸風吹衣母也見汝淚頻揮
嗟嗟彼鴻之飛緊我與汝夫路而相違

噉噉雲中鴻悲鳴忽西翔我母日夜遙相望女歸

石臼前集

卷三

八

悠悠河無梁囊中無錢空傍徨母也見女心摧傷
嗟嗟彼鴻之翔緊我與女鼓翅而分行

噉噉雲中鴻悲鳴忽西去北風浩浩日將暮舟子
鼓楫臨荒渡女歸衣單肘猶露母也見之淚如雨
嗟嗟彼鴻之去緊我與女徘徊中野而四顧

三先生詩并序

三先生者孫太白宋鵝池陳白雲弘治嘉
靖萬曆間人先後相距蓋百年孫差豪逸
宋近不羈陳乃以餓而死嗚呼此三先生
則古梁伯鸞朱桃椎之一流也若鵝池白

雲又滋辱矣凡有血氣聰明之人讀其詩
致其軼事計無不歎歎歎息想見其爲人
况如予者寧不悲哉寧不悲哉作三先生
詩

太白山人

太白高高西矗秦人言山人爲秦人一生放浪入
吳越玉質曾不浣風塵縱心羽化事服食丹砂恍
惚輕千春亦復高歌中宮徵松風穆穆蒼崖裏仍
諧伉儷衣薜荔服食求仙事皆已山人氣勢亦罕
比咄嗟頡頏何與李門前車騎丞相來海上遙看
石臼前集 卷三 九

鵝池先生

我聞生無一日歡死有千載名吁嗟今見鵝池生
鵝池生爾胡辭家跌宕萬里行北踰碣石南巫荆
狂歌草澤誰能賡三湘及雲夢淹留無所成往往
失意少年子亦時傾動賢公卿胡不竟老鵝池耕
野田草綠鳴鵝鷓一朝徑去不復返九疑聯綿蒼
梧遠女蘿山鬼紛偃蹇吁嗟乎遠遊豈復無故鄉
魂歸誰爲呼巫陽使我涕下摧肝腸

白雲先生

白雲先生真坎壈敝衣百結不掩髀五言爛熳世
所稀萬里奔波一生餓先生饑餓不出門門外客
來無一箇伶俜面縐一老翁日中無烟獨眠臥白
門車馬何紛紛井丹高潔人不聞慟哭時經瓦官
寺傷心猶憶慢亭雲嗚呼丈夫生世隨所遭纖履
賣卜安辭勞世間豈無玉食曹轉眼滅沒原上蒿
先生死後二十載聲名漸出揚丰采此雖人事有
鬼神抉剔搜排繫真宰我亦蹉跎白髮新青溪日
日隨車塵誰憐霜落烏喙夜還有當時慟哭人

石臼前集

卷三

十

原鵠篇贈林茂之

時有子丘之喪

北風吹塵日色青枯蓬亂飛塵冥冥鷺鷥鴈各
叫噪慘怛不如原上鵠原鵠翻翻呼其侶呼之不
得心長苦天寒鳴宿失故儔兩翮離披墮毛羽萬
物聚散各有極摧頭顧影何愁絕君不見黃鵠中
天煥文采孤飛亦得橫四海

送序百還湖上

子年十七頭角露蹉跎龍種睨天路卽今轉眼已
十年文采縱橫振高步子不見枋榆數尺鳳不栖
樹籬種僅惟栖難少年慎勿戀鄉井使我悵營生

悲懷勸子卽出行萬至岫嶠禹穴皆可喜東拂扶桑西弱水

寄吳門朱九章

去年五月華亭縣寄書未與君相見今年華亭得君書書來猶未識君面一札雖通心不舒逡巡何日到君廬嚴冬霜雪長千里又得胥門君寄書人生貧賤輕南北逝水飄蓬浪相逐况復風塵連宇縣邂逅逢人意感感惟君與我非衆人緘素申辭獨苦辛揚子江頭北風怒天寒水凍無遊鱗卽今回首姑蘇臺滿目黃雲使我哀我意支硎山下住

石臼齋集

卷三

十一

報君爲翦霜中菜

已卯長至二首

維歲在卯月建子晦前一日陽生始日光如水射城闕玄雲布地葭灰起殘冬無雪將何如桃花李花爭放舒桃李冬華亦細事太史登臺何所書玄冥將謝歲聿轉霜蓬入雲朔風捲高臺一上望我鄉江空水枯淚始泣殘冬無雨將如何短景日逝成蹉跎麥苗壓土不得出夜夜占星月離畢

古交行 有序

顧與治鑄于司直遺葉成邢子讀之有觸

於衷作古交行

子卽燕趙壯士負奇慕儔侶萬里辭故鄉南行至吳楚楚國有佳人相思路遙阻慙慙與劉心共于卽許相許已平生相望苦多情一朝有反覆遠道悲長征參差兩乖絕餒死石頭城于卽結交多英彥高堂日日羅賓晏轉眼飄零向南國夙昔相知若流電望望燕雲一慘神出門四海無故人濱死卻臨楊子渡生前不見蘆溝塵遺文一卷如冰雪皎皎肝腸何太潔秣陵顧子于卽友夙昔傾心心轉熱化碧雖知事已非殺青頓覺情彌烈君不見

石臼齋集

卷三

十二

范張鷟黍歡于里勞奔走當時片言纔出口他日素車白馬追廣柳古人之交世安有嗚呼古人之交世安有翻手覆手奚足取

臘月八日同震父飲嘯生齋中輒成短歌

臘月八日冰峻增疾風卷雲雲復凝天寒歲晏苦踟躕悲心日夜誰能懲葛翁遠乞勾漏居昔有微祿今無車潘子困頓歷騎省罷官兩載粟不儲相逢是日徘徊久相歡一酌樽中酒蹭蹬泥塗各慘顏蕭條羈旅難開口酒盡欲發且莫催拔劍斫地心轉哀我輩何獨沉塵埃仰視浮雲四塞何時開

青溪歌贈別余澹心

青溪臘月霜月白青溪月照嚴城客城中余郎最
少年與我邂逅青溪陌余郎詞賦方颺起藹藹佳
名滿人耳去年東海鱸魚鄉往往題詩寄千里及
到青溪相見稀逶迤江路忽西歸明朝雨雪江天
曙縱有音書少鴈飛

弗如再去吳門予亦先有虎丘看月之訂乃
贈以歌

愛汝爲人真是健鬚如蜩毛目如電意氣聊堪踏
劍池山川幾欲窮吳甸一生自厭丘樊甚俛眉

石臼前集

卷三

七

復爭題品男兒三十蜚大名安問騫騰與坎壈憶
昔城南五十里一剎凄清冷如水天寒皴裂肌與
膚擁膝丙夜繙書史又向南湖同過夏手攜半帙
長柯下柔心細意不復驕相逢十人九人罵吁嗟
薄俗眼孔小狂名如昔噴未了世路寧當勸子行
人前忌說與我好買舟再發衝菰蔣蘆花漸白楓
漸黃我亦一棹看秋月恰及光流響屨廊

與汝鴻商論開圃種藥築舍讀書其中賦一

詩紀事庶幾將來不乖斯志云爾

慙予四十塵土中奔騰百里勞西東有田盡賣無

一角獨不凶歲他人豐慈母百日飢無肉早衰髮
短雙耳聾兩女尚小不離膝嗒嗒向我號聲同君
言此生已屯苦安能在世無一通筆耕墨耘味太
薄不如荷鋤尋苓芎我貧剩有十畝園歲歲磽确
生蒿蓬相邀翦難出畦畛其間乃置半畝宮兔絲
芍藥各易植色色爛熳團春風不勞服食救衰朽
其氣已足驅龍鍾韓康賣藥兼逃姓口無二價師
此翁李衡橘奴不足羨歲致縑帛嗟營營此園若
成別作亭當與楚頌爭雌雄一燈風雨照二老僵
坐著書翼神農

石臼前集

卷三

古

南湖新漲引

細雨漫空夾桃李飛入南湖作湖水浪頭洶湧一
丈高大船小船如漂毛入浦亂流新浩浩其間一
半生芳草短舟蕩出清淺窪其間一半浮落花前
日湖乾空太息眼邊不見一寸鯽於今上已雨綿
綿鯉魚出水呈芳鮮聞有文書昨至縣加派新糧
罪逋欠湖中漁人無是非莫浪矜誇鯉魚肥

同友門九水試新茶歌

有引

二子自杭之金粟復由金粟至天竺徑山
將返匡山夜共啜新茗作斯歌以貽之

漸近清明十日雨聞道新茶嘴始努十日以後齊
採造間關入手氣已嫻匡山二子金粟還草鞋破
衲骨撐拄去歲種茶在天竺自揀鎗旗獨辛苦龍
井道人最有名請製一甌傾雪乳今歲品茶事較
奇風格乃更誇吾土燈下故人萬里歸口不能言
心自取忽遇故人歸萬里驚呼驟記涪翁語翁有
此想事非真已作茶中真實譜試指斯語當斯事
譬若子規喚杜宇吁嗟妙想能鑿空古人所以雄
千古

全武治宿桃葉渡作長句自嘲因東示武治

石白前集

卷三

主

昨日行李太草草跨驢入城苦不早扣門投宿無
處著倉皇頗似失林鳥逡巡一宿桃葉渡此是王
令搖楫處古人風流今在眼我輩空遭時俗惡壚
頭有酒近百壺篋中無錢不可沽唇乾索水時一
起飢僕鼾睡勞呵呼施我枕簟暫偃仰兩人清夢
各執掌久之簷間月漸明仰面看天星縱橫鄰雞
喚客咿喔鳴胡不聽之非惡聲平生恥作蛇入地
爲龍升天復無計非龍非蛇亦自詫世人胡以評
其價

贈別彭城張觀生

雲龍山人放鶴處君距此山今幾許山人亦是古
豪傑君其苗裔今無匹山外光中作比隣鱸魚香
裏意相親爲許珍珠泉句好勸君慎勿暗投人
示余珍與君高譚各岸憤君髮如漆我二色但使
遊情無厭時相逢何必黃樓側

觀顏魯公所書唐玄靜先生李君斷碑歌

顏公書法出法外有碑間關藏地肺玉宸宮中半
零落此碑立在荒榛內陟巖跨岩往看之摩娑點
畫窮恣態不知何歲遭毀裂立者一半亦漫滅一
半移置棄如蔑割然中裂距咫尺其一委地一倚
石白前集

卷三

主

辭疑是用作支門石近時鍾竟陵好奇探幽蹟謂
言中分幸兩在延津再合須人力吾觀鍾此詩猶
見此碑兩斷時豈期兩者化爲三於中已復有刑
虧吁嗟平原筆至此安可誇世事翻覆風中沙誰
能好事尋癡痕卻恐一朝忽不見巨者爲磨細爲
硯此時山中索唐蹟辭間柳實氣如電嗚呼三官
銅像入盜手斷石雖斷神不變何幸不爲人所羨
爲我收拾垂一綫

冬日過牧遠饒見語墾地種桃以代耕田之

入醉後作歌

君居近城不出門矮牆遶屋桑麻村屢空貌戚意
不戚獨立不爲天所化濁醪無滴能畱客客爲君
畱起躑躅我既惡殺休刀机喜君家亦無雌伏須
更盤餐向我陳芥孫味不減八珍庭前野禽行蹕
躍化及鳥雀君心仁屋角爲園半畝餘桃栽二尺
連青蔬弩力墾地及三九磊落種桃三百株讀書
未免遭世垢耕田常病湖田瘦明歲清明風雨時
勸君細看花開後

四月十四夜月中納涼示印度

十旬羲轡驅晴空小滿未至行火龍叢薄何曾見

石臼前集

卷三

七

梅雨茂林稀復聞松風澗中涓涓流復止指點清
泉動十里汲取專用三尺奚眼耳口鼻何繇洗庭
前月出如清池交加苻藻紛連漪未堪飛醖酬佳
月乍可散髮候微颺靜人骨瘦塵中鶴氣微翮短
愁俛啄自言我本丁令威不栖華表栖城郭何當
一雨新涼濯毛羽爲君高騫唳空澗

別印度歸後一日雨次十四夜韻因以簡之

林間選月四面空南方赫赫橫蒼龍天邊已識賢
人宿樹杪翻無少女風明發相牽不爲止白汗如
珠五十里歸家一夕雨打牕面上塵埃夢中洗忽

如濯足五畝池清冷手弄千疊漪紙牕一穴叫不
息謾謾無異青松颺我爲黃鵠君爲鶴雖饑不啄
雞所啄鶴有九臯鵠千里安得再有人間二頃之
負郭此雨爲人作豐年我輩應須脚跟濶

彥仍以母病食素誦佛經欽其篤志作歌

細雨點堦月痕攝庭中一葉及兩葉雨歇人來致
子書中言母病魂子如眼前梵笈令人省以悲生
愛智生猛齋食清蔬滿客盤殺雞供母客亦歡子
雖斷葷不斷酒卻以天機爲孝友世人安有如子
真書尾向我索一斗故人遠羨胡居士八十慈幃

石臼前集

卷三

六

健如咒鴟夸掛壁醉且眠古佛夜譚龕燈前

秦淮二月歌贈趙可孫

秦淮二月花如綺夾路鶯聲散桃李江雲漠漠隱
千橋江上踟躕別離子與君相見石頭城淮水未
生月未盈青溪此度還爲客孤月相思得共卿卿
家迢迢山陰曲山水縱橫盡奇崛曾聞修禊在蘭
亭復道探書尋禹穴禹穴探書事渺然鑿淮猶記
是秦年道看江淥清涼寺共踏蘼蕪白鷺川看君
形貌何容與鄭公矯矯翻媚無三春爲樂氣如雲
一夕傾心淚咸雨別有相將夜復朝纖纖月出上

河橋我去更催三泖舵君行卻聽廣陵潮廣陵舟楫天邊渡二十四橋明月處竹里遊人意未闌蕪城才子愁堪賦幾日三江感落花聞君欲動海門槎差池海燕西飛後勿使青書滯水涯

登西林寺塔歌

松江城外西林寺浮屠崔嵬勢入雲攀躋直上亦奇絕日落烟水何紛紛遠山微茫皆歷歷細視九峰氣相敵月出還驚孤鳥飛風生漸覺層波激姑蘓麋鹿曾遊處西望館娃憶歌舞千載惟聞范蠡舟五湖尚有春申浦楓橋千家遠郡城清江日日

石臼前集

卷三

九

擣衣聲川長路遠望不極腸斷寒潮來去情

過朱宗遠出示牡丹詩因成短歌

林亭三月鶯聲亂柳絮參差白雲散遲遲風落紫藤花絮絮詩成青玉案庭前老梅前日開花開不見空徘徊天邊雲月空相望日日春風長綠苔

登永嘉樓寄僧彌孝章

前歲辭家二三月桃李盈盈花盡發帆檣東下阻雲林一片青山向甌越白髮蕭疎歲月新潮生吳苑水泚泚何年離別無愁思此地縣來多故人憑欄但見雲中鳥斷絕音書望舊神

七月十九日代題江陰周氏女淑婉淑禧畫

冊

周君廓落輕世務十年已作三都賦平生愛詠嬌女篇毫端墨汁呈天趣一字惠芳一織素各擅丹青騁明悟天生植物踰萬品落筆爛熳紛無數一花一葉有至巧安排那得知其故周君本自東南英生男竹箭女箇簞他年得似管夫人瑯玕數尺價勝珊瑚樹

題玉洞桃花圖賀正侍御太夫人八表壽

海東粲粲蒸紅霞參差藥萼相交加丹梯翠嶽開

石臼前集

卷三

十

舒谿千樹萬樹皆桃花中有石洞何窈窕桃花掩映青瑤草洞中流泉浮落花丹砂的的紛相繞東海仙人引清嘯麻姑千載顏常少坐看花開玉洞前扶桑若木光照耀我公螭頭簪筆臣三江雲樹行朱輪五花封誥紅錦綾珎璜八表太夫人夫人設悅當茲晨瑤觴玉罍稱千春千春日月頻回換老鶴翩跹來海岸堂前日侍惠文冠堂上時看鶴銜算年年笑指桃花紅有似東方旭始旦

寄題陳簡菴谿南草堂

前年惜別銜杯酒林烟黯黯胥河口一別三年空

寄書書中尚憶河橋柳君歸高臥白雲邊回想山陰訪戴船避世只言麋鹿好逢人盡說黍丘賢家有名園足枏梓谿南窈窕長林裏野逕遙遮岸北雲流泉遍是谿中水繁昨兵燹暗睢陽睢陽城中如沸湯丘園滿目生荆杞此地何人問草堂昔無三尺椽今有一茅厦桐栢列左右古物多瀟灑白哲如玉山婆娑坐其下濟南白雪良可追摩詰輞川自詠之願隨六鷁飛過宋千載猶聞裴廸詩草堂自比白雲樓云

壽陳三望將軍四十初度

石臼前集

卷三

三

陳將軍亦何豪腰間大羽懸寶刀虬鬚燕額非凡甚平生彎弧一百石仰面慣射雙飛鵰家在越嶠鄰蜃蛟意氣直貫錢塘潮將軍二十學書劍挾刀上馬如操觚三十出身事明主江干坐擁百尺旄卽今策勲才四十帶甲滿地觀騰驍堂前會客各朱履炙羊行酒紅燭燒昨聞寇抵江之郊鬚髮豎立如蝟毛擲杯直欲呼韃靼橫絕萬里驅豺獍西踰湟隴東渡遼燕然山石嶢嶢高無復漢代誇嫖姚功成賜爵兼分尊將軍飲酒仍大飽載歌紫芝之曲吹笙歌

七夕詞

涼影燦南箕朱光搖北斗長安秋月始嬋娟乞巧庭前競瓜藕漢宮嬪御盡穿針寂寞長門漏轉沉黃金未買相如賦河漢迢迢此夜心

哀方巢

度也

先生歲晚家近郊遺民之裔宗雷交廬山慧遠日把臂姓名稍變稱方巢一朝化去不復見甕牖空餘舊日茅林中白日忽黯慘悲來涕下沾枯梢

春夜宿燕子磯作短歌

迢迢淶水夜方生江草漸綠波漸平危磯百尺煙

石臼前集

卷三

三

縱橫磯頭落日栖烏驚東風吹煙滿芳甸西洲送客辭鄉縣樹上栖烏啼一聲芳草萋萋看不見年年烽火徹中流已是江南無限愁越人歌歇天邊渡獨結愁心青翰舟

寒食金山望江中新綠歌

去年登山載樽酒茱萸紅映青林藪今年登山寒食天東風著地吹楊柳楊柳江邊漾新綠千頃茫茫浮碧玉芳樹迥臨楊子岸孤舟近接鼉鼉窟江衡江芷各萋萋春日春風滿路蹊北固回潮當日落南船繫岸有鶯啼津亭草色連春漲此際江光

更駘蕩人影參差細霧中鐘聲咽香清波上別有
江郎鵝鵝鵝桃花一樹紅紅英飄落東風駛
冷人歎息驚生平生風景足婆娑重九寒食皆
蹉跎蒼葭白露空相憶花月春江可奈何

虎丘少年行

纖雨濕江芷流景吹江光江天三月花落盡東風
日日搖垂楊吳中跌蕩繁華子愛惜清明與上巳
虎丘分逐麗水行鶴澗遙通美人里畫舸珠簾淥
水前明昨皓齒各嫣然騷人空復憐山鬼湘女原
知是水仙此日少年爭目送步行不上花間鞦何
手能飛宋玉詞何人解作陳思夢美人歸去卷簾
帷流鶯間關淚雙垂人生有情易沾衣少年腸斷
安可非

賃春篇贈程穆倩

往歲與穆倩別白門今年二月相見於吳
聞出示近詩有云我求春賃無生活予悲
其意為賦賃春篇

君不見梁伯鸞浩歌出關亦瀟灑五噫非無濟世
情一朝賃春居廡下丈夫磊砢當忍饑人生莫厭
西山薇卽冷盜賊滿天地耕種格鬪黃塵飛大江

以南多震恐世路悠悠將安歸吳門日月猶清杲
千里鶯啼徹芳草墜田種秫未可期賣簪負薪俱
足老闌闌人如鼻伯通局促廡下亦云好伯通千
載傑相士不減裂旣識伯鸞高更慕要離烈今人
已不識今人何況古人跡已陳所以季代冥鴻士
賃春無計良苦辛嗚手程生白哲神秋水英雄相
貌若女子世間亦有英雄流物色請從杵臼始

霜踰行贈袁重其

袁生有母霜中烏栢舟載歌哺兩雛一雛匍匐一
在腹風雨蕭瑟聞呱呱夫顏白哲美哉都往客河

石臼前集

卷三

三

伯不敢呼雛也繞膝咽且鳴炊煙出戶時時無此
時銜悲清淚滴左手持筐右持荻以荻畫灰教雛
書書成汝業勝泝泝我觀袁生色慘悽日操觚翰
東復西有錢供母陳鹽齏逡巡一進盤中鮭君不
見古人把耒事耕穫日夕高堂具藜藿又不見枝
上慈烏凍不飛有子哺之不復饑袁生母子俱歛
崎其心匪石甘流離學耕學書皆得養殷勤反哺
成含飴嗚乎生無二天夙所失此媛卓識良可師
袁宗魯字凡七載封孤池竭端天關錦衣狂怪鬼

夜哭忠臣血何班班此時世路真坎壈大獄株連縉紳禍四海奔波屬魏崔十年揮淚哀楊左左公蹇蹇龍飛前隻手取日升虞淵大功久已在社稷巨姦側目來鷹鷂九關虎豹聲關闔左公背裂呼蒼天蝮蛇爭螫禍機發公也衣褐歸園田羣兇噉哈牙爲磨檻車轟轟凌黃河紫衣較尉稱勅使皖公山下愁風波詔書讀罷著囚服傾城觀者吞聲哭捐糜安恤具五刑囊頭且復關三木幾日陰霾暗城闕長安市中風拔屋地震怒公殞命學士朝中皆魏姓豎子寧堪玷太阿真人已出懸天鏡盡驅魑魅掃氛祲垂衣手握河魁柄公於是日蒙新典天書惻怛孤忠顯卽今慷慨觀遺文龍螭五色何繽紛諸郎才器如天馬奔騰絕景仍閒雅胸有至痛不敢言血淚哀哀向人瀉相將躑躅辭鄉邑江上流離空四壁公侯必復理有之甘肥不御情尤裂闕禍已熄更何論當時羽翼還雲屯况復天網亦疏濶此曹王食開朱門豈惟玉食開朱門機深竊恐能飛翻嗚呼封狐雖死多子孫安得努力一往呼天關

天妃宮望海歌

金山衛城南

素舸悠悠風雨散春申浦外波方渙一夜風吹海上雲濤聲決泮叢祠岸波騰浪蹴東南天濛濛漠漠如寒烟三江旣入幾千載令人想像洪荒前烟銷霧滅諸山出大山小山皆萃嶽峰巒合沓亦咫尺豈有瓊宮與瑤室凌濤巨舶乘喧阗掛席遙將海月迴風生浪截漁人去潮落天空野馬來岸上荒祠臨片鹵蛛絲畫壁栖簷廡神女銖衣尚儼然蛟宮銀燭光輝吐海濱水族聞揚華縱橫擁劍紛如麻甲蟲采色無乃是繽紛紅紫行晴沙別有跳魚形似蜴現形異態渾難識已嗔白蟹朝朝餐復

石臼前集

卷三

三

訝鯉魚頓頓食禹貢鹽絺入筐筐何時煮海及維揚玄虛祇能誇沃日思先始解添飛霜幾處滉沙方出素漸漸麥秀海塘路鮫人織綃應屢遷蓬萊清淺疑非故吁嗟人世事皆非海曲褰裳亦可歸無人更識安期子有鳥空名丁令威日月轉轂朱顏改下令安期復安在朱皇漢武不得仙還令精衛飛填海古人風志未能酬誰言安石稱風流東行盡室更何日虛有嵯峨泛海舟

海賦云繁采揚華註謂揚華甲蟲名采色繁麗也海濱小蟹殼有文

海雲歌送方爾止縣雲間返白下

庚辰

海雲迢迢倏飄忽白門歸客愁不發芳蹊碧樹遶
吳天桂楫蘭橈蕩秋月君家甲第何蟬聯桐山秀
出連龍眠弱冠聲名起江介片言落紙飛雲煙平
生少孤亦坎坷脫略繁華厭尾瑣讀書已破一萬
卷作賦談兵無不可十載桐城戰血斑峨峨白骨
成丘山登陴授甲何慷慨指麾破敵如等閒君抱
奇才遭世難長揖戎軒憤常岸賭墅何當笑謝安
從軍不得同王粲孤舟鼓枻滯江皋感此踟躕心
鬱陶酒邊落落歌長鉞腰下時時看寶刀酌酒與
君勿嗚咽古來才大轉愁絕前年避地長干居一

石臼前集

卷三

圭

回又向江門別江門落日水悠悠黃浦潮生逐去
舟相思鐵甕城南夜獨倚危檣看斗牛

客堂秋夕二首

虛庭綠樹紛參差落日始有秋風吹天河淡淡月
將沒蟋蟀微吟令人悲男兒何心事飄蕩客遊日
日生惆悵欲寄鄉關一紙書石頭城下潮西上
明河宛轉秋蕭瑟夜久蟲聲斷復續涓涓露下百
草衰使我慨歎思風昔遊子出門懷故鄉欲言不
言空徬徨何況秋風滿關塞復看牛女限河梁

松江城外逢楊無補卽駐屢江因贈

二月萋萋江草色君行始作渡江客玄武湖邊燕
子飛丹陽廓外蘼蕪綠辭君去去關閭城猶子東
向海雲生轉盼西風吹澱水江天寂歷惟孤征卽
今解纜將安適松江婁江亦咫尺世路悠悠何所
求昂藏且揖東諸侯黃河木落秋風後更到長安
訪交友長安故人多近臣因之一過平津否

題程穆倩書

程生跌宕無與雙扁舟東下吳淞江偶然落筆畫
山水清泉大壑流淙淙家在黃山走吳越程生足
下信超忽卽如此畫亦彷彿浩蕩嵐烟恣出沒短

石臼前集

卷三

圭

船時繫釣魚磯明日五湖爲君發

觀楊龍友畫山水冊子董宗伯書跋作歌

楊子性癖畫山水胸中突兀眼中起巒壑窈窕煙
霧生倏忽風雨如在耳手拂絹素神已通耳目不
御遊鴻濛鴻濛以前未有此此時突出神工我
觀此冊凡十圖千流萬壑態各殊桃源輞川久寂
寞雲門若耶胡爲乎誰言此境世所無彷彿廬岳
疑衡巫楊子產夜郎山水天下絕牂牁以南峯插
天一寫出森巖嶮畫家惟取胎骨奇細論流派
良足嗤平生所好或彷彿氣格頗似黃大癡梅花

道人亦其亞一二迫肖非追隨武陵楊公楊子師
擊節愛好渴且饑十年購得萬松卷縹囊什襲如
鼎彝妙手董宗伯駕軼文與沈歎息展此圖摩娑
盡題品此圖在世珍璫璣况有淋漓宗伯書其價
何啻千瓊琚楊子腹中書萬卷四十公車惟破硯
爲我且掃一疋絹明歲長安見天子放筆一揮大
同殿

宿包山寺空翠閣

危巖窄窄風颭颭落日漾熾寒潮流龍峰懸窟盡
杳渺墜葉颯杳包山秋包山之麓雲瀾瀾西去林

石臼前集

卷三

七

屋惟尺咫洞中怪異難復陳洞口巉巖列青兕踞
蹊小徑行蜿蜒石橋流水寒澌澌一閣側立雲際
寺諸峰四映湖中天古寺崎嶇夜中宿女蘿續紛
山鬼人帝子回飈下洞庭驪龍跋浪銜明月環山
寂寂白雲歸北斗闌干鐘磬稀虛傳水底鯨魚出
無復簷前鳥雀飛木奴萬樹紛葳蕤橋頌淒清更
可悲山間一宿徘徊久欲往從之橋中叟

登縹緲峰絕頂歌

浮舟觀震澤西上縹緲峰前白浪擁子里浩洶
洶東望莫釐峙寒空兩山之間誰爲雄此峰峻出

摩蒼穹亦者出沒洪濤中一一爛熳如芙蓉憶昔
吳王宮殿舊在苑冰犀教戰昆明裏朝呼勾踐稽
顙來夜看西施捧心起一自繁華逐水流姑蘇幾
見鹿麋遊惟有此山特立當中洲白雲翠嶂寒悠
悠我聞此中靈異不可測石室下通雲夢澤昔日
大禹手所闢金匱玉簡無人識落日登峰頂極眺
瀟湘灣續紛九疑色寂寞蒼梧山蒼梧迢迢不可
攀令人悽惻愁心顛人生哀樂如波瀾千秋百代
皆漫漫夫差之事何足數

贈永嘉吳葵東明府

石臼前集

卷三

七

君不見永嘉吳公年近六十耆耄面一生讀書逾
萬卷二十年前綰一綬驂駢蹀躞龍南縣龍南作
令瀨江濱彭澤罷官歲歲貧家在甌東如栗里門
前五柳搖芳津謝公池上柳堪把春草鳴禽遍江
野著書愛纂神農經不學蟲魚註爾雅吹臺雲起
天冥冥月下還聞子晉笙看君骨節輕如羽曾逐
盧敖海上行

徐善生郊園醉歌

芳郊綿綿柳絮飛楊柳含姿始陸縷寒溪漠漠烟
霧深黃鸝啼關關東鄰城東徐隱憂我者爲我謫

堂出清醅奉酌令人顏色紅片言頓使胸懷空簾
外細雨時復灑階前碧草沉東風徐君歷落清卿
子白髮掩關貧似洗腹中貯書不計數富貴繁華
如脫屣六書精計更入神著論前欲無古人平生
更擅平原筆得意往往能亂真看君舉體皆清妙
醉後仰天復長嘯人生相命何紛紛有酒當前卽
可醺千秋萬歲猶寂寞世上虛名安足云

招葛元士遊城南沈景山別業兼寄馬倩父
白雲蔭高閣綠水繞長川寒食已過風雨歇東園
桃李始欲然城南沈郎呼我宿騎馬欲走城南陌

石臼前集

卷三

三

祇愁桃李花亂飛且復與君共醺醪葛生四十有
芳名雄詞藻筆凌兩京相思更待雲中翼緘寄文
園訊馬卿

寄方爾止錢塘

去年客遊滯東海君在陵陽遠相待今年我客陵
陽山君去錢塘猶未還東城桃李花盡發綠溪水
滿長堤沒與君道路各參差相憶年年限吳越何
況四海風塵昏干戈愁絕安可論天地縱橫遍射
虎我曹空逐枯蓬根他鄉離亂頻回首行子思家
三月後江令門前芳草多萋萋滿目君歸否

雨雪篇 庚辰

凌陽山前雪花白柳條未舒草木茁江南二月失
駘蕩郊園桃李何繇馥不爭桃李無芬馥天時反
覆那可測自從去歲陷大梁四海半化爲豺狼八
月九月馬來鳴鏑直欲踰維揚天下計吏盡躑
躑路阻不得朝天王昨聞官兵復迸散劫奪四出
成奔叛九江焚掠入鳩茲此地于今盡塗炭宇內
已復遘陽九白頭何意遭斯難嗚呼此亂何時有
終盡雨雪淫淫坐悲歎

獻歲行 庚辰

石臼前集

卷三

三

元日陰森到人日日日寒雲滿蓬華飄搖雨霰泥
在途巷南巷北何蕭瑟昨日雷雨更颺起震瓦翻
盆未云已獻歲雖開春尚紆臘月陽微詎宜此前
月始聞桃李華冬雷已復驚客嗟水火擊射豈無
故春秋紀異無乃賒塞垣東北飛沙十年襄漢
蟠長蛇隕霜不殺咎斯在于戈四海摧桑麻一從
丞相西出師朝廷正訝捷書遲捷書未報丞相苦
變理陰陽勝靡盬

西湖采蓴歌

三月楊花撲天起飛入湖中逐湖水風吹日漾滿

湖尊楊花雪白尊花紫湖船日紅雲生采尊逆
浪微風輕牽莖翻葉恣采摘碧波翠蔓紛縱橫越
女織羅間白紵越兒擁機解吳語采罷回船向煙
浦錦翼鳬雛亂飛去

釣臺歌

朝帆發富春暮櫂行瀧口峭壁竦兩岸水清似瓊
玖中有兩巨石拔起九崔嵬子陵垂釣處寂寞惟
荒臺伊昔富春老遁迹此江濱羊裘已不識天子
物色何期到故人故人猶是滄江客揮手長辭洛
陽陌歸來仍與麋鹿遊空使星辰動天關釣臺水
石曰前集 卷三

試劍石歌

青牛道士何代客攀嶺躡岫行紫氛嶺頭傳法者
誰子長松古檜何續紛人代蒼茫那可辨白雲翠
壁人空羨道士騎牛去不返羽人煉藥還飛劍丹
成未即遊太清摩娑且拂雙龍精松際徘徊一鶴
舞空中彷彿聞玉笙一朝拔劍起斫石石面縱橫
裂咫尺雲英劃碎乳方流劍花四迸光相射蒼崖
如削勢已雄蟠根結構仍玲瓏竊想混沌有此石

斧斤鏗鑿胡其工我聞太華之峰高萬丈巨靈手
劈堪相髣突兀不獨玉女盆靈奇真有仙人掌宇
宙瑰異奚足猜誰言拔劍斫石石不開湛盧擲罷
生羽翼顧盼一笑凌九垓空山薜荔紛紅紫松雲
寂寂聞流水石上何時駕鶴回水中還有雙龍起

苦雨篇

客田作
庚辰夏也

疾風四月捲枯麥黃昏驟雨龜山麓一夕霏霏雨
不止瀑流百尺飛上屋山空無人獨眠臥雨點翻
盆屋瓦破俄頃衾裯忽沾濕徬徨夜半起獨立明
日陰霾走雷電谷風驅雨寒吹面十日之後還復
石曰前集 卷三

然城頭水白奔如箭小麥欲芟蔴在野蔗田始綠
秧分把鳴條破塊亦已甚淫霖巨潦何爲者何況
碧薤及青瓠郊原阻絕城闔路城中杳杳聞哭聲
城外行人斷官渡人生羈旅心易傷日日雲山看
回互

後苦雨篇

一月黥慘不見月不識覆瓦與仰瓦至今霖霖踰
三旬尚見零濛亂飄灑人言雨時逢甲子船當入
市徵在此昨聞水漲浸城門城頭滾滾溪湍奔對
面一山飛涎練驚奔錯落遙相親田田寒雲莽不

飛復此踟躕淚如霰

寄二穉子

吳山風吹越山雨出門采葛復漚苧老人頭白離
故鄉二子此離隔寒暑鯉魚阻絕愁人心黃鵠一
飛高千尋安得將書託黃鵠遠寄平陽與伯禽

北樓吟

宛溪始碧雨始濛離離雁去鳴春風北樓崔嵬出
雲中我來其間懷謝公謝公昔日登茲樓高歌坐
受澄江秋江頭碧草幾銷換至今此地猶風流層
巖大壑排青嶂朱檻雕甍宛相向黃鸝對語東風
前集 卷三

促織篇

沉沉秋夜天漢明空堂蟋蟀鳴秋聲臨堦遶砌咽
復息草根露溼猶縱橫別有閒庭聽促織嘖蛾含
怨情無極已似風前樂素絲虛疑燈下聞刀尺一
回機速如流泉紡車絲滑聲連連希微中斷忽相
續寒女當牕手碌碌誰家怨婦入鴛機寂寂簾櫳
望遠歸已向秋風悲促織還畱明月擣寒衣

夜紡行

海上女何辛苦紡車夜作月正午家家門前借月
光夜中相喚還相語木綿花白於雪紡車滿城聲
不絕東方月明雞喔喔君不見城中少年愛華靡
輿臺小隸衣文綺松江細布供京師少年視之如
麻泉貧女夜紡不停手霜寒衣單露兩肘

舟行龍中觀龍友爲予畫瀧口圖

孤帆曉發桐廬縣夢魂尚繫錢塘江風光正當三
月朔山水行逢七里瀧瀧口清流清徹底爲予落
筆龍聲裏千巖競識子陵家一舸長浮富春水朦
朧樹色含芳春白雲翠嶂皆有神看君已著王喬
羽偏愛羊裘澤畔人

白塔寺望仙巖歌

古樹倚青岑霏霏落巖翠演漾綠水涯紆迴白塔
寺城南水綠迷荒渡猶記仙巖來去路前年愛山
入山深出入烟巒不知數今來還自憶巖扉梅潭
瀑布空中飛千重雲木未覺遠一道清溪含夕暉
虎溪月出澄秋爽草露沾衣宜獨往舊曾題處再
應題他日來時恣偃仰

夜遊南明山歌

括州城南山色好散開峯巒連雲間綠波盪漾數

峰影卓絕無過南明山細磴幽林深窈窕複澗層
岩盡奔峭我來月出如懸鉤衆壑離離隱光耀石
梁已過光參差照見石洞莓苔碑碑字剝蝕尚可
讀倏忽棄去令人思暗徑崎嶇躡山頂古屋圯頽
覆鴛井僧言岸洞乃更奇折入欲飲毛骨冷努力
再上層峰巔石壁濛濛生黛烟摩娑海岳三大字
彷彿氣勢猶飛騫月落諸山皆夜色幽興徬徨未
云極以火編照更叫呼詭異紛紛悶不得蕭條高
樹多烈風出入窈窕心冲冲賞幽未厭青冥側失
道畏落蒼耳中括州南明真可遊夜啼猿欲令人

石臼前集

卷三

三

愁明朝清興更一發拂拭巖屏紀歲月

題朱宗遠畫林巒秋霽圖

華亭名畫董少保畫手紛紛那復好宗遠好自出
天機二十年來名最早信手落筆何其雄神鏡鬼
削蟠胸中寸巒拳石盡奇險不異五丁開蠶叢涼
秋八月白露濡爲我一掃林巒圖洞庭始波木葉
脫潯陽極浦雲林孤山下離離葉漸赤卻有茆堂
倚青嶂堂中老人把一卷疑是泛濫周王傳吁嗟
此境不易有大壑層岸當戶牖一朝得與麋鹿遊
白髮竟作山中叟宗遠家在三江濱林木窈窕無

塵氛自言欲棄去遠尋天目雲我願隨之往同追
麋鹿羣手披子畫見肝鬲復聆子言三歎息相思
他日在巖扉咫尺烟巒勿相失

郭墓行

江中孤石徘徊久嗟峨蕭瑟風濤吼古墓嶙峋失
歲久云是晉代弘農守弘農太守瑰奇者生值羣
割中夏感時已見賦遊仙博物還曾註爾雅一
朝江表有風塵藏舟天與江之濱日中隕命能前
識處仲虛誇殺景純春流瀉碧何泝泝斷碣摩娑
發長喟安得燃犀燭水底歷歷空明覩神怪

石臼前集

卷三

三

煮鹽行

庚辰

朝持筐暮持筐男子袒跣女蓬首潮回掃取浪上
花漉沙作滷日一斗熬成雪色傾筐賣克腸一半
多蒲稗兒女相將出忍饑還掃浪花岸邊曬古云
煮海同鑄山汝曹衣食何其艱甕中有粟襦不裂
海水枯浪花絕

打冰行

五更霜白寒稜稜明星光爛冰峻嶒舟子履霜理
蒿櫂持蒿碑打船頭冰打冰放舟行十里東方旭
日瞳瞳起遠岸烏啼隔曉烟方塘野雁鳴寒水舟

行千里誰謂強每聽打冰卽斷腸

阮公行贈與治

阮公昔沉寔形骸類土木卻戀步兵廚美醖日在
腹所至或窮途仰天輒慟哭我今不醉長苦饑朝
饑無食誰能支人前况復忌開口囁嚅不得心轉
悲故人爲我具梁黍食罷提壺賞清醕勸君且止
勿復沽飽食何須更樽俎阮公雙淚已龍鍾颯颯
秋風哭向汝

送戴敬夫歸石臼湖

庚辰

十年江國腥水流行子簸蕩風沙裏奔走東西莽
未休故鄉廬舍生荆杞自從賊破歷陽城潛廬以
下多甲兵青山半爲狐兔穴白日惟聞鼙鼓聲嗟
君避地良辛苦橫山銅井非吾土西枝草堂竟何
有東屯更復憂豺虎今年左帥潰襄陽叛兵東下
如沸湯殺戮旣已盡雞犬間關滿目皆流亡君攜
兒女亦來奔繭足荒林投我卽婦亡餘痛猶在腹
倉皇翦紙招其魂干戈未定出門去秋風短袂傷
行路天寒潮落石頭城世難心驚楊子渡與君相
見成悲哽昨日題書寄鄉井信使差池猶未回憂
思宛轉誰能省君歸路遶青山麓西去扁舟更蕭

瑟夾岸烟霜鴈鳬多歲晚歸來共幽躅

越溪詞

五月五日天雨潦溪長水深雲浩浩波濤洶洶石
壁下越舟如梭去如馬風俗家家翦綠蒲水戲擊
鼓龍舟趨揚袍揮袂競兒女浪頭一丈雜風雨越
溪水綠思無涯萬壑千峰處處遮試向苕羅山下
問還有當時出浣沙

同龍友石門洞觀瀑布歌

謝公昔爲永嘉守永嘉山水世無有朝登綠嶂與
未已暮踏孤嶼徘徊久惠連始入西池夢斤斧還
未白前集卷三

卷三

早

搜石門洞闌寂初從兕虎遊幽閒忽聽鳴琴吟亂
山夾岸清溪奔雙峰對起開一門入門曲屈盡奇
奧欽訝古洞搖心魂巖上瀑流白雲舞乍飛疑雪
更疑霧一道飄搖落千尺銀河疋練何足數飛流
直下聲淅瀝澄潭孤石相戛擊隨風散漫入林壑
併作寒烟潤花壓摩崖字畫紛朦朧賦詠無如天
寶工漫遊已鐫晁美叔避暑復勒蘇才翁我亦清
夏來絕境瀑雪潭光兩相映掛席仍懸碧海心捫
夢已得青田令古人沒後空流水仙吏愛奇數過
此絕頂相看一惘然最糧策杖從茲始

立秋日永嘉城南泛舟遊仙巖作

永嘉城南江水清永嘉城北江風輕一日秋風復
秋水颼颼涵淡傷人情象浦迢迢隔烟汜吹臺回
望蒼雲裏孤舟日夜東南征夢繞吳江幾千里窈
窕仙巖去轉幽雷潭古木紛相糾仙人安在不我
違夜宿巖下心悠悠

芝田七夕

今夕何夕芝田秋秋雲黯黯風颼颼細雨忽灑木
葉溼微雲却掩天河流夜久乍聞猿與狖仰觀不
見女與牛城頭沉沉鼓聲起白門烏啼隔千里故

名白前集

卷三

四

園離別將奈何一望天西淚如雨

雨中雜歌二首

一雨三日雨一丈樹上飛泉落屋上奔谿注壑若
萬雷夜半聞之色阻喪陰雲疊鋹曉猶結坐使千
峰萬峰失渡頭已見有死人洶洶况復啼千室君
不見渡蟻瑣細何足云掩骷布令古曾聞空山老
叟慘淡復何事仰視青天散薄氛

四山奔流雜風雨城頭不聞旦擊鼓山中老人正
愁臥前有驚猱後兕虎深山大澤必有異萬木龍
從相虧蔽猿猱兕虎不足憂龍蛇蟠結屯雲氣君

不見泥中神龍乘雲飛上天使我憂愁百結空相

掃霜行

雞鳴角角明星光宵寒野泊愁更長客子擁衾測
天曙長年起掃蓬上霜掃霜欲罷明星滅苦竹黃
蘆霜似雪出門楊柳始藏鴉楊柳葉盡方還家千
里舟行亦云惡每聽掃霜淚先落

土街行

庚辰

白門風吹萬楊柳烏啼寂寞土街口此家昔日最
驕奢門前妻妾鬪風車日日裁縫著紈綺著罷重

名白前集

卷三

四

裁無日已犬兕走馬閑如雲腰間白玉稱冠軍小
兒情懂頗無賴不解詩書忽衣豸一家暴貴垂文
綬只道天長并地久豪華一散風中絮轉眼真同
蒿上露門闌盡日捲風颼短褶長刀斫庭柱生憎
此路易傷情畏踏盧妃巷裏行

西臺慟哭行

嚴陵江水澄清鏡上有危石如蹲虎釣臺寂寞空
煙氛千載何人拔劍舞手把琅玕青拂雲高歌招
鳳心長苦緊昔慟哭西臺上風雲慘澹色惆悵臯
亭已落錢塘潮中原誰識文丞相丞相相流離隔燕

旬壯士西歸不相見海上旌旗夢裏臺邊流水
波空濺君不見豫子吞炭行失聲又不見海島之
客殉田橫西臺松柏連青冥空山哭罷啼猩猩丈
夫一死報知己目極心悲許劍亭

出門行東與九

出門顏色何太惡左趾欲前右趾縮男兒生世遭
坎坷眼前寸步成燕越山中十日梅花開故人遲
我憑高閣湖山對面不相識况復高譚遊五嶽春
陰此日氣蕭騷白雲如烟雨如毛春寒日日是寒
食柳絲未綠鶯未驕交情我愛愁與呂形雖懶散
心煩勞手揮五絃亦寂寞岸幘白髮徒能搔杜陵
數息對妻子我獨何心隨汝曹

二月廿九日與九邀飲湖上草堂看玉蘭兼

憶元長在白下

二月林中啼百舌驚此庭前兩株雪離離萬藥向
東風一日花開叫奇絕氤氳滿眼轉幽閒賦性真
同谷口蘭借問天香落雲外何如玉樹在人間人
間艷色那堪數丹櫻紅杏風中舞繁華寧逐水流
空顏色莫教脂粉污惟有名花厭寂寥花間載酒
并連宵共訝一庭渾月色恰過三日是花朝我友

去泛江頭楫愛惜桃根復桃葉園林祇遣客追歡
冷落如聞花歎息穆王八駿飛瑤池王母薦之雙
玉卮閒道丘陵徒自出白雲片片空逶迤此事去
人幾千載當日白雲還復在瓊玖四照似瑤池何
必三山隔瀛海

雨中採茶歌

天寒烟霧濃肅殺如嚴冬山中一日清明雨凍損
茶芽惱茶戶循畦歷隴漸聞香老葉槎枒夜著霜
細看雀舌雨中吐那得彷彿如旗槍徘徊試採摘
百株不盈把旋生微火焙新簫一甌清露松牕下

三月十九夜聞杜鵑作歌

春光亦何柔春風亦何駛夜半杜鵑啼新林碧烟
裏北斗闌干月在天青山漠漠水涓涓此時無事
亦惆悵何況數聲聞杜鵑杜鵑昔日爲蜀帝倏忽
羽毛嗟形異不知何苦勸人歸一身已是歸無計
聲聲流血爾何癡我亦聞之雙淚滋流血雖同各
憔悴口中不及眼中悲細聽此聲聲更好似說如
今春去了人歸不惜惜春歸爲要人生行樂早
下西園清夜遊傷心金谷有高樓佳人絕代文章
盛化爲黃土空悠悠勸君莫聽流年度勸君莫倚

韶華誤縱使春去復還來消得幾回來又去浮雲
掩月月易昏東方耿耿先在門誰憐擊筑悲歌者
氣盡千秋望帝魂

長歌哭史枚遜

鷓鴣號烟桑葉綠含辛掩面仰天哭我友之死踰
十旬墳頭草有萋萋色前日非無嗚咽聲悲極聲
吞哭不得憶昔湖上招提夜近接君家惟一舍濁
醪相過必相傾愛坐清陰石楠下君出辭家作遠
人門閭對掩荒荆榛間關寄書相問訊書中慘怛
傷我神君家有田近十畝茅屋參差開戶牖苦言

石上言集

卷二

四三

相勸在田園莫更遠遊事奔走世事反覆可奈何
豈料一生惟坎坷雲霄悵望失毛羽倏忽驚看
網羅網羅高張多嶮巇禍福無因安可避憐君辛
苦脫虞人十畝山田盡荒棄棄此差池相見稀形
容瘦盡不復肥夢中顏色還相似詎隔重泉竟不
歸吁嗟皇天亦何薄秋霜不上春花萼梧桐半死
秋露中一夕繁霜更凋落青山掩骨已堪傷伯道
無兒枉斷腸莫訝故人雙淚盡車迴腹痛空徬徨

渺樽吟

懼人性不飲自製一林如橡子社中爲賦

渺樽詩余亦繼作然予飲亦不過五六合
方此渺樽豈異鯨吞耶

齊光飲酒飲一石幾曾見此渺如粟不須聽語
誼諧直教大笑冠纓絕世間虛名安足當北斗何
曾挹酒漿不如此樽雖極渺猶可一掬瀟灑窺醉
鄉醉鄉茫茫幾千里君獨遊之若桑梓我欲縱飲
三百杯此中邂逅東臯子

當嘉園寄湯彥仍

正月陌上柳柳絲未含綠四月園中梅梅子黃已
熟東風吹雪舞簷楹轉眼啼殘布穀聲靡蕪雨壓

石上言集

卷二

四三

萋萋色幾日腰鎌芟大麥平生我抱湖海心忍使
朱顏老故林此計還迴子太息我當爲向子爲禽
吁嗟一別春徂夏不見流光似奔馬我有清醕待
子傾醉後縱橫涕雙下

養蠶詞

采桑吟桑多養蠶盼蠶老桑多蠶不饑蠶老絲方
好蠶姑祠罷踏蠶歌家家賽神搥神鑼起看箔上
葉漸薄園中桑樹空枝柯空枝柯奈何許東鄰綠
車響風雨綠牕盈盈養蠶女對此踟躇心獨苦

布穀詞

布穀亦何勞啼聲徹林叢不離隴上下一飛交西
東大麥作糜小麥熟盡情啼喚常匆匆催得人家
秧入土潛身歛翼深林中四野盡禾黍汝豈無一
功此鳥誰所化卽是畊田翁兒童相識識名姓走
逐啼聲喚郭公

賦得投詩贈汨羅

社中分得楚字

屈子昔居沅湘時楚國之人胥棄之茫茫大澤身
孤羈此意非止於禦魑曰子其問諸水湄不從彭
咸當從誰上官大夫寧足懟却使千秋有楚詞九
歌上系三百詩楚本無風風在茲嗟哉世無孔仲
尼縱歷九州奚以爲九州寂寞甘浮尸眼中之人
玉與差杜蘅蘭桂菊茱萸願言不食商山芝洞庭
雲夢俱邀嬉踏波看盡蛟龍饑

蒸民謠

鑄鐵成犁鋤踏地出菽麥事在耳目前不知何故
有翻覆自今易農器製犁當用玉自今易穀種種
珠不種菽天生珠玉填華屋不生珠玉活枵腹蒸
民蒸民空白骨

九水至自廬山作歌

琵琶亭下鳴雙鶴袖子蕩舟出湓浦曉掬江流漱

齒寒江空天淡寒生雨入門相見俱逶迤一揖之
後方淒其我骨已出疑更出子顏白哲成蒼黛情
深語罷轉蕭瑟以我腸胃當子腹蝸牛廬置獅子
岩龜文在手蘭在足山中六月如霜天想像令人
意颯然試啜一甌惠山水云勝康王谷裏泉

招遠菴竹下放歌

草堂門外卽湖浦長松之下無炎暑別有幽篁數
畝餘涼颯日日如秋雨衲者匡廬我故人遠公弟
子方青春五年不見心相憶犯濤駕舸淪江濱一
朝憩此數畝竹竹中消暑亦逃客翠滴疑從五老

石臼前集

卷三

足

遊寒生似傍蓮花宿高枝密葉聞流鶯曉院百轉
猶有情命侶直尋許玄度論文新識韓君平君平
好客何蕭灑上人愛竹如愛馬轉盼秋月揚明輝
看月頻過竹林下其間亦復有清泉佳茗採自廬
山巔飲罷五言益蕭瑟琤琤澗水流琰琰嗟我百
憂何處洗如此朝昏亦無幾抵愁別後苦相思霜
寒月落幽篁裏

招遠菴鐫竹

全九

湖上數畝竹青青千片玉竹外一湖水澹澹千頃
綠十年築舍名招遠招得遠公來絕巖廬山瀑布

千尋下有似瑯玕秋色瀉

雙桐落葉歌

雙桐磊落四十尺落盡秋風滿堦葉風雨間關小雪天虛堦不掃葉猶積憶昔垂楊拂地垂新桐乍引薰風吹漠漠清寒遮戶牖重重翠影臨堦池菖蒲出水荷生沼乳燕交飛風日好自此炎威漸可揮啁啾綠羽桐陰曉桃笙茗竈各悠悠亦有閒僧話不休忽驚片葉空中墮無數亭臯木盡秋亭臯滿眼秋蕭索秋月茫茫桐葉落小院淒涼不見人枝頭夜半驚山鵲那更霜華撲面飛梧桐殘葉下

石臼前集

卷二

巖扉獨憐湖上三更夜一片荒寒月浸衣

竹雀詞

北風吹葉葉離樹樹上啼鳥晚無數復有叢篁雀滿枝啁啾叫嘯如風雨雄飛雌逐鳴相繞側耳聽之聲亦好紛紛似喜月光寒寂寂翻悲更漏悄蒼蔥顏色千瑯玕松柏不獨誇歲寒歲寒天雨雪瑯玕還結實雀兮雀兮爾生雖微已食鳳所食

印度母楊太君八十歌

自昔弱冠相朋仇有母有母皆柏舟轉眼飛光日月改慈闈鶴鬢垂皚皚鶴鬢參差八十春悅期片

片梅花新諸孫羅列俱非少予亦離奇羸老人誰逝我梁發我荀母也代父作黃耆藹藹傳聲自北堂我蠶在繭績在筐兒觴欲獻復再拜眉壽如斯良未艾我母衰髮空朋鬢千有式穀兼負乘母也八十勿言老側聞麻姑手如爪忽值仙人王方平一笑猶言姑儉狡

藕絲堰鳴榔歌

我家石臼之南涯其間十里多漁家天寒小港清見底撐出漁船如亂麻大船載繒小艇網水光一碧平如掌橫篙緩楫向湖心日入鳴榔恣來往斷

石臼前集

卷三

三

葦殘霞相映明滿湖盡是鳴榔聲渚鳬汀鴈各飛起鰕鮓鮓俱潛驚細霧濛濛聲漸遠微茫漁火黃蘆晚全家已住木蘭舟生計不離藕絲堰別有回船暗相續岸上喚聲出茅屋門前穉子著蓑衣屋裏吹殘船裏宿朝炊暮炊無風波茅屋蕭條映淺莎藕絲堰外鳴榔處白首惟聞款乃歌

廣陵歸客行贈黃叔宿

枯林號風無葉落凍雨飄飄打高閣殘燈夜照几榻寒一醉相看氣磅礴竹西歌吹古楊州前日辭家成薄遊君見隋堤惟蔓草我聞杜牧尤風流君

才氣氤氲能獨步，干將在匣光不露。落筆常輕水部詩，傷心愛讀蕪城賦。此夕閒園雨雪霏，廣陵歸客語依依。長松禿栢俱聒耳，疑是濤聲湧竹扉。

萬歲樓送張叔平還永嘉

垂楊萬樹覆清湍，曉岸鶯啼忽已闌。天涯送客傷心易，江上登樓極目難。極目岩堯臨北固，煙銷遠見廣陵樹。三春馬度黃河幾日，旌旗暗瓜步。張翰思歸興不窮，路長何必待秋風。海濱自有鱸魚膾，況復西堂懷謝公。

青田畱別蔣太占

石印前集

卷三

七

我家江南曲，君家東海頭。白雲一去二千里，山水聯綿無限愁。巾子山前水偏綠，清溪一道清如玉。絕頂時逢採藥人，流沙遠憶青牛客。人間歲月何茫茫，道長路阻增鬱傷。丈夫離合各有意，安能久聚如羣羊。昔日與君別，塞鴈東南稀。此日與君別，夏雲西北飛。臨歧一語不得吐，何用闌干淚濕衣。

撫松石歌畱別蔣鮮生

山頭白石光參差，百尺青松滴清露。夜雨冥濛曉不飛，日色半掛青松樹。碧溪如練遠城闌，映日涵空躍紫鱗。小舟蕩漾牽素練，使我衣上無纖塵。山

中松色已堪把，山下流泉復爽神。此地况逢賢主人，與君兄弟長相親。朝石帆暮象浦，此別踟躇更辛苦。把君衣袂醉君酒，吳越家山莽修阻。安得相逢無別離，長見松間月初吐。

吹臺歌送李卓如還白下兼寄黃序百

君不見王子晉吹笙白雲裏，一朝揮手緱氏山。白雲片片流伊水，子晉吹笙徧九垓。青鸞噦噦聲何哀，伊洛清塵隔千載。此地猶傳古吹臺，吹臺迤西山突兀萬壑千巖更超忽。括嶺秋風悲送君，君到仙都攬明月。別路已遠，巡行行及富春，詎意嚴陵水遙通楊子津。楊子潮連瓦官閣，尺書爲報候潮人。山川綿遠道，道遠無芳草。北固山前獨鳥飛，新林浦上一帆好。洛日寒濤更幾重，扁舟歛去過千峰。卻想汪洋黃叔度，因君長憶郭林宗。

辛巳生日輒述長句

我髮蒼蒼顏色槁，奔走南江一羸老。飄飄雲月憶古人，西堂謝客春池草。去人千載亦已遙，令我慨歎魂屢搖。况復有臺高百尺，王喬於此曾吹簫。我不能學王子喬，緱氏山鶴羽翮隨坐長。嘯又不能學謝康樂，徜徉山與水。朝遊石門暮海嶠，秋風吹

水增波瀾木葉始脫憂思橫向人不敢道壯士故園隔絕成悲酸我生此日思懸孤昔時意氣今已無故園何在千里湖卽今秋盡多菰蒲蕩舟搖楫足爲樂胡不歸操短弓射鴈還貫雙飛鳬

古意

梧桐落金井百草露白露玳瑁梁空燕不栖珍珠簾捲螢猶度芳菲歇盡已成塵長信宮中愁麗人祇道君恩千歲故詎爭團扇一朝新憶昔繁華如轉燭朝歡暮怨何匆促丈夫歲寒豈一心蛾眉氣盡白頭吟千金將聘茂陵女玉筋空悲綠綺琴

石臼前集

卷三

聖

古興

生小幽州客能跨大宛馬長征度朔漠射鵬出廣野因隨李都尉轉戰穹廬下

大漠三秋鴈始飛長安九月擣寒衣龍庭沒後無歸日少婦紅樓音信稀紅樓連狹斜妾夢逐黃沙橫笛休吹折楊柳一生腸斷陌頭花

雜興

邯鄲女兒叢臺伎解彈琵琶厭珠翠風光二月桃李花可惜朝開暮還墜桃李徒芬芳妾意自悲傷君思若流水流水斷人腸黃河日夜東流海何故

君思不長在

信陵公子行

大梁宮闕連青雲大梁車馬若雲屯出入盡爲公子客慷慨謀却邯鄲軍秦王怒氣如哮虎邯鄲請救如風雨獨將車騎死秦軍欲報平原心更苦上客侯生一抱關執轡停驂市井間鼓刀非是碌碌者美人報恩寧等閒奪兵救趙大呼起轉戰追奔一千里朝聞剌到哭侯嬴暮見操槌殺晉鄙秦兵旣破振英聲平原進酒還膝行山東諸侯盡按劍虎狼息甲無紛爭豈料功成中讒妒大梁丘墟邯鄲能顧道傍古塚泣行人荒草離離走狐兔

石臼前集

卷三

聖

梁甫吟

泰山何巍巍其下有梁甫自古封禪稱黃帝不數秦皇與漢武徐市入海不復還瓊樓金闕安可攀東巡碣石窺蓬瀛少翁樂大皆無成海濱誰斷巨鰲骨世事翻覆徒相傾君不見平津牧豕人不齒白首封侯佐天子又不見主父仕漢爲公卿五鼎列食還遭烹勢成騎虎不敢下泯滅萬車誰能平水剌蛟龍陸剌兒公孫田疆古冶子相國二桃俱殺之高墳鬱鬱蕩陰里抱膝長吟梁甫吟臥龍韜

彩南陽岑風雲未會魚水隔崔徐水鏡知其心

姬人怨服散歌

青閨女兒桃李顏愁聞海上三神山夫婿求仙厭
紅粉姬人對鏡傷雲鬢與君本謂同生死會乘彩
鳳隨簫史君服還丹愛景光玉顏那可獨飄颻直
置千年爲別鵠何如一日作鴛鴦羽衣儻逐紫烟
去願得雙飛共久長

易水行

滹沱日落征車遠北風蕭蕭拂車幘燕丹比日送
荆卿易水東流更不返賓客逶迤盡白冠高歌擊
石曰前集 卷三 三
筑水逾寒徵聲激烈羽聲細壯士淚落交關干秦
王負劍荆卿死摘柱雖虛白虹起交歡空殺樊將
軍慷慨已酬燕太子

商巖行

秦皇嘯咤凌九垓鞭撻宇宙成喧阗博士儒生盡
奔走躑躅鼎鑊良可哀商山老人何爲者散髮傍
徨去中野春風熒熒巖間芝相攜於此更安之一
朝麗者見天子出入龍樓未央裏羽翼須知四老
成風雲合爲儲皇起威姬哀怨歌鴻鵠楚歌楚舞
何相促鴻飛已復在冥冥巖上惟聞紫芝曲

楊花篇

垂楊二月乍垂條搖蕩春風拂渭橋渭橋朝日動
流水倏見楊花撲天起搖搖颺颺度千門徘徊更
入珠簾裏千條著水始縈烟千片花飛絕可憐鴛
鴦趁去流萍側燕子銜來綺閣前綺閣佳人邯鄲
女歛恨含顰獨不語粧成日日上青樓淚墮時時
沾白紵青樓白紵愁恒結坐看楊花飄白雪鄴杜
春殘怯早鶯關山日暮聞嘯鵠一聞嘯鵠已生愁
蕩子從戎躍紫騮交河塞外冰堪渡渭水長安絮
滿溝長安少年事遊冶金羈翠幃何瀟灑朝綰柔
石曰前集 卷三 三
條上苑中暮驚飛絮章臺下章臺飛絮正漫漫桑
已青青摘已闌一從桃李成蹊後又掇楊花起怨
歎

秋夜歎二首

八月蕭瑟白露溥夜蟲吟聲颺風寒我初離家柳
始綠黃鸝隔葉啼未闌別來山川悵還阻千峰萬
壑何漫漫何況鯉魚仍未達不聞苦語傳加餐
寒梭風動淒且清白雲散盡星縱橫螢螢蛩蛩良
未已明月始出窺南楹學語穉子日睽隔使我踟
躇恒太息太息對案不能食安得鏡中更有好顏

色

鳴鴈行

鴻鴈接翼鳴江潭朝辭燕北暮江南風懷霜落道
多梗逐侶銜蘆川塞永南飛彭蠡及瀟湘行逢雨
雪翅摧傷我欲射之立徬徨短弓弱羽聊復藏何
時見鴈雲中翔

牧童詞

遠牧牛牧牛渡溪水食牛愛草長飲牛愛水美八
月茭蒲新綠好放牛散行逐茭草牛多食茭茭始
稀茭鷺哺子忽驚飛柳條作弓蓬作箭日暮射鷄

牛未歸

思歸引二首

涼雨風吹灑城堞海霧連山莽相接東南卑濕鮫
人居八月濤頭如雪疊我胡栖栖在海隅滯淫展
轉思江湖淘河鷗鷺良可呼更勿坐歎秋風徂
象浦茫茫不可涉秋風始飄木一葉一兩十日晝
溟濛鯨魚跋浪振鱗鬣我胡迢迢在甌越悵然思
鄉增白髮生非越鳥豈得長南飛目極心悲燕子
歸

種麻篇

種苗在山上種麻在山下山下種麻沙土中葉密
芄芄成綠野麻戶伶俜劇辛苦鋤地成畦雜婦女
容枯面瘦百結垂朝出刈麻歸未炊別有寮民形
似鵠縛竹施茅作小屋開荒闢土種藝成強半輸
人空碌碌漚麻蓄水貯爲沼漚罷還看麻色好持
將易鎡更咨嗟寸鎡會須麻一車君不見越羅織
滑勝白雪吳女著之光皎潔疊穀朝朝裁翦新未
憐蠶女在家貧詎識聯綿山谷裏蕭條更有種麻
人

挑菜行

二月風吹野菜生道傍細瑣誰可名天寒日出翳
曉霧男女紛紜挑菜行提筐逐隊溝塍側羸老蹢
跚無氣力少者前行徧挑取連根掇得道傍土土
多菜少心更忙泥根洗淨未盈筐日晚還家斲舉
火不分根葉克饑腸君不見富家列園高出屋忍
見年荒更局蹐坐看千錢買斗粟子錢雖貴非所
屑直待野田菜根絕

四召亭歌 辛巳

肅皇神武始御宇永嘉相公來作輔泥蟠歟忽飛
上天顧盼鱗甲生雲霧盈廷議禮何悠悠惇惓造

膝爰諮諏一言取相事獨異漢朝不數田千秋當時羣公方桂輩契合罕得與公儔詔書賜第盛甕懷皇考手澤輝淋漓卽今永嘉城中有大宅規模髣髴同京師御札千道貯高閣雕檻文牕嚴局鑰君臣魚水古所少至死不曾有衰薄白雲晦曖松臺山有亭翼翼尚可攀捫蘿踐棘至亭下令人惕息思容顏憶昔謝病始歸療寶鑑文綺光照耀謨謀密勿繼皇心手敕煌煌曾四召傳說人知是列星騎箕一日遊天庭四召竟虛側席望古檜長松覆此亭松臺山西太玉洞列僊往往乘鸞鳳公平石白甫集 卷三

驂鸞亭歌

永嘉城東積穀山山峰巒從亦可觀峰顛亭子傑然起有碑已仆石且剝字跡漫滅可尋繹乃云此亭名驂鸞劉君煉藥茲山頂欲往天台未遑迴紫靈之君居赤城丹霞彩鳳相逢迎昔遊洞庭徧諸嶺曾見毛公二丹井靈境空嗟想像難仙踪尚覺幽思耿亭前殘碣勿毀棄其中載有毛公事

靈官山歌

林靈素

綠水亂流深小阜巔屹突立名靈官古木蒼鬱似丘壠人言葬後惟空棺此事荒唐古不誣王喬玉棺誰云無林生道術或能爾宣和之帝終爲愚嗚呼蓬萊瀛州空道遠徐福求之更不返此地雲林足縹緲空山鳥鳴白日晚

江心寺觀宋高宗御書清輝二字歌

江心寺前潮始平天清無雲怡我情徧觀題辭及碑版令人竊歎亡雅聲徘徊觀覽及簷際高懸乃見清輝字建炎避帝航海御書二字此中在仰觀筆勢亦清迥精神未覺能勁挺汴京諸帝書罕能入法馳驟惟思陵此書少年始用意體勢未遒無足稱憶昔四海方板蕩故都望幸猶惆悵北轍未返復南轅中原父老空凋喪蘭若蕭條駐翠華當時翰墨何其暇寺中復聞有御座歲久泯滅良可嗟君不見蕪菁亭倉卒奔迸如散星道旁空舍啜苴粥克復舊物驅風霆宋家航海真無策諦觀此書空太息

讀文丞相江心寺詩碑歌

丞相祠前江似雪清頭如山高巖嶂堂下石碑捫可讀讀罷令人淚流血乾坤蕩瀟波滔天黃河倒

流湧百川九州之內無寸土間關萬里干戈前真
州城下鼓聲起匿跡南來出萬死雪霏片片到羅
浮月白迢迢憶楊子楊子江頭馬嘶羅浮山下
東烏啼孤臣意氣看猶在故國山川去轉迷中川
寺裏一題詩回首中原見黍離一生漢節歸何處
七日秦庭哭向誰丞相大名宇宙垂吞聲掩涕讀
殘碑落日蒼茫眺東海流恨千年無盡時

卓忠貞公祠堂歌

辛巳

卓公祠堂江之許古木森森蔽庭宇伊昔致身帝
股肱時危努力相撐柱建文諸臣多慨慷公也矢

石臼前集

卷三

三

謨乃獨臧少帝不用主父策文皇聞之猶動色吐
辭凜凜斥乘輿九死寧甘湛族誅當時公計誠可
惜謀國本與齊黃殊嗚呼公也真天人不見少時
爛醉跨虎虎爲馴高歌招公公下來青猊白麟紛
徘徊

東湖樵夫歌

辛巳

石子岡前雨蕭蕭古木落葉凌風颭侍中碧血今
猶在荒祠白日鳴臨臯千役來作東甌客父老告
我東湖樵東湖樵夫爲誰子負薪來往東湖汜朝
廷不守金川門野夫合逝東湖水樵夫樵夫真丈

夫一死奚足使踟躕我向東湖轉惆悵嗚呼獨不
聞雪菴和尚補鍋匠

冷吹樓歌贈王開先

城南吹臺高千仞崔巍巖嶸開青冥臺上吹笙接
杳靄其聲萬古猶冷冷冷冷散落諸峰頂芙蓉嶙
峴舒翠屏王子築樓臺之側開牖遙看白雲色吹
聲颯沓懸崖間列檻層甍了不隔復有澗底泉潺
湲響四壁氤氲石上松滴瀝松下石潺湲之聲亦
可聽併覺巖泉冷几席吹者何人云子喬巖間細
霰舞迴颺颺風入樓發歌嘯恒令六月無炎歊王

石臼前集

卷三

三

子王子絲繩玉壺貯美醑愛客樓頭日延佇人間
之樂無如此慎勿吹笙學爾祖高臺寂寞已難攀
悵望煙霄心獨苦

東海叟行贈何無咎

東海叟東海叟八十龍蟠此林藪朝看魚龍海上
遊暮看麋鹿林中走眼中世事何不有四海聲名
在人口憶昔少年抵戎幕塞垣驅馬黃沙漠軍中
置酒夜合樂馬上饒歌時間作五十年來事變多
昔何全盛今蕭索魯連高潔思海濱王粲詩歌播
宛洛泰山東上觀蓬萊禹穴南尋返甌駭蔣生有

逕長蓬麻邵平無心學種瓜抱甕人稱漢陰里採
桑共識龐公家直須妻子更餉鮐寧勞州牧爲咨
嗟東海叟今何如城南十里叟有廬他日襄陽耆
舊裏與君來往作崔徐

遊玉甌洞歌

樂清縣西白石山嵯峨迢遞開煙鬟遠觀峰勢特
詭怪甌形宛似何繇攀禹鼎石鼓寧獨古恍惚剝
落莓苔斑盤盤折盡蒼崖遠細逕漸昏白日晚殘
榛荒棘不易披以手捫石時偃蹇巖際飛泉俄一
灑玉屑濛濛空裏下想像峰頂非人間蚤有餐雲
吸泉者攀援千折衣沾濕轉下懸巖數百級八洞
俄驚天海空不知已向峰頭立欲舒古洞開鴻荒
苦霧瀰漫月轉蒼此宵一宿藤蘿上殘夜還看海
日光

大龍湫觀月歌

詎那臺上風肅肅詎那臺下飛寒玉大珠小珠散
作煙疑霧疑煙滿空谷天寒久立我不能瞑黑走
喚菴中僧抱薪薪火差足快峰頭月出如凝冰月
出漸高不得近四面巉巖似屏障良久始映剪刀
峰此峰之高亦萬丈夜闌乍聞猿犬啼月皎轉覺

魂淒淒明朝日出更觀五色瀑潭光射壁騰虹霓

鴈山東谷靈巖寺作

西望龍湫又渺茫攀援蘿葛路何長靈巖詭怪誇
龍蛻玉女嬋娟足鴈行谷口煙霏遮洞壑峰頭月
出照衣裳疎篲佛面寒雷翠細草南星綠帶霜已
覺天台霞盡赤還驚石壁夜彌蒼開山謾說謝靈
運作記無如李孝光絕嶠遊來愁日短前人題過
覺神傷匡山頭白堪歸處一宿東林意不忘

佛面竹名也

天柱峰歌

東谷參差懸落景我行始達馬鞍嶺逶迤細逕入
靈巖怪石危巒出俄頃僧也抱石已卓詭展旗一
辟尤孤迥金蟾玉龜瑣細不足名缺月已掛平霞
頂未若天柱稜稜拓天起雄傑能令衆峰靡崢嶸
引睇入雲中爛熳蟠根向地底諸峰拱揖一峰尊
次第排聯氣盡吞鴻濛構此豈無故不使斧鑿畱
纖痕我入玉甌洞百折遊石門石門有天柱偃蹇
如兒孫乃知物大罕與徒彷彿竊比胡爲乎側想
眞宰得意爲最舉物相撐柱佇立寒烟久歎吁

龍鼻洞觀石龍歌

石龍蜿蜒俯石壁，破壁欲出仍未飛。日光入洞奮
鱗鬣，一爪挾攫烟霏臺懸瓠下，垂儼龍鼻有泉滴。
瀝冬則微石龍詭異不可做，觀罷令人神懍怛。嗚
呼我聞龍也，涓滴成盤渦，喧呼跌宕神所訶。出洞
仍愁風雨作，此龍或怒變化騰躍將如何。

靈峰洞歌

雙峰對立如合掌，石磴千尋時一往。宛轉始從掌
底入，洞中峭壁仍虛廣。乃有應真像，龐眉皆髻髻。
詎那骨貌最清古，瘦顴方口併高顙。憶昔此翁杖
錫行，此山手披薊蕪勞躋攀，不使混沌終天壤。頓

不白前集

卷三

三

令靈奧傳人間，卽如此洞本亦豺虎窟。荒塗寥落
久，月沒劉君何代士鑿山去，凹凸丹梯接青冥。盤
道鏡石骨，我聞劉君營此良，已苦破產未已仍鬻
女。嗚呼古人作事雄決乃若此，俛首思之淚如雨。

將同楊龍友往華亭賦出門行贈龍友

殘月皎皎鷄喔喔，小舟穿柳門前泊。出門非是無
繫人，懷中六月生霜雪。郛縣令尹本好奇，謂曾前
月書來催入蜀。此中杜甫有草堂，人生踪跡堪躑
躑。清秋畏聽三峽猿，不如看喚華亭鶴。試觀三江
入海處，愈識岷山氣磅礴。華亭官舍橫雲煙，先生

筆底走巒壑。九峰之雲何峰佳，乞取一片克行囊。
若耶雲門忽在眼，鄭虔王宰俱奔踣。顧余胡爲泥
滓中，相勸青鞋與布襪。願向巔崖萬疊間，不添老
樹添茆屋。

白下逢彭五一贈之以歌時五一將適吳門

予將之松江

我江南君江北，皖城赤羽冶城月。相逢問姓卽凭
欄，共看鷄籠曉山色。紛紛海內逃黃巾，囊書且走
江之濱。江干夜夢虎丘寺，鐵花如水光粼粼。側聞
文章有禁忌，君歌黃鵠復歎雉。黃鵠去去歟千里

不白前集

卷三

三

我啖鱸魚日盈籃

秋旅行

丁丑

飛光失景風颼颼，哀蛩飲月虛庭幽。新月始沒河
悠悠，微雲如縠翔斗牛。中庭蔓綠綠已柔，淫淫露
白明人愁。宜有孤鴻鳴匹仇，川長漫漫方南遊。下
堂四顧思朋儔，寒裳宿莽悲中洲。宵嚴擊柝聞千
振，嗽嗽四海潢池憂。滔滔腥血來秦州，六合古百
日不敢飲江流。盜賊大笑東諸侯，箕南尾北橫蚩
尤。湖田尺素浮遠郵，我稼旣同曰盈篝。菰蒲窈窕
栖方舟，水鳥雜沓鳬鷗。此景冲融宜歸休，短衣

至軒羈人秋幸勿荷受晚孤黎散園衣蘭披羔裘
同越卓汎先生周又新李卓如趙可孫楊愛
生真生飲集謝公墩分韻得陌字
上山日微煙始沉松翠近人先可鑑下山日入松
無光土春磽确路如劍裴徊藉草列衆賓蟹黃盈
腹觥宜汎引觥欲飲雜呼笑歡樂不用置酒監離
披霜氣暎層巒下有長江波影蘸松樞數十相蔽
遮使我不見江中帆謝公攜妓登此山當時誰者
爲鄒湛白鷄夢後足遨遊千載風流日淪陷徐徐
暝色下巖阿山根古寺聞清梵昏鴉滿眼客盡歸

我獨嗷吁情久淹

觀林茂之所藏雷何思太史草書蝦蟆石研

歌鍾伯敬先生書跋作歌以貽茂之

夷陵太史書法卓獨以文章名四海墨踪雖亦喧
人間大抵未足當玄宰壯哉蝦蟆石研歌歌辭長
吉何磊磊筆勢磅礴亦相似雄傑瘦硬仍瀟灑不
似他人學怒猊倔強難披夏丰采世上寧須有子
孫筆底足驅溟渤隻字能令魯公活千秋休歎
若教餒書如王右軍猶以俗見嗤退之病其騁姿
媚此語良足百代師我觀今之書家姿媚如嬌施

學士盡化爲蛾者前有徐會稽後有黃慎軒稍能
驅駕脫纖靡冷人如見龐翁尊太史奄有此兩家
尺素之價同璵璠技之師鍾王亦自擅其妙昔時
太史誇絕技此卷書贈長安道書成忽爲貴者攫
神色黯慘日呼叫間關復得歸篋笥四鐸之間光
照耀退谷先生書本劣跋語數行何其工筆軟墨
淡字欹側此意不以點畫雄吁嗟林子昔壯歲契
合並得雷與鍾淋漓翰墨足千古何況作賦聲摩
空世事轉盼倏遷改夷陵景陵後先死眼中之人
不可見十年臥病形枯羸平生玩好盡零落大半
流離易薪米手持此卷復歎息質錢將欲酬參朮
參朮如山米甕虛千錢一字猶不足太史此書奇
絕不可當竊疑呵護有神物借觀三日卻相還恒
恐破鋒與穿屋君其慎之還韞匱嗚呼不見雷霆
轟薦福貧士聞之淚盈掬

山遊分得虎字

山家寄宿聞寒雨臥想簷前黃葉舞朝曦歷歷明
蒼崖始見飛鳥出殘霧止下林麓紛原田情耽杭
秋忻却字桑麻杜曲已茫茫南山欲往良辛苦松
間微露忽演漾伏石猗猗似狂瀾蹴踏却憶李將

軍一矢能令石飲羽

白門發舟往松江寄別葛震父

霜月黯黯雲瀾瀾聞歌梁父自茲始秋風淅淅霜
月微一度相尋詢步趾涼秋八月九月間似隔江
上千重山頃聞臥病頗伏枕敵以苦思了不閒思
君忽動松江楫洞庭橘子丹迎曉家在洞庭不
留山空無人看落葉天寒葉盡梅花開寄書却自
冶城來

寄匡山僧九水

有僧堅瘦如古松結菴自選蓮花峰半世只通山
石白育集 卷三
水事去年新策秣陵筇秣陵山水難具陳媿汝遊
山作主人名勝雖復說栖霞主人向客安可誇憶
昨別我遊茗雪將歸遲我九江楫八月九月東林
間遠公陶公跡俱躡嗟千此約甘成負日夜湖山
空在口子在蓮花有時下疊疊江帆送牛首

歲晚得李右人書寄以短歌

十年一面九年別夢裏不識君顏色霜凋菰葦曉
作花寒鴻指爪踏冰裂聞君行路難斑斑出門放
眼看泰山波瀾步步生襪底朝過蕪城暮竹里苦
語相勸君滂沱公無渡河視風波長鏡繡折黃獨

死短衣瘦骨高嵯峨楮烟墨霧亦輝赫火冷熒熒
雪相沃

廬山高歌贈吉安曾升伯先生

廬山高高與青天齊五老排空雲迷迷香山草堂
猿悲號吾師築室堂之西一朝辭山鬼直與莓苔
梯江花羣麝江樹如薺蕪湖雨漾石白烟淒有士
有士鷄爲衣詩書無聲咽空主女媧黃土人心孔
團砂泥張羅設且不已鳬鷺錦襜褕零落雞栖
吾師雙涕洟氣煖生重綈桃李之下轉盼成蹊廬
山高高與青天齊山中瑤草日夜芳萋再拜願勿
石白育集 卷三
思瑤草棄我歸驅堂下麇

乞尤高白八分小篆歌

尤子作篆師陽冰墨光睒睒如龍騰一絲屈鐵盤
當心以手捫紙紙有稜丞相中郎死千載苦縣光
和骨猶在尤子骨人非肉人八分瘦硬有丰采有
時把筆忽驚走鳥嶼茫茫數行柳彷彿風烟似若
耶青鞋布襪徘徊久一紙落几一紙擲神工天巧
俱不屑真迂真痴此近之胸無苦物腕無跡許我
數字隔一秋歟忽風雨生蛟虬再欲乞子畫數筆
勿畫風鳶長百尺

穀舟引

鱗鱗瓦旭行瓦底饑蠅撲景響牕紙蠹書片片流
殘芸老魚卷尾枕香死書客清魂棲曉幕大船激
浪聲濩濩船中載米沿人烟拋書踏岸氣如削岸
邊古楊垂春穗炊烟出樹交寒翠汲泉向曉白小
來釜冷微瀾亦堪吹

吳見末過采石寄千詩答之以歌

南湖布帆白如鷺細雨濛濛濕飛絮君搖櫓千過
湖心坐看湖水出江去采石磯峨嵋月君第高歌
勿號哭牛渚淫淫多水族魚身蛇首鬣如戟此輩

欲出不得出聞君一哭勝犀燭

太玉洞歌二首

仙人容成子鍊藥升天行空山尋古洞惟見流泉
清五松翠色紛崢嶸洞前白石猶縱橫風吹流泉
激松聲激松聲秋風驚紅顏華髮安能并人生壯
盛還凋歇一聽秋風意未平

太玉洞前一流水終古漫漶流不絕好古長懷古
列仙解衣臨流坐磐石白雲在空中卷舒任西東
千里萬里安可窮安可窮山龍從秋風忽起愁忡忡

題周淑禧美人圖

名花綽約春風裏奇石嶙峋拔地起風前斜月已
輝輝霓裳褶墨飄紈綺臨階垂手步逡巡曉日明
眸點絳唇不須更畫雙雙燕知是昭陽第一人

送杜于皇北上赴銓曹試

冶城佳麗春楊柳楊花落地同攜手雞籠山下數
聲鶯孫楚樓頭一杯酒去年上策扣天關今年詔
許集金門豺虎縱橫格鬪始爾曹弩力酬主恩

仲夏雨中彥仍來訊

亂雲十日橫遙津濕雨摧扉作勞薪子來遠將一

囊粟曉烟破濕炊淒淒秧頭茫茫白鷗舞稻田歷
歷歸南浦結束書蠶護漏痕卻令睂目栖風雨山
間磽确亦可耕不憂繁雨漂流萍做載無心方歎
子兒女道饑傷性情猛風捲網纖鱗失蚌蛤老殼
猶如石殘絺裼踏守梅靈飯干荒荒餘韭汁

六月十三日酷熱元長邀同曜人古人避暑

湖濱

水禽撲水聞空沼莎綠悠悠見天曉入舟涼影在
繁柯臥柳崩崖觸孤島如山雲起高巖崿下覆波
瀾鏡中裂紅雲出浦不令寒千頃茫茫氣非敵細

鱗吸浪紛發，風吹荇葉連。菰蒲東方月，出回錦
鳧我輩方。得遊冰壺九，歌滔滔天漠漠。勿憚拏舟
木微脫。

顧與治寄貽石刻酬之以歌

顧子削玉神，太清小年書法過。率更逶迤筆陣迴，
逸少勁勢往往出奇峭。昨日寄我皇象碑，字形剝
蝕如僵螭。泰山磨崖肥，自失苦縣老子骨。更羸別
有小楷文，太史尚書功勳日月峙。孝廟作者皆鸞
龍，尚書聲名夾何李。太史作文兼自書，始將嫵媚
變歐虞。英雄相貌若女子，子房誰言非丈夫。皇象
石白前集 卷三
八分氣清肅，待詔羊綿亦非肉。小楷瘦硬尤獨難，
細筋纖骨成波瀾。顧子此石我當拜，一朝覲此兩
先輩。嗚呼天璽斷石空嵯峨，不識其魚維鯁將如
何。

石白前集卷三

石臼前集卷四

石湖邢昉孟貞父著

商丘朱至山言父校

後學同里王孚顥若父校

五言律詩

人日有懷龍友繇松江至吳門作

迢迢江路迴消息子雲亭臘月迴雙槳寒潮渡淺
涇官曹元似水人日早揚舲遙想天邊柳春風海
岸青

人日後二日雪

石臼前集

卷四

閒庭久聞寂一雪已春風裊裊穿虛幕輝輝接遠
空簷柯爭啄雀江靄雜歸鴻向夕遙天思悠悠惠
草叢

將繇溧陽往松江阻雪先簡鼓殷源

我行隨斗柄東向海雲西雪盡梅方落江寒草欲
萋將翔公紀地先過伯鸞溪明日與君別新鶯樹
樹號

清明日泛舟游墓作

春城花盡發上已復清明故國平生淚雍門此日
情江艫方共載海樹忽相迎避地宜長策悠悠惜

未成

過李舒章郊園二首

城西惟一水命楫此沿洄衆木龍從入閒園窈窕
開疎牕臨釣浦響石履琴臺相顧還惆悵因聞古
調哀

出郊乘片舸門外卽微瀾水去東溟近書分小酉
殘流雲遮石蘚灤露下庭蘭他日堦前樹相思渭
北寒

三月晦日舒章過訪時松江盜始彌因賦已
東風一相謝曉角帶微寒赤羽嚴城寂青溟入海

石臼前集

卷四

二

寬心悲花漸落世故鬢方殘白也原無敵誰同鮑
照看

送楊愛生繇白下往黔中應試五首

此去投荒服茫茫江海間離憂三歲客別悵萬重
山金筑連危棧絺衣度百蠻故鄉耆舊在相見各
開顏

西南戎馬後故國幾平蕪篳路投荒服聲名壓小
巫路過青草瘴地遠白門烏別思清淮上淒淒月
影孤

江甸逢青鳥音書更一題新秋思泖月孤楫下辰

溪人語通鳥撒風塵隔紫泥不堪將海月相送夜郎西

解鄉凡幾載此去近盤叢州角來重塞家聲頌五公扮榆羅鬼接竹箭岷峨通爲許驪黃輩無雞一顧空

牂江萬里外五月水偏清別袂青溪柳懷人白苧城山川聲鼓震意氣蒯侯生勿道還家早長安更請纓

送友人之滇南幕府三首

五月潮生後淒淒送遠行盤叢經地險鳥道接天

右白前集 卷四

成風俗鳥蠻近登臨洱海清南征隨幕府先歷武

侯營

聞道碧雞山崔嵬霄漢間獨遊天更遠惜別賢皆

班蠻吹臨觴合軍書入幕閒故鄉煩悵望蕭瑟已

摧顏

昆明千萬里君去似飄萍始識樓船將仍傳劍閣

銘離程看大火愁思飲中冷幾日秋風裏含淒過

洞庭

夏日童千仞將軍從海上來過因贈

之官臨海甸意氣壓波臣繁弱依桃簾艤岸葛

巾雲峰連島樹綃淚出鮫人自製鏡歌曲應傳朱鷺新

周勣自從新安還雨中過訪賦此二首

君去新安道垂楊滿路岐青山憐歲月白嶽在鬚

涼颺

行李投于越迴舟喜扣舷夜潮初過肱夏潦卽稽

天少室千峰思滄江一雨懸茫茫各辛苦去逐海

送宗遠入燕四首

右白前集 卷四

江流渺不極帆影復重重國步方求駿天心豈臥

龍離人揚子渡愁思廣陵鐘無限雲山隔依依泖

上峰

一別潞湖船悲歌去入燕宦圖方朔隱君似望諸

賢戰角荒城月征車廢井烟關山戎馬淚此日更

潛然

白雲滿川澤始送渡江人俱作天邊客長爲參與

辰小亭凭密芟曲沼俯遊鱗已是平生事淒涼更

愴神

三載東江客相尋幾扣關上書辭海曲疋馬之燕

山五餌廉戎悉雙旌出牧閒九重問公等因得通
天顏

離雲間前一日大風拔木澍雨漂舟諸友雨

中來送悵然賦此

揚颿忽西去仍復有離憂六月寒生雨三年客似
鷗始知風是颿已覺氣降秋蕭瑟辭雲海鱸魚憶
釣舟

龍友在雲間有退飛谷鶴巢數楹余居其中

且三載矣於其將去黯然有懷賦一詩貽

龍友

石白甫集

卷四

五

九峰庵歲月亦覺一巢長六鷗疑過宋三鱸已兆
楊濤聲喧近郭柳色漾歸航千載華亭鶴猶餘淚
數行

夜過惠山寺二首

帆落月方出上山復幾盤煙將雙樹合水滿一池
寒磴轉人聲絕巢歸鶴路寬因尋漁浦宿歷歷夜
鐘殘

野寺此寥落相將更一過山從泉品著地較月明
多孤磬鳴風鐸中宵聞榜歌微微松上露夜景惜
蹉跎

劍池二首

石罅已崔嵬疑因仙掌開俯臨劍池水遙見姑蘇
臺欲識前朝宇須刪萬古苔英雄久磨滅颯颯清
風來

濛濛石上雨滴瀝此潯泓一觀青蒼色因聆環珮
聲摩娑餘鳥跡寂寞隱龍精獨有鷗夸千還傳千
載名

丹陽城外雨泊二首

丹陽西郭外一繫木蘭舟水色搖危堞人煙遠戍
樓雨遶青草渡風動白蘋秋故國天邊柳栖栖孤

石白甫集

卷四

六

步洲

容裔逐江干回風過雨殘嚴城清吹隔古渡晚煙
寒雲影浮潮遠鄉書到海難旅懷何所似幾倍似
波瀾

泊江上聞寇犯荆襄二首

已卯

四海軍書疾乾坤莽未吞幾時動干羽已復跳鯨
鯢雲夢方傳甲江城有濟師諸公扼天險哀角起
遙吹

先皇豐沛地萬乘有旌旂禹貢包茅日方城藉寇
時青燐殘井邑白羽遍瘡痍江漢須飛將悠悠故

空還鄉先塞鴈落日飲江虹一望青山色徘徊想謝公

渺瀰此天水蕩漾何雄哉岸遠連犀渚雲深跨鳳臺
舳舻歛殘照入葦過落霞開夜火明墟井勞勞一
汴河

兒時日二首

朝日麗秋景庭除此晬盤未論弓冶舊已見履襦
寬鉛槧貧家物容顏老母歡他年吾所祝耕鑿爾
當安

高秋汝誕日一歲識呼名漸覺離生好因深驥子

石臼前集

卷四

八

情持書看欲笑戲綠掖能行幾日滄浪水還當解濯纓

八月晦日得楊長民書云再往丹陽乃有此寄

函書迢遞至知爾向朱方湖色原如練楓林乍有
霜一秋將欲晚九日又他鄉望遠愁何處參差鴈
數行

聞鴈

衆芳搖落後塞鴈始驚聞煖識霜中氣涼衝水上
雲已知書信苦多爲稻梁分思樓頭夕虛傳織

老思

觀音山寺四首

微微林莽路落落寺門松孤磬簷前墮層蘿瓦上
封晴飛樓殿鵲兩起伏潭龍不是逢幽屏誰能滯
此踪

寂寂香臺上朝朝鳥跡稀山傳八功水門掩六銖
衣閣影連雲上川光挾練飛夜深聞鬼語施食啟
巖扉

茲山元不薜磻戶已沉沉中伏安僧夏初機駟客
心藥欄疎雨淨梓樹一庭陰不是逢幽屏能無感

石臼前集

卷四

八

滯淫

佳泉玉乳井品第亦全殊已識陸鴻漸更聞劉伯
芻山名翻借惠水號可從愚始覺岩栖者能將往
迹俱玉乳泉水品列第十一劉伯芻
品第四觀音山一名惠山

雲陽七夕

立秋前二日

野雲橫四嶺川樹影微微月白牽牛渚秋生織女
機無言一水隔已覺七襄非却訝橫塘近菱歌晚
未歸

晚渡石臼湖二首

臨流方解纜出浦卽乘風秋霽迴孤艇人烟聚遠

錦文

夢陸集生

陸生采原裔離別秋風期夢寐題書日蹉跎入洛
時人間勞索駿道上見乘驢若論縱橫事奔騰任
爾爲

聞沈友夢舉鄉試訊其北行

去年虎丘寺樽酒共休文白露沉涼月朱絲響斷
雲尊鱸方去里竹箭孰如君何日吳江上相逢杜
若薰

不得朱宗遠燕中消息

布白前集

卷四

九

昭王築宮處十載爾檐簷震澤三秋鴈渚沱十月
冰上書辭墨綬擊筑代朱繩杓鑿多難問涼風送
季鷹

九月望後始見菊

九日已無菊今朝始見花誰言陶令宅不似野人
家細藥迎寒節孤柯領物華蒼蒼看白露吾欲問
葉葭

灌畦

野徑猶殘暑荒畦乍一尋秋清鋤徑淺露濯土膏
深甲穉偏宜潤雲輕未作陰那能輕一溉應識丈

人心

舟中眺天門山

犀渚沿流去天門望轉開山分吳甸濶雨過楚江
來饑鳥投沙岸樵童上戍臺寧若欲有薦想像謫
仙才

晚過三山宿大勝關

峨眉亭上月忽在數峰西始見漁梁火因聞關店
雞維舟三戶少吹角片雲迷自古江南地詞人賦
慘悽

閨月

布白前集

卷四

亭亭此夜月皎皎一憑欄已覺天逾迥因憐秋始
殘逕方行落葉露尚泣叢蘭樹上烏棲後驚飛總
未安

閨雨

淒淒寒雨色雲際一飄搖間外千峰盡天邊萬木
凋陽烏南陸短沙鴈北風遙遠寺鐘聲發彌傷此
寂寥

過滿字溪上閣觀其近書喜震父適至却賦

一溪澄野色高枕復悠悠客有歌梁甫君還似虎
頭野雲栖閣迴葉竹向人幽我亦崔徐侶相逢憶

舊遊

滿字次公方魯十三歲繪事絕工贈以短什
君已有驪珠於今見鳳雛一毛真自異凡鳥敢相
呼纔寫方壺景仍揮赤縣圖山僧及童子貌出在
斯須

南大司馬范質公先生以建言解官僑居白

下諸公皆有贈什予亦繼作四首

已卯

豐芑扼連城樞機肅五兵方將投袂起豈料拂衣
行机程回天日艱難去國情桓桓七較士躑躅想
前旌

石臼前集

卷四

十一

聖代方求駿皇圖詎隱鱗忍令斗杓地忽失老成
人一疏孤危甚長江左顧頻綢繆在天險去去獨
霑巾

新入塞去病早無家多壘還如故藏弓已可

嗟幕中辭劍客櫪下散名駒雖著歸田賦心悲帝
里筵

乾坤憂戰伐元老思方殷竟落新亭淚誰屯細柳
軍披鱗酬密勿賜骨戴吾君從此杜元凱惟耽左
氏文

月夜過茂之不值

寂夜嚴城月間門野客家柳疎知節換桐古覺情
遐華髮相看老清光一爲嘉美人何所適佇立已
興嗟

月夜聞鶴

同茂之作

嘹唳中宵鶴霜天響易流影寒疑對舞聲切若言
愁孤嘯開烟月悲鳴爲侶儔那堪惆悵極橫笛更
悠悠

寒夜同允素伯呂長民分得一先

一樽忻此共鐘漏已綿綿歲盡嘉平月宵分雨雪
天燭殘聞柝後鴈叫渡江先客有歸與歎沙頭想

石臼前集

卷四

十二

泊船

歲晚慙還湖上酬龍友見送之什二首

大江流已細又載孤舟還鳥跡沙邊路牛頭天外

山長貧思邑里于役損容顏雲海茫茫處春風更

可攀

孤艇發江灣題詩送我還情同青玉案望滿白雲

山相見王正月仍悲隔歲顏白門楊柳色搖曳好

追攀

過武冶於湖上二首

武冶所居是子卯辰二歲讀書處

君從湖外歸晦昧款扉汲澗水相見猶言昔果

非落花浮嶼遠細雨夾帆飛步步戀山影茲情是
息機

亦有山中意花飛春滿湖與君三歲裏祇共一齋
廚僧衲頻相守眠餐各未俱君來我去後綠盡此
平蕪

立秋二首

自甲子至戊辰
五立秋皆在外

歛然秋在眼當我出門先月缺寒分兔天空夜聽
蟬友朋無一共疏茗自能專轉憶數年客涼風吹
鬢邊

一庭虛寂夜墟里孑然身賴識秋風意如逢山水

石臼前集

卷四

三

人起遷逃執熱澆灌見閒真此外勞生事匆匆亦
屢新

同張觀生夜坐松下

晚色諸方好清颺此一丘盤根隨曲折蔽日互颺
颺山影過橋淡鐘聲出寺幽荷殘香在葉猶宵立
池頭

長至

歛爾驚長至胡然悲此辰斥田無沃土就食豈肥
身爨婢成新鬼荒廡借別人盆梅紅似粟已見雪
邊春

閏月彥仍宅看月二首

兩度仲冬月幽輝後勝先澗泉逢寂歷林麓綴孤
圓巢冷鳥栖樹岡深犬吠煙隔溪蘭若近鐘漏何
綿綿

天寒村不覓撥火坐通宵紡急聞隣舍更疎遠市
朝雪前輪未動風後暈全消各數殘冬事驚心看
斗杓

聽夜泉

古路一綫綫幽泉落澗田微痕依草白清響出山
圓谿色載寒月松聲相後先所嗟異三峽猿嘯更
凄然

石臼前集

卷四

四

題禪河菴印度書齋二首

置屋在水上難于經始勤牕移低就竹池靜遠含
雲砂竈風前煮香檮雨後分嚴冰中一宿此約竟
何云

寂寞亦難容何方可寄簷泉聲將榻遠筠影上堦
重屋角盤饑鼠松根出老龍蕭條君去後一聽草
堂鐘

湖舟二首

沙晴開履跡水落遠移津蹲石訛名豕停船屢帶

人林煙浮午爨灘箔障寒鱗荇菜泥中出參差色似銀
護霜天不雨涉曉行空濛碾屋臨流置叢祠細路通湖魚出絲網堤鴨踐菱筒信宿予嘗慕圖看漁火紅

得鄉信聞決水殲寇二首

西郊路始通消息發鄉中未暇安耕鑿寧能問歲功
水田防積雨岸葦編新叢百里猶聞戰銜悲未易終

滄江戈未息決水更流離機杼無村舍耕犁失土

石田甫集

卷四

五

宜徒然成巨浸終不變潢池總是乾坤內豺狼滿目時

寄姪二首

聞汝竄身處今遭戰代新聞關仍故里倚仗更何人
亂甚睽離後顏衰夢寐頻所求甌與石嗟此百罹辰

汝伯已飄搖形容爲汝銷豈應穿虎穴又欲上漁船
兵去無春社書來及柳條坐思何歲月得共故山椒

得家書始聞穀貴二首

寸函前日至米價幾時騰斗已千錢糴家偏十口
增食雖憐并日客亦厭擔簦縱復一身在心知未可憑

莫道寄書易殘春又至今儲瓶粟似水載路粟成林
兵禍連饑歲天行合賤金人間未息戰總使百憂沉

清明前一日宿蜈蚣渡遇雪

此夕離家宿淒迷烟浦間如拳飄白雪到眼失青山
節換新鑽火天寒舊旅顏更聞瀕寇盜祇在落蓬灣

石田甫集

卷四

六

訪胡靜夫觀王予諒所評詩卷子諒沒於泗

州因併悼之

雞籠山色好亦可共盤桓况復衡門下蕭然運草
寬論文年最少把酒意俱闌爲有心悲處秋風泗水寒

贈林子丘

上士惜名姓中年廢著書鹿麋羣石戶山澤隱長沮
疏已告儼等家惟過邸如祗應共酒侶醉幘日頻除

詠鄰家桃花

鄰家樹桃花發最妖燒隔牆斜入樓枝鳥帶
嬌故宜臨水墮應許過牆飄縱惜容華晚猶宜近
碧綃

送穆倩還吳中

前日姑蘇客片帆今又飛君無妻子戀尚異鹿門
歸夜火船初泊江橋柳欲稀亂離從此甚何處上
漁磯

寄楊無補

曩言光福寺相傍結環廬近說鱗諸巷新流血滿
渠周京空悼黍吳沼豈爲魚頭白殘生裏遙思涕
石白前集 卷四 七

賦得交情耐歲寒

陳熙吹
驚座亭

古交不可復季代亦云朋勿作雲兼雨須嘗雪與
冰龍門名自泛羊角誼堪矜猶憶杜陵老曾將覆
手懲

題與治先生橫涇先生寒松卷後

先生古伯夸骨在首陽陲墨跡占龍性松寒隱豹
姿驚聞前輩事益歎孤生時遙想食薇意羞將烟
火炊

和葛震甫寒夜探梅與治齋中月飲聞笛得

家字

一問寒梅信孤山只此家探枝猶寂寞著月已清
嘉橫吹驚相得高雲去未遮諒因聲斷續遙憶曲
中花

仲冬夜月飲溪上同震甫今度無補見末與
治共用舟字

不厭此城取霜深蘆葦洲平田依井落遠火像漁
舟缺月十七夜輕寒一半秋醉醒非一度猶得坐
臨流

同楊無補顧與治謀餉于司直遺草兼簡二

石白前集

卷四

六

千二首

司直臨及
得陸士衡傳卒年四十三以爲亡

鼎無環元日讀史

也

之子先朝露斯文幸獨存死投王謝宅生失望諸
村夢已馨三鼎舟惟載一魂平生二三子冰雪綴
遺言

燕吳幾千里望望息歸轅遊豈慙禽尚亡真識士
衡友還秋後櫬母哭墓間門亦有大招在聲悲不
可吞

吳山有丁野

茲山在人境躡蹻上虛寥一陟煙嵐盡方知僊嶺

遙微雲將度海片雨忽隨潮惆悵天邊鶴翩翩不可招

紫陽院丁野鶴成道處

曾聞丁令威化鶴一來歸翠竹生庭院青雲滿洞扉何人能獨往有鳥尚孤飛我欲尋遺蛻因之採蕨薇

歲暮喜雨三首

水潦幾時涸瀕江失淼茫寒宵吹密雨冬野息駑陽龜甲通湖潤龍雲展歲荒踈跼回玉律已得扣農桑

石臼前集

卷四

十九

一雨灑寒蕪能令澤國蘇卽今欣父老憶昔暴狂巫赤地當殘臘青陽轉百枯災祥問田畯應許祝杭稌

不雨彌六月冬華飛李柯春秋誰特紀雲漢自成歌野濕餘蝗卵庭陰蔽雀羅驚心聞寇盜江介尚橫戈

還家

辭家千里去歸路九峰陞柳綠江邊渡楓丹海曲思烟霞驚歲改離別使人衰此日悲歡裏征衫滿涕洟

宿雙橋距崇德三十里

旅宿嚴寒夜雙橋十里烟溪山猶未厭歲月已茫然野濶楓全落霜多鳥不遷病羸牽物役白首淚長懸

龍友新圃種竹戲贈

兩色漬檀欒青青此數竿傍簷秋轉密映水碧初攢斜影臨書幌他時帶簪冠婆娑無不可豈戀一微官

送梅贊臣李穎少還永嘉

東甌秋鴈少花發木芙蓉對此一行鴈彌嗟鄉路重吳江楓葉赤嚴灘興情濃想爾多高詠白雲千萬峰

石臼前集

卷四

二十

秋日同顏茂卿鄭舜吾李緇重程穆倩葛仲

御集與治齋中

殘秋氣蕭爽綦履得相延忽覩雲中鶴俱爲江表賢霜橙黃雨後塞鴈去樽前日暮聞城柝干戈意惘然

再贈薛千仞

自有鑑湖好能畱賀季真烟波雖近宅鄉井厭容身扶侍雙童子間關二老人愛君書細字筆力尚

千鈞

宣城寇警二首

曉析孤城斷春雲百雉聞黃塵沾衣徧白馬過江
來野渡初聞戰天戈且未迴出郊逢慟哭愁絕首
重回

西去南陵郭俄聞寇渡濠即看江路迴已覺陣雲
高野外無驅犢邨中有珮刀衙門歸尚得蕭瑟想
蓬蒿

左帥

左帥猶傳檄前軍驟反戈虎豹徒變化王旅竟蹉

石臼甫集

卷四

三

距千室衙牕盡連城荷牖多犁鋤春正急鑄甲可
如何

次韻吉人送子遊括蒼二首

搖搖浦外楫欲發又徘徊霞色城邊起江聲雨後
摧藏書觀禹穴許劍上西臺且復登臨去彌慚作
賦才

聞說縉雲天仙山望獨偏蟲書開石室蜃氣起桑
田到處應題驛懷公有贈篇相思寄瑤草於此各
悽然

江舟二首

臨風起臥攬水際盡芳菲細草連沙岸遙波動曙
暉潮將新柳合燕逐故巢歸獨有江南別迢迢思
轉微

遠樹開芳渚中洲望渺然江行寒食後鴈去落花
前浦店臨流架漁罾映日懸檣烏正飛處已近海
門烟

二月十六夜甘露寺觀月

此夜月亭亭春江花滿汀危磯通鳥通疎牖上龍
腥桂映吳洲綠輪開島樹青孤城有長笛使我不
能聽

石臼甫集

卷四

三

同朱九章飲潘麟長坐中

麟長二子皆佳

君廬近五湖十載客偏孤歲月記荆楚秋風足
菰爲文存九辨對客出雙珠浮蟻忻相命清樽對
湛盧

鶯脰湖

輕帆出浦口雨色灑蘼蕪日映烏旂樹風清鶯脰
湖谿迴芳浦合莎滿白雲徂兩岸濃濃露應沾遊
女襦

除夕二首

已惜盛年去其如此歲殘星雲回甲夜長幼集辛

盤騷老辭千里雛新寄一歡流離惜之子無限式微歎

幾歲仍時梗茲宵且挂簑避風識海鳥候母愧汪魚朔吹更殘律東雲別故廬方春江上柳相送又踟躕

抵白下過林茂之

寂寥此門巷殘葉下梧桐息駕辭虛左無衣賦大東歲時淹伏枕江訊寄征鴻莫訝相思又霜華滿鏡中

酬葛震父見懷

石臼前集

卷四

三

穉川本仙骨故宅近龍宮雞犬相隨去田園在此中兩殘芝更紫霜盡橘猶紅柳毅雖千載清芬得似公

程穆倩從維揚還白下相逢卽別賦贈二首

分攜曾幾日一歲又將闌君夢江都好予浮澱水還歌因彈鋏苦月照渡江寒遙想衣裳薄空驚白露溥

清秋三泖客竹里遠思君白苧筵前度朱絲月下聞北風摧旅鬢南鴈拂江雲霜滿烏啼夜淒其袂又分

還家詩首

南紀三江濶東風一舸連到家星昴後作客海雲邊故國焚巫日中原鞠旅年漁簑安世亂白首釣磯前

滄江逢歲晏消息怯秋風鶴唳雲中墮魚書渺上通塗泥同職貢井邑異豐凶歎息蓬蒿宅蕭蕭杆軸空

石公菴贈關僧三雲

一關惟自鎖十步水淙淙許作巖巒友翻同石戶農誦經雲入竇施食鳥栖松公姥亭亭立相期每

石臼前集

卷四

三

一從

贈僧初曦

包山迤西去怪石盡探行鉢向寒潮洗舟隨遠水橫梯雲觀海鳥嘗橘扣園丁汝亦能高詠秋風入弄輕僧有風弄予賞之

過綺里

故里猶傳綺悠悠千載名因慚秦士賤一爲漢儲行地肺同雲隱商山空月明沂泗水中沚側想俯清泓

黃公故里

黃公昔避地井里氏中存舊猶守古芝餐自
村鳳鸞已霄漢羽翼在衡門寂寂千家聚高松對
掩關

泊舟閬門過張草臣齋中

江楓正蕭瑟秋氣尚氤氳聞說靈和柳風流一似
君庭閒茂苑草牕散女牆雲客有梁鴻似廡邊意
轉殷

送穆倩之攜李因適維揚

程生何倜儻于役使心孤馮鍊彈逾冷吳鈞珮欲
無載書辭鶴澗蕩槩入鴛湖相望天邊月三更樹

石臼前集

卷四

三

上烏

江北江南路君行縹緲天繫舟南浦外別袂秋風
前寄遠烏栖曲懷人桂樹篇所思成脈脈捐珮理
湘絃

龍友離雲間往白下踰兩月矣因戲簡之二

首

幾日搖輕舸丹陽古渡西鷗迴黃浦去烏到白門
號火道容車憶長江息鼓聲更聞劉碧玉能令滯
清溪

楊子談經處虛堂列簡編歌憐白紵側書寄絳紗

前騎省留潘岳丹青笑鄭虔此來圖書裏橋得白
門烟

雲間七夕二首

東南天始淡雲海夜方秋對此閬山月仍含牛女
愁仙裾已縹緲玉珮豈淹留彷彿同湘浦春風送
女遊

渺渺黃姑渚秋心尚可憑相思浮廣漢欲渡倩雕
陵巧借蛛絲得愁將鳳琯承西風入紈扇此夕已
如水

秋日得趙可孫廣陵書

石臼前集

卷四

三

別離千里外亦在海西頭邵伯湖邊月春申浦上
秋淮魚供饌美越鳥入鄉愁欲問山陰道朝朝對
白鷗

寄涇上黃心甫

白露泣秋草涼風吹已淒平居滄海上消息澌湖
西落木轉惆悵微波各解攜一川猶可泝未達伯
鸞溪

兩泊天寧洲二首

漠漠烟中艇迢迢一水湄綠楊千萬樹不厭東風
吹鴈去遠芳渚鷗行落晚鴈維舟惜守役與爾扈

江蘿

芳芷碧芊芊孤汀細雨懸因觀江浦淶遙結海門
烟夜柝聞瓜步春衣想木綿明朝采薇蕨一爲薦
焦先

海上雜詩

遠浦漾朝暉懸帆細雨中青莎方隱岸翠嶠已浮
空泛鷁隨春漲潛蛟度颶風平生思壯觀知在五
湖東

宗達送予西還因次韻送之往虎林

丁丑

東江鴻鴈路烟滿易分青篷棹堪爲誌山川許作

石臼前集

卷四

三

經榜人寒自去霜鳥夜猶醒仍此臨岐語舟中各
載星

十一月初四夜宿陽山觀月

千越千峰隔家山一歲情忽看纖月影已是故鄉
明汀白光逾薄輪虛暈未成獨憐關塞鴈肅肅尚
宵征

爲印度悼亡

漸老異歡戚斯情黯未舒出關誰共汝饑食更愁
子不獨悲鴻案還應歎鹿車觀空意無限猶惜總
帷虛

得林茂之書及新秋夜坐迴文詩寄懷五首

相見尚遲遲殘冬懷可知懶無名士態貧動旅人
悲水國子浮夢金陵子寄辭林間誠自好小隱亦
吾師

怪爾庭羸極高情欲似雲一函貽衆作清思入迴
文孤閣桐全護殘燈竹屢分清秋宜夜坐相對氣
氤氲

敝邑有顏子書中說數行緇衣推國士弱冠譽黃
郎機發嗟英妙天全用激揚自經題品後山澤借
輝光

石臼前集

卷四

六

長干僧舍語相見必秋風詎料斗迴北俄驚歲在
東別舟桐葉落入坐梅花紅豈不憶前事悠悠冰
雪中

謝公墩左右置屋頗宜樓已是佳山水於茲當臥
遊居隣終卜子耕耦卽爲仇却勝廡邊客賃春猶
有求

永慶月夜寄吳緒倩二首

昨日東山臥蕭條憶故人窮愁予不恨離別爾何
心詩卷娛朋友江河念老親淮南椿樹明月共
沾巾

獨步向何處柴門思所歡霜深入境白天迴塔燈
寒謝老中東在梁家蕭寺殘鳳凰臺上月應憶我
同看

元旦讀謝皋羽詩集

獻正真一葉板栢已相臨北陸迎春緩東風辟歲

履嚴陵臺下士許劍塚邊心元日曾聽雨千秋有

涕淫

集中有元
日聽雨詩

立春日雪

得沙
字

芳甸識遙綠溪雲渡淺沙春風一相引雪色轉孤

遐船次腥歸市松根火變畚稷祥問田畯未及惜

右白南集

卷四

元

年華

上元前一日又雪二首

月令非宜雪農占憂此方未令芳杜碧猶恃土牛

黃蒸藕餉饑戶懸燈艷稔鄉有家祇似客消息已

休糧

簷氣入寒沍雲峰黯澹光春方趨社火雪又尾勾

芒幽渚迷鴻路空林息鳥行干戈避薇蕨未忍薄

甘芳

升伯先生將之鄆縣任繇白不復抵余邑書

來見訂宿廣文齋中談別云此齋不易宿

也用爲起語以志別懷二首

此齋不易宿此別當如何官冷湖名白路長江有
沱涼天催入峽脫木渡微波臥理彈丸暇看山岷
與峨

此齋不易宿四月長蒿藜小邑安青綬前賢尚碧

鷄鷺洲新月滿犀浦熟梅齊何日聞猿耳還聽鳥

夜曉

少陵詩云南京犀浦道四
月熟黃梅犀浦即郫邑也

尋與治不值時將往句曲以試事行也因戲

簡之

三度來桃渡相尋必在家門庭詢閑寂筆墨想交

右白南集

卷四

三

加却笑神仙地常生僕御嗟不知陶與葛果得有

烟霞

薛伯玉邀集謝公墩晚眺二首

茲丘名最古步靜踏烟重歷落居城際岩堯到眼

中蟬孤通寺迴松蔚失江空一酌生微醉茫茫念

此公

王荆公詩云我
屋公墩在眼中

謝公臨此日情愜似東山雲木蒼涼內坡陀人代

間杯觴看自古叩友喜能閒再訂腰鎌至荆榛尚

可刪

流寇陷公合紀事次茂之韻呈越卓凡先生

冠豔鬱如雲疆圉令尹分獨將妻子去頗訝路人
云天險漫空持城姦刺狂勤廉頗思用趙誰與鶴
鵝軍

何集老來紅和越卓凡先生韻

入秋並自古經雨色能新似覓雖同老先楓別作
春葉書疑藥萼婢竟學夫人毛女顏沈屋生年說
是秦

偕周入新李卓如趙可孫楊愛生貞生華嚴

寺看桂花

石臼前集

卷四

容與一舟去白雲自孤飛汀烟散禾黍水淥到巖
扉寺有淮南樹山存太古薇深幽疑谷口欲共子
真歸

贈程穆倩

自厭維桑狹清羸作寓公信能嘲熱客得與共秋
風書史安多壘兼葭繼小戎時衰憂叔夜亦覺虎
文同

公入南嶺谷山石祠楊龍友調改新作
出杆遲亦好駐宿此雲林吟絕棘松色清兼灌木
音雷連同隱跡明發轉遙岑會有重陽菊心知欠

知市牛首道中喜霽
林氣近逾濕朝光已盡披路當山霽後秋見葉黃
時嶺寺躋偏濕溪花隕尚遲野行猶未厭稻穫水
雲陸

斷臂岩

石色引青蒼溪聲谷口長我遊當落日人說似韜
光猶有臂堪斷應無骨可藏英風散薇蕨雖冷亦
逾芳

入舟中別山陰趙可孫

石臼前集

卷四

五

入舟微月明始悔別君輕遂有烟生渚因悲鴈向
城潮催楓易落秋盡泖逾清更想殘冬棹山陰雪
裏行

往華亭程穆倩以詩見送次韻以別

秋水動朝揖微茫接遠嵐同人俱未易別緒已相
參月白漸盈浦楓黃欲隱潭思君當此夕有夢未
能酣

晚晚燕子磯小飲見野菊九日前一日
磯亦因江好孤根時此宜峰前雲踴躍石隙樹魂
奇赤葉清霜下黃花明日姿佳名殊可借於此一

街厄

大叱陵過即道生因贈

雖有尚平累君情亦已遐青蔬開細逕白社擬三
沙得祿方堪陰長貧不受嗟他年宗子辟自解寫
雲霞

雨過澱山湖二首

幾日煙中艇天空得此間漸看江入海復有雨連
山鷗路隨波折漁簑出浦閒誰言此浩蕩不在五
湖斑

清泓與蕭瑟未厭此孤舫雨氣爭湖白嵐煙得水

青鴈飛先過柳楓冷自爲汀橘柚黃何處心知遠

洞庭

亂離詩贈黔僧利根次潭吉韻二首

故國兵戈地風雲尚覺昏亂離思舊鬼驚定住新
魂行世已如葉言愁別有根三年蠻海淚猶記昔

戒痕

尋師鷺渚外何事不心傷跡冰河猶折戟看雪轉

月霜

出松江北門問譚吉上人病二首
上人三峯弟子自玄

華亭

市瓶何所近海路透迤雨氣迴波母風餐任楫
師微疴生懷寒古道適明夸機發勞生者聞言淚
似絲

獨有贊公室清宜息履暮路猶遵枉渚村已似西
枝野雪吹行棹寒芳薦本師當禪方一食亦未覺
支離

寒夜同龍友過余山陳省公先生山房二首

舍棹上山足封煙作晚寒橋危將燭過石觸即雲
盤空子經猶記龐公禮亦寬故應牀下拜所愧龍

石臼前集

卷四

與鸞

水色近山樾寒禽踏暝枝杭徐沮溺藝縞帶國卿
遺霜護青蔬甲星明黃石祠平生輕柱下藏史亦
相羈

十一月一日與宗遠別庭前古梅適開一花

梅老未須禿中含最少姿翦冰作花格逐月比珠
隨墮戶來冠鵲扶柯輔凍蟬江帆將子別歎息向
雲蒼

冬殘紀水物數里欄寒流野祭明祠步漁餐過荻

冬殘紀水物數里欄寒流野祭明祠步漁餐過荻

洲鷓鴣出遠浦烟火載行舟歲月淹歸棹茫茫雪裏郵

岸草仍猶雪新花轉作秋山明隨汎路柳迴異寒流旌布叢祠近雲衣菜甲幽玉峰江上夜燈火入煙篝

玉峰夜泊是長至前一日

流漸方一泊竹爆遠相傳風土同除夜葭灰類得年過河占鬼宿問俗侈漁籩水宿逢雲物關鷄度曉煙

雲間得張草臣邵僧彌訊泊舟吳閫即日解

石臼甫集

本四

維悵然寄懷二首

早鷄起臥槩楓影緒相看水至澱山白秋從相里殘吳書將路遠海月寄人難葭葦蒼蒼盡空舸上雪灘

水落胥江上濤聲寂未生鷗夸何日化鳳隱幾人成棹又遲寒訊鴻猶向夜征襄陽耆舊內可許作州乘

望東驛

相盼讓王里隨烟泊一涯舟生前濤月檣寄晚林鴉廡下已垂葭溪邊尚數家莫言山水故能爲伯

鷓鴣

冬日吳門達利公贈別二首

三年爲越客此路不同歸已覺形容改仍憐消息稀吳雲閒倚擢柳兩凍沾衣爲問息心侶何時更登機

越嶠寄書後一帆今正歸昔年曾禮足此日但沾衣臨水霜華薄勞生機慮非故山相憶處磬滿白雲扉

暮春卽事二首

三月下弦後園林景尚妍花殘風送夜笋出雨餘天人意酸梅子春情繞杜鵑詎知人境外亦自有凄然

一園堪禁足忽忽至殘春對友尚懷友迷人亦共人石楠紅卸葉池水碧生蘋擬作鹿門隱何須更憺神

偕吉人宿元長齋中聽雨

靈雨殊非易一宵清且嘉宛然成邂逅亦似在山家命酒起蕭瑟緒書斷語譁連牀自款款無厭是桑麻

病

覽鏡一顏容間園似旅中朝昏惟戀枕飲飯總呼
董思苦情相得詩題病所叢人生似膏火慎勿學
寒蟲

四月十一日觀雨

千林嘯杜宇一雨灑芳畦漫作池中水催多野外
犁坐看梅子大行見穉龍齊竟得蘇子病忻茲實
似圭

題元長三泉遊草二首

一編聊獨載雙屐事佳遊四月至五月蘇州又潤
州看山圖活計銷夏得良謀詩思涼沁骨三泉如
石上青苔
此幽

遊草令人妒探之古錦囊山川俱歷落支許不相
將茗有中冷水詩無響屨廊細評此欠事回想意
茫茫

六月十五日苦雨四首

一雨無非厄多艱盡在余慳於蒲節後猛自稻鍼
初江漲須防溢田低不願餘此憂良匪細况值釜
生魚

幾日汗流礎連宵雨浸階簷虛衝暮鵲辭潤聚朝
蟬衣濕薰籠護茶香竊羨借勞生清不厭諸事得

安排與與
曉昏全屬雨三伏失蒸煩水步稽潮汎窪田勘斗
門烘塵糜炭墜捉漏指椽痕此外無塵事猶嫌臥
起繁

兩有黃梅候黃梅一月前地將天共濕雲閉月空
圓屐齒常依戶盤蔬亦用錢子桑誠病矣囊飯果
誰先

彥仍自縣至阻雨信宿

城市步難好行來意若何爲言人出郭無異兔離
羅盤面去塵土膠身看雨梭遲迴成信宿未肯怨
滂沱
右白前集
未刊

喜霽

久雨滯炎暉朝曦頓失威曠曠纔上瓦落落盡開
扉書曝蠅頭字竿挑犢鼻衣空庭人事絕終日履
聲稀

東印度禪河菴

息機於此地行止十年曾假館重來客沾襟化去
僧半牀書似寄一線水堪凭詩句寧無懶淙淙雪
與冰

東與九當崑園

三園鼓洪出應源秋然生虛腹吾無米攢者子向
城巢空雷鶴羽樹暗濕蜩聲幾日宿春後林亭坐
夕清

與九信至招往園中賦答

問說長林下淒清祇似冰言招麝性友如對鶴形
僧竹色涼舒屐桐陰安曲肱此時延佇意切怛諒
難勝

見蝶結蛛網解之賦此

栩栩亦何憂惟茲自爾九居然情類我不似化爲
周鼓翅豈云崇粘身非所謀庭欄重得去努力向

方日甫集

卷四

三

清幽

雨後至園中紀事四首

山館憂卑濕浸淫似漲川履行如郭索榻臥 蚰

蜒閉戶薰黃蜀施憐想黑甜惟餘簷下竹翠影益

娟娟

一似栖巖谷聞蟬止衆竄蟻封高寸寸人跡斷朝

朝午逼林間暑風乾地上潮空庭翻可畏滿目有

蟪蛄

長林休夏地至靜尤所耽 泊當兼兩寸人纔至

三流雲依曲沼宿火借隣菴實有北牕臥時時髮

不簪

不須朝熟客閒寂將如何豐草狸歸穴長松鼠作
窠蚯蚓浮地出蟬鳴踏應過水際堪怡悅清颺繞
菱荷

次元長生女韻

生得中郎女寧同世上雌歲華君尚少弓冶我尤
遲別有宜男夢應無弱息悲堦庭還自慰玉樹且
枝枝

次韻九水聞九江流寇消息是日適有偷入

其室攜一篋去異地同災感而賦詩

方日甫集

卷四

四

豫章戎馬地勲業想姚江閩外能專討軍中敢受

降雉罹憂草澤鼠竊笑松牕羈旅猶遭掠驚心後

夜缸

次九水感雨韻

一僧筇竹杖遠自石門來老樹陰皆匝伊蒲供始

開鳴靈天易濕蟬咽雨如催我愛碧雲句深於法

鼓雷

次韻九水招遠菴雜詠五首

一菴成卽次栖泊總非恒出世可無癖逃人如畏

蒸置爐當密竹提卷倚枯藤文字雖爲累捐之每

不能

入秋纔一日茲夜卽爲良竹外連松影茶間雜笋香蟾蜍臨素闥蟋蟀隱虛堂自此傷搖落能禁一歎長

自聞江上信故國正紛囂流寇何時息心旌此日搖迎涼栖水竹得雨慕山苗祇媿隣居者人非栗里陶

澹泊遊人素頻添佳句豐未成三世佛已卜一生窮道證石頭滑書因斂脚工匠山雲霧窟垂老一龕同

石臼甫集

卷四

四

孤權來何駛同心友亦齊飄然江上下只似瀟東西菴外澄天水林中著阮嵇此遊非寂寞無復歎羈棲

看劉早稻二首

幼不親稼穡老懷農父心野田從此去秋水亦何深柳宿漁歸艇溪間鳥落音歲寒須及此已復悼

未敢論豐歉農功幾日興稗常先作穗顧已不如升米物一區秀渚田三歲登此中來往絕野語作堪矜

閏八月初七夜雨後見新月

厭寂非本性秋園易素心虛堂延獨夜微月表同林澹已全生影定如忽有音此光圓尚好感物一蕭森

得王雨若書因寄並寄懷歸安吳揖侯先生

二首

落落居園久君書將淚開怪猶人按劍恥已自爲累梅柳違高枕音聞達衆才問余得幾士此意一徘徊

豈意桐方變偏能識尾奇頗疑翁喪馬得與汝同

石臼甫集

卷四

四

師學喘吳牛月思巢越鳥枝黃花秋愈肅不忍看東籬

送九水還廬山二首

江舟彌不易此日見朝霜書寄他僧去路因寒月長彭蠡一衲遠雲霧六朝荒數鴈烟邊沒離心愈森茫

歸棹亦云遲多因朋好羈秋殘野菴日病遠故鄉時鐫句常分竹看花已滿籬石門明歲往不可負心期

九月十二夜園中再同五重幼良看月

秋月遊林際又如前月佳
淡然成步履一似揀朋
儕人影屢飛鵲鐘聲欲
嘯豺霜中梧葉盡異趣
每能偕

桃葉渡晤張與公吳見末

寄書悲遠別一聚各驚心
人海颯然入城闥復此
尋冬晴安水閣古渡歷
蕭森胸臆還如故情隨
桃葉深

同敘伯至馴象門訪與公因留齋食題其壁

間二首

君廬幽不易蒼翠滿籬藩
亦是六朝地端如五柳

石臼前集

卷四

聖

門杯香全茗色霜氣達
松根欲共城鴉返蒼蒼
語夕昏

冬煖草芊芊閒庭太古前
僧來傳尺札雨止見庖
烟素友成遙集門生議
小鮮車螯雖獷殺忍使
近盤筵

旱蝗有憂

東南勞帝力八月任飛蝗
禾黍千家怨晴雲一夜
長或言勤捕逐大抵屬
機祥太息徵輸早金錢
集上方

賦得春帆宜別家二首

水曲艤舟夜風微見落花
帆牆千里別浦樹一遭
遮靄綠鶯號岸莎清燕
掠沙思心俱脈脈已是
遶天涯

我向天邊去南行到永嘉
離憂孤棹始歸夢萬山
遮故壘迷秦望春風過
若耶芳蘅連綠水相送
觀無涯

白門贈杜于皇時流寇已陷襄陽二首

我昔行于越君行始入燕
離情方若此相見豈徒
然足馬關山北長鯨楚
塞偏江黃正蠶食何以
佐戎旂

石臼前集

卷四

聖

四海干戈後心悲帝里行
長爲江表客獨抱歲寒
情柳轉春城色潮回夜
角聲君當募勲業旌節
想南征

永慶寺訪白孟新

一剎相尋處幽栖此最閒
新林翳南浦孤興矚東
山燕舞爭春壘鳥號傍
夜關世危論出處天塹
起愁顏

白門與茂之別再往青田

一度相逢後重爲越徼行
春風逐長道容鬢換孤
征鶴去隣鮫宇鳥號想
鳳城干戈莽未已于役
更

沾纓

貽薛正初
八十厭桑梓青山辭故廬今文口解授細字腕能
書鏡水遙相待夸門左尚虛翩翩帝城鶴珠樹近
何如

寄魏賓起武定幕二首

獨遊之萬里况復爲微官路出蠶叢遠天低熨道
寒烏蠻衝塞過墨綬折腰難目極昆明水題書歲
月闌

沅水東流去君今過五溪洱江春湛湛毒草漸生

石臼前集

卷四

聖

齊校閣排青嶂祠官訪碧鷄天南同風俗遺愛及
雕題

白門過潘嘯生故居

幾日與君別因悲白下春流黃泣中婦聞笛感何
人歸去烏程縣遊殘洛水濱平生無限淚一灑爲
安仁

書聞亂二首

相國楊公率禁旅討賊敗績賊入襄陽戕

襄王遂陷樊城

憶昔征南帥曾驅十萬師豈知鴉鵲陣併失羽林

兒無復聞包圍寧論倒接羅襄陽慟哭處非爲峴

山碑

大盜侵河洛諸姬困漢樊竹聞勞聖主已見泣王

孫射虎縱橫過魚龍雜處繁鬱蔥佳氣在瞻望獻

皇園

晚泊燕子磯觀月二首

蕩舸出郊圻空林杜宇飛亂流通淺夾孤月上危
磯草色連吹角江聲隱落暉征途逮明發腸斷此
芳菲

荒亭延暝色極望倚崔嵬沙鳥背檣去江豚逐浪

石臼前集

卷四

聖

迴浦帆乘暗卸戍鼓徹明催東去無窮路令人首

重回

龍友遷令永嘉却寄二首

聞說青田鶴南飛隔彩霞嶺雲猶近烏海樹已浮
槎茂宰仍彭澤江山復永嘉謝公春草綠羣麋間
桑麻

康樂上官去高江動遠瀾載登臨海嶠遙憶石門

山霸氣王搖發仙雲子晉閒簫聲滿清漢令尹得

相攀

聞門遇穆情因訊僧彌

一逢荀奉倩吳市此相期結客向滄海吹簫滿碧
空水浮鷗澗綠花映杜鵑紅爲問偕遊者誰如臯
伯通

與穆倩別往武林
萋萋草色徧四月南風輕與子相逢處令人懷抱
生離亭流水合遠樹海潮平惆悵夏雲滿相看縱
復橫

嘉禾道中憶家

盈盈吳苑水回望一潸然適越嗟頻歲辭家值青
年亂流漁浦綠古樹石門烟遙想東菑稼青林遠

石臼前集

卷四

四

杜鵑

桐鄉聞布穀時方苦嘆

短柘沿堤盡新蘆出浦長一邨號布穀數處有提
筐農事占風土菑畲憶故鄉欲同雲漢詠悽惻未
成章

兩宿錢塘江口

帆隨落潮住向夕野雲昏雨氣來天目江聲出海
門山川仍獨往盜賊果猶存卽次起長歎飄飄動
旅魂

止嚴子陵釣臺二首

已隨新水歸因登百步灘潮綠筠產碧甌臥寐
青獨載魚孤槎訪客星長思人代裏幾得此
鴻冥

披裘成野逸把釣倚鱗詢豈料此山永長歸故
人難聲猶七里石勢已千春返步卽迴棹懷茲更
愴神

蘭溪舟中

衆嶺忽中斷烟波更渺茫岸將平楚合舟入亂流
長灘淺喧隣舶雲輕覆女牆雙溪行未達水宿屢
神傷

石臼前集

卷四

四

過嘉興風駛不得泊舟訪錢爾介賦此寄之
千山隔之子一別縉雲西括嶺兩方霽天巖酒共
攜帆隨春水濶樹隱市橋迷惆悵鴛湖上迢迢問
路蹊

永康郭外聞杜鵑因懷田舍作是日芒種

杜鵑曉未已不斷遠林聲農事催芒種沙田用火
耕自傳鄉信後頻見歲華更長道驅遊子汚萊恐
未成

馮公嶺

石臼前集
馮公嶺中峰指括蒼花堪採阮肇藥應採韓

康福橋通雲氣奔流通石梁懸崖出鷄犬此路亦何長

城隍廟南望龍友使君五首
五月臨江望炎蒸鬱未舒潮生龜圻後雲起蜃樓餘積霧連羣岫流膏溢大渠已傳父老語真見兩隨車
二雨諸溪合檐帷曉色開江鼉跋浪起海鳥避風回碧篠垂虛閣青雲繞吹臺鄉書予未達側想故園菜

泊温州城下望江心寺作二首

石臼前集

卷四

哭

中川騰巨浪雙塔影參差桂楫仍來此煙波更間之水寒龍伯國雨過謝公池日暮聞鐘磬茫茫有所思

丞相祠前水東流到海回空江還寂寞孤嶼獨徘徊應有鮫人泣誰同賦客來隔年臨眺處風景已堪哀

同龍友福勝寺題辭

亂山園小邑古寺共殘僧度翠千峰落巖雲一雨興開窺仙竈火冷傍長官冰絕頂青牛蹟踟躕扣未能

過龍雲菴題辭
半嶺絕塵喧茲遊不可諉攀蘿復來往落葉幾朝昏此別從雲海長愁隔水源豈知人境外懷舊亦傷魂

游城南栖霞寺二首

水際沂洄去溪橋亘衆流歲烟仍自合荷芰稍能幽破壁饑饉集殘柯倦鳥投賴因松雨細一灑盡煩憂

野寺一僧去披雲跡漸虛簷牙連栖柏鹿豕上堦除艾草通微徑漚麻借小渠唯餘古釵脚得覩魯

石臼前集

卷四

事

公書

送汪爾康還武林

白雲渺何適君去越江邊積雨飛寒濕停橈響夜泉築山精自愜服藥病當蠲儻遇韓康伯相將度歲年

少年行

意氣少年場千金駉駉裝探符捷晉鄙擊筑事田光風鶴迴輪旋從戎渡朔方空悲執戟者白髮尚爲郎

出塞三首

聞有朝那寇因屯細柳師鼓聳天上落楊柳笛中
吹漢書懸孤異因霜捲大旗嫖姚方就踰一戰淨
沙陲

駿馬汗斑斑長鳴青海灣塞雲連鴈起朔雪射雕
還敵破 遁功成大漠閒瓊裘皆喪膽垂淚過
陰山

鴈陣起清秋龍庭戰未休征人隨白羽思婦泣青
樓意氣看狼蘇蕭條歎虎頭閨中斷消息空結玉
關愁

秋夕旅懷

石田前集

卷四

五

一眺臨江月踟躕思轉悽鮫人水底住島樹雨中
迷銀憶平生友耕違餉饁妻慙勤幾書札託寄數
行號

涼秋八九月夜夜客思家歲暮鄉書闕心孤僕御
嗟參差連百粵卑濕似長沙欲繼投湘作其如鬢
有華

永嘉中秋

雨氣朝朝積雲開敞堞樓江光搖極浦樹色隱羅
浮爲有客山意因憐故國秋蟾餘茲夜影搖動白
蘋洲

漾生日用庚辰韻

驥子今初度踟躕各一鄉綵衣仍八月離別遽三
霜瀕海憐予遠還家覺汝長遙知慕黎粟幾日更
相將

永嘉縣齋雨夕二首

野雲生郡郭候掩衆山岑季月殘秋過滄江片雨
深蛟潛寒水窟客抱異鄉心欲踐天台約茫茫未
可尋

海曲已蕭條蒼茫一雨飄暗禽迷遠渚晚樹沒寒
潮世故愁逾積霜華鬢易凋悠悠鐘漏寂獨使旅
魂消

石田前集

卷四

五

久不得家書聞鄉中旱蝗歲又不登志感二
首

海上聞鄉信崎嶇歲不登無因傳尺牘已得訊溝
塍碩鼠嗟胡適蹲鴟種未能憂心橫永夜涕泗幾
沾膺

世亂勞于役于戈逼歲荒幾聞殪封豕祇見詠牂
羊有地愁應赤何心顧彼蒼朝廷六事禱未必遜
商湯

江心寺僧閣二首

次趙卓凡先生韻

返景連城郭微茫夜色開江雲連曉起海鳥避風
來明迴烟迷閣松孤吹滿臺新寒落後無復謝
公才謝靈運詩
衆壑聚奔馬孤光隱巨鼉鐘聲流澗冷塔影入雲
多松老騰蒼蘚潮迴湧白波初霜沾袂薄夜久亦
微和

絲白石過簾絲潭至玉甌峰

亂流山澗綠行盡一溪中碎石喧爭渡靈禽晚下
空遙峰入海霧疎磬落巖風暝色栖荒草心知路
必通

石臼前集

卷四

五

宿芙蓉村

四十九盤近蕭條出數家月圓初吐海村古舊名
花寒火通遙喚孤艇繫淺沙詎羅昔行邁曾此憩

袈裟村以花名用
諸詎羅事

茫茫浦澈白潮上漸無垠平野濤千疊空霜月一
輪汚田鮫並宅躩鋒虎驚人蠟罷青山屐猶然滯

曉望東溟

曉烟開石壁極望島雲閒不盡峰頭月遙觀海上
山連波開鳴路東溟映僧關跡是栖尋地幽還未

可攀

石門百丈巖

石門去窈窕數里水聲聞合沓聯青嶂參差掩白
雲映巖溪轉碧出谷路仍分却望諸峰頂仍餘翠
靄紛

始入鴈山過能仁寺

我聞此古刹昔號芙蓉菴西域僧初至東林勝漸
探向人詢往蹟與客通寒潭蘭若何蕭索潭光尚
可耽

宿詎羅菴二首

石臼前集

卷四

五

一宿寒巖下白雲此際深水隨孤嶂落月隔數峰
陰破壁見霜色虛堂響澗音風榛鳴夜寂颯颯動
予心

不以愛雲壑誰能宿此蹊衆峰侵夜合斷靄令人
迷月出驚山狖僧歸似野麋芋魁供晚食行跡已
栖栖

縣淨名寺廢址循石壁觀一線天因入維摩

洞二首

元人記謂惠上人
所開西谷即此

夙昔此精廬荒榛自一區苔青遺屋瓦松翠儼堦
除夾壁天難澗藏雲洞轉虛層層看水石惆悵復

何如

谷口尚如故，幽棲孰與隣。嶺雲三峽似，茅屋一僧貧。
太息溪邊水，空思惠上人。維摩方丈室，四顧一沾巾。

謝公嶺

鴈山開季代，巖岫散崢嶸。昔日永嘉守，空爲海嶠行。
因隣斤竹澗，遂有謝公名。何事遄歸去，緬懷伐木情。

世傳靈運伐木開山至斤竹澗而止

石梁洞

度嶺猶未已，幽林乍欲迷。石梁倚洞口，杳與白雲

石白前集

卷四

三

齊樹老懸青，巖寒俯碧溪。受茲蒼翠極，那不日

攀躋

曉發甌江

夜宿水聲裏，陰雲繞郡樓。山青開曉驛，潮白擁寒流。
道遠迴甌浦，城荒憶石頭。江村歸去後，機息共羣鷗。

羣鷗

次韻龍友送予西還

客路三千里，薄遊歸亦難。鄉心搖歲暮，海色到江寒。
老向名山去，閒同仙令看。淒淒烟水際，猶似夢中還。

酬越卓凡先生贈別之什二首

十載罷官後，猶吟去國悲。藍田射虎暇，浪泊墮鷗時。
鴈岫微銓處，羊何共和之。石梁歸幾日，此別已淒其。

伊昔西南寇，人傳百戰名。三巴投袂日，五月渡瀘情。
盤錯心應苦，弓藏事豈平。別離逢世難，惟有涕沾纓。

再過石門觀瀑

龍湫幾日返，此路復相攀。俱在幽遐內，真堪伯仲間。
琤琮行澗脈，冰雪映人顏。未得謀居止，空憐水石閒。

石白前集

卷四

三

石閒

亭午飯烈橋

亭午村烟合，溪山發括間。寒聲響枯櫟，野色映衰顏。
一飯從人費，故園何日閒。歲荒聞更甚，秉穗正維艱。

曉行金華道中二首

野店測天曙，膠膠鷄乍鳴。每於侵曉發，恒是履霜行。
谿色初含旭，冰漸沸聲敢。辭于役累作，計竟何成。

山邑厭朝發，天寒劇苦辛。提冰喧穉子，鋤壠出村

人此地仍巖穴千秋託隱淪孝標六代士懷想已傷神

婺州三首

婺州十日住欲去尚無憑却向雙溪宿天寒月似冰
旅程艱越微歸路隔嚴陵冉冉歲將盡中宵歎
屢興

仲冬天宇肅水淺細流瀧北陸交南陸甌江至婺
江長雲聯鴈翼遠夢逐漁艘月出巖城靜燈寒共
一缸

婺州寄龍友永嘉二首

石田前集

卷四

七

偶滯失長策輕車且載馳憂時方板蕩徧道復流
離撫序盈千慮憑高發五噫伯鸞歸已晚廡下莫
相疑

此別惟猶繫不知西棹遲乍尋葭菼去獨與歲寒
期耕稼在所適絃歌空爾思王喬有書札儻寄北
山陲

歲暮行經七里龍二首

輕舟載烟去寒水復瀧中鉉翠東西合崖青遠近
同遙帆爭石瀨歸鳥逐溪風歲晚猶征邁踟躕厭
薄躬

入瀧投宿名龍盡復烟霏極浦桐廬縣天空出翠
微鷓鴣啼沙岸動朝暉愁思當窮臘皇皇獨
未歸

無錫舟中雲

森森一舟去不知此路遭荒村建子月密雪凜寒
天野岸露微逕茅茨帶斷烟病衰慚物役於此更
凄然

舟雪二首

出浦衆流濶斷雲凝不飛櫓聲愁路遠雪色映舟
微積霰迷冰塹長林隱曙扉汀洲淚饑鴈已覺稻

石田前集

卷四

七

梁非

千峰猶未盡孤棹復江濱亂雪逢吳縣歸人下楚
雲一溪殘水隔獨樹凍禽聞幾度勞歌歇還看芳
草薰

洞庭歸舟泊吳門邵僧彌已往虞山因寄

水落復揚舲楓橋柳尚青因君誇禹穴使我愛山

經霜月空適冷巖扉往不局虞山仍渺渺歸日說

金庭

曉發桃花嶺

三度桃花嶺今來一惘然自憐增白髮何異上青

天曉還關紅朝寒通草烟爐子役空憶武

陵州

定後送戴敬甫蕭大宋還鄉省視

大盜盈江介蕭蕭古戰場流離行異縣跋扈想維
桑井龜餘荒壘條梅問遠揚二賢俱索莫欲去更
沾裳

瓜州兵亂送顧子架歸杭州

危城同子住擊鼓隔陣聞早歲知几少還家去路
分驚藏垂地柳燕逐過江雲欲別重相訂西溪待
我殷

石白前集

卷四

七

兵退值大風雨書懷三首

莫言秋草色容易到閒門忽值金風候新收鐵馬
魂葉漂沿岸樹潦接避兵却晚霽寒煙裏歸人覺
語喧

小邑頻經燹殘霖尚激湍煩冤新鬼哭零落故人
歡艇疾漁爭浦雲輕月上灘此時蟲響合舫更得
愁寬

大亂連窮巷愁心對夜缸雨殘瀟血草風破釣魚
艘早稼初達社遙鉦近逼江此生倚著處偏不離
危難

小別南來過赤霄

看鬢野水側小艇到閒廬雨後千溪漲兵前幾日
書秋蔬零露早涼葉墜塔初離亂詢來躅難分密
與疎

楊柳色猶碧岸荒雨洗根疎籬接軍壘前日憶羌
村幸不淹他縣還能共此樽君看桑柘外蕭瑟散
雞豚

得弟書

忽接數行札孤蔣一水涯幾時斷消息有命等泥
沙久客應懸磬殘生尚種瓜傳聞宜歛事驚起屢
咨嗟

石白前集

卷四

六

得元長宣城書

兵烽火一方君去卜維桑舴艋如星散田園此歲
荒沉泥逢斷鏃縶馬剩殘楊歸日秋風裏含悽過
野塘

哭趙以卿二首

鋒鏑徧南陲乾坤更倚誰出身爲壯士裂背向侏
僂自惜衝冠髮長捐裹革屍莫言衰晚世不有古
要離

長矛策羸馬意氣擊凶閭真抱姜維膽終傷先軫

元國殤應作厲天定始招魂慟哭人雖忍聲悲不

可吞

印度避亂歸却簡

桑柘舊相隣崎嶇各竄身青山歸草履白日少鄉人亂豈未云劇愁翻不爲貧報君新買艇來往勿辭頻

夢與治

戰鼓隱如雷滅書意未灰不知生死別却訝夢魂來道豈佯狂得身將羅網猜更愁江路黑歸去鴈聲哀

石臼前集

卷四

五

嘲尺木

尺木蓋避亂余里乙酉夏五情心世變相對微歎未幾以姬在秦淮間關往求不得已入都取之時余亦避兵他去比還而尺木已返鳩茲乃寄此詩

昔聞楊柳枝曾與駱同吟今訝桃根妾翻隨支道林鷄鷄絃更撥鈿合信重尋雖復愛神駿應無相換心

聞敬夫錄浙入閩敬夫客程中丞所

黃塵侵越徼君又去吳興消息闕山斷雲峰海岸增連營歸左鉞傾膽向中丞尚復思荒巷蓬盤共夜燈

聞鄉中寇亂寄吉人元長三首

又作辭鄉客偏聞亂尚餘廢墟誰躍馬大澤總長蛇兩濱蓬科出湖空鴈影斜應憐未歸者無地種桑麻鳳栖山下寺灰燼每長吁水落藕絲堰漁家半在無林廬成黯澹去住各艱虞虛憶垂竿處春風兩岸蕪

爾止毗陵還以詩見貽次韻答之二首

毗陵前日去歸向舊青門未滅懷中字重聞亂後言子仍居白下家亦遠江村牢落還相聚風塵滿眼昏

石臼前集

卷四

五

怪爾家無定今還一舸浮去年吳甸客相憶白蘋秋浦迴初聞鴈江清任浴鷗謾言解纜去又起別離愁

登臺二首

層臺凌曉上莽莽萬重雲江岸秋逾遠予戈老畏聞亂煙侵古堞高寢變荒墳極望凝雙眼淒傷淚點紛

豈不憚愁思高臺望遠空如何臨曉日已覺起悲風紫陌連雲白西宮故壘東若論興廢事流水太匆匆

送翁壽如之揚州

行李遲明發渡江何日歸秋風吹去路水色上征衣戰罷城池在潮生海日微君看稻梁鴈一一盡南飛

九日登臺

木落初驚候雲開卽望鄉登臺非一度極目又重陽吾土愁偏疊頽年亂未央明朝浦嶼裏孤檝下維桑

酬祖心

故鄉歸未得此日對歸人月下舟檣客筇邊淚滴

石臼前集

卷四

三

身棹當迴小雪嶺尚隔來春休厭干戈甚偏能滯爾頻

經漂水城二首

睥睨殘垣在霏霏戰馬塵壞欄空汲井舊店已無人秣馬紛成市鳴駝渴飲津臯京回望處烟火遠村新却訝一城內居人雜荷戈魚鹽羸馬載負販健兒多霜野晴驅犢蒲塘晚漾波湖邊上小艇幾處有漁歌

還家二首

隔歲一勞舟去來逢霜色新田收穫後黍兵伐墓間薪鷄欄樹應久漁家到欲頻徑須謀結網不作暫歸人

井邑軍營在長驅駟鐵同兒初攻魯頌世已尚秦風雨滯高原穗霜淒別浦鴻寒溪隨夜泛遠火戍邊紅

過陳汝鴻郊居

自君郭外住十載曠招尋一寄洞庭詠知余江海心竭涎虛辟落馬跡在堂陰兵難誰無恨惟應臨老深

石臼前集

卷四

不

經故彰教寺

頽牆無數尺雙栢剩虬枝灰已經新劫苔偏護古碑人窺廢井淺僧打暮鐘遲隔歲來行此猶聞戰哭悲

覽蘊璞和尚舊題彰教寺詩悽然賦此

髻歲逢師早題詩在此山錢劉堪縱步郊島正同班黠鼠窠餘燼靈蛇伏故關徘徊空佛火追想淚成斑

哭吳中友人三首

朝亂職方賤同時二十人世皆爭溢秩君獨誓孤

臣水戰魚龍窟天亡甲身吳江千載綠芳芷最
含辛

史相一軍在君參計畫深未須同日死不負此時
心潮淺草亭月雲低震澤陰瞻烏前歲恨寄我白
頭吟

九鼎紐初解吳生勢亦微能令太湖水忽覩魯陽
暉貢禹彈冠易却說裴革稀惟餘聞篋淚日日尚
沾衣

除夕二首

用乙酉韻

自恨顏頰久孤艇西復東流離三載後兒姪一宵

石臼前集

卷四

空

中惜歲更偏速銷兵願豈空乾坤有泰否大亂幾
時窮

衡門仍守歲亦覺興情遷杯酒逢歸客團圓勝去

年桃從前臘換兵更幾時連但說萍蓬跡中心又

飄然

岳墓

一世皆臣妾英雄獨有公遺骸長化碧屈膝早和

戎汗馬聞空谷靈旗出闕宮躊躇獻蘋藻寂寞悲

回風

石臼前集

危樓如懸綆崎嶇生百憂水聲鳴大壑雨色上稽
溝婆女猶青嶂征人此白頭因悲行路險徒御共
淹留

幾日歎行役懸崖更一攀嶺分崖水縣雲滿括蒼
山路折盤蛇處人行飛鳥間鄉書從此隔回望一
摧顏

三月十四夜芝田望月

玄鶴山前月茲宵始一看流光懸細瀑孤影下高
盤邑敵驚殘寇山深覺乍寒清輝易惆悵那復旅
情寬

石臼前集

卷四

空

大洋

山斷忽空濶濤迴逐漢流淡雪遙似岸亂石迴隨
舟江嶼通幽澗軒轅憶古丘令人惆悵極烟海思
悠悠

小洋

驚奔惟一水放溜下輕航日色銜孤舄灘深落小
洋前溪仍似束遠岫忽如藏五月炎威灑蕭蕭灌
木蒼

登江心寺澄鮮閣

危閣此中洲蕭條極浦秋潮平西日去江逐斷山

流莽莽碧雲合，賴賴綠篠出。對景臨眺處，嘆色使人愁。

人愁

始至踐雲菴二首

秋霄易登陟，况茲林木間。片雲孤磬外，一葉萬山間。嶺樹騰猿疾，籬門畏虎關。天寒此蕭瑟，多病屢摧顏。

落日幽林住，殘秋肺病增。松孤行欲倚，磴遠歷難勝。雲隱高天月，風侵後夜燈。不眠話款款，因對赤城僧。

贈天台僧

石臼前集

卷四

七

一別雲峰寺，千山隨所之。路遙衝虎跡，衲冷掛松枝。蒼嶺驚新臘，天台憶本師。他年成慧定，莫忘石橋爲。

至緡雲

小邑紀名勝，寰中此最靈。彈丸稀穀土，拳石註仙經。列櫓嚴孤戍，浮橋渡淺汀。天都如欲往，知隔幾峰青。

吳門與穆倩別往武林

萋萋草色徧，四月南風輕。與子相逢處，令人懷抱生。離亭流水合，遠樹海潮平。惆悵夏雲滿，相看縱

復橫

烏石灘

再宿過瀧口，雲山杳未知。挽舟出微浪，祇訝前溪遲。灘石水相戛，澗花風更吹。亂流方欲濟，搖蕩令人愁。

雨中遣悶

三載來甌渚，滂沱釀夏寒。因憐江鳥熟，已作越人看。閒臥施桃簟，清羸岸葛冠。仲宣今有賦，歎息滯荆蠻。

和龍友盤石衛觀海

衛城洪武中東甌襄武王築

石臼前集

卷四

六

禹跡窮南紀，皇圖盡四溟。濤爭遙浦白，岸夾斷山青。列艦雲疑陣，浮空島似星。徘徊思設險，非是漫揚舲。

引江水灌稻畦作

望澤千畦久，通江五月難。灌苗分畛細，引溜入渠寬。却訝雲陰疾，遙知雨氣殘。惟應走阿段，赤日問行官。

月夜入弘濟寺還宿舟中作二首

野迂入霜空，滄江去未窮。繫舟依水寺，扣戶息禪宮。仰面看青嶂，低頭畏朔風。微微波上月，清絕葦

花中

遙僧戀幽川信宿此江灣
遠燒隨星出枯柯見鳥還
兵烽驚買舶岸火照漁蠻
獨有上方路相期更一攀

曉過石臼湖

曉楫起汀鴈方知湖水寒
葦深分港細天迴值秋殘
蟹網霜前密魚梁潦後寬
如何逢世亂舍此欲求安

京口逢史弱翁

長江更爾去岸葦半摧殘
行路一生事清樽此夜

石臼湖集

卷四

七

寒捕魚眠小艇射鴨上驚湍
各有水邊宅無數歸計難

遊焦山洞無補尋瘞鶴銘

一泛寒烟去遙疑山色暝
漸從危磴入遠見別峰青
石壓潛虬窟文尋瘞鶴銘
細捫殘碣在得此壯巖屏

曉聽聞鶴啄冰

夜久立深澗凌晨步小池
偏宜長啄啄不受返寒欺
霜苦何因渴形清頻欲窺
徘徊思爾意亦是爲朝餓

生手

幸有懸弧日當子賦遠遊
克閑想佳氣滄海失羈愁
命字宜黃耳題書慰白頭
飄蓬喜見汝未敢論箕裘

哭王兩若

斯人忽已歿憔悴使心孤
夜雨雞鳴寺秋風玄武湖
龍蛇遺塞歲驀最失長途
太息滄江別音書一字無

尋謝畢羽墓二首

墓有詩

馬鬣何人築中更興廢與荒厓
盤曲折幽磴鬱鬱

石臼湖集

卷四

七

增心已投巖仲風尤契子陵遙
看慟哭處子載白雲凝

曾爲戟門客去作釣臺人
食薇逃周粟招魂激楚

臣夜猿曉雨斷江燕掠雲頻
彷彿徐君墓令人更愴神

午憩撫松石

赤石踐危磴幽林始一休
高松寒自出孤石迴相投
欲窮巖間字驚聞澗底流
黑雲終作雨或恐起潛蛟

滄元峰偏觀唐宋人題詩

一

懸崖看數千載識峯名刺落樓蟲鳥幽深度鼠
鼯祇愁蒼嶺失偏逐翠微行倘復逢毛女應憐世
代更

一眺孤峰出蒼然四面同崖深聞過虎苔老蝕驚
鴻過雨題偏濕盤渦勢獨雄茫茫尋歲月已見古
人風

宿隘頭鋪

月出上東嶺征車此未休谿山連虎穴驛路遠更
籌霜樹橫關外人烟宿隘頭故鄉猶夢寐寒鴈滿
汀洲

石白甫集

卷四

再至青田晚泊訪蔣泰占不值

水淺城根出灘回百雉斜孤舟驚晚柝屢宿換年
華潮落夫人廟風飄望帝花因尋三徑處惆悵亂
雲遮

聞海寇擾崇明寄訊李武治司訓

幾載書仍隔他鄉袂更分豈知官似水復有寇如
雲搶攘經吳甸流離到海濱遙思避地處仍著送
窮文

海上書懷

嶺色畫氤氳中庭積翠分潮聲偏帶雨鄉思只看

雲消息天邊隔霜花鏡裏紛步蟾娟倚徙羣雀巢
何勤

悼鄉滿字

憶昔到廬居閒庭鳴雁誰羅縠暖閣窗柳綠映池
疎有徑微通葭葦生懶著書一朝消息斷墓草色
何如

寄家書

自爲天畔客頻寄海邊書人使却回處封題涕淚
初路疑潮汎隔思逐夏雲徂楊柳微風岸殷勤到
故廬

石白甫集

卷四

同弱翁登華蓋山資福寺

山路日明霽已知秋色微薄雲歸嶺去落葉到江
飛靈蹟何時闕故人此會稀下方城郭裏秋望入
雲扉

答林茂之見訊

臨老俱庚歲隨肩小十年與君一別後相見不如
前蓬轉曾無定蒲凋始自憐猶煩向詹尹端策問
連遭

酬茂之讀子瞻東詩見詒之作

康樂上官處巖巖萬壑蒼石門懸瀑布旅服換秋

霜雖復頻題橋其如遠望鄉孤出林處士翻更美
行藏莫與憑

尋程穆倩所居

城曲轉蕭疎相尋步履紆比隣長賣藥小巷不容
車白露下庭際青岑出雨餘客懷宜對酒况是蟹
肥初

同薛千仞戴敬夫方爾止集龍友邇村齋中
已覺一林靜微微月映村層簷紛野靄小岸抱灘
痕水定寒漪散霜深夜語溫齒高逾八十惟有薛
公尊

石臼前集

卷四

七

天界寺訪張興公

城南幽絕寺歲歲閉門居獨與僧同舍惟將竹映
廬傍家傳一食對客掩殘書南北宗俱徹慚予扣
每疎

同施尚白游玉山寺

春山行數里野渡忽臨流竹色沿孤嶺經聲滿一
樓青蘿懸戶牖白日蔽林丘雖復暫來去心知此
路幽

東溪渡

古渡臨荒岸微陽下遠山人行淺沙處舟過亂流

間斷蘂繁芳樹遙帆出浦灣惟憐雙白鳥相逐暮
飛還

過李右人里中追悼賦此

數行開篋淚灑向十年書豈意絕絃後俄成宿草
餘身曾輕萬里賦未擬閒居今日滄江上空悲有
微廬

秋雨

秋漸逢蕭索霜繁鬢屢侵窮交白下老愁望雨中
深烽火連天戍空江薄暮陰家書雖易達無那欲
沾襟

石臼前集

卷四

三

重過踐雲菴觀舊題賦此

去年題辭處此日思難勝細路懸孤壑幽泉折數
層重開巖戶磬喜過竹房僧一似憤峯寺今來幾
度登

聞韓氏妹訃

淵明云欲尋程氏妹
喪于武昌情在駿奔

海上一書至心驚萬里魂自憐兄弟鮮能禁涕絲
繁世故勢崩迫予情在駿奔荒丘何日到寒草倍
吞聲

聞韓氏妹訃志慟

辭家之越海有妹在鍾離長路生前別良人歿後

悲田虛荒歲盡井白薄言持寒苦不能濟相憐空若斯

甌城觀月

世故凋雙鬢同人不並歡
層溪三換葛月宇一憑欄
露鵲枝應濕江鼉窟尚寒
崎嶇連盜賊島嶼正漫漫

訪蔣泰占

蔣生閭巷士名姓編諸公
但得門臨水何須徑有蓬
牖深丹樹合簾卷碧巒通
却羨嵇中散揮絃送遠鴻

石臼前集

卷四

三

芝田感秋二首

山縣秋風起孤城曉角吹
烟深嵐作雨露白草含滋
布穀叢祠震沙田稻穫過
天涯荏苒內歲晚淚頻垂
玉露瀼瀼夜荒雲黯黯秋
棕欄寒帶雨山市迴臨流
虛室窺猿狖重巖擁戍樓
烟中雙白鶴奮翮去悠悠

永嘉過故相張文忠公賜第登寶綸樓肅瞻

宸翰悵然有作二首

肅王臨御日幃幄此元臣
喬木山川舊恩波日月

新廣歌歡太液制禮洽熙臣
世難思人傑蕭條歎後塵

襟襟宸章煥聯聯錫第導雲輿
通紫邏闌開擁朱

門魚水謦前烈岬城滿故閣徘徊
撫遺碣零落已聲吞

遊天巖二首

峭壁千尋出沿洄數曲長
青崖開牖戶白霧散蒼茫
列嶂濱炎海諸溪入大荒
因詢石門路謝客意難忘

中峰臨絕險一棹涉通津
磴已盤雲外人猶問水

石臼前集

卷四

三

濱沙田榮柏樹烟火雜甌閩
不是逢猿鳥幽深更惘然

西溪

斷崖何曲折列岫一遭遮
雲擁千重黛溪春數十家
水流當驛路野色間桑麻
物候驚相訊春風有桂花

泊富陽

潄潄此江冰晶晶映白沙
時危津稅密烟滿樓斜
柏葉春深綠桐陰雨後
嘉浦雲隨繫艇征邁杳無涯

法雲寺訪彈琴章生

細石峰前路榛蕪隱四陲岩雲繚繞步過松徑一巷
遲流水從琴客高山倚莫釐靈奇占水色清絕儼
鬚眉

龍友還令青田以書見報兼言台蕩之遊賦

答二首

括蒼山盡好此地更餐芝不逐神仙令空懸海嶽
思春江猶自東驛路早相追花發桐廬縣應同聽
子規

葉縣飛鳧鳥天台接鴈山爲尋丹竈去更遠赤城

石臼前集

卷四

還瀑雪懸猶白巖花繡自班應憐宓子賤終日訟

庭閒

清明日再至金山作

前歲金山寺春波動遠征江流仍鐵甕景物又清
明濤湧孤峰出風吹五兩輕櫂歌聞折柳杳香離
別情

嘉禾道中二首

春冰日夜生微茫古渡前山晴通海與野綠盡桑
田斷岸蘆花石空洲起宿烟因前地勢知在若
耶邊

吳山猶與碧越水已無涯盡日長堤柳孤棹隔岸
沙浴蠶先穀雨舞燕逐溪花忍向春風後淒淒怨
歲華

曉發錢塘江二首

水氣迎朝雨風吹萬柳條夢歸揚子渡天迴浙江
潮適越攀危嶠游吳歎短簫平生有雙淚一灑慰
飄搖

敬舟入蒼莽濁浪此喧阗海勢三江濶潮聲萬里
回戰餘勾踐壘釣近子陵臺內史山川近迢迢望
轉開

石臼前集

卷四

七里灘

浦澈沿流入滄江七里灘草青遮細浪沙白動危
巖谷鳥去猶疾春鶯曉未闌龍中長寂寞不復有
魚竿

水碓

水碓當危峽谿聲數里聞香杭連瀑雪人語出煙
氛機事臨流密山田錯繡紛因思廡下者杵臼未
言勤

龍門嶺二首

孤嶺何其峻岩堯細霧中誰言九折阪不藉五丁

雄子亦憐山水人猶歎雨風漸將採藥侶去去杳無窮

千山圍一嶺嶺色尚濛濛曲磴懸蘿外奔瀉疊壑中龍門真作險鳥道已盤空那更逢幽獨巖花處

詠白兔

望舒初孕魄閨嬌始羅置片月行塔迴團霜入草避並蟾原共色映水一無瑕搗藥何年事清輝萬古嗟

寄家書二首

石臼前集

卷四

七

客行千里外書寄越江邊臨水一爲別看雲獨惘然萬山圍海雨孤章起寒烟非復五溪惡時時見

隨鳥

渺渺天無際悠悠四望中雲深斤竹澗書過館娃宮母鬢愁逾白兒髻夢易通數行到家後梧葉滿

秋風

得家書

一書傳兩月孤客滯雙溪鄉遠思孤米山深共鹿麋欲尋丹竈藥空老白雲梯歸日逢南鴈能令故園迷

宋孝宗皇帝御製

昔人未嘗返此地有仙踪看易調雛鶴栽松作老龍尚餘丹竈在已遣白雲封烟駕紛來往飄飄俱可通

齊二首

曉齊開諸嶺炎天散薄氛蔥籠高樹合錯落細泉分溪鳥閒相過山蟬始一聞客情何偃蹇日日吟

石臼前集

卷四

七

孤雲

久雨失朝旭山光上曙扉始憐當暑月猶未換征衣青嶂方能好白雲有所歸甌江流未細何日訪漁磯

送莆田周貢士通閩省觀二首

括蒼西去遠客路此將分海色投閩嶠山經憶縉雲桑田鮫並宅樓閣屋成文君自羞紉綺時時歌

緇聞

兄弟君家好雲霄起鴈行因憐唐棟色日映荔枝漿名已齊驃騎貧懷挾驢驢到家調膳後仍著彩

衣裳

讀宋鵝池先生詩集悲其遺事志感二首

嗟君燕趙士去作楚狂人歲月天邊老悲歌漢上春抱愁長作客傲世不言貧賴識荆川牧登樓賦

苦辛

九辨文空在誰憐宋玉悲曾分兔園簡終負鹿門期蹇足馭書日鵝池種菽時鳳兮去不返終繫九

苞思

早秋得元長書

羈棲垂老後此別更悠悠思遠東雲日天高北渚

石印齋集

卷四

秋書傳湖稻信楓滿越江愁倘逐歸飛翼尊羹與

爾謀

得爾正白下書微予近作賦此謝之

笑兀千峰外遙迤象浦微故人一書札牢落寄音

徽秋水鳬鷺潤江天信使稀陳詩節以下季子復

何識

溪生日

公子懸弧日高秋望鄉化離方遠道歲月又清

霜已覺垂簾易遙憐戲綵長倚闌老母初得汝笑

相將

謁劉義誠公祠六首

傳經流澤神謀叶帝廷山河回王氣越嶠挺英

靈黃石遺書在蒼崖古廟扁因思麟閣上百代有

丹青

龍蟠初卜洛虎嘯得斯人散秩投簪日高牙獻策

辰中原方息馬亞相蚤攀鱗俎豆先朝舊跡踏薦

綠蘋

伊昔起王圖鷹揚掃八區旌旗展彭蠡麋鹿笑姑

蘇跡異蟠溪釣心通赤水珠予秋有玄鶴華表一

來呼

石印齋集

卷四

丹壑聯樓棟青蘿覆鼓鐘隆中無昔老圯上有遠

踪漢室銘先烈鄧侯績故封煌煌瞻藻火歎息倚

霜松

宇宙歸神武風雲起帝師空山殘碣在聖世大名

垂華老寧藏鼎圖公罷採芝卽看郁離子禦寇遠

相追

先生當代傑文苑侈班揚玄就輕諸賦功成晚六

王荒祠空偃柏仙靈卽維桑溪壑生蘭蕙應悲歲

歲芳

中秋夜雨二首

一失中秋月能令疊嶺迷地分滄海北邑是縉雲
西鄉遠悲蟾兔山深厭鼓鼙荒江仍盜賊夜久獨
凄凄

秋光千里夜此夕萬方心雨濕青田郭煙生碧海
陰鶴鳴栖垤遠鶴去掠雲深故國三更後清輝應
未沈

立冬後一日雨

不知秋又盡祇覺雨生寒松老巖前翠楓黃霜後
丹拂簷迷薄藹隔牖敲遙巒日暮鄉關思迢迢歲
已闌

石田甫集

卷四

不寐

不寐因成疾多憂只自嗟那堪長伏枕况復遠思
家江海迷南鴈楓林散早鴉越山千萬疊何處夢
兼葭

龍友再過集雲菴問疾二首

殘秋臥未已小川閨然孤令尹鳴琴地庭羸何日
蘇縣魚庭院冷馴雉野雲徂却有軒車貴時時過
老夫

一壑散孤磬蕭條萬木殘杜陵仍病肺安邑未辭
肝數見鳴雛至寧忘曳履歡沐溪西去路憶此獨

辛酸

寒離素田別蔣泰占壁生兄弟

歎然孤棹出此別意何堪送

才慷慨論世務溫栗比瓊玖本自昭王駿看登郭

隄臺

與君兄弟別切但使魂搖雙壁何時映孤蓬此日

飄悠悠川路迥漠漠嶺雲消太息臨岐語音書謾

寂寥

曉發麗水二首

征途履霜跡孔道亦維艱日薄朝含霧雲深冷浸

石田甫集

卷四

山釋栖紅樹隱潤戶碧流環漠漠桃花嶺崎嶇更

一攀

朝發麗水縣天低白霧長山川成遠道井邑似遐

荒數處腥魚市千家水石鄉惜茲苦寒月行路憂

冰霜

桃花嶺

鬱紆三十里茲嶺亦何遐霧合峰猶辨嶂多日易

遮遙看枯柏子疑發武林花藏曉趁離別悠悠鍾

可嗟

卒過卻金嶺

半嶺躋雲矯清風度碧岑因過卻金處遙想出塵襟
直道誇先蹟前賢尚此志貪泉名甚美千載一
相欽

吳江舟中逢班師兵艦銜尾而下謾賦二首
四方仍戰伐振旅此王師組練明寒水戕船卷畫
旗豈應藏漢幟未見哭殺尸幾日朝廷上曾歌枕
杜詩

相國臨戎後頻年有捷書至尊憂未細羣盜意何
如臥鼓雷封豕吞舟想巨魚虞廷尚干羽莫令兩
堦虛

石臼前集

卷四

七

括蒼歸取道荆溪還故里寄爾止白門三首
與君臨遠別平仲綠方齊去作扁舟子頻過七里
溪因風慚代馬登嶠舞山雞却憶寒芳贈迢迢萬
嶺西

錢塘江水濶楊子夜潮平落木開青嶂題書到赤
城師襄仍考樂季子善徵聲忽此數睽隔山川愴
我情

爾止方詮
大唐詩

曲渚行孤艇橫參晚泊時雲歸富春瀨鴉散孝侯
祠溪雨衝寒過湖田斷晚炊江鄉少生事報爾雙
淚垂

兩角牛頭詩贈來配七年桃枝春女袖松影暮驢
鞭怪此空巖月蕭然百里烟倦遊良可憩倚杖却
無錢

舟宿崇德縣

泊舟向烟浦并落聚雲汀沙短雨中綠桑柔郭外
青蠶林臨水市魚罩見三星宿鳥棲枝後驚飛有
隨翎

晚過八詠渡

谿雲訪接蕩野水忽縱橫八詠微茫渡千秋感歎
石臼前集 卷四 七

生巖城寒雨隔芳草暮潮平伊昔東陽郡休文最
有名

同匡山僧九水過招遠菴看竹

竹有舊
所鐫字

風細入林路朝烟澹可披三年遺策刻一碧動雲
委堅得匡僧坐深聞木客詞長錢如可託剗地更
何之

新柳二首

岸面寒波碧迎寒禁吹前晒枝鳴柏鳥拂路板橋
烟縹緲臨津渡氣氤氳合水天新黃風不起一似學
朝眠

官橋柳始綠。樹已盈盈爲新樓頭色。因含陌上
情。近溪新夜馬。高閣漸聞鶯雨色。淒淒久誰堪笛
裡聲。

新霽

紫鷺漸飛處。白雲何其遐。浦新浮片舸。雨竟失平
沙。豈子安殘濕。鶯媒薦落花。川原細草路。日日向
天涯。

春望二首

衆綠宜殘雨。新林度遠聲。蒲生川易潤。燕急壘方
成。花氣通幽渚。江流近古城。吳農獨憔悴。日出向
石臼。白集 卷四

煙耕

野浦一朝綠。還思曲水名。川長遵薄袂。天朗得微
晴。禽影下空疾。蜂聲入暖平。獨憐天慙北。猶有未
休兵。

楊花

古甸盈芳樹。朝暉出柳絲。雨深無限綠。花發亂辭
枝。似雪鶯先啄。沾泥燕始疑。生愁已脈脈。分向入
簾帷。

鶯二首

春水又復滿。鶯啼柳漸深。花殘聞急語。風定振孤

音。雙影流何駛。高柯轉易沉。悠悠鄰笛晚。脈脈起
愁心。

新鶯借小羽。巧遊已如斯。絲架窺鸚鵡。衣裳北鴨
兒。細聲同密贈。近水散遙思。亦覺飛飛影。尤宜過
別枝。

燕巢

紅襟離曉闌。小語微光舒。避戍營新壘。忘卒汰故
廬。梁空仍歲月。雛長識門閭。海國秋風後。飛飛到
國居。

病鸚鵡六首

石臼甫集 卷四

雖云憑薄慧。已復賴人慈。南土沾花雨。西州記別
離。羸形宜鶴伴。濕舌媿鶯兒。久默應難喻。雄鳩豈
爾思。

高閣恨春雨。含情惜故姿。微軀看易悴。朝日照方
知。老憶多心咒。愁呼方響姬。爲持不平事。欲說忌
人窺。

寂寂居簾幙。栖魂亦素心。恨隨流水去。分與佳人
深。辟穀豈難老。言愁尚觸禁。因憐嵇叔夜。睨鴈彈
瑤琴。

細路雲開處。麥藏雙雉時。雖叨繡戶寵。猶繫錦襜

思却顧因憐影開眼如得暫隨頭猶流水學咽見
深悲
羈縻無不可敢爲羽毛愁骨出文衣損神傷雉子
羞因閒思隨微強語喚簾鉤夙命通奇慧安心誰
與謀

陳翰映林色花飛接點紅銀絲辭白月芳樹隔深
櫳愁思寢成病謾痕轉易工翠衿還自若聲怨惜
天聾

林茂之聞還過之

三年忻一見閨事得頻諏去涉干戈地還披暑月

石臼前集

卷四

二

裴甘猶思海錯家只似并州鬢色蕭蕭白君宜息
遠遊

江南贈別二首

南浦日日雨雜花近水然行子去萬里離別輕三
年攬袂泣湘渚爲文贈洛川相思結屠狗浩蕩遊
梁燕
相送孤雲岸行過匹鳥洲吳儼思舊里代馬識新
愁花散青蘋雨書來白馬秋言隨鳴鳶子逐盡五
湖流

送陸舟赴塞二首

卷四

匹馬去中州長河隔九秋傳書藉鳥羽挾策能鷹
隼錦韞韞繫弱文綦號遠遊還過大梁道宜爲免
園留
黃雲滿秋甸千里風中颺董子臨碣石下觀滄海
光過河驅羸馬飲酒屠肥羊出塞還入塞誰言蕩
子狂

再送韓與九入燕二首

芳蓀連淶水又送北遊人封事充行李征車悴野
臣輕鴻同塞路疲馬歷城閭歸思清江迴臨流憶
紫蘋

石臼前集

卷四

二

上書歸幾日已復渡春江路憫人登躋心輕壁一
雙燕歌高易水吳夢下寒瀧相望清秋夜漁燈出
浦艤

螢二首

相見町疇外頻分一夕光水嬉風易散林曲影相
將映戶星懸網栖惶露在林徘徊上紈扇秦女舞
鸞長
纖月未生處螢螢獨爾輝虛堂來小照荒野不孤
飛景乞青蠅重涼添玉腕微宵行元有路腐

立秋

卷四

水落依孤岸微波動此朝盤封行聚蟻鳴柳變深
蜩蟬冷秋摘灣清見夏銷萋萋道傍草相顧愴
驅搖

柘塘逢雪寄白門葛顧楊鄭諸子

關雞催曉度逕滑似雲濤山雪衝驢背谿風縮鳥
毛江鄉憂歲晚離別感亭臯相望城南寺冰稜對
鬱陶

詠燕

門閤一却顧散舞風中歸夜雨栖華屋春泥濕紫
衣避鷹應更匿養千每能肥欲去還相引逡巡百

石日南集

卷四

李

失機

汨舟江心寺宿

莽莽中川寺沉沉落景前夜潮仍拍岸海色更無
邊一水蜃江白諸溪象浦連鐘聲出蘭若聽罷欲
潛然

謝公亭

謝公山海客千載一荒亭只此片雲白長含孤嶼
青中川想前躅斷碣儼遺形晉宋風流盡嗷嗽對
夕汀

不若顧與治鑄蘇武子遺草成賦止贈之

歸骨仍廬阜枯髯昔在燕文成麟絕筆華表鶴能
仙書寄摧蘭後魂傷宿草前憐君多死友雪涕屢
如泉

譚友夏入燕相見於白門

月滿洞庭裝含悽駐遠航看殘江上柳行過白門
霜湘瑟來子里燕歌泣數行主恩雖右武情叶自
宮商

同葛震父送譚友夏北行看友夏題郭聖僕

墓

忽將冰雪去向客揖南雲獨愛子年骨因成十字

石日南集

卷四

李

文遊燕思郭隗掛劍向徐君江路宵征永心悲夢
已紛

寒夜訊無補

楊子一區宅青溪此夜寒因循惟舊業有似不遷
官戍鼓遠猶徹城烏栖轉難那堪聞細雨吹向一
燈殘

贈何德中

何郎年絕少正始發高音先物貯遙思古賢同此
心夜烏啼月冷曉雉隱雲深他日門前路相期訪
定林

爲鄒滿字賦白日掩荆扉

竹籬通野色白日故閒閒祇是一塵地似經千疊
山枕鐘蝸舍側妻子鹿門間隱跡已如此何須更
掩關

訊林茂之病

一歲一相見惟憐骨有稜早衰不待老逢病卽如
僧長子初迎婦名山晚結朋梅花橫月色良夕散
愁膺

曾升伯先生城南幽居二首

買屋人烟際開荒卜此間古釵出井底嘉樹著籬

詩集卷四

三

間護草因佳卉疏泉映遠山舍南環綠竹清影落
潺湲

辛夸老水邊開戶入扉烟宋笈題元祐唐金鑄古

賢養花先刈圃栽棘亦須錢夜對女牆月令人感

歲年

葛震父齋中集滿字

令度無備與治送升伯
先生入燕子歸湖上水

別諸子

清溪疏竹盡同在小姑濱燭燭梅分蠟星寒斗近

春湖樓靜閑夜馬北想南人若見長河草當知湖

水新

答茂之病中送子還里

扶病書尺素相送出江郊夜雨一邨濕灘舟幾日
膠凍禽鳴驛路遠雪掛山杪忽此歲寒別子歸仍
繫袍

蟬

高柳一相顧幽棲幸不分嘯輕因近水聲滿卽如
雲夜氣滋清饌朝涼失遠聞飄飄矜細羽擇葉已
能勤

枯桐二首

秋雨失枝葉猶令黛色乾擎霜憐影薄鑑井識形

詩集卷四

四

殘孤立非無意焦餘尚恐寒徘徊舞白鶴羽翮每
珊珊

柯枯不辭朽苔殘綠轉深篆蟲成細字流水出中

心已值洗華月空關啄木音風吹青颯颯往昔昔

微陰

楊梅二首

朱明宜爾艷涼沁出清姿露氣酣朝樹水盤薦晚
枝近簷供小摘並蒂失封馳還想初成綴吳蠶始

綠絲

蒼山齊衆綠却見數枝丹落葉於殊夜同人揀共

餐霞肌清亦染紅雪近粉團頗有黃鵲愛新林栖

未安

白下訪楊無補

三年曾問訊隔歲識君廬淮水淪連側梅花綽約

初霜清并步遂雲滿一牀書寂寞應如此頻來楊

子居

丙子除夜

漏寂近殘夜冰華感序遷水鄉逢盜後木鐸過門

前磨竭安屯蹇腥魚缺歲年明朝有柏酒風俗厭

相傳

石臼前集 卷四

簡序百

秋雲黯不與祇覺隔層層廢井青苔藻荒原白骨

稜屢經烽埃過乍喜秫田登相望柴荆暮糟牀注

豈曾

月泛

臥橈栖夜藻花葉近能名月久通人寂秋微借水

成迂徐分港路漸遠入雲聲孤嶼森森立令人澹

去情

秋日寺中贈休寧汪浩生

微雨濕荒麓疎涼近晚鐘清林黃葉古樹蔚雙

松雲影虛聞鴈山情澹惱公沿溪誠可沂相見在

花紅

九日

積水動寒色茲辰反載愁野田明淺日孤雨薄殘

秋江鴈食菰米庭柯老繡毳離離雲盡白飄轉復

頻留

同震甫今度無補見末與治集鄒滿字節霞

閣與鄭千里鄰喜聞譚友夏至共用鄰字

寒宵倚小閣野色隱嶙峋月出城頭寺烟生谷口

隣孤光同白露清影即伊人亦可沂洄去何如湘

石臼前集 卷四

水濱

白門宿見末郎中

別久欣同宿紆回得水濱乍逢冬又盡相對我尤

貧小白霜初下衰黃柳似新雞鳴看落月他日見

君神

寒夜方肅之太史齋中同無補作

門逕似寒潭高人洵可耽尋山先禹穴築舍即周

南寂夜爐烟白微言雅頌含穆如咸已醉蟲語愧

相參

青溪寒夜簡顧與治

佳麗青溪曲。茲宵何飄然。水枯傳畫楫。門掩在霜天。
江鴈偏能去。隣筆益可憐。含悽風雨候。真覺汝尤賢。
臘月八日過震甫不波航索其書荷
節入嘉平月。却逢寒冱宜。開簾延瓦旭。引硯散冰池。
頻聆梅花信。猶深書菊思。凍蛟遲綴雪。先寫一霜枝。

雨中上煙雨樓

危樓含細霧。一上思蕭然。水泛鴛湖渌。山橫鶴峯煙。
雨聲來檻外。海色掛簷前。試問寥芳者。中流若石曰前集
卷四

往雷潭贈同行鴈蕩僧芥容

幽磴相尋遠。陽崖觸熱行。不隨若人往。安得雷潭情。
嶺以援蘿折。神因墜石驚。鴈山十八載。美爾笠瓢輕。

登羅浮山望海二首

永嘉城外水。日夜碧潏潏。距海不百里。涉江登此山。
鮫宮烟霧際。蜃氣有無間。一羽爭帆影。孤飛渺未還。

六月蜃江上。潮聲莽不休。片雲殊未卷。孤嶼忽生

秋汨汨亂流。合蒼蒼衆壑。幽踞思海客。何處謝次韻答爾止昆陵來見贈之作

緊爾家無定。今還一舸浮。去年吳甸客。相憶白蘋秋。
浦迴宜飛鴈。江清任浴鷗。謾言解歸纜。又起別離愁。

晚登永寧山憩聚景亭

更入蒼山去。低迷樹樹烟。碧流分遠澗。綠嶂俯中川。
落日一峰見。孤亭半嶺懸。不能于此宿。去去已茫然。
綠嶂山名

石曰前集卷四

石曰前集卷四

石臼前集卷五

石湖邢 昉孟貞父著

商丘宋 至山言父校

後學 同里王 孚顯若父

七言律詩

送勒自應試之南都

紛紛黛色尚沾衣知向黃山寺裏歸巢燕忽隨青
翰去曉鳥惟遶白門飛謝公祠下雲開樹江令堂
前水暎扉明歲上書蒙召見十年一別鬢容非
雷滯雲陽聞龍友以秋前抵江陰因有此寄

石臼前集

卷五

厭食松江巨口鱸官曹猶異范萊蕪獨看江月隨
流水一似冰心在玉壺曉露下來驚菡萏秋風吹
去老菰蒲春申墓下觀遺跡得似延陵季子無
已卯旅中初度

我年五十顏轉蒼兒生一歲行扶牀長鏡已復負
耕鑿短翼安敢希翱翔涼飈始入鴻鴈候故廬尚
隔蒹葭霜側聞塞馬動十月買犢更築宜何方

野航看穫

西風日日吹芙蕖小舟逆浪行踟躕雙鳬對浴翻
紫葍一鷺忍饑求白魚雲黃夾岸仍覆水草綠滿

陂復映渠除芒但覺子粒好飄蓬轉見倉廩虛

中秋夜玩長歸翼臺觀月

涼天此夜復何夜木葉始脫風颼颼紛紛光滿臺
上月灑灑露泣林中秋已西河漢忽不見近北湖
烟時一浮兒觥勸客轉悽悽團圓桂影仍淹留

九日元長載酒鵬池山登高二首

浦樹蕭森葉漸黃嘉名此日又重陽樽前彭澤先
生酒水上藍田崔氏庄滿目茱萸翻寂寞遠天鴻
鴈正翱翔因憐高士韓康伯釣艇年年隔渺茫
遠岸丹楓散曉烟白雲迴合鴈聯翩殘秋湖色空

石臼前集

卷五

濛裏幾日天涯悵望邊地似龍山宜載酒家臨谷
口願耕田勞君醉後還招隱白髮同操桂樹篇
聞曾郎縣先生轉官南都消息却寄

錦官城外神明宰聞說春風一縣花巫峽雲中惟
度鳥白門霜後早曉鴉兵戈遺道三年淚消息臨
江八月槎朱雀桁邊占彩鷁幾時清論滿京華

寄洞庭許茂勳

憶昔相逢木落初莫釐山下到君廬全家已入吳
都賦此地空傳禹穴書九月菱湖豐蟹稻子林橘
樹映門閭丹楓飄盡仍回首笠澤茫茫音信疎

題楊貞生攬霞閣
一閣玲瓏眺遠天雞籠山在汝牆邊片雲近帶殘
秋色曲檻寒通舊井烟去鴈聯翩紅樹外曉鳥只
遶白門前落霞孤鶩年年在日向江頭望草玄

送謝鶴里觀察之任嶺東道

使節清秋帶虎符樓船十月到番禺朝廷方倚今
安石南越仍馳中大夫自挾戎機行瘴海底須貢
物重珊瑚主恩不淺爲郎日庾嶺梅花看已敷

烏龍潭訪何德坤不值過崔季輟齋中贈之
一水蕭森萬木疎潭光空映白雲虛因過羊仲重

右白甫集

卷五

三

尋逕安得漁磯此卜居鴻鴈紛飛爭浦淑衣裳欲
製有芙蕖知君閉戶多清思他日還來問子虛

白下贈葛震父

幾年賦草出燕閣雙鬢青青尚未斑祇訝人同絳
縣老不知家在洞庭山辭鄉在苒田園隔裏露蒼
涼橘柚間最是舊遊王謝里朝朝猶得共追攀

冬日同葛震父潘嘯生顧與治弟亞貞遊城

南惠應寺分賦得蕪字

招提寂寞鴈頻呼眺盡寒江隔岸蕪一壑聞鐘雙
樹老青山戴酒白雲徂南潮流水看如故此日高

不與不孤向後相思更遶欄前能不重躊躇
九月二十八日風雨初寒亂葉打牕如雨點
聲簫燈夜坐忽憶及印度札至言爲子所
圖一事不成賦詩自悼兼以謝之

殘燈虛照紙牕明亂葉簷前作兩聲獨有一關僧
共臥相投半札淚還傾敢因步健勞奔走祇爲家
貧累友生更欲邀君話宵永此心何事苦難平

次韻印度初冬再至菴中晚步卽事

已道微軀弱似蓬何因分滯兩山中殘秋去後天
多雨小雪寒時衣受風谷口有田耕亦好龜前無

右白甫集

卷五

四

故歎常同沿溪晚磬催楓落稍解愁顏葉葉紅

冬夜寺中書壁

林空逕僻聞雞犬冷落南湖盡處村剩見葉飄驚
歲晚獨聽僧語送黃昏幸餘鐘鼓剛成院未有鄰
家可到門我髮雖存今已變朝朝惟愛逐簷暎

僧悟洎至自越中喜賦

聞瓢片笠水中鳬相見還驚骨又癯病寄綠梅身
未死飽參金粟歲頻徂憐君行脚情猶壯笑我看

山願屢通靈隱一峰須共住栽茶煮笋老西湖

次韻安門再過湖上見贈

曾聞人說石門幽二客相過是舊遊不料重逢還
此地翻思昔別若爲愁黃梅雨後春猶在綠樹光
中水亂流漫自曰歸溢浦去如銀高浪打船頭
海運平僧將還廬山各用譚友夏苦悶離別
更依依之句作起語賦詩一首
苦聞離別更依依況值湖烟雜雨飛山水間人羸
亦健芒屨邊路去皆歸驚傳世難爲僧好若使身
閒豈爾違宵不結廬當瀑布未成此願有慈憐

寄九江陳公升

有序

陳公升江州名士也工詩爲陸君嚴使君

石白集

卷五

五

所賞使君愛奇好士在九江拔公升於儔
伍之中遇以國士嗚呼當今之世曾見有
秀才以詩受賞於節使者乎陸公何如人
哉余不識公升丁卯春沙門悟迥至自廬
山爲余道公升因誦其詩云浴鳬睡穩如
僧定余擊節歎美胸中蓋始有公升今年
三月迥自金粟還山迂道過余已經三臘
矣乃作一詩授之以寄公升明歲遊廬山
公升則爲主人將盡出饌詩品定其源流
氣格其以此先之矣

海陽雖隔桑餘里佳句相看野浴是往歲殘春三
載過感君贈我一僧孤好分名勝層層嶽爲報荒
涼面西湖如此交情真淡薄不須想像計魁梧

詩林至靈谷寺簡張觀生

秋在何方見此間空門秋色引心閒偏因失路能

遊寺每不逢人獨看山澗遇泉枯猶汨汨松當廳

發盡潺潺爲詢屢宿山中客幾夜濤聲共一關

簡武治約過余靈谷

每日松間百匝行青山遠近各生情曾經閱世真

如水更欲邀君一出城竹以垂頭知過雨雲於無

石白集

卷五

六

脚辨新晴愁君宿處夢魂濁爲汲山泉與洗清

病起課僮鉏所舍南小園草蔓兼理蔬畦訖

二首

水鳥亂飛新雨後依然門巷草生齊小園散病思

秋菜寒舍無人課夏畦頗賴湖田隔衣帶因教雨

露長萎蕤爲畱餘蔓遮殘客龜背雖存不當蹊

稍看庭色四肢輕病步悠悠忝物情行藥已知無

積苦種瓜猶恐得高名數因流水占潮汛豫茸荒

園度月明盡翦蒿萊又殘歲轉思秋菜踏畦清

自外抵家見園中所除草復生久雨傷下田

因事命篇

一月出門塵滿履踟躕信宿此歸歟弱苗在水當
何濟亂草爲園反自如簪列新雛將去燕案留殘
快盡生魚亦知生事歸農圃銷夏宜攻汜勝書

庚午八月初八日避地茅山偕在中弟尋顏

魯公書玄靜先生碑夜宿任道士院看月

今垂一載秋月再輝感懷前事乃有斯作
偃蹇尋山亦惘然因求盤薄轉相憐先生蛻去碑
橫草洞壑閒來月照僊衣到涼時逢雨霰緩於穿
後踏林泉今看秋月還如水始信奇光卽逝川

石田前集

卷五

七

序伯雨中過余會予他出雷詩二章而去再

有此寄

秋雨聲中寫此辭開緘如觀雨絲絲乍逢涼節兼
愁節會苦予兮復予兮塔下百蟲虛一宿雲邊孤
鴈是相思有懷休仗閒書札約看梅花亦太還
瀕湖一潭幽甚中有地長數丈可置小亭憩

眺其上久之有作

寒潭著處已幽遐誰置其中一古查若綴小亭還
似舫但垂五柳定移家微波不使鷗情亂盡日惟
將鴈影斜露下芳菲俱變色人間何獨重葦葭

和祖心上人遊城南謁方正學先生祠

寂寂荒祠野靄昏蕭蕭殘碣倚松根金川門又成
亡國石子岡偏欲斷魂昔日麻衣慚叔父于今青
草失王孫廢興自古須臾事獨有先生戀主恩

漾兒過元長小其長公二歲元長贈詩有斜

川惆悵之句作此寄答

年年驥子思無窮一紙書傳牛渚東門上正堪題
鳳字周南新與授毛公雲林心許歸龐老蒸履肩
隨喜阿戎今日斜川俱白首篠簜應聽舞春風

寒食後作

石田前集

卷五

八

一百五日忽已過高樓細雨復成旬雲昏併作長
天色柳綠偏殘故苑春世會尋流水處龐家應
有上墳人江邨相憶無窮事烟火如今又一新

雨霽

萬株楊柳葉如眉始見新鶯飛上枝寒食自應遭
滯雨春風不得嬉遊絲桃花一夜飄還剩燕子今
年到故遲霽後城南更惆悵草青連隊看行驂

寄史弱翁

亂離猶記在南徐回首長江恨有餘一別雲山愁
戍邏幾逢信使問田廬顏衰况值兵連後身累還

當女嫁初更想龍鍾雙淚盡舊京風物著殘書

風物記六卷

過齊尚書祠

尚書祠下千迴過此日沾巾淚未休蘋藻已荒兵
燹歲江山忽似革除秋真人一姓猶甘死流水孤
城何限愁寥落空庭惟繫馬井欄摧折斷煙浮

江舟晚泊寄懷戴敬夫

悠悠此別無窮恨多難移家願轉遠獨對戍煙悲
路阻自逢兵甲寄書稀寒溪白屋連荒草古堞黃
雲共落暉爲報舊時門巷在相思臨水一沾衣

石臼前集

卷五

九

感懷

亂來豈敢歎此離祇怪還家歲歲遲遠道未傳方
寸札故人多隔死生期弓刀滿路愁難度客子連
宵淚獨垂想憶田園舊風景驅雞牧豕在何時

再至白門酬翼仲見懷

別當重九黃花後臘盡相逢尚杳然多難豫愁城
市裏一家又隔浦雲邊閒思高興山陰夜空惜前
宵凍雪天何事扁舟辜舊約孤蒲零落歎寒烟

別家書懷

門前水長卽揚舠又見辭家出遠鄉豫借耕牛田

參差獨去客長青婦因深致綿疾兒解從

師問戴經綵柳長堤無限意此詩何事遠漁汀

蘇詩送法華上人遊閩中古詩寄李益

箬笠桑乾水上歸自憐垂死一身微本師已去羅
浮寺入夏行擔簦北衣野梵路遙逢樹宿錢塘杯
渡看雲飛亦知半偈心無事獨憶遼東丁令威

梅惠連出家自黃州來住寶林菴賦贈

微官曾似南昌尉一鉢三年寄一峰却向青山成
遠別獨餘黃面到相逢謾從出世歌衰鳳且與閒
潭制毒龍回首楚雲猶有憶寒溪竹屋定時鍾

石臼前集

卷五

十

高座寺避暑介立上人院

城南寺裏娑羅樹不連中林地較寬看折芳葵涼
夜雨因分高座道人餐松間滴露衣常濕竹外鳴
鳩午乍寒便欲相隨不歸去朝朝洗鉢傍花欄

采石三台閣望天門山

高閣梯雲眺夕天天門山色遠蒼然謫仙祠鎖秋
前草慈姥磯銜冰際烟直上青松多歷落四飛鴻
鴈故聯翩楚江一道成終古猶有孤帆在日邊

西菴雨中同李武治宿歲舊作

南湖水綠半雲遮日日冷烟細雨餘滿縣芳洲多

杜若遠林紅樹即桃花殘僧院落餘鐘梵去鴈春
寒背浦沙世故分離三十載招提一宿重客嗟

曹彰教習北院杜君

夏露臨風總帶頻紛紛紅紫洛川神偶逢春重行
簡若始向花開問主人逕草低迷初拂鶯井桃零
落久成塵可憐檜栢蕭森極猶與繁華作比鄰

介立上人海上還白門即欲渡江悵離感舊

率爾有贈

竹籬猶記到秋殘落日疎林木葉乾一宿松關身
便去相憐世路語多酸山中書訊憑愁寄海上歸

布田甫集

卷五

二

來欲住難此度又成千里別龍鐘雙淚已堪彈

酬蔣冷生過訪鳳遊寺覽古之作

路入青林折數盤君行訪古一漫漫荒臺空自連
雲樹白浪曾聞到瓦官雨色乍開江岫迴鶯聲欲
罷午鐘殘豫愁風棹歸初赤却向丹陽古渡看

過劉今度城南新居

卜宅村原更掩扉浮雲世事更相違穿林路又逢
僧到盡日門開見鳥飛雙樹雨殘聞梵去高岡月
出荷鋤歸相過擬似南鄰老向夕辭君露濕衣

過杜于皇送之再適廣陵

六月揚州歸更食重擔書發向江津閒階梧葉虛
塵榻野店蟬聲傍路人近午涼颼浮碧蟻中厨烟

火斫銀鱗與君此別又更歲苦憶還應夢我頻

云夜偶夢
于因茲夢

長川森森接苔磯水檻亭亭日影微浪捲石頭潮

正上天低野外雨頻飛乍看碧樹懸漁網無復朱

簾關鴨圍欲共凭欄更徙倚夕陽風景又沾衣

題方坦菴先生鐵鞵集

舊曾浪迹連淹畱近侍如公已白頭私記重鐫金

石田甫集

卷五

三

馬字編詩仍繫鐵鞵愁鄰家饋栗聊餐鶴故里荒

田始問牛還自會稽多賦詠不須長吉更閒謳

同韓聖秋登清涼臺望江

清涼臺下三年住幾度登臺望故鄉江上亂帆投

極浦風前落木憶咸陽頻行石磴休山屐更款籬

扉過竹房慘慄乍逢秋氣肅誰言楚客獨沾裳

遊花山觀白牡丹二首

花香風動舞仙仙滿目瓊瑤墜自天靈種常沾新

雨露淡粧不改舊時年地當幽遠誰遊賞人愛繁

華寡和篇獨有漁樵解相狎花間掃石話羲乾

本是靈根姑射仙春風自適洞中天瓊枝玉蕊原
無色魏紫姚黃去幾年富貴莫愁輸白眼清奇應
可入瑤篇欲知太素從來訣一畫生生一畫乾陳九

雪夜寄友迴文

紛紛雪色夜牕虛渺渺懷人遠寄書雲凍欲開嘶
伏馬歲寒將盡歎沉魚氤氲水氣梅浮澗灩澦烟
圍竹傍廬君共一川長引望分將思結設愁予

括州城外送無補往白下携家還吳門

一別蒼山萬疊隈更堪臨水重徘徊家隣桃葉何

右白甫集

卷五

三

年住人道鴟亭此日回白髮徑須居廡下青山遙
待出關來何期相送還垂淚旅客悠悠意自哀

壬午生日

秋氣始高木微脫海濱兩度逢我生飄零短髮衝
關塞隔絕荒江愁弟兄廣澤荆扉娛白鳥空山兩
雪鋤黃精衰年亂世竊自幸無復諸侯聞姓名

西洞庭過禹廟故址

嵐烟漠漠水沄沄古廟空林對夕曛本自塗泥開
沃壤虛傳石室有遺文龍蛇世胄三江國橘柚人
知四載勲俎豆前朝酬底定椒醑長獻此荒濱

雲間九日登興聖寺塔

蕭森萬木總荒涼幾處登高黯自傷海上數峰平
入檻天涯九日遠思鄉雲山鴈驚家千里歲月音
書淚數行南國秋風搖落後不堪遊子怨河梁

雲間歸過元長飲集歸翼臺作

蘼蕪漸綠已含辛楊柳青青始問津有客乍邀千
步蓮何人更採五湖尊空林明月漸歸翼孤棹寒
江辨細鱗此日曾連真蹈海天涯聚散幾沾巾

寄賀周孟巖方伯及張夫人七十雙壽

葛井懸車十幾秋華陽館宇接層樓峰雲已共茅

右白甫集

卷五

四

盈老地肺遺將弄玉遊賜履先朝咨四岳傳觴海
屋有雙籌班欄更觀郎官服諫草清寒近斗牛子公

送沈眉生應聘入燕

沈郎才似漢西京玉樹甘泉賦有聲論築朔方工
下難喻傳巴蜀遂籌兵帆開宛水江雲寂馬渡黃
河碧草生豫恐賈生多痛哭逡巡未叶漢公卿

括蒼歸舟再過七里瀧泊

歲歲扁舟去五湖春風曾見長蘼蕪回看玄鶴山
飄渺却問天台賦有無落日寒生青嶂轉入龍帆

共白雲孤孑陵灘坐三更月盼盡寒江起宿鳥

由青田抵括州有懷朱九章潘麟長

別去春風綠水前括蒼山在白雲邊江花獨共千
櫓發海月遙看萬里圓鴻鴈雪霜猶未至故人書
札若爲傳憤時謾著絕交論佇想西征賦一篇

寄楊無補

始得楊
山子詩

光福山中戰馬驅蕭條又與隔年殊千家流水幾
家在萬樹梅花一樹無雨雪題書來建業秋風垂
淚憶吳趨故人黃土真消息共道平生此丈夫

行石門道中

石白前集

卷五

三

絕壁懸泉萬壑奔藤蘿謝客此曾捫西池雨綠生
春草孤嶼雲寒到石門片碣中流遙似馬一峰清
嘯忽聞猿陽阿啼髮還堪注此地猶傷千載魂

寄省公先生

松江不遠隔江南積別何爲太不堪人似魯靈光
獨在名如陳實德相參著書已自旬還八詔疏從
他檄再三聞道東余山色好難從朝暮飽雲嵐

送黃石齋先生

攀檻平臺四海傳禁廷回首主恩偏孤臣蒙難同
厨俊九死投荒以瘴烟批盡龍鱗終蹇諤鍛殘鸞

翻尚述遭武林卽是南征路不覩清光淚泫然

春日偶成

萋萋草色迥無邊風雨催成土已前馬角雲中論
往事羊頭竈下痛當年直令宮殿生荆棘那見平
章到木棉海水縱然枯有日不教此恨化寒烟

過陸集生因同遊文定公墓下

行路寒溪九月霜菰蒲秋水尚垂楊當年衣袂歸
元老此日風流讓陸郎細路林中楓湛湛片雲祠
下柏蒼蒼鳳毛世世君家有新語何時獻廟廊

遊洞庭華山寺作

石白前集

卷五

二

梵宇朱欄出水濱蒼松千尺起龍鱗遙看震澤千
峰翠中有商山四老人一自紫芝辭漢帝遠從青
嶂隱波臣惟餘少傅殘碑在古路年年草色新

重過韓與九聽笙閣傷其燕櫬始歸止姬隨

隕賦此

吹笙倚欄月微微北望關山獨掩扉三載林鶯垂
淚聽一朝梁燕逐雲飛高臺愛妾愁何限擊筑聞
箏死不非此日頓成千載恨暮烟衰草淚頻揮

曾升伯解郵縣還過白門話舊賦此

十年分手向巴渝却望天南信使孤灝灝潯舟回秋

水落黃牛峽盡夜猿呼吏情已厭三刀夢客舍重
聽八月烏桐悵舊遊何處在蒹葭霜滿白雲湖

北月與方爾止別吳淞抵白門爾止已還皖

聞流寇再犯桐意其或在圍中賦此寄懷

十載蚩尤暗紫薇大江南北羽書飛書生揮淚援

袍起幕府談兵借筋稀謾訝諸君皆勁卒知應長

嘯却重圍皖公山下殘冬夜燧人遙驚臥鐵衣

白門閨人日雪別序百

白水滄江黯自嗟寒雲四塞莽相遮三春兩度逢
人日一夜千愁滿鬢華帝里乍經飛燕子關山重

石白甫集

卷五

七

見落梅花明朝別後思君處悵悵還應過若耶

春夜同滿字過飲穆倩穆倩始繇廣陵還白

下

江南江北送征橈君醉揚州第幾橋片月迴臨芳

樹夜東風微度落花朝諸侯適館驂方駕上客工

文雪正飄試向哀箏聽一曲令人還憶廣陵簫

別爾止發舟往越中

驪歌悵悵莫愁湖二月江城酒共沽採藥謾尋春

草去披裘還似客星無行追碧澗雲門近轉憶青

山皖伯孤千里迢迢楊柳色令人揮淚聽啼鳥

曉發閬門別九章鱗長

烟景蹉跎相見稀閬門柳色正依依伍胥濤上天
猶白內史山深路漸微曉蝶鴉隨寒角散晴川燕
共落花飛已知臨水堪垂淚况復風波易濕衣

度大鶴嶺二首

垂蘿峭壁翠微縣踏盡蒼茫萬疊烟古甸仍行甌
駱國諸峰忽出縉雲天千盤路折迷山鬼數樹花
殘咽杜鵑從此滄江消息遠不禁攬袂一潸然

危巖一上思千里半嶺岩堯散紫烟祇訝鶯啼如

故國不知鶴去是何年嵐光拂樹春風裏黛色侵

石白甫集

卷五

八

人瀑水邊此日孤征隨鳥翼浮雲西北盡堪憐

雨中過文丞相祠題浩然樓

高樓獨上已淒淒雨色寒生大海西潮擁綠江新

漲水碑殘少保舊時題楚囚辛苦傷羅雉漢節歸

來怨乳鴛墮淚欲陳蘋藻薦荒堦寂寂數鳩啼信

江心寺詩云祇爲虎頭非
貴相豈圖龍乳有歸期

渡甌江作

萬壑蒼蒼擁亂流江光凝望忽生愁東南天水俱

連海上下寒濤迴帶秋前代又誇永嘉守中流腸

斷鄂君舟西風不隔還鄉夢長在蒹葭白露洲

北渡錢塘寄越東朋舊

家在江南蒲稗鄉，海雲颯沓近帆樯。偷白日猶行路，鴻鴈青天更帶霜。別滄江懸涕淚，設勞書牘斷肝腸。仙人樓閣嵐烟裏，明月相看各異方。

悼薛伯玉并懷其令弟士寧返黔陽

與君握手尚悠悠，幾日錢塘江上舟。想像形容客數行，淚依稀魂魄故鄉愁。百壺耽酒嫌猶少，一束生芻痛未休。相憶鵲鴒原上恨，天邊何處哭松楸。

寄序百白門

楊花未落兩冥冥，城上烏嘯獨夜聽。浪涌石頭潮

石臼前集

卷五

九

盡白雲昏娃館草，俱青客程計日春。將晚遠道辭家曉，帶星天塹只今烽火急。共誰流淚向新亭。

聞寇陷廬江江上戒嚴感賦

淮南千里角聲悲，北望關山淚欲滋。越客時時悲代馬，中原歲歲哭噉尸。隔年故國生春草，此日長江有戰旗。諸將未須憂轉圜，應知父老望王師。

海上用兵龍友以永嘉令監軍賦贈

東南白羽自紛紛，海戍黃塵暗夕曛。百越秋風傳夜角，孤城睥睨入寒雲。幾年花縣方爲令，今日樓船再見君。最喜山陰王逸少，官曹新帶右將軍。

東甌歸至錢塘與弱翁別

與爾停舟問子陵，灘聲浙瀝漸成冰。俱爲象浦霜前客，共憶開元寺裏僧。兵燹連天成黯澹，行藏何地可憑陵。艱難此別還相訊，牧犢腰鎌事豈能。

閩門再贈弱翁兼寄吳日生趙少文

幾日吳江聽棹聲，姑蘇猶是片帆程。他鄉別袂愁仍在此地，逢君意更傾行役。故人勞問訊，飛揚詞客重縱橫。延陵自有千金劍，趙璧堪酬十五城。

泊楊子江

一葉舟回歲月新，海門潮上往來頻。白雲行盡天

石臼前集

卷五

三

邊路落日愁爲江畔人，戍鼓屢驚楊子渡。梅花易愴故園神，更逢戎馬縱橫日。直北關山起戰塵。

江亭

江亭一上一咨嗟，岸草蕭條帶晚霞。淮樹稀微寒度鴈，楚天低合暮啼鴉。路迷欲斷鄉關使，道遠曾無書報家。野浦茫茫歸未得，令人愁說長風沙。

寒食

汀洲楊柳已堪攀，寒食蕭條一雨間。耆舊百年憔悴盡，乾坤何處甲兵閒。陸沉空歎王粲甫，詞賦終傷庾子山。愁絕更畱射虎地，獨垂雙淚向江關。

蔡大美白門還賦贈

飄搖春盡一舟迴，夜聽春江畫角哀。
白浪半高瓦官閣，青雲遙憶鳳臺蒼。
茫野戍兵方渡，黯淡山城畫不間。
書劍從軍君未老，謾驚烽火重徘徊。

登閣別梅無猶

黃鸝曉啁石楠枝，悵別楊花欲落時。
已見名齊朗陵相，還應愁對楚江離。
風塵豈料淹兵燹，霜鬢難禁入亂離。
試上白雲高閣望，凭欄何處不凄其。

出東余山再贈眉公先生

不識人間鳳有無，九苞今見老栖梧。
臨流飲犢逢

石臼前集

卷五

三

巢父盡室冥鴻笑，俊廚已似寒棠蹈滄海。
更如採藥長東吳，春秋八十雙瞳子。
猶與丘明辨守株

生先出手評左氏傳

哭韓與九四首

并序

與九乙亥冬詣閣上書爲邑人請復改折
尋有俞旨丙子再上書未報明年秋客死
於燕嗚呼斯人湓喪知音垂盡矣賦此以

清波悲慘

落木江頭葉正殘，江光如雪渡征鞍。
三年草莽孤臣淚，九月衣裳旅客歎。
買骨車前辭郭隗，傷心地

下結燕丹祇愁漠漠清魂斷，併作蕭蕭易水寒。

三統曾驚虎豹關，春王正月燕山流離水國歌。

賴尾惠靈天門識聖顏，最是英雄爭死地，差勝詞

賦入仙班荆卿屠狗田光老湓逝寧無異草菅。

青莎芳杜接平原，又逐歸鴻送北轅，異代千金求

駿馬何人一飯進，王孫別離悔不衣冠白，垂死遙

憐雨雪昏冰凍，滄沱連大漠，此中猶有未招魂。

慷慨何心厭遠遊，一生真挾杞人憂，燕雲碣石連

蒿里細爪通眉記，玉樓井邑魚龍三戶怨，秋風騰

鳥一聲愁平生淚盡關山迴，豈獨雍門有涕流。

石臼前集

卷五

三

雲閣歸舟逢梅朗，三從荆溪還約同過其舅
韓元長已復不果賦此寄之

家在千山一水濱，寒梅花發敬亭新，秦風舅氏思

重耳，漢代高人說子真，鱸膾松江秋尚好，鵝籠陽

羨事還湮如何孤棹相逢後，已復參差易愴神。

流賊入蜀破郫縣，有懷郭令曾升伯先生賦

此以寄憂憶二首

錦官城外水潯潏，去泊東吳萬里船，自昔啟疆稱

望帝，靈符爲冷跡神仙，一朝帶甲通秦塞，三峽

暗楚天，百雉崩騰刁斗散，書生何計誓龍泉。

蜀道巖坑不可攀，惟西向劍門山。蚩尤光射封狐壘，犀浦雲生戰馬班。烽火接天遮石鏡，戈船擁月泣刀環。看君幾日爲疆吏，累革平生有壯顏。

柘林幕中立將軍邀飲靖海堂

虎輶雕弓出上方，曾隨射獵羽林郎。鏡中魚鳥波含綠，島上樓臺氣帶蒼。片鹵孤城春雉曉，笙歌橫海夜雲涼。請觀漢將宣威後，年年貢白狼。

讀包侍御蒙泉先生遺集感賦

先生諱節字元達華亭人

世廟時臨大壻
寒城謫死滄中

勇冠一別楚雲邊，西戍迢迢出塞年。何異白頭持

石臼前集

卷五

注

漢節幾同青塚葬，天書隨隴右傳。鸚鵡草色江南想，杜鵑最是先王容。直諫相累遺事總潛然。

琴臺懷古

吳王宮殿已成灰，白水長川一箭開。無復水犀遮笠澤，獨餘山鳥下琴臺。繁華簫管沉雲月，落日秋風動草萊。謾向空林尋響屣，橫塘明月使人哀。

翠峰寺

曲曲幽溪上翠微，丹梯碧澗隱禪扉。千株老柏蒼蒼合，下尺神泉片片飛。雲氣忽開簷鶴散，經聲乍息井龍歸。天衣雪竇俱千古，躑躅殘碑送夕暉。

登莫釐峰

一上層巒萬壑殊，崔嵬倚嘯白雪孤。悲風遠過胥王廟，荒嶼平分范蠡湖。山上雲煙藏虎豹，水中漁父雜鷗鷖。莫釐峰下徘徊久，浪說夫差有霸圖。

許茂勳快雪樓

倚檻高梧映遠汀，山前一閣此亭亭。浮家蒼翠同西塞，落木參差下洞庭。獨共漁人追澗綠，不教天子賜樵青。寒濤九月白如雪，夜夜從君枕上聽。

繇明月灣泛小舟抵消夏灣作二首

西風磅礴水增波，明月灣前上小舸。秦世桃花迷

石臼前集

卷五

雷

井落吳宮臺榭入，烟蘿漁樵盡識丹梯路。風俗仍聞白苧歌，更想當時浣紗女。清溪一道照雙蛾，桂檝蘭橈去未還。西風濤湧大鼉山，已還柳毅傳書井。再入吳王消夏灣，九域自遺丹橘貢。五湖惟有白鷗閒，徘徊更憶黃公。里且欲相尋烟靄間，雲間舟發沈友薏。別干白龍潭，將至白門乃

有此寄

誰逐驪歌惜遠歸，沈郎才藻六朝稀。潭龍欲合干將劍，江鴈遙追四牡騑。雲樹向西迷鐵甕，關山直北擁旌旗。青谿此夕勞相望，一聽烏啼淚滿衣。

雲間歸舟有悼亡女賦此

千里鶯啼送遠征霜天歸棹獨含情辭家歲月隨
流水有女化離隔死生芳草夢尋黃歇浦雲山淚
盡闌閣城楓橋野泊三更月憔悴空悲烏鵲驚

雪霽

十二月十六日

十日輕綃戶外吹朝曦纔動逐冰漸只如好友參
差別却向清宵展轉思臘盡已無花片片春來惟
有草離離寒梅欲綴丹砂色恨不相將雪滿枝

與孫穉修別十九年相見於白門贈之

與君一別杳難攀此日相逢失舊顏總向風塵隔

石臼前集

卷五

三

燕楚空餘門巷對潺湲千行淚墮青溪水九月霜
寒白鷺灣聞說敬亭山色好何時耕釣築茆關
月夜同于息菴李武治飲集東瞿先齋中觀

玉蝶梅

春風瞥向伎筵嘉歌發開簾望月華爲愛芳英行
樹下忽驚橫笛似天涯三更深院還飛蝶一夜閒
庭有落花不是主人能重客坐中誰說邵平瓜

譚先生宅內並頭蓮一莖十頭喜賦此

亭亭紫蓋鬱青蔥隱隱臺端佳氣籠秀色已看呈
陌上奇葩復爾發庭中一枝吐水金莖艷十蕊披

雲玉露濃共卜夢蘭成燕喜豫將般核到簾櫳

鴈宕山靈峰寺次何無咎題壁韻

靈峰杳杳翠層層絕巘中開儼欲崩採藥不逢巖
下客汲泉時向洞中僧詎羅去後山仍寂錫杖飛
時鳥共騰蹻道將窮一回首似聞天半嘯孫登

贈項君貺

敵邑前令淡齋先生公子

與君把袂恨偏遲猶是君家去後思舊有甘棠稱
蔽芾今來秋草哭豐碑桐鄉俎豆傳朱邑海國英
髦說項斯此別相逢更何日莫禁搔首淚如絲

青田別蔣泰占兄弟

石臼前集

卷五

三

三年滄海論交地祇覺如君兄弟稀久客不堪臨
水別寸心空逐斷蓬飛寒溪一碧連羣岫霜樹千
重對落暉此去何時更攜手白頭相望莫相違

寺夜酬葛元士

青山層疊片雲遮月出東林吐景斜密樹乍驚栖
後鳥幽溪轉見落殘花潮生野浦初連郭帆滿春
江又別家世故相逢總飄泊對君不覺淚如麻

送賓起由武定幕還馬龍丞

君去春江生白蘋分符徵外是王程江山益部傳
風俗吏道誇方識姓名蚤戶聲開驅曉驛枕柳葉

暗擁前旌別離此度愁何限頭白重看萬里行

登北固山

中固城山二首

郡城晴日倚江濱北固登臨易愴神
鵲近憑天塹險鴈鴻零落塞垣塵
兵戈任灑包胥泣梅萼虛傳陸凱春
賴見南公垂淚說楚雖三戶必亡秦

時李

錢開少從廣陵史相公軍中還賦答

邗溝方逐片雲迴聞說揚州事可哀
嘶馬出城臨野渡行人揮淚灑蒿萊
書生邊計譚中策丞相軍謀屬上才
君自有心同劇孟行藏何必更徘徊

石臼前集

卷五

三

永嘉秋日同楊無補登閣

島烟浦樹曉蒼蒼萬里秋風此望鄉
窮海淒清疎雨過古臺寂寞片雲荒
瀕江落木三年客故國聞砧八月霜
幾度共君搔白髮登臨日暮一沾裳

立春前一日求社始集

庚辰同方爾止作

相逢俱在亂離間暫息征車各解顏
芳杜涉江聊共采垂楊幾日已堪攀
懷人不遠清溪水作賦還登幕府山
獨有鶯聲愛朋侶却勝睢鳥聽關關

將之括蒼畱別里中同社諸子二首

青青楊柳漸成絲水綠山蒼此別離
變姓欲同吳

市隱朝宗重上會稽祠天邊路入王孫草江上碑
看幼婦辭獨有故山薇蔽在春風還與動華滋
于越山川去不迷括蒼更在萬峰西仙人種藥成
芝草客路辭家還會稽漢溪雲霧衝虎豹連迢春
水夢鳬鷺相思各有盈襟淚併與音書數寄題

旅懷二首

千里征車草色斑萬峰如障起愁顏
朝雲近接東甌水夜雨遙連百粵山
遠道人悲青鏡髮長江家在綠蘋灣
烟臯寂寞年年鶴不見凌風片羽還故園
離別悵春風婺女星纏北望中吳苑書來瓜

石臼前集

卷五

三

步瀾閣山雲去幔亭空四愁未覺張衡苦一哭方
知阮籍窮獨有葉師丹竈在數峰相對似崆峒
六月十四夜月泊江心寺謁文信公祠

江亭孤嶼鬱峨峨丞相祠前起白波
樹色半隨沙鳥沒潮聲遠送海雲多
千秋馬角悲三戶一夕落五坡憶昔枕戈揮淚處
月明無奈濕衣何

九日龍友置酒試劍石雨不果登賦此時余

將離括蒼還白下因寄別懷

沈寥寒雨徧崔嵬海色茫茫萬里推
九日易傷羈旅客一生愁對望鄉臺
夫入廟口潮西上陶令樓

前鴈北迴明日雙溪又分蒼梧雲影更徘徊

病中逢錢爾介至自構李偕往天巖看紅葉

龍友置酒余將西邁因以賦別

越國山川路阻長相逢仍此共離觴天邊紅葉千
行樹嶺上黃花十月霜萬古霸圖沉構李雙溪歸
棹拂橫塘明朝回首看搖落猶有殘魂倍黯傷

送趙孟還往天台因還山陰

赤厓障天白日冥木葉四落黃滿庭一客獨往賦
窮鳥五侯誰愛分嘉靖刻溪西歸穿夜壑屢水東
下揚曉舂石梁玉龍冰欲結回望括嶺何青青

石臼前集

卷五

元

武陵臥病寄龍友芝田

故鄉迢遞三千里尚隔還鄉路一千伏枕夢隨青
嶂遠當腮雲共翠微連猿啼官閣催霜葉鶴去山
城散野烟別後寄書詢傲吏訟庭寂寂聽流泉

至日還鄉值雪

長江二月動驂駢江上春風散夕暉去日楊花方
冉冉來思雨雪正霏霏湖田白水無遺乘野浦彤
雲滿故屨太史登臺還紀異獨將哀淚灑征衣

江上別諸子與龍友共舟往婺州

山頭鳴鵠不堪聞萬木蒼蒼一棹分芳草岸連殘

夜雨桐廬離隔數峰雲仙源路還金華洞古事人

稱越絕文獨有楊雄甘寂寞朝朝還與共江濱

子陵祠

富春昔日求遺老夫子當年亦外臣倍問監門變
名姓何如垂釣把絲綸雲蘿最最懸青鉞瀨雨蕭
蕭長綠蘋眺盡荒祠臺下水東流無限欲沾巾

送王子京之任澧州

去年同食武昌魚又見長江建隼旗湘水不隨三
戶盡澧蘭令識使君初菴村兒女已山路白下春
風漢口書迢別更逢重九日茱萸入手幾躊躇

石臼前集

卷五

辛

始至括蒼贈龍友

古驛蕭蕭一雨殘括花雲近堞樓臺野分女宿還
千嶂路入龍湫更幾盤井邑乍驚頻到海春風獨
上遠遊冠知君未厭登臨去已作臨川內史看

訪于子巨子重兄弟

新蘆抽節水烟平撥棹過門十載情亂後機雲辭
入洛春來亭閣遍聞鶯沿堦薜荔青青色細雨梧
桐寂寂聲爲有清暉解娛客夜看城上斗縱橫

建韓茂貽因贈併追傷載敬未

莫遠相還久歎嗟尚憐流落在天涯故人長隔黃

爐面茗水空餘白雪花行路更無磨鏡具扣門惟
識賣漿家荒村暮雨歸何處青草茫茫去轉餘

得伯璣蕪湖書却寄

相逢世難成羈旅庾信平生賦可哀白下窮交幾
人在南州孺子一書來春風草色楊花落門巷鳩
茲燕子回衰鬢不堪頻極目汀洲無限水滌涸

寄祖心禪師

幾年憶別白公門書信迢迢萬里魂家世相韓空
有淚身心成道尚銜冤東林寺遠迷玄兔南粵山
重隔暮猿江畔梅花今又發望歸含恨獨聲吞

石臼前集

卷五

圭

耆生亂後竄跡十年一日還里省墓再宿已
去余臥疾城東不及一會悵然寄此

猶記麻鞋到九關崎嶇凋盡少時顏封殘馬鬣山
仍綠抱得烏號血尚斑昔去無家疑變滅今來成
鶴又飛還溪雲數里不相見白嶽嶙峋安可攀

過王開先玉介園登青旭樓重月

園有石
軍墨池

郭外潮聲湧紫瀾危樓山色迴相看雨流逸少池
邊墨石護容成洞裏丹松作龍鱗遮絕巖江分蜃
影入迴瀾不知滄海懸明月却訝驪珠出水寒

王開先陽湖別墅宴集

立秋前
一日

九斗峯前接遠汀王家禊事比蘭亭遙天吹合叢
臺碧別館雲開玉鑑青海月乍懸秋澹澹鮫人潛
織水冷冷崇山峻嶺相隨去惆悵西流大火星

端午日彥仍呈詩二首率有此答

已見人間重五絲牢騷何事轉淋漓不因三載投
子分安識千秋屈子悲亭午觴殘榴火畔齋涼帙
散茗香時別憐好句生佳日不贈汨羅贈我爲

看摘秋茶製訖將詣寺中作

漸識坪香茗再生不援洞芥自成名鈴旗冷逐勾
萌發氣味秋兼穀雨清無濕寧須窮封裹有香不

石臼前集

卷五

圭

與桂嶢寺南澗水新堪煮却向松間聆細聲

湖南九日示休仲彥仍五重諸子

有引

余自乙丑丙寅兩逢重九於此坐客八九
人賦詩云黃葉落來秋又盡白雲飛去影
逾孤諸人尋各散去唯弗如一同去歲重

九今年讀書虎丘而茲之九日舊遊在者

章甫坦仲各以事他去當時坐客遂不復

見一人且有化爲異物者矣泫然淒感作

詩三首

古樹離離戰曉霜五年三過此重陽僧雛已見初

分院橡栢俄闌干打牆有雪西園追大復詩效此身前度作劉郎諸人健在予將老浪取大復體

策更製瓊囊

瓦樽苦憶當時客坐上於茲又得新一散南湖爲
逝水再栖野寺只孤身曾同黃葉憐秋色已見紅
顏化古人欲把霜釐供小醉豈知此意轉悲辛
共踏礁堯十尺高強言於此澹蕭騷臥原衰草將
連燒聒耳寒松慣有濤川劃幾家爭日夜微茫獨
鴈過江臯豫知感舊情還結他日踟躕爲汝曹

從祖赤霞先生濟南書至奉寄一首

石白甫集

卷五

五

那見遊人不記年攜兒遠住泰山邊先生杖入黃
華洞猿鳥驚窺白髮顛不是方瞳呈壽相何因福
地作家緣書中責我憂貧窶却笑諸孫未必賢
立春後三日同印度過元長良書閣看雪中

蠟梅

三日春光已太遲到園先問柳垂絲名花價重翻
同蠟高閣人來好賦詩祇恐塵緣移素質故教白
玉換仙姿休言造物全無意要使佳人喚雪兒

春日始至韓元長當岳園二首

寄此園林勝買山竹聽松逕自山間剛從詩社聯

三益仍與梅花共正關刺有寒雲生屋角頻登小
閣望湖灣朝昏無復嫌他事幽鳥嘯多尚可刪
曉烟散盡梅方好綠萼當腮最有情花欲亂開寒
食到影將橫過月華生聊憑愛詠辭頭責不以支
離廢舌耕此際何須重謝客自然剝啄更無聲

招遠菴看竹東元長

爲問鐫詩在綠筠那堪小院鎖清芬青山只合迎
逋客白社還須著此君已向門前迴俗駕好添亭
子貯閒雲主人卽是王猷輩數畝琅玕或可分

園中春雨

石白甫集

卷五

五

竹外鳴鳩到耳邊閒園日夜雨纖纖淒迷庭院如
蘭若寂寞寒朝似禁烟曲沼宛同芳草渚三春始
遇落花天遲遲霽色生林際暖蝶遊蜂景共妍

春夜當岳園遲序百兼有懷張興公追次序

百喜予見過習園之韻

可惜美人成一別朝朝風雨只關門梅花開後遲
黃子霜月寒時到習園高臥亦曾添緼被長齋都
不廢清樽思君咫尺能相慰翠竹竿竿對曉昏

甲戌大計有懷高縣令李懷庚先生

三年遠涉洞庭波花縣遙傳五袴歌本以彈丸成

吏隱轉因飛鳥聽鳴珂魚書歲月通滇焚鳥道關
出隔岷峨頭白感恩門下士無因相見却如何

甲戌公車有懷歸安吳楫侯先生

牢落微官似鄭虔空庭羅雀俸無錢因憐國士曾
揮淚直把文章欲訴天漢代諸儒推虎觀會稽竹
箭比龍泉酬恩未了常嗚咽不擬桓譚識草玄

序百往白下賦此寄懷

萋萋芳草變寒蕪二月江頭棹不孤奮翅欲飛珠
樹鶴傷心惟聽白門烏辭家雖復嗟遊薄如子何
勞歎命無黃鳥聲中不堪思新林鬱鬱對人呼

石白前集

卷五

五

清明後再至園中元長亦自白下歸忻然有

作

春風浩蕩已無涯幽事園亭漸漸賒君作遊人方
息履我如遠客乍還家千竿筍竹浮來翠一樹辛
夸開過花從此新陰可盤礴籜龍燒罷見栖鴉

早夏雨中書懷

入夏清涼雨亦宜况沾郊野灑家苗無邊碧色皆
平仲不斷曉聲是子規每對浴鳧懷釣艇遠聞呼
犢想鋤犁何時犢角垂書卷歲歲常耕十畝陂

病中得母訊

逡巡一病忽沾身却訝高堂遣使頻從此定成溝
裏瘠如何還擬掌中珍吾家先代俱無祿母子今
生總不辰罔極深恩酬再世願爲牛馬答艱辛

自題庭前芍藥

戊辰冬得粉色樓子芍藥於孫氏園植之
魯嵇齋前五度開花只一度在家今歲結
藥特盛花時又輒在外感物生情形諸賦

詠爾

七載移根六度花一回相見玉無瑕仙人自愛居
樓閣離落何曾護絳紗豈有心情憐夜月只如離

石白前集

卷五

五

別在天涯若教擬作閨人怨粉老香銷亦可嗟

五日

曉霽浮雲生薄陰蓬門五日亦蕭森已將蒲酒迎
佳節一爲靈均傷此心沿巡草遯求仲履辟兵符
上小兒襟千秋悲絕懷沙賦讀罷愁心轉滯淫

六月十三日彥仍過齋中聞王坦仲訃痛惋

賦此二首

已是人間獨苦辛無如死別重傷神星更烏火方
逢子淚似珍珠又哭人語微貧寒寧易了怨歸泉
路諒難伸枉姓溫潤渾如玉女瘦風吹陌上塵

扣門相見喜相將。片語聞之忽斷腸。連歲平周諸
故友。今朝又送一王郎。人生似此寧須戀。天道如
何豈足商。與子暌離剛此聚。一回休看作尋常。

松陰不盡有桐陰伏日開樽此見尋芳芰艷分行
過履紫薇紅暎卸來襟可無一艇浮池沼不枉西
風吹竹林豫喜中秋頻泛月蒹葭涼夜看橫參

白頭浪上舟千里笠千芒鞋過幾層七月漸看流
大火五年相見一孤僧菟裘卜定猶重繭鶴骨淒

卷五

涼更撫膺總爲不平生感慨清宵何以共南能

七夕

漸入新秋節序清雙星茲夕乍堪驚橋邊定是非
虛度天上猶然重此情兒女穿鍼方鬪巧英雄犯
斗已成名顧余寂寞看銀漢一似滔滔瀉有聲

送九水憩元長招遠菴亦東元長

精藍湖上名招遠廬嶽僧中子最真行李信如蠅
背翼頭顱疑是鴈門人已看月色流清漢更聽鐘
聲遠綠筠擬作東林須寄宿溪邊相送尚逡巡

立秋日同九水作分得流字

林亭苦熱思涼節節森還生此日愁月在望前全
似水火當西去始逢秋烏頭未白愁如故馬齒空
慚老亦休却羨永嘉謝康樂乞投蓮社轉風流

渺渺秋風有所思。忽因五九淚雙垂。情於誕日翻
如此。生不逢辰奚以爲。幾歲以來辭少壯。百早之
外遇要離。人間幽怨憑何寫。擊筑當聞高漸悲。

生日九水贈詩次韻酬之

此生寥落滯江鄉每憶懸弧愧引觴廬嶽峰巒如
千秀汝南月旦謂予狂何因卜築隨方丈相與臨

石白甫集

卷三

流置隱囊豈似黃公酒壚下漫成陳迹感山王

早秋感雨

西風一日振林柯無那流光去已多盡失炎威成
澹漠更因涼雨感蹉跎逢秋來免衣裳薄入夜其
如蟋蟀何木葉森森微有脫令人想像洞庭波

得張興公書却寄

爲訝江頭尺素稀薄遊我欲到王畿何門有客謁
珠履幾處論文與布衣縱使變名吳市去爭如卜
宅冶城歸白蘋又在烟波裏慎勿懷人向落暉

寄西山龍泉寺無悶上人并道員寺僧

自從海上昔歸歟一病沾危獨愴余垂死何期無恙在此生重見再來如愁連南浦千年綠淚漬西江一紙書世事浮雲差識盡遠尋支遁共居諸一隔章江又幾年故人憔悴不如先閣前虎豹難逢帝歲裏龍蛇總厄賢舊日西山歸賦詠此方丹井出神仙鬢絲禪榻當從汝不獨洪厓好拍肩

秋蟬

露葉風枝最苦辛閒園間此一傷神涼生寂寞堪憐汝清極如何反畏人斂翼不飛終得蛻發聲長歎竟無鄰微軀幾似蓬仙客豈獨翩翩出世塵

石臼前集

卷五

七

社燕

傳聞海國有烏衣道路迢迢影漸微春草尚思平仲綠秋風不共伯勞飛山川處處看還是門巷年年到已非此日辭巢對惆悵江南花發莫忘歸

憶印度在禪河菴將泛湖歸先有此寄

秋在水天秋渺茫滿林新月影生涼竹邊鐘磬堪同老水上蒹葭易作霜佛火院空行落葉荻花舟過聽鳴榔自茲相見悲清夜孤燭寒樽想未央

吉人問醫京口隴人偕行憶其盤礴金焦水

石之間賦此寄懷

楊子江聲搖北固此中舟楫好眠餐題詩厭說山川美愈病聊同文字觀雲掩鶴巢秋在寺燈懸魚步月臨灘遙思兄弟池塘草不共蕭蕭木葉寒十七夜印度彥仍僧九水弟亞貞同集看月清宵月出卽良仇縑素相將似遠遊烏鵲驚飛十七夜人盡涼共一中秋蟬聲當露輕於水柯影生庭遠勝舟世外世間俱似葉尚憐不定有沉浮十八日元長訂湖上泛舟待月有羈不赴因

東

山盡如拳水一方葦葭八月想蒼蒼久疑生客惟

石臼前集

卷五

四

漁火不共良朋此楫航失侶厭看圓後月別僧空對熱殘香因思西塞山前鷺何日同人下菰茫

大士菴再訪九水

村菴涼磬意忡忡斂足垂頭鶴在籠隻影去來銷石火此方追躡在林叢十年朋好投孤緒百里湖光見大風度度相尋成坐立躊躇多共暝烟中

與九廬居一月矣始有此言

園林詠嘯費追思湛樂翻爲飲恨時有母自知松菊好因君益覺蓼莪悲閒塔乍見螢飛草方響曾驚鐵躍池轉眼秋聲蕭瑟裏慈烏啞啞樹頭枝

次韻彥仍過宿園中

冬隣寒雨寺隣園，叢竹蕭條不可言。
茗色看殘宵易永，鐘聲聽罷地無喧。
芙蓉的皪霜前墮，桐葉參差瓦上存。
一燭但將清漏盡，崎嶇惟有燭邊魂。

十月十二夜又同五重幼良看月感賦
賦此此月三人對已孤，此宵三度月全殊。
露爲霜後方行殺，秋至冬來始覺徂。
鴈久唳寒聽漸杳，人如落葉散將無。
休言一歎生無故，可奈嘯殘半夜烏。

十二月廿六日句容與吳見末別

蕭條丹井忽逢春，共作脂車秣馬人。
三載此中俱

石臼前集

卷五

四二

落羽數行泣下，又沾巾。梅花氣色如寒食，柏葉蔥菁迓歲辰。
獨有茅家兄弟好，肯將雨雪灑衣塵。

送爾止赴蔡觀察廬江幕

江郊初旭散煙霏，結駟驂驪逐建威。
湘漢頻年經百戰，潯廬何日解重圍。
周郎自古稱英妙，方叔于今尚布衣。
更訪仲卿爲小吏，翩翩孔雀可南飛。

客東甌寄與治於維揚

平蕪燕子逐春風，于越山川恨未同。
寇近長淮烽轉急，天連滄海路無窮。
干戈夢澤寒雲外，鼓角江城細雨中。
已值亂離驚歲月，况堪飄泊又西東。

兩齋書懷

東南列岫總漫漫，故國天長羨鳥翰。
綠樹數行遮大澤，白雲千片落飛湍。
頻江已覺潮聲濶，到海方知雨色寒。
獨有小山叢桂在，倚巖青翠一盤桓。

重至青田晚登城樓眺望

舊國春風再別離，重來猶是石門期。
山青雲白還如故，流水荒城更可悲。
漁浦雨殘歸鳥沒，女牆日落噪烏遲。
登樓惆悵無窮事，不獨蕭條感鬢絲。

同李卓如福勝寺鍾樓望雨

孤城寂寞萬山層，小閣危欄試一登。
野外浦雲仍

石臼前集

卷五

四三

斷續雨中海色尚憑凌，何年開運來支遁。
此日艤舟共李膺，遙憶江鄉一回首。
蒼蒼葭菼思難勝。

題劉文成公祠

空山遺像儼衣裳，雨露開天蕩八荒。
聖代版圖看似舊，當時魚水契何長。
論功白馬逢高帝，辟穀青山憶故卿。
恩澤朝廷仍俎豆，廟門古柏已蒼蒼。

永嘉得爾止泚水書併近詩寄此

長征海曲已飄搖，回首潯廬路更遙。
樓向南枝懸北鳥，夢隨孤嶼上寒潮。
楚天戰伐無消息，吳地星霜久寂寥。
詞賦近來哀庾信，隔江涕淚灑風飈。

甌中九日同顧觀生蔣泰占楊愛生貞生登

高作

江近天南鴈不飛晴空木葉下庭扉山川百越愁
何限景物殘秋看又非白髮數莖仍蹈海黃花九
日更沾衣天涯朋舊終難聚莫惜持觴傍翠微

越中寄友人

迢迢此別幾秋風越水吳山渺未窮疊嶂遙逢富
春渚落花虛憶館娃宮數重關塞頭俱白九月兼
葭夢豈通日暮登江寒浪濶蕭條不見北來鴻

觀生絲雲間至甌相會未幾予即別去因贈

石臼前集

卷五

三

三年遙憶春申浦一隔春風路轉迷內史山深黃
葉下桐廬江遠白雲低鱸魚秋盡思鄉縣鴻鴈霜
寒過若溪惆悵相逢又相別愁心長遶萬峰西

鴈蕩紀遊二首

蕭颯西風渡海濱萬峰如削總嶙峋開山斤竹空
歸客流水桃花別有人踏壑穿林隨鳥翼蒼崖繡
鉅帶龍鱗招提十八思興廢歷盡巖阿一愴神
懸崖千轉極龍從直上空冥黛色重祇訝巖巒青
嶂合誰知晉宋白雲封龍湫已挂匡廬瀑仙掌仍
高太華峰却怪天台惟咫尺當年劉阮不相逢

永嘉城外觀潮二首

孤舟已繫白雲邊六月濤聲蹴遠天曉雨一江迷
極浦樓臺雉隱寒煙乘槎犯斗人何處鞭石爲
梁事邈然真有三山隔人世奈無羽翼歛翩跹
拂曉風吹萬里潮大荒東望碧雲遙驪龍舞罷珠
方合海鳥飛來雨乍消笙吹有臺傳子晉茅分何
地想王搖人間故跡猶堪訪祇惜玄虛賦寂寥

仲夏雨中書懷

一雨飄搖徧綠莎茫茫野色似湘波十年帶索青
精米五月披裘白石歌曾絕朱絃驚蔡琰欲憑黃

石臼前集

卷五

四

絹紀曹娥因悲氣盡號烏夜不到秋風鬢已皤時有亡女之戚

再往白門送升伯先生還吉州尋之官屏浦

再向青谿問旅情廬陵山色卽王程候人路過蝦
蟆峽仙令心孤杜宇城幾日漏天聞鼓角四時子
夜憶歌聲王家大令真瀟灑載得桃根迢遠行生先

載姬人李

早秋送楊龍友之官華亭余亦將適三江

郊原曾未見秋風上得江槎比鏡中北固諸山潮
與白西流一夜猶紅柳當曲曲堪浮宅峰有三

三併借公于役後先方一聚無忘木落與天空

見末觸熱尋余地藏菴高僧大德

冬殘夜夜叫鴉雛尚想秦淮冷宿無哀樂訊來兒

共女形容衰盡柳將蒲卽看六月雲如火何似三

更尾畢通我識松江魚鱸好懷人先對四腮鱸

與吳見末同過林茂之青疎閣林茂之患目

劇

藤蘿掛壁影疎疎小閣閒庭總未殊雀到門前猶

是冷桐因秋後更能孤病成鷄骨人疑崇卜厭筵

算帝遣巫瞳子不令先似炬猶勝飛白倩人圖

石白前集

卷五

四

四時閨怨和彭五一四首

臨洮萬里接燕山十二金人望漢關流水不將花

出塞飛蓬豈美玉爲顏當時猶記王孫草此日空

憐雉子班那更凝粧鬱愁思陌頭楊柳共誰攀

天戈薄伐出魚麗海雨從戎未換絺 千羣猶

射 宣王六月正興師關河一斷音書後玳瑁雙

栖燕子時聞道軍前歌杖杜三年不見損蛾眉

白馬黃雲塞草秋羅敷爲婦卽生愁別來千騎東

方長識得雙星博望侯鴈陣忽高催木葉砧聲不

斷隱笳殘寒衣未寄天邊法防尺時時見淚流

桑枯無葉日無輝一臥幽牕夢鐵衣化石江寒曉

玉筋射鵬天濶夢金微開簾忽見梅花落橫笛因

愁隴雪霏隴上行人傳尺素水聲嗚咽寄將歸

冶城初度過鄒滿字溪上居

葭菼蕭蕭隔渺茫秋風初度憶維桑月中烏冷棲

三匝露下蓬枯感四方遊子心情輕此日冶城風

物似他鄉却逢鄒衍談天好白露橫溪暎夕陽

同彭五一朝天宮景陽閣秋眺

虛簷細霧出冥濛落日凭欄見遠空一水泝迴秦

王氣方山送別晉諸公白波旌纛砧聲外碧瓦罌

石白前集

卷五

四

恩雉堞中最喜孝陵松柏老人傳石馬夜嘶風

與方爾止登覆舟山同賦

殘石披榛徑屢荒鷄籠山接覆舟長叢祠夕照遺

紅葉宿莽人烟暗綠楊城上宮雲生夜色天邊秋

水浸菰蔣隔江戎馬憂生事禾黍風前各望鄉

泛舟過白鷺川龍友別墅有感舊遊因過華

嚴寺作

片舸悠悠出曉烟垂楊歷歷見平田叢蒲洲近青

林岸老桂花開白鷺川曾宿巖扉疑隔世因過禪

室想諸天江流不遠荒亭外極目傷魂落日邊

中秋夜雨同王雨若宿鷄鳴寺閣賦別

寺外嵐煙積水濱，攀林踏閣倚青旻。一朝風雨辭鄉國，幾日江皋別故人。歲晚寄書長泛梗，夜闌秉燭更霑巾。吳淞八月寒如鏡，不見王家塵尾塵。時余將之雲間

別方爾止之雲間

丹陽郭外水漫漫，古渡停橈月已殘。樹色漸凋吳苑綠，砧聲初隔泖雲寒。三江鴻雁愁中落，九日茱萸海上看。別後逢人詢世難，思君惟有淚闌干。

牛首寺崇梵僧房

石日前集

卷五

四

石閣危欄乍一登，前朝古木似龍騰。長江白練牛頭寺，細雨青山崇梵僧。黛色城中朝更暝，翠雲巖際散還凝。虛簷墜葉紛無數，望遠生愁已不勝。

周景虞齋中見菊賦贈

繁枝露冷尚氍毹，數朵妍華見此來。已向秋風吹幾度，謾同香草怨千迴。餐英別有離騷種，對菊無如陶令杯。君自沅湘江上客，愁聞花傍戰場開。時流賊破依縣

重陽前一日同龍友阻風弘濟寺因過僧舍

中縱觀奇石分五歌

懸巖面面倚嵯峨，絕壁蒼蒼掛女蘿。散盡白雲尋古寺，吹殘黃葉滿寒波。秋風又到重陽節，江夜其如一鴈何。無數帆檣更西去，中流落日起鼉鼉。

虎丘月夜晤陳百史同龍友作

逶迤衰柳駐浮槎，露白逢君久歎嗟。千里別如秋寺葉，一僧孤似野人家。濛濛石氣寒通月，寂寂芙蓉夜有花。此去闔閭城下水，參差相送又天涯。

虎丘晚泊同龍友過吳次尾

寺外輕橈繫一灣，乍尋石磴過僧關。鴻歸少伯湖邊月，木落吳王塚上山。考樂周前猶有憾，論詩鄒

石白蘭集

卷五

四八

後已堪刪。東行滄海思君夕，多在寒雲秋浦間。

遊陸文定公墓下同公孫集生

同龍友作

出郭經丘見野花，海雲凝望渺無涯。楸梧路折迷翁仲，歲月苔深瘞鏤鉏。已有蓬蒿圍石馬，更看俎豆舞神鴉。不因此地多喬木，誰識平原內史家。

寄潭吉上人杭州安隱寺

沃州山色剡中寺，聞說支公日掩扉。入夜寒潭龍自定，殘秋雙樹鶴爭飛。門通鴈市能忘老家在，峨嵋總不歸多恐永嘉謝康樂相尋入社意偏違。

冬日過朱宗遠園亭

古木寒煙郭外紛，荻花鴻雁遠相聞。伊人一水當
朱檻，此地三江滿。白雲葭菼臨潭，猶墜露芙蓉似
雪。有微薰，卽今猿鶴生清怨，多爲蒼生已識君。宗遠

再過朱宗遠明瑟園

參差亭閣一溪幽，遠岸潮回識去舟。直有風雲來
北渚，更看薜荔在中洲。天寒欲奏湘靈瑟，雨氣遙
連海樹秋。與子相尋成野客，門前惟喜對沙鷗。

小雪日雪

凝寒吹雪野雲輕，小雪纔當月令名。入水尚憐瓦

石白前集

卷五

見

雀冷虛堂忽訝玉，壺清三花珠樹連瓊海。十月梁
園賦馬卿，亦喜歲華紀勝事。不堪鴻鴈喚江城，
望彭五一不至雲間，亦未得程穆倩余山之

信雪中寄懷

幾向中流聽棹歌，美人秋盡影婆娑。雲邊南國山
川淚，渺上西風雪夜艤。遙想木華工海賦，因憐玉
樹在巖阿。吳淞日對清寒色，縱有梅花奈別何。
潭吉自杭州至玄墓，因抵華亭喜得相見，因
有此贈

三年小築虎林松，一日迴舟憶九峰。曉色吹殘玄

墓雪，夜寒行過武丘鐘。鄉書久未傳三峽，子墨猶
能救五宗。更與東余將棹往，落潮聲盡水淙淙。上人

新著五
宗教

華亭與龍友別因送之暨還南中葬其先大

參公

楊子官清舊石渠，臨岐黯淡美人祛。滄江夜冷輝
銀燭，白雪山深泣玉魚。人在汗青家有誅，客多冠
素巷無居棹。迴渚月梅花發，鴻鴈西飛數寄書。

送韓與九渡江詣關上書二首

渺渺微波接遠天，長江如帶客帆懸。懷中有策獻

石白前集

卷五

辛

天子輦下何人問，服虔水面鳬鷺猶。傍雨馬頭睥
睨迥，臨燕平臺元老爭。如虎藿食何絲答，細旃
冷日荒荒映繡韉。滹沱積雪馬蹄穿，酒人去後虹
如水。俠客來時筑有鉛，鼠竊橫戈連海岱。龍霄徹
土稅桑田，嚴徐書上杼。籌策不獨凌雲有，賦傳

感春
子韻陳臥

朝花墮雨惜寒姿，碧樹沉沉隔水湄。白骨沿江沙
鳥避，青燐無火夜烏悲。中原滾滾來邊馬，天險荒
荒有大旗。遙想垂楊館離別，幾因兵甲怨絲絲。

穆天子二首

穆王巡狩藐神州遠出崑崙紀勝遊千載白雲池
止水西聲黃竹兩中秋河宗寶玉方東驚冰雪關
山又北搜此別舛茲應有恨逶迤無復歎陵丘
穆王昔日在瑤池萬里山川列羽旗小飲成謠答
王母西征飛駿屬車師冰夸史轂皆先路白鏢傷
心最少姬却笑漢家頻遣使南方空有碧鷄祠

芝山和陳百史

昔人種芝此山頭昔日高人採藥遊草碧正堪藏
洞蝠芻青當與食關牛一山蠢動隨真氣五月天
寒有故裘此地更聞玄度宅門臨野水繫漁舟

右白前集

卷五

五

詩選後集

丁丑除夕

林壑蒼蒼鳥欲栖歲華如水夜淒迷三年江介驚
烽戍萬里神臯怨鼓鼙寒鴈遠辭沙塞北故人多
在海雲西春風思舊成嗚咽轉惜王孫草色萋

楚兵

楚兵聞過李陽河湓浦東來轉戰多四海祗今餘
半壁諸侯何事欲橫戈悲風邊馬銜青草落日江
豚起白波世事茫茫悲滿目虛勞歸夢到烟蘿

寄弟

歎息天邊鴈影微春差長作斷行飛夢我有淚沾
孤纒蔓草何人共一扉夜雨殘荊花剩發春田苦
菜甲應稀久雷射虎成何計牢落音書未寄歸

關塞

千落上隋堤聞塞蒼涼望已迷斥堠半驚飛
鳥外田園遙隔戰場西燕衝沙路將泥去馬飲春
流向夜嘶鄉縣欲歸歸未得白頭空有萬行啼

于皇返白下弱翁江如穆倩之吳門獨與爾

止雷京口書懷兼簡職方楊郎中

春風把袂各依依幾日花間燕于飛客路頻經三

右白前集

卷五

五

宿雨王師新困百重圍于戈慘澹人皆去井邑荒
涼獨未歸阮瑀軍書王粲賦不禁揮淚對戎衣

答與治寄書

亂離何意到今朝衰草無邊萬木凋鴈向秋蒲逢
雨雪地因征戰罷漁樵親朋欲盡書方達涕淚將
殘骨盡消想像石頭城似舊月明長聽打寒潮

殘楊

湖波秋盡尚無涯斜日衰楊繫釣艖疎引斷煙迷
過鴈亂飄殘葉帶歸鴉曾經戰馬長堤拂剩映征
帆曲岸遮最是蕭條漁浦夜風燈明滅幾人家

故園秋後

衡閨長共白雲孤積雨初消滿庭無幾樹衰楊成
井落數聲哀鴈傍汀蘆寒原黃葉霜偏下戰地青
燐骨半枯苦憶錫京舊風物暮煙城郭散曉鳥

望家書

疊疊寒江戍鼓催星星燎火白雲隈望鄉偏覺水
煙苦落日不逢人使回亂後自驚殘歲客愁中忽
綻數枝梅此生多難傷離別安得家書笑裏開

聞亂

乙亥十二月廿七流賊陷和州江上戒嚴

破堞風腥鴉噪昏蚩尤如血掃天門豺狼氣塞丁

石臼前集

卷五

五

蘭廟鬼妾號傷太白魂恐有詩書到牆壁可無家
室寄羗村春江岸柳垂垂綠不忍臨波拂舊痕

同胡印度集韓元長招遠菴竹下

離離野綠漸成團萬竹蒼茫影覆湍小雨近曾沾
翡翠東風一與動波瀾人前流玉愁深碧木未來
雲度淺寒世亂未夸烽火在空聞折柳怨江干

再集韓元長當崑園看梅花

水漬林叢烟不與濛濛花氣似相蒸涼綃綉翦新
紈素却月名聞舊廣陵老向海棠呼作妾寒踰蛟
淚墮成冰休將橫笛生清吹小閣鱗峴亦可登

小如讀書茅山寄詩往訊兼寄懷沈看生梅

尋胡三

坐引空香樹古泉還心靜侶各能堅巖生綠髮還
疑蛻月出青林冷照仙庭樹幽閒開雨色溪春清
寂響寒烟名山此日無多思二子人如葛稚川

登雷峰觀諸山有感

次陳百史韻

虛磴危巖易點傷干戈一水數聲長雲衣遠覆沙
鷗白殺氣猶傳日珥黃江北潮生湧細草城南雨
過灑柔桑天門慧影清如掃諸將迴軍向洛陽

仲夏雨霽二首

石臼前集

卷五

五

野綠霏霏雜雨流桃花水漲忽生愁誰沉蒼玉聞
歌瓠敢向黃雲望滿篝月令已驚當祭號江南空
有不耕牛幾家去作漁蠻子踏浪猶堪蒲稗秋
溝水東西宿雨并新塍放綠水痕平桑鳩鼓翼朝
曉遠水鶴無聲大火明乞活流離虛井落檐簷口
舌有功名休誇都尉能搜粟猶望橫戈息戰爭

雨霽簡黃序百湯彥仍

高樹風輕散野烟數峰歷歷現清懸燕巢空後門
無雀鳩雨殘時水接天下飲虹寒光浦嶼亂飛白
小入湖田稻梁何處來鴻鴈江國彌懷正與荃

七夕得顧與治寄詩及書兼報蘇武子于司

直云傷惋賦此

江干消息動遙思白鷺洲前月似規烹鯉出書驚
短世牽牛渡漢得微辭玉棺齊下爭先入石闕雙
銜黠澹悲一日秋風到湖浦因悲叩友淚成絲

徐悟生白門歸寄至于司直樸草因賦

蕭瑟迴艤江上楓云亡于子恨情同虛疑顏色乘
湖月獨有離騷配國風桃葉聞歌臨古渡洞庭張
樂賴孤桐此時揮淚隨流水數鴈淒迷下遠空

秋夜讀于司直樸草

石臼前集

卷五

五

蕭蕭古樹起秋聲新月殘柯照水明片骨荒郊寒
未化空林獨夜恨還生相看豈信飄魂氣歛去猶
疑變姓名寂寞烏嘯楊柳夜何人復動薊門情

秋夜宿西菴同蓮印曼霄弗如對月

步隨溪柳見庭柯一磬聲中聚若何柏翠凌秋倚
閣迴蕉光引月著人多龕塵向夜吹藜火蟲響圍
涼出素波衣露相看全似水未成清夢舞僂僂

送曾升伯先生載姬人住白門因公車北上

大江紅樹影微微四牡齊驅向帝畿漢室公卿皆
上計盧家海燕忽西飛策因簪筆排市文有凌

波戲洛妃此日三山更惆悵悲心無異謝玄暉

冬夜葛震甫邀集市隱園得涯字

林亭蕭瑟散冰華肆好其音客不譁入夜笙歌聞
白紵滿堂中拂掩蒼葭洞庭人帶湘沅氣倚月情
生上漢槎作賦亦知心鐵石眼前玉樹總梅花

清明前一日喜霽

已將風雨過春分喜見天清無片雲漸有桃花迎
巷陌遠看草色入湖濱幾年宜作歸田賦此日新
成誓墓文夾路青青誇二麥躬耕帶索復何云

清明日攜姪照乘拜墓志感

石臼前集

卷五

五

亭午山行雨墊巾紙錢掛墓一酸辛高曾以下無
中壽俎豆之間見赤貧困比將家三世忌拙教才
鬼一時噴青穗舊物將拋棄却遣兒曹爲負薪

寺中題辭

層層松磴費攀躋倦客重經此路蹊敝履忽尋秋
雨外殘燈又寄竹林西原頭草色添新塚壁上塵
封感舊題十載積成無限淚看予一灑過招提

林重經吳章甫宅

昔時野館相尋處此日頽垣倚夕陽因過道傍嗟
逝水却來門外問孤孀三年墓木新成拱一度秋

風再斷腸地下儻知千近事應憐舌在淚千行
綠隴穠林茂之歸闕
江干細雨打芙蓉寄我牢騷八月書筆墨似聞人
歎息聲情已覺淚連如一生無命子方蹇半世辭
家子亦虛此日思歸悵行役慢亭雲影共躊躇
秋雨得懋宿弗如仲若彥仍敘伯書因簡諸

子

十笏空堦蔓草餘中庭何事不蕭疎重陽以後朝
朝雨數子皆賢度度書斷鴈屢衝殘夜去黃花衰
似立冬初一回消息俱殘歲猶恐參差相見虛

石臼前集

卷五

三

竹溪第三社宿彰教寺懼人見示羅眾辭因

酬之

函書枉訊亦勞思復有羅眾幽怨辭鐘令乍過無
月夜山清一宿小寒時黃花僧舍殘猶立白針胡
麻澹已炊相對又成驚聚散能禁添燭話淋漓

冬夜張興公過宿齋中二首

衰柳團烟俯碧潯沿溪踏葉苦相尋層層水落菰
根出漠漠雲流鴈影深世薄友寒然更溺津雷劍
氣躍還沈數行泣向殘燈下門外清霜共此心
參差北斗在簷端一燭燒殘更渺歡墟里逢人清

入夢烟霜得侶靜生寒洋腸歷盡身纔老龍性馴
來淚不乾別後寸心江上水幾隨書問到長干
見末自姑孰返瀨上過宿彥仍以書見寄因

有此簡

片帆相隔水邊廬一棹沿回訊夜漁真有紅顏遭
衆毀重將清淚滴君書故人前日淹行李遊子殘
年感敝車此去益愁行路遠峨眉月出照人虛

早春寄吳見末

伍胥河上水涓涓細雨垂楊漸作烟未遣橫波驚
絕代翻因鼓瑟數流年氣同香草空悲屈怨入荆

石臼前集

卷五

三

高得和燕我亦容華遭妒老吳郎飄泊有誰憐

哭妹婿韓孟平

清秋骨瘦已難支此日重泉久繫思冷落無人哭
桑戶崎嶇有妹在鍾離水光麥氣浮全隴松色雞
聲隱一籬書卷幽牕閒葉葉空餘悲淚灑茆茨

哭諸振緒

自子偃蹇作枯鱗汝有愁心未解顰坐冷木樨香
隔歲衣沾冰淚入王春嫁卿阿鵲詎語愛我雕
蟲子輩人先送侯芭遊地下人閒何路不逡巡
清明前三日雨坐與九齋中

十日狂風吹雨絲
林廬清寂起遙思
閒園隔歲人來少
小閣當花鳥
下遲新塚哭殘青
草路長堤眠盡綠
楊枝
明朝雨止高原上
步步含愁見我癡

聞杜鵑同元長次與九韻

簷栖宿雨近殘春
掩映新林雜鳥聲
歷落頓過桃李月
躊躇空負杜鵑情
似傷六翮畱魂在
一入深山有淚傾
門外近憐芳草路
總因幽怨少人行

石臼前集卷五終

石臼前集

卷五

五

石臼前集卷六

石湖邢 昉孟貞父著

後學

商丘宋 至山言父校

後學王 孚顯若父校

五言排律

齋涼

秋際夏猶雜涼時暑不殘朝牕纔一晦午袂竟生寒
野色中邊兩天空上下瀾沿堦尋落葉滌硯發新翰
逕草漸如去庭柯從此寬懷人常對水看藥必依欄
靜地事猶援同袍友獨難方慚如旅食那

石臼前集

卷六

得冀加餐屏處長如此清靈亦可安

泛舟孤山謁和靖墓

孤山一拳石高士此鴻冥鶴去巖巖寂雲歸磻戶
扁考槃因曲折垂釣近清冷流水還如故斯人遂
獨醒空舫時泛淥遠燼日攢青何必梅花發長聞
白芷馨

七里灘

漾舟遊枉渚曉色入冥濛龍雨飄巖際江聲瀉峽
中輕雲看度燕隔岸聽歸鴻一道清如玉諸峰翠
接空半裴邈往躅鳥毳下微風太息山川古千秋

獨此翁

抵青田兩宿郭外

沿流乘落景曲水漲前溪縣郭風煙聚城闌兩色
低蜃江孤嶼近鶴嶺萬峰齊越徼方爲客鄉書豈
易題春愁成黯黯遠思轉淒淒獨有天台路參差
去不迷

謁東甌王廟

翳昔東甌國分茅卽海濱山川秦郡縣帶礪漢功
臣勾踐仍能霸韓彭得所親啟疆從斷髮輯瑞自
攀鱗古廟紛巫覡荒江薦藻蘋俗傳雞卜舊窠接

石臼前集

卷六

屋樓新世代徵名守前賢總後塵千秋看逝水寂
寞最傷神

泊冷水灘宿距釣臺五里

渺渺長溪曲濛濛冷水灘衆山皆已暮一泊乍相
安寂寞憐荒渡潺湲激迅湍數峰沿岸矗微火逗
林殘沙月去人迴冰稜出浦難釣臺渾欲近懷古
意無端憶昔富春老當時逸興寬羊裘不可見惆
悵北風寒

與于皇別往京口

吳楚一相望風烟渺未窮蕭條兵甲內飄泊帝城

中歎世虛投袂號天想墮引詩書懽懽置韜略怪
雷同已覺無長策俄聞賦小戎登艦寒角起擊汰
曉雲空別緒川方永他宵夢豈通君思焦處士來
此弔遺風

送爾止遊嶺南

孟冬霜始白寒色已崢嶸塞鴈向南去嗟君一路
行乍經彭蠡月漸近越王城井滌雲侵海鷺作霸
割羸瘡開迎翡翠樹老掛猿鼯氣候炎通桂波濤
險觸鯨微分黎漢俗星改去來程行李輕慙翼心
懸頗類旌擔簦宜獨往按劍慎相傾歸日門前柳

石臼前集

卷六

枝頭諒息鶯

元長餉惠泉一瓊賦答八韻

自別梁谿路空懷陸羽泉瓶罍曾汲處歲月已茫
然贈以夙所愛捐諸太不廉擊甌評色相掃地看
烹煎何必小圓月良宜潄暑天如從山下過贏得
午間眠實瓮依牀側怡神即眼前因思畢吏部盜
酒豈爲賢小圓月龍團茶也見東坡詩

過史校遷故居瞻曠墓次賦十一韻記哀

相懷泉路遠幾日隔荒陬樹老禽先失宵寒鬼易
幽廢畦栖野殯白月嘯鵲驚曉近明封甃溪長類

枕流青林因雨肅碧火爲災舊石榭經文脆山花
蠅客收無衣溫左伯有骨誅黔婁筆塚蚯蚓出書
垣熠耀搜西華翻絕恨東野爲含愁披葛貧無胤
摩巖細與謀茫茫衰草際泯泯束芻修徇得韓夫
子當令光爾丘

送曾升伯先生之任耶縣十二韻

漁舟接官舍未厭潺湲聲已渡黃河月長含白下
情公車前日路羸馬上天行祇訝投荒蚤無慚叱
馭輕乍瞻神女峽小隱杜鵑城花滿溪仍綠筒傳
酒至清繫舟思杜甫開肆訪君平盜賊寰中大衣

石臼前集

卷六

四

冠劍外并江艇辭北固筵步送西征閣峻銘還在
桐焦意盡傾蠶叢看作險鳥道去猶平何日憺帷
近聞猿涕泗橫

九日登金山望月

同龍友作

危閣當孤嶼輕橈過淺沙舟中平落日石上迴蒸
霞江勢迴千里山情渺一涯秋聲揚子岸野色海
門槎九日天邊月重巖寺裏花楓黃連橘柚露白
上菴葭絕壑頗堪度中冷無復嘉水生鴻漸愧人
覺景純還鐘近蛟宮寂洲長鴈影遞蟾蜍明夜角
睥睨出清笳磻戶空聞新戩船始建牙栖巢回嶺

鵠轉蝶聚檣鴉鐵甕還尋渡焦先何處家思投巖
際宿一問釣魚車

賦得吳楚接風烟

同于
皇作

東江開甸服南紀劃星躔平楚交長道歸鴻落遠
天青雲始迴合淥水浩無邊篳路荒前代魚龍泛
大川然犀真草草緝蕙乃翩翩廡下客何處雲中
君邈然憑高五噫發眺迴九疑連戰伐乾坤內驅
馳盜賊前林禽號白羽湘瑟杳朱絃朋好干戈逼
天涯涕淚懸故園俱倣擾京國更飄遷他日思公
子沈憂不可蠲

石臼前集

卷六

五

再之括蒼懷與治客廣陵

二月柳未綠君行到廣陵忽驚江柳色離思坐相
仍憶昔青門別于今白髮增烏喙空遶夜月出尚
如冰候火初明滅聞鼙始戰兢狼猶慙跋蹙鯨歎
怒憑凌汝漢氛俱惡荆巫勢若崩援抱侵旅食築
壘戒擔簦擇木瞻歸翼投林想曲肱括山回望極
書札寄峻嶒

讀平陽鄭廣文允之南鴈蕩山誌賦十六韻

絕嶠紛靈異荒塗佇遠蒐山經誌南蕩耆舊侈東
甌逸典名方著中峰討更幽梯空巖作表級道石

爲樓雙洞懸崖豁千盤夕景搜雲根孤閣峙月牖
一槎浮僊媛霜遺蛻神龍兩作湫鴈池晴霰落犀
角夜光流寺憶錢王宿繡經玉女遊青天開峯崕
碧殿剩雕鏤氣勢高鄰服瑰奇競海陬施巖詢竈
火報國錫田疇隱迹追黃綺逃名託許繇丹房蹲
虎豹白日嘯鴟鵂懷古情應愜披圖展且投謾同
劉子驥興發會淹留

冬夜宿玉甌山允宗上人院

一峰儼異狀十里折千盤陟嶽蛇行細捫蘿鳥迹
殘甌形聊彷彿嶺氣歟瀟漫雲護軒轅鼎巖開道
士冠蟾蜍平欲吐海若眩相觀夏屋陽崖啟神工
鬼斧攢霜鐘流澗底星昂掛簷端不瓦栖僧簡連
筒引潘寬天低疑曙促禪罷覺更闌明發茲山頂
踟躇去欲難

夜泊青田

潺湲行石瀨山邑暝烟中野水人猶渡遙林葉漸
空數家殘月白小市一燈紅屢泊羞萍梗頻來識
土風交江湖已隔括嶺信難通自笑生涯薄如何
西復東

再遊天巖過僧智光院已歿一月矣

懸巖數盤上落落入雲層野濶開沙岸湍平見石
稜簷虛寒翠合閣迴亂煙凝已是重遊客因悲舊
日僧逡巡成過隙寂莫問傳燈流水看如故淒涼
獨拊膺

宿大洋溪書懷

夕景亂流長幽汀聚野航近村含雨氣映水出嵐
光驛次行沙岸山程指括蒼人情輕客鳥世路逐
他鄉枯槁逢漁父悲歌和楚狂年衰仍泛梗冬野
更驚霜星動高低樹溪寒大小洋嚴陵何日到西
去正茫茫

石白前集

卷六

途中得家書作

海嶠辭鄉遠無因寄一書不知江上月已隔幾盈
虛郡邑通遙島蒹葭憶故廬逶迤從水宿羈旅逐
星居地暖楓猶赤林空水漸凍長途驚換火尺牘
喜逢魚荒歲供菰米傷心及里閭家人頻悵望生
計且嗷嗷要識團圞意天涯或未如

由青田抵處州

泝流踰百里旅泊已三朝曉霧開重嶂寒雲傍麗
譙古城仍算路曲渚驟風颺山郭橫煙火溪春沸
沈寥日車愁近促星野法猶違爲問南枝雀飛栖

魂屢飄

長至前一夕婺州作

微陽拂曙啟孤燭此宵愁歸客亦何滯勞人仍未
休土風陳桂醕鄉思戒棠舟飄忽驚長至饑寒笑
薄遊紆回行李厭跋涉歲華周冰雪雙蓬鬢山川
八詠樓已當發候詎免返寒憂遺蹟看前代猶
懷沈隱侯

發婺州

返景蒼涼處寒宵古渡頭川原何繚繞歸計復悠
悠天迴迴吳棹雲昏憶沈樓鬢容消盡日兒女別
來秋斷續千重信衰遲萬斛愁故園從此去殘臘
幾能留瞥見春風夕仍吹杜若洲

石白前集

卷六

石白前集卷六

石臼前集卷七

石湖邢昉孟貞父著

商丘宋

至山言父校

後學

同里王

孚顯若父

七言排律

早春山行

小碧疎黃散遠畦，衰楊殘節漸生萋。
曾悲十載相思友，一別三年又過溪。
舊塚不因寒燒沒，陳人已厭老狐嘯。
潮枯旅舶東風渡，烟護牛羊夕景堤。
梵寺清鐘分路入，茶鐺朱累借僧攜。
祇愁月令催新

石臼前集

卷七

火麥雨如絲聽野鷄

哭吳章甫

病瘦年年比鶴清，如何轉眼失無生。
是余相勸不能早，致汝瀕危無所成。
竹屋一燈消夜氣，招提片月共秋聲。
藥香到處僧將供，鑑影迴時子亦驚。
此日松牕成故迹，當時茗竈最關情。
息微夢見平生友，灰冷回看身後名。
死去猶傳湖上札，生來已作水中萍。
卽教世世爲朋侶，兩散雲飛不可輕。

賀魏觀察鵬池先生八十

一從汾晉辭明主，老向商巖二十年。
秉節曾爲滄

海使投簪，因著紫芝篇。青春雞舌郎，官裏白髮魚
鹽釣艇邊。絳縣春秋人，朱測信陵兵法。世方傳鯨
鯢，已見消瓊島。鳳鳥還看，下楚天并代衣冠。驄馬
後襄陽，耆舊鹿門前。臨潭舊種，雕胡米刺水新行。
下溪田樹上採桑，呼客語山中洗藥。飲牛泉雖知
帶甲盈天地，猶自持竿向渭川。卽有後車堪一載，
莫祠黃石遠求仙。

送僧九水還廬山

特友人韓元長新置草堂于山中

三年一笠向江濱，千點桃花映遠津。
江上吟雲來野色，帆邊飛雨亦良辰。
舟行如馬寧相滯，杯渡看

石臼前集

卷七

山恐未真。皖伯別來橫翠黛，淦城出後見嶙峋。
生將匡氏爲鄉里，到處山川盡主臣。
友肯誅茆鄰白傳，子宜投屐學遺民。
願隨巖石收殘蛻，化作山峰一老人。

壽陳眉公先生八十初度

數峰寂歷水烟陲，忽有鴻濛太古思。
南紀三江還入海，東園一老獨餐芝。
沉冥已見冠爲鷗，瀟灑恒疑迹似麋。
滿筵蓀蘭分楚澤，一溪雲木總商彝。
深山共語惟毛女，少日同遊有仲師。
洛下舟回人盡羨，兩邊巾墊衆云奇。
偶因詠史通牛渚，不爲徵書

向鳳墀歲月閒常思跨鯉春秋高擬答非熊藥無
二價名猶熾道廣千秋姓可追竹策解傳蝌蚪字
由庚再誦補亡詩淋漓墨氣歸中禁刺繡詞辭出
四夸誕日方將迎北陸流沙更欲到西垂悔成本
草淹仙籍幸得青雲近履綦却怪聲華真有累應
令鸞鶴下來遲

石臼前集卷七

石臼前集

卷七

三

石臼前集卷八

石湖邢昉孟貞父著

後學

商丘宋至山言父

同里王孚顯若父校

五言絕句

聞鴈

江南離別處雲木易爲秋不是聞鴻鴈無因更淚流

永嘉江上望鴈二首

塞鴈南飛後煙波杳渺間羅浮何日到知隔萬重

石臼前集

卷八

山

爲問江南鴈離離何處歸故鄉秋水濶不逐海雲飛

秋思

越羅勝白雪秋盡失光輝不及吳宮夢催成舞女

衣

戲題薛恒梅花美人畫三首

桃李雖不言梅花較清瘦可憐樹下蹊成於蕩子

婦

人道園中花真如隴頭雪常愁梅易颺忽與隴頭

別

顏色一代絕鉛華爲誰有試看此腰身別離疑未久

寺中秋夜

香臺無月色謾謾有松風塔草猶含綠蟲鳴白露中

逢沈漢封談越中乙酉丙戌間事因贈二首

君說越中事是我平生親聽罷一垂淚俱爲泉下人

亂後今相見如君有幾人一樽何所道莫厭舊山

石臼前集

卷八

貧

寺中與翼仲別宿方山作

倚棹方山暮冥冥煙霧重思君遙夜歎獨聽瓦官

鐘

田家雜詠二首

日出至田家維舟向水涯中流還蕩槳爲有白蘋

花

水中菱葉亂鳬鴨遠方塘屋角成新路人家足稻

梁

詠史三首

隆中

本欲埋光耀人間號伏龍自聞水鏡語不得臥隆中

廣武

阮公日耽酒高歎發廣武四海正橫流傷心共誰語

白符鳩

燕子江南歸新巢偏林木一曲白符鳩舊巢不可得

中秋月

石臼甫集

卷八

三

自見海邊月殷勤十九圓如何將鶴髮空對此嬋娟

感秋二首

夜色水明岸江空影更搖離愁不可道獨對海門潮

江樹蔥籠色今朝始覺秋寸心同落葉萬里逐寒流

富陽江寄弟二首

江上逢歸使含號寄此書錢江潮正濶莫斷北來魚

江雲回望斷一水去悠悠明日桐廬郭春風更白頭

括蒼兩望二首

越鳥遠越山孤翮向何所倘逐吳雲飛我當附書去

曉見蒼嶺雲暮見蒼嶺雲嶺色朝朝雨連又不可分

青田三十里舟宿二首

夕嵐四山紫月出東嶺輝始見浮雲色茫茫西北飛

石臼甫集

卷八

四

落日泊沙岸驚波下別艤月明乘夜發應是過交江

風雲嶺

一嶺聚寒色千巖忽已暝何路向天台天台從此近

過雙驛

水滿雙溪棹江山屬暮春永嘉何日到試問客中人

越中題逆旅主人壁

北鴈又飛盡江南花落稀却同海上燕一歲一來

歸

京口與沈漢封別

萬里同爲客鶯花及暮春
那堪冰雪裏仍作渡江人

疊嶂樓二首

細雨逐溪風桃花滿眼紅
春光最堪賞多在北樓中

山頭十日雨水向縣城流
坐見花落去遙知風滿樓

別家四首

石臼前集

卷八

五

不惜間關去辭家及早春
獨持數行淚灑向北堂人

人

此去仙都路春風慰別離
自慚同越鳥已復戀南枝

幼女惜離別含嗟送我難
他宵鄜州月已解憶長安

安

穉子學人語臨看四牡駢
不知送者苦聊試一牽衣

衣

吳門訪朱九章

此日長洲苑相逢柳乍舒
寒江江水凍隔歲幾傳

書

過潘鱗長

泊舟逢楚客蕭瑟缺空彈
借問囊中賦誰同宋玉看

錢塘潮

曉色千檣發危濤萬馬奔
豈知此澎湃中有子胥魂

桐廬江行雜詩七首

黛色千峰出清波一道寒
雲霞映虛壁石髮裊千盤

石臼前集

卷八

六

翠壁動寒沙清江二月槎
風吹山縣雨先發木奴花

花

鷗鴉鳴千里蘭橈更幾灣
客心不道遠知近子陵灘

潺湲七里水龍口亦何長
入瀧嗁援狄出瀧下牛羊

羊

青山長寂寂芳潤亂紅紫
昔有潁陽人垂綸此江水

水

朝發富春渚暮宿烏石灘
回頭望烟靄却見仙桃山

山

古樹倚青嶂春雲覆浦艘夜潮空自上不到永嘉江

夜至仙巖寺三首

寺外有虎溪安禪師跨虎過溪處

斷木渡寒水暝烟霏澗草但隨鹿麋往忽得山中道

風度微雲去水鳴亂石間踏石猶未厭過盡虎溪灣

歷歷松上月空令石磴閒似聞山鬼嘯不得更相攀

三姑潭

石臼前集

卷八

七

山上復有山潭下復有潭巖花白玉色光彩兩湘酒

雙溪驛

三月正三日雙溪水乍生誰憐此溪水直到石頭城

登北固山

帆落白蘋渡潮吞北固山高歌看海日千載想王濤

曉過平望二首

野水亂朝日流光上綠蘋蘭橈動芳渚欲采淚盈

巾

別離已千里江水似愁生無限青山色驚號樹樹聲

建德江雨泊二首

千峰連暝色一雨迷春江宿處不覺遠渾疑七里瀧

霽景隨潮落維舟散晚虹睦州城外雨寂歷灑孤蓬

宿十八里

水流八詠渡山宿一夜雨祇愁山下雲已斷門前路

石臼前集

卷八

八

客中四月聞杜鵑作

杜宇南山曉號聲帶雨飛不知春去後更喚阿誰歸

龜山

巖藥龜山頂雲開可望鄉鄉關不可見惟見古東陽

長干行二首

白馬絡金羈春風自一時紅纓并帶劍不是路傍兒

五歲曾踏青七歲藏屋裏雖爲長干人不識長干
里

石臼前集卷八

石臼前集



卷八



石臼前集卷九

石湖邢 昉孟貞父著

後學

商丘宋 至山言父 同里王 孚顥若父 校

七言絕句

毗陵驛與貞生別

海月相看過幾峰毗陵一別想遊筇白雲半是姑
蘓水猶有寒山寺裏鐘

宜興城下感舊三首

二十年前草色新桃花落盡水粼粼銅官山下孤

石臼前集

卷九

舟去此地相看無故人

銅官漠漠曉烟低江樹沈沈望總迷獨有南山翠
微色白雲深護亂鶯啼

山陽笛裏暗銷魂洛水遊人不可論曾是信陵公
子客白頭垂淚過奇門

舟宿綠葭二首

距青浦三十里 己卯

蒼山無盡路漫漫碧草東連海色寒總是江南明
月夜相思花發滿長干

落日東風動晚牕孤舟信宿水淙淙潮聲尚隔春
申浦月色先通婁子江

雲間逢賣藥者胡與良二首

扁舟將發意何如三月尊羹五月鱸不是藥囊行
到海人間誰識夏無且

相逢多在五湖間說向長生鬢已班一隔曹娥江
上水令人遙憶謝公山

送楊將軍守備滇南四首

洱江東接古牂牁君去新從馬伏波試問漢家銅
柱在南征猶得幾摩娑

駢弓羽箭聽驪歌楊僕樓船意氣多道路半經諸
葛壘功名先繫越王佗

石臼前集

卷九

將軍家在夜郎西馬上橫戈路不迷歸日莫愁生

白髮早傳名姓過雕題
羽檄征南向百蠻銘功須上點蒼山秋風浪泊天

邊月夜夜刀頭看雀環
雲間五日有懷往歲白龍潭遊侶

五日榴花處處新白龍潭水隔通津垂楊雨色還
如故此地誰爲弔屈人

送陳蘭陔明府之任衡陽二首

三湘此別意如何笳吹秋風起素波葉縣王喬西
去遠長江落木駕鼉鼉

君去衡陽萬里舟長沙南畔水悠悠請看回鴈峰
頭月猶似吳松一片秋

陳始任華
亭學博

別汪爾康還白下二首

紫燕西飛憶故鄉別君何事轉淒涼獨餘海上三
年淚不盡子行與萬行

君廬新結五湖邊越女歌聲動採蓮他日石頭城
下水相思獨上剡溪船

再過綠葭浜二首

鶯聲猶記落花前二月汀洲綠似烟流水數家還
寂寂垂楊多繫釣魚船

石臼前集

卷九

白雲千片海西還綠水蒹葭復此間識盡數峰秋
色好不堪回望北千山

重過句容東門酒壚感舊二首

故國山川已邈然重來流淚酒壚前十年海內論
知己借問誰如范叔賢

當時沽酒出城闌醉酒同看城上雲今日故人零
落盡祇應前路問茅君

聞鴈

楊子江頭葉正飄鴈行無數影蕭蕭垂楊折盡鴈
飛盡獨有寒聲響暮潮

蜃江七夕詞四首

嫋嫋秋風吹白浪迢迢萬里起洪波天上雙星燭
海水人間七夕望天河

蜃江東去海連空銀濤萬古與天通莫道天河天
上遠濤聲已在白雲中

早潮西上水淙淙暮潮東下如飛龍此夕故園愁
望劇潮聲那不過交江

楊子江頭水接天蜃江猶隔萬重烟銀河不道風
波惡如此風波信可憐

龍湫夜宿二首

石臼前集

卷九

溪迴石轉水淙淙夜聽空山寺裏鐘試上詎羅臺
上望飛颺千尺玉爲龍

當時曾與石門僧想像龍湫瀑布冰一別十年消
息斷空憐寒月下層層

樂清海上旅興

二月辭鄉鶯亂啼越山無限路偏迷于今仍作思
鄉客紅葉漫天滯海西

追和東坡吳中三賢圖詩三首

五湖舟楫已堪疑鐵網如何得艷姿却怪龍門真
自如不言西子屬鴟夷

范少伯

雲間白鶴有高音不抵秋風歸去心一自鱸魚聲

價好至今都不說仙禽

張季鷹

宅邊隙地未荒蕪杞菊芄芃飽瘦軀直使膠西貧

太守猶將苗葉到齋廚

陸魯望

冬夜書事二首

山下冷冷月尚淺簷前已掛黃與參寺南十里聞

虎出野火直欲連湖潯

誰遣嘉平作小春孤光欲損梅花神寒塘水落龜

文出空有冰肌照路塵

逢栖霞僧曇林是凡公弟子凡公者鍾伯敬

石臼前集

卷九

五

先生宗人集中贈詩猶是新披荆頭顱已

颯然者老矣在景陵不復至山中聞之感

歎作二絕句貽林有楚信可寄凡公也

頭顱五十新披荆用此虞淵歲有餘我欲山中藏

此老景陵風味尚存渠

先生死後僧歸去猶是題詩十載餘幸遇白頭賢

弟子有將新句爲梢渠

貞白墓

白日冲昇怪底遲因緣本草事堪疑茅家兄弟皆

鸞鶴却見先生墓有碑

寄史枚遜二絕句

門前幾箇青青竹影落空庭子尺無爲愛清陰覆

雞犬故令歲歲長龍雛

山中種樹堪陪老壠上栽苗止一方剝啄到門君

已厭不知誰共史雲堂

余嘗顏君堂曰史雲蓋以萊蕪長方之

題顧寶幢草元圖二首

山谷崎嶇一老人烟林著屋可藏身曾陪羽獵誇

者今日伶俜無四隣

一人扶杖過茆菴杖底寒烟濕小嵐共道衣冠非

俗士豈知名姓是桓譚

石臼前集

卷九

六

題畫

此老攤書骨太癯靈泉遶屋似醞醑却嫌畫平無

茶癖不傍山牕著小爐

寄滇中范振宇總戎

少小從戎一寶刀蠻烟新控仗龍韜將軍綰得封

侯印血年年洗戰袍

西冷曲二首

鷓鴣一聲唳水濱西陵水綠搖青蘋如何一似隋

堤上爭道楊花愁殺人

雙雙燕拂青莎露水上杜蘅愁日暮子規啼罷不

復嘯飛向西冷更飛去

詠史二首

馬嵬西去蜀山青萬仞遙看劍閣銘但得君王迴
玉輦不須腸斷雨淋鈴

穆滿當年棄九圍瑤池親覩白雲飛休言八駿能
亡國却見流沙一夜歸

登樓

江路逶迤草色秋寒潮晚去水悠悠那堪故國三
千里獨上城南明月樓

寄江鄉友人

石臼前集

卷九

八

離別江南歲又更蘋桐花落不勝情故人莫訝無
書札十月雲中少鴈聲

包將軍挽歌

將軍吳人乙亥春流賊困皖城將軍捧檄往援偏師無繼戰敗

不屈死

將軍仗劍出吳關大羽飄零戰血班死後鐵衣人
拾得年年秋祭皖公山

橫塘曲

汀宿鴛鴦浪宿鷗芙蓉零亂木蘭舟白蘋渡口橫
塘女箇箇生來字莫愁

送潘鱗長往郴州

綠槐吐葉草生齊楚客鳴棹烟霧迷行過潯陽更
西去相思愁聽嶺猿嘯

蘭溪舟中雨

蘭溪春水溢蘭橈草綠莎平萬里潮獨有子規深
樹裏數聲嘯罷雨蕭蕭

題鄒滿宇故廬

水浸寒塘臥柳根年年秋草一傷魂自從不見子
桑戶風雨何人更到門

九日送弱翁還吳江

與君萬里共悲秋重憶開元寺裏遊今日故園籬
石臼前集 卷九 八

下菊一枝折贈淚先流

江郊

渺渺平蕪隔岸槎垂楊猶帶白門鴉東風二月吹
殘雪無復棠梨樹上花

虎丘白紵辭二首

白公堤上燕子飛兒女白紵勝羅衣風吹菡萏橫
塘冷貪看鴛鴦不忍歸

水上綠楊千萬縷吳女盈盈皆十五日出蕩槳却
乘潮夜踏毬毬白紵舞

處州得敘百書却寄

紅樹離離葉正疎關山何日罷征車
括州城下書千里可是尋常雙鯉魚

永康道中二首

括山行盡娶山長紅葉青林更渺茫
亂水悠悠夕陽渡令人憔悴是他鄉

千峰萬壑散寒輝十月山城少鴈飛
明日錢塘西去路乘潮應共白雲飛

十月二十夜富陽江宿始聞鴈三首

越山千重復萬重處處相看迴鴈峰
今夜月明人共聽獨憐腸斷此離離

石臼前集

卷八

括蒼山下白雲隈不見雲中鴈北迴
一宿滄江霜似雪數聲清唳却徘徊

二月江頭鴈北歸楊花撲地擁征驂
故鄉此去猶千里一夕聞聲淚滿衣

喪女詩三十首并序

丁丑歲小女四孃病殞哭之小過風有失
血疾於此加劇積五十日喪血七八升自
付齒既嚙衰斯疾或可以死始戒勿哭猶
日拊胸呼咤弗可過乃用上下平韻漫筆
爲絕句以遣其悲鬱焉

倉舒無命復非雄父子平生禮數中
却笑杜陵兒女拙因饑叫怒向門東

皮骨空存少宿春團樂到汝及殘冬
遣春却又相拋去只待歸成馬鬣封

殘秋中沴臥殘缸短影牀前淚似瀧
剛比曹娥少三歲猶慙汝姓不名江

去年巢燕羽差池曾閉新雛出幕遲
今日乳成梁上燕看予哭罷塚中兒

世上男分瘦與肥因憐瘦女日長饑
似愁魂魄驚予夢故遣參差頰轉非

石臼前集

卷九

生性貪將筆硯居提筐鼓篋兩渠渠
蛛絲罥腦塵封面是汝牀頭手疊書

休嫌在日未成襦贈汝臨行片月孤
繡襪一雙呈女相不教泉路喚童烏

方丈苔痕塚外畦一時開盡野棠梨
回看玉筍雙荷葉髻髻猶聞伴母啼

荷葉髻髻猶聞伴母啼兒病間予夢中賦詩云方丈苔痕即相送雙荷葉髻

汝已寧馨妹亦佳一珠新隕恨無涯
小名相喚休忘却驗取來生未可差

未必他生甯再來縫衣只似送行催
衣邊有我斑

斑淚堪化青燐出草萊

生小溫柔只泥人自憐枉死一含嘆此番氣魄同

精衛填海當令海颶塵

峨峨乳母一荒墳名字金蟬化野雲葬汝故令相

側近不憂陵谷獨紛紜蘇長公乳母小名金蟬兒距予乳母朱氏墓五步也

已聞瘞天追潘岳更學嫁殤辭邴原通識尚慚贏

博葬三旬兩過奠壺飡瘞天追潘岳少陵語邴原事見魏志

絲絲髭白漸波瀾有女相隨鑷始安石火已催靈

照去霜根尚覺指尖寒麗居士名靈照陸務觀女亦名靈照

婆娑將汝共衰顏學語拈鍼一紀間同在隙駒影

裏過如何駒影不相攀

中夜曾經第幾絃于今徽外卽重泉文姬雖慧非

長命誰寫遺文四百篇

花開風雨歎飄搖殤子叢中獨汝髻已倩磨瑩一

片石要人銘汝歲寒凋

海圖舊繡曾聯肘粉黛衾綢孰解包只記畫眉狼

藉濶上元邨火踏衡茅

聰明解事細如毛歲歲臨風護絳桃死後桃花飛

滿路相隨風雨葬蓬蒿

閒庭對影淚滂沱行過殤丘或漫過哀樂失常子

亦怪清狂恐已有人訶

難持金盃比清華半臂曾殉顏似霞恩已非常痴

亦絕尚思三載忽還家三載還家事見西陽雜俎

異福人天敢忖量誰將桃達誦金剛願供梵笈旃

千片乞得三生石一方舊因喪女誦金剛經未竟

解撚紅絲纏燕足喜於卯酉驗貓睛尋常事蹟應

耽取魂欲來遊畏哭聲

通翁哀淚徹冥冥顧子懷思鬼尚靈見我撚髭生

小慣斷猿飛鳥汝能聽斷猿飛鳥顧况哭子詩

危垣乍躡欹然崩骨肉聞時識亦與一似誦經鸚

鵲慧俄因凶夢見秋鷹

兄夢立高垣墜地後廿許日病卒鸚鵡事見開元天寶遺事

入懷強要衣重覆勸飯猶將匙一投蘭已欲摧珠

欲碎區區忍死慰子愁魏明帝語司馬懿曰吾忍死以待卿

汝去宜將佳地尋細思此意不深深浮生澹泊原

相戀片語空傷孝女心

盤盤鬢髮喚人簪訣母猶將乳一含生世已無餘

事業何須長壽羨彭聃

我命孤虛非久淹如何歲月得霜髯豈知今日緹

縈女真已將身代父殲

含辛送汝一長鏡鳥散雲飛風轉帆我已無兒可
收骨名山葬地選嶢峩子舊與友人詩云微願邀子證說骨於嶢峩蓋昔懷也

詠梅三首

嶙峋蛟背立繁英雪色瑤池夜夜明綠萼一株最
娟好故應比似董雙成
開遲開蚤總經旬疎蕊離離綴似銀時向枝頭驅
小鳥竟堪長作護花人
綽約雖然若處子難將骨格騁天嬌梅花亦自無
言語何故成蹊只李桃

石臼前集

卷九

三

春夜歎二首

星漢迢遙迴北斗梅花零落舞東風春愁不惹二
毛客料得春愁在此中
櫻桃爛熳杏花紅夜漏沉沉院宇空此景一生消
不得等閒化作白頭翁

當岳園詠玉蘭四首

白雪離披千朶花幽蘭名字玉容華香光隔院偏
零亂贏得東隣比宋家
美人曉起試春衣素縠冰綃出鎖幃檻外池塘橫
照影可憐此是洛川妃

娉婷細意已相通不用防閑託守宮憐取臂香全
是玉却於何處點微紅
花開照夜自輝煌國色三千總淡粧試倩東風一
搖曳教他隊隊舞霓裳

清明雨雪二首

寒烟如墨鎖清明雪打楊枝怯早鶯愛誦張王古
樂府於中腸斷北邙行
荒坵土濕紙錢稀開盡桃花雪滿衣猶有溪邊新
燕子雙啣花片向人飛

寄吳見末二首

胸前千斛淚如瀾爲不逢君未可彈何日盡情擦
一哭兩人相對却成歡
細思鄉井豈能安拔劍出門何所難祖道竟須同
易水幾人相送白衣冠

清明前二日海棠一株甫開絕艷未幾值雨

又數日再至園中零落幾盡矣不及見其
盛時感而賦之二首

一株紅艷雨中披含淚含嚔亦自宜笑靨臨風都
不見於今惟記捧心時

翠袖朱唇到眼遲名花詠遍見幽姿慙慙欲別還

石臼前集

卷九

四

相贈却似題詩付李琪

戲和元長立夏日揜關次韻二首

紅牙聽盡失殘春側耳忙呼洗暗塵寄語樊川杜
夫子水嬉何日訪情人

擬將一舸汎池涼六尺布篷遮日光九十朱明開
禁後恐驚白露下蒼蒼

華亭與孫逸羣同舟至毗陵始別

西泖盈盈月漸生毗陵西去更孤征看君自解蘇
門嘯得似華亭鶴唳清

得鄉書

石臼前集

卷九

三

烏榜西風路一千鄉書遠寄海雲邊歸心蓮子花
開後又見三江雪滿天

冬夜書事二首

亭亭樹影見歸禽聽燕松枝幾室音二九嚴冬無
一雪難言此景是寒林

誰遣嘉平作小春孤光欲損梅花神寒塘水落龜
文出空有冰肌照路塵

題鄒滿字節霞閣三首

閣外寒溪落野鴻因憐城郭在丘中明朝若寫桃
源景睥睨麟胸著數種

片片晴霞散小灣虛牕高出磬聲間此中烟雨亦
無數領得南朝不受刪

舍南舍北水皆碧尚少門前一釣磯滿壁繪山風
動竹祇疑五嶽響荆扉

題瓦官寺

南朝當日瓦官寺每到山門感廢興驍騎倉邊尋
古井夕陽重話白頭僧

十一月十九夜泊舟虎丘候月

爲愛前宵雪後圓猶能忍凍立寒烟遊人但說千
人石安識光流孤影邊

石臼前集

卷九

十六

石臼前集卷九

石臼後集目錄

軒

卷一

五言古詩一百九十五首

卷二

七言古詩六十二首

卷三

五言律詩三百九十一首

卷四

七言律詩四十八首

卷五

五言排律二十首 附六言二首

卷六

五言絕句七十五首 附六言一首

卷七

七言絕句六十一首

孫登典校字

編次族人

逢玉超

發育之

柯月柯

皆鳳侯

楷端木

鼎榮 晉侯

烈觀侯

樟雲卿

夢煜 中儒

履聖儒

濟廣生

連生嘉

景慶 天儒

峰廷泰

亨庭煜

方慶 端儒

復章 斐生

兆申 恒生

紹魯 振伯

紹統 斯甫

紹緒 斯皇

紹麟 普伯

紹綱 斯朋

紹芳 斯祐

紹箕 斯永

石臼後集卷一

石湖那生訪孟貞父

商丘宋 至山言父 校

五言古詩

三月十四夜對月

廣庭晚更寂皎月光簷楹仰觀纖雲滅始覺江景
清春風失駘蕩桃李陰已成物華流且易世路屯
難平回思歷艱險中夕魂屢驚含悲撫孤影誰能
測此生

過林茂之

與君俱白髮君更十年老契闊事南游雲門若邪
好九州歎羹沸鋒鏑盈長途竄身走山澤顏鬢俱
焦枯前日入我夢不知今在否自得一書札悲懼
庶無負到門欣把袂還復語辛醜頽齡迫搶攘倚
杖徒能見足力更目我世路苦多艱欲別語君心
君心徒脉脉

立夏日雨

日月不停轂大亂彌一載偷生復營營百慮依然
在蹉跎居淡節芳辰豈相待霖雨被麥隴消息阻

戎壘來牟得無損所患在饑餒展轉心更悲非為
歲華改

贈陳翼仲

悠悠遭此世漸欲疎人羣矯矯論心素慨然得陳
君衡閭恆晝掩斂跡耻驚聞時傾一樽酒與我寫
殷勤微醉各偃仰不知日已曛為言數里外別圃
花芬苴何當乘興往共看還山雲

早夏憶石臼湖田舍作

早夏霽湖光鱗鱗素波漾逶迤帶廣川蒼翠明遠
嶂新蘆始出水碧色已彌望小艇此迴環微風宜

石臼後集

卷一

一放世亂迫羈愁茫茫思未休兵連白下渚夢去
綠楊洲綠楊堪繫舸夜浦通漁火生事本相關為
謀何獨左水長浸臨圻茭叢漸滿陂規雞哺子大
養鴨置欄宜泛泛隨朝暮悠悠非一務每看莎草
青祇覺年華故三月雨成渠空悲大麥枯豈知遭
播蕩無復飽杭徐人煙隔林麓鳥雀喧茅屋釋耒
偶過門捕魚恆寄宿田家力作齊回首一含悽漬
種驅牛出催耕傍雨啼鋒鏑何時已潺湲對流水
惟應沮與溺共住幽源裏

憶兒詩

汝生初墮地我遊五茸城三月始入門聞汝呱呱聲從此更遠邁越嶠東南征三爲象浦客六傍惡谿行在遠日何多在家日何少屈指幾度別垂髫忽已好三歲別我時門前牽我衣宛轉學人語問我幾時歸四歲及五歲別我涕能揮七歲差解事鞠躬步庭幃去冬復別我含悽扣所如本言渡江去却寄白門書今年汝九齡毛詩誦曹鄴翩翩過父友再宿傾肝肺前月有書來頗與人意會世亂我已老我衰汝始大如何久契濶喟焉發長嘅

廢書

石臼後集

卷一

三

晏居歷炎夏微疾俄已蘇起坐愛朝景仰望高雲徂所值偶清曠足以舒我軀面瘦不忘照髮短猶頻梳故書積盈几把讀愁應祛却見古人事多與今人殊往往觸所憤惜若錐攢膚喟然廢書嘆事業各有圖所圖非我分胡爲此區區

早夏過濟生菴

形役一爲累雲林緬疎索遙愛夏木繁清陰蔽炎灼磬聲忽出戶亭午至蘭若解衣息嘉侶誦偈知良藥俄聞子規叫翳翳亘叢薄流光久已徂芳菲儼如昨數里得幽境頻來此盤礴

從濟生菴至烏龍潭憩潭上

微風吹林氣境愜無深淺落日瀉潭影臨流恣遐盼灌木澄連漪水容紛漾演人煙雖密邇頗不聞難犬宛宛舊行跡十載一來踐惜無幽人廬蒿徑爲子剪

訊家

去歲別家日仲冬雪覆瓦前日寄書至菖蒲綠堪把密樹噪玄蟬候忽驚徂夏豈知寒暑遷中腸頓難寫穉子望我歸拋書廢南雅門前盼行舟奔走柳陰下渚田當薙草水深泥沒踝盜賊徧郊墟噉

石臼後集

卷一

四

戲問松檟悲來非一端涕淚縱橫瀉久客信難爲夢想粉榆社

夏夜書懷三首

雨消暑氣薄北風亦吹衣纖纖雲間月忽此揚清輝流光下高閣熠燿庭前飛蟲響始入耳切切復微微迅節易生感長年安可希遂令孤客思永夕空依依

纖雲去無迹弦月光屢吐念與骨肉遠盈虛凡幾度世屯豈驟復人生邈難聚回首桑梓喪亂已非故我倉久已虛隣里更誰訴客遊數言歸安得

夏猶豫

炎天邁佳景夜涼人跡虛脈脈中何思所思故里
間野田禾黍青門柳俯清渠荳棚及瓜架一一皆
蕭疎四郊儻息戰胡不歸我廬詎待秋風晚嘆息
紅笑葉

養兵

使至問田園崎嶇春已耕嘉澤幸不愆歲功當有
成弱門既寡庇兒姪皆伶俜秋成~~何處~~速~~何處~~以克
養兵豈伊具簞食應已徧柴荆追呼連日夜雞犬
寧無驚回思少壯日飽見海內平邨中無吏跡終
石臼~~後集~~卷一
歲衡門清何意桑麻野縱橫笠與纓父老走且泣
欲語仍吞聲誰能解此役其當救黎憊寄言謝父
老努力炊藜羹樵蘇供牧馬黍地變軍營九州盡
如此大運安能爭

雜詩

白羽知是鵠玄羽知是鳥二色苟能剖便足稱離
朱鄭衛歌溱洧虞廷列笙鏞二音苟能別便同師
曠聰剖別不在物在人方寸胸嗟嗟季世子何獨
甘盲聾

夏夜憶于皇

共住一城內相懽作比鄰何意不得展渺然經十
旬夏來多卧病枕席摧形神虛庭耿涼月日夕思
故人故人曠音徽早見西流火兼問甌生塵於今
增劇耶栗馬與薇蕨二柄俱成左秋風易愁人爲
君謀白蘭

夏日同祖心上人劉今度顧與治過徐公子

元超大隱園納涼作

中夏盛炎燠息形想林叢曠然水木際忽與幽侶
同演漾入軒檻渺瀰涵雲空清陰蔽榭館夾壁下
巖風緬矣滄洲趣遇之庭戶中低徊思結構太息
石臼~~後集~~卷一
懷先公繫昨鼎湖歲先公哭遺弓攀髯竟莫及
尾精相通跡逐人代易道將丘壑崇名園此盤礴
幸不隨污隆雖復戀佳賞於焉心轉恫

大隱園賦得夏木嘯黃鸝

蕙蒨鬱喬柯涼颺納幽屏綿蠻相對語款款林中
靜忽復度橫塘差池綠波影

送爾止往杭州

幾日相逢後同傾萬斛愁豈期又分手雨散與雲
流白馬猶橫路青楓獨上舟征途勞思婦落木過
窮秋吳市詢朱穆~~津~~津松林問史游~~窮~~窮殷勤寄

消息書發越江頭

憶獲

八月天氣暄湖田始應獲白雲在在飛浦樹蕭蕭
綠水色正蕩漾菰蒲猶滿目朝聞溪裏言夕見蘆
中宿隔岸盡田家倚堤散牛犢頗知禾黍好亦覺
清秋熟何意秋風後獨爲未歸客扁舟計已成庶
及東籬菊

蔡大美女宣城來因送之渡江

木葉下清露颯然驚凜秋與君始握手欲語先增
愁大亂徧四海宛陵多警報哀哉道傍骨半是田

石曰後集

卷一

七

橫傳兩歲苦巷戰城門血頻流吞聲徒脈脈奔走
還悠悠生事豈暇問出門猶有求長天渺煙霧飛
鳥何所投聊把客中酒應須江上舟何堪霜草色
前路問諸侯

湖上歸舟二首

日出沂川瀨青楓變霜露雲影霽寒流煙波即歸
路天空葭莢盡百里見鄉樹遠岸忽微茫迴舟辨
鷗鷺往來復何事却今漁弋誤歸理八尺篷於此
共朝暮

微風起煙渚撥棹曉洄沿白鷺振遙翮踟躕恍其

妍迅流還帆影遠勢投長天夜潭集網罟朝彩聞
扣舷漸覺粉榆近平驚歲月遷歲寒辜風好亂定
思清川背岸接良疇杭稔飽殘年從此日垂釣寺
逢縮項鰻

十五夜元長歸翼臺望月

落日臨高臺夕煙散叢樾山際滅微霜林端露圓
月遙峰水上青銀漢久已沒桂魄耿寒空幽光鑒
毛髮憶昔此佳賞經年限吳越世事竟倉皇迴思
成恍惚倚檻俯平野悲風千里發惆悵哀江頭黯
黯驚人骨

石曰後集

卷一

八

還黃叔宿園居

四海遽沉陸閒園多草蔓伊人勤剪除微尚成模
遁雨摧蘭葉衰露滋藥苗嫩晚韭命兒鋤午炊供
子飯濁醪激頰思片詞吐深怨數家殘燹在一鴈
雲中遠人生迫衰運安得遂所願青林數往來欲
別更相看

初冬還印度山居

林空苔還淺殘葉猶在樹杲杲日出微披榛得樵
路睽離越寒暑容色各驚顧我疑子更衰子嘆我
非故所求在衣食屢別寡惟聚有酒幾共斟無生

良足慕冥心投寂樂積想曠幽素寒溪更相送汨
汨流泉注

題吉人鵬池邨舍

邨扉栖野跡茆屋連秋水自逢人代改永願絕城
市廛廛原上田油油黍稷美亦有韓康輩蕭然共
鄰里簷茨值新剪古巷閑雞犬浦樹遠相匝林煙
欣可踐往來河渚游更歷幾春秋得似東臯子一
樽長勸酬

夜過田家

寒溪月初弦小艇細如葉水面光炯炯煙中人語

右田後集

卷一

九

接舉家方夜作爲我掃柴扉上堂無燈燭月色彌
輝輝新秫登在場黃糧春在白咄嗟具藜羹款曲
陳杯酒人生更何願桑麻共雞豚我適苦行役太
息此山樊

觀剗

嚴霜已淒厲我剗亦何晚頽日隱村樹斜光照高
阪農作滿田塍黃雲滾滾登偶來小溪側水色寒
且澄隣里皆穰穰悠然愜心想新醪正可把何必
松花釀

江舟將發餉印度酒兼言別

衡門兩相望難大了可辨如何林中葉一歲一來
踐人行荒巷靜日入殘鷗卷樽酒發顏顏非爲樂
沈酒殷勤此持餉契闊亦應展所恨水上帆飄搖
又西轉

別家

前月始入門此月又成別仲冬寒氣肅朝霜儼如
雪艤舸候江澣冰漸流浙浙宿裝曉將邁別語良
瑣屑趑趄更延步始覺語未竭我黍幸已收我廩
尚多缺買斧未買山青松何縣掇安能畢經營徒
使中鬱結惟有旦暮歸庶以慰愁絕

右田後集

卷一

十

十一月晦日喜雪簡與治

孟冬兩縣縣仲冬日杲杲翻思在田舍刈剗不得
早二麥宜出土久晴土應燥欣茲忽飄灑吟隰同
一編拂牖始聞聲綴簷未成皓玄陰結寒冽貞白
凝清灝積素良獨難紛綸亦已好所思限城隅彌
覺憂心擣

歲暮歸田里宿柘塘

歲行聿云暮征途乃于役寒日下山嶮遙煙障林
麓僕夫前告勞停蹇此投宿仰觀林中鳥爭枝亦
斂翮物情皆願息歸鞅何繇速寥落兵燹後幾家

守節屋惟有劉公祠燦燦仍唐額暝色翳簷宇欲
尋碑版讀茫然不可見三歎想遐曠

答金孝章寄書
我浮南徐棹仲春桃李月夜泊吳閶城嘉觀在明
發何意更參差邂逅同楚越十載一相睽不得展
乖闕孟夏桃李陰絨書達心魂欲耕無寸土四男
俱未婚世亂宜伏翼歲晏常杜門因風寄良訊感
子發深論

答楊曰補吳中見寄

避地家屢遷子居宣公墓渺渺懷清風千秋此相

石田後集

卷一

二

遇策棹詣爾廬情忻任洄泝花飄沿岸芳燕乳殘
春曙別離候圓月盈盈凡幾度豈無夙昔懽頓隔
平生趣碧草空復滋白門已非故徒然黯黯心共
向滄洲去

介立上人山房

白日厲炎景不上翠竹根涼風穿虛牖不離青松
門乞得十日住洗盡一客魂松陰到午碧蟬聲向
夕繁岩中時復爾不知寂與喧却共安禪千寸心
無不論

瀨江有一士爲吳見末賦

瀨江有一士短褐懷瑤瓊公車嘗北首顧盼升天
行是時帝在鎬雙關猶崢嶸河山一朝改棄置事
躬耕犁鋤雖日把衣食終無成前月渡江去昨日
返柴荆所向無一語歸與妻孥傾舍傍新買地茹
茨三四楹剥啄或時有剗切亦屢經干戈未止息
里閭恒夜驚歸馬在何日聊將問公卿同時衣褐
侶勿但飄華纓

雜感爲杜于皇作

荒亭費下竹中有穿雲聲賈人車下鐸能使黃鐘
鳴至音苟相合微物通神明朝扣富人門貧語多
石田後集

卷一

上

于皇舍中聞王子諒訃悲惋賦此

前日到君門君踏馬蹄塵今日到君門見君買尺
薪炊黍黍未熟長吁思故人故人王夫子輟餐餉
我貧相送渡江去遠隔泗水濱城中百萬戶使我
無所親門內聞太息門外傳寸鱗斯人溘朝露驚
怛呼蒼旻飯至不能啜我亦同酸呻前時一握手
後會長無因浩浩白日天茫茫要路緯死灰偏不
熱於人何足嘆

觀別者

洞庭四千里，驛駕將遠行。涼秋九月時，商飈促嚴程。踟躕別妻子，雨泣何縱橫。拭淚不能語，四座揖親情。我獨顧之嘆，結束返柴荆。雞鳴墟里接桑柘，淒以清霜降。葉漸落，歲功將有成。觀彼別者苦，知此歸者贏。終歲衡門下，驪歌永無聲。

別介立上人

東林黃葉遍，返素躡幽境。入山鳥始棲，開戶迹逾靜。釋子終日閒，晏坐冥真性。客至方下牀，齋餘忽聞磬。因投塵中語，不忘別時詠。露下籜猶飄，林中

石臼後集

卷一

十三

風稍勁，我耕湖浦田。子有雲山興，他日遠相尋。何方正禪定。

再歸田園二首

季秋寒氣薄，朝旭發前浦。楓葉儼未脫，蕭蕭數株樹。延佇盼東菑，遙遙見禾黍。新霜忽被隰，潦縮寒泉渚。天清刈穫始，歲熟煙火聚。翻思在行役，日以乖農圃。及歸將稚子，作勞庶可賈。

行役四五年，鬱鬱寡懽趣。所遭成末契，展轉失平素。昨得鄰里書，相勸早迴馭。晚禾頗已收，菰芡亦豐豫。及此果欣然，把臂共朝暮。勞勞涉津途，衣上

蒙霜露何必朽與鑿歸歟始應賦

贈于息菴

戚戚去故鄉，悠悠踐塵土。前年掛冠客，浹歲猶羈旅。山海昔嘗經，茫茫隔煙霧。仙宅近華陽，安能恣游豫。對田徑，屢荒蕪。岸舟偏，沝霜樹。喜同看宵春，足頻聚我觀。東陵侯迹遠，青門路世事渺難聞。吾生閒可度，無虞歲計單。兀兀傷遲暮。

傷齒簡束瞿先

緩屣到君齋，一吐三四言。君齋亦寂寂，寒日霜中暄。觀亦語方靜，問餐情彌溫。忽有軒車客來過，已

石臼後集

卷一

十四

在門悶然欲引避，未得即踰垣。徘徊始却去，不知行步奔。偶蹶遂傷齒，於此安心魂。魂傷多戚促，齒傷安足論。暮歸振野策，日色稜稜昏。

播種

浸種十日前，畦田成潦土。播穀及斯辰，安排事朝戽。早麥已變黃，陰雲疑作雨。四野鳴催耕，前村植社鼓。田家日不閒，風物亦可觀。

鳩營巢

班鳩非慧鳥，性不解製窠。飛來庭前樹，營巢占一柯。朝營暮還棄，所作竟蹉跎。世事固非易，家計莫

由它爾既一生拙一生將如何

麥雨二首

土中出蚯蚓簷外飛蟻蝶物微知天雨候至思田
功四月麥垂穗氛霧常飄空况彼桑上鳩相代鳴
雌雄天行既多潦穗根變微紅何當雲氣斂日脚
收殘虹虹收雨遂止我廩猶當豐

麥田足風雨頗亦厭淫滯屢值暄景餘盈畛見嘉
穗比年皆不登偶復得茲歲甫獲遭澍雨再宿恐
成沴祇疑東壁間白蛾早生翅晴光忽映戶畢刈
無復滯仰揆昊天仁及物已不細含菽自知難俸

石臼後集

卷一

十五

獲豈我智

芟麥

野田景氣佳朝旭出林表參差龍麥枯刈獲田家
早肆力敢辭劬媿我已衰老晨起呼我僕腰鎌趁
晴杲逶迤經術阡露濕煙中草草際雜花開斑斕
顏色好採掇暫相怡芳英何繚繞倬彼三春花榮
耀難自保顧此微陋姿燦燦何足道

種豆

身閒拙理生農事廣諮度開荒傍舍南一區今始
廓種豆仲夏月炎景初灼爍四體亦已勤息陰依

叢薄佳鳥語流轉方塘水澆潄泉源引脈深午日
蒸苗弱荷勸方自茲未暇往來屬

閒齋對雨

本非習世務時亦涉紛糾茲晨適無事展書對虛
牖涼雨灑平野輕風颺高柳既已盪煩蒸又以需
田畝志氣亦自怡耕作庶無負稍知是日開但覺
爲時偶平生諒如此於世復何取

溪行屢經亡友胡印度別處興哀賦此

濺濺溪水側是子門前路涓流亂石間褰裳乃可
渡憶昔造子廬款款平生故樽醪亦時有日晏未

石臼後集

卷一

二六

遑去相送屋東偏幽林每徐步欹岸注微波殘陽
在高樹情因老易悲欲別恆返顧茲來溪草綠偶
到臨分處予猶耿素懷子已長不寤流泣但徘徊
空慚子桑扈

泛舟往西菴訪于息菴作

溪水積夏潦小艇行夷猶鼓櫂事沿溯霽日蒸林
丘高原豐草樹新稼盈由疇依依岸柳密歷歷水
花浮倒木憩禪牖道言方見酬翠柏蔭簷際嘉餐
具來牟日入林鳥息形役殊未休非君同素願款
曲將焉投

將發舟往白門阻雨有懷諸子

五載客白門游好相與娛素交三四子旦暮情皆
舒自我歸湖田方秋春又徂悠悠思曩迹眷眷寄
來書春流期往溯遲回季夏初淫潦復經宿滯此
湖上艫佳辰一相失良覲遽難圖怕勞無時釋想
望空嗟吁

憫雨

農工日方作仰荷天澤施新苗有佳色蓄水初盈
陂方忻息灌注聊得弛鋤基何遭霖霖慘厲反
因之偶茲一日愆茫然終歲期追思昔少壯百憂
石曰後集 卷一 十七
不相結前途轉失策既老乃多悲憂生復促已
矣胡嗟咨

雨中遣懷

清夏意寡適閒齋晝陰陰荆扉常不掩罕有來相
尋溟濛陂澤霧漸瀝庭柯音水聲喧斷岸雲氣結
還林滯潦損良稼望歲傷幽襟營營詎能免彌非
塵外心

六月雨涼憶去年避暑高座寺介立上人院

因以寄懷

季夏盛炎節多雨變涼候繁柯滯層陰衣袂衛形

瘦隔歲南朝寺竹林敞晴晝虛牕度澗羽玄偈咨
神秀別來運忽周念注迹如覲石上閒清颺煙中
翳遙岫遠懷清淨子籬扉復誰扣

陳翼仲過里舍因同觀湖田刈稻作

授衣返田畝郊原遽寂歷君來值秋稼入門場已
滌渚白縮寒泉楓丹暎榜櫟墟中旭始升樹下露
猶滴湖田際晚收早穀克家食慚非四體勤頗踐
三農跡蔗漿及斯辰茅茨有餘適

同翼仲汎舟過溪橋作

雨多溪流長水滿一邨綠露氣自澄鮮秋林未蕭

石曰後集

卷一

二

索漾舟楊柳嶼撥棹溪橋曲中流荇葉翻轉岸亭
臯屬暝色響潺湲煙霏睇茅屋乍聞雲際鐘忽憶
招提宿

潘江如徐旻若徐案之枉過湖舍因贈

孟冬寒氣薄楊柳半垂榮客從南徐來水落澄江
清揚舲沂金瀨遵渚枉茅荆潘子既國秀二徐皆
嶽英懷中出嘉藻朗詠金石聲東菑忻時稼登薊
亦暫營幸以供梁黍況未厭藜羹霜天疎樹直浦
嶼孤霞明牀頭一斗酒淹留尚可傾

次徐案之九日詩韻

九日天逾白孤雲欲去難江村原寂寞風雨亦能
安遠道懷書札空林度歲寒閑門一迴首黃葉眼
中看

舵折

扁舟宿湖浦凌曉風太猛出浦如簸颺驚濤漸狠
橫漩渦忽折舵同舟皆縮頸前進既無具後退真
有幸遙看百斛舸一沒在俄頃舵折本危機賴茲
脫深窞

蒲塘

朝炊棗樹巷欲上蒲塘船蒲塘風勢惡舟繫莫敢

右白樓集

卷一

七

前努力逐前侶路仄恒虞顛小樹如車輪空腹聲
聞聞此樹雖偃仆崢嶸數百年視我同嬰孺性命
真可憐何爲輕道路一蹶鄰重淵顧茲忽三嘆衰
步履踴還

魏吉人六十詩

六十世云壽我叨一歲早茲辰爾降辰次第成衰
老容顏少日顰顰頰頰齡槁君來勸我觴西鄰新
撲棗我注進君酒東窗正獲稻風景只如斯去日
苦不少獨慚禽與尚悠悠空此抱

訪茂之值他出知其目醫漸除志喜

扣戶覲君在數語如傾囊不知君已出此事殊非
常我來足有胝君出自有光頗聞行挈杖非復昔
捫牆愛君論古事入耳同笙簧矧茲目炯炯迥異
張文昌粟空餅倚壁偶步情徜徉儻能共妻子揭
拾相扶將

舟

行路憚水宿僦舟屢執掌顛軀厭煩促稍規得虛
敞入舟意雖愜頗亦怨多鏃曉色果夷猶水煙入
空朗布席始從容觀書作偃仰俄有帶劒徒十輩
登子舫津卒勢如彪袒卧成搶攘斂手不敢呵喧

右白樓集

卷一

三

默久情恍方知窮寒人快意徒仿象舟小無是非
書之令意廣

秋雨遣懷

秋霽厭久燠頗憚朝曦耀密陰驟一雨沾灑遂爾
妙煩襟渙然解微疴始堪療商飈從西來倏忽振
萬竅木葉儼辭枝寒色凌晨峭蕭森遽如此候至
誰能料俛仰逐形役既老不再少物變徒自傷悲
來獨長嘯

家園九日

雨霽南山出難離鴻水蒼不知蕭瑟候風物已重

陽廢園菊初綻殘村黍徧黃白衣殊未送綠蟻豈
浮觴佳節頻年隔故園此日荒傷心非復
舊柴桑

報恩寺訪曾升伯先生已還太和却寄

月出潮已滿招提聞暮鐘寄書隔三載風雨來相
從明宰駕言邁江雲更重重始知潯陽櫂早過香
鑪峰巴國館一綬昔爲望帝封政平休訟芋寇靜
惟輸實衡鏡絕撓枉艱危厭尸褻符竹方再剖顏
色何繇逢予隨越溪鳥翻飛海曲踪東南八九月
草色猶豐茸遙想彭蠡鴈日夕鳴嘒嘒

石臼後集

卷一

三

和汪希伯歸稼

弱齡好稼穡至老乖前期遠遊觀種蒔感嘆良在
茲山川雖信美欲耕園田非日月日流景血氣我
所知故人下車揖戴笠行何之腰鑱盼秋月東屯
亦匪宜努力事下隰豐歲非人爲

送蔣泰占壁生還青田

與君兄弟別遽歷三寒暑南望括蒼山迢迢在何
所客程三千里極目傷平楚握手此南徐傾盡平
生語黯澹問田園倉皇訊兒女一懽方得展明發
成乖阻孤櫂度錢塘猿聲傍行旅鄉思正斷絕後

會徒延佇念此屢回首悲心盈浦澈

省弟疾

弱齡因寒壯衰歲乃罹屯伊余逐蓬蒿顧汝守荆
榛睽離七八載榮獨多悲辛每帶榮期索恆懸原
憲鵲藝蔬當織履抱甕無冬春性尤薄世艷揮之
若泥塵疑我以羈旅於世或溜磷悠悠感此意內
省孰無因崎嶇邁疾疢所憂非採薪饑寒失夷途
跼踖凋形神靈藥安足輔含冲保爾真

春日陳翼仲邀看玉蘭阻不往因簡

昨日湖上來芳春景初淑盈盈水邊柳垂條始含

石臼後集

卷一

三

綠負擔入城闌此景曠然隔聞君園中花臨風正
芬馥况與朋好偕壺觴寫衷曲乖阻復奚因莫能
恣游曠人生苦羈縻何事不局促所懷非一端即
此腸轉轂

二月晦夜雨

春氣未覺佳曉雨夜不止薄寒中我肌愁坐安能
理遙想故山中徧開桃與李屋上鳴村鳩門前長
春水戚戚蘊憂端四時無窮已所嗟值芳辰抱愁
從茲始

齒落

伊余昔早衰齒落亦云屢自從三十後歷歷遭斯
苦阨隍漸成搖攻煎恆作楚今年衰更加左車俄
脫輔存者復有幾後凋已可數殘生飽麤糲肉食
計無取庶惟蘇子言火候瓦鐺煮我力寧辦此一
笑空相許諒應茹菜根踟躕吞復吐

對雨懷田舍

曉色燕啣泥飛來梁上栖風吹一日雨小沼柳初
低昨聞鄉有信苦雨三春併麥爛半無根莎青又
成浸霖霖轉相關飄簫衆綠間燕飛猶帶濕客思
那能閒絲絲斷復續思與孤雲逐歸去著蓑衣煙

石臼後集

卷一

三

中赴黃犢

三月十四夜望月次丙戌三月十四夜韻

雨止月亦霽輝輝滿前楹微鐘出遠寺乍使心魂
清撫序感身計田廬半無成惜茲娟娟月爛熳春
江平忽復思往歲徂光令人驚一歡反惆悵何以
稱達生

再送祖心歸嶺南

爾昔離惠州來從白雲外草履踏長干正值陽九
會路遙歸不得世亂愁相對豈知三歲間倏忽成
前代五嶺幾時開孤舟此日迴言過彭蠡渚遠別

鳳凰臺兵戍蓬蒿徧鄉心城郭摧三衣行到海十
月又逢梅人生聚與散誰道非空幻殷勤別後書
當寄羅浮鴈

客齋

鄙性薄城市久居春已徂故廬隔何許夢寐思菰
蒲今朝客齋裏頓覺景色殊碧池華館映嘉樹清
陰敷上彼亭亭閣撫茲鬱鬱梧風以虛徐善心因
極望孤於焉遷我榻偃息安微軀偶境豈非適盈
懷反無愉苟人愛佳賞怪我何躊躇

偶步池上

石臼後集

卷一

三

朝來雨初歇始見水生池池邊桃與柳碧色紛相
披孤花炯幽砌灼灼開何遲忽憶同懷子晤言宜
此時悵然不得見寂寞空淪漪

始遷新齋對月簡翼仲

庭前佳樹光皎皎天中月纖雲尚往來仰觀候已
沒宿鳥既不飛鳴蟬時未發惟有一孤影聽鐘坐
成厄繫昔南鄰夜良覲猶多闕况茲非比鄰勞思
逾恍惚流輝墜藤蘿彷彿在林樾相望縈我神安
能不超忽

僕歸

爾持數行書前日發湖浦三宿至我傍每不辭寒暑我情已戚促爲感書中語艱屯汝所共併此馳驅苦茲辰乃告歸安得不凄楚征途爲汝累使我慚羈旅囑爾當更來斯言竟難吐惟應一片魂脈脈隨爾去

寄書

頻歲辭故里徒懷亂世憂豈無山澤佳而乃人間游世變日滾滾故里日悠悠昨傳一書札苦畏城門搜書中復何語良爲空甌愁貧語人雖鄙未足成譽尤我何獨傍皇如彼海上鷗迴翔思欲逝夢

石臼後集

卷一

三

寐空滄洲

雨中作

季夏始苦燠形羸憂未央滂沱對簷雨始覺締綰涼庭柯洗衆綠瀟灑映虛堂而我中所懷遠在葭菼鄉新苗眷嘉澤溝水生菰蔣衡門俯眄隰開戶時相望歸歟豈必晚庶及此登場

讀史

安石起東山橫流滿天下巨敵壓淮淝鼓聲震中野命駕游郊墅意氣何閒暇功成讓諸桓斯人誠大雅鄙哉效顰子談笑輕宗社紛紛狗續貂往往

鹿爲馬王爵廢盜賊同袍耻相下千秋此江左百戰爭雄者云胡一歲間零落如崩瓦

病

離居淹歲序中夏病仍侵神氣一蕭索外診宜相尋庭前兩佳樹翳翳綠成陰豈不足幽賞偃卧惟呻吟展書偶踰晷往事勞如林感之復浩歎二豎遂以深悠悠大化內榮悴疇能禁百物盡如此舒卷雲無心仰觀浮雲影可以喻冲襟

聽鷓

雨歇霽景薄白雲尚遲遲幽音忽瀟灑端坐聞黃

石臼後集

卷一

三

鷓應知戀嘉樹不辨在何枝故里垂楊岸迢迢動我思

螢

涼雨響枯池濕螢池畔影熠燿點花叢依依共閒境夜寂思轉繁風迴光乍耿離懷畏及秋值此愁難整

寄謝韓元長餉穀

昔我事旅游玄髮始變華遵途亦已屢決歲恆辭家有已不自謀世事彌紛拏悠悠逾十載一飽期猶賒昨聞寄來信數口饑無涯炊珠值春雨懸金

空谷嗟感君相餉意矯矯如雲霞湖田諒已耕焉
望簞與車所知東臯黍可敵青門瓜草舍朝驅犢
菱場晚牧豕禾成秋社早桑落牆陰斜共君祀田
祖醢酒看神鴉

效古二首

霜降水始涸澤腹成堅冰置灰列葭管爲候微陽
升一息苟未回不得見陽春灼灼桃與李光艷驚
時人雨雪方晦蒙天地良苦辛

猛虎行山林威令百獸避當其怒食人不獨爪牙
利藜藿苟不採何必騁虞瑞一朝失周防咆哮反

石臼後集

卷一

三

成斃窮人或未悟啞啞笑螳臂

得楊曰補答寄乙酉

昔別在京口顏鬢兩蒼然冉冉更幾歲忽憶亂離
前中原始陸沈江左勢將渙日夕對江波俱發神
州歎干戈一飄散子豈無驚奔遙思率妻子茆屋
潛吳門昨得數行札仲冬霜雪裏書至動經年悲
來隔千里云已安耕鑿經始光福山猶嫌山尚淺
未必同商顏報我平生友相傳今死矣太息總情
親淚落不能止吳中前月信鋒鏑徧城西君家距
幾許得無掠犬雞死者已神傷生存阻遠道惟有

數寄聲殘辭慎相傳

立秋前一日雨夕二首

微雲飄已散
亂夜涼星散
秋風逼河漢
誰言此夕魂祇爲雙
星斷

澄澄天宇廓冉冉朱火流鬱鬱梧桐樹一宿成新

秋投林感歸鳥渡漢睇牽牛適此懷中札寄遠寫
離憂

雨憂二首

涉秋未逾旬凝陰連數朝衆木儼欲脫迅激來商

石臼後集

卷一

三

颺一兩夜至旦感此聲蕭蕭前月苦霖潦已聞傷
我苗所望及秋霽穎粟尚可邀深恐遭斯虐其或
成飄搖未期入倉廩庶足抵征徭歸休白露後霜
鎌行可腰想像榆柳殘擊豕方迎貓

仲夏詩插遲積潦下田沒連朝聞浙瀝復此流火
月霏霧入簷檻濃陰午未發春言我南疇白水應
汨汨西成雖匪遠安望秔與秫斷壺載幽風日給
須此物緬懷屢搔首坐使數情關

讀祖心再變紀漫述五十韻

推戴非在神九州始破碎書末雖一隅形勢東南

會我皇東佳港兩泣面如赭臣民盡驚呼
可配史公踐台斗心赤當時最靈臺占紫氣恍惚
嘉祥屬亡何變氣祲太白垂天戒宵光晝炯炯百
日猶未退咄哉夜郎人小器自矜大入手事擠排
持權誇擁戴朝廷一李綱不容密勿內貌猶本在
野抵死呼朋類赫赫先帝書翻案神靈慨誼士惜
繁纓兇黨蒙冠帶從此問王綱解散隨塵燼貂蟬
併銀斧顛倒弄機械人心二豎灰世事長江敗洎
平皇輿播臨軒曾召對出奔忽異道此事令人怪
得非靴中刀凜凜惡姦憎所恨喪亂朝不少共驩

右白後集

卷一

三

輦城頭豎降旗城下迎王旆白頭宗伯老作事彌
狡獪捧獻出英皇箋記稱再拜皇天生此物其肉
安足噉養士三百年豈料成狼狽幸有兩尚書臣
節堂堂在又有楊中丞甘死如飲瀝嗚呼黃祠部
刀鋸何耿介即吏及韋布一二更奇快吁嗟郡國
英螳臂堪一喙宣歙始發難戰血塗草萊麻生怒
衝髮氣作長虹掛松林戰尤苦婺女兵終潰吳子
要離烈張朱俱慷慨我悲黃相國絕食經顛沛海
上王將軍就死跡逾邁此紀乙至丙大書得梗槩
正氣苟勿渝細不遺鬚髯倘非斯人傳乾坤真憤

憤大師南海秀竄立風塵外辛苦事掇拾微辭綴
叢蒼毛雖逐行脚蠅頭裝布袋前日城門過禍機
發迨避命危瀕伏鑽鞠苦屢加欽良以筆削勞幾
落游魂隊諸方尚雲擾瀕洞勢未殺雖然怵網羅
慎勿罷紀載伊昔鄭億翁著書至元代出土十載
前金石何曾壞

秋熱

仲秋零露候炎景仍赫赫十日被暄蒸揮汗流几
席閒牕屢廢書中抱殊未釋卧起思涼風仰睇白
雲色且欲將煩暑未暇畏蕭瑟感茲成蹉跎展轉

右白後集

卷一

三

彌日夕

雨涼

秋霽厭久燠頗憚朝曦曜密陰釀一雨沾灑遂爾
妙煩襟渙然解微疴始堪療商飈從西來倏忽振
萬竅木葉宛辭枝寒色凌晨峭蕭森遽如此候至
誰能料俛仰逐形役既老不再少物變徒自傷悲
來獨長嘯

陽邏汛

艤舟陽邏汛紆步陽邏寨疊石儼城堞禦暴有深
戒頽墻幸未壞猶是楚關隘荒蹊衆莽遮數戶殘

陽在遠適棄柴荆乍歸理畚簣新穀始春糧中雜
穉與稗瓜青併交紫稍稍已充賣昨過武昌兵驚
奔如避薑吁嗟麻城賊復屯百里界父老一二人
問答形羸憊其言絕酸苦兵賊迭近邇破廬雖暫
息終亦成于邁旦暮此偷生吞聲死茅蒯

九日社集與治新齋分得宋字阻雨不赴

涼天邁重九嘉名古所重爰失城南期野步何歸
縱遙思風雨閒清齋集賓從白衣應餉陶章甫乃
悲宋葉零響簷瓦苔濕履石縫觴酌偶相睽茱萸
悵靡共尚想撥九華延齡庶可用爲問東籬人黃

石臼後集

卷一

三

花豈曾種

高座寺尋介立上人作

黃葉落未盡招提猶是秋因耽清寂境更上西齋
樓風榛蔽遙阪寒景下荒丘惆悵故情歇難爲永
日留

城南一章贈潘江如

城南四十里蜿蜒森衆岫下有一孤塚蒼翠依荒
阜中埋窮奇骨縱橫應未朽若教鬼且餒白日狐
兔守當時路要樞氣勢凌台斗凶威煽一期皇圖
散九有誰知錢唐軍再落巨姦手甘作中行說莫

顧漢恩負君昨過其側憤激徘徊久衣冠葬董卓
雷雨驅棺走林甫禍唐社事定斷且剖斯人胡未
然天道有先後

送江如還京口

朝出遵江渚離憂不可撥昨日把君手今日遽成
別新霜被百草北風始颼颼中情鬱未舒泛泛廻
輕舟三歲懷一語欲吐還局促世事如決川低頭
終默默蘆荻夾兩岸淒咽鴻聲繁白花飛浦漱黃
葉度海門京峴昔游樓廻環來夢寐君歸掩一關
寂寞焦山寺

石臼後集

卷一

三

答沂公見寄

聞君賣藥處故肆惟單樓軍營列左右時時聞鼓
鞀伊昔喪亂始分手臨路岐別來逾三載亂定無
端倪載咏寄我作黯澹江風淒山川久寂莫衰疾
成乖睽徒慚報瓊玖更欲乞刀圭城南招隱寺想
像同攀躋

悲哉行

缺月有清輝皎皎明霜樹落葉滿庭前飄飄散還
聚義輪變寒暑飛轡莫能禦天運久已然及此重
猶豫悲哉復悲哉寐少恆多寤

偶興二首

霜曉日易霽歲晏成羈離方池無尺水數樹惟空
枝手中把一卷愛誦高楊詩其風淑且美如覩大
曆時聲俗趨變詭太音不爲移倘非嶢谷筠伶倫
將何吹

一歲又將盡寒景成嚴冬霜乾梧桐葉著地聲琤
琮運周日馭速宵長歸夢重本無汲汲志胡有戚
戚容未耜間倚壁衡門慚老農

冬日同徐州來崔季韞莫愁湖眺望

霜霽天更清衆潦縮而小澄泓莫愁湖微波猶綠

元日後集

卷一

三

蘇演漾餘水木彷彿動寒藻耦勝樂嘉招出城即
幽討閒亭息游侶煖日逢魚鳥乍憩慮已遣躊躇
魂復悄回思四海晏樓閣此中好風景豈復有世
事以紛擾峨峨清涼山黃葉落漸少蕭條亦如此
雲煙互繚繞

客齋題壁

一院落殘英初來聞晚鶯沍寒俄此日候轉成嘉
平我懷共誰道歷此幾昏曉嗟苦向空庭一日千
迴繞歲暮忽言回聊應懷抱開如何臨欲去回首
更徘徊

訪萬年少

城南路逶迤水竹亦清妙早旭破煙霏高松掛蘿
萬江海亦相逢雲林斲成笑春郊碧草多明發還
來眺

雜興

荀卿論王道卑秩安一命李斯相秦皇燔書禍先
聖兩人若溜繩束脯毋乃病下慚青門侯上媿蘭
陵令

淑氣被百卉蒼鷹化爲鳩形體雖小別心性未和
柔桑堪食不足好音亦難求萬物貴本性變化安

右白後集

卷一

三

能謀

閨雨

家貧守稼穡天行貴其貞冬春失陽曜霖潦縣十
旬冰霜結桃李沍寒屈芳辰積陰令方忒抱愁時
正屯殷雷浹昏旦望歲嗟農人林禽晝寂寂陂水多
潏潏明當扣田畯秉耒猶逡巡

廩空

身閒寡事役汲汲無所成新苗方出水困廩先已
傾覲持以餒腹崎嶇適友生所覲得往飽安敢希
歸羸丈夫四方志家食固當輕拂衣對虛廩中心

亦難乎

同息菴游雲林園

時主人出未返

蒼然陂水際演漾抱羣木歷覽踐幽磴虛闕乃延
客憩舍葺荔風逕斷莓苔躅捫蘿紛磳戶倚杖頻
漾漾偶游逐清景廢賞疑空谷微尚與君同長林
慕呦鹿偃仰不能罷斜陽更流矚

水次見饑人

繫舟求岸火到岸煙火寂高樹水侵腹敗茅波動
聲雞犬一朝無蓄畝三歲絕窮簷一飯老向我語
歷歷言茲所居屋得賣充粒食不見廣川渚巨棟

石臼後集

卷一

五

連舸艤爾茅易升斗何以繼釜鬲此意絕悲愴所
圖朝與夕微生復幾何重壤豈云逃

宿甓橋

白日川上沒利往行當弭遠浦闊無邊維舟綠楊
溪人家水浸扉煙火清秋裏樹杪汲寒流波心躍
頰鯉停鱸夜始寂撫景歎方起水宿屢徘徊餘霞
空若綺

與見末別宿舟中作

款款園田留漠漠新秋夜夜露濕莎難流連語初
罷解纜一揮手惆悵月明下岸迴林木重猶似見

君舍少壯各饑寒殘年操耜耜塗田歲不登豈遂
薄躬稼

吳中歸過湯仍三田舍留信宿別

川途經再宿弭櫂來衡茅雲峰散平野日氣浮林
梢扣戶驚閑寂戶外猶紛呶涉溪刈早禾過午舉
中庖紅蕖粲新色白魚充嘉餼偶此樂閒逸一繫
同秋斃明當振去櫟塵塗徒自嘲

獲早稻

本不開農務類齡味種陸望歲欣田功從人咨土
穀春霖潄溝澮夏潦瀾川漬早禾遂受傷咎頗因

石臼後集

卷一

五

願速如茨穗不充既穎猶匪熟登新雖旦暮畢斂
徒局促田家寡豐歲庾廩安能足所嗟築場始莫
饔饔與粥

種菜

農工一自疎百度總踰慢蔬圃久翳如寧非理生
患鋤荒去衆草零落瓜與莧購種頗及時引溉詎
應間青青庶可悅繞畦行已慣此物幸能豐樂饑
期歲晏

哭胡印度二首

衆人各貪生洞盡靡不然君已祛斯累憑化聊忽

遷哀樂復何有顧余未能捐嗟悽追往昔再歲逾
縣縣茅茨儼虛位殯宮屋西偏遊塵積素几零露
被荒野貧巷氣淒惻淒縮無流泉生死豈云隔徒
悲化者賢

少有四方志雲山愛霞緬晚歲守舊廬蒿萊每不
剪空中無餘物遺書將竺典適意蕩情塵微言無
俗砭君於大化間已得隨舒卷追思屬續辭萬累
靡不遺音形無再覩脫畧余多覩落葉紛故林跼
蹐淚猶泣

落葉

石臼後集

卷十

七

秋盡萬木凋落葉紛滿庭林中落未盡一二猶青
青霜華白晶晶日車無時亭蕭條晨飈急絡繹同
飄零萬景靡不然相逐歸無形所以古時人濁醪
養殘齡

雜感二首

二

焚焚市上金攫攫千夫指一士獨斂手覲然抱深
恥衆人飽糲腥此士惟飲水豈無尺寸謀跬步同
萬里棄置復棄置錐刀難爲理
糲食不可克敝褐不可治白日行路衢枉爲衆所
嗤返步掩蓬華盈案羅書詩本來與爾曹判若澗

與淄彼此更相笑貴賤要當知

寒夜對月

仲冬夜氣肅霜落淒淒且紛寒宵暖孤鴈皎月開纖
雲月色既盈把鴈聲亦嘯羣悄然離居子含意空
殷勤

山居偶興

首夏氣始煥喬木紛蔥蒨碧草露偏滋朱花晚猶
絢荆扉寂無喧卧起臨書卷牕外鳴嚶嚶新鶯歛
不見時睇遠山雲卷舒日千變夙昔安可懷忽復
傷流電

石臼後集

卷一

三

觀田家

晨光射林早百舌鳴初夏披衣沾草露刈麥鷲中
野日午荷檐歸春聲隱茅舍村饑始出煙歲荒仍
罷社東鄰釀可沽無心更傾瀉辛苦竟如何白首
腰鎌者

答虞仲徵見寄

與子隔山川逶迤川上路煙扉散遠郊春水生南
渡憶昔城東門徘徊芳草步五載易星霜顏光安
得住忽枉幡髮篇彷彿清景遇我思王無功矯矯
抱幽素婉孌子光游斐亶河渚賦心賞白牛溪流

連寄遐趣

哭韓茂貽

斯人無以生在世誰後凋繁憂促還景中歲形神
銷韓生東南英逸氣雲中鵬家繫金閨籍身吹吳
市簫奮迅感國士竄逐甘簞瓢悠悠無根蒂落葉
同飄搖十載一相見握手茅山椒平生不得志奄
忽隨風颺精魄逐流水當過豫讓橋徒慚朝川老
慟哭悲殷遙

同仍三過禪河菴

數里接遙林悠然罷囂氣因循碧溪曲演漾林端

石臼後集

卷一

三

雲拂簷水禽去依席山花薰日午一微磬塵中何
繇聞

瀾瀾水氣升黯黯林影濕解帶蕩浮馱步蔭觀新
汲老僧引黃犢耕鑿良自給日永無往來風踈變
炎節欲題數行字無處求烏玦有客似宗雷徒令
言語絕

六月曠旱憂苗兼絕穀已久爾止在蕪江將

赴太湖寄米一石繼我炊煙賦答

既衰生轉拙於世靡不艱皇天粒蒸民嘉澤胡其
慳我廩久已虛稼穡安可攀所希饘與粥不墮茅

與管故人隔他縣滄洲決滸間遠餉情溫溫寄書
開我顏顧子方尋旅次逢祖河關饑寒憫白髮寒
落思蒼山置書想天末淚下空潺湲

鳩茲旅空

貧旅不可居在家已踟躕出門猶昨日今日羞旅
廚跋履持一食踏塵爭九衢行者皆有求意豈與
我殊東門相識人難以託賤軀

傷于子桓

積雨動離舟門前秋水寒別緒已含懷緘書更徂
歲書中吐亮辭於世無多意思憶平生懷躊躇熟

石臼後集

卷一

四

肝肺蒼旻何其悠白日忽西墜人生如春冰一泮
成東逝日夕茅嶺雲相看隋悲淚於世無多意
子桓書中語

遣懷四首

曉霽散餘氣窮巷猶閉門攝衣起羸色開扉睇遠
村獨鳥始矯翼陰雲亦尚繁悵然忽不樂我何在
丘樊賢哲古已然獲隴思顏原

冬野更無綠斂薄間里單日晏棲衡門熒熒息遊
盤暮禽投嘉樹故巢猶未殘苟以蔽風雨已足窮
歲寒憶我同心友華轂驚長安衡門豈不佳無侶
誰爲懽

盤櫛坐西軒嗜古頗幽討迎暄意始愉日出正杲
杲欲盡數篇書景短去我早自顧與時人趣途久
顛倒白日不照余中情何足道

一身豈無累端坐畏鞅掌林霜摧樹枝野雪塗草
莽貧賤各有適墟里自來往所向亦多窘還歸我
獨愴虛室夜景微羈鴻遞哀響

再寄于皇

旅次共都門躬耕返湖縣畬田春每深帶索日將
晏兩歲歌商羊室廬產蛙現一年遭赤魃阻饑更
相薦謀食竟何得越越歲云變圖把富春竿欲棄

石印後集

卷一

三

君苗硯君紆泗上游復滯廣陵譙廣陵有知己與
我未交面蘭茝本氤氲芳林滿郊甸將寄數行書
望望西飛燕

臘日

浮葭應新陽璇璣轉昏宿荆扉朝未啟我屋嚴霜
覆敝衣暖漸微塵鑑形逾瘦展轉寒沍辰蕭條嘉
平候拙謀已寡成長策終悠謬沮溺豈非賢耦耕
良自救瓶儲本易殫所向紛何就惟有麥苗青庶

聞春雉雊

酬楊明遠寄懷古堂詩兼寄曰補

亦是衡門士寸心有所期郊扉常獨掩樂與州府
辭昔我髮早白見子弱冠時皎如雛鳳姿偃息梧
桐枝十年一相見遂振風人辭古調每自愛新聲
恐見移吳閭隔千里遠寄懷古詩爾翁非齒茂與
我亦肩隨世已厭屯否景多頽別離如何雲間翼
不覩一書遺

湖舟避兵逢吉人飯柳林下賦此

曉出屢侵星征途諒茲始妻孥載一舟局促兼行
李顏色各憔悴沉吟對秋水中路逢故人輟棹俯
清汜列坐暫成懽樽酒出嘉旨世亂若奔濤我行

石印後集

卷一

聖

將安弭中情方欲吐淚下莫能止稍耽柳林靜漸
覺尊羹美此土豈不佳皇皇去桑梓日暮遠分手
臨流更倚徙

爰弟亞貞四首

我適有行邁弭棹臨春湍羸疾起相送數步語辛
酸仲夏始得書頗言理生難小愈失同防蹉跎成
翻瀾回思初別時形神猶未寒豈知隔生死即此
子才棲窮簷一生諒枯槁爰耽竺氏書冥心寄幽
討柴門罕剥啄相過或田老有時斷來往累月迹
如掃安塞故無營味腴類有道長貧人所輕焉測

爾溪造黔婁隨化遷斂形亦草草顧予纏一悲通
識魄不登

有形歸一盡嗇神乃獨遷斯言屢見告聊欲比韋
弦從知攝生理此定非茫然六九雖已踰中壽非
長年視子流浪者朝露反居前茹糲成久甦自云
山澤妍高譚出窮巷落落金石堅賞音眷潛德身
歿庶當宣

同氣歷五紀齒髮各已衰零落理將及不謂遽違
茲年長事行役歲歲多乖睽幾回同伏臘杯酒懽
相持誰令隔鄉井一訣竟參差前年俱失恃脫衰

石臼後集

卷一

四

甫一期相隨到萬里豈無我母慈蕭蕭指丘隴歲
暮寒風吹伶俜撫弱息泣淚空交頤形影歸虛無
後先皆若斯了知行復爾賴此緩予悲

觀蒔秧印度適至留飲賦此

田家占氣候蒔插恆恐遲茲辰藝我黍偃息良匪
宜雞鳴催蓐食宛轉循東菑歷歷數農人行列無
參差開翅若風雨塗體弗言疲烹鵝具壺餐聊用
斟酌之吾子忽來覲傾杯話茆茨各云南畝務畢
志惟鑑基少壯多所誤及此方嗟咨衰年尚可策
乘耒慎勿疑

夏日同麻聖獵韓元長過魏臞人吉人山莊
時有武昌之游因以贈別

三載別君廬愛君門前楊颯爽延清風綠陰滿庭
戶脩脩數子賢越陌更踰阡相懽出雞黍因與話
耕田緬思漢陰老俱言息機好如何有行役遠涉
千里道惆悵動離顏淒其樽酒間秋風溢浦浪江
月武昌山武昌新戰地楊柳多憔悴漢上轉含情
樓端獨流涕霜天穫稻功此際憶衰翁倉廩如相
慰甘心再轉蓬

梁山

石臼後集

卷一

四

宵泊蘆洲月枕上聞潺湲雞鳴峭帆起洲勢多迴
環開牕眺前浦忽見西梁山蒼蒼碧靄裏演漾晴
波間東梁相對出蘚壁儼如鬟翠削類中斷絕頂
殊可攀凌風去何駛聊得舒心顏不及巖頭鵲終
年巢此間

紫沙洲

江空炎氣斂日暝紫沙洲遠嶂疊前浦千帆入安
流岸上八九家茆屋青峰頭此地昔繁蔚夾道多
高樓亂離更幾歲雞犬無遺留歸人拾瓦礫遺構
成綢繆居者出未返煙火通清秋怡怡兩穉子宛

轉嬉門阪我心忽傷此三嘆倚行舟

銅陵縣

曉發丁家洲廿里銅陵縣泊舟西郭外高浪濺人面荒榛塞微徑殘礫空一片城門接江汜蕭條開日晏前年左帥兵焚燒恣兇焰當時清君側軍聲直如箭殺戮及無辜人情遂中變翻使二賢子日構臨江戰土崩與瓦解萬事同飄電登臚撫疇昔歎歎淚成霰

泊銅陵望九華山

夙昔思九華靈山邈未踐艤舟泊江郭九華忽在

石臼後集

卷一

望

眼紅霞細嶂分黛色危濤捲百里蘊神界九峰勢莫辨攀登興已遐寓觀神猶緬空令脈脈心隨波杳無限

謁余忠宣公廟

元曆忽垂燼諸方嘯似毛憶公皖江上百戰一干旄薰鼠頻搏醜殲鯨誓飲膏援無李獨眼賊有趙雙刀矢盡朝乘障城孤夜掘濠方池猶止水浩氣即成濤禮祀馨秋芷荒祠布野蒿捐軀成烈士肖像及兒曹細踏殘榛徧因尋斷碣勞神來虛劒曷巫舞失笙鼗茲地又多故如公豈易遭一人三百

載方信此雄豪

陶淵明故里

征驢邁長汀遠涉潯江汜弭棹入煙霏彷彿柴桑里絃歌非夙志千祿諒云恥浩然輒歸來悠悠此桑梓門前五株柳歲歲搖春風所與共杯酒唯有南鄰翁敝廬固足喜獨處乖深衷耦物更為累東林辭遠公人生肆愉悅一往從舒卷况與屯運并縱情乃沈酒世屯已復爾所適多屯勉千載想遐躅展轉令予覲

聞介立上人舟中誦楞嚴經因贈

石臼後集

卷一

望

前月偶下山荷策逐徒侶坐使山牕竹清陰虛磴戶沙頭纖雲卷波上微光聚經聲落寒水夜色止鳴臚雖復寂無言有時還一吐却憶莓苔巖披衣屢相佇

同子京觀察登九江城南樓晚眺即晉征西

將軍庾亮晏賞處

泱泱九江口日入煙濤深登樓俯危檻近見廬山岑昔人此晏賞嘉月陶幽襟長使千載下緬想南樓心孤城何蕭條殺氣餘秋陰交衢無人行荒榛遂如林撫事遠成往含悽悲在今履運適如此憂

端苦沈沈

古意同大安和尚作

衆潦始歸壑大澤終茫茫西岑蔽曦景東谷升幽
陽羣生天地間憑化各自傷離離秋草根汨汨鳴
蛩蜚鳴聲雖惻惻於時莫能藏而何獨辛苦白日
如相忘

率妻子避亂湖北二首

前日載一舟戚戚去我廬沿洄越郊垌暫使心魂
舒主人適親故延我廡下居良以話疇昔杯盤薦
嘉蔬一杯未及飲兵甲填村墟東鄰遭殺戮流血

石臼後集

卷一

四

沾庭除驚呼將嬪子奔竄出門間信宿逐葭葦茫
茫安所如俄聞前灣信仰天發長吁殺人蓼花渚
弭楫仍躊躇悠悠俄頃間盡室將爲魚驚定更相
顧幸哉此難紆轉思涉艱險涕下沾衣裾

淼淼湖光白倚橈望北斗朝霞發東渚始見沿堤
柳暫泊蘆中炊淹留那得以進速港路失利涉反
在後日午聞雞鳴停驢值林藪登岸扣田家惓然
執余手爲我掃茆茨清川帶左右齒衰寡夙好何
意逢嘉耦幽獨喜能諧柴荆足共守新穀況已登
湖魚方在笱努力保此生壺餐肯相負

白骨

水濱積人骨往往蔽秋草云此新戰死雪色猶暈
暈見者雖嘆息一過罕傷抱良以所遭多泯然無
復道草根及沙際衆骼莽顛倒楓林寒未丹江月
曰已早豈無泣游魂哀哀向清昊

讀大安和尚詩因答

弱齡頗耽詠好古情所安遵途測靈蘊浩若溟渤
寬義義孝宗朝哲匠蹇龍鸞其風復元古異代揚
洪濶季代士多孱望洋莫能殫力微出怪詭永使
元聲殘繫君獨不爾喜窮要渺端予雖鄙蚘蛄顧
亦慙蛩蛸酸而奚枉瑤贈反覆且三嘆繇來賤者嗜
罕爲當世歡蛩蛸鳴徒戚促君宜恕苦寒

入楚

旅遊非適已安敢厭畱帶懸帆指黃城三宿仍廣
濟楚江方自茲所至愴凋敝龍坪信荒殘鄔穴稍
豐蔚馬口無人煙百室遺空壁其人肝與腦日以
化爲地問誰構斯難獻賊及左帥緬思先皇年寔
受彤弓寄何無尺寸功殺人以爲事至今憫喪亂
獻左同一喟吁嗟王爪牙與賊無軒輊我意哀蒸
黎惡名徒爾被

登大別山

大別勢皆萃雄立江漢間其名表禹貢而乃稱龜
山清秋仰層巒沿迴涉漢廣石磴拓長盤攀躋白
雲上武昌鬱臺榭中有黃鵠磯徘徊睇鵲鵲草色
猶霏霏此山夙蘊靈霸氣騰郭渚蕭條兵燹來寂
寞漢陽渡登臨想人代江漢終茫茫但惜逢離亂
憑高易慘傷

晴川廢樓

離離江霧興靡靡晴川漾巍樓半已摧仰視不可
上日落漢陽城芳洲草又生千秋賦鵲鵲惟有一

石臼後集

卷一

七

福衡高蹇零落久霜枯漢潭柳縱使亂前來淒涼
厭回首

離漢口

旅舟泊漢水荏苒至寒節朝看楚雲興暮觀楚雲
滅此地雖破殘井術稍成列銀鱗日充市食鮮每
豐潔客心復何苦遇物轉淒切茲辰忽返樞脈脈
情內熱風土漸相諳山川屢迴折故鄉豈不懷信
美亦愴別未逢漢陰老令我憂思悵

湖口縣舟宿是亡弟祥日傷懷賦此

歲歲衡門下厭予輕遠遊世亂適荆楚何人復見

尤形神歸冥漠時序忽盈周在日悟終盡空理素
所求想像奄化來魂魄非悠悠園中手栽柳霜葉
風颼颼秋草塞故逕寒雀鳴啁啾旅宿湖口縣歸
棹郢門舟側愴邁斯旦淚落彭蠡流還家上丘壠
一慟黃雲浮

彭澤縣

晉季失王綱偶出綰一綬在官八十日脫屣亦何
有世故劇洪濤反覆徒紛糾此邑大亂後置令如
翻手濟世苟無術未若陶杯酒嗟嗟陶彭澤豈愛
門前柳

石臼後集

卷一

七

距望江縣三里泊吉水溝

涼淺江灘出日入多沿迴楊帆趁前侶偃息長雲
隈數樹葉尚綠水鳥煙中回漁商雜喧聒鄰舟夜
方來小邑兵所過獨未生蒿萊連宵始邁此一宿
心悠哉

重泊磨盤洲

杳杳一洲晚沿涉屢停棹四顧空江煙寂寂見野
燒追思黃石港倉卒逢盜剽居人夜驚奔茅屋恣
焚燎客舟幸免危同侶互相弔磨盤安即次邂逅
猶難料回首楚疆愁寒雲空窸窣

旅情

草草復草草遠涉千里道水宿逾十旬雲波逐三
老回舟楚塞遙落葉楓林少近家思入門別計歸
難早諒爲遊子腸步步自縈繞

早春寺舍留別吳見末

雪霽踏微逕乘月尋山門鐘磬颯已寂回望前山
昏別來向五載此夕聞清言念我乏生計憤然中
鬱煩洪流方蕩滌泥蟠安足論雲霞生遠道春草
離故園他日滄海上君當問邵原

春夜偕爾止飲與治齋中梅花下

石臼後集

卷一

三

雨濺隔良會雨霽違良夜一樽聊復開共此芳梅
下春風幾日吹荏苒觀榮謝碧苔承落英點地轉
相亞江甸草初綠我車夙已駕明發愴離懷豫愁
悲淚瀉

過王雨若故廬

斯人逝已久至今傷懷抱春風到門前十載吹芳
草在世頗屯蹇立名苦不早沒後聞屢空妻子益
枯槁鷓鴣鳴桑田雲山漫浩浩吞聲更回腸愴此
往來道

遊招隱寺有戴顒遺跡

東郊草色徧出郭路已緬登頓窮迴蹊屢覺前山
轉招提頗聞寂滿徑惟蒼蘚一與人境遠驟矜塵
累遣撫跡想曩賢幽林此偃蹇當時動萬乘於道
能舒卷澗芳始馥郁石榴彌清淺白雲復層層徘徊
度遙巖沉冥逾千載磻戶欣來踐窅然巖谷間
日入更游行

遊鶴林寺

林磴一雨止曉霽明江樹樹色尚含煙鶯聲已盈
路潺湲數里流寂寂三春暮落花迴秋飄微磬因
風度栖遲鶴林跡懸賞林中寤何當更載酒此逕
石臼後集 卷一 七

未迷誤

同弱翁爾止江如集徐旻若小園

春城扇和風習習芳菲路紆徐得三逕繼此幽栖
處新綠已滿庭殘英猶在樹蕭條簷宇間時時見
北固樽醪方欲展中坐忽回顧恍恍詘言辭世網
苦多懼四月葭莢生江鄉水初潄拂衣可同歸耕
桑事朝暮茅齋依稼圃竹牖垂瓜瓞生獰儻不足
更攜捕魚具

答葛元士寄書

憶與君握手句溪清且嘉平蕪來燕子野寺開桃

花衡雨過鐵澗曲折尋幽遐豈惟誇水木亦以眷
桑麻寧料轉盼間世變浩無涯此地竟流血鋒鏑
砥龍蛇荏苒別三載簸蕩風中沙寄書感疇昔聚
散同飛鴉翩翩稚川孫戟髯鬢未華一水渺相望
漠漠春雲遮著書且努力勿遽事丹砂

送弱翁還吳江予亦將卜廬避地於其間

百里瞻海色吳江連具區網緼井邑盛變態雲霞
殊君爲南徐客蹉跎春已徂麥苗秀早夏江岸迴
征艫敞廬臨水曲日夕來鷗鳬以我去鄉久門徑
多藁蕪愛子南鄰好將謀遷我孥却開桑麻野環
石曰後集 卷一 七

通橋袖湖風波易遷轉世路愁崎嶇踟躕把別袂
永願遂良圖

丹陽道中望茅山作

征途披宿霧日出始杲杲仰見茅山雲氤氲亦何
好緬思陶貞白神武掛冠早松風養性靈金澗求
僊遁世運雖屢遷川巖恣窮討欲尋華陽洞一禮
洞中老礪戶遶長松清颺洗塵抱

京口亂後歸里

早歲輕行役性不耽丘樊過歸今已晚鋒鏑始驚
奔井邑尚如故桑麻頗在門入門意方展所恨雲

林淺泛舟迷所適踟躕顏猶覩安得溪深處花開
路迴轉

暮秋歸田園

白露悴百草草色日已消還歸及門巷尚見蓬與
蒿門前垂柳樹葉葉風中飄穉子走逢迎一笑心
陶陶晚禾猶未登所苦風雨饒父老三四輩壺觴
偶見招共言歲少稔村落稀攻剽杯酒勿云薄與
子慰飄搖中坐嘆白髮胡爲此蕭蕭

沙鴈日夕飛水落出江口悠悠一孤艇却繫門前
柳喜聞父老語桑麻幸相守念我今始歸聊復具

布曰後集

卷一

七

雞酒長喟向我言干戈今已不但云契闊深勿訝
亂離久天心且茫茫安敢論年壽樽醪與饘粥此
外復何有

秋夜送姪迓還湖上

爾從句曲來道路百里餘面瘦色且黧奔走知勞
劬金甌已淒厲敝衣仍掛軀朝來謁公府欲入還
趨起質樸乃本性豫憂禮節疎繫昔孺仲兒蓬髮
形容靡忽值令狐子色沮衣裳都世態鄙貧賤情
懷傷老夫明日歸故里秋深老菰蒲三宿到蓬戶
罷勉營斗儲適時非所務且復哦詩書

距富池驛二十五里阻風登岸步張家塘柳

堤煙水宛似予鄉慨然成詠

停驢意不適望入黃葦岸高柳蔚長堤蒼蒼煙水
起漁舟凡四五漾機近可喚短網出文鱖微颺起
鳴鶴故鄉忽天末彷彿葭莢畔入楚亂離深辭家
音信斷連嶺空白雲秋歎發遙嘆

雨中訊弟

荒蹊萎秋草十日遘風雨雨多茅屋穿溼盡牀前
土手把一卷書天寒惟短短出屋聞商聲梳頭當
日午囊飯往柴門欲慰愁霖苦非惟恤在原為憂

石臼後集

卷一

子桑尾

幽居二首

炎歊蕩微雨閒庭生曉涼翳翳雲影薄輕颺拂衣
裳百慮忽以集隱几不能忘況復念徂暑悵然結
中腸

晏息宜扁戶白雲滿簷宇雖與林泉遙未覺市廛
苦苔色淨如沐涓涓夜來雨非此散愁疾藥物安
能輔

宿桐廬聞杜鵑

春色杳無盡共水相氤氲小色過帆影空水惟暮

雲臨流落花早倚櫂杜鵑聞寂寞一江裏徒悲西
日曛

石臼後集

卷一

五

石臼秋風吹寒水
石臼秋風吹寒水
石臼秋風吹寒水
石臼秋風吹寒水
石臼秋風吹寒水
石臼秋風吹寒水
石臼秋風吹寒水
石臼秋風吹寒水
石臼秋風吹寒水
石臼秋風吹寒水

後學 同里主 孚顯若父 校

七言古詩 聽笛歌答元長寄書

九月霜始白北風吹凜秋誰家長笛數聲發林中
黃葉鳴颼颼長笛淒淒復孌孌楊柳青青忽如掃
此時滿耳激繁音更吹明月愁人心一年不得一
相見終日書來見君面老去年年繫遠思笛聲吹

石臼後集 卷二

龍鴻聲悲君家本有高臺月自不同看怨阿誰

井金行 趙文室者馬氏之書役也官至左都督氣
酸赫赫矣丙戌春於其宅井中淘金不可
數計入于官方坦菴先生作井金行余亦

繼作

石欄斑駁苔生井井上
石欄斑駁苔生井井上
石欄斑駁苔生井井上
石欄斑駁苔生井井上
石欄斑駁苔生井井上
石欄斑駁苔生井井上
石欄斑駁苔生井井上
石欄斑駁苔生井井上
石欄斑駁苔生井井上
石欄斑駁苔生井井上

中水粼粼黃金出井底百人荷擔萬人觀皮冠豹
烏多大官擔夫流汗官噴噴馬蹏爛熳光成團入
井出井剛一載炙手薰天氣安在白玉橫纏廝養

井出井剛一載炙手薰天氣安在白玉橫纏廝養

身重金銀不換
從此去丞相虛傳危蹕行與臺爭指淘金處

廣陵行 丙戌

客言廣江來昨出廣陵城廣陵城西行十里猶聽
城中人哭聲去年北兵始南下黃河以南無關者
泗上諸侯捲旆旌將軍跨大馬馬頭滾滾向
揚州史相堂堂坐敵樓外援四絕誓死守十日城
破非人謀揚州白日聞鬼哭前年牛死饑山鵲此

石臼後集 卷上

香流血又成川殺戮不分老與少城中流血迸城
外十家不得一家在到此蕭條人轉稀家家骨肉
都狼狽亂骨紛紛棄草根黃雲白日晝俱昏彷彿
精靈來此日椒漿慟哭更招魂魂魄茫茫復何有
尚有生人來酌酒九州不肯罷干戈生人生人將
奈何

贈朱立上人 立上人
繫昔孟東野愛與淡公遊物外得真契巖崎乃良
儔爾往城南高座寺襟情頗與淡公似虛堂漠漠
繞寒煙曲磴蕭蕭橫竹翠心孤避俗反成疑網密

繞寒煙曲磴蕭蕭橫竹翠心孤避俗反成疑網密

繞寒煙曲磴蕭蕭橫竹翠心孤避俗反成疑網密

繞寒煙曲磴蕭蕭橫竹翠心孤避俗反成疑網密

繞寒煙曲磴蕭蕭橫竹翠心孤避俗反成疑網密

繞寒煙曲磴蕭蕭橫竹翠心孤避俗反成疑網密

含沙竟招忌忽遭官長劇栖楚一宿却繫京兆府
賞番牙曠相救援不負平生作詩苦爾不見高座
寺石壁莓苔青誦仙遺蹟在巖屏爾歸拂拭之一
日千回讀人間有路九折多且禁松關雙白足
自從得韓元長書聞吉人移居寄以短歌嘲戲
自從甲兵到湖縣更無尺土無征戰去年買舸載
妻子湖浦逢君各鳴咽東西蓬散復如何世亂如
麻又千變崎嶇奔迸隔鄉間至今未覩妻孥面昨
得一書破旅愁寄我者誰韓伯休道君率家口卜
宅南鄰幽共聽鷄鳴來樹上更堪濁酒過牆頭風

石田後集

卷二

三

塵甕息且足慰乍可瀟灑捐煩憂却憶秋風藕絲
堰絲網湖魚共一舟

夏日譙徐公子裕超園亭作

丙戌

炎天白日無飛鳥六月涼颼拂人少解衣脫幘坐
廣庭對面層崖歛幽杳曲池湛湛沉鱗鯉喬木颺
颺風入耳石壁影動蟻懸蘿翳然林水清如此石
根水曲更灣環關道連衆木間已覺炎蒸頓漸
灑俄驚疎雨如潑山先公爲園肅皇代古瓦危甍
存礪帶青松手種成幾闌虬枝屈鐵烟霏霏想像
四海升平日草木細瑣流光輝繁柱忽傾人事改

虎踞龍蟠失精彩三百年來畢萬勲一朝逝水流
東海鳴呼高帝功臣起豐沛作輔傳與對夜
郎覆餗兼覆國足寧當用此輩禾黍宮中今有
無蕭條再見秋風徂獨有北園氣蕭爽頗與故宮
風景殊風景雖殊亦愁絕人事錯迕豈有極簷前
雨色忽黯慘那更庭中進絲管

同與治高座寺安羅樹下納涼歌

疎懶畏踏城南陌偶到城南惱心曲何況開閒日
正午喘吁流汗復如雨松門數步氣蕭森古木龍
從十畝陰乍似層冰浸肌骨竟堪累日坐披襟

石田後集

卷二

四

矧疑是千年樹門外行人自來去紅塵赤日有何
意却使清陰等閒度明發期君更盤薄一回悵望
雲林暮

贈俞玄中

俞郎白皙微有鬚腰圍十尺稱丈夫雖遭亂世意
局促一生恥作高陽徒結交頗得魯勾踐然諾如
山矢所羨一從生死隔黃墟不道流離命如絃十
年奔走幾幾盡產業散盡家鄉遠自笑爲儒世轉
輕謾從方伎學逃名無且自解邯鄲博肯用藥囊
提慶卿

與治園齋同吳君平蔣冷生姜子恂陳翼仲

雨飲

愛君小築好蓬蒿細徑侵一年脚不到雜樹漸成
林今晨忽風雨沾灑遍幽園故人俱寂寞共此中
林尊浙歷乍翻簷飄搖還墮瓦盆中菡萏濕偏垂
枝上來禽摘堪把數友欣相見白雲成一片主人
開篋出殘編童子當階滌雙硯不嫌終日雨如絲
但覺寒風颯颯吹坐上停杯各迴顧更衣秉燭空
嗟咨爲言白頭窮愁客到處相逢秋氣悲

丙戌生日

石臼後集

卷上

五

人生豈必無坎坷吁嗟百憂皆集我兩年已失慈
母顏俛首摧心淚交墮年登半百復逾七髮禿滿
頭色似雪貧賤頹老寧比數井丹安得誇高潔九
州無地驅短轅漢陰丈人歸灌園

枯槔行

六月不雨至七月低田水乾泥滑滑高田龜裂禾
半枯枯槔得冰猶未蘇昨日頗聞湖水餓一夫倩
錢日千箇丁夫日計費萬錢使我憂劇誰能解至
今霖霖尚茫然搔首秋風獨愁坐

沔生日

汝生之日我則還九度懸孤蘇在承歲歲秋風燕
歸社桑凋露白不歸舍兒齒尚小父老翁長成驅
犢思年豐爾能耕田我飽飯與爾豈復長西東

與治家梅花下短歌

憶君庭前梅數問花開否此日到庭前寒梅著花
後疎柯仍帶凍微霰已沾梢却訝南枝好鱗鱗折
素苞粉壁橫斜初放白年年只對思歸客何況開
花似龍頭淒涼人代水東流花前慎莫向人說說
著令人終日愁

東瞿先齋中梅花下飲酒作歌

石臼後集

卷二

六

廣文齋中兩株梅春風二月花始開花開十日止
四五枝頭無數紅蓓蕾踟躕今歲春寒甚開遲應
爲春風禁君言他家花旖旎不禁他家偏禁此我
笑先生官自冷不向人間競暄景他家花樹總飄
零此度妍姿獨獨遲時節已鄰寒食下梅花紛紛
杯共把

壽胡印度七十歌

君昔少壯耽幽玄家雖屢空心悠然迷人每憶梁
鴻好慢世惟誇阮藉賢自從削跡離塵鞅六十還
山絕心想負郭曾無隴畔耕棲禪却有牀頭釀老

法山中又廿年諸孫童稚今成長與君早歲結交
新青滿開戶是南鄰數里通閑恒宿鳥一生場異
比窮鱗有時臥病罕人跡藥裹書數几上塵謾訝
此翁多落魄寧知白眼解看人蕭條門巷無車轍
鄰舍何人共朝夕世上崎嶇安可論眼前誰是曾
相識惟我與君惜解攜雲林一別常東西此度春
風發梅萼南枝爛熳始攀躋勸君酒爲君壽七十
老翁世多有人生須辨玉與石君是藍田璞中璧

題楊日補所藏楊龍友畫雲山圖

君家堂上開雲烟乍披忽覲心惘然畫者何人此

石白後集

卷二

七

好手故人已沒今五年故人昔爲永嘉宰謝客山
川宛相待仙巖谷口睇烟霏玉甌峰頭眺雲海往
往揮灑作畫圖巖巖巖突兀茆堂孤即如此圖極蕭
灑松風彷彿聞笙竽斯人歷落多情與君與結交
非異姓繪事同誇楊契丹兩家筆跡堪相競寫罷
遠山偶未閒君爲點染巖崖間圖成價已等尺璧
摩娑涕泗空潸潸生前粉繪人爭取死後聲名尤
冠古河嶺埋骨竟茫茫四海九州無寸土憶昔爲
我一揮雲山小屏幃縹渺龍秋與雁宕正與此圖
相頡頏願吞聲想像一惆悵

陸基訪楊日補即與道別

泛艇到君家君向南鄰去相尋不覺遠數折忻相
遇五年不見心茫茫衆中大叫來何方衙門蕭蕭
立稚子爲我趨走羅壺漿君有妙伎每藏名君有
薄田常廢耕歲收秔稻不得飽寸縑粉繪人皆爭
幾時光福山中住大兒已自支門戶敝廬移近陸
公阡歲月聊將家口度相逢那得遽流連却對殘
陽話亂前君踰五十我六十重問丁年淚泫然

捉船行

江上泊舡風淅淅岸排檣纜相結頭白老人向

石白後集

卷二

八

我語一生駕舡離鄉土自從海內通戈鋌歲歲闌
江始捉舡前年兩男駕一舡官中捉去黃河邊去
後曾無一寄書不知生死今何知伶俜回鄉絕鄰
伍却附他舡爲把觴五月黃河卸商貨渡江忽遇
王舡過一王已過二王來捉得江頭一月坐王舡
聞說到梧城捉舡盡載遼東兵老人知向廣中沒
應是無久收白骨

介立上人院食黃獨作

上人院前有好竹前日來者院中宿秋天蕭瑟此
復來爲我拾薪煮黃獨黃獨手種初作叢弱苗細

葉當秋風出土味已飽風露充腸乍覺情中融作
客數年堪自哂荒山饑走誰能忍得食齋厨意灑
然短鋏更掘離邊荀

釣艇歌

隱丑秋白問歸始製弄小艇將老于湖上
而垂綸焉會有勸子遊荆岳者適作釣艇
歌以示之

十年垂白髮流浪逐人間人間不得志嘆息摧朱
顏如今蹭蹬還鄉里却笑從來絕知己耕田未買
兩角犢繫岸新成一艇子兩槳初搖出葦灘釣絲
石臼後集 卷二 七

風颺把長竿葦花十里猶惆悵何況迢迢澧有蘭

題鳳凰臺

城上白雲紛繚繞黃土圍牆森碧篠古臺有路無
處尋日日墻頭出飛鳥憶昔謫仙江夏來金陵却
賦鳳凰臺綠水逶迤還若此青天悵望徒悠哉當
時意氣何揮霍題詩本欲凌黃鶴於今滿地着荆
榛剩與閒人種藜藿此臺寂寞峙荒陬野禽翠竹
聲啾啾但看青青江州色空是盈盈白鷺洲

孟平讀書茆堂門外垂柳六株娟靚可愛于

以六柳名其居因系以詩

茆堂栽菊盈堦除門外垂柳驚棲烏霜天慘澹菊
已無柳絲拂地色不枯陶公五柳辭塵服子藏其
亦非俗坐看臘盡梅花開東風長裊千條綠

贈曹惕庵

清川日搖漾綠樹曉氤氳秋風一夜至斷續天邊
雲君年非壯我已老與君相逢不草草青雲蹭蹬
何所爲白首狂歌亦終好細意向人無不論國風
汎濫如濤奔旣稱蟋蟀善感慨復道駟鐵工騰掀
識君此意飲君酒伊昔罷官同五柳更無舊秫種
官田惟有新詩在人口把酒因君興未闌開胸寫

石臼後集

卷二

十

臆對君惟青山自古陶弘景悵望仙雲去復還

飲虞君哉竹西樓大風雨作歌

逢秋十日涼颼發落日白雲天際流颼颼忽來簷
外雨冥冥暗灑竹西樓樓中把酒聞淅瀝已覺秋
聲響枯葉亂竹參差嫗細烟濕螢高下熒虛壁前
日苦熱每惆悵脚踏層冰空想像霖霖雖散氣盡
蘇滂泥轉使魂如喪夜久沉沉雨相續風吹獵獵
迴銀燭明朝振舵與君別回指青楓浪頭白

韓生四子無產業失路流離骨空立何意干戈四

韓生四子無產業失路流離骨空立何意干戈四

海中轉眼東西去年別憶昔相逢我二毛紅顏爾
自扶麻豪海樽酒盡忽分散隔江聲鼓聲嘈嘈世
故紛紛那可說韓生奔迸仍匿跡負氣常過禰正
平論交先問孫賓石前日把手意悲辛窮途驚見
白頭人此別重逢定何日臨分嗚咽更傷神

鴉啄麥行

年年九月牛服軌十日麥芽青簇簇今年雨澤貫
四時款見日車行北陸驅牛向田耕太晚土濕沾
犁牛力緩成畦播種及斜暉烏鴉啄食噪爭飛稚
子持竿驅不已啄殘餘粒鴉飛起陽回種麥人事
石臼後集 卷二 七

崔明府署中荷沼歌

崔侯門前千頃湖崔侯心將海嶽孤中庭蕭蕭日
無事左右列沼栽芙蓉芙蓉的歷顏色好朱欄掩
映風生沼風吹碧葉已田田雨濕紅苞復嫩嫩丹
房絳萼正繽紛紫烟撲几香氤氲日高吏散一瀟
灑姑射城頭山出雲此花皎潔殊凡卉種向訟庭
同蔽葦晝夜平分玉露寒雙鳧早識神仙氣六月
繁花相向開驅車自笑衝塵埃歸來梧葉落庭下

憑欄剩對紅毡毳露白菰蒲暗湖浦殘花曲檻堪
容與偃室秋風嘆物華作歌愧我非子羽

擊蠹吟贈崔雪園明府

巖巖古墻陰蜿蜒長尾蠹張吻潛伺人螫人能狡
滑蠹螫人所惡而無怨與怒人乃螫有恩不報反
成蠹前年糧艘來兵官咆怒劇風雨里胥到門狗
夜嗥雞不得宿飛上樹今年糧艘不來肯不呼樂
哉歲歲無毒痛賴我有明府朝哺暮且乳祛我之
疾古不見范叔度夜作謠五禩不見張漁陽麥岐
歌洋洋明府何堂堂寧數范與張奈何青蠅矢來

石臼後集

卷二

七

流白壁光山魃獨一足焉敢近太陽蝮蛇如車輪
其軀以毒亡汝曹螫人毒如蠹汝身不在網羅外
虎欲齧以緊我所聞不避賢豪古亦有云相彼薄
俗爾何嘈嘈不嗔豺虎迺嗔賢豪我有長劍切玉
如泥欲往擊蠹耻用得攜蠹雖細瑣毒在吻其強
可擊不可畜嗚呼細微慎勿忽爲君浩歌歌此曲

題劉今度書蘇公六觀堂贊因以誌哀

青溪九月萬木蒼夜有清露朝有霜蜀箋拂拭白
如雪對我落筆神飄揚爲書蘇公六觀堂筆勢一
抵復一昂骨體變化出章草微妙欲抵王羲之

驚鴻翥相頤頤書罷放筆仍徜徉蘇公入禪無一
塵君亦宿歲好道人朝折露葵飯脫粟夜投祇樹
問迷津當時書贈蓋有因飲我醍醐良苦辛負君
此意復何云草書安用誇有神憶昨家在城南陌
小閣方巢數椽屋叮嚀苦要方巢詩三歲未酬情
惻惻君情浩蕩無拘束一生止觀成尊宿眼中已
見青蓮華世上虛聞白牛足即今桑扈返於真我
尚爲人何局促開篋淋漓觀此書摩娑仍愧吞聲
哭

于皇伯璣夜過溪上小閣伯璣載酒于皇止

石田後集

卷二

三

宿予作短歌

白門一月成棲泊棲向故人溪上閣青春長自嘆
流離白首逢人更蕭索門前草綠烟淒淒柳色鶯
聲通遶溪溪雨已過不出門出門畏我顏色低陳
郎住近一溪裏杜子蹢躅行十里相過載酒亦茫
然抑塞胸中各如此杜留陳去夜漫漫對臥方知
月影寒人生作計那復道只此一宿何其難
病抵采石候舟孫幼窳招宿羈城詰朝始發

紀之以歌

老夫百病同枯株蠹穴傍穿伴株腐低篷舫艇縮

如盤間關再宿烟江浦姑熟江頭鎖千楫四面
船絕行旅解舫微茫不可取霜風刺面顛如土孫
郎攜我入城闌城闌開爐復抱薪脾寒一月禁鮮
食飯我數寸纖銀鱗更有醫防繁左謝燈前細洽
刀圭刺夜寒僵卧不知寒貧交縫縫相勞苦平明
贈錢轉轉子法酒沽雞賓行李堯與數折歷烟霏
低頭再低低篷底孫郎招手去帆孤歛忽雲濤行
十里

沈公緩載酒見過二允齋中同施尚白對雪

賦短歌

石田後集

卷二

古

嚴冬夜雪聲蕭蕭朔氣增寒眠不得沈郎載酒季
方家北鄰施子成佳客人生適意能幾許羸疾難
纏爾無苦斷杯吐論氣如春四坐高譚盡有神世
事如波那足道飄飄瓊霏玉樽前好開簾宜對敬亭
山祇應盡日無飛鳥

東壩訪麻聖微贈以短歌

戊子

前年苦戰宛陵兵手提孤劍開麻生賦詩自言怒
衝髮一死頗不慚荆卿與子相逢春兩細拂面東
風聊賦親布衣本蓋關中子與麻生稱三子
權窺壯歲已開天寒陌結納不識劉玄德百里行

速奮衣欲歸何其難吁嗟乎男兒有家不歸翻躑躅白日悽悽道傍哭

魏賓起手鈔漢書歌

君昔官漢郡細鈔龍門書歸來萬里路敝篋隨單卓去官六載家如洗數椽盡賣空殘址平頭赤脚饋水漿彷彿清寒玉川子毛穎森森發妙腕蠅頭更復鈔西漢荒齋寫罷幾摩娑書法先供十日玩率更瘦硬褚媚嫵天機雖熟心良苦與雅偏能癖孟堅鑽研不獨誇師古嗟君年少日神駿故無匹轉眼忽爲七十叟書淫仍羨臨池手憶昔蔡中郎

石臼後集

卷上

五

才高抑塞走四方一寫鴻都石氣勢凌青蒼石經零落久殘缺安得因君健筆補取垂千億

清溪晚泊書事

戊子

清溪碧色碧如玉窈窕公洞勢千曲此地曾聞玉鏡潭開口欲問無人說岸上十里多榛荆室廬燒盡縣左兵歸人曲突烟火細頽垣破瓦猶縱橫江左遺黎三百載枉使流離何處在武昌世守策功勳肝腦何辜不忍聞垂淚道傍頭白老向人翻說小將軍道左一碑頌卽紀律卜以總其進降于蕪湖乙酉夏五月也

板子磯行

戊子

磯頭白浪堆堆岸邊磯面酸棧燈百級誰向中流築堵牆粉黛參差樹棠棠漢史諸侯思縱橫晉陽之甲終無成朝中授鉞推司馬却報江心先築城築城縱使齊雲漢萬騎已渡黃河岸功名聊復遜桓溫仗倆寧知同柳絮旋渦奔馬雪霏霏十丈墻高計盡非石頭城土千旗出安用崔嵬板子磯

過安慶未得方爾止消息寄之以歌

戊子

去年秋風客我縣我未還家見君面逢人展轉問我家兒年十歲君相見今年秋風皖江水祇隔龍眠九十里漁舟堪買到君門此意悠悠成隄尾一

石臼後集

卷二

六

書乍可慰調饑欲寄雲中少雁飛船頭打鼓忽開權倏忽已過黃石磯龍眠山田踰百畝力墾勸君曾苦口君言亂後絕牛種坐使杭稌無一有家貧歲歲逐江鱸豈復蕭條守敝廬我隨大舶遠入楚武昌明月空躊躇衰年逢亂還飄梗庾信荒溪王粲井燒殘城郭幾悲幸千里思君淚如綆

小孤山歌

小孤何亭亭千尺芙蓉青孤根插江底黛色何娉婷細磴蜿蜒攀七線直凌絕頂摩慈精不知何歲喚小姑娘娟忽觀彭郎面自從江上有彭郎枉使

江中估客狂醺酒到羊神降語潯陽直是勝三湘
山頭惟有黃荊樹不灑斑斑上翠簷

琵琶亭下作戊子

北風拍浪吹帆破百尺檣高波中簌千里已到九
江城日落琵琶亭下過琵琶亭空水遠天嶙峋四
角含秋烟當時風景復何有楓葉蘆花猶宛然此
地連年兵革苦前年殺人如刈楚岸上無人鬼哭
多江邊白骨堆成土我來湓浦更逢秋祇聽江聲
咽復流孤城未有三家店估客曾無一葉舟艤舟
夜宿潯陽郭東船西船非估舶安有商婦撥琵琶

石臼後集

卷二

七

能使天涯嘆流落亭子蕭條亦可憐琵琶聲絕戍
鼙連誰知此夕江州淚非復傷心爲四絃

鄔家穴行

鄔家穴楊柳參差覆茅屋人家近水市區繁黃湖
蓮子多於栗鼓刀日出多肥豕紫茄黃瓠魚腥市
數戶畸零更水涯新編苦竹周遭遮竹籠肩擔塞
路口邨人來賣木棉花此地繇來兵過少家家賈
販門前好九江太守貧可嗟出無五馬入無衙龍
坪巡簡何人者意氣雙騶騎大馬

神鴉嘆戊子

富池驛邊日欲西甘寧廟前烟欲迷雙竿半折廟
門壞神鴉散盡風淒淒風捲長波舟去急群鴉飛
上檣頭立送客繇來懽客心舟上叫舞拋餘粒估
船斷絕古祠荒無復醺酒割牛羊江黃何歲來盜
賊從此神鴉稀食肉神鴉有神長忍饑不向江灘
啄人骨

江行憶田園戊子

水田四月新成泥雨中布穀鳴桑畦道傍始見牛
負輶一往躬把東皋犁南風吹簾桑落棧俄看布
野青青齊斯時驕陽忽秉令禾乾水涸無高低土

石臼後集

卷二

六

龍未驗桔槔散澍雨條霈盈溝溪足知天心本易
轉努力但恐田生稊四隣俱樂禾黍好我獨棄之
走東西辭家炎夏厭蒸鬱轉眼凜秋思故綈滄江
萬里通楚塞漸近襄漢聞銅鞮兵甲十年異風景
更無懽樂惟悲悽故鄉何事最惆悵水雲獲稻霜
鎌齋藜渚露花牽荇藻柳塘烟艇嬉鳬鷺已是築
塲當此月離邊開開驅黃鷄一從行役過彭蠡長
驚中夜哀鴻嘶誰道武昌魚味美宵令遠客歸頻
稽我歸安敢慕梁肉阻噉葍菰節冬盡天寒農器
各倚壁門前衰柳宵烏啼苦恨田園歲已晚有書

先報鹿門事
江南八月蒲稂黃
天邊雁叫烟蒼蒼
歷落沙頭併水際
三三五五分成行
當時見雁心悽惻
本爲思家嘆離隔
如今繫艇武昌城
始知身是江南客
木葉蕭蕭下漢川
參差鴻雁忽聯翩
白雲洲上疎還密
黃鵠磯頭斷復連
沔口雲深迷楚樹
分行作隊紛無數
聞道瀟湘菰米多天寒更向瀟湘去

漢陽柳

漢陽城中一株柳
暎日垂絲官路口
行人過盡幾

石臼後集

卷二

七

含情我獨踟躕
屢回首樓閣崔嵬
江上磯臨風此樹最依依
千行碧色武昌柳
寂寞曾無片葉飛
忽漫相逢枝嫋嫋
風露雖殘色猶好
偏憐水曲與江灣
不覩青青數株老
君不見十年寇賊戰城南
烈火焚燒更不堪
攀條折葉還來此
極目淒清對漢潭

九月十三夜宿武昌城下

前夜月色白漢口
艤舟在江北
今夜月色微武昌
城下烟霏霏
烟霏霏江寂寂
舡尾跳魚似梭柳
城下烟霏已作灰
更有何人夜吹笛
夜闌嘹唳

鴻驚鄰舟悄悄
四無聲休更扁舟浮夢渚
祇今愁絕武昌城

登黃鶴樓故址

昔人乘雲在何所
卽此江上黃鶴樓
樓前江漢勢傾洞
二水滙合成交流
交流東入海
白雲儼相待
樓道雲中樓
一朝無復在
武昌楊柳搖惹蒨
葦飛翼翼波光炫
佳麗常憐漢女遊
繁華易逐江雲變
江雲來去只悠悠
畫棟丹臺不可留
崔嵬一炬隨飛電
黃巾之賊令人愁
我向城頭履殘址
閒尋片榻榛叢裡
湧月臺書斷石蒼仙棗
摩娑長不死仙翁吹弄玉
參差春草偏傷崔左司
笛聲杳絕蘼蕪盡
况復樓空意轉悲
楚塞茫茫空四顧
對岬晴川已非故
蕭條更有漢陽城
落日離離幾江樹

過羅刹磯

漢陽江邊一月坐
船頭乍撥西風簌
五日已渡潯陽江
小孤娉婷浪中過
昨日狂風忽東轉
舵折檣欹太惺惺
一宿始泊李陽河
蘆黃沙白潮痕淺
數戶蕭蕭破屋羣
黃昏月落雁飛飛
曉來舟子俄相報
起看江心羅刹磯

黃鶴樓故址

君不見崔亭伯放逐流離去遼海又不見管幼安
避亂遼東四十載二子生遭世正迤嶇萬里終
無悔一別羅浮向五春回思嶺嶠易沾巾世難未
忘鄉土戀書成方識首陽人禍機忽發書中蠹一
身已似且間兔狂狴人嗟繫范滂因緣誰解知龍
樹燕山北去又東行不獨蒼茫萬里程版籍依稀
樂浪郡封疆略近玄菟城我聞老聃昔西邁騎牛
遠度流沙外道高應見折公孫師與管寧聊作對
去年白門蘭若中賦詩長得共休公含凄執手三
日別雨雪送我湖雲東此別追思情更苦人事心

石田後集

卷二

五

知多錯迂流人已隣箕子國方物先觀肅慎箸相
逢漫說路漫漫布帽他時好禦寒縱使歸來吾已
老多恐差池見面難

江津觀燒

江津日暝人家少白沙如霜楓葉稿斷葦殘蘆燒
作烟數縷寒空忽煖煖隨風四散逐斜暉漸覺洲
迴樹影稀寂寂蓬蒿滿堤岸更無鷄犬近柴扉

新燕次沈石田韻

翩翩雙紫燕前日始相見高堂畫棟與雲連主人
十家九家變門戶年年認不差分明王謝舊時家

堂前珠箔仍高捲飛入空中楊柳花君不見新主
華軒大道塞舊主漠漠音塵寂寄書道路遠三月
草萋萋借問何如故巢燕風雨還從玳瑁樓

賣書行贈林茂之

兄君十年前床頭書滿囊無錢見君十年後床頭
無書衣露肘家貧本亦富縹緲錦帶牙籤度在床
自從一失青疎閣無復重過榮木堂此堂此閣如
飄霰賣書頓覺生涯變牙籤了未救饑寒不獨賣
書兼賣硯亂後支離更不如手攜零落賣殘書百
錢糴米日漸午家人餓色皆如土嗚呼人生貧賤

石田後集

卷二

五

形容醜萬事傷心胡不有栖栖我亦坎壈身歲種
污萊盈十畝因君展轉淚滂沱恐作人間窮獨叟
採樵篇贈黃僊裳兼簡陳澹僊

子顏白皙我顏改昔日乾坤已安在相逢訝子正

少年愛入深山事樵採懷中抱壁將如何翩然出
戶尋斧柯家本蒼茫接瀛海遠登巖洞窮烟蘿平
生心許州刺史片言宛可同生死縲絏誰明越石
賢解驂不遭齊晏子子爲呼天天豈聞夸門肯負
信陵君明日報恩事已了却把斧柯歸白雲

東西行

東隣譙樂西羈旅空庭無人更風雨客心辛苦夜
向闌切切誰聞童僕語此時憔悴獨含頰頗怪人
心輕賤貧古來亦有貧賤士鼓刀之輩皆何人君
不見信陵塚前人下馬薛公老在衙門下誰問當
年賣漿者

爛麥詞

麥苗始青隴頭雨二月三月無乾土連畦草盛麥
不肥四月雨多晴更稀東家荷鋤日流汗土踈雨
浸麥根爛西家惜力鋤不施結穗翻作牛尾垂田
家肆力乃常分天道如斯去足問明年雨晴百不

石臼後集

卷二

五

憂還是東家得好收

故宮燕二首 丁亥

君不見故宮燕春雨秋風幾回轉宮中風雨長蓬
蒿飛入宮牆繞虛殿穿簾度閣羽差池盡日呢喃
人未知柳綠乍嘶千尺絮花開仍拂萬年枝玉堦
寂寞果愚冷畫棟差池春燕影歲歲營巢竟不成
春來秋去誰曾省可憐此度秋風早整頓毛衣猶
自好裴徊欲別未央宮萬戶千門忽如掃鐘簷何
年去洛陽倦人辭漢淚成行最苦西飛雙燕子回
頭不見舊宮牆

鳥啼金井桐啼聲易鳴咽未若向西風傷心故宮
燕白門燕子去秋風社日年年無不同惟有曾棲
青瑣闕欲去未去悲西宮却憶西宮前歲築禁籞
勾陳俄彷彿不道君王事臥薪頗聞將作誇神木
一月宮前纔列仗翠華西去塵飄颻虛殿無人燕
子來三春對語雕梁上轉眼誰知事更非雕梁藻
井似蓬飛明歲壞垣春草裏茫茫何處問烏衣
爾止從京口來寄潘江如書卽送歸皖桐
前年大亂神州潰子去吳江隱蓬艾相將潘子及
錢千史翁併是同心輩亡何吳江兵禍結戈鋌洵

石臼後集

卷二

五

湧連關關東西奔竄各崎嶇飛幸出羅網內風
沙漠漠摧子顏一回悵望龍眠山蒿萊四壁寡歲
計復棹吳越經險艱去來三歲竟何事只有皮骨
供間關昨日解纜發南徐袖中遺我潘子書數行
略說離亂事使我掩涕增歛歛錢郎遠適史翁在
形容顛顛今何如子過南徐發北固流連當共安
仁賦偶開卜肆論吉凶往往聰明如管輅百錢入
手足饔飧其餘仍付糟牀注從此歸耕兼買卜有
田舊在龍眼麓荆扉載戰同耆癯朝出驅鷄暮驅
犢休倚小婦賣珠錢日日常蘿補茅屋

早秋歸思

秋風十日吹梧桐細雨颯颯連秋空塔前偶見二
葉落忽有繁思來填胸湖田秧短沒秋雨一半已
在波濤中我家十口苦無食青黃未接愁忡忡客
懷蕭索念妻子得不歸與饑渴同還家但買湖邊
舸短棹低蓬舸中坐野鳬錦翼鰕色紫此物差豐
百憂墮八月九月歸豈遲射鴨撈鰕計非瓊人生
骨肉且相聚萬事何須怨坎坷

長歌復短歌二首

長歌悲短歌惜人生何故忽衰老年七十苦無多

八日後集

卷二

七

况無七十將如何莫遣愁心相折磨

長歌前短歌後丈夫奔走謀升斗久不歸妻兒嗔

少年開口笑他人今日饑寒纏我身

長歌長短歌短車輪馬蹄路中滿作客多在家少

在家局束客懊惱百年那得舒懷抱

春暮過于皇題其書齋

我住城南子城北入春聽子迎春曲楊花三月落
欲盡始得相逢觀顏色春雨沉沉雲翳翳城中百
日無佳氣蕭條住近覆舟山咫尺不見雞鳴寺日
出走過聞鳴鐘臥起一爲披心胸草蔬共食茅葦

偉顧余遠媿郭林宗子負奇材遭世故頗厭人稱
爲武庫久羈雖阨道仍存大亂無嗟士不遇相看
脉脉意悽悽城北頻湖似瀼西雨後未湏安水檻
門前已是浣花溪

八日後集

卷二

七

石臼後集卷三

石湖邢昉孟貞父著

後學 商丘宋 至山言父 校

同里王 孚顯若父

五言律詩

旅中送春

羈旅心易悲春歸獨未歸楊州估客斷沙岸柳花飛遊絲因雨墜燕子上穡稀望望山雲起故鄉難久違

雨中訊祖心上人兼簡與治

二日食集

卷三

一

日日看朝雨春來未覺春掩關苔色盡隔院柳條新契濶城南寺崎嶇嶺外身祇應玄度宅花落共酸辛

感雨二首

入春愁望遠黯黯向東風不見白雲盡惟知故國空草應生雨後火又照城中蕭瑟今如此衙悲未易終

細雨沉沉夕交衙寂不喧水生桃葉渡野哭太平門馬牧江灘綠鶯啼曙色昏春城寥落後無事不驚魂

答翼仲問病

已見一生過何疑萬事虛慣淹中夏病高閣半床書午憤人前卸風簾枕外疎因君贈縞帶二豎早能除

祖心上人托鉢詩

聞師昨鍵戶出不避炎蒸早市初持鉢中餐更施僧人煙過酒肆鈴語辨圖澄夜寂焚香坐依然共一燈

雨中憶鄉二首

一雨又三日惟愁病欲增鑑形窺露井倚閣眺雲層壁虎衝塵過牆蝸挺角升荆扉臨綠水小艇正堪登

故里雨成潦回思易惘然水如龍伯國秧沒鴈墩田五月糴新穀千家空去年耕耘當此日莫上避兵船

登樓 丙戌

向曉白雲浮看雲更上樓微風能散雨殘夏即如秋未斷軍營信仍懷吾土憂去年逢此日魂墜在漁舟

夏夜同祖心上人看月與治齋中 丙戌

常愁飄散易相見，卽關情豈料頻宵月同看如此。
清涼天聞戍鼓，昨日渡江兵便作他年憶，應須坐
幾更。

方爾止過訪齋中逢初度有作次韻二首

早柳絲方弱，荒邨爾到先。蓬蒿刪故徑，弧矢入新
年。樽有介眉酒，盤無縮項鰻。何時真卜宅，共買釣
魚船。

相逢初度日，黯黯兩風淒。遊薄存孤劍，家貧供一
雞。蹉跎情自若，飛動意難齊。我老君猶壯，方春惜
解攜。

讀祖心師潘陽寄書感賦二首

遠東臨沮水，師去是何緣。世已他生隔，書猶過海
傳。馬韓通大法，瓶乳憶前賢。知有歸來日，應須十
九年。

維桑聞鮑靚，翫作管寧行。刺得一絲命，猶嗟萬里
程。繩床看海色，梵磬落潮聲。遙想題書處，匆匆寄
遠情。

法緯上人祖心師兄弟也並繫于北尋放通

相見白門賦此二首

獨行冰雪候，九月渡漳沱。久別無言語，相看脫網

羅名從鉤黨，出情爲在原。多萬里東溟路，還期可
奈何。

中年已得法，多難斷還鄉。舊路悲前事，隨緣又此
方。寒雲當牖滿，春草去程芳。飛錫吾師意，南行總
不忘。

丹陽城南觀延陵季子碑

吳有讓王者，清風正與齊。丘墳徒漠漠，春草但萋
萋。攷樂尊周魯，題碑想聖尼。藻蘋無處薦，猶欲采
寒溪。

過吳門訪楊曰補於陸墓二首

石上集

卷三

四

寄書雖兩度，書到未曾逢。簡略傳來信，崎嶇亂後
踪。荆扉經再徙，雞犬幸相從。齊女門前路，尋君肯
厭重。

尚憶南徐別，春風五六年。生涯牛口下，衰齒雁行
先。羨爾移耕具，將家稅野田。相過憑一葉，已到鹿
門前。

同顧與治杜于豈紀伯紫過報恩寺訪王子

諒

招提尚未荒，步屨過閒房。白髮相逢少，清樽此日
長。竹陰苔際綠，梅子雨中黃。更想朝昏磬，同君聽

一床

送王子諒回泗州

三載蟻城客相思歎路迂國風傳駟鐵比興得驪珠閒或舒桃簟深宜共酒鑪鶯啼暄景在江北故應無

碧峰寺尋稿木上人不值二首

卽梅惠連

孤僧投寺宿敝履但相隨行李幾時到山扉每日移獨遊無可繫不定又何之雲木陰陰處同誰聽子規

形容原未改乍見不知非江雪黃州納春郊白下

扉覽來猶是客相失更疑歸去住雲林外惟君最識機

敘百鄉中床不得予家書因簡

三月離家後黃梅細雨頻誰傳數行札爾自故鄉人穉子應相見苗栽何日新平安憑口報使我一含辛

苦雨訊于皇

坐想愁霖歎崎嶇使我聞苔封新僦屋書濕舊藏芸道未投嚴武貧終似史雲君猶疑出處二柄早須分

雨中簡敘百

客廬欣接近積雨未過門日見清溪漲時兼白霧昏簷陰稀燕雀土潦憶田園莫恠難書罷殷勤想寤言

追哭史弱翁三首

已丑

永嘉資福寺高詠憶同攀海月凝寒嶼松雲滿夜關衆中予獨許卽後爾能刪空有絕絃淚猶餘衣上斑

分手一揮淚相悲是亂年題詩猶未寄別路已重泉牢落空詞賦饑寒絕墓田一孤無六尺松楸更茫然

自得吳江信隣君劇苦辛兵間貧嫁女窳後病無身魂魄空歸舍孤嫠別倚人遺文必零落殘篋已成塵

送于皇之金壇

聞說又行役渡江前計非但隨吳榜發惜與故人違水鷺依沙立峰雲變雨飛秋風吹地肺莫帶客愁歸

送施尚白還宣城

君又渡黃河因悲瓠子歌淮沂侵海潤魚鱉上城

多秋舸依葭菼鄉程近薜蘿田園予亦返相待一
來過

與吳見末同舟宿至中路別二首

夕陽爭道行逐侶竟何營賴得一舟臥共看秋月
明岸長疎柘影灘近過蘆聲曉起各分路踟躇惜
此程

客行貪夜涉共載已紛紛入舫身俱賤逢秋袂又
分朝饑同野店水宿判湖濱直是無閒計何家少
白雲

六十初度二首 己丑

後集

卷三

七

年華曾未省六十但酸辛祖禰天三世友于空一
身老應無再少生忽邁茲辰穉子能娛我斑斕迂
賀人

茫茫成老夫不忍憶懸弧六十予雖在平生意已
無賤身終傍薊衰髮早同蒲可許殘年內猶堪一
日娛

采石阻風

雲木亦成適嗟予身不閒因行松底澗更上水南
山繫艇忽秋盡齋糧此日慳風濤晚猶壯欹枕怯
潺湲

秋至白門得與治京口書却寄二首

頻年共君里此度與君違九月尚爲客一書纔寄
歸泛舟尋寺去看雁渡江飛想到鶴林院幾番開
竹扉

旅行君亦滯世路各艱辛前日過門巷殘秋背故
人江郊傳近信尺牘問長貧湖浦又歸去難期相
見頻

再寄與治京口兼訊潘江如

殘楊猶碧色相望幾躊躇欲成歸計方詢寄去
書霜侵衰鬢盡月冷上潮初遠愧貧交意終年釣

後集

卷三

八

艇虛

秋夜宿介立上人房

炎夏一投止幽林往復回竹門當畫鎖木葉向寒
摧道侶聽經去山廳上樹來自憐仍慙憇明發更
徘徊

九日登冶城山望鍾阜作

九日傷心盡登高極望孤荊知荒寺有雁入斷雲
無一拜將軍墓重看玄武湖近來臨眺者不敢道
蒼梧

訪劉金度

青溪南岸住避世有劉翁身老市廛外名生草聖
中食蔬時辟穀種竹自成叢履跡多無定朝朝野
寺通

同陳翼仲介立上人登雨花臺

江天難極目三歲一登臺禪老穿林至同人載酒
來斷鴻看盡落葉更飛回四顧連青靄方知暝
色催

齋食劉金度齋中

君似宗居士栖心泯愛憎當關惟一食在坐必閒
僧鐵擬護門限書常廢寢與高禪何寺講有約又

六日後集

卷三

九

須磨

與翼仲別兼送之句曲

蕭蕭行李去爲我歎頻興久住衣裳敝貧歸道路
憎城陰一分手客意各擔簦予憶葛仙井幽尋獨
爾能

九月十六夜泊湖口

已丑

繫舟衰柳畔波上下微陽來往石橋路依稀野岸
霜晚炊連市井風葉戰原棠細付客中意還家祇
自傷

問胡印度病

君已一生病今爲更老人衰同堦下草閒是杖邊
身驚候時聽鳥斜曛必飲醇吳綿曾御否相憶凜
秋貧

同元長過吉人山庄

數里茆茨近高原秋草枯雨耕看健犢湖尾薦芳
鳬釀舊初開甕霜餘未斷壺相通微醉後村樹繞
栖烏

同于息菴山行

日色遠林澹溪山未覺寒斷橋村路僻古樹烏巢
安他縣兵聲急高原稻穫殘君言此鄉好數過亦
非難

後集

卷三

一

得翼仲書兼寄至悼亡詩却寄

雨雪一鴻來因傳別鵠哀秦嘉虛贈遠荀倩豈心
灰薄俗如君少殘秋送我回殷勤勞佇望春水片
帆開

春日息菴過訪次韓茂貽韻二首

荒逕又來往孤踪未覺勞乍看新歲柳轉憶去年
蒿共歎青春失徒聞太白高門前芳草路莫厭此
相遭

二月芳艸色東風弱柳邊衡門對流水白髮已多

年世路間關日藤蕪夜雨天此時各惆悵相憶更茫然

駐允立見訪傳吳見末書次見末韻送之返

曲阿

細雨曉微茫春風動野航傳聞練湖水景色轉淒涼忽得懷中札徒悲參與商詰朝君又去離緒總迷芳

得方爾止書以暨卜客鳩茲因寄二首

聞君賃一廛卧對藉山煙旅食共雙僕下簾羸百錢江魚遙寄母隴特斷畊田倘遇支機石知來銀

六日從集

卷三

二

漢邊

賣藥何方好蕪湖春草菲家山仍遠道市井寄雙扉日覺囊詩溢誰言方伎微秋來庠收穀應可瘳長饑

春雨連朝率然成詠四首

每逢寒食雨不自奈愁何去日愁仍在今春雨又多雲藏巢鳥樹天爛牧牛簑細草開門外青青映女蘿

不獨茅簷下蕭條歎此辰春分三日過雨覺一村貧野港忽迷渡朝炊半濕薪水鄉聞賣蛤不似向

來頻

東風吹細雨杳未聽鶯啼日日門前柳千條只向西條豐甘菊長榮壓繡毬低暝色坐看久偏憎雞不棲俗言雞宿晚天不霽

朝光上樹頭又立一鳴鳩荒巷絕人跡中厨窘婦謀水長迴渚雁春半卧瓜牛却想羈離日頻年更許愁

穀雨日元長齋中雨坐

穀雨霏霏雨垂楊樹樹絲連朝催麥秀浸種及農時村寂停儺鼓芽長躍舂旂樓頭如有待不可一

聲鵲

穀雨後一日雨再次前韻

千條向西柳又共雨搖絲亭午忽微霽東風無轉時盡摧僧院藥重濕酒家旗明日晴當去君應獨聽鵲

仲夏田家

田家欣雨足着處促人忙水長撈蝦岸風乾曬麥場漸宜修鴨欄已見撒蠶筐高樹葉先盡遙知是老桑

一村閒犢少俱向麥田耕蚯蚓頭多白蠶蛾翼始

成乍暄芒種過久敝俗衣輕還復思甘霈田間聞水聲

野望

前林新霽色野望意欣欣夏漲痕初斂水車聲尚聞閒舟門外繫歸犢路傍分農事須勞力吾生亦已勤

水濱

鬱抱慚夷曠臨流興亦微乍看鵝隊去更訝燕雛飛荇葉冒行櫟荷花映野扉自憐同海鳥於此暫忘歸

五日後集

卷三

七

酬方坦菴先生評余近詩兼謝餉湖釀之作

二首

自甘漁釣處不復厭蓬茅每到浣花宅能令屐齒膠鳴應同蟋蟀聲敢近笙匏喜入鍾嶸品相呼是孟郊

先生不嗜飲水檻客同傾亦是邨酤比非關巾漉成中冷通遠脈下若遜佳名何處微醒散涼宵鶴唳聲

夏杪過介立上人院看竹時將渡江應白狼

講經之請二首

精廬一歲過當午更婆娑竹比去年好涼增舊路多院禽貪淨食杉鼠上高窠日日閒來此無人可奈何

如師興未慳受請去狼山一石冷堪凭三衣縫未閒織籠行遠嶠著屐背溪關殘歲子竿竹青青待爾還

送蔣冷生還丹陽二首

燕乳君來後今同燕子歸相逢共杯酒忽去黯征驂雨足秋田熟蓬荒故逕微白頭疑望處惟畏寄書稀

五日後集

卷三

四

生涯爾勿疑早賦躬耕詩歸飲澗中犢初問壁上犁練塘來夢遠弦月到家過有約重逢日還看李子碑

立秋前一日陳翼仲招同顧與治蔣冷生姜

子恂秦淮夕泛

頻年淮岸月此夕見波心殘日蒸雲氣微風度柳林沸絃多棘輪流火劇蕭森爲語驚秋客銜杯可散襟

林茂之目青奇貧炊煙莫繼貽予詩有所爭

惟易簣之句作此答之

張藉盲非老黔婁饑不盲如何蒙袂士七十左丘
明馬冀屋長住鶉衣暑不更所爭惟易簣此語痛
難平

再寄潘江如

北固山前住閒田可傍廬不知幾歲別未到去年
書江稻應新獲兒婚恐尚虛平生向平意拓落竟
何如

同翼仲鳳遊寺觀月

夜久雲俱斂寥寥松月微竹陰涼院磬蟲語寂僧
扉河漢忽然澹家人應望歸秋風明發後又見葉

初飛

庚寅初度日客白門翼仲治觴賦此

蕭條六十過馬齒再逢庚餉食平生友秋風舊旅
情蒔田終帶餒蓬矢竟何成無限樽醪意令人吞
此聲

贈瓦官寺老僧

幽寂瓦官路松門盡日扃牀前滋藥草壁上頌真
形淨食隨孤磬僧鵲滿十齡細談耆舊事獨與老
夫聽

此僧少時乃與胡彭舉柳陳父丁南羽遊

蘆簾詩爲宣城徐宜生作次方坦菴韻

江蘆編作席蕭瑟蔽閒門室已鄰牛僧身猶司馬
孫做還穿舊燕樸可住荒邨暎日淪連色依稀宛
水痕

南州徐孺子徙宅亦何輕只有緝纊婦都無卜肆
名鄉心敬亭月隱跡石頭城應許垂簾暇求羊一
欵荆

贈姜子恂話別

細論君家世朋交四十年乍逢渾似舊多難一相
憐疎雨離亭暮清秋葦岸烟河橋明發別遙憶菊
花前

子恂尊人二百水部爲先兄季鸞門人

日叢集

卷三

一六

贈賀錫余

日日尋幽寺題詩編藥欄不須僧把臂祇共石盤
桓山月聞鐘夕秋風憶釣灘丹陽西郭外彷彿鏡
湖瀾

韓聖秋宛陵歸訪之烏龍潭

逶迤江蒹際來去白雲程旅食從人薄迴船傍月
明竹煙晴入戶山靄畫當楹寂寂閒潭水秋來覺
更清

陳效聘園亭

邨逕城隅入青林雨後披筠孫攢別園石丈卧荒

籬秋檻敷紅藥霜梧悴碧枝多君能好靜數過亦無期

瘠獲

瘠田霜在稻野望似黃蒿束短不盈擔畝長翻費
婦濕泥狐印跡近水鷺遺翻婦子衡門下登場嗟
汝勞

重過鳳遊寺僧舍

八月青林寺重經衆木摧僧方渡江去雁盡帶霜
來牕逼殘陽過風吹亂葉迴不禁孤客思寂寞對
荒臺

二日後集

卷三

十七

寺夜

寂寥逢此夕古寺一鐘寒鄉使望不到客心寧易
安板僧深語罷聽雨即眠難怪得殘冬候更長祇
自歎

聽覺靜上人譚天台避亂因贈

前年一鉢輕曾向石梁行人世每多難天台亦中
兵入麋纔共息聞鶴又頻驚自有薰修力何妨累
劫成

送于息菴還金壇

春來浮一艇寂寞野僧依布帽遠東客繩床松下

扉鄉園閒地肺定省戀庭幃獨有鴿原淚臨岐對
濕衣時式之弟新歿
即息菴內弟也

哭式之第二首

命危曾歎鵬問疾淚先傾以爾爲同氣如何隔此
生縹囊惟自擁擔石竟無營夜雪書窓下魂應相
暝清

南山萬古宅零落爾先歸自有平生淚能禁此度
揮蒿原孤女送雪壠凍禽飛青草荒阡路心傷過
欲稀

雪後集束瞿先齋中送其之任澄城二首

二日後集

卷三

十六

門遲寒光徹荒湖頓有涯凍柯殘雪綴夕靄去鴻
遮客散空堂月梅開獻歲花殷勤萬里別憶此忽
成嗟

離亭風雪後別袂黯然分去踏函關月行看華嶽
雲路沿青草色夢返碧湖濱倘及長天雁題書思
轉紛

過湯仍三叔載草堂題壁

三歲一來此林園與昔同經營成鹿砦題韻到牛
宮開篋芸書舊疏田芋甲豐茅茨新築罷直欲似
牆東

阻雪湯仍三草堂

殘雪厭川涉冰漸去路連亂雲長繞樹白雪又漫天澗響空林外蔬青東園邊論文頻翦燭再宿轉欣然

壬辰臘月念二日雪中作

寒林連日雪荒逕絕人來楮杜灰頻撥庭梅花漸開漫空疑蝶舞積砌似銀堆清寂茆堂裏吟詩廢剪裁

饑饉遍江南式微真不堪薪根茹最苦稗粒食難甘豐獲占三雪勤耕賴一男擁鑪終日卧彷彿野

方日後集

卷三

九

僧菴

華亭歸舟寄吳見末

故人江上別寥落歲云徂京國遊仍薄津雲去易孤王風徵季子海蓬著潛夫新識鴟夷宅君當問五湖

十七夜集虎丘看月

嶙峋同一眺孤月此仍圓夜踏聽經石秋當落木天哀箏聲斷續高閣影嬋娟野泊尋歸舫淒清霜滿舷

紫金菴

山勢龍嵒合人煙聚著函雲間歸九曲僧病住孤菴古徑苔猶積微霜葉乍酣因君岩壑想相待此投簪

宿陽山憶舊

陽山此夜宿却憶十年前風景還如故冰霜復可憐渚蘆寒景落官路市橋連伊昔青青鬢彫零何處邊

立夏

節序逢新夏羈心自鬱陶晨禽爭院食午磬傍簷歌幾歲來香積無時免緼袍却慚通塞計展轉問

方日後集

卷三

十

人勞

雨爛麥

麥熟惟防雨南風果信占農占之五月南風主潦芒垂虛卧攏農歎失腰鎌已見穗如墨徒令窾不黔瓶無儲粟日又此一愁添

懷陳子鵠太守

別離當此際遠憶謝宣城山郡初分竹潢池正弄兵賣刀銷野戰褰幔看春耕今日北樓上應深懷古情

翼仲置酒邀同伯璣杓司分賦得佳字

招尋多風昔樽酒卽相偕雨氣芳林靜鳥聲蘭若
佳風微鐘動夕月出水沿淮去去雖無定塵中安
可儕

訊茂之

幾歲諸侯客顏衰鬢已凋著龜論世事喪亂識今
朝不是降旗出誰言王氣銷石頭城似舊忍聽打
寒潮

卽事

前日木始脫於今墜葉煩蛩淒因閨夏鶴淚屢空
村煙火數家在粉榆幾處存柴扉只蕭瑟露艸寒

石日後集

卷三

五

筑園

送趙吏部

鷄首乍相逢皇華此日歸故人猶惜別使者有光
輝縞帶盟心久江淮戰角稀從今登閣上日見五
雲飛

病二首

時五月二
十一日

五月炎蒸近微風吹滿庭離家日北陸卧病火中
星易失樓頭月頻窺鏡裏形藥唯資草木何以得
遐齡

客思已蕭森如何病復侵繇來爲野鹿豈肯厭長

林江近聞潮漲簷昏畏雨淫白雲已無限轉覺故
山深

三山阻雨

漠漠春帆水煙郊起綠蕪連艦仍宿浦行役始將
離見河舟夕照開沙嶼潮痕上筍簾猶聞北歸雁風
急向雲呼

送徐次履之鳩茲

聞君廣陵去一葦卽江南江草碧如此遊人自不
堪燕回沽酒舍馬飲落花潭蕩漾蕪湖岸能禁柳
色穠

石日後集

卷三

五

長干僧共住詞賦日滔滔山色餘前代人情厭我
曹離心懸夜雨生事長蓬蒿去住各惆悵令人心
更切

和徐介白韵

秋風攜勝侶挂席習家園露冷桐孫照香浮桂子
尊邊愁依歲月大火鬱江門時有早蝗歎息蓬蒿下羣

公策言

清暉來木末此地得芳園本是風流大非子氣象
尊鳳吹知翠袖時忽聞長笛鯨飲卽雷門不減南皮日
應劉有譙言

和沈君服韵三首

今夕月光滿洞庭波正長曲臺支老桂朱戶枕修
簟坐久風煙壯知深禮數忘不堪離別遠咫尺各
爲鄉

酌酒醉明月秋宵話更長烏雞眠落葉蟋蟀語疎
簟宋玉悲難減庾公恨未忘廣寒如可問消息寄
天鄉

溪上二首

溪上春猶在鶯啼只自嬌出遊真汨汨棲宿轉蕭
蕭夜雨沾桑土楊花上板橋平生感羈旅未覺似

今日後集

卷三

圭

今朝

細雨添林色朝晴漾碧溪遊絲罨蔓定過烏啄花
低踪跡仍回惑鄉書轉易迷自從春欲盡不敢更
重題

旅中酬坦菴先生餉金兼枉贈詩二首

東西詢客舍遞次劇勞辛著處皆蓬藋隨身有甌
塵衰頽甘玉粒匙筯得銀鱗脉脉乾饌意光輝賁
旅人

磊落論詩久微言大雅模把看詹事集必與浣花
緹爲我憂懸磬何時得報珠况投青玉案愁疾散

窮途

江夜次介丘上人韻

日下平川迥舟從疊浪過岸孤人語絕風細葦聲
多遠雁天邊陣荒雞夏口波楚江蕭瑟後無復大
堤歌

江行始見蘆花

帆輕雨始殘風急屢鳴湍不見蘆花白那知秋水
寒著煙同漠漠似雪待漫漫一望長風夾淒迷勢
更寬

魚床

短木作魚床支罾岸葦傍青蒿多入罾白小剩爲
糧家具腥盆盎生涯抵稻梁每逢張處士偏識釣
徒狂

再宿陽邏洲始見紅葉

再投陽邏宿佇望轉蕭森小艇亂流急殘陽撒網
深數峯迷薄靄一葉表寒林故里丹楓外還勞夢
寐尋

南嶽僧若石同舟集賈詩贈之

心知衡嶽路寂寞在瀟湘遠道擎空鉢徑災復到
涼天涯生月片夜浪動禪床又憶西巖寺石樓聞

吳香

聞亡女訃寄內

垂老常嗟別書傳江漢稀青髮
弱息秋草忽同歸多病愁難共
還家興轉微尚餘殘淚在相對
灑巾衣

立春前一日過韓翁公垂因贈

七十遘斯辰崎嶇度百屯每過蓬華陋
喜見梅花新觀象徵前史占年及早春
兒孫生計少先恐社錢貧

與治庭前梅花下

石日後集

卷三

三

寒梅滯積雪二月始芬敷
細籠朝萼光清發古株已將人境杳
更惜春風徂却怪白門柳唯啼夜夜鳥

送沈漢封還會稽

片葉海邊落高樓動客思徘徊憶鄉處
歎息秋風時野色更無際江雲何所期
剡溪孤棹返相望一含悲

八月十三夜月偕龍友無補旅仙泛舟鵝湖

龍友卽返官署二首

鵝湖吹臺側夜權倍光華已近前溪月
猶疑隔浦

沙桂涼空露滴蟾缺岸楓遮謝客臨流去煙波似若耶

秋月迎僊舸寒潭覆淺莎湖山轉清寂令尹亦來過
長笛風前落幽光醉後多却勝臨海嶠遙憶共平何

白塔寺觀月舟返王園作

招提此夜月映水亦蕭條曲岸自茲去前林相與搖
人來驚宿鳥露下止鳴蜩獨有蒹葭思江鄉久寂寥

十七夜月簡無補資福寺

石日後集

卷三

三

孤閣一相望仍看秋月圓幽光猶自若離思忽茫然
鐘度微雲岸江深灌木煙關山俱漠漠歸興菊花前

漾生日

老夫仍久客小子隔他鄉憶爾懸孤日添予滿鬢霜
江鴻消息斷竹馬別離長歲歲一書札秋來遠寄將

晚泊孤嶼送無補還吳門次龍友韻

出郭一搖棹颯然風滿林正當江海處無那別離心
孤磬連潮動浮雲夾岸陰明朝高閣上還憶此

登臨

君行千里外一宿共雲林卽是同遊千悠然寄此
心秋深吳苑綠水滿綠溪陰獨有將歸意難禁登
復臨

同龍友繇括蒼返東甌過交江九日舟中限

韻

沂洄值重九容與一舟閒濤白雲邊寺楓青郭外
山異鄉仍越微佳節更江關無限茱萸思天涯幾
日還

史弱翁至永嘉同憩開元精舍

石日後集

卷三

三

計爾辭家日已當鴻雁飛舊遊燕樹隔長路越山
微春艸凋寒露西堂見落暉永嘉詢故事千載一
沾衣

送陳三有公車北上

十月秋未盡君今萬里行東南黃落候歲晚雪霜
清盜賊橫戈日安危厝火情上書雖痛哭要是見
平生

雨後山家始見桃花

山家雨初歇行過始知春草色未盈路桃花能向
人開宜臨淺水暖欲傍通津莫訝風吹急晴看陌

上座

答尚白見懷次韻

敬亭山色裏相憶十年蒼載酒臨孤月逢僧宿上
方離顏空歲晚衰鬢盡秋霜那更江頭橘商飈樹
樹黃

之宛陵同施尚白雨舟作

川迴水潺潺芳林細雨間獨將孤棹往遠見陵陽
山明鏡漲溪綠高雲共鳥閒謝公樓畔柳會與爾
同攀

天逸閣梅朗三讀書處覽其遺跡泫然賦此

石日後集

卷三

三

三首

林園倚疊嶂昔與故人期豈意青山路翻成白馬
悲蠅蛸塵不動蔓草碧猶滋况值梅花落山陽笛
裏吹

何處尋梅福悠然隔死生因憐書帶草益愴總帷
情若欲求精爽翻疑變姓名舊題高閣上讀罷屢
吞聲

題聞歌鳳苦誰識飯牛非白石千秋爛未絃此日
希澗阿紛煙靄野甸正芳菲獨愧吳公子高原掛
劉歸

正月晦日沈景山梅溪飲集

同徐善生葛元士詹僧一徐川

生梅

城隔一散縣已復此山阿古木繁蒼蘚清池養白

鵝共知芳杜早無奈落梅何二仲子真忝相將捫

薜蘿

君豈巖中士青山卽考槃徑聊同蔣詡溪尚號都

官芳樹閒庭發春雲大澤寒啣杯當落日野色浩

漫漫

東溪訪施尚白兼贈其叔次仲

郭外草萋萋東溪路不迷川原皆澹冶雲木此招

一日後集

卷三

三

攜野逕分林麓春流似瀼西仲容稱達士早與嗣

宗齊

送蔡大美之白門

芳皋綠未徧君棹孤舟行江霽三山雨春寒白下

城雖知躍馬貴寧有刺肥情倘復從唐舉崎嶇問

此生

酬葛元士

十載一握手憐予今白頭春風兩相惜綺帶已生

愁細草搖南浦輕雲繞北樓非君歌古調何以慰

離憂

飲徐聖開齋中卽送之南遊

君似徐元直論心始一樽高才翻折節好客開衡

門汀草煖逾碧岸花春正繁孤舟此相送柳色徧

江邨

沈詹生過訪園居

君猶布衣士世事竟如何昔有玄纁召今傳曲突

書寧芳憐枕席耻壘及樵魚共此閒園內春風早

拂裾

飲沈詹生齋中賦贈

別業江邨去逃名似子光雲林徧春草河渚卽耕

一日後集

卷三

三

繁燭銜杯盡哀容把袂長與君十年別回首一

茫茫

元旦次韻

曉日澹村巷東風吹薄寒猶聞占歲早誰肯憫黎

殘社鼓叢祠震辛盤父老歎近來安戍卒却恐替

兵官

憶舍弟病二首

汝病已銷骨相違二月初每愁消息至復訝信音

疎市近宜賒藥園荒豈賣蔬遙思差健後蔓草應

催除

憶向茆關別舍悲上浦舟春來疑小愈書去戒勞
愁察脈醫難準扶危女較優韶光村社近可復笑
開眸

送纜放同祖心往嶺南

剃髮未曾久隨師嶺嶠行諸方同世亂半偈去家
輕江路落花盡梅關過雨清倚閣猶有戀歸日道
應成

立夏

春殘須到夏無奈別家何寄去書猶滯積來愁已
多新林雨轉密故壘燕頻過想復村村綠鞦韆叫
不日夜集 卷三 三

碧莎

午日子京置酒

簷寂午風迴庭榴爛熳開人間仍餉黍兵後再銜
杯掃石防深蝎書符應巨虺眼前何限事聊醉一
徘徊

得見末南還書却寄

敝裘前日歸消息解調饑心覺騎驢厭眼看屠狗
稀路危逢野獮家近換春衣又說度江去從知歲
計非

得舍弟書

只此寄來書綿綿意緒初舊栽郭橐樹新鬻先人
廬得老殘病後須閒甘食餘雖研起信論何肉未
應除

施尚白燕中歸感事賦贈二首

驅馬大河北歸來向我言黃沙迷樹色赤子逐蓬
根一失耦耕地都無野哭村所嗟南去路日日黯
征魂

觀君出門意未有旅人情夜渡桑乾月鄉心柳岸
鶯歎偏與栢寢思不待尊羹歸到句溪上蕭條聞
水聲

晤于皇

常疑不定踪相見即匆匆未免憂危色時談正變
風鉤金僅竊去錡釜婦愁空我自思江災期君有
路過

題與治新齋二首

雖住城隅宅衡門亦不喧偶營左側地小築辟疆
園溉竹雨多潤生苔石有根惟當秋月白一卧此
幽軒

種樹葉初齊黃鸝愛此啼近暄安蠹帙紆過隔雞
棲短幔遮晴砌新叢長故畦木奴花發好休語李

衡妻

答翼仲問病

宿疾已成候炎天每不虛愧從臨老歲始讀神農
書移圃竹新翠添池雨乍疎思君不同此小劇可
能除

夏夜客思

月暗失良夕茲宵光乍臨離交石面盡螢出草根
深雨過消池沫颺清捲閣陰稍堪愁寂散孤思又
沉沉

苦熱二首

石日後集

卷三

苦

始覺炎蒸酷其如亭午何節纔經一伏陰稍賴雙
柯暗暗消池水青青損薜蘿最憐簷際月相負在
滄波

朝輝已赫赫無復片雲生但見燭龍景不聞庭鳥
聲樹根涼鬬蟻石隙晝藏螢爲訝炎蒸極秋風到
未驚

觀雨

久燥煩思雨白雲欣慚繁近簷聞濺瓦臨水看翻
盆浙瀝連桐葉潄潄瀉竹根清颺來此夕應不畏
朝曦

雨後聞庭蟬

殘陽樹上枝噫噫爾何遲葉密藏猶濕風微斷若
絲聲宜連綠水飛肯傍華棖此度傳秋氣能令聽
者悲

生日得家信

離家勞思久秋至更如何生日看愁積長年聞亂
多踟躕雨損稼消息水增波一札樽前到衰顏未
易訖

初度日王子京觀察置酒與治壽如同飲觀

子京臨米書

石日後集

卷三

書

梧桐沾雨後幾葉墜涼初馬齒老偏長魚梁秋又
虛徐傾若下酒共玩米家書豫想殘年內離羣或
未如

同爾止宿翼仲齋中

君來舟又泊每喜得相迎身計憑方技時人昧姓
名眠遲同客夢更短忽雞鳴若復論長策終應事
耦耕

秋夜書懷二首

候轉又淹留人生那得休河輝無月夜蟲響去年
秋已厭頻臨水誰能更上樓最憐孤客聽長笛屢

悠悠

蕭瑟方成夜誰能緩獨愁牽牛仍近漢促織久鳴
秋白馬無周客青門少故侯絲來悲此地歲月且
頻流

爾止尚留余邑以詩見寄次韻答之二首

自浮石曰艇一月未成歸紆路到家緩投人相餉
微漸逢霜欲落應見蟹初肥爲報豚兒長令予孤
思飛

君猶歸未得那復問予歸雖各有身事知同賦命
微舊山田不薄久客貌難肥鄉夢催帆發相隨一

石曰後集

卷三

三

雁飛

問黃僊裳病却寄

伐木想丁丁巖扉幾度局分攜當月夕相望隔江
垆掃葉多煨芋逢秋早劇苓不知何事病只合坐

樵青

僊裳以
樵自名

再寄僊裳

昨到江邊使傳君枕上書數行良繾綣一病竟何
如採藥因樵斧聞濤卧寺廬廣陵秋月好獨惜故
交疎

八月初六夜同仍三過與治新齋飲月下

偶因出城晚却得到君齋向夕暄猶盛中秋月漸
佳坐遷光在樹風墜葉當堦我醉眠須穩幽尋得
所偕

客中秋喜侄迓至

已傳來信久見汝一歡然客况占衣敝歸心歎路
邇爲儒逢世難看月到秋圓細數還家日應登早
稻田

汚生日

每憶懸弧喜于今滿十齡爾生從母說父信傍人
聽想看秋田稼仍哦孔壁經如何逢此日只是歎

石曰後集

卷三

三

飄零

秋陰

蕭條候轉侵無奈數朝陰雁已到江近蟲將入戶
吟頓思黃葉浦恐負白雲心坐見風前翼翩翩返

故林

送人

客堂原寂寂何事轉淒其曉起送人去秋來此日
悲離心砧杵急歸計稻梁遲薄暝寒蟬語盈懷空
所思

哭孔仲若三首

忽憶兵戈歲衡門話遠征向人聞虎戰爲我出魚
羹祇訝書難寄誰言命卽傾殘秋揮淚盡黃葉樹
頭鳴

遭亂卽蓬飄相違路漸遙家貧存四壁客久在全
椒薄祭悲兒女新墳過雨颺荒原終一慟應見草
蕭蕭

斯人殊未易廿載一候葩孤憤世偏促重泉恨轉
賒生涯多躡屨故里每移家今日楊雲宅玄文徒
自嗟

殘秋二首

石臼後集

卷三

三

纔起秋風思眼看今又殘林中疎木葉霜後落江
湍晚劃鄉心劇荒田水潦寬那堪數歸日雨雪更
漫漫

每至殘秋候淒淒惟自憐遶看無葉樹坐對有雲
天蟲響斷幽砌鴻聲驚獨眠世平何敢望頻夢在
漁船

哭族叔南康簿帶甫二首

綰綬未逢辰驅車卽苦辛縣荒猶舊版官小是王
臣百戰空三戶孤城絕四鄰竟無慙畏革悲淚灑
蒼旻

策馬之官日心知世已傾連城多苦戰一簿不偷
生消息慈幃慟雲山廣柳程祇應南董輩泚筆庶
相旌

送徐旻若還京口

城西別業在步屨尚依稀一夕淒清話孤舟蕩漾
歸霜鴻投岸葦鄉樹近煙霏我憶戴顓宅重來欸
舊扉

寒月

沈沈露井煙聲斷轆轤邊前日霜猶薄經寒月再
圓戀貂蟾自若藏竹雀驚遷豫恐還家日連朝凍

石臼後集

卷三

天

浦船

冬夜步賈浪山韻

暝色連寒色庭空思不空歲殘多客裏月白又霜
中寐少厭長漏聲淒淒度朔風家園翻似近未曉屢
聞鴻

遊鵲湖園夜集二首

爲園枕澗壑出郭見滄波不倚蘭橈去將如秋水
何長廊延野色虛閣敞天河亦覺越兒好相憐月
下歌

映水結環廬門庭此晏如巖阿當夜合林篠傍秋

踈臺迥雲生後湖平月落初叢蘭真可惜露濕更
踟躇

縉雲飲李秀才園亭

數樹帶霜色西郊此正閒到君庭戶內始識九盤
山置酒水煙側看花薜荔間仙都雖尚隔相望已
開顏

雨過唐棲

沂舟入烟路曉雨濕汀寒岸澗連桑野雲昏覆葦
灘亂流江易迴淹泊歲方殘仍作異鄉客川梁起
浩歎

石白齋集

卷三

三

雪中柳追次楊眉菴韻

一株新綻柳白雪衰枝條葉密風初剪絲長凍不
飄玉笙嬌鳥哢羅帶舞人腰薄暮還飛絮淒清綴
板橋

麥畦

東臯綠尚淺草茁麥畦寒一寸苗出土三春雨不
乾枯桑饑雀聚閒隴牧牛寬却羨不耕者犁鋤掛
壁看

過胡四匪茅齋

茅茨白日淨是爾先人廬寂寞舊鄰在參差古木

踈漸請移過巷重檢借來書步履林中路於今更
不虛

舟次河口

繫艇傍漁師新流亂入陂舟中養鸚鵡水上立鸕
鷀野店雙扉閉孤帆片雨追蕭條來往路空識舊
茅茨

金壇南窰訪息菴

青山雨始歇微徑入幽棲井臼長林畔野橋流水
西芋田初放溜茅屋迥聞雞一別陶彭澤經年手
重攜

石白齋集

卷三

早

韓茂貽于御君京口來因贈

雨氣忽蕭森江流日夜深一舟回北固二妙總南
金煙嶺藏仙錄芳林結畫陰長松多秀色相望鹿
麋心

客子重齋中喜子巨京口至賦此

思君不煙渚孤權尚遲遲未握長林臂先驚小謝
詩亭臯連雨翠泉壑逞秋姿惟有白雲興相看無
盡時

客中憂雨二首

季月復多雨炎天思颯然一川成浩淼舊業傍潺

漫歲計憑菰米鄉心逐浦舷商羊前日舞蕭瑟暮
林煙何容與隣家不覺秋已深
江邨值饑歲十日雨如何心事漁竿晚茅堂蝸跡
多漲痕侵早稻野色動危波可歎平生裏飄蓬負
短簑

端午日元長邀同高白昌明與九飲當岳園

看新竹

踏逕先當竹寒光碧似雲人情皆向屈我意反憐
君倚席逗遙翠看朋茹一暈高白有戒止食一暈坐延林外
鳥暝色已紛紛

石臼後集

卷三

聖

尤高白至宿齋中

浹月天常濕蕭然汝獨來湖田三版浸蒿逕一人
開露氣涼侵袷朝光薄泣苔因循成步履孤岸有
松洄

豫園二首

康樂愛山水崎嶇滿戶庭拂衣沾露碧著處見峯
青後輩看江總前賢尚管寧菰蒲新浥露長對白
鷗汀
石磴何容與微涼灌木叢水流巖戶外道在添園
中耆舊傳先入茅家信始通故應貞白老日夜聽

松風

和茂貽七夕
不覺今何夕微風散薄陰偶看河漢影正共別離
心機杼斷荒巷雲霞空遠潯江鄉兒女怨幾處有
穿鍼

九月前一日徐客侯廣陵來過訪二首

一路青楓岸漁舟忽到扉映空野水色把袂旅人
衣菰米秋難熟關河雁盡飛遊吳情未厭惆悵故
山薇

曹娥江上舟幾日到揚州葭葦偏多雨風塵早徹

石臼後集

卷三

聖

裘問程楊柳渡迴權菊花秋明日逢重九知君重
旅愁

雨獲

濕葉墜楓灘煙霏動暝寒田方憂穗滯雨復送秋
殘敝褐縫逾短黃梁春未乾帶經鋤亦厭白首笑
倪寬

哭韓元長三首

前日一書札猶言相見遲誰知榛草路遽及寢門
悲雨雪交蘿閣春風入總帷向來綦履跡惟覺綠
苔滋

十畝一虛闌蓬蒿更不刪漁家鄰舍在桑者只君
閒身病酒人去臺空烟鳥還絲絲臺畔柳流淚豈
能攀

乘化亦何恨惟憂慈母哀支羸東帶起易簣問去
回朔雪路偏阻東園梅未開故人零落後獨愧素
車來

哭魏吉人三首

憶爾傷埋玉扶筇哭友時

哭元長也

三春多雨雪一病

竟支離藥盡還嘗乳形銷不廢詩井桃成片落相
對已含悲

石曰後集

卷三

四

伯休墳未築薤露又聞歌在日相逢少重泉恨轉
多壠耕時牧犢湖釣即披簑此度無窮淚濺濺落
素波

結茅湖浦近十載往來行忽覩青楓路新醺白旄
旌氣綿書再寄腹痛語先驚獨自殘年裏秋原慟
哭情

晚過西菴訪李武治

日色下楓栢無人黃葉菴遠山平向暮一雁獨飛
南亂草踈行跡虛闌類放參沉冥君亦老寂寞此
能甘

晚穫

鴈帶微霜去喧喧忽滿川葉稀原上樹禾熟潦餘
田刈獲慚兼畝溝塍載小船宵春楓月白水岸起
寒煙

過四匪茅屋小飲

高原紅樹出枝葉已峻嶒幽巷度寒雀閉門扣病
僧茅簷喧日景菜甲老霜塍歲計俱零落微醺豈
易能

寄王子京澧州

雙旌浮漢水去路轉悠悠相憶清淮曲徒傷澧浦
石曰後集

卷三

四

秋江航過月峽楚樹隔巴丘故國煙霜外蕭條萬
里愁

寄慰于皇傷內

歲歲一窮途平生有鹿車吞聲蓬蓽側單影總惟
初遠道辭家易清輝倚幌虛此時苟奉倩蕭瑟意
何如

辛卯除夕同翼仲守歲齋中

此宵仍此歲相對勿蹉跎意緒殘年薄光陰亂日
多折梅聊共嗅把酒卽應歌獨有愁無盡人生真
若何

送翼仲還白下

二月楊柳波送君惆悵歸數株連野岸一碧映苔
磯始歎遊樓薄終憐計畫非烏衣舊門巷應見燕
初飛

酬崔明府再過敝廬二首

垂楊夾溪路日暮枉驂駢細雨千毫濕閒門燕子
歸烹葵邀醉淺拔薤喻言微何意桃花發春風再
欬扉

車馬自逶迤芳臯接水涯映廬青草色織履朱桃
椎荒巷猶寒折濕薪方夜炊却煩頻一燭四壁看

石臼後集

卷三

四三

題詩

蕪湖訪伯磯二首

嗟君獨旅食借宅當幽樓家信逾彭蠡鄉愁入鼓
鼙斷雲飄雨過殘日向江低一吣煙臯晚微波易
慘悽

自爲千里客歸路日榛蕪井邑稅空在詩書壁有
無砌蛩秋乍冷蘿月夜方徂默坐彈琴罷心知此

調孤

同吳漢侯朗月上人杯渡寺後山望江因贈

朗上人

江寺秋風後松杉氣未涼登山卽臨水日色與嵐
光旅次安鐘梵僧譚過夕陽欲尋高詠處必在朗
公房

贈別羅天成

樓頭聞木脫浙浙徧亭臯客散一尊雨江迴萬里
濤世情悲暮齒山水隔同袍別路看新鴈沙平刷
羽毛

九日同湯幼常仍三登高二首

佳辰已可愛况復愛其名露徧殘秋色天空萬木
聲望鴻分浦去踏葉背溪行寥落登高興茱萸歲

石臼後集

卷三

四

歲情

蕭蕭重九日黯黯寺門前流水徒成世白雲長在
天青楓落後菌出雁來先爾輩猶鬢髮相看亦
惘然

尚白使寺西還里因簡二首

寒鴈正南去山川霜色悽使車停桂水木葉下湘
西峰影窺廬阜猿聲帶鼓聲回舟天外夢猶聽鷓
鴒啼

南上一爲別炎州信始通相看千萬里却轉一孤
篷路折辰沅斷烽高翡翠空如今南粵使可與陸

生同

秋日與伯幾約往白下迄冬未果因簡

江頭葭莢色八月已悽悽故里愁仍在征蓬路轉
迷雁隨紅樹沒烏繞白門啼翻愧溝中水年年東
復西

翼仲書來寄答

聞道瓦官寺秋風遲我來雲松虛梵院露草接香
臺散帙蟲聲寂聽鐘雁影迴清詩題罷後殘月幾
徘徊

寄見末燕中

兩雪薊門陸君今非布衣塞雲連吹合鄉路半鴻
飛此地悲歌發故林遙羨歸石塘橋畔柳秋盡尚
依依

歲暮

短景頻催度長饑豈有涯歲侵仍盜賊老去又春
華曉日偏藏霧寒禽獨噪鴉荒村生事少蕭瑟捕
魚叉

送兒沔還湖舍

江流白下城應識還遊情側浪驚鼉吼登臺想鳳
鳴不因艱旅食豈卽問歸程春盡還驅犢曉田待

爾耕

春去

不知春又去客路渺無從飛絮忽千里坐愁增萬
重穿籬蛺蝶舞退院老僧逢從不嫌清境新憎後
夜鐘

送伯幾返蕪陰

夜航乘月上春興爾來過白浪迴輕舫南風漾淺
渦世情俱斂跡懷抱獨悲歌悵望青天外無如極
浦何

冬日過尚白齋中賦贈

寄書凡幾度洄溯到君廬髻雪驚沾面舟霜儼在
裾客談孤燭跋門閉五羊車忽有盈襟歎中宵意
未舒

贈蔡大美

多年蔡夫子生事更艱虞鼠自啗虛橐鶉常掛大
軀喜開老蚌月底墮少姬珠却訝頻畱客糟牀一
滴無

寄訊爾止

聞說廬山客生涯尚渺然虎溪頻引月鹿洞有閒
田家室分州縣東西餉橐饒未知牢落意聊試北

風前

訊見末疾

入城剛一笑忽此病相催崇或因予至窮能令友
災桃蹊春漸盛柳色雨初開藥裹聊煩訊青林望
幾回

逢山陰孟子塞因贈

溪陽令朱君
子墨弟子

孟郊作尉處爾到想遺風莫道遊印客還同師蓋
公食寒春漲後柳碧雨絲中忽復念江海悠悠刻
曲通

題孟子塞二胥傳奇

石臼後集

卷三

哭

生世意何如悲歌起二胥折楊原自妙揮淚已無
餘偶語傳秦禁深譚忌楚書祇疑七日哭此事古
猶虛

樓雨簡李長公

東風逼曉煙日日雨如綿俱斷城隅屐獨看樓角
天憐春三月破禁火一桃然君飲無兼爵偏愁乏
酒錢

雨中簡東瞿先四首

細雨日霏霏長思東廣微每於花落後却訝我來
稀官舍平臨水漁家正隔扉坐看帆影疾祇訝白

雲飛

自喜湖濱住閒庭對語寒澹煙晴色迥青艸漲痕
寬審火通書幌兵船宿鞏灘不因時入邑何處累
微官

荏葦勢如燔兵戈在屬垣觀君長嘯處仍似未窺
園白馬連營近烏皮隱几存向來羅網內愁極敢
深論

門前葭菼路豈厭往來頻自不須名隱唯應更忍
貧食兼湖畔鱖羹羅市間薪小艇堪垂餌清秋共
一綰

石臼後集

卷三

平

過杜于皇新居卽席同賦

幽居忽邁此蒙難喜相安孤柳出簷際一庭當夏
寒樓欄遮逕草井渌傍花欄真是杜家宅惟應乘
興看

送黃觀止還檣李二首

未問世如何嗟君出網羅長鏡託命好廣柳置身
多江國頻三伏秋風又始波投林看去鳥偏識故
山柯

同侶皆新鬼天涯孰比鄰寄書因報母失路尚爲
人歸夢浮鴛水懷沙薦楚蘋大招臨欲賦宋玉最

傷神

往武昌別白門同社二首

田園夏始休又上沙棠舟白鳥隨孤榜紅蕖映一
洲港深窄密葦漢廣及清秋此去復千里多慙水
上鷗

一歲屢行役迢迢岸葦蒼江雲朝尚赤菡萏氣先
涼別路憑舟濟歸心數雁行遙憐寄書處愁絕近
沅湘

江泊二首

沙際看新月微涼起夜颼因悲去家早已厭旅行

石臼後集

卷三

三

遲雲木依村舍牛羊接稻陂豫愁歸計晚霜落楚

江湄

日日問行路棠舟猶未開寒衣重寄到人使却還
來江疾亂流渡沙平牧馬回不堪臨眺晚遠吹隔
烽臺

石城橋與于皇別二首

長川竟淼淼忽聽榜人歌况復洞庭上微風今始
波兩鄉空怨別一歲又蹉跎漫說傷離意絲來楚
客多

是子故鄉路悠悠我去遙徒然異風土共歎一飄

搖未落離亭葉先悲後夜潮不堪持此恨相送石

城橋

舟中喜介立上人至

蕭然孤笠外書笈對清秋楚塞千烽火江灘一葉
舟山迴看嶂影月好上簾鉤慙愧江郎老朝朝擬
惠休

大勝關看落日

片帆來別浦落日忽銜山水色浮遙岫秋風娘故
關浪低孤鷺過月出斷雲還戍鼓何勞急淒清岸
草間

石臼後集

卷三

五

乘風過三山望家

翠微秋漸出遠色上清旻偏是近家路却非歸去
身掛帆爭渚鳥逆浪卧舟人匝月尋回信題書厭
苦辛

舟月

只茲江上月野曠始知秋已是思家夕偏憐入楚
舟乍看牛女度遙起漢陽愁聞說白雲在都無黃
鶴樓

蕪湖逢羅繡銘載酒舟中送予入楚

故人一樽酒語別赭山陰港白秋檣入磯鳴夜雨

侵戍煙偏黯黯楚樹正沈沈若近羅含宅思君應更深

訪蕭尺木適入郡城不值

君舟方入郡我棹忽相尋欲話別離久多因遇亂
添黃山秋霽滅謝宅晚雲侵此夕成遙憶翻同千里心

舟中逢先母忌辰

五年悲陟屺此日涕翻瀾自失倚閭望彌傷行路
難向來衣上線空到客中寒飄泊渾如昔重泉意更酸

螺磯

魏閣晴偏出危磯勢獨尊江雲紫玉珮石色似天
門事跡孫劉惑波濤日夜喧客心方去國舟楫此銷魂

秋浦初度

孤城侵曉泊綠水久逶迤秋浦懸孤日江橋繫艇
時雨增臨水思老益望鄉悲漠漠煙中柳淒清對酒卮

舟雨望齊山作

水面忽寒色齊山雨氣偏浪沾蒲稗濕浦共翠微

連作失登臨興空思鴻雁天此中能賦者惟有牧之賢

清溪舟雨二首

旅泊厭衰翁清溪細雨中數家不成市一樹早疑
楓葦薄沙禽白堤深水蓼紅征途千里近猶在楚雲東

一塔卽雲際孤村亦水涯短籬荒野菜列肆賣秋
瓜薄袂愁中換他帆浦外斜坐觀同侶者無不起長嗟

舟中聞角

石臼後集卷三

寄

橈聲撥曉霧孤角咽江灣斷續晴波上淒清亂葦
間此生厭戎馬何意傍關山聽罷堪垂淚誰能鬢不斑

馬當

已識江程險繇來是馬當暴牲平巨浪入港正危
檣殘邑空睥睨中流接楚襄小姑娟靚極曾說嫁彭郎

讀大安和尚近詩因題

江艦同楚驛幸不歎孤征古意一朝發朱絲永日
清寄懷追阮藉置品待鍾嶸看墮天邊月餘輝復

滿盈

曉發潯陽回望廬山雙劍峰

湓湖十日住曉色掛蒲帆行過路千里寄歸書一
函港通黃子國翠遠白雲出虛憶宿高頂聞猿淚
濕衫

泊斯州聞新雁

接羽水煙際嗚嗚聲遂多塞垣秋欲冷彭蠡我先
過葭葦天連郢悲鳴風起波客舟三日泊孤思更
如何

十七夜江舟望月

時盜在
蕪水

石日後集

卷三

三

舟隱月漸遲桂影尚離披雁已忽來後江偏屢泊
時城荒兵出援烽急路穿危四海仍多難空成泛
梗悲

蘭溪驛觀土人避寇作

昨聞蕪水賊焚掠近蘭溪小艇沿江散孤蓬盡室
櫓炊多驚雁起葦薄恐兒啼世亂同風景含辛望
欲迷

赤壁二首

攀陟蒙茸路沙泉響細淙石偏長帶礮磯已不臨
江蔓草纏遺碣荏蒲困此邦更憐厭兵者婆婦泣

漁鱖

再躡磯頭石層崖落景荒戰猶疑霸跡名竟與周
郎形勢宜雄楚登臨想謫黃不知此江色東去亦
何長

沔兒生日泊三江口賦此

懸弧爾漸長歲歲一睽離况隔二千里能無動遠
思波濤臨漢口骨肉在天涯此夕三江上愁多覺
我衰

漢口二首

白雲無盡頭漢水入江流遠岸迴三澨孤蓬歷九

石日後集

卷三

六

秋禹功思渠漾楚望泊行舟別有淒清意因憐處
士洲

維舟逐行旅水涉厭波濤一雁過沔口殘陽下漢
華人煙稀木葉賈舶載弓刀此夕懷吾土忡忡心

鬱陶

漢陽舟次遣懷二首

旅次忽無緒依依此水濱鄉愁連四望童病只孤
身過廟厭求卜鄰舟替買薪絲來牢落意傷盡漢

江神

日日漢陽泊天空聞雁聲畏看衰柳色不向武昌

城水店頻過熱溪庵偶到清一僧來白下話有故鄉情

漢陽城

睥睨漢江清百家同一城麗譙存石碣官舍借柴荆小店初登蟹重陽亦賣餚郎官湖似掌翻惜此佳名

漢江訪居易上人院題壁二首

寂寥濱漢水土室贊公房沙岸行三里蘆簾蔽一床藝蔬開小徑翦棘露頽墻亂後居難定還同再宿桑

五言古集

卷三

三

江野閉門居身閒屢竄餘餐多人施飯散盡手鈔書戎馬爾猶厭宗雷我不如相過興未已欲別更躊躇

漢上回舟集賈闌仙詩簡大安和尚泊介立上人二首

幾日到漢水如今始拂衣帆隨風便發霜降月彌輝曉角催人夢舊山臨老歸晴湖勝境碧相送有柴扉

猶去瀟湘遠繁霜下楚空見僧心暫定回日葉應紅雲塞石房路寒催朔北風歸林久別寺松栢隱

朦朧

寄懷顧與治集賈

桐竹遶庭匝星河殘月華閒居少鄰並別紙聖龍蛇汲井嘗泉味迴潮落海槎石頭城下泊猶得到君家

懷陳翼仲集賈

江岸一相見長風起廣津集蟬苔樹僻爽味茗芽新極浦浮霜雁驚蛩遠地人殷勤訝此別鷗鳥幾時親

皖城

五言古集

卷三

三

魏堞猶如故奔流疾似梭先朝曾扼險老濶此迴戈洲上黃蘆折城中黑土多向來諸將帥負主竟如何

皖城阻風過迎江寺逢蜀僧珪璽寺有宸翰樓藏光宗皇帝御書

孤刹此江隈數帆開又迴因尋沙徑往喜得蜀僧陪雁塔煙初斂龍山翠欲來光皇留御墨何處象昭回

鳩茲遣僕歸訊

巨舸漢川浮鳩茲上小舟翻憐分路去重起別家

愁釋子應驚問清夢可盡收休言歸太晚身計尚悠悠

歸舟再過三山次前韻

危磯倚棹過曉霧失空冥十月天寒雨長江楚塞身孤舟仍去路同侶盡歸人誰識落帆後徘徊獨苦辛

冬夜讀葛震父遺草有惠應寺看秋色同邢

孟貞亞貞顧與治潘嘯生分得難字時已

卯十月也庚辰嘯生震父相繼化去去年

丁亥予弟亞貞亦奄逝悲感涕洟援筆賦

小日集

卷三

三

此并東與治

丹樹城南寺相尋鬢尚青五人三下世十載一零丁舊好隨楓葉新啼感鵲鴿雨聲孤館夜愁絕共誰聽

晤于皇

君有故園思黃州我乍過江城青靄合廬舍白茅多列炬還乘障歸人轉荷戈謾嗟爲客久回首淚滂沱

歲暮歸里與爾止同舟過三山作

時有亡女之戚

三過三度過此度旅人歸話向同舟客寒添入楚

雨雨深孤港路臘盡故園扉嬌女平陽淚千行待一揮

儲家渡阻雪

雨雪儲家渡參差野岸廬歸當祠竈後愁在泊船初暮雀投枯樹新筍出遠墟家人應問卜此日又成虛

送藍田叔歸杭州二首

相見南徐夜桃花艷暮春兵戈迴履跡書信托門人一別淹三歲平驚過六旬鹿門歸去路草色岳墳新

自抱雲林癖仍攜名嶽圖

毫間出神品世上見方

壺花落沿洄渚尊生歌舞湖願投山靜處有徑共樵蘇

三月十五日夜龍友置酒金山寺同萬年少

方爾止作二首

遠靄漸成夕微風已泊濤巖光落戶牖月色在干旄半醉誇橫笛深愁看佩刀長江古如此勿但恨滔滔

涉江復登嶺載酒卽卽官月豈爭潮白花偏帶柳寒持杯勸萬楚把釣拉方干莫謾憑欄久心傷北

望殘

同萬年少程穆情范小范方爾止鄔沂公潘

江如錢馭少集戴公園得沙村二首

城南微雨歇轉逕向林斜曉嶂青舍旭春潮白漫
沙遠江芳杜合密樹曉鶯遮何意一樽酒相逢處
士家

芳春幾日盡曲折入山村黃鳥啼官道青山隔女
姮感時修禊過臨水落花繁忽訝林塘夕翻翻衆
雀喧

舊京元旦

石曰後集

卷三

三

元日東風裏飄飄細雨寒朔當新歲換地是故宮
殘把釣從生活登樓起慨歎寢園雲似墨何處問
祠官

送范小范歸皖

前日城南路清風訪戴顓江雲從此別斗酒幾時
逢霧燕迷春樹津艫響夜宗干戈如暫息皖口會
應重

雨中客舍與爾止宿二首

江郊一片雨蕭颯過城樓把袂忽不樂因君重旅
愁牖疎風悄悄禁短夜悠悠那更兵烽急人傳到

石頭

中宵轉牢落世難久參差飢欲辭三輔愁當發五
噫堞雲寒不散旌雨細還吹彷彿巴山夜他年話
此時

贈鄔沂公

君懷我已見未受逸人稱賣藥得晚食看山恒夙
興有方多繫肘與世只如冰却笑韓康伯猶煩車
馬徵

京口雨夜訊杜于皇方爾止

城頭傳急羽二子在南徐雨滯行來爰烽遲寄去

石曰後集

卷三

三

書客心煩此際江訊竟何如應與同雙淚茲宵各
滿裾

憶釋子二首

釋子暎離易逡巡又一春經時疑失學無處問來
人戲或追村鼓忙應賽社神卽教今見面未忍便
含嗔

憶汝漸成長慚予客久淹已堪樹雞柵未勝荷陶
潛壯歲年年別髭霜日日添江關聞角罷衣袖淚
頻沾

浮家

門臨浦澈邊今日上漁船家口同雙櫂茅齋隔數
椽鳬鷺爭白水穉子愛紅蓮獨媿玄真子煙波往
復還

早稼二首

雨餘詢早稼一半已沾泥未愛翻匙白偏憎生耳
齊瓶應儲且暮梗欲泛東西性命如絲綴胡能美
畝棲

秋陰滿一川刈穫載漁船及此爲農日空知惜老
年水邨連白鳥溪屋覆青煙向暮聞春急生涯亦
可憐

石曰後集

卷三

三

空村

前日木始脫於今墜葉繁蛩淒因閨夏鶴唳屢空
邨煙火數家在粉榆幾處存柴扉久蕭瑟露草塞
荒園

懷弱翁江如

漁舟今已載無奈阻雲林源水雖同去吳江恐未
深秋分黃葉落夜半白河沉孤櫂久相負何時共
碧潯

寄蔣泰占兄弟

三歲阻天末相逢春已殘驚問江岸錦歸去括州

戀風土君堪穩麻田稅亦寬徑當占尺藉長作縣
氓看

九州惟此土最可築閒廬未必追禽慶終能輓鹿
車干戈成沸鼎兄弟各愁予空憶石門月迢迢盈
且虛

集賈浪仙贈施達菽學博二首

朗誦高齋下儒科幕冉顏雖然叨一椽少有事相
關朔色晴天地寒鐙竹屋間集詩應萬首吾黨共
追攀

任官維一年煮茗汲隣泉衣褐惟麤帛抄書上彩

石曰後集

卷三

三

箋過橋分野色斜日下寒天地近勞煩訪中宵坐
嘿然

贈祖心上人

曠然攜一笠萬里到人間吳越峰邊過羅浮夢裏
還漫遊逢世改因亂未身閒十月梅花發心悲似
故山

歲除前一日訪子皇

逆旅家仍在傳聞信果真相逢重對酒惜別轉驚
神蛛網殘書積牛衣舊日貧雞籠山色近不忍歲
華新

乙酉除夕同王子京作

十日春風過驚看斗柄東人同孤燭畔歲盡萬愁
中骨肉萍猶汎霜華鬢欲空平生蕭瑟意此夕更
無窮

送于皇之丹陽訪黃侍御

君去丹陽郭征驂細雨中故人適持斧遊子尚如
蓬余欲辭京口遙看風景同少陽祠下淚半爲灑
途窮

雨涼

片雨頓蕭颯層陰詎可堪氤氲成淅淅悵望起煙

石日後集

卷三

三

嵐歲喜枯禾潤涼生徹葛諧行年垂六十每遇授
衣慚

同與治爾止飲翼仲齋中

君廬宜數至秋氣忽蕭疎更值風兼雨同來崔嵬
徐墻陰移霽後茗色解醒餘彷彿稱耆舊朝朝媿
鹿車

送見末往揚州

蕭條去邑里頻向廣陵行亂益消家計貧偏厭旅
情秋當爲客盡月早過江明若到竹西畔應無歌
吹聲

京口歸敬夫先一日携家隨程中丞之湖州

却寄

京峴躍蹕歸傳烽到敝扉漁舟隨幕府茗水換絺
衣道路去鄉遠筐箱生事微白頭葭菼裏相見會
應稀

十五夜臺上望月憶家

茲宵臺上月皎皎出雲稜纖靄此時滅遙思已忽
興水寒澄雁渚光滿上漁簖却歎還家信秋來杳
未憑

中秋夜看月過徐裕超園亭作

石日後集

卷三

三

娟娟林際月颺彩更盈盈閒寂一庭色蕭騷衆木
殷桂因沾露馥蟾亦傍池清前日曾來此猶聞蛩
正鳴

十六夜無月酬翼仲中秋日見遲之作

月華滿比鄰坐隔此佳辰芳薜擎甌白蹲鴟入眼
新幽光一夕閱世事百年辛幸有扁舟與相期綠
水濱

酬與治見送整歸湖上之作

白雲湖上廬一歲隔樵漁水落放舟疾楓枯到岸
疎雖然愁去路未擬寄來書臘月寒梅樹花開定

不虛

題印度茅齋

茅齋傍村隙，亂草隔牆生。惟有一床在，更無三徑行。堆書高日卧，聽鳥出林鳴。數步岡西路，因予有送迎。

還里後始過吉人鵬池村舍

寄書非一度，報我蒨蒿萊。逕逐此時到，舟從前月回。求羊連巷陌，田父共雲隈。得傍東柯住，江頭且莫哀。

贈俞心美將軍

石臼後集

卷三

三

兒輩去海門，不忘孟嘗恩。變姓投湖嶼，幽廬葺野原。共人論黍稷，膳母藉雞豚。時復一揮淚，滄江日色昏。

題韓元長十畝園踞亭二首

鬱鬱幾松孤，園空衆鳥呼。一亭猶可踞，十畝已全蕪。暝磬聞蘭若，寒煙起坐隅。此中論隱跡，藹軸似君無。
却想踞亭畔，科頭對野蒿。松青猶歷落，髮白太蕭條。隔屋懸魚網，閒塔落鳥毛。因思漢高士，賣藥豈非勞。

臞人六十

君今已六十，於世久沈冥。家占汾湖綠，峰耽隔郡青。蓼長因母廢，麋或傍人靈。想爾丹顏在，松根有茯苓。

舟發序百以詩見送賦答

再面夔非易，相違一惘然。豈知別家意，更爲憶君牽。弭舸詢江險，迎霜發早天。數行酸語札，脈脈枉相憐。

覽與治弔阮詩戲答

鉛山萬嶺西，此路忽成迷。聞道彭生厲，能爲豕立啼。生芻宜下淚，廣柳失然臍。漢史中郎事，休教更慘悽。

阮死鉛山嶺，白日見雷介公之鬼云。

丙戌長至

離家方十日，又見一陽來。愁已長過線，心難頓似灰。書纔江畔去，夢早雁邊回。殘歲易揮淚，孰知心所摧。

夜雪

彤雲久閑寥，夜雪忽飄飄。點牖惟添冷，成花亦易消。雞聲聞漏寂，酒力散更遙。轉覺江村好，勞思逐晚潮。

雪中簡蔡大美大美將還宛陵

渡江新雁後回棹雪霏霏意緒殘秋別鄉園舊日
非山程烽火細旅食歲寒微明發送君處先愁對
落暉

臘八日粥

兩歲臘中粥流年客易傷充腸兼棗栗轉眼又椒
觴但惜滄江晚從知梗稻香故園逢此日風俗亦
相將

蔡大美納姬戲贈

忽聞桃葉妾婉孌鏡臺前乍喜如通德相將伴老
玄薰爐圓雁柱雲片映花鈿未識桓家媼還能見
亦憐

同龍友晚過孤山訪張幼清劉杜三杜三已

往吳門

一問王猷宅亭亭萬竹陰美人青岫裏流水入瑤
琴谷鳥臨風疾潭龍出雨深閨門垂柳色何處寄
愁心

出南門訪張興公留齋食

冬煖葦芊芊閒庭落葉偏僧來聞屐響雨止見庖
煙晚食安窮巷門生議小鮮車螯雖獷殺肯使近

盤筵

送楊無補之除陽

君又渡江去江鴻正北飛那堪送征棹偶及欸荆
扉柳色芳洲遍鶯聲落日微醉翁亭下客駘蕩可
忘歸

海上詩五首

數武隔荒陬濤聲奔未休灘乾硯蟹路風截捕鯨
舟列肆通蛟館微波送鷁舟三江尋禹跡渺矣更
安求

風俗多蠶織偏因煮海忙居人爭息壤鹽女盡提
石曰後集卷三

筐厥貢同締綵熬波借混茫誰憐獨辛苦捧土卽
爲糧

颶風驅潮易諸溪奔似雷鷗隨吳榜去鷁過宋都
來尊自名千里鱸猶重四腮胥江新漲後分逐澱

江回

朝朝潮與汐門外有波瀾風上諳鱗介輿圖接馬
韓楊花紛水族吉貝比齊紈四月楊梅熟盈盤薦
渥丹

亦是文身地悠悠千載思吳淞波若鏡汝穎士如
錐宋繡工無敵唐風儉不宜躊躇懷顧陸想像六

朝儀

余山問詹公先生病

黃葉遶村逕，颯然驚凜秋。先生不出戶，雖病亦夷猶。山月隨潮落，林煙盡日幽。田園足生事，芋栗可全收。

宿石公山二首

入夜冥蒙色，招提何寂寥。聯雲盡窈窕，疎雨亦飄搖。寒火通遙嶼，空灘響落潮。梧桐倚青壁，殘葉轉蕭蕭。

參差白雲路，一宿此公情。肅石宜袍笏，羸糧借釜

乃曰後集

卷三

五

錨龍腥浸薄袂，鳥語定初更。尚覺石琴畔，洋洋流水聲。

哭女紫墓上三首

一別忽參差，寧知哭在斯。百年拋汝易，千里報予遲。夢寐占凶祟，江雲起怨思。平生憐弱息，魂魄竟何之。

鬱鬱尋丘隴，茫茫一慘神。棠梨孤樹塚，箕箒十年人。素旄猶殘雨，衿裾倏化塵。天涯幾摧絕，灑淚濕

江萍

蕭瑟荒原上，悲心轉未平。玄雲迷隴樹，白髮哭緇

紫奄忽輕浮世，歸寧訣一生。父兮慙鞠汝，窀穸失吞聲。

覽鏡

覽鏡客愁滋，應憐歸尚遲。未須生馬角，早已得雞皮。楚驛到鄉遠，兒童見我疑。回思年少日，面綳笑人時。

瓦官寺青蓮閣喜雨

高閣名青蓮，因思李謫仙。詩思悲鳳去，地久賴人傳。苔潤含秋色，松繁滿夕煙。已聞憂旱魃，霑灑一欣然。

石曰後集

卷三

七

觸熱至靈谷寺晤沈眉生

幽情輕執熱，數里未云艱。林氣扶寒過，峰陰矗午閒。煙鐘芒履外，書史鹿麋間。來往秋風後，頻看江上山。

同魏懼人吉人過韓元長師故居

一亭延暝色，因得似丘中。不欲名高士，聊因師放翁。新篁寒吐節，殘籜夜隨風。步履俱能擇，煙生到藥叢。

冬至後一日微雪次印度韻

仲冬纔一雪，已是恒陽餘。映幕通寒際，縈空結曉

初微陽方賴此六出竟何如二麥憂非細艱難子
共予

過林茂之

一庭桐竹外映戶惟朝曦剩有攤書閣新成賣硯
詩他年流寓誌此日故鄉思垂老耽山水時時夢
武夷

贈梅朗三

名士如幽蘭論交氣所餐淡然爲我友已復一都
官帆影敬亭遠槽聲桃葉寒坐憐垂翅者毛羽自
珊珊

石曰後集

卷三

三

孤居步張草臣韻

憂樂不徇衆孑然爲一人虛懷思往事不寐感殘
春久蹇輕流景薄寒歸病身朝光連宿雨惆悵聽
鶯新

花朝

芳朝思曲水筆墨釀幽情雨氣如眠舫寒聲不厭
觥新林看霽少小爲集花明感事惜寥落予欣上
巳名

雨後飲元長壑藏亭看芍藥

爛熳春風後偏能一日開繁花趨澹蕩涼蝶止喧

祗雨過忻相慰後時如見才故堪相對飲爲爾一
徘徊

與與九夜譚

涼氣投朋展齋清語不喧畦蔬青永夜草蔓直閒
門月早新林失鐘疎宿雨繁崎嶇亦有慮靜侶已
堪論

秋夜

戚戚抱愁夜虛懷每易盈風吹到地葉雨歇上窓
聲薪可腰鎌採田須戴髮耕男兒終自弱虛負一
生情

石曰後集

卷三

三

同茂貽御君潘大生泛舟南宮就息菴飯得

乘涼二首

曉日煙波裏微茫隔數層亂流村樹沒小艇野人
乘雞黍林中出雲霞水上增茅茨連夕景早已散
炎蒸

已識舊山路偏因枉渚長潦田新浪白喬木遠煙
蒼蘿影交鄰舍墻陰起暮涼微風隨返照屢折過
漁梁

折荷花置瓶中作供

數步離幽渚猶堪續夜芳祗疑紅照水亦訝影生

香雨氣無繁度朝曦澹一方始知輕寂寞相對忝
新涼

十四夜望月 丙戌

向夕雲開後高臺月下披軍城吹笛罷睥睨上煙
遲夜久看孤影人皆有所思年年感秋節未若此
情悲

簡印度山寺是予舊讀書處

寂性不離世得因人寄書紆回循水次棲託簡僧
廬鐘靜非無慮林荒相代居蒼松仍落落風昔久
成虛

石臼後集

卷三

秋夜

蕭瑟方成夜誰能緩獨愁牽牛仍近漢促織久鳴
秋白馬無舟客青門少故侯由來悲此地歲月
頻流

石臼後集卷四

石湖邢 昉孟貞父著

後學

商丘宋 至山言父 校
同里王 孚顥若父

七言律詩

立秋日晚登丹陽城樓

古堞崔嵬映碧流，長江萬里一含愁。
城邊月出還聞角，水上雲來始見秋。
鴻鴈幾時穿塞路，白蘋無日不汀洲。
丹陽郭外萋萋柳，夜送潮聲到石頭。

次前韻別吳見末彭殷源

石臼後集

卷四

淶水長川復此遊，沂洄遙隔白門樓。
傳烽東國悲巢燕，扣角南山笑飯牛。
鶴唳千秋經世變，鶯聲二月爲君留。
踟躕別後觀滄海，寄爾相思江上洲。

宜興道中次百史韻

江天渺渺不同遊，擊鼓驚心起戍樓。
太白曾聞出東井，蚩尤還說掃牽牛。
山川清淑猶堪賦，桂樹攀援即可留。
世亂卜居何地好，朝朝相望綠蘋洲。

二月望夜舟宿婁門觀月又次前韻

參差城郭五湖遊，野色遙涵水上樓。
千里自然生白髮，三朝何獨怨黃牛。
笙歌寂寂天平曉，舟楫遲遲

遲杜若畱幾向鴟夷遺跡問，傷心明月滿長洲。

晚泊青浦書懷兼寄龍友白下

荒陂窈窕白雲遮，斷岸人烟一水涯。
地近海濱行斥鹵，舟從漁浦見桃花。
桑麻十郡連風鶴，楊柳三江繞暮鴉。
愁絕子山能作賦，不堪天塹起悲笳。

再至華亭有感青齊 因簡諸子二首

鼓枻扁舟思不勝，津亭芳樹亂雲凝。
長江客路凋青鬢，大海軍書困豈有。
寸縷堪更無雙壁，報擔簞蓑羹鱸膾。
聊相憶不待秋風送季鷹。

海岱青州徧鼓鼙，誰令多壘獵悲心。
避地從

石臼後集

卷四

二

漁父束髮論兵，屬汝曹機杼已愁虛。
井落梯航猶得護，神臯東南此日爭形勝。
空有胥江萬里濤，訊舒章往橫雲山園，因有此寄。

城西山色翠微分，縹緲江雲逐海雲。
已見賦成爲雌霓，更從雅似識雄文。
久慚清泚鷗爲侶，祇愛華亭鶴共君。
它日鑿山更深去，臨川內史歷烟氛。

朱宗遠荷池晏別時將應辟北行

一春春水濺漁磯，隔歲征書到海沂。
樽酒已成千里別，單車忽向五雲歸。
池邊宛宛鷓鴣出，閣外盈盈燕子飛。
寂莫菱荷堪採摘，秋風我欲製蓑衣。

虎丘寺

玲瓏山翠幾沾衣夏木千章總十圍一自王郎開
梵剎盡令江影入巖扉闔閭葬後山長在范蠡歸
時姓已非千古却疑沉劍處如何不見二龍飛

六月望夜千人石觀月

生公臺下亂煙凝又踏鐘聲此度登共指中星當
大火豈知明月似涼冰繁華盡落三江水一石猶
傳六代僧亦有危欄高百尺哀箏無數不堪凭

登觀音山湖亭次吳明卿先生辭間韻

千里江光亦可憐逡巡一躡碧山巔青苔石上諸

石曰後集

卷四

三

峰出白練湖頭百丈牽九辨客工秋後賦六朝僧

在夜中禪延陵季子清風杳猶有人間洗耳泉

玉乳泉
著水品

謁宋陳少陽先生祠

古祠寂寞臨荒渡喬木蕭森薦白蘋太學諸生翻
齒劍中原二帝不迴輪渡江漠漠成何事逝水滔
滔送此人朔馬隔年曾入塞踟躕不覺淚盈巾

曲阿旅次

曲阿千古此湖濱晉代遺風不可聞一自三江爲
旅客何如五柳作參軍頻臨荒渡憐秋水獨上危

亭散野雲落日亂流雙槳去縱橫霞彩紛紛湖

在晉宋間各曲阿後湖湖明集
有始作鑲東參軍經曲阿詩

過瀨上將適雲間與陳百史賦別

蒼莽東江厭薄遊徘徊故國幾登樓舟隨鴈影迷
風雪劍有龍文識斗牛金馬歲星思借隱玉壺春
酒醉相畱千戈滿眼嗟離別此日伊人白鷺洲

丙戌五日卽事

吹簫盪槳事闌珊此日秦淮烟靄間每憶少年看
競渡便臨綠水想朱顏更無屈千嗟沉汜祇有懷
王怨入關三戶不知人在否莫教虛望九疑山

石曰後集

卷四

四

重過龍華寺

荒溪舊蹟頻過處重憶傷心十載前雙樹破扉成
野刹一僧開戶話童年高枝松尚畱殘雪後輩人
多在下泉春草踏來頭白盡不禁流淚又潸然

次蘄州十五夜對月

睥睨雖殘覆綠蘿望樓層疊對山阿莎雞草色荆
王殿野鳥蘆花楚水波隔岸尚憐漁浦月隣舟休
倚洞蕭歌故鄉三五年年別千里蘄州涕更多

謁禹廟

漢陽城外萋萋草大別山前大禹祠盡道夏王宜

下拜不知春草亦堪思
蛇龍去後神圖定鸚鵡來
時賦客悲欲向空庭薦寒冰荒洲蘭杜到秋衰

中秋夜同龍友無補登江心寺閣望海

淋淋東甌萬里潮茅分猶記越王搖秋風倚檻愁
難盡暮雨當牕葉亂飄高開江聲喧後夜古堤草
色想前朝登臨惆悵多陳迹祇惜玄虛賦寂寥

春雨

鶯曉長共白雲悠應有楊花舞陌頭獨歎離家春
又盡自交寒食雨無休荒邨麥隴平飛燕新水漁
磯亂泊舟却對東風一回首暝鴉棲樹思悠悠

石臼後集

卷四

五

送祖心歸羅浮

沙頭芒屨無窮路此日東風黯別顏萬里去經征
戰地三年歸到博羅山顛灘月出逢危石嶺夜猿
嘯傍故關若話重來倍惆悵祇應踪跡恐難攀

聞方爾止來余邑訪丁令君不及因寄

四月殘鶯啼樹頭君來幾日此淹留檻車徵令驚
危世水縣逢人歎散裘魚爲屯兵稀入市麥因連
雨未盈疇遙知一棹又西去空向湖烟結旅愁

立秋日送杜二方六出

方賣藥杜適吳

白雲相望幾開扉共是悠悠見面稀賣藥逢人難

守價吹簫入市總長饑乾坤何日愁應盡世路他
方到跡非忽向秋風嗟此別未須落木已沾衣

寄答潘江如

連天烽火與君別亂後三年寄一書爲報流離身
尚在却憐耕釣計無如滄江白雪歸來暮野寺寒
潮涕淚虛鳥散雲飛吳越事何時相見話躊躇

哭戴敬夫

離亂人間少合并悲君朝露溘先輕乾坤無路逢
流矢若水艤舟憶避兵幸免琴書王粲與竟虛婚
嫁尚平情江波自逐無窮淚不待山陽有笛聲

石臼後集

卷四

六

避兵湖州中流矢卒

寄錢馭少問疾兼訊開少消息

當年分手出軍城轉眼飄零異國情世難王維憐
小弟人傳紀信是賢兄高堂盡日門還倚窮海無
書淚暗傾君有深愁兼臥病鵲鴿原上幾吞聲

八閩近信如此

輓翟去文

拂衣不道別家難一去茫茫化羽翰苦逐兵戈投
遠嶠盡拋書劍著危冠生前已斷還鄉路死後方
爲待詔官孤塚定知何處在東粵欲薦淚空彈

辛於閏贈
翰林待詔

秋日寄吉人

黃雲滿目潦將收，亂世耕田合白頭。
榆葉晚涼消宿雨，茅簷歲計足清秋。
木綿漸近鳴機舍，絲網新牽出港舟。
此度與君成久別，不應身事獨悠悠。

白門逢沈巨源卽別歸廬江二首

巨源來牛首省墓

舊識人人繫遠思，三年驚見沈郎遲。
兵前一別沉消息，道上相逢話亂離。
孤館論心他日事，空山回首片雲悲。
故鄉明發又歸去，欲道重來未有期。

石臼後集

卷四

七

馬鬣因隨黃葉到，牛頭千回淚墮形。
容變百戰心孤墓，木秋分手斜陽何限恨。
知君不忍上歸舟。

與高座寺介立期登木末亭未果

寺外高崖積靄凝，遙憐風雨不同登。
坐看雲氣流寒堞，欲遣塵機對病僧。
九日乍聞連鴈過，千秋還見大江澄。
蒼梧近在鍾山麓，愁上孤亭望舜陵。

答吳見末廣陵見寄

不獨嗟君事遠征，蒹葭我亦重含情。
家林別後楓俱老，戰地歸來草盡生。
黍薄渚田秋水在，鴈過霜樹瀨雲橫。
遙知此度揚州興，水部梅花月又明。

過吳見末里舍觀其新成閭史紀甲乙以後

事及諸子田祖原膺詩

茆堂清寂帶菑畲，近逼湖雲似我廬。
邨莽洩煙鳴水鶴，溪橋沈網出銀魚。
亂深畏入千家市，愁極刪成一邑書。
差勝淵明五男子，紛紛紙墨競璠璵。

過彭侍御古臣茭山草堂看梅卽席感賦

穆穆新柳戰餘栽，青暎城西黑土灰。
一雨雲林成小泛，十年霜鬢此重來。
揮殘故繡千行淚，看到閒園幾樹梅。
丞相出師書數紙，流連往事不勝哀。

夏林兵後訪彭旦今時避亂始歸

石臼後集

卷四

八

殘歲荒郊灌莽遮，却隨燕子一還家。
亭臺草覆夷陵土，風雨天寒梓澤花。
漕卒入林爭上樹，遊人隔水待浮槎。
樽前又報連烽火，落日含凄對乳鴉。

題李長公北征記

二月鶯嬌柳漸柔，黃河雪壓北征裘。
桑乾又渡情難盡，碣石高歌淚未收。
不似叔皮空作賦，聊同洗馬善言愁。
過江正是書成日，長恨滔滔萬里流。

瀨上與吳見末李長公別

歎息春風道路過，此生終是負漁簑。
故人共惜萋萋草，南浦將歸日日波。
遭世自憐成事少，題詩長

恨式微多亦知爾輩須鄰並不定何方有潤阿

夏邑陳簡菴渡江來訪崔明府賦贈

匹馬行逢建業春雪消俄聽早鶯新長江涉險悲
前事小邑烹鮮喜故人苦厭兵來因鼠盜頻驚火
照捕魚津子山牢落還羈旅欲賦江南興入神

晚泊潯陽江

三戶淒涼起暮煙潯陽風景倍堪憐城頭何日將
歸鶴江上逢秋又泊船故壘新燒兵尚在荒亭陳
迹水依然無邊岸葦寒汀月羈思茫茫對楚天

九江城外逢沈維錫因贈

石臼後集

卷四

九

益城日落水逶迤此地逢君黯自悲鄺市久虛人
散後舟船相見月明時白門楊柳愁中遠黃葉淪
江信去遲那更明朝又分手望鄉同是淚雙垂

黃州寄杜于皇

葦岸風淒日漸微長堤繫艇晚依依十年紅樹辭
鄉去八月黃州見鴈飛燒罷林廬殘址在戰餘茅
屋幾家歸翻憐此夕君思我楊子潮回木葉稀

游興國寺

汧口孤城夕照中偶披榛草問禪宮客來樹下看
駝迹鳥去堦前避馬通趺石尚存新記改經廚已

破舊房空當年大別銘方丈此地人傳蘇長公

漢江懷古

此共方城扼楚關英雄消盡逝波間微霜欲下漢
陽樹落日初銜大別山蘭杜秋來洲尚綠瀟湘南
去竹多斑燒殘崔顥題詩處一眺風煙倍慘顏

九日大別山登高

鸚鵡洲邊草盡黃白沙如雪禹祠荒古來哀怨多
歸楚此日煙波正望鄉山翠乍連杯酒色亂離頻
過幾重陽眼前不見茱萸紫起傍峯頭數鴈行

登月華樓

即古萬歲樓

石臼後集

卷四

萬歲樓頭江水生古堤高柳傍江城因憐此地餘
陳迹却向前朝認舊名北鴈盡歸春雨細東臯初
綠早潮平同來不少登臨客我獨偏含無限情

與蔣泰占話舊

壬午冬與泰占別麗水乙酉四月再會於
京口寒暑三浹鬢色轉蒼因想芝田舊遊
白雲青嶽樓心已久而鹿車未輓乖知己
平生之語賦此志慨

白雲嶺面縣城樓曾歷蒼苔古道幽家傍女牆青
嶂止應臨瀑布綠烟浮樵蘇乘月歸閒市水碓因

風響急流今日回思如夢寐逢君空自話淹留

送潘江如移家吳江

江柳千條覆碧灘黃巾未滅曉烽寒海門潮汐渾
如舊城郭春風半已殘不使姓名通騎省卻教妻
子傍漁竿他年鶯脰湖邊路便作桃花源水看

石臼全集卷四

石臼全集

卷四

石臼後集卷五

石湖邢 昉孟貞父著

後學 商丘朱 至山言父 校

同里王 孚顯若父 校

五言排律

林茂之七十

世上知君者紛紛四海人如何七十老不救一生
貧家具空存僻鄉心遠度閨榮期恆帶索原憲只
衣鶉病渴三年艾饑擔五月薪車魚終自歎栗馬
竟何因齒是襄陽舊書傳洛水神伏生猶未耄但

石臼後集

卷五

一

惜不逢辰

示兒沔

喜汝垂髫日年將通子齊承家孫系冢同父姊方
筭舞象于偏老連枝爾勿攜翼深情過燕質脆性
如麀蠟即看為風裳宜與珮觴未應誇汗血要已
得黃驪稍似占銚角猶嫌慕栗梨不教懷抱戚天
命諒須稽

九日龔孝升社集秦淮市隱園同鄧孝威杜

于皇限三十韻

林疎穿景落葉老戰風涼倚檻一池綺登臺九日

觴溪漾疑極浦綽約尚垂楊艾爛通魚笱町閒借
鹿場芙蓉濡淡露月令近微霜暗徑苔偏溼遙叢
荔有香相尋俱道故太息一何長展散修篁閣書
攤深柳堂籠鵲開秘帙巢燕去文梁即次賓皆集
臨流興不忘吐辭俱結綠逸駕盡乘黃雅可聞吳
詠良宜著楚狂豫愁蒙雨雪猶未授衣裳爪槁青
門外塵溜大道旁偶因憐兔魄忽憶在魚航賴得
借朋好真成慕頴陽如何憂浩蕩還欲闢篇章碧
靄浮堤樹朱絲冷石牀芳時恆恐失禁夜直須防
闌隱流三雅絃催度曲廊籬根探菊綻波際識葭

石臼後集

卷三

一

蒼白髮此中客黃頭何處郎以遨原不厭無已詎
為康獨惜占兵氣頻聞裏箭瘡亭臯壺榼有野成
稻田荒鴈嶼聊傷目牛山合斷腸漉乾彭澤酒春
賃伯通糧汨汨遭危世皇皇避沸湯乍堪簾下卜
翻笑橘中藏且復看黃紫登高一望鄉

答蕭尺木寄畫雲林小景

一棹碧溪濱三年不見君我思牛渚詠忽覩赭山
雲壘嶺餘秋氣疎林散夕曛茅堂真可託澗響忽
如聞俱羨劉靈預聊同宗少文所懷相向近此境
寄來殷湖浦昔曾住幽閒尚可分野鳥啄菰朱錦

翼正紛紛

冬日元長齋中雨宿二十韻

始覺北風慄晴吹原上茅潦乾魚籩密日是鴈行
交漠漠收餘霽我我吐遠嶠蕩舟沿狹港驚鴨聚
殘茭我友同漁父貞賢即許巢放情誇漫叟良詠
想寒郊瀾恐褰裳涉身宜謹戶膠細蘿懸故閣寒
柳露長梢路接禽言入門隨竹影敲巨樟昂似倨
圓像落如拋黍熟方來客鳧鮮正近庖渚田秋共
蜡野祀號兼貓檻外梅含蠟枝頭粟綴苞悶猶堪
獨嘯懶亦任羣嘲樂志賓聯步幽尋屐過坳山雲
初欲合溪霧忽難捎颺急投簷雀缸熒動壁蛸看
棋消凍雨壓酒出新筍雖復僵同護何妨飲類蛟
却憐閒瘦犢解軌罷耕磽

壽韓元長母唐太君八十

子亦二毛父行爲六十人每持西塞鯪仰奉北堂
親家世梅根舊蘋蘩石臼春樂羊終賴婦翼缺儼
如賓所未老鴻案不資遷孟鄰飴含馴上壽眉介
及斯辰世閱之推隱斑從萊子新餐同辛苦渠頌
借八千椿酒兌餘航姥香浮邑里尊百齡湖嶼綠
視膳有玄真

過于皇飯觀王雪蕉詩

日出過君舍及來亭午時緊誰與精粲供我滑流
匙客履經霖斷厨垣買甃支盤中諸葛菜壁上使
君詩閉戶貧顏闔渡江賢子期嫌身無定計遭世
諒難爲處士終歸楚騷人但賦離行藏多未定吾
已守耘耔

訪陳澹僊

屯世苦難客諸愁貯在胸淒霜新旅服暗淚舊臣
踪變姓投黃浦辭且返白龍未成曲逆刺擬賃伯
鸞春橋李卿心月瓦官閣夜鐘片言殊未盡蕭颯

石臼後集 卷五

共聞登

贈張羣玉

九州何所歷孤孺自相縈哭罷無天步看多有世
情江虛含鴈影棧絕聽猿聲豈謂間關盡難令語
默輕未求千日醉却畏四愁生今見青門內崎嶇
一邵平

十六夜月同林茂之張羣玉陳澹仙未漢生

何寤明余澹心集與治新齋次羣玉韻

漢生初度

步屨閒園集人皆似楚狂秋宵頻見月世故半離

鄉莫謂亂當已從知飲合忙蛩聲沿砌出螢點上
衣涼橘老花猶馥篋疎影許長一樽酬玉兔三爵
勸弧桑聚散看風葉容顏羨露棠更愁寒色近共
惜雨兼霜

陳澹僊邀集林茂之張羣玉朱漢生何寤明

顧與治余澹心於叢桂園共賦

分八齊

城隅紛磻戶桂圓瓦官西早覺小山近俄看衆壑
低綠雲平匝地翠竹共分蹊芬通難舍舌清過麝
握膺蓋誇金粟重酒藉玉壺提恍接炎州浦疑登
月窟梯叢間宜琢咏露下屢招攜願取桃花並聊

八日後集

卷五

五

將世代述

晚秋同翼仲登永寧菴僧閣

分燈字

出郭躡孤逕攀援非一層天清仍隨葉秋盡始尋
僧衆岫連雲矗危梯捫壁登拂簷閒鳥過開牖斷
煙凝乍寂驚塵遣微饑脫粟應未嫌身垢濁俱笑
髮蕭蕭落日不能去疎鐘忽已乘會須重寄宿竹
院共分燈

過朱宗遠夜飲荷池

野外通忻霽疎籬隱夕暉桐陰方在地荷氣已沾
衣的爍明孤檻氤氳滿一扉傍檐清鏡合穿竹遠

煙霏大火平流樹薰風細入幃鳴蜩猶嘒嘒促織
漸微微夜迴波逾定天空路乍稀菰蒲秋易冷步
屨肯相違

崔明府枉騎過敝廬不值因簡十二韻

西郊按轡出晴色引原疇雲裏有孤鴈馬前惟一
雞草芽春隴細水戶野雲周井屋堪殘爰犁鉏話
白頭蹲鴟何闊略巢穀漸凋啾已近榆鑽候猶多
桑翳流望廬詢禦寇過巷訪黔婁日傍窮簷落風
因破鐸颺未逢行帶索莫遣負薪表蒿徑蕭蕭踐
蓬門事事誼慚隨牛共下不與雉俱游持謝中牟

石日後集

卷五

六

宰機忘任海鷗

山寺過僧無量故居追悼之

老樹作龍鱗垂蘿覆綠筠經房餘壞壁草徑入新
鄰土黑如經劫花紅斷問津三衣何日去一榻渺
無因契濶溪山月存亡三十春扣門投別舍過隙
想斯人握手悲年促當關嘆我貧他生相憶處永
願共微塵

得永嘉項君貺書却寄

君爲藩伯子曩昔詣門塔近市宅果隘先公世
罕儕形容予得邁兄弟爾能佳往蹟誇孤嶼高梧

蔭澹齋一樽尋古寺百級履荒崖別去猶繫追思
骨可埋東甌千嶂疊南鴈數行排長路械中字殷
勤覩爾懷

與爾止避亂出潤州城

乙酉夏五與爾止在京口城久開始開辦色
出西門子僦車返里爾止僦舟往松陵至南
門於稠人中忽相失去追思悽惻賦此

戊鼓正聞闌瓜州萬馬曉星高燾上墜魄鎖城
前背水移穹帳交衝塞礮煙倒戈愁下瀨望氣損
中堅去踐僵尸血行弛僊僕肩狼頭橫驛路驢背
失江天子有庭幃戀子因弟妹遭松陵應傍史臨
海合逢錢握手終無定浮家更莫愁城西腸斷處
回首各潸然

元長携酒汎舟笥山候月偕臞人吉人共賦

得栖宇

川霽斷雲滅風吹蒲稗低繫舟楓葉下落日葦灘
西邨燼烽猶熾林腥鳥不栖汀荒遙起鶴柳臥又
生黃石髮粘苔壁孤根簇水雞岸迴仍泛泛月出
轉淒淒藕堰迷青靄尊鄉諫白題啣杯思黯澹心
怯更聞鼙

龍友軍中同于皇穆倩觀閩童歌舞

鳩舌閩方濕鴟絃夜景沈清歌偏可聽客節感人
心合奏軍中樂疑同塞上音青童呈劍舞處士盡
朋簪坐覺江雲白遙聞笳吹深郎中桑落酒醉後
欲沾巾

與治齋中見金孝章書訊却寄

客冬孝章來白門待予於與治家梅花下
不至今此寄書予適在庭梅之畔懷遠依
然悵言遐阻輒成六韻寄之

君來茂已闌交臂若為難復此清霜月相思託羽

石臼後集

卷五

八

翰書隨數鴈至梅傍故人寒共是流離後重嗟木
葉殘一生愁黯黯百劫恨漫漫勿道關河迫如聞
爾慨嘆

附六言

梁溪舟中寄與治

三江震澤漸遠別子秋風易徂西棹茫茫問度東
雲冉冉乘桴蛾眉細月煙海鴈羽寒花雪蘆因過
梁鴻舊隱故人白髮嗟吁

八月十四夜月簡印度

月暗難言秋好朋艱正為宵良何人堪敵此夕與

子寧專一方菊白桂丹初綻南箕北斗無芒一人
影裏回薄兩種纖纖妙香

送方爾止之毗陵

烽煙江路初開估客舟船下來京口還家寄信毗
陵春去秋回楊花向暮偏落波浪如山更催亂日
離多會少五更解纜心摧

石臼後集卷五

石臼後集

卷五

七

石臼後集卷六

石湖邢昉孟貞父著

後學
商丘宋至山言父校

同里王孚顥若父

五言絕句

古意

古道蘼蕪色東風遶白門自從春去後不復戀王

孫

客思

客心如遊絲偶墮青苔上一受東風吹晴空即飄

石臼後集

卷六

一

麗

高座寺訪介立不值

竹房籠夏木佇立門前路似嫌山未深更向山深

處

感事

六朝千古恨春草遍烏衣江總頭先白遙憐何日

歸

寺中送張興公

君有向家路但隨蹊上松落日送歸去隔溪聞寺

鐘

早春別家題新柳二首

惆悵門前路春風到柳枝如何臨水別不待綠絲

垂

記取青楊柳低枝載乳鴉春風當此日行客正思

家

雨中聞隔院歌聲二首

丙戌

雨灑青帘濕歌聲出酒樓可憐樓上女亡國不知

愁

忽聞商女唱舊國事非賒是曲腸皆絕何須玉樹

花

石臼後集

卷六

二

江南詞二首

向曉颺塵起青門舊路斜御溝流水盡日日過牛

車

却怪門前鴉不曉烏桕樹城中聞馬嘶未曉鴉飛

去

立秋前一日發家書

欲寄一書札歸心明月中封題連夜發爲恐及秋

風

堦下草

秋草漸無綠空堦何限情那知一夜雨也解逐愁

生

秋風

涼吹繞庭中飄飄金井桐徘徊看落葉無樹不秋風

再送杜于皇二首

江色遠迎秋君行不可留白門憔悴柳日日送行舟

昨日共杯酒不言當遠行旗亭應取醉前路是離情

螢

石日後集

卷六

三

葉密光侵路風微影乍低輝輝過檻去亦學火流西

白槿

桃李爭春榮槿花到秋艷開落朝與昏顏色人猶羨

聞砧二首

月出夜潮歸西風一葉飛江南涼信早八月擣寒衣

獨客抱愁心風吹露滿林連朝頭白盡多是爲聞砧

詠史二首

智伯愛園桃何能識豫生國亡得一士千載爲傷情

東南消王氣衢路多車馬今日梁江總相逢有爲下

冬至日作

歲歲逢茲日陽回到客邊故園何限思飛在管灰前

鶴嶺

白鶴雲中去翩翩那可招不逢王子晉寂寞北山

板

聞笛

高樓吹笛罷寥落徧空山日見樓前水東流去不還

郡樓

到海無多遠朝朝倚郡樓風雲長不定一葉是新秋

寄潘鱗長二首

聞門千里別秋水隔滄波楚客衣裳冷朝朝製黃荷

十年客吳市意氣憶湘沅今日思公子踟躕未敢言

同仍三山行望龍華寺作二首

曲澗聞流水依稀似昔時雙松蘭若畔猶偃向南枝

細數同遊輩滔滔一逝波平生猶有淚滴盡此山阿

山家雜詠四首 壬辰

采桑蠶已眠葉盡桑無綠枝上鵲鴝鳴牕間白蛾出

石日後集 卷六

山農著敝襦射雉麥將枯腰間帶兩翼一片錦檐

榆

新笋纔出土向晚成新竹遂有數聲鶯間關驚獨

宿

童子朝眠起枝頭打乳鴉鴉飛還繞樹不肯去西

家

磨盤洲

來年何處種此地幾家殘可歎一灣水空洲號磨盤

兩宿巴河二首

挽船上江隄江渾雨色低巴河眠未穩爲恐有猿

水已成巴字兩偏滋客愁船頭三十里底未到黃

漢上秋思

水自巴江出秋當夏內殘如何白雲色終日但漫漫

鸚鵡洲

團團洲似月孤月此仍圓不爲愁鸚鵡離心自泫然

石日後集 卷六

鄂渚對月

盈盈鄂渚月應有客思歸何況城頭鴈青天一片飛

唐溝與爾止別歸舍二首

客舍君休歎還家我意傷柴門元似水氣味不爭強

辛 相期三日別已是隔年人亦有淒其色貧交多苦

五日悼女三首 悼女

節有重陽日生惟十二年誰將長命縷繫得到重

泉

屯已同娥。陂猶美。鬼雄臂絲分五色。不及野花

紅

猶記辟兵符。歲鞋繫短袂。年年重午。淚非復爲三

閭

夜聞鄰家小女。禮斗聲有似亡女。泣然成詠

三首

鄰女十二三。向夜禮北斗。我有土中兒。此聲猶在

口

北斗注人生。汝生何太遽。貧家女苦辛。相憐應別

不自哀

卷六

注

念罷隨人拜。還聞一數籌。淚多方擬閣。於此復頻

流

九日舟中題盛林玉畫菊

九日倚潺湲。黃花不可攀。金焦霧裏出。持此見南

山

楊花

春風頓無力。落絮滿塵埃。本自長條出。長條掃不

開

楔日集招隱寺

招提竹色冷。日午共松聲。怪得蘭亭序。偏言天氣清

八公洞

檀樂青玉色。石洞舊迷路。空作武陵人。花源不知

處

丁卯橋

憔悴橋邊柳。垂條尚有情。當時風月好。曾共午橋

爭

題鄰家桃花

始見天桃藥。梁間語雙燕。燕巢猶未定。花落已如

霞

卷六

霞

題鄔沂公藥肆

市上猶聞姓。人間欲去鄉。會應傳弟子。知是費長

房

聞寧南侯兵下九江。久不得家書。作三首

楊柳迷風雨。愁心鬱未開。今朝聞烽火。翻自故鄉

來

秋浦無雞種。蕪湖棄幼男。前年兵燹惡。爲報左寧

南

我家近鳩茲。清川百里餘。鳩茲人散盡。不見一行

書

與沂公別

城南古驛路此去向茅君他日相思處三峰滿白雲

避亂歸率題舍壁 三首

江邨歸日暮桑柘半成墟惟有蓬蒿色青青滿故廬

舊犬喜人歸入門啗我衣瓜棚微雨過斜日映柴扉

始作歸田計邨中牛固空田園蕪且沒只擬又西

石臼後集

卷六

九

東

新鴈

亂骨埋秋草晴湖鴈陣稀相憐野水濶無復稻梁肥

秋思

亡國人空怨殘秋雨更繁江南黃落候何處不啼冤

江潭

秋雨長溪水干戈廢釣緡江潭剛欲到無那起黃塵

聞鉦

夜雨一鉦發孤燈風更吹自嗟雙淚眼無見太平時

九日菊

太息籬邊菊真成傍戰場花開猶自晚不忍見重陽

焦公洞八首

性本愛丘壑茲山名最永遐思三詔翁結隣人外境

子晉已乘鸞蘇耽已化鶴先生臥洞中餐霞胡不

石臼後集

卷六

一

樂

洞雲封古木珊瑚流泉響中疑有石牀蛻骨于其上

構亭直洞口松露滴成雨吏隱吾豈能欲共漆園

語

崔嵬一卷石映帶江之永洞壑與峰巒步入焦先境

山下弄潺湲山中聆鸞鶴堯將讓天下豈識許由

樂

著翠延青暉但覺松風響遂令千載人得覩羲皇

上

蒙茸披石竇衣襟沾微雨
退石聊置亭坐共焦光
語

石上集

卷二

二

石臼後集卷七

石湖那 昉孟貞父著

後學

商丘宋 至山言父

同里王 孚顯若父 校

七言絕句

山中講尚書未竟將歸示坦仲諸子二首

青松林下芋同煨彌勒龕前筋畫灰却愧當年裴

處士溫經未了故山回

寒林煙火曉參差共作秦人住短籬一出桃源問

名姓莫從人說夏侯師

詠柳三首

垂楊嫋嫋萬條新南陌稀逢折贈人去年攀折贈

行者今日多爲陌上塵

長條嫩葉覆迴汀千點花飛兩岸青暫向河邊渡

白骨不應流去作浮萍

朱簾破損曲欄無水滿津橋雨似珠怪殺橋南一

株柳不唬他鳥只唬鳥

憶江邨二首

曲岸垂楊水浸陂茨菰花發暎漣漪連朝書寄未

歸去待到茨菰葉爛時

長堤高樹漸無蟬鐵馬經過又一年說向秋風垂
淚處水花搖動觸腰邊

遣興二首

西子沼吳恨未窮子胥不用怒濤雄如今却見浣
紗女再逞妖嬈向越宮

破國雖因張麗華迴眸未忍盼隋家祇憑一死青

溪側消得人稱玉樹花

哭麻孟璇五首

八尺堂堂死亦休獨餘宛句水空流當時已道敬

亭月一片清光萬古留

予贈孟璇詩敬亭一片月萬古清光

石臼後集卷七

笑看頭臚只自如衝冠髮在蛻形初鄉人莫話琴

高事不學長川跨鯉魚

孟璇臨歿詩忽衝高事不學長川跨鯉魚

憶到春牛寺裏時風前繫馬綠楊枝雙溪水盡淚

不盡流到重泉君未知

一戰孤軍事已非當年國士寸心違誰知清水塘

邊死豫讓繇來是布衣

家環一水長汀綠此日蕭蕭水更寒留得雙橋彩

虹在從教貫日報燕丹

哭吳次尾三首

丙戌

十年江路思秋浦一旅提戈事已空誰向孤城同

日死勝子垂淚哭臧洪

九死聊將一羽輕齊山真共首陽名乾坤此日猶

枉使夷齊號劣生

時移文稱次尾爲劣生

題詩憶向姑蘇別木落鴻歸無限思君死更憐我

已老姑蘇麋鹿見游時

虎丘別次尾詩木落吳王塚鴻歸少伯湖

再哭趙以卿

以卿死逾百日其家始得其屍葬之肌肉如生以鍼刺之血出

丙戌

頸血鮮鮮百日中握拳透爪氣如虹平生陋巷誰

知者死後方同顏魯公

疋馬曾拈金僕姑僵屍未變血凝膚空悲三尺荒

墳土野哭無人薦一盂

與君未識生時面人道形容死後同慟哭殘陽當

家嘴可憐精爽在寒空

夜泊大勝關二首

散漫橫江載荻船板橋不見起炊煙重來大勝關

前泊月色蒼蒼淚泫然

三年兩度經過此此度殘陽最慘悽水面寒鴉飛

上樹數聲猶似亂前囑

石臼湖舟過雀壘

碧水濺濺雀壘浮家林只在壘西頭可憐頭白歸

來早冰上蘆花是晚秋

留別賀錫余姜子恂

招提看罷團圓月水濶雲長思渺然明日繫舟應

不遠暮鴉啼散板橋煙

陳效晦齋中夜看白秋海棠

杏花村裏千家住幾度來過只一家白露庭中紅

燭盡細看雪色海棠花

寺夜歸思

昨日家山信始通笑渠落罷悵秋風鐘聲晚逐寒

空散惟有歸心細雨中

秋杪經胡印度墓下作

去年門巷飄黃葉話向殘陽憶共君今日西風寒

景裏紛紛黃葉上君墳

曉發毗陵

舷邊月落已聞雞斷岸殘蘆拂水齊行過霜林三

十里生憎猶聽夜鳥啼

月泊

溪回霜落水粼粼估客漁蠻共一津寒鴈過舟嘹

唳盡自憐明月五湖人

再泊

行隨沙鴈宿霜洲。月色鄉關有淚流。過盡數灣波浪闊。方堪一問弄珠遊。

爲方爾止悼亡五首

誰令玉貌葬泥沙。道是紅顏莫怨嗟。續命五絲原有恨。眞成今日死君家。

且去青溪傍小姑。清魂獨處歎蘼蕪。重泉應有下山路。莫向春風怨故夫。

盈盈碧玉破瓜辰。冉冉桃花逐路塵。故遣凌波試羅襪。知君能賦洛川神。

汝南無復聽鳴雞。王令傷心桃葉詩。艇子飄飄堪一語。交情更在別離時。

湯藥渡江迎汝更何時

不分鉛華觸綢機。尋思薄命事多違。于今一死渾無事。化作朝雲帶雨飛。

澄江感懷用介白韻

一劍西風匹馬來。相逢滿目說奇才。可憐賸有悲秋客。十一年中舊草萊。

虎丘口占用前韻

銀筭牙樯一羣來。顧曲爭憐公瑾才。明月五更吹客夢。夜涼如水勝蓬萊。

感所見戲作二絕

應伴襄王夢醒遲。殘雲宿雨可憐時。張郎親製鱗鬚管。環重勾來十樣眉。

東角烟籠柳半株。飛花點點傍羅襦。行人莫信曾攀折。見是三湘宋大夫。

七月廿六夜宿磨盤洲

家人相憶楚江頭。道我應擔鸚鵡愁。豈料帆樯行一月。此宵猶宿磨盤洲。

潯陽寄家書

別來無定是蘭橈。寂寞秋風歎柳條。寄去潯陽書一紙。不知江上已回潮。

石日後集卷七

發蘄州三首

南岸青山北岸舟。蘄州已過見黃州。平生未覺金陵遠。今日渾疑天盡頭。

三老峭帆迎白浪。南風今日到檣頭。瀟湘尚隔千餘里。此地應無水北流。

昨日垂釣釣寒水。白魚如銀偏掉尾。烹魚酌酒思故鄉。望斷波間一雙鯉。

漢口始泊三首

離家蘆荻艷湖隈。曾說歸期到鴈來。今日漢江頻見鴈。船頭纔擺幾時開。

蜀江船不到三巴湖南船不到長沙滿地干戈關
塞裏行人那不早還家

潯陽西來又千里前月家書寄到無六十男兒愛
飄轉不中人喚作狂夫

夢亡弟

死別重傷魄力微誰知遠道苦相依夢中不記朦
朧語多是殷勤勸我歸

寄家書

每到西風歎獨居自悲連日寄家書只嫌書裏多
言語書去誰知尚有餘

白曰後集

卷七

七

寄姪迺句容

東門沽酒已成灰二十年前事可哀汝到况逢離
亂後無人知是阮咸來

池上柳

葉落長條半已枯纖纖還是舞腰無臨風一樹堪
惆悵何況江頭千萬株

聞鴈

只記辭家鴈北回歸心長憶水雲隈如何不及南
飛羽萬里關河去又來

九日登樓二首

風雨淒清木葉黃白雲無限思茫茫茱萸芳菊無
消息惟有登樓一望鄉

九日無花雨似絲憑欄空自憶東籬數聲哀鴈偏
清切信是登高易淚垂

秋宵聽雨

一樹梧桐葉盡黃夜蟲寂寂雨偏常尋長每厭蟲
聲苦及到無聲更斷腸

月夜

偶聽烏鵲漏未殘小池冰合夜深寒最憐一片霜
天月已是離家十度看

白曰後集

卷七

江上與于皇別

江口逢君淚欲揮暫時把袂語斜暉于今各似霜
前鴈一爲稻梁相背飛

已丑立春日舟過姑孰

曾傍襄江斷旅魂歸舟彷彿水烟昏客心此夕還
惆悵偏讓春風先入門

江柳

江柳千條隱畫旌東風拂岸舞盈盈離鴉未肯爭
枝宿半畏潮聲半角聲

杜鵑

忽聞春去倍心傷
杜宇啼時麥吐芒
夜半雨殘聽不得
遊魂疑是舊君王

三月晦日送萬年少還吳中

每逢人說萬年少
何意春隨三月歸
京口楊花館娃鸞
幾多情思傍人飛

石臼後集卷七

石臼後集

卷七

七

顧與治詩八卷

〔明〕顧夢游撰

清初書林毛恆所刻本

北京大學圖書館藏

施 尚 白 先 生 選

桐城方爾止
六合沈子選
重訂

顧與治詩

書林毛恒所梓行

五言詩
卷一

顧與治詩序

大梁周亮工撰

吾友顧與治金陵顧憲副英玉先生之曾孫也英玉爲大司寇東橋公從父弟高潔自負與物

顧與治詩

周序

一

多忤宦成歸里至無以給朝夕臨街一小樓扁曰寒松訓蒙童數人待以舉火東橋性豪放好賓客宴飲不廢妓樂與英玉居間一墻招之飲多不赴嘗絕糧

東橋餽以斗粟亦不受每召鄰

家酒徒與之飲典衣沽酒盡三

四甕而去作酒隱詩以見志其

清尚如此越數十年乃有厥孫

與治繼起因以酒隱名堂蕭然

顧與治詩

周序

二

高寄有英玉先生之風嘗以諸生例得鄉貢不仕著詩文自娛所爲詩清真絕俗別成一家讀者望而知爲高人介士之詩也予每見世之工詩者多自矜惜

半紙數字秘而藏之以庶幾身
後之傳而未必其可傳或詩可
傳矣而終致湮沒無聞者往往
而然與治爲詩脫手卽逝未嘗
存稿生平著作求其編連成幅
者亦甚鮮有然一咏纔成人爭
傳誦兼之書法古勁妙絕一時
天下之真嗜其詩者旣斤斤然
務存其詩卽不真嗜其詩者又
以書法之妙存其書而詩亦與

之俱存以故與治旣沒其詩雖
散佚終在人間不致遺落蓋藏
之者衆也宛陵施愚山先生旣
爲收拾付梓會棠邑沈子遷亦
有夙諾因助其刻資屬予友方
爾止爲之點定標異賞奇特爲
精當與治之詩遂成全璧其爲
傳之百世無疑凡有目者所共
覩也予獨念與治窮年矻矻專
攻風雅未嘗輕下一筆精神凝

結可達幽遐獲傳於久固能自
信進而求之若別有所恃者蓋
與治生平以表揚文士爲已任
闡幽發伏不遺餘力南州蘇武
子古文妙天下中道夭折予愧

顧與治詩

周序

五

不能傳其書與治爲之鐫木世
乃知有武子之古文武子雖才
得與治而名始彰也北平子司
直有奇氣傾貲結客至破其家
旅死秦淮無一人軫恤者與治

親爲含殮而梓其遺稿俾海內
得識司直而仰其人不衰剩公
之及於難也禍且不測與治左
右之不稍避卒與之俱全剩公
旣寂復蒐其遼左雜咏存之今

顧與治詩

周序

六

世猶有讀剩公詩者與治力也
宋比玉之歿與治旣輯其遺稿
愆患李侍御少文爲梓行復走
虞山乞錢宗伯爲墓表少文方
按閩與治屬少文鐫於墓側會

少文得代遂不果越十餘年予
厠閩臬過金陵與治又諄諄屬
予予令其族孫祖謙勒石歸以
石刻示與治喜動眉睫若重負
方釋者費考功筆山家在石阡

顧與治詩

周序

七

罷官後無所歸與治分宅居之
歿卽塋於顧氏先塋旁歲時祭
獻酌酒必漬筆山墓草也筆山
舊爲福清令刻稿多在閩頗散
失予官閩時與治託其嗣弦圃

從予行盡收其舊刻若干行於
世子爲賦長歌以誌之其平生
好義務不朽其亡友類如此夫
我以此施人人亦施焉人利賴
於我我亦賴焉與治旣好爲詩

顧與治詩

周序

八

又輕棄其稿不畧爲計畫者固
恃乎懃懃懇懇不忍湮沒其亡
友之心亦恃有愚山爾止子遷
諸君子在知其身後斷不至冥
冥漠漠爾也雖然以億萬斯年

之事聽之幾倖莫可必之數不
亦危乎予嘗刻林宗先生詩僅
千百之一二耳阮太冲秦京詩
亦落落如晨星所不至盡淪亡
者蓋已幾希矣彼世之負高才

顧與治詩

周序

九

無聞於時者求如林宗太冲秦
京之落落晨星並不可得蓋又
不可勝數矣則夫士生於時欲
以詩文名後世固宜及身爲之
計焉乃曰後世有相知定吾文

者豈盡可恃乎哉



顧與治詩

周序

十

顧與治詩序

宛陵施閏章撰

吾友顧與治淹雅服古有忠孝
至性與人敦氣誼不僅以詩名
而世人知稱其詩次則愛其書

顧與治詩

施序

一

法而已楊子曰存則人亡則書
存其詩而其人與俱存焉與治
平生懶自收拾遭亂放廢益欲
焚筆研詩草散亡予累書促其
自訂將板行之皆以疾辭戊戌

顧與治詩

施序

二

春予官山東與治錄寄詩四十
餘首卷長三丈自言歲暮嚴寒
力疾呵堅冰作書若見屬者發
之黯然庚子四月予歸見其病
坐榻上不能揖固強予酒食謂
後此恐不相見予又促其錄稿
時吾里蔡君大美在坐與治拱
手曰君行後當以屬蔡君已而
不果與治論詩雅善邢孟貞癸
未秋序予越遊草時孟貞已死

篇終悼歎不置庚子九月二日
予在牛渚舟中偶讀其序爲涕
零私恠孟貞歿十許年何涕乃
爾次日抵金陵訪與治則先一
日死矣入哭於其牀然後知舟
中涕零時卽其死日也生死之
相感如此予嘗許刻孟貞詩爲
范計部所奪今又恐負與治乃
取曹石倉所刻及其外孫梁爾
礪鈔本而去又屬吾友方爾止

多方蒐輯得沈子遷本尤詳予
與爾止重加刪訂擇其精要正
其訛舛得詩五百七十六篇是
爲與治遺集予卽捐俸付爾止
刻而傳之雖不敢謂足盡與治
之詩而因其詩以存其人庶幾
備矣憶予初因孟貞交與治爲
崇禎壬午性故好詩然方從事
帖括後十年所與治多病予役
在四方不能數唱酬今稍力爲

詩而二君皆已死嘗私論二君
之詩曰邢學勝才故氣格淵古
顧才勝學故風旨韶秀與治平
生不襲跡盛唐然清辭俊語動
能淒絕得中晚佳處其憂時憤
世鬱紆莫告之心誦其言未嘗
不慷慨泣下也嗚呼與治貧老
無子不爲憂獨其詩可存復不
自愛惜蓋若澹然無所營者而
累以江田逋賦至掃地剝膚以

顧與治詩

施序

五

死哀哉哀哉其詳具本傳不復

序



顧與治詩

施序

六

顧與治詩序

龔山方文撰

古人之詩獲傳於今者十不及一焉其散亂遺落不知有幾也若夫生前未經散亂而死後亦不至遺落者唐三百年惟杜少陵白香山二集而已少陵久客西川嘗以二子自隨其示宗武曰詩是

顧與治詩

方序

吾家事人傳世上情又曰覓句新知律攤書近滿牀則公平日之詩必宗武收錄之矣其卒於耒陽也宗武病弗克葬以屬其子嗣業後嗣業遷公柩塋於偃師而乞元微之爲墓誌銘曰自有詩人以來未有如子美者是時公詩九十卷已盛行於世王洙蔡夢弼之徒復取而

註之以故讀杜詩者年月次第皆可考焉香山老而無子懼其詩身後失傳手自編排得七十卷錄爲五本一本寘東都聖善寺律庫中一本寘廬山東林寺經藏中一本寘蘇州南禪寺千佛堂內一本付其從子龜郎一本付其外孫談閣童其意以爲世方多亂兵火莫測庶幾憑藉佛力使不毀耳後刻白詩者悉遵元本一字無改其年月次第亦可考焉夫二公當日爲詩雖自信必傳亦不料後世篇帙完好竟無殘闕若此設非其時詮次有方付托得人能保其後不終佚乎然則編詩者之有功於詩豈曰小補也哉吾友顧與治詩情書法妙絕

顧與治詩

方序

二

一時上自名公鉅卿下至於田夫俗子咸知寶重之第與治性情懶散不甚秘惜其詩隨手卽逝有索書者來含毫濡墨一一取諸胸中俄頃間輒竟數紙故與治之詩反若賴其書以傳者崇禎甲戌予避羣盜來江東卜居與治之里晨夕相過懽好無間與治每構一詩必持以質予予或指其微疵與治欣然改易無忤也甲申以後予攜家返桐與治亦以江田之累奔走京口仄儀間常數歲不得見見必出詩相商思日以苦情日以深氣格日以老視嚮時白門所作工力殊勝予無間然也矣戊戌己亥與治年逾六十貧且病不能治生惟坐臥一

頤其台詩

方序

三

小齋賣詩文自給門外索書索詩者踵相接也與治力疾以應之覺詩思漸減而書法道勁逼真古人易簣之日猶爲高座寺僧作五言律書丈餘大幅了無倦容其神志高曠如此施尚白使君自宛陵來江上心動馳至其家而與治瞋矣尚白旣親爲含禭經理其喪又探其篋中遺草無有因屬予廣爲搜之蓋是時南中藏與治詩者八九家予一一借鈔互有異同而六合沈子遷所藏尤備卽從子遷乞得其本持往臨江與尚白共較焉尚白於今人詩絕少許可獨心折與治不啻口出及予至臨江留居其署二十日每夜一鐙青熒相對取與治

頤其台詩

方序

四

詩字櫛而句比之標其警策汰其繁冗釐正其訛謬吾兩人頗費苦心至年月先後之次亦以意揣度位置不亂務使觀者因其詩以考其時因其時以窺其志百世而下必有知與治之深者矣壬寅春自臨江歸尚白捐俸屬予授梓而子遷亦有將伯之助不旬月剞劂遂成

顧與治詩

方序

五

以多爲哉雖然好學者繇博而返約明辯者獻可而替否古人之詩勿論其他卽少陵香山亦未必盡善盡美矧亡友遺篇曷忍過於刪削正不妨瑕瑜並見以俟後之君子論定可也若夫與治爲人孤超絕俗篤於友義生死不渝則錢宗伯周司農二序已詳茲不復贅云

顧與治詩

方序

六



顧與治詩序

棠邑沈希孟撰

與治之爲詩海內同人亦旣知之矣第其詩草隨手卽逝索書者來則累累出諸腹中偶有遺忘卽以意改之雖前後工拙不問也嗟乎茂陵有妻輞川有弟非易得事不則散逸失傳豈顧問哉嘗

顧與治詩

沈序

一

趣與治壽諸木與治謂家方垂橐不暇以珠桂易梨棗可嘆也然古人著書必有藏本壁與井皆禹穴也苟得出世不論何代何人自不忍聽其湮沒若與治詩唯曝腹將奈何退與吾友孫阿漚商之願得其稿代爲整理而與治方骨見衣表藥裹支牀形神俱瘁莫能繕寫嗟

乎與治不能繕寫而予索稿之心益棘矣大江南北數行書問時接於道唯伏枕稱謝終未克應未幾修文天上嗚呼前約未酬音徽頓絕予復何以爲心哉吳子不官暨家弟子寧輩皆予同心共爲搜輯得詩五百餘首編次成書急攜渡江謀梓行之偶晤方子爾止爲言施

顧與治詩

沈序

二

學憲愚山先生求與治詩甚切南中藏本雖多未有若君之備也曷不以此本歸之因取予所錄者持向愚山重加叅訂明年捐俸授梓予亦少助刻資遂成全集頗用爲快或曰與治交最廣卽徵于天下必有刻與治詩者何爲是汲汲哉然天下無宿約之人矧予與愚山先

生皆與治生前好友許劔短札墨瀋尚
濕安忍以亡友遺編存亡聽之則是刻
也亦何預與治事卽謂予與愚山先生
自酬其志可也

顧與治詩

沈序

三

顧與治詩序

莆中陳方策撰

柳子厚爲柳州刺史病且革寓書其友
劉夢得曰予不幸卒以謫死以遺草累
故人夢得執書而泣遂編次爲四十卷
通行於世嗟乎此道今人不可問矣予
每讀子厚之文尤感夢得之義爲不可

顧與治詩

陳序

一

及也顧與治爲江左耆舊能賦詩善行
草書雖鄉里小兒皆知愛慕之今一旦
修文地下而身後伶仃其平生吟咏幾
湮沒而無傳予友沈子遷夙號能詩與
與治交善收藏其遺草一編將授梓會
施愚山先生亦有此舉子遷慨然曰秉
彝之好何必自我爲政哉因取其稿付

方爾止轉致愚山選定而梓行之俾百
千歲以下知有與治之詩與治藉以不
死而諸公之於夢得也殆庶幾矣予寧
無感乎

與治詩

陳序

二

顧與治詩序

東吳顧炎武撰

與治之先自吳郡洪武中以貢徙都下
遂爲金陵人曾祖英玉先生與其兄華
玉先生皆以文章聞於代至與治亦號
能詩海內名公大人無不願交與治者
當崇禎之世天下多故陪京獨完得以

顧與治詩

顧序

一

餘閒賦詩飲酒極意江山留連草木騁
筆墨之長寫風騷之致晚值凋謝獨身
無子迫於賦役卒輟軻困頓以終今讀
其詩鬱紆悽惻有小雅之遺音焉予以
同姓故嘗兄事與治曩北行時謂與治
曰兄平生作詩多散佚今老矣可無傳
乎與治曰有一編在故人沈子遷所其

他稿棄舊笥中病未理也予行三歲乃得歸次揚州聞與治卒施尚白先生既經理其喪又欲集其詩刻之而無處得稿屬方爾止爲之蒐葺爾止則索子遷藏本得十之五六又從他友得其三四共付尚白選而傳之嗟乎士生今世不能治生至有負郭數頃之田不免饑寒

顧與治詩

顧序

二

以死而猶幸有故人錄其遺詩使垂名於異日君子所貴乎取友也如是與治名夢游崇禎末年貢士其書法尤爲時所重云

跋

憲不孝夙遭凶閔先君子見背蓋在甫離襁負時也母氏守志撫孤惟吾外祖是賴外祖視憲不啻已孫教之誨之飲之食之無所不用其極方弱冠時卽隨外祖游吳越荆楚間選勝湖山定交風雅終日吟詠不輟憲周旋杖屨見其詩

顧與治詩

跋

一

艸脫手卽棄去不復存心竊訝之外祖亦不告以故想謂小子未足語此也憲雖不敏亦有志於學詩况日侍外祖之側安忍聽其散佚耶凡往來贈答之作必手錄而藏之雖不能窺其精義亦庶幾識其梗槩焉爾丁酉冬仙裳黃君索外祖詩授梓憲存者憲因出所私錄

稿四百九十八首皆曹能始先生刻中
所不載者仙裳鈔之而去庚子秋憲有
穎毫之役與外祖牀頭言別泣數行下
若永訣狀不一月而凶問至矣嗚呼痛
哉憲小子幼旣廢學長鮮成立其負吾
外祖者實多計惟撫其生平著作以公
同好少伸報效之私而已然家貧弗任

顧與治詩

政

二

剗剗可勝感歎愚山施先生篤念亡友
期踐宿諾憲不敢自私其秘而子遷沈
君又出其所藏合而選之外祖之詩遂
得流傳於世至於讐較精嚴賞奇標異
則爾止方先生更有苦心微獨吾外祖
一生精神不致與艸木同腐卽憲小子
亦得藉手以報外祖於地下諸先生之

德其曷可忘也哉若夫外祖爲人爲詩
當時後世自有定評憲小子何多贅焉

外孫梁之憲百拜書

顧與治詩

政

三

顧與治詩序

虞山錢謙益撰

予初識與治見其威儀庠序筆
墨妍雅喜王國之多士而華玉
英玉之有後也莆田宋比玉客

顧與治詩

錢序

一

死吳門歸塋於閩家貧無子詩
草散佚與治累糧走三千里漬
酒墓門收拾遺草請予勒石表
其墓金陵亂後與治與剩和尚
生死周旋白刃交頸人鬼呼及

無變色無悔詞予以此心重與
治片言定交輕死重氣雖古俠
烈士無以過也晚年屢遭坎陷
困於蒺藜卒無子窮老以死施
愚山學憲經紀其喪又屬其友

顧與治詩

錢序

二

方爾止沈子遷網羅放失舊稿
手自排纂爲集刻而傳之嗟乎
與治以老書生蓋棺瓦燈敗幃
委續無後愚山惠顧風雅噓枯
而然死若此其汲汲也愚山之

於與治猶與治之於此玉尹班
之永夕范張之下泉氣類相感
可以徵天道焉風塵瀕洞士生
其時蒙頭過身而已孤生黨軍
持而抗服匿讀與治詩九原猶

顧與治詩

錢序

三

有生氣存與治之詩所以存與
治也知懸曲存與治之義士之
自立而悲於無徒與夫慕義而
懼於湮沒者可以慨然而興起
矣



顧與治詩目錄

卷之一

五言古體

元旦聚族息園

上巳遊于園

南嶽山莊

與蘇武子夜話

展玩寒松齋卷

壽劉今度二首

寄葛震甫

秋客吟十一首

哭葛亮生

贈夏彝仲

焦山紀遊二首

荅韓芹城太史四首

顧與治詩 目錄

題梅杓司響山園

夜投祖堂最公房

送與田弟北征

送王亞朱北遊

和宋山眉四十二首

壽吳發祥八十

和陶飲酒詩二首

喜黃若木諸子過飲

荅范太蒙先生

登周處臺

惠山見新月

詠井中心史

哭陳古公

補遺 秋客吟二首

訪鄒滿字溪上

卷之二

七言古體

采蓮曲

竹醉日移竹歌

壽與夏弟

留別謝太守

施桴遊母九十

湯允繩六十

湯允繩初度生子

秦淮感舊

寄題五松園

龔孝升合卺杯詩

寄余公佑作

九日雨集

節嫂徐孺人六十

補壽葉士安六十

送嚴威遇還吳興

送梅杓司還宛

顧與治詩 目錄

送張水蒼還河南

題松下煮泉圖

徐有翼先生八十

歐陽初白六十

沈子遷五十

沈夫人節壽詩

葉夫人節壽詩

補遺 花朝日集聽鶯軒

卷之三

五言今體

同葛震甫夜坐

震甫月下見過

夜酌鄒滿字溪上

歲暮寄慧公

楮樹園

社集天界循公房二首

送于司直 二首

方爾止生日

同葛震甫雨郊送春

待月節霞閣

再送文啟美

江上東班荆社諸子

江岸

范異羽先生邀集

過鄒舜五隱處

哭葛震甫 四首

人日伯蘭爾止過訪

清明日答歐陽江都

三月二日集影園

且適園 二首

東秋水

投錢牧齋先生 二首

方爾止移居水西

徐昭質移居城南 四首

顧與治詩 目錄

三

題張林宗像 四首

山行

答黃仙裳

杜于皇生日 二首

和祖心師 二首

何次德見過 二首

祖心孟貞于皇共坐

金孝章至自吳門

答張向之

和施次仲過訪

金陵雜咏 十二首

高座寺送春 四首

牛首影江閣

建山華隱草堂小集

沈子遷雲在齋 二首

送鄭寧和遊楚

秦淮夕泛

題林茂之蘭窩

題劉遠公扁舟圖

題鷄鳴圖

遠林和尚入山 二首

挽顧遂初先生 二首

哭友

卷之四

五言今體

送邢孟貞還石臼 二首

答韓元長 二首

寄祖心師

答黃仙裳

樵青詩 二首

高座一指師 五十首

贈東曙上人 二首

喜方太史至里中 二首

顧與治詩 目錄

四

送周元亮憲臬 四首

題萬年少草堂 二首

和邢孟貞生日 二首

繆藿莊移家江外 二首

寄蔡芹溪

寄梅杓司

九日

送方爾止還江上

別鴈寄懷祖心師

答施比部尚白 三首

訪潘江如不值 二首

北固月夕 十首

清明遊招隱寺

玉山寺

萬歲樓 二首

贈長鏡上人

答方迴菴太史

送李天助之吳門

送趙赤霞之雲間 午日京江社集 四首

送朱張叔還新安 潘江如雨過 二首

蔡芹溪過存 二首 次施尚白來韻 二首

寄龔孝升中丞 贈孫無言移居

七夕宿梵伊上人房 同伯紫于皇甫桐室

過王雪蕉僧寓 張介子山莊

永上人初度 八公洞其賦閒字 二首

訪用里諸子 角里諸君載酒邀泛

集趙使君寓齋 訪問照上人

顧與治詩 目錄 五

過顧云美隱居 過王玉書梅

卷之五

五言今體

徐昭法山房 二首 留別角里諸子 四首

送趙使君 四首 途中見花

雨發龍潭 題徐公輔汝閨

許青玉書谿新居 二首 姚叔采谿閣坐雪

訪陳默公 徐玄超西歸

王舟坐新居 馮大馮貽賤日詩

贈何第五秘書 送李岷瞻歸涇陽 三首

東龔孝升中丞 三首 祝施愚山學憲

集許菊谿臬憲 二首 紀伯紫生日 二首

沈子遷生日 姚寒五移居

徐裕超移居 王孝廉園亭

送黃浣生 送一靈師之遼陽 二首

答丹徒張明府 喜何贛州予告歸

秋海棠 四首 梅信

陸右臣過訪 施愚山學憲寄酒錢

顧與治詩 目錄 六

陳翼仲四十 送古白上人

過王著公齋頭 東陳古公

寄沈公綬 贈賀元白

贈問旭上人 贈離念上人

得友讓姪書 再爲節嫂徐孺人壽

吳東生八十 姚叔采四十

張于嶺初度 丘接青初度

吳振振初度 吳君初初度

壽友 別友 二首

送友還新安

懷友都門

挽孟景沂

喜友讓姪還家

送于皇之廣陵

贈西照上人

贈不識上人

補次王孟津韻

奉酬周元亮見寄

東宋比玉

荅黃若木

再荅若木

寄申青門先生

過張來初園

過宋山眉鵲笑齋

卷之六

顧與治詩

目錄

七

七言今體

市隱園月集

同鄒滿字松塢閒步

文及先移居

楊曰補移居

酒隱堂守歲

送葛震甫

震甫相送過湖

送范大司馬

閏元旦

閏元宵

詠並頭蓮

冒辟疆樓巢

九日集樓巢

馬馱沙

花月山堂

過馬雅遊

樓巢看梨花

山茨社送春

過胡儵眠

社集三石亭

次徐興公韻

閒奔樓社集

石倉招集

楊子儀社集

拜宋比玉墓

溫陵別李觀察

楓亭晤林侍御

再晤林伯珪

登硯山

寄朱撫寧

徐元歎六十

垂青菴僧初度

送黃帥先

秋日東僧

顧與治詩

目錄

八

訪菊次沈子遷韻

夜至東園探梅

乙酉除夕

荅宣城諸子

集陳澹仙園

贈別張大玉

送趙孟遷北遊

寄荅鷺子

荅常熊陸先生

湯君謨過訪

臘八日水草庵

送朱岑雪還山

張介子移尊梅下

送祖心師還嶺南

送友爾山遊武林

寄錢馭少

寄鄧源公

贈友蒼上人

寄黃仙裳下第

送朱漢生歸通東

送周元亮方伯入閩

送康小范公車

送王子京兵備

寄壽范異羽先生首四

寄壽章城沈子

寄題陳簡菴草堂

寄題丘李貞西軒

寄宋搗之先生

寄周元亮方伯

寄丹徒張康侯明府

寄吳不官

贈謝在之

送孤松上人

送南徐張銓部

壽糧憲傅公

哭黃海鶴先生

顧與治詩

目錄

九

劉榮之叔丈七十

胡曰從中翰七十

朴君實七十

伍瀛州八十

朱太夫人八十

卷之七

七言今體

金山飲慈雲閣

焦山宿樵公房

新秋集聯公房

北固山小飲

甘露寺社集山入閣

永春飲

萬壽樓春宴

趙赤松見進不至

辛卯北固送春

聽冷四十二度曲

寄周元亮方伯

送何明瑞之任永嘉

夜同龔寧千小飲

集潘江如山居

送葉緯如

送范文白

贈靳于王

東楊曰補

荅鄧沂公

朱公是酌別甘露寺

韓聖秋過京口

北固送春

鶴林寺

送徐松之

真州拜文丞相祠

贈吳國次

顧與治詩

目錄

十

宮紫玄春雨草堂

送孫無言還黃山

九日泛舟遊吳山

贈蘇侍御

飲范是文曲室

菊影

京口送友

梅下聽冷四十二度

家報海棠盛開

歸夕對牡丹小飲

爲丹徒張明府母壽

鴈字十首

元夕社集八首

半水園六首

送馮秋水入粵九首

再饒馮方伯

送祝長康入粵

許菊溪泉憲社集

趙赤霞使君五十

次王珂眉韻

九日過李吧瞻

寄懷方爾止

和吳不官還山

送周中丞入閩

龔芝麓新居

壽許菊谿臬憲

送王望如之官閩中

二首瓶梅和爾止韻

過林茂之先生

贈汪易白

友生姪初度

何次水四十

應智回四十

汪登仙兩尊人壽

已亥除夕

項眉雪詩來却寄

顧與治詩

目錄

七

病中葉士安枉過

不晤沈仲連

枕上送春

補遺葛震甫諸子雨集

文啟美諸子再集

震甫見過待月

夏日寄顏齋師

卷之八

五言排律

和紀伯紫香橙詠

秦淮社集

小園初成

和吳不官詩

七言排律

重陽前一日張羣玉觀察招集

五言絕句

葉君節豆區園詩

十七首別天目弟

茂生樓上聽琴

三首喜雨

七言絕句

村歎

二首留別李觀察

楓亭

三首同安道中見紅葉

哭興公

六首別黃若木

題畫

六首九日吳振振過存

顧與治詩

目錄

七

蕭孟昉新婚詩

十二首野宿

移居

六首東程望尼結夏

題畫壽王式玉

爲東曙上人題梅

病中謝客

顧與治詩卷之一

江寧顧夢游與治父



宣城施閔章尚白父選

桐城方文爾止父閱

六合

孫汧如阿滙父訂
沈希孟子遷父

五言古體

元旦聚族息園

晴色滿芳甸。新歡洽天倫。遠近亦散處。老少俄

顧與治詩

卷之一

一

竝臻。序列拜我祖。穆然敬茲晨。以次拜厥長。分
在能不馴。末俗損真氣。同生如陌塵。靜言水木
理。百世初一身。先王制禮樂。所以厚吾人。誰能
不爲厚。虛負熙熙春。

上巳遊于園

三日宜臨水。清晨蕩輕舟。遊目企江光。未棹情
已道。驚風自何來。沙走如邊秋。羣木勢盡拔。太
地號未休。壯哉榜人力。牽挽爭逆流。亭午辨天
色。理策尋所投。花源緩我步。風來亦輕柔。水石

互明。胸疲足難全。搜高眺盡平。遠欲去思久。留
主人復何事。經春閉空樓。興發自我輩。暢以風
湍遊。

南嶽山莊

乳柯一百尺。翠極夏寒生。復此蒼蘚壁。同堅高
隱情。所閱幾今古。悠悠泉壑清。道懷偶桐值。世
累忽自輕。豈惟恆雙寂。亦以盟吾貞。松風落高
枕。清琴澹無聲。吾意方自得。浩浩誰能名。

與蘇武子蕭廣九夜話兼寄黃若木方爾

顧與治詩

卷之一

二

止

武子欽崎人。廣九慷慨士。才情不相下。桂辨各
自喜。及其議論合。澹然如乳水。乃知儔人中。矯
矯非得已。秉燭照清夜。交情入古始。觴至畧行
次。不停亦不駛。自言久作客。嘉會方推此。有約
不果來。停雲寄爾止。庶幾若木翁。冲深契斯指。
如何阻微疴。咫尺隔千里。來朝竹下談。共彼冬
日美。

又與武子展玩寒松齋卷

我祖觀察公。卓哉固窮節。藜藿不得飽。高名與山嶽。當時互激揚。猶有數英傑。風尚隨代遷。茲契邈誰結。齋中有題詠。肅肅涵松雪。豈敢漫舉似。欣慕差以別。開卷或贊歎。掩卷意已篋。觀君歛襟意。穆穆對前烈。勿云古人遠。典情卽同轍。吾生亦多岐。與子慎改軼。

壽劉今度五十

德公居漢陰。司馬宅州陽。悠悠向千載。脉脉此相望。豈不志經濟。山林自徜徉。欣賞託豪素。真

讀與治詩

卷之一

三

率命壺觴。舉杯送月色。茲樂殊未央。日月易來去。因君生慨慷。今歲倏五十四。九子亦將行藏。同草草君鬢。忽已蒼。但勵宿昔意。坎壈非所傷。

其二

飲中有何樂。但問與飲誰。澆胸遇真賞。天地自清夷。七尺豈無事。沉湎非所宜。珍重各有語。斟酌當謹持。嘈嘈雜廣坐。靜念每深思。過門兩相對。乃無不飲時。觴多失行次。不勸亦不辭。所寄良獨遠。幾忘手中卮。置身羲皇上。安知喬與期。

寄葛震甫

葛仙洞庭去。悵然逐行舟。別時意悽惻。幽奇不遑搜。送子胥江上。相持淚雙流。忍淚強慰別。期晤橙橘秋。秋來飢驅去。此約不獲酬。前月初寄書。未知今達不。爲言重陽後。後信當再郵。重陽今已過。客身滯他州。寄書難及爾。會面安可謀。

秋客吟 有序

庚辰秋以先母大事未舉。勉從于役而往。輒不偶。深懷悵悵。又時事所見。感觸不一。隨手

讀與治詩

卷之一

四

有得曰。秋客吟。既以紀時。且見客非吾志也。夙齡意恬曠。富貴非我欲。失路拙謀生。老大事行役。有戶不得開。違情別茅屋。仲秋涼風早。寒氣侮薄服。曠野惟鴈呼。平沙帶霜宿。百感從中來。波濤起心曲。落葉無定飛。浮生與相逐。負郭余何耕。握粟余何卜。但去勿悲歌。悲歌令年促。

其二

婦家隔宿歸。見母淚兩行。問母何爲淚。兒生未離旁。以母痛兒意。忍縫征衣裳。長跪告素幃。見

今之遠方。故人有高義。爲母治玄房。莫念客行苦。千歲樂未央。有母不自莖。歎息推中腸。

其三

今我所適土。多年太平樂。薦饑化爲盜。負險肆野掠。田家八口人。七死一被縛。有官胡不告。忍此無辜虐。老父但握手。官軍聞更惡。陵京屏翰地。天下根本託。此禍不可讓。敢以告戎幕。

其四

虎穴迴我轡。悠悠指江臯。信從來陽來。前日焚

顧與治詩

卷之一

五

賊巢來陽匪。剝膚遠襲不憚勞。故知循吏情微病。必抑搔。螭螯手當斷。草盛根須薨。自古狙小得。或爲大纍挑。君其臨事懼。終以成樂郊。是時黃若木爲來安令

其五

陸行不可爲。水宿倘有托。出逢世多故。事事不如昨。往者夜行船。未夕戒早泊。官兵坐洲渚。白日沙船擾。昔爲雄。賁憂斗束今亦索。哀哉無食民。觸網取微薄。大蒙春橫江。一令悉手縛。鼠輩

豈不聞出試萊蕪鎗。

其六

草盡牛已賣。公家正催租。正額十未三。三餉尤急呼。軍府別有令。搜括米豆芻。刻期至軍前。不得緩須臾。色長向我喟。無肉豈堪剗。剗肉猶自可。賜劔捐頭顱。不徵法已峻。徵急民盡遁。急民但益盜。無乃非良圖。

其七

揚州佳麗地。家家結綺樓。明眸服統扇。粧罷臨

顧與治詩

卷之一

六

清秋玉粒貴。自貴笙歌無時休。秉燭但苦短。處堂何預謀。開使獨閒坐。攢眉視牙籌。國脉在百賈。盛世嘗周流。榮衛苟不赴。何爲守咽喉。課少豈足道。履霜吾所憂。

其八

兒女擔兩頭。家計亦隨身。一羣動十百。俱是有田人。赤地走千里。去樂江南春。豈知江南地。今夏土亦龜。雖云舊京師。不擇五方民。人滿食既盡。過江亦苦辛。何如故鄉好。問渡且逡巡。

其九

渴水強進舟。百里曳泥塗。觸石折其柁。長年但
哀呼。斷絕三日糜。買柁恐不敷。慰言莫咨嗟。我
當爲爾圖。及岸問東道。主人行在途。臨叩不有
令。長卿誰與俱。強笑語長年。爾我窮不殊。

其十

踟躕平橋上。新月如蛾眉。因憶別家初。見月亦
此時。客好不如家。况我心多悲。女兒見應拜。依
依前致詞。願保爺平安。不怨爺歸遲。出門信舟
車。弦望安可期。不道離別苦。但念家人飢。清影
忽不見。悠悠千里思。

其十一

碌碌復碌碌。日月久邁征。真氣生寂寞。悽然念
平生。少小依父母。生我望其成。最爾慎愛惜。紛
紛乃多營。顧此病弱軀。何以堪百嬰。垂死亦自
艾。病已輒復萌。所好匪無益。本業反不精。天豈
不爾厚。爾復爾傾。四十不學道。流光向西行。
式穀無山。似何以拜先靈。霜鐘一晨省。縷縷百

年情

哭葛亮生

三十思致主。忽然失此身。一生幾朋友。轉告呼
蒼旻。阿翁本曠達。老至亦念貧。祿養良可逮。奄
謝人間塵。我竭知己淚。君能不傷神。山中逼除
來。持哭當玉春。未語聲兩咽。欲慰不得陳。惟君
憂生甚。不獨傷寒屯。入耳心頗動。過耳付一聾。
詎意語皆識。卽事今爲真。遺文滿塵匣。誰爲傳
清新。空餘然膏處。精魄青磷磷。寡婦歸傍母。攜
顧與治詩。卷之一 八

贈夏長樂彝仲其一補後

萬山圍一縣。海水到城前。僻壤須循吏。胡當勞
大賢。大賢攜琴來。安坐今五年。寧靜世莫窺。卷
舒道乃全。隨例迎督郵。早起行春田。皤皤諸父
老。鼓腹歌堯天。天子虛禁席。高秋會鳴鶴。情
知惜遽去。摩拊轉悽然。昨日禱秋旱。夜來水平
阡。起念卽天地。刻與張周旋。

焦山紀遊二首

中車駕言還。烟草鬱秋原。欲往心數止。雨氣來前村。入舟漸清霽。日色明山根。了了見古寺。臺殿松杉門。直上轉蒼翠。雲英猶吐吞。遂振所携策。登高若騰翥。目領神已越。况得攀與捫。海色萬里至。江聲亦何喧。雜花與客笑。老僧澹無言。于焉永年歲。耽聽無朝昏。俯視芸芸內。日月空崩奔。歎息下東嶺。撲面金波翻。憇石餞落景。濯足臨潺湲。何能謝塵累。聊可清夢魂。

顧與治詩

卷之一

九

其二

絕頂猶未歷。晨興企高尋。頗聞北崖真。著屐先山陰。巨石墜不久。崩圻繇夏霪。是日江海涌。蛟龍攫陰森。翠嶺兩張時。草樹無敢侵。何年巨靈劈。怒擲洪濤心。此地絕樵徑。曲磴循前岑。吾意在幽險。穿穴摩黝黯。石勢迫未已。焉能卜高深。安知數折後。忽與昨路臨。松際來二叟。提壺抱清琴。跋涉遠逾健。登峯力猶任。笑語林谷應。落響驚棲禽。永懷遠公曠。有酒不得斟。處士去千

載臨風獨沉吟。感彼瘞鶴處。陵谷移古今。齒髮

日已變。吾衰復誰禁。念此不能語。含悽面楓林。

韓芹城太史讀予詩。輒賦四古體。感而荅之。

之

野雀蒿下飛。推藏鮮毛羽。驚風自何來。飄落荒江渚。道逢雲間翮。相呼作儔侶。微巨本非倫。層霄况修阻。感激生中懷。涕淚零如雨。願爲雙黃鵠。翔翔以容與。

其二

顧與治詩

卷之一

十

客與吳王苑。秋氣淒以悲。霸跡但狐兔。落木蕭蕭飛。白楊間衰草。高墳鬱纍纍。豪華與貧賤。倏忽同所歸。富貴非吾願。寂寞難久居。欲往從神仙。還丹未可期。不如清尊酒。樂我新相知。

其三

相知非有介。膠漆忽以投。我有聞聲思。未見先綢繆。孰云寤寐永。而間山川悠。遺我百斛珠。意氣凌千秋。焦桐置幾下。斷木溝水頭。此物有誰顧。亦爲知者收。寸心得所託。明月中天流。良晤

恐不再。江上增離憂。

其四

離憂不可輟。庭橘馨以香。思託南飛鴻。致君白玉堂。扁舟自茲去。孤蓬入烟霜。音徽日寥廓。千里遙相望。昔爲松與蘿。今爲參與商。相思當命駕。會面安可常。惟有尺素書。可以慰迴腸。

題梅村司響山園

梅子人中英。本懷非棄世。祇因吾道窮。遂結山水契。誅茆置岩間。扶杖入雲際。茲山擅名久。空

顧與台詩

卷之一

十一

響猶未墜。溪水日夜流。千峯一門閉。曾經青蓮遊。斯人去千歲。明月照青天。高風復來詣。舉杯與之揮。乾坤亦何細。

夜投祖堂易公房

向晦止行邁。回策投香林。登嶺絕樵訊。蔽榛聞梵音。下循水岸轉。遙見山門深。陰陰松栢路。步步入幽森。未知所宿處。先清塵外心。躋曠臺殿迴。折檻岩壑臨。徑窮及荆戶。剝啄驚棲禽。老僧具主客。入夜披虛襟。靜論洗凡臆。陡作寒水淋。

悲哉山中侶。一出各飛沉。而我復何事。十年迷此尋。空山澹無言。來者成古今。明發更回首。白雲生碧岑。

送與田弟北征

嚴霜滿階除。苔草同一白。遊子中夜興。治裝一何迫。深居凜寒風。千里乃爲客。衰年幾兄弟。依依永晨夕。自余臥病來。歲月益共惜。吾弟匪少壯。開歲倏半百。何爲易分手。努力事行役。長安有知己。天遠情不隔。見弟如見余。歡言話疇昔。

顧與台詩

卷之一

十二

知我離別懷。春明贈歸策。

送王亞朱北遊

買臣世久棄。歛起事明君。親交頓改色。同時望青雲。吾子澹蕩意。蕭然出塵氛。半百其不遇。山田自耕耘。偶爲京華遊。不入鷁鷺羣。願爲知己用。帷幄策奇勲。遠希魯仲連。數言却強軍。鄴侯一何暇。諸將徒紛紛。意氣古來重。毫末視玄纁。苟無明王夢。還山抱清芬。

和宋山眉四十初度

之子本超異。坦懷混俗人。置身三季後。邈與黃
皇鄰。時尚日以巧。古道成荒榛。寸心各有託。所
貴惟一真。炙手豈不熱。冷風蕩爲塵。道腴苟已
足。誰謂原黔貧。君看艷陽郊。昨好今已陳。霜霰
閉天地。衆目知松筠。

其二

古來功名人。所怨肉生髀。物我本無事。紛爭自
茲始。達士觀其初。萬緣嗒然已。焚香夜未眠。問
膳晨自起。頗怡山雲白。亦餐松霞紫。無夢漆園
吏。無言柱下史。椿菌兩不知。甲子何用紀。悠然
欲舉似。忽復忘所以。真意苟不存。毫釐失千里。
欽哉晨鐘心。其勇在知耻。

壽吳發祥八十

少君二十歲。別君三十年。相過健猶昔。容色如
更鮮。暢以松霞養。悠然得天全。空山亦宵警。比
者辭林泉。改卜南村居。舊隱情所牽。興來每孤
往。意愜仍留連。別時所生兒。文采今翩翩。青雲
分有定。素業家已傳。少小欣物外。老至歡果

顧與治詩

卷之一

七

心閒止足際。代是羲皇前。笑予墮塵垢。霜雪空
盈顛。

和陶飲酒詩

與治舊有和陶飲酒二十首
未久即焚其稿自謂摹擬太

拘不能出脫也今聞其詩果然惟末二
首自出已意故存之其餘盡刪可矣

陶公本高人。爲貧聊一仕。在官八十日。歸來潔
其已。深衷諒有託。不爲督郵耻。西山匪周粟。柴
桑亦晉里。日月代謝去。甲子自爲紀。當時以默
容。百世爭作止。苟無貞松心。歲寒亦何恃。

其二

顧與治詩

卷之一

七

家世推名飲。陶然任天真。苦節固所甘。兼值皇
風淳。世傳酒隱句。齋中墨猶新。名堂百年後。書
法追先秦。遂令人境廬。蕭然出風塵。如何舍之
去。行役長艱辛。兀兀抱孤影。凄凄念情親。幸賴
此中趣。悠悠未迷津。終當返茅屋。漉我頭上巾。
惟有痛飲酒。可以見先人。原刪十八首補後

喜黃若木楊龍友徐巢友過飲竟日

秋氣閏益佳。晨興覺陰涼。微雨颯然止。高雲散
晴光。幽獨念儔侶。疎簾竚遙望。果來文酒客。聚

祭星一堂初擬出郭步幽林與崇岡談深愛促
膝乃爲遊屐妨近臺聊一登還歸坐間房貧家
何所有草草出壺觴雖無絲竹音篇籍含古香
浩歌靜不發清論聲琅琅流盼循四坐衆懷靡
不康深衷忽以動催中自廻腸黃子官閭海楊
子買滌航徐子五岳身烟雲遲高翔雪鴻偶留
趾矯翮行各騰海天何浩浩來會殊茫茫心知
今日燕異日黯不忘及此飲不痛既別寧復還
呼童益清醕良宵幸未央

顧與治詩

卷之一

主

寄荅范太蒙先生

栖栖谷中雀早飛傍寒柯霜雪不獲免聊以逃
網羅心知天路迥安已違謀他感彼雲中鴻下
視臨山阿借以好毛羽勉旃意何多野雀既自
放激切當奈何

登周處臺

茲臺傍吾廬一月必幾上自予抱疴來經歲不
一往勉隨良朋遊步步入高爽山川悉如昨我
齒忽已長靜言念伊人年少稱粗莽折節能爾

爲千秋繫遙想子少乃不鈍老大轉迷罔顧茲
病廢躬望古但悲愴悠然詠三立願以最吾黨

惠山見新月

物候忽已歛茲山氣猶鮮愛此泉上步新月何
娟娟汲響靜林樾香利流空烟烟中鳥初宿林
外僧方還一酌病肺爽再酌塵襟捐獨往澹無
慮不醉情陶然月落予亦去星光照歸船

詠井中心史

祖集黃海鶴先生于頃堂分

烈士忘其軀豈顧千載名所悲道日喪呼世長

顧與治詩

卷之一

六

疾聲共秉君父性獨含深苦情鬱鬱復鬱鬱
蒼鑒精誠德祐墜西日人天一時傾矯矯鄭夫
子方與陽九爭舉手挽天河願洗塵穢清其事
如可就夷齊安足并雪涕淬霜鋒大義期共明
四海無一士持此將何成銘劒裹心血沉淵入
澄泓蛟龍鐵旁臥飲泣不敢驚夜夜轉轡上光
氣如豐城神物不自閤出爲盛世禎沉吟想當
日才影申幽盟一往開萬里四顧仍憤盈至今
心炯炯敢以文字評拾鐵付歐冶鑄劒揮機槍

哭陳古公

君本天上人。豈肯人間住。鶴背一揮手。欲起不知處。肘後非有方。至人意相喻。或拈空青水。灑作清新句。頓絕廣陵散。水落寧再注。平生萬金裝。盡散爲秋霧。惟餘玩賞物。又復歸質庫。其氣乃益豪。何曾知失路。神仙既無種。誰爲支門戶。哀哉借隱人。痛哭荒原暮。

補遺

秋客吟

偶存刻稿不載此二詩今從他友本搜得故補入

顧與治詩

卷之一

七

舟子倦牽挽。羣兒相與嬉。此景我昔有。入眼傷心脾。父母望我子。甚于望我時。高堂倏見背。吾生行復衰。真漠倘能佑。天道猶可疑。弱女慰予情。何以望爲箕。兄子幸有子。十一乃頑痴。今年復舉一眉目。誠可見祖德亦孔厚。爲善當孜孜。其二
結束登遠道。但恨僕夫少。及其維谷時。一身亦煩擾。升米錢六十。脫粟猶草草。何惟窮簷民。哀哀盡成殍。戲作換鵲書。易粟可一飽。亦有好事

者提壺餉清醪。僕夫有權顏。子情亦難矯。臨觴忽不豫。心爲饑人慄。

訪鄒滿字溪上

言尋居士家。薄暮青溪道。荒原鳥獨飛。寒木雲相抱。入室聞疎鐘。開門見秋潦。落葉坐來多。清風時一掃。

贈夏長樂

鳳鳥鳴嘒嘒。野雀聲唧唧。類族非有殊。奈此賤微質。向風同衆羽。不知幾千日。舊巢高岡下。形

顧與治詩

卷之二

十八

跡乃相失。飄零墮天南。蹇修告予急。高視攬八紘。所貴在華寔。海風摧殘盡。持此欲何匹。豈知特達觀。見若平生暱。羽儀方可惜。母爲飲啄恤。

壽劉今度五十

古人去予久。精靈自閒止。所恨眼光薄。一紙隔萬里。時時接緒論。往往獲微旨。默然或終日。語發莫逆視。遊醉任所通。頗悟章句鄙。耿耿未可磨。九原揖而起。爲問擢茅塞。賴心提有耳。

和陶飲酒詩

原稿止一首今補遺

吾生初何爲。入世乃紛之一飲忘百慮。寧與
皇時焉。用悲。既往爲歡。方在茲。來日非我事。
心復奚疑。可與達者言。觴來聊共持。

又

沾沾泉文士。國門與名山。頽然以終日。悠悠獨
無言。人生少至百。何爲計千年。但願目前醉。不
願身後傳。

又

言貴有何戀。兒女多苦情。策足元要路。幾人保
類與治詩 卷之一 九

名。被褐茅簷下。淡然得此生。飢飭良可念。寵
辱無由驚。正使隨物役。迂拙當何成。

又

昔我同來者。翩翩起高飛。握手不能語。中心恍
以悲。八表無故物。六合終何依。故人有樽酒。不
如早還歸。良無金石固。壯者日以衰。不傷年命
速。但惜寸心違。

又

灌木荒人徑。山鳥時一喧。夕陽下江水。高霞起

西偏明月忽已上。照見城南山。感此無枝雀。遶
樹方未還。歸心北沈醉。寂寞將何言。

又

蠻觸何爲者。自謂爭國是。孰者爲國成。空令人
國毀。我從醉鄉來。所見殊不爾。漢家了無事。不
勞黃與綺。

又

結交天下士。矯矯人中英。遥遥千載上。歷歷平
生情。不復見古人。痛飲杯共傾。斯人久物化。聊
願與治詩 卷之一 二十

躅空哀鳴。臨觴獨遐念。何以慰吾生。

又

有士顏我宇。閒園養幽姿。雖無千仞覽。愛此鷗
鷺枝。閒暇輒招飲。載酒或問奇。置余荒江畔。天
意將何爲。嗟哉林中羽。一一樊中羈。

又

形容悴江上。一樽時獨開。客至共斟酌。曠然多
好懷。流坎有定運。胡爲與之乖。巢林拔其木。誰
能獨高棲。黽勉榮薄躬。囊裳就泥塗。租吏豈不

猛秋獲行當諧。安往非貧賤前途。豈云迷追呼。如可緩吾駕亦中廻。

又

杲杲日初出。照耀東南隅。客心慕千里。整裝啟長途。終風歛以至。浮雲西北驅。長跪稅客駕。斗酒幸有餘。相將守如晦。無爲嘆離居。

又

我有芙蓉衣。思將遺遠道。五載限河關。憂傷令人老。今君德所榮。一心等灰稿。夢寐見顏色。不願與治詩。

卷之一

五

欣常美好。我醉不求餘。沉冥以爲寶。醉醒兩不妨。相將出塵表。

又

黃鵠志千里。高舉及良時。飛埃失雲路。飲翮從此辭。今我不爲樂。胡爲待來茲。有客指天道。欲去更狐疑。福善云可恃。斯言或予欺。但飲勿復道。君今何所之。

又

憂來可如何。醉中無此境。我飲亦無多。所貴時

不醒醉中見華胥。其人具要領。如何末世士。紛紛事機穎。元化本宵冥。願言戒彪炳。

又

我徂當首春。長夏忽又至。瓶粟任屢空。汲汲謀一醉。既醉身世寬。桃源豁胸次。漢魏所不知。安知天子貴。欲勸長安人。緩步思厥味。

又

今古無留人。天地乃空宅。旅次各掉臂。焉能顧陳跡。服食延壽命。誰者壽千百。不如素心人。驩

卷之一

五

言其浮白。此日良不再。臨觴自珍惜。

又

在世逾半百。坎壈多所經。束髮遊六藝。垂老無一成。遠耕渚中田。歲晚滄桑更。濁酒聊自命。俄入勾天庭。霞光拂衣袂。簫韶正和鳴。哀樂本無據。此物真移情。

又

蒼崖聳羣木。赤日含清風。踈處見平遠。江流帶其中。醒醉北窓下。夢與仙山通。酒至但徐引。何

曾見杯方。

又

塞馬失不妨。何者爲爾得。泡影相幻化。智者爲之惑。油油一醉人。了不辨通塞。無何非有鄉。無懷自爲國。欲言忘所以。以茲長默默。

丙戌秋爲裕超寫炤賦流泉三章

泱泱流泉。粲粲菊英。載觴載咏。碩人其清。

其二

莫清匪泉。莫馨匪菊。有美一人。溫其如玉。

顧與治詩

卷之一

五

其三

徂彼朱明。忽焉素秋。維葉落矣。我心則憂。神農虞夏。今與子同遊。

汝賢姪孫四十

歲月良易多。汝年已四十。岐好美少年。俄是方剛力。射利如養由。百發不一失。又如得兩齒。轉眼有增益。汝父辛以勤。得汝老閒適。弟以兄友于。服豫豐文筆。汝叔父兼愛。事如父在日。正正有吉光。集汝太和室。聲名走四方。朋友其肝膈。

貴遊與賢豪。登堂作賓客。稱心服統素。隨緣置

田宅。園林在青郊。元光復山色。家有如花人。靜

好御琴瑟。有兒最娟秀。頭角行又出。享者等閒

視。羨者爲嘖嘖。世界有缺陷。神仙無此福。我生

與患俱。老至更蹇拙。感汝及汝父。敬共久無斁。

願汝蔗境長。從今直至百。進以謹身孝。勤施遠

窮迫。皈依佛。究無生。味道知止足。是爲真享用。

者盡枝葉。勿笑老顛倒。頌禱輒饒舌。他人不愛

此。願汝爲汝策。

顧與治詩

卷之一

五

壽宋山眉母夫人

華宗有碩媛。南國流音徽。鳳羽叶和鳴。朱門覽德輝。素琴當靜好。並坐吹芳菲。對揚吉士心。林風何罪微。鸞鏡依隻影。松栢異芳菲。令子璿璣彥。冰玉啟重暉。鵬鷺翔苑苑。婉孌侍彤闥。長筵列觴神。輕軒覽皇畿。應共瑤池觴。縣圖結征騑。喜元倬聖因。瞻今同舉因。呈下第諸兄弟。夙齡締羣彥。雅志匡明時。藻筆競奇秀。神鋒紛陸離。共云非从賤。携手青雲梯。荏苒再三獻。過

眼色同迷。追風騁駑足。千里胡見羈求賢亦已。
亟。旣得匪所期。平生有知己。淪落或下嗤。向人
悲馬齒。敢自憐蛾眉。賤子甘棄置。夢絕華纓綬。
看鏡悟骨相。一壑終幽棲。矯矯二三子。百折意
不移。竟厲高秋翮。同日凌天達。都人慶熹旭。况
子蘭臭私。榮遇乃固有。連翩致足奇。敬哉時不
易。致身今可爲。屈久達已晚。酬新勲未遲。顧惟
吾黨士。尚有明珠遺。預見蒼蒼意。風雲始在茲。
河清良可俟。結綢詎須疑。

江寧顧夢游與治父著

宣城施閏章尚白父選

桐城方文爾止父閱

六合孫沂如阿漚父訂

沈希孟子遷父訂

七言古體

采蓮曲

江南女兒弄江水。照見如花。在江底。不隨簫鼓。

顧與治詩

卷之二

一

競中流。輕橈蕩入香風裏。香風拂拂。別為天荷。

葉荷花隱。畫船瞥見。誰家游冶女。相逢同是弄。

珠還船邊。山色青於沐山下。鴛鴦映花宿。就船。

折得並頭枝。一時女伴皆回目。折花心事對花。

痕。落日臨風。欲有遺蕩子。不歸花在手。苦心空。

自引長絲。

竹醉日移竹歌

羲車赤牛鞭不動。一林寒玉青冥夢。野客移來。

尚不知道。是此君方醉時。醉中疑向湘江路。葉。

魂飛濕帝猿處。西方亦盡東方高。天風吹醒秋。

翁園

帝遣五丁厲神斧。劈就兩山勇難賈。誰知人力。

快靈罔洞壑。能教向空舞。山鬼披烟去。路迷毛。

女不飛入。偃僂哈呀勢。作齒互嚙。處處巧為蟲。

所齧幽窮絕。頂仙閣開。猶拔數峯簷外挂。喘息。

稍定雙眸明。萬頃一平帆。細數翠蓋亭亭玉。母。

車青峯脉脉。湘靈鼓我來。御風悲心生。欲仙不。

顧與治詩

卷之二

又

仙空自撫廊廡。窈窕窈窕。不同綠陰為天淵。為戶。

雪竇雲房。意外通。黑夜月明晴日雨。主人成此。

跨鶴飛。傳言近作青城主。胡不此居而遠遊。奇。

鑒定憂巨靈。怒山頭時有步虛聲。疑是歸來弄。

清羽。

題妻兒累圖

人人道是妻兒累。此老獨稱窮快活。一家家計。

盡隨身。日日團團百年樂。君不見守財防盜憂。

吏虐。要人籍沒成。既脫腰纏。那有揚州鶴。

辛巳九月寄壽與夏兄

孝皇肅皇全盛年。國家累洽元氣全。維嶽降神
盡人傑。吾家適與風雲連。矯矯羣龍過荀氏。二
龍特起凌高天。臣門第一百餘載。流風代代生
名賢。卽今兄弟數十輩。濁世公子何翩翩。就中
阿夏更卓犖。胸藏武庫譚鸞庭。文章下筆如流
水。日影不移成大篇。才大從來世難用。脫去羈
網長超然。今年政滿一甲子。朱顏愈好無華顛。
留髡猶能飲一石。醉客何曾惜十千。覽揆之辰
頌與詩

卷之二

二

秋正老菊。花開徹東籬邊。聚族稱觴。百人至。草
堂西爽。相新鮮。鹿門偕隱。案雙舉。蘭玉灼灼。紛
盈前。游也。依人客江外。極目不見鍾淮烟。獨立
蒼茫。寄斯語。如與長幼同周旋。

將遊閩海留別謝太守

金陵三月江水深。我賦遠遊君別吟。慢亭雲氣
迎來屐。香署仙郎憶舊林。舊林期與同游賞。口
說荔支神已往。勸君且看秦淮山。桃葉新涼待
歸槳。行路誰知若個難。船到西泠夏已殘。秋風

吹凌仙霞嶺。詩篇中道寄君看。向中花月君和
好。不信遊人興潦倒。日對余兄念遠行。幾回同
夢池塘草。君家康樂真無倚。阿咸後起何風流。
白玉堂中曳珠履。聞君新命爲諸侯。石頭五馬
飛旌路。光輝直接榕城樹。君來我去恐參差。欲
去爲君留且住。

錢桴遊母九十詩

四十年前事如昨。同舍同師年並弱。只道青雲
在目前。誰言垂老成淪落。當時有母皆白頭。此

卷之二

三

日悲愉迴不侔。我母淨土逾八十。君母九十神
逾道。君以科名慰母意。分甘有人成偉器。而我
焚焚爲母憂。視息雖存待自愧。聞君新整先人
廬。精堅光潔勝厥初。爲母置酒臨前除。母健并
却杖。與興兒故善。歌發徐徐母爲按節倚和渠。
兒歌且舞母甚樂。老萊子樂當何如。

湯允繩六十

君家後起何多才。翁也獨立尤崔嵬。讀書薄視
青雲路。抱策不問黃金臺。胸中落落無所好。

詩一卷酒一杯。我詩懶作復佚盡。人間零落如
飛埃。愧君拾掇感君意。神遊如見秋堂開。有客
遙微侑觴語。賦詩宜逐羣公來。荒園偃臥思枯
槁。豈有佳句陪尊壘。吳綾絮絮玉膚滑。怯腕欲
下仍徘徊。橫塗亂抹入君眼。縱有痴嗜須疑猜。
莫爲江郎數才盡。若肯過江來相訪。新詩還可
爲君裁。

湯允繩六十一初度生子

是爲五月六日

田文五月五日生。好客千秋垂令名。君家掌珠

與君台詩

卷之二

四

光四溢。剛比田文遲一日。鬱葱佳氣盈房櫳。兒
庚乃與翁庚同。堂前周甲方拜慶。玉麟天上遙
相映。他時翁開百二筵。兒年亦似翁今年。同時
苗有堦蘭秀。秋花更比春花茂。問花何事晚來
奇。汗血駒生非少時。

秦淮感舊

淮流雨足波光膩。詞客停船午相遲。文園多病
阻清歡。坐起尋思溯洄意。此時落日酒初酣。望
裏悠悠總詩思。何人對此最深情。風前獨下鍾

山淚遊子皆言風景殊。居人倍感河山異。余生
曾作太平民。及見神宗全盛治。城內連雲百
萬家。臨流爭餞笙歌次。一夜扁舟價十千。但恨
招呼不能致。佳人向晚傾城來。只貴天然薄珠
翠。不知薌澤自誰邊。樓上舟中互流視。采龍鬣
罷喧未已。蜿蜒燈光夜波沸。偶將一葉到中流。
半夜移舟無樂地。當時只道長如斯。四十年中
幾遷易。波頭猶是六朝烟。書閣珠簾久顛領。鷁
首全隨戈甲人。馬嘶亂入王侯第。卽今月好幾
船開。惟有空明照酣醉。繁華既往莫重陳。暮燕
搖搖定猶未。但願遊人去復來。再見太平全盛
事。

寄題如皋余八兄五松圖

鍾山之木何蒙茸。環三十里皆蒼龍。山前道旁
最奇特。知從何代稱五松。行人來去坐臥江
風澗。雪長洶洶千株萬株一時盡。五松何處覓
遺蹤。誰將快筆掃風雨。宛移天矯還東峯。偉人
冠劍儼獨立。互爲兄弟相支參。四時堂上殊氣

侯百靈林下來雍容。肅穆凝瞻夜遊出。昂藏不
受秦人封。主人對此了無事。看松閒却看山。第
我欲借君高堂方丈壁。開我十年鬱鬱愁心胸。
請君滿貯百斛酒。預期君家好兄弟。及我意中
所欲逢。待我狂呼大醉而入蒼蒼最深處。相與
枕藉梅花下。靜聽靈谷之清鐘。

庚寅正三日立春龔孝升奉常出古合巹

杯酌別卽席同賦

青青河畔草。初生新月。新年此夜明。此夜春風

顏與治詩

卷之二

六

又初動離人。却向明朝行。手中莫放杯中綠。沉
醉猶傳漢時玉。當時制度爲合歡。持作離觴惜
心曲。落魄予當晚歲來。見君懷抱一時開。春來
江上龍鍾老。君去何人復愛才。上卿此去遊真
壯。驛路攜家到天上。旁人但羨此登仙。出門顏
色翻惆悵。丈夫心事誰得知。風雲霖雨各有時。
平生富貴非所欲。野老還期共賦詩。

寄余公佑作

與君結交初。歲暮悽旅食。君爲謀歸壯歸色。與

君重見面。江左國休典。太才度越期。飛騰誰知
時事。一朝異。別後蕭條但高寄。漁樵跡跡兩茫
茫。九年不到雙魚字。春聲野老易悲秋。近與黃
郎相對愁。問訊故人。今好在。相思處。是舊風流。
老我蕭瑟頭。盡白君亦如今。成半百。縱使河清
只釣竿。敲棋縱酒。聊爲適。昔時兄弟。今幾存。昔
時無子。今有孫。江田由田。薄有獲。讀騷讀易。長
掩門。此樂當與神仙並。何能扁舟適往共爾閑
清樽。

顏與治詩

卷之二

七

九日雨集同邢孟貞方爾止諸子分得終
字

有菊有菊。殊未開。紫者。屬紅。與難終。且喜蕭蕭
境絕喧。莫問滔滔。世成洛。美人冒雨過。荒齋黃
葉呼。風捲窮巷。縱使登高。愁絕。帝子雲中何
處降。淋漓勢急。欲翻盆。須臾又見東西虹。我爲
勝政君。莫辭。大。空。酒。但。長。檣。懸。醉。吟。直。至。夜。分。
時。濕。雲。忽。度。疎。鐘。撞。

飲樓徐攜人未半壽詩

第九兄與振氏與先君少同學先君老而不第以里選得官不竟其用兄方待薦遽失明人共惜之年過五十始得友生既夙慧又喜讀書兄之背也友生方髫年即能砥礪同學有聲四方微孺人教養之功不及此今孺人壽六十羣從以下族上稱觴授簡于游歌曰桂花院落天香起。護樹堂前選綦履。子弟百人皆恪恭。此外東南名下士。清歡清徹人致詞。新度新聲聽盈耳。吾家文物中式微。微母何繇頌

頌與台寺

卷之二

八

麟趾風前玉樹露中芝。汗血重生亦千里。門巷烏衣非舊時。燕子來如舊時喜。百年後望百年前。風流映帶長淮水。人言是母樂未央。母却停觴淚清泚。藐孤孤日真伶丁。今日成名望非始。回思二十五年中。茶苦茶甘不堪理。我語猶子汝念哉。寸草春暉報難矣。男兒五鼎等閒致。七尺千秋爾何以。母聞我語頗爲開。匪子何爲植舟矢。所天才大志更奇。老眼着兒亦如此。他年彤管須特書。下里賡歌俟青史。

己亥七月補壽葉士安六十壽詩。與君同生。神宗皇帝全盛時。豈知垂老之年。逢亂離。危城盡閉三十日。秋黎過我病榻情。其兵戈滿眼。一身爲長物。猶嗟去年六十初度。無余詩憶識君初。乃與蒲陽比玉惜別飲淹淹。十日銜深卮。自此披衣數晨夕。則有震甫父子相追隨。是時四方用兵已多事。陪京安穩神祠司文露堂中日高會。兄航脩核能爾爲。今夕復何夕。丈人安坐且勿悲。牀頭未乏謀歸酒。圖書翰墨克茅茨。田荆謝玉互輝映。身輕頗與秋尋宜。莫思繁華說舊夢。亦莫逃避滋仇雠。但願友朋家室兩相保。一片半菽皆可以自怡。此去更度六十歲。安知不復再見江南全盛時。

頌與台詩

卷之二

九

送嚴威遇還吳興

蒿城先生謫仙人。自稱一代之遺民。詩篇吹氣作蘭芷。豪華過眼同烟塵。爲憐吾土風光好。一住青溪二十春。故人招隱還山去。白門入夢心飛絮。重尋數子望衡居。不遠舊時栖逸處。何人

能得往來頻。白眼看他日箕踞悠悠市上漫行。
遊。併。栗。長。空。總。不。憂。月。米。惟。憑。高。士。餉。歲。餘。糧。
欲與同休。忍腹商聲振金石。浩然之氣凌清秋。
江上孤帆忽樓。如何爲別。秋冬際。短歌咽咽。
吐復吞。長夜漫漫。旦猶未。江鴻斷影。絕哀響。海。
鶴空天。落清唳。憶當神皇全盛時。吳興公子。
天下知。臨水朱門。白玉砌。看花白馬。黃金羈。萬。
金一擲。與豪士。千金一笑。與歌姬。生來本厭阿。
堵。物。問。渠。何。日。纔。揮。詔。却。笑。昌。黎。反。送。窮。歲。歲。

類與台詩

卷之二

十

送梅杓司還宛

十年以前與君好。勸君莫向風塵道。有山不住。
田。不。耕。賣。田。却。買。舟。車。行。頻。來。數。見。良。不。惡。心。
憂世窄。人情薄。自信才名天下稀。誰知煮字不。
克。饑。妻。兒。待。米。淚。承。睫。呼。童。還。家。賣。餘。業。得。金。
盡。收。死。友。尸。依。舊。餅。空。午。斷。炊。貂。裘。龍。馬。門。前。
過。雪。深。皆。笑。袁。安。臥。別。時。朔。風。刻。骨。寒。雙。肩。聳。
立。衣。裳。單。愛。君。意。氣。過。疇。曩。百。尺。高。樓。更。豪。上。
臨。行。苦。索。緩。聲。歌。歌。罷。其。如。君。別。何。

送張水蒼還河南

類與台詩

卷之二

十一

題松下煮泉圖

杏花雨足。秦淮滿。秦淮遊子。歸思緩。忽聞君喚。
渡。江。舟。不。盡。愁。心。逐。水。流。憶。昨。聞。聲。遲。見。面。兩。
人。詩。句。交。相。羨。相。逢。一。尊。能。幾。傾。別。我。更。向。姑。
溪。行。懷。君。歲。晚。心。如。失。重。來。已。過。春。三。一。可。惜。
李。子。又。開。航。數。子。同。將。遊。事。商。姑。花。日。日。愁。風。
雨。不。到。南。山。到。南。浦。南。浦。春。波。作。意。寒。聞。君。垂。
裳。爲。君。歎。中。原。有。人。人。不。識。自。拂。長。髯。看。顏。色。
有聲謾謾松濤鳴。松寂不語因風生。道人高枕。

樹根睡飛身夢入銀河傾。起來自汲山下水。火出石燃瓦鑄活。水活火暗相激須臾亦作松。間聲古窕香裏生微碧。矧見高枝翠將滴。空香空色莫語人。引人踏破空山春。

徐有翼先生八十

及見先生壯年日。我父六十君四十。我今亦是六十人。先生八十賓朋集。欲往從之病不能。先生之豪今轉增。以詩贈之破詩戒。含毫放慨交相仍。吾父若復健如是。百年觴亦今年稱。安知

頤興治詩

卷之二

七

先生幾百歲。可能爲我分升恒。杖履相隨二十年。爲君百壽揮溪藤。

歐陽初白六十

憶昔垂髫相對時。高齋伸紙索題詩。而今白髮重相對。愧我曾無幼婦詞。惟君此興獨堪鼓。賡湛處筆花舞。仲宣文通手不停。未卜相當誰勝負。那更栖心向竺乾。性修老衲讓精研。達人穩有歸休地。幻境翛然信可捐。草構軒名隨自意。初白詩集曰課餘緒墨多玄致。自今甲子已

不。拘。任。繼。年。年。且。游。戲。

沈子遷五十初度張屬後孫阿瀝方爾

友若開士同集水齋菴予方養病未起走

筆呈此

日長將至冬久晴蔚藍天色雲晶晶黃梅紅梅開欲遍紅葉黃葉銜枝鳴鳳皇山下好風景何人不愛閒遊行道人此日逢初度來向空王乞超悟清齋不用泛清醪隨分伊蒲集朋故同來禮佛盡詞人不是機鋒亦玄著平生最好最高頤興治詩 卷之二 七

沈子遷母夫人節壽圖詩

靈巖之顛石崢嶸。千年結得徂徠精。天奇百尺怒龍舞。鐵骨時摧風雨鳴。下有寒泉樹絕壑。北風吹作水瑩瑩。誰將此圖表貞烈。黃鵠之歌自鳴咽。穠祿兒成偉丈夫。回看益漉崩城血。閭閻

終敢久不靈。彤管未張。閨閣。母貞子孝。自來。區區。文章。小伎。何足。名堂。上鄰。下如。相成。嗟乎。堂上。鄰下。如相成。

葉士毅母夫人節壽詩

昔從震澤論人物。高義葉公指爲屈。風流早同朝露晞。意氣人間尚伊鬱。閨中良友黃夫人。女中丈夫超等倫。傾囊脫珥無所惜。所樂施濟娛嘉賓。只道爲歡堪白首。三十誰知泣蓬垢。皈依空門恨未消。夢裡貞心向若剖。藥茶彈指三十

顧與治詩

卷之二

五

年昔孤孀稚。今蒼然。繡口白眉人。共羨嗟吁血。淚枯饑前最奇小。星年尚小。風塵新結。夫君好。慧心激感未亡人。鐵幹冰壺永相保。今年設悅樹護堂。松筠交映生輝光。板輿花下有新句。四方玉軸堆瑤章。我亦爲訝待惇史。明堂采風先采此。葉公故自有芳名。芳名更用閨中起。

補遺

花朝日集聽鶯軒梅下

日日春光漾柳絲。晴空提蕩亦多時。幽禽幽惜

春陰薄。不出深林上小枝。二月紅梅開已遍。水姿豈作尋常倩。曉霧初霏潤欲垂。輕花細落明如練。燈下還疑處士魂。疎疎微雨出芳尊。夜闌人醉花亦醉。夢人羅浮第幾村。朝來枕上新鶯喚。始覺春光復過半。我病難爲出郭遊。郭外青山令腸斷。

甲申壽徐六岳魏國公

維嶽降神全盛代。八荒有目瞻嵩岱。上惟一人下百辟。身配至尊弘覆載。四方理亂亦何嘗。旋

顧與治詩

卷之二

五

轉乾坤。恃公在。今年天子與公閒。朝野聞之驚且喧。正美膚功光竹帛。俄傳逸駕在山泉。不是先憂能暫謝。鳳毛龍種早擎天。趨庭闕畫中朝計。問寢先詢海內賢。時事中原朝暮改。南國推策安在萬靈所。託但公家厚德如山福。如海名園木石冠。皇都清晝羣仙玉珮趨。海上何須問蓬島。中林不用喚提壺。赤霞滿獻名花發。天樂天香散九衢。

補山堂

楚澤浩無際。居人若浮空。沐浴日月光。采混
洞天地。對鴻濛。如何蒼茫汗漫極。目無所見。忽
有千巖萬壑。突兀茅堂中。青峯濯影蛟龍國。翠
微滴秀馮夷宮。道人坐臥其下。神已往。直窮洞
天福地。而以身徜徉于其中。行吟卜居。豈不苦
以茲放情于五嶽。不憂五嶽墳其胸。移山煉石
徒爲爾。筆補造化天無功。

其二

澤國連天等溟渤。誰挾蒼山置君室。幽奇一人
獨氣。卷之二 六

兩人尋明淨。千峯萬峯出。楚天風塵足。傾洞下
拍區。中止空濶。氣蒸雲夢常宵寢。極頂秋情辨
毫髮。非是化人喜幻化。亦非狡獪作仙術。警之
幽貞履坦坦。其中磊砢挺正骨。又似魁梧奇偉
人。聚立平沙竦袍笏。世間缺陷貴有補。平遠何
必無。舉舉君不見。家家四壁無所有。君前出
明琴瑟。

顧與治詩卷之三

江寧顧夢游與治父著

宣城施閏章尚白父選

桐城方文爾止父閱

六合沈希孟子遷父訂

典化李漳盧生父訂

五言今體

同葛震甫夜坐牛首

上方清楚合絕頂翠濤行有客振雙策憑虛領

真集台寺

卷之三

一

衆聲人烟燈半壁僧定月三更不寐貪靈境嗟

余勞此生

震甫月下見過探梅聞鄰笛

似君閒不易隨月到貧寧梅意如延圻冬情得

靜嘉空音江怨起橫影開陰處誰道能催落還

催欲放花

夜酌鄒滿半溪上值其他出

主人閒此月客到占清幽竹影開深院柳風虛

野舟霜溪寒尚潤烟閣靜如浮連夕虛高會茲

宵其枕流

歲暮寄慧公

寒山無客到破寺有僧存數折入松徑一離開

竹門耕牛閒早土野雀噪飢村托鉢塵空返霜

天

指樹園其四補後

城裏似山遊門前繫野舟遊橋塵影斷拂岸柳

絲柔宵折如無路蕭疎不爲秋已令歸思緩知

有幾時留

真集台寺

卷之三

二

社集天界循公房

松氣暗晴晝叩扉雙啟扇定香生寂磬空翠落

疎櫺出郭當花候何山不慢亭谷深人跡少幽

夢獨青冥

其二

來已半春徂遊欣衆衲俱鳥窺遲日下花近午

風蘇世事到山盡高言對佛無杖頭會不繫隨

意乞香厨

送于司直

遊道今難問。孤高始見君。踴涼懷漫刺。歷落奉歸雲。詩好無多句。書傳廣異聞。雖極愁獨久。嬌鶴已離羣。

其二

忽見起行塵。翻思遊趣真。樵風天際想。給月水邊身。已共兩除夕。還留一半春。意中多少事。今日是歸人。

方爾止生日兼送其遊合肥

君才宜早達。三十尚浮沉。旅食逢初度。高歌感

壯心。

卷之三

三

柴門紛載酒。草閣靜鳴琴。忽復渡江去。淮南春水深。

同震甫雨郊送春

樓外笙歌地。空濛望窅然。何來兩閒客。同倚一山烟。眼。柳。愁。行。陌。飛。花。黯。暮。天。年。年。青。髻。改。吟。畔。已。絲。懸。

待月節霞閣聞譚友夏至

日遲還上蚤。如爲倚樓人。先白水邊路。微分竹外鄰。烟帆投信宿。感歎接音塵。飛動尊前意。清

光一倍新

再送文啟美

遠遊逢歲暮。去住各吞聲。已作渡頭別。更淹江口程。片帆千里色。落日一樽情。雖得重攜手。新愁倍昨生。

江上東班荆社諸子

客愁忽無際。落日江悠悠。曠望獨回首。芳春不共遊。酒聲花下鼓。詩思柳邊樓。自是清歡徹。能無悵去舟。

顧與治詩

卷之三

四

口岸

半年來兩宿。歷盡夏冬情。村叟逢迎熟。山僧禮法輕。犬。嗥。篩。月。影。雞。趣。響。車。聲。占。曉。聞。農。喜。今。朝。甲。子。晴。

范異羽先生邀集顧園

地主情無已。娛賓借辟疆。戲蓮魚路澗。桐徑蝶魂香。迺。海。樞。閣。層。陰。塔。覆。堂。病。餘。嚴。酒。禁。此。夕。已。盈。觴。

過鄒舜五隱處

數畝盡栽竹。一隅安一亭。不知湖近遠。但覺日
蒼青。交澹款門少。心慈施藥靈。水尊情所寄。孤
棹在烟汀。

哭葛震甫

能得幾知己。又傷傷逝神。書從歸後少。淚想別
時真。惟我負秋約。逢人問客貧。重來湖上棹。心
語可誰陳。

其二

晨夕披衣路。銘空林影深。歸春必同送。守歲不

顧與治詩

卷之三

五

孤吟書就兒。爭乞杯乾客。自斟依然風物在。開
眼是酸心。

其三

出山真失計。高在以官貧。萬里攜孤鶴。三年歸
一身。裴周潞河雪。衣與秣陵春。空有棠陰在。還
聞哭蠶人。

其四

齊眉堪共隱。飄泊十三年。歸計因兒決。高情傍
酒眠。青蘿山下客。白板水中船。并是傷心地。麗

家泣暮烟

人日伯開爾止于皇過訪梅下

年年花下酒。定有素心過。人日逢晴少。今朝到
客多。歲荒栽五簋。月白隱千柯。瓶粟何須問。微
酣且放歌。

清明日歐陽江都邀譚因留信宿其二補後
佳節奈愁何。又當風雨多。一尊相對盡。此日不
輕過。如水三年政。新烟四野歌。縱心譚世外。只
似在雲蘿。

顧其台詩

卷之三

六

三月二日集影園

坐處若空浮。春和淨似秋。靜波初掠燕。喧酒不
驚鷗。城柝急歸路。江風虛夜樓。主人真好事。先
校集臨流。

且適園

爲園何必廣。日月此中閒。樓上見千里。江邊非
一山。經年留老友。寂午閉深關。予適旅無事時
來暮不還。

其二

花時買花種，幾日已成蹊。蕭散宜城外，繁華付竹西。省糧爲鶴食，藏酒待鸞啼。何處思眠醉，高牕俯大谿。

東秋水

伊人非室遠，多雨若重山。草閣已栖鳥，柳扉應下開。好文宜細論，停筆想餘閒。但恐晴當發，相看是別顏。

虎丘舟次投錢牧齋先生

文章論得失，時運與低昂。今代尊夫子，精誠獻

顧與治詩

卷之三

七

我皇風流歸大雅，日月仰新光。莫道龍門近，從今始望洋。

其二

耦耕堂裏客，宋玉獨堪悲。往問西州路，來徵有道碑。空山芳草墓，舊事荔支詩。不盡鍾情語，山塘分棹遲。

時予入閩拜比下京先生詩爲表墓文

方爾止移居水西

客居無不可，所急母情安。岸微還餘圃，蔬香儘入盤。轍盈天下士，杯合古時歡。晚饌須遊鯉，前

溪把釣竿。

徐昭質移居城南

秋光紛在野，選勝此移家。負郭風烟迥，依山木嘉道。心生夜梵清，興引朝霞。只有城中侶，來尋路轉賒。

其二

高情屬岩壑，今已愜幽尋。門外溪邊路，樓頭塔下林。鐘聲寒月曉，曉色亂峯陰。此際微吟者，彌清山水心。

顧與治詩

卷之三

八

其三

重陽前日過籬下，菊初繁來。拏一壺酒，相從竟夕言。秋餘無葉寺，雪後有花村。如共鄰僧飲，呼余定幾番。

其四

每逢風日好，臨眺必同來。且喜幽棲徑，還從此路開。山閒俱畫影，簾捲見登臺。預恐春郊綠，嫌予屢破苔。

題張林宗像 有序

往者葛震甫喜道林宗先生于版心久矣大
梁聞變恨此生不得與先生相見瞻禮遺像
百感交集次探園韻遂題五首

所恨山河阻空聞姓字香他時同老友每夕話
連牀次第先朝露悲涼更幾霜誰知畫圖裏今
日見昂藏

其二

拾掇遺文少梅檀片片香自高懸國價似積等
身牀五字曾攜雪千秋迴挾霜蛟龍護全帙深
願與治詩

卷之三

九

處織綃藏

其三

汨羅同吊處杯酒醉蒲香楚澤招魂些秦淮遶
笛牀情深千尺水愁滿一頭霜自逐巫咸後三
光日閉藏

其四

古心勞汲引粲齒借餘香歎息同生世因循不
拜牀鹽車千里影塵匣十年霜萬事隨流水名
山敢共藏

其五

頰毛生動處似坐佛前香颶海今登岸彌龕舊
是牀門人感時雨孤子泣秋霜好手宜絲繡家
家一幅藏

山行阻赴顏校書社集

佳人宴良夕詞客滿高樓獨引春山步虛飛靜
夜譚松眠風聽徹溪照月魂幽知爾歡無盡懷
予亦寫憂

東谷黃仙裳

願與治詩

卷之三

十

君來空有約江上又秋風道是長貧累還憐善
病同名成多難後詩老少年中慚愧稱知己徘徊對去鴻

杜于皇生日飲曉孔雀庵

白日城門閉烽烟何處來相過仍竹裏一徑有
花開英妙形吾老飄零歎爾才亂離逢小飲肯
放手中杯

其二

橋想佳人倚圖思公子爲猶餘夕陽好空照柳

絲垂流水無情去。東風著意吹暗將。吾輩換君少亦生悲。孔雀應左爲馬湘蘭故居在爲徐府東園

和祖心師雨中見訪

乾坤逢此日。野老獨吞聲。不道西方學。能同故國情。墟烟何寂寞。行潦漫縱橫。連夕傷心話。寒燈剔未明。

其二

樂莫新知樂。相看祇是愁。餘生猶未卜。於世復何求。兵甲連蒿徑。豺狼阻嶽遊。未須思坎止。滄

頤與治詩

卷之三

士

海一浮漚

何次德方吉偶兄弟見過梅下

漫說烟蓑好。滄江何處歸。不妨嘶馬地。猶閉野人扉。搔首天難問。吞聲邈豈肥。相過幽興在心。事未全違。

其二

花開當歲晚。愁緒望中繁。荆棘生銅獸。風咽似玉門。空悲華髮改。敢道漢儀尊。賴有澆胸酒。相期倒一樽。

九月七日祖心孟貞于皇共坐得孝章。九月傷心會。星霜忽再周。書開數行淚。葉滿庭秋樹。近陵原少山。當僧戶。幽隔朝晴可。卜惆悵欲何遊。

金孝章至自吳門同祖心師次濤兄弟小集

此回花下見。一拜各傷神。且喜身同在。還疑夢未真。即時呼濁酒。向夜集高人。醉覺乾坤好。深悲莫細陳。

頤與治詩

卷之三

士

答張向之

老去更無賴。一生惟苦吟。却爲貧士客。真見古人心。短髮思全薙。佳山愛獨尋。交余形跡外。疎畧轉情深。

和施次仲過訪

賴有披衣客。慚非問字亭。樹陰連砌綠。梅子近檐青。愁思經春草。詩人傍曙星。相逢傾倒意。且醉詎能醒。

金陵雜詠

鍾山
諸山遙立。簫聲獨盤空。紫氣千年在。丹心萬
國同。銅人秋泣露。玉馬夜嘶風。最是樵蘇者。脚
踰夕照中。

牛首山

一幅李將軍。仙山細界紋。碧濤雙闕瀉。清磬半
空聞。眺聽尤宜雨。軒牕盡是雲。婆娑何代木。涼
翠落紛紛。

鳳凰臺

鍾山詩

卷之三

七

陵谷千秋後。蒼臺白浪遷。空餘瓦官寺。不似鳳
遊年。竹塢家家暗。花村曲曲穿。點塵飛不到。人
境亦幽偏。

雨花臺

佳麗長干道。高臺近易登。出城空翠過。藉草細
茵承。落日提江練。叢林擁塔燈。遊人清夜盡。消
受與山僧。

烏衣巷

王謝堂何在。斜陽倚杖看。新潮自來去。古寺亦

荒殘。赤石崖人代。青林橋釣竿。謝靈運氏子。非
復晉衣冠。

桃葉渡

望裏六朝烟。依依楊柳眠。佳名邀笛步。麗事渡
江船。白月明臺榭。清風度管絃。板橋新踏夜。更
費酒家錢。

玄武湖

不知幾何頃。浩淼鍾之陰。負版年年入。浮山面
面深。青荷銷夏氣。紅樹蔚秋潯。屬禁知魚樂。無
顧與治詩

卷之三

七

勞結細心

莫愁湖

盧家人不見。一面鏡新開。山遠疑眉畫。歌聞想
珮來。葦風漁艇出。波月酒船回。醉欲呼孫楚。遺
樓安在哉。

石頭城

吳國何年鑿。皇都勢轉雄。江移十里外。山踞半
城中。寺趾羣峯色。潮頭衆壑風。翠微亭上雪。忽
浸碎虛空。

龍江關

江關一萬戶、萬里集帆檣、地勢臨空濶、天圍合混茫、樓臺連夜雨、蘆荻老秋光、共付閒人領、勞亦不妨。

燕子磯

何處飛來石、臨江作大觀、千帆迎曉色、萬里到迴瀾、日月生無際、魚龍上急湍、御風當盛夏、衣袂怯高寒。

方山

頤興治詩

卷之三

十五

蒼蒼定林寺、平頂鬱松霞、下界見耕鑿、中陵滿鹿麋、池龍因客出、山鳥向人譁、樵響在空際、天風吹水涯。

高座寺送春

春老佳遊始、春心去住中、情懷似南浦、涕淚向東風、江線流空碧、鶯梭落晚紅、今年在家別、更比客匆匆。

其二

門掩飛花後、春魂不可招、如何方以外、亦共黯

然銷老樹、興亡代長于、且暮潮、風光無繫處、令付最長條。

其三

他時和雨餞、詩與葛仙裁、彈指廿年過、凭樓百感來、山容經亂改、鳥夢失林猜、初地還逢切、浮生何用哀。

其四

遊人淹積雨、杖屐響晴朝、出郭盡無事、入林非待招、荒祠芳草路、野水夕陽橋、試聽頻啼鳥、知春去不遙。

頤興治詩

卷之三

十六

宿牛首影江閣

九年塵土夢、一夕付松風、東嶺度秋夜、南樓臨碧空、浮生无可住、多難早成翁、不待聞鐘省、心灰佛火紅。

送鄭掌和遊楚

京國黍禾愁、扁舟獨遠遊、日看衡嶽晚、波汎洞庭秋、萍梗存書麓、兵戈剩廟綈、只尋陶靖節、不上庾公樓。

沈子遷雲在齋詩和子寧韻
文杏香茅地披韓爾可尋太虛參去住古處汲
還深朋好詩書氣禽魚淡靜心諸侯聞達事
笑付鳴琴

其二

常下梅梁榻時烹石谷泉花眠吟月席人語隔
溪烟有道忘今古多情洽後先自憐支鶴骨虛
負渡江船

倪建山華隱草堂

頤興治詩

卷之三

七

隔夜訂佳期侵晨自滌厄放懷拚更醉促膝詫
何遲花語觴千勸鴛喉曲一絲叩門來惠遠靜
默總相宜

同蔡大美徐日贊沈治先秦淮夕泛

落日淡生烟空明浸短舫人來花檻裏酒出板
橋邊楊柳風千榭簫歌月一船十年重對此回
首各婁然

題林茂之蘭窩

生瑞

身後豈須問亦關賢達襟青山萬古宅滄海百

年心蟬蛻已物表冥鴻方遠尋預知千載下
酒聚碑陰

題劉遠公扁舟圖

高懷何所寄一艇一漁竿豈有風波到居然天
地寬烟生帶山郭月見隔江灘都作園林玩他
鄉度不難

題雞鳴圖

不用悲長夜中宵有此聲壯懷驚自起世事息
還生海色分明昧天心薄利名妻妾茅店月風

頤興治詩

卷之三

六

雨倍含情

遠林和尚入山

偶隨白雲去倏與清風還遺世自無侶逃名豈
爲山薄田仍盡賣破屋未湏開不是貪能微何
人得此閒

其二

壯心何處是只合死前休烟路惟逢鹿風泉獨
飲牛興衰雙眼冷日月數峯悠莫引漁郎問人
間無限愁

挽顧遂初先生

能幾靈光在、先生又遯真、同時一門貴、備福六
朝人、籌國當平世、還家未老身、而今玉樓上、回
首笑風塵、

其二

高門相望起、子弟互爲型、舊接烏衣巷、新連玉
樹庭、平時推夕景、一旦失晨星、香洛吾何附、空
悲弔脊令、

江寧顧夢游與治父著

宣城施閏章尚白父選

桐城方 文爾止父閱

六合沈希孟子遷父訂

上元紀映鍾伯紫父訂

五言今體

送邢孟貞還石臼

河漲晚初晴歸帆起曉行離家剛一歲惜別過

頌與治詩 卷之四

三更吾代詩篇重人情耆舊輕憐君垂素去牽

犬有餘清 時孟貞將嫁女

其二

月當分手夜分外冷高秋蟲響坐來歇林風相

與悠到家收晚稻攜子上湖舟莫戀衡門好遲

君在酒樓

荅韓元長

未見韓康面心知能隱淪有時到城裏無日不

湖濱雞犬逃秦代烟波老葛民扁舟吾欲買應

許對垂綸

其二

入春芳訊至歲晏報書遲容得稽生懶惟應惠

子知有懷勞去夢如面是來詩試問還家客能

言我所思 謂孟貞也

寄祖心師

忽觸崩雷散同爲死別哀生存三載後涕淚一

絨開消息傳仍誤形容夢亦猜江魚不可去敢

望北鴻來

頌與治詩 卷之四

荅黃仙裳

十年書問斷別後雪盈頭幾作溝中瘠空回邪

上舟如何行患難轉欲羨窮愁湖海餘生在君

看百尺樓

樵青詩爲黃仙裳賦

何處山猶好容君入白雲得薪聊一醉惟默可

同羣遠色登峯見長歌隔隴聞逢人多索句隱

矣不須文

其二

持○斧○自○來○去○閒○心○如○有○營○護○松○看○雪○色○選○葉○聽○
秋○聲○睇○笑○山○阿○美○行○吟○澤○畔○情○世○人○渾○不○識○浪○
惜○舊○才○名○

高座一指師五十過訪賦贈師方募修寺

市

城○南○東○晉○寺○細○徑○入○烟○鬢○開○地○全○栽○竹○為○樓○正○
對○山○定○香○消○寂○晝○清○磬○出○深○關○不○遠○遊○人○路○遊○
人○自○不○開○

其二

顧與治詩

卷之四

三

一○心○防○老○癩○苦○行○及○時○行○蓮○界○重○開○埒○蒲○團○日○
進○城○低○眉○悲○有○漏○閉○口○說○無○生○欲○度○貪○痴○盡○何○
人○知○此○情○

其三

清○事○猶○為○累○收○藏○歲○歲○增○寫○經○晨○洗○硯○課○書○夜○
明○燈○榻○為○高○人○下○山○邀○靜○者○登○塵○中○予○自○厭○璞○
被○近○何○會○

其四

忽○復○春○三○日○春○山○為○雨○尋○淹○留○隔○歲○紆○支○許○而○

年○心○薜○荔○垂○成○幄○娑○羅○種○作○林○還○同○僧○臘○老○積○
幾○幾○重○深○

贈東曙上人

吾○師○真○靜○者○不○語○住○空○林○山○水○或○行○脚○香○燈○自○
問○心○竹○屏○烟○火○少○木○榻○薜○苔○侵○憶○共○蘇○桓○學○脩○
然○直○至○今○公曾從蘇武子遊今三十年矣

其二

人○境○即○深○谷○移○單○更○入○山○久○知○於○世○幻○不○到○此○
時○閒○詩○思○寂○猶○動○書○連○懶○亦○還○總○無○心○可○繫○自○

顧與治詩

卷之四

四

在白雲間

喜方坦庵太史至里中

避○跡○託○浮○槎○乘○春○一○問○家○新○歡○對○鄰○里○舊○夢○說○
京○華○門○靜○宜○垂○柳○溪○幽○過○浣○花○超○然○高○奇○意○不○
為○戀○青○霞○

其二

莫○傷○容○鬢○改○不○易○此○相○過○愁○向○歸○時○減○詩○因○亂○
後○多○山○田○全○布○穀○水○閣○半○封○蘿○天○意○容○閒○適○蒼○
生○奈○爾○何○

送周元亮臬憲入閩

石頭帆影動、文士出傾城、惟我稱新好、多君抗
古情、各嗟遲見面、不負久聞聲、正欲深杯酒、聊
賜是去程、

其二

社開淮水上、良友復良辰、天地終難問、文章信
有神、綠波初怨別、青眼老逢人、特達臨歧意、高
風迴出塵、

其三

顧與治詩

卷之四

五

領得蕭瑟意、於君詩句中、蘇來心事苦、不與世
人同、堤草連天碧、江花入酒紅、愁他供帳客、車
馬太匆匆、

其四

此去皆圖書、予曾到昔年、溪聲醒夜酒、山色擁
高眠、曉白迷千嶂、空青挂百泉、武夷猶負約、何
日與同船、

寄題萬年少隰西草堂

住處在蒹葭、門前繫釣槎、烟波陶令里、風物梵

子家書壁看山曉、開扉坐日斜、王裴來往熱、水
木倍清華、

其二

山色迴淮少、漁風出浦多、中林閒白板、高岸隱
黃河、抱膝思當世、聞歌喚奈何、齋心真佛子、只
此未消磨、

和邢孟貞生日時客子京齋中

交到白頭好、其如老至何、百年逢世亂、七尺傍
人多、鄉思驚黃葉、秋成付白波、那堪問生事、且

顧與治詩

卷之四

六

共覓微醺

其二

酒杯蟬靜後、天氣鴈飛初、向夕詩同就、茲辰度
不虛、家居秋水國、兒讀夜堂書、歸夢無勞數、高
齋方晏如、

繆藿莊移家江外

細泉來石下、雨後亦潺湲、巖戶靜以止、澗花深
且閒、讀書耻中古、絕欲居名山、鷺鶴遊天際、無
勞弋者攀、

其二

忽載圖書去。烟波理釣蓑。就船魚價賤。擇木鳥聲多。酒任新知送。詩同舊友歌。江南能不憶。一歲幾回過。

寄蔡大美

今年君不出。八口豈無憂。未必山田熟。多因小婦留。路難僧不免。網密黨方鈞。較是饑堪忍。飛鳥且漫投。

寄梅杓司

頗與治詩

卷之四

七

論文文物代。小別未躊躇。音問三年後。乾坤百戰餘。詩來稱絕妙。書就定何如。似爾多才甚。疎狂豈易除。

九日

風雨連重九。陶家貰酒難。谷幽來客喜。世亂食貧安。醉覺乾坤小。悲生天地寒。獨攜冰雪卷。俗眼不曾看。

雪夜社集送方爾止還江上

客懷傷歲盡。我友更分攜。雪止離人集。燈明夜

色。妻杯深頻握手。裝倚再分題。乘興期重訪。春山好杖藜。

別鴈寄懷祖心師

空江爲逆旅。歸去塞雲深。不減驚秋思。還同送遠心。字留烟滅沒。聲寄雨浮沉。逐客居遼海。煩傳萬里音。

京口次韻荅施比部尚白

今代君才少。論交具古心。殷勤因道合。脫畧見情深。五字名山業。千秋空谷音。重逢欣賞日。分

手各沉吟。

其二

日日憑江閣。蒼茫獨憶君。夢回看落月。情往託孤雲。遠水將帆沒。長林帶草薰。何因其杯。河沙鳥自爲羣。

其三

已識恒饑樂。衡門奈不歸。貧惟租吏過。老與故人違。莫及攀楊柳。空思飯蕨薇。相如出乘傳。應得攬春衣。

訪潘江如不值

到門山數折、聞若野僧寮、君出定、何事于懷、奈此宵、籬垣三面缺、竹木四鄰樵、有子耽文史、雖貧樂自饒、

其二

待予仍北渡、留信返秋中、不共山間月、多因江上風、拍天翻白浪、捲葉下青楓、獨立真愁絕、還聞叫斷鴻、

北固月夕十首

庚寅十月坐北固山入夜至十七夜即景懷人各成

顧與治詩

卷之四

九

一

初入夜北固西閣懷潘江如江如家在

山下

獨閣俯蒼然、波光接遠天、清霜初染樹、新月忽平弦、有客秋爲別、懷人夜可憐、望中棲隱處、高柳出墟烟、

初九夜東岡獨眺

晚山渾欲醉、月出是初醒、皎漢已空碧、抹林剛半青、微風生衆籟、遠火亂疎星、知少幽人過、松

屏自不局

初十夜出城步過多景樓一帶

清光不擇地、積素滿塵寰、出郭情彌曠、過橋心早閒、還尋林末寺、極望海門山、豈是僧同定、雲房盡掩關、

十一夜霧久不解

畫家高米筆、夜色細摹臨、著樹生濃淡、與山爲淺深、江明漁父火、寺認梵王音、已作鴻濛對、寒光莫遽侵、

顧與治詩

卷之四

十

十二夜澄徹無纖雲

歸途逢好夜、宜月此秋山、簾捲千螺入、江空一鴈還、廣除光可掬、瘦影病全刪、耐冷須堅坐、難求日出閒、

十三夜白雲彌下方亡何盡飲

高天上明月、大地布兜羅、山頂看如此、人間望若何、二更雲氣盡、五夜露華多、欲駕扁舟去、中江弄浩波、

十四夜懷子恂寓余酒隱堂

貧家明月好。今夕際秋冬。知子愛深坐。憶子棲
遠峯中。庭浮藻荇下。界涌魚龍各。自爲清夜同。
時聞曉鐘。

十五夜沂公許過山樓不果與老衲淡
如相對

魄圓光更足。照滿氣逾清。下見山烟薄。遲連江
水平。期人城早閉。謀醉甕先傾。賴有僧情樸。和
鐘伴五更。

十六夜獨坐懷日補諸子

顧治真詩

卷之四

主

澄懷自無寐。百感亦紛來。有美共千里。相望又
一回。冰輪如未減。塵匣爲誰開。後夜良難卜。當
頭莫放杯。

十七夜月上東山作赤色少焉如畫花
木弄影歷歷畫圖

倚闌殊未久。山外忽升空。色異分初日。光寒生
夜風。入樓尋晚菊。上壁寫疎桐。莫道冬情寂。冬
情漸不窮。

清明遊招隱寺

興以良辰發。來同竟日留。寺荒山氣足。林霽
風柔。遊女紛無礙。樵歌響更幽。書臺烟綠處。杯
酒醉千秋。

玉山寺

笑兀臨江出。潮喧合渡喧。憑虛生棧道。到頂見
山門。一氣涵空濶。雙丸互吐吞。客愁無盡處。極
目總東奔。

潘江如招集萬歲樓卽送孫石君阿漚分
棹而去

顧與治詩

卷之四

主

坐處羣峯侍。同人戀日斜。逢君好兄弟。尋友入
松霞。微月見孤嶼。夜漁聞遠沙。塵心相向盡。似
汎五湖家。

其二

不道他鄉聚。翻生別恨多。去帆分路遠。拄杖幾
時過。江外漫通問。尊前莫聽歌。秋風殊未起。淒
惻滿層阿。

贈長鏡上人

風館于玉山寺下。延長鏡爲佳持。容華渡者。免風濤之厄。誠仁品也。

一。柳。江。頭。老。逢。迎。總。善。機。風。濤。欣。有。托。無。絲。毫。
如。歸。水。月。空。清。境。山。雲。在。翠。微。此。心。猶。未。已。
念。渡。人。饑。

荅方坦庵太史

出。以。追。呼。急。來。當。風。雨。旬。誰。知。浮。梗。處。偏。近。望。
衡。人。日。見。山。花。發。晚。看。江。月。新。客。愁。容。易。減。不。
念。故。園。春。

送李天助之吳門

失。路。同。爲。客。羈。心。對。酒。開。如。何。春。正。好。更。以。別。

顧與治詩

卷之四

七

生。哀。舊。雨。尋。春。廡。新。烟。上。霸。臺。盛。名。居。不。易。莫。
倚。謫。仙。才。

送趙赤霞之雲間

春。風。多。惜。別。此。別。倍。躊。躇。最。是。如。心。感。難。爲。分。
手。餘。鶯。花。遲。北。渡。賓。從。滿。南。徐。計。日。迎。歸。棹。湖。
中。先。寄。書。

午日京江社集

清。夏。似。清。秋。詞。人。載。筆。遊。岸。塵。隨。雨。淨。山。翠。入。
波。流。羅。綺。沙。棠。機。笙。歌。杜。若。洲。歸。舫。在。江。上。登。

去吏夷猶

其二

詩。思。若。爲。生。江。空。鼓。角。明。近。山。龍。關。急。出。浦。鷁。
飛。輕。潮。滿。平。天。坐。風。微。拂。練。行。青。峯。開。面。面。何。
處。不。蓬。瀛。

其三

卽。事。同。懷。古。長。吟。屈。子。騷。江。山。迎。醉。酒。風。雨。落。
揮。毫。錦。纜。牽。無。定。清。歌。聽。不。嘈。迴。橈。有。餘。興。猶。
擬。踏。金。鰲。

顧與治詩

卷之四

古

其四

遠。近。集。遊。人。瓜。揚。亦。問。津。香。風。飄。袂。服。書。舫。會。
清。晨。隔。幙。看。皆。艷。移。舟。傍。不。喚。江。南。信。佳。麗。儉。
歲。樂。茲。辰。

送朱攷叔還新安

巾。車。遵。嶺。路。家。近。促。兼。程。雲。樹。山。山。秀。霜。天。日。
日。晴。團。團。妻。女。會。權。洽。友。朋。情。應。念。飄。蓬。客。題。
詩。寄。潤。城。

潘江如雨過西山樓

雨勢截江至。山風滿竹扉。此時逢客到。望處覺僧歸。路達涼生閣。空濛翠撲衣。高林兼絕頂。暑氣向來微。

其二

共倚蒼崖住。僧牕對可呼。水田分陌細。山路到門紆。宜醉偏無酒。清齋但有厨。惘然昏黑去。歸火動棲烏。

蔡大美過存適于家難非所賦此送之

知子扁舟意。向予心語多。相看無可說。急難欲

顧與治詩

卷之四

十五

如何人世逢。金草吾生合。網羅羈孤風。雨夜莫為淚滂沱。

其二

記是七年別。又將三月天。驚心惟聚散。遊目有山川。籠鳥忽已閉。飛鳥何處還。夢回深黑地。彷彿見開船。

次施尚白比部見懷來韻

別日無他祝。惟求老去閒。一春坑塹裏。百死劍鋒間。盡改愁中髻。誰開醉後顏。故人應急難。

及淚潸潸

其二

空為叢桂約。流落事全非。不敢悲岐路。何曾夢故扉。青門種瓜地。赤石釣魚磯。君為謀歸計。知予何日歸。

寄龔孝升中丞其一補後

孤生長失路。垂老倍傷神。不道青雲客。偏親白髮人。淚枯還飲泣。舌在豈全身。但使無田累。寧甘閉戶貧。

顧與治詩

卷之四

十六

贈孫無言移居

一身長寄食。逆旅更移居。牕有粘詩壁。初為留客厨。市聲苔院靜。月路竹寮虛。會向黃山去。棲遲意泊如。

七夕宿梵伊上人房

客心孤此夕。晚到遠公廬。別後一年過。涼生九月如。明河疎雨外。高枕暮鐘初。息慮依慈火。憂來付太虛。

同伯紫于皇宿潘楚吟祠室

今夕揚州月。何人不踏秋。君家真靜夜。我輩復開遊。薄醉得茶理。高眠失旅愁。短檣回夢後。錯認水明樓。

過王雪蕉僧寓

松徑雨逾深。松寮着屐尋。酒杯寒翠動。茶臼濕雲侵。未語知肝膈。相看忘古今。忽悲身世事。梁父不成吟。

張介子山莊憶友客燕

十月罷農事。閒門古渡前。溪山適人意。雲物表

顧與治詩

卷之四

七

天年落日鴉翻腹。空林鳥息肩。因之憶君子。何日賦歸田。

水上人初度

無生爾何說。說爲憫當時。講席龍身竦。經臺鶴夢怡。幽篁和露響。曲水過風清。了了皆禪悅。人間但誦詩。

八公洞共賦閒字

一水出深碧。窅然生客閒。流觴黃葉路。敲火白雲山。是草皆香氣。無僧不古顏。泉聲如惜別。相

送到人間

其二

向晚一樵下。經聲晝掩關。住緇成聚落。積翠隔塵寰。不待高尋頂。何曾深入山。諸方富名勝。獨讓此中閒。

訪角里諸子

耆舊望衡住。沿洄一水潯。扁舟窮窈窕。曲路向蕭森。侍僕饒古意。入門生隱心。未知塵內客。曾有幾人尋。

顧與治詩

卷之四

六

角里諸隱君載酒邀泛

高士不常出。移尊逸興生。舟窮山向背。塔與水逢迎。花市疎燈影。魚牀靜夜聲。月中歸隱處。分棹擊空明。

半塘集趙使君寓齋

一葉飄將去。臨岐來故人。淹留成勝事。流覽及芳辰。山市烟光古。秋林日氣新。忘形爲劇飲。潦倒見吾真。

過白樵庵訪問照上人

秋尋隨艇去。水盡到山家。竹塢暗晴晝。楓林明夕霞。一庭堆落葉。何代種梅花。清供無他物。香生雲色茶。

過顧云美隱居

虎丘一喧地。巷轉卽深山。水木依人寂。風烟似夜閒。古香浮白板。秋影落蒼灣。自笑勞勞者。還來浣俗顏。

題玉玉畫梅

玉骨伊人是。含毫偶自臨。知其停筆意。似我選題與台時。長二四
苔尋悟得遠山法。通將明月心塢香。曾放未浮動此中深。

江寧顧夢游與治父著

宣城施閏章尚白父選

桐城方 文爾止父閱

六合沈希孟子選父訂

上元張 樞僧持父訂

五言今體

徐昭法山房同姜如須楊明遠賦

一棹溯秋清幽人正倚荆山瘴先入夢水國久

顧與治詩

卷之五

一

逃名土室冰霜氣商歌金石聲五湖村外白光

采化雲英

先是昭法發書明遠道見介夢中形
瘦如鶴關當相訪病為霍然故云

其二

未免塵中去其如惜別真得朋能愈疾留客不

知貧天地存諸子兼葭老此人相逢惟痛飲往

事莫沾巾

半塘留別角里諸子

未是還家客船開亦當歸可憐衰柳路猶作斷

蓬飛勝地遲遊屐良朋待款扉霜天扶病去山

水各依依

其二

臨發更移寓多時住半塘清秋閒竹枝白日臥

藤牀茶受枯僧供餐分高士糧累人非一事方

悟久空囊

其三

十年深閉戶一歲此三過不是追呼急何緣會

晤多勞人終草草愁髮已皤皤乞作無田士重

來共嘯歌

顧與治詩

卷之五

二

其四

詩篇隨手散不願世間名賞識窮偏過逢迎避

又生雪鴻聊和句雲鶴豈同聲欲別難為語臨

風空復情

送趙使君赤霞還東萊

客裏正悲秋如何送遠舟人歸遵海國情滿近

江樓老淚忽欲落深知無可酬徒然對尊酒誰

為解離憂

其二

日日催歸計，成行轉自哀。如君真急難，於我最憐才。旅豪傾頻盡，窮心對卽開。片帆天際去，江上獨徘徊。

其三

久客乍還家，山中叢桂花。酒筵徵竹肉，潮水送魚蝦。分得春池句，同浮秋海槎。月明千里外，應念故人賒。

其四

共說彈冠好，相期獨不然。風塵返初服，耕鑿是

顧與治詩

卷之五

三

何年才大終難屈，時平會用賢。莫因推轂衆容，易起高眠。

途中見花

暖知花候足，晨雨別僧來。客裏驚先見，到時應盡開。輕陰宜緩放，急鼓莫頻催。今夕關干畔，家人念幾回。

雨發龍潭

昨發尚絲絲，通宵簷溜垂。那辭衝雨苦，爲有赴花期。縱護顏應減，能看醉不遲。經旬風日好，偏

是未開時

題徐公輔汝閣

聞道長干隱，長閒似野鷗。柳柔潭是態，花落不知愁。水勢還浮嶂，磯聲靜入樓。何會有炎暑，城角自生秋。

許青玉青谿新居

平生蕭遠意，傍水卽爲宮。垣短來朝爽，林高受夜風。種蔬爲壽母，分米與鄰翁。不賣韓康藥，而同良相功。

顧與治詩

卷之五

四

其二

壯心降豈易，惟爾遁能肥。春雨苔迷徑，秋風葉滿扉。人間書讀盡，物外客來稀。日倚谿頭樹，看山咏采薇。

正月八日姚叔采谿閣坐雪後二日方立

春

春色回芳甸，年光是臘餘。撒鹽豐可卜，逢穀瑞宜書。密掩城邊寺，橫穿水上廬。吾徒轟飲處，寒氣欲全祛。

鷺峯寺訪陳默公次伯璣韻

花時臨水寺來去兩閒人
陌草皆眠酒溪風不動
塵倦遊豪氣在逃祿隱情真
君看長安奔朝朝換局頻

徐玄超西歸

前身一定僧絕壁坐層氷
來幻水中泡住爲塵內
燈世緣貧得戒道力病能增
不少空王子如君了未能

王舟生新居

顧與治詩

卷之五

五

得遂棲遲志何辭卜築勞
一村皆素樸二仲亦孤高
白板連芳草青山換濁醪
尊中空復滿將父日陶陶

馮大馮于穎士貽賤日詩卽別追寄

尚想農虞代徒傷草木年
墻東飢卒歲研北病荒田
夜雪求羊徑江風李郭船
賴攜明月句只當未離前

贈何第五秘書

不解君何術能教身早閒
放情憐淨侶引疾住

空山律細陶公句歡承疏傳頌因悲騎馬客歸
號電光間

送李吧瞻歸涇陽

歲暮仍分手蕭條感索居
楚江剛返棹函谷又驅車
作客因求友論文獨重予
老深知已愧病裏倍躊躇

其二

最愛詩篇好多於覽勝成
三年半天下萬里一
人行囊以收書重金當急友輕觀君其至意渾

顧與治詩

卷之五

六

不貴浮名

其二

不怨此行速但嗟前別長
春風去桃葉秋水滯都陽
雪裏驅征騎花時到草堂
江南回首望落月照君梁

病中東龔孝升中丞

旌節經年望從公願竟違
軒車想流水藥物掩荒扉
舊侶披衣過新詩刻燭揮
瘦生偏不見應爲咏調饒

其二

尚有支牀骨。難忘急難恩。未酬空血熱。縱話只
聲。石道故須連。夕論文藉一尊。沉疴是何物。令
我獨消魂。

其三

惜別名園醉。星霜又七過。白頭真自厭。青眼欲
如何。古道求君少。窮途仗友多。臨風生百感。五
字淚滂沱。

寄祝施愚山學憲初度

顧與治詩

卷之五

七

四十。昨。年。是。無。由。寄。一。觥。聲。名。齊。魯。嶽。文。物。重。
周。京。祿。厚。全。分。友。家。貧。罷。治。生。從。人。笑。迂。拙。千。
古。有。誰。爭。

許菊溪臬憲重午前二日集止鑒堂限韻

同賦

朱明臨令序。白社恣幽尋。薄夕尊疊興。遙空歌
吹音。蕭森疑夏淺。脫畧感知深。慚對枯髭句。沉
疴罷苦吟。

其二

洗酌詩成後。餘思輟復尋。友朋誇盛事。風雅
衰音天。藻神靈護王家。洞壑深野人。瞻眺意似
共楚臣。吟憲司印中山王舊集有
宣宗皇帝御書在

紀伯紫生日

浮名代相角。能得幾人傳。高語徒爲耳。清機自
渺然。五家村裏客。三雅醉中天。故是悠悠者。千
秋見爾賢。

其二

望衡良復樂。心事兩相知。肥遁仍憂世。孤行不

顧與治詩

卷之五

八

迂時羣。公習鵠。狎人口厭。鯖遺今日。虛高會。吾
衰祇自悲。

沈子遷生日

與君懽正劇。歸夢越寒湖。薄俗宜通隱。窮交重
俠儒。分題渾漫興。投轄每狂呼。觴舉成詞社。多
應念老夫。

姚寒玉移居

本無棲遁意。身世適相成。花圃移鄰郭。山衣罷
入城。小樓秋晚色。素友歲寒情。爲問開懷飲。朝

來可幾航

徐裕超移居

綠陰交覆屋流水曲當門來路亦人境過橋如
野村圖書傍花置鳥雀下除言莫話生初後世
危閉戶尊

葉士毅移居

見山即問水渡口伊人思玉韞知何鮮時危出
且遲謹身能事母好古只教兒蟬靜樓邊坐容
予數舉屨

顧與治詩

卷之五

九

王孝廉園亭牡丹

舊宅荒陶令新粧擬太真碧油金谷曉紅粉玉
樓春入幙疑含睇凭闌欲妮人十旬風雨限遊
賞及茲晨

送黃浣生歸海陵

可惜復爲別園林好月初霜天溪艇濕秋水夜
堂虛隔岸聞漁唱過鄰移野蔬魄圓江路永相
望意何如

送一靈師之遼陽兼柬利和尚

嶺路雙緇下開門一杖孤吟隨芳草去飯藉落
花趺輦道懷章奏天山入畫圖江船宜看渡予
病未能扶靈公粵人從雪公來金陵欲北上其
疏請自戍而求放利和尚入關

其二

無物可爲寄持書淚滿襟一生千古恨萬里十
年心及見悲何語重逢樂豈任別來空老去法
乳負思深

答丹徒張明府過存病榻

長貧復長病天意欲何如支骨迎高駕披襟當

顧與治詩

卷之五

十

與書竟無謀婦酒耶共飯僧蔬簡畧君容我知
深節自疎

喜何頴州予告歸

竟有休官事高懷迥出塵提攜知足子消受未
衰身紅樹歸帆路黃花老甕春何能隨杖履間
想亦精神

秋海棠

幽姿宜放晚未肯媚春容避暑深深碧先涼淺
淺紅映苔滋玉露倚石笑金風但是閒庭院丰

神自不同

其二

秋英亦多種、冷艷汝無雙、譜牒通西府、風情寄北牕、光交紅葉砌、影亂錦鱗缸、試向高林照、羣真夜會幢、

其三

嬈嬈復娟娟、依依劇可憐、無風柔自舞、不綺淡尤鮮、天氣初聞鴈、房櫳晚弄絃、芳樽與清簞、移向小闌邊、

顧與治詩

卷之五

十一

其四

南朝無數寺、古壁盡秋葩、與客閒攜酒、何年入獻花、殿荒新濯錦、崖削迴飛霞、廿載重遊未、空悲擲歲華、海棠之盛無過獻花崖故云

梅信

兩日商梅事、山寒信未傳、偶來茅舍飲、不讓竹溪賢、古驛生新草、荒臺入冷烟、雲陰滿林樾、似惜買春錢、

陸右臣攜詩過訪

門徑沒蒿萊、高人惠肯來、食貧存古骨、餐秀得新裁、客路悲江水、閒心冥劫灰、年華看又晚、懷抱幾時開、

施愚山學憲寄酒錢

愛閒容偃臥、未敢嘆長貧、不道持清俸、還勞憶遠人、山妻權改色、茅屋煖生春、留客頻沽至、花間醉幾巡、

陳翼仲四十初度

相逢年正少、忽是壯夫時、學道不達俗、博文兼

顧與治詩

卷之五

十二

善詩書、聲山鳥和心事、澤漁知莫漫、求聞達儀型、在爾師、翼仲從爾止遊二十年

送古白上人遊西江

纔返湖邊錫、又開江上船、閒身猶有事、別緒兩凄然、鶯笋知回首、香燈待息肩、廬峯雖可愛、吟罷且須還、

過王著公齋頭

近市爲幽築、居然一隱淪、烏衣來舊客、緱嶺是前身、詩思窮偏老、交情澹愈真、聲名雖不翫、却

自適時人

東陳古公

乘春起行藥。初日照朝墟。試我臺上目。望君林際居。烟光連古寺。閣影枕清渠。聞有長安約。不妨且釣魚。

寄沈公綬

消息傳來惡。深山豺虎過。可憐隨世俗。不得穩巖阿。菽水欣無恙。山林且放歌。江歌頻寄好。須是慎風波。

黃其台詩

卷之五

贈賀元白

豈是依人骨。詩囊到處攜。烏枝三匝繞。鴻雪四方迷。貧入陶公詠。名將高士齊。青山猶可賣。兒女不須啼。

贈問旭上人

小閣不盈丈。居塵塵事無。山羣行脚處。壁響臥遊圖。惜墨偏能潤。同人不燮孤。從來雲水去。只與一筇俱。

贈離念上人

許以詩爲贈。蹉跎又幾年。同參皆學畫。新句已堪傳。病後清機足。貧來道味全。分明住城市。只似白雲邊。

得友讓姪臨洮書却寄

才大宜驚衆。其如世眼何。書來真曠達。官去更婆娑。老屋清風滿。高堂白髮多。函開春返騎。藏酒與酣歌。

再爲節嫂徐孺人七十進觴

吾姪失兄早。聲名得母成。鸞鵲四十載。茶苦百傾與治詩。卷之五。古。

千更秋。蒹原宜晚。春暉何限情。飛騰看次第。孫

子又呼噪。

吳東生八十

何法能祛老。胸懷本廓然。身閒輕跋涉。意愜每流連。天與傳神筆。春隨拄杖錢。那須萬古宅。地上一真仙。

姚叔采四十初度卽送往吳門

親知看漸老。君亦壯年時。刻勵先公意。飛騰我輩期。夜涼催子背。客慣罷童隨。酌竟復爲別。冬。

深歸早宜

李子猶初度

江城足棲隱、江水到門前、櫻笋逢初度、松霞引大年、國人尊姓字、樓客集神仙、令子青雲事、相看意邈然、

丘接青初度

知名年最少、天路久逶迤、卜日遙趨闕、追風始絕塵、長橋平漲雨、高閣霽留春、坐客誰能醒、應懷消渴人、

顧與治詩

卷之五

五

吳振振初度

城隅棲遁地、流水傍柴門、無日不我顧、有懷惟汝論、分甘來酒伴、隨杖入花村、最是而翁樂、清歡俯仰存、

吳君仍初度

風雨重陽後、淋漓更一旬、望衡迷白水、伏枕念華辰、君合秋堂富、子逢春甕貧、應知伸紙意、卽對漣中人、

壽友

圓月菊花天、正當強仕年、何須胸有嶽、且盡酒如泉、春夢開來話、秋風歸去船、與君同任運、高枕自悠然、

別友

暫別未爲恨、况當今夜留、贈歌殊類放、應對不妨幽、梅瘦國無奈、鳥孤飛自由、春光雖可悅、往往白人頭、

其二

明朝江口去、預惜解維時、芳草猶在望、素心徒顧與治詩

卷之五

六

自持旅魂、花片片、人影、鬢絲絲、近日情如許、那爲萬里思、

送友還新安

無日不相過、經年別奈何、寒江開雨棹、愁望人烟波、緬履黃山興、千杯采石歌、離懷歷清景、宜寄畫圖多、

懷友都門

滾滾京塵內、思君寄托遐、秋山騎瘦馬、落葉閉官衙、古學開來代、新詩逼大家、此中情不盡、高

足莫相誇

挽孟景沂

又失一耆舊、風流憶宛如、交情排難見、會面閉、
關疎倚藥能扶老、遊仙忽棄予、春山多執紼、應、
少故人車、

已亥六月喜友讓姪還家

江氛傳不定、間倚望逾殷、華岳俄歸鳥、長安豈、
蔽雲竹林新釀熟、桃葉舊歌聞、但恐才鋒銳、乘、
時又策勲、

頤興治詩

卷之五

七

病中送于皇之廣陵并寄石塔上人

嗟君才莫及、歲暮過邗江、野泊隨烟艇、高僧共、
雪、臆、病、聞、遊、可、羨、貧、恐、氣、難、降、想、見、聞、鐘、夜、空、
林、倚、石、幢、

贈西照上人

長病、身、贅、孤、雲、遠、見、存、素、心、宜、靜、對、秀、句、許、
深、論、海、上、罷、弘、法、河、濱、歸、閉、門、期、予、廬、岳、返、小、
築、共、晨、昏、

贈不識上人

上人與一指師重修高座寺成持丈餘大、
幅、索、先、生、善、先、生、欣、然、贈、此、其、夜、即、遊、

萬緣歸默感公獨任艱辛、紆、宇、忽、涌、出、青、山、如、
更、新、樹、培、花、雨、代、遊、喜、竹、林、人、惟、願、長、來、往、沉、
河、去、此、身、

補遺

次王孟津韻送周元亮先生回闕

子舍戀平安、王程去住難、北堂天末望、南極夜、
深、看、訪、士、輕、千、騎、論、交、重、一、寒、古、來、情、至、者、俗、
外、有、奇、觀、

頤興治詩

卷之五

六

奉酬周元亮先生九龍見寄

別後無聊甚、違情背里間、還家驚歲盡、作客怨、
春、初、老、去、慙、知、已、詩、來、說、夢、千、平、生、何、以、報、一、
劍、獨、躊、躇、

其二

此日思飛蓋、春尋平遠堂、羣心仰高嶽、幽意迴、
臨、滄、節、鉞、宜、新、命、功、名、厭、故、常、詩、篇、轉、清、絕、懷、
抱、本、冰、霜、

黃若木將訪宋比玉於吳附詩代柬

分手春江上。孤蓬傍夜行。寄予書久絕。知爾病難平。傳語多荒謬。交情見死生。高秋看起色。吾體亦爲輕。先是謾傳此玉函。問予與若木爲位而笑之。

其二

高閣留題徧。凭闌感嘆生。此才長不達。餘子漫成名。莫辨蒼旻意。猶聞風雨聲。護持閒筆墨。長似去時情。此玉墨跡。予家最多。故云。

其三

君因求友切。去我指吳閫。以此愁將別。遙知見

顧其台寺

卷之五

七

欲狂悲秋應共賦。好月定同航。細倩來鴻語。聊當一對牀。

其四

不信別時久。清光在屋梁。寄詩當苦早。快讀起新涼。山色吳中好。江聲白下長。相期來草舍。莫便問歸航。

若木留別用前詩二首韻因次答之

此別知非遠。依依惜遠行。天空來鴈冷。江闊對山平。寥落三秋盡。陰寒百感生。布帆無賴甚。臨

去意偏輕

其二

客路長貧汝。憑誰訴帝閭。人疑懶與慢。我愛醒而狂。別意霜前樹。相思雪後航。休令懸榻處。塵跡久封牀。

若木再次前韻再答之

君去秋誰共。溪橋予獨行。客扉臨水閉。高樹入烟平。木落夜聲靜。砧鳴寒氣生。是時燈影裏。相思孰能輕。

顧與治詩

卷之五

子

其二

白門雖信美。家世本吳閫。海內尊詞伯。江干剩酒狂。客心悲永夜。鄉夢逐歸航。故老煩相語。遺書空一牀。

寄申青門先生

生來無壯志。鞭策愧吾師。勝地勞相引。達人說不遺。春風堂上鼓。秋水侍中祠。回首渾如夢。青雲事可疑。

其二

任却中郎歎頭顱。抵自嗟。千秋意何似。十載命如斯。計拙。惟謀醉。囊空尚有詩。龍門在天末。懷抱向誰披。

同鄒滿字過張來初園

蒼翠滿山村。雙筇午入門。野花幽味足。頽屋古風存。交淡忘先達。情深托酒樽。相期惟痛飲。世態復何論。

其二

秋光又欲暮。才得一相尋。以我文園病。非君蒿

顧與治詩

卷之五

五

徑深。品書窮。變化展。畫助蕭森。茲會殊難別。何時復步岑。

過宋山眉鵲笑齋

越王臺畔宅。一畝護梅花。全是詩人意。從無俗士車。我尤耽寂寞。君亦厭繁華。安得常來此。停杯閱暮霞。

壽王南衡先生

父執惟翁健。昂藏過少年。照門盆內酒。出郭杖頭錢。急難非圖報。忘懷即大還。齊眉進春釀。最

好杏花天

其二

平生惟一厚。月旦乃稱豪。廣廈千間覆。危樓百尺高。功名曾壯歲。聲價又兒曹。請看登堂者。何人不譽毛。

指樹園 其二

意表爲高下。巖泉得似稀。已窮還曲曲。何想不非非。水氣浮清曉。雲光上翠微。誰其通靜理。魚鳥在天機。

顧與治詩

卷之五

五

其三

勝地倚逍遙。新來勢更遼。三層通海氣。萬里到江潮。驚句青天問。閒竿皓月邀。甕頭春百斛。清夜與同消。

其四

不自閑清景。同人玩物華。羣兒尋闕草。靜女踏晴花。漁進桃邊艇。僧歸竹外家。何曾因雜處。而得礙烟霞。

梅塢雪後

花開遊事好。亦厭去來忙。一雪蕭條後。千林自在香。光涵衣袂淨。氣拂茗烟涼。山鳥如全解。無言坐短牆。

夜酌顧所符園中

情多惜春夜。夕塢笑迎賓。曲好無勞顧。杯酣不記巡。月浮重洗盞。花照淺粧人。何待君投轄。髡留飲自陳。

延令送范汝掄

乍逢如久識。有酒定同揮。羈味添將別。秋心羨

顧與治詩

卷之五

三

早歸。千帆懷雨漲。一馬立晴暉。時河渴陸歸臨發頻爲語。先梅待款扉。

次荅許茂勳

就君談累日。悔晚入花源。天地此中廣。葫蘆若士存。素心非泛託。遊事會深論。不是輕分手。秋帆許到門。

清明日歐陽江都邀譚因留信宿

其二

饑驅仍迂俗。賦骨成予嶽。勞下連宵榻。深知一片心。驪黃支遁馬。山水伯牙琴。執手分廉俸。茲

情不近今

讀阮光祿山遊草

一卷翠猶濕。留茲探歷程。會心喧靜合。絕景霽陰更。仙鬼迎呼出。江山入寫生。無絃來衆響。深我臥遊情。

驢渚僧舍贈黃心甫

處處逢詞客。家家出殺青。波流誰砥柱。河岳有英靈。一字防人乞。千秋慎獨醒。夜深深討論。杯酒問焚焚。

顧與治詩

卷之五

四

又

君才宜早達。江海久淒涼。小棹破寒浪。高名依未光。向人先氣短。知己轉心傷。歲晚同歸壑。相憐各問囊。

哭友

慘澹咸池日。俄看石火收。風流餘竹肉。事業付山丘。鸞鵠今應悟。滄桑早合休。還悲先露盡。不共蠟書謀。

又

平生投分意難共。世人言筆墨。他生契。箴規古
道存。一從高。書戟不傳。近朱門。客散秋風後。偏
平涕淚繁。

壽許臬司

帝。厘東南顧。親。用。容爾行。先聲雷。比迅。執法水
同平。垂。素應。留客。收書不礙清。高牙維岳。且林
舞百城。時。

贈孫石君

故人先後到。意。外得逢君。幽戶年來閉。深居世
頭。與。治。詩。卷之五

共聞悠然心。獨遠。隱。爽子能。文。旅食何妨。困。歸
裝。累白雲。

寄龔孝升中丞

袞袞諸卿內。知公獨立情。風裁三院靜。霜氣各
臺清。大手司文。運和。兼。化。黨。朋。萬方同。瞻。首。台
位一星明。

過張損之看梅

却立凝神對。珠光溢。廣除繁。枝偏拂地。清氣欲
凌虛。鄰曲幽人興。花時靜者。應。養。香。宜。茗。枕。烟。

冷竹間厨

許臬司壽病中寄祝二首

召父棠祠在茲辰。競掃除。通都重。秉憲野史又
成書。風雅持牛耳。雲山夢鹿車。高懷空爾切。主
眷豈能虛。

又

進前憂不御。未見却相知。道。豈。文章合。情於患
難私。踟躕無可報。特達轉生悲。臥想龍門士。何
當捧一卮。

頌與治詩

卷之五

奉補儲菴五十壽二首

池上毛爲鳳。天邊目送鴻。聖明恩最渥。勛業看
全空。雙隱平泉石。同臨玉樹風。神仙無此樂。揮
手謝山公。

又

居廬多異感。孺慕老依依。虎意同人善。芝英帶
雪肥。傳家惟若谷。與世久忘機。已過知非日。知
君未肯非。

丁酉正月錫老道兄惠臨家塾志喜

移移懷先德。棲棲感後昆。勃漫籠許入。梨栗好
應設。道氣親逾見。高風望更尊。閉門三益在。春
到一庭溫。

顧與治詩卷之六

江寧顧夢游與治父著

宣城施閏章尚白父選

桐城方 文爾止父閱

六合沈希孟子遷父訂

上元陳筮姜翼仲父

七言今體

市隱園月集

虛閣疎林照水清寒光蕩漾白盈盈畫圖裏作

顧與治詩 卷之六

仙遊夢簫鼓中生世外情棹擊月波空谷應酒

喧鄰火隔溪明家園並美今荒草覽勝令余有

嘆聲先東橋公息園與市隱園并稱今廢矣

同鄒滿字松塢閒步

出塢仍行幾里松松間清梵滯幽蹤過山又見

前朝寺昨夜共聞何處鐘樹樹抱花圍鹿苑家

家開戶對牛峯春來一望紅多少只恐重尋路

不通

文及先移居溪上

溪邊盡是幽棲舍歲晚仍添白板扉霜水蒼蒼
人宛在雪田漠漠鷺閒飛短牆上月同僧候遠
岸斜陽看客歸竹杖家家容索酒醉情尤喜對
君揮

楊曰補移居

青溪尚恐通人境更結香茅引薜蘿好月自茲
相送遠寒塘依舊入村多客中選勝輕遷土樓
上逢春易放歌二仲故應仍我輩素心鄰曲近
誰過

顧與治詩 卷之六

葛震甫劉今度鄒滿字■洪竹■仲御過

酒隱堂守歲

年光忽忽去來間消得青焚一夜閒牕照好花
如好月坐依名士卽名山囊空欲盡且酣醉世
難將平望凱還見說春來多遠別天涯芳草預
愁顏

送葛震甫歸太湖

握手不分因溯流舷邊深夏似深秋愁心半月
呼清酒離色一天堪白頭路人仙源渾是木山

浮寒碧舊居樓，到家那更思人境。但屬頻來桃葉舟。

震甫仲御相送過湖

情比湖波如更深，隨帆百里暫開襟。酒杯零亂客愁起，山色蒼茫歸路陰。別去奈何孤月棹，分攜珍重十年心。不知明日晨風發，相望各爲何處吟。

送范大司馬還吳橋

時以抗章爭石竺先

道克祖

韻與台詩

卷之六

三

公名在昔齊山斗，嶽嶽增高在此行。草疏早知歌鳳已，拜陵新喜策驢輕。雀來閒第仍多客，書滿歸船不礙清。江上餘威列旌壘，去時何似舊時情。

其二

靜遠堂開清夜遊，俄傳冠蓋送行舟。憂時誰問中原事，對酒還生萬古愁。似奔何妨飲高手，如山獨許柱中流。養痾不及東門帳，望見飛雲出石頭。

其三

葛巾旋駕出郊垌，似向空天刷羽翎。繡履稱心貪草軟，孤藤隨意引峯青。御屏名在能長往，野老杯寬肯獨醒。士論儘教私太息，松風不許亂清聽。

其四

青山無恙殊風景，亂後還家異昔遊。入戶壘泥重賀燕，拋田莊客乍鞭牛。邊城馬去防初密，公子魂歸憤未休。好誦君恩向遺老，孤臣今許

韻與治詩

卷之六

四

展松楸

閏元旦

曉來佳氣滿庭除，復是春王書月初。青柳已勻三雪後，黃楊其奈五更餘。幾何南郭扶人醉，久矣東風入我廬。羣盜卽今宜買犢，吾皇化日爾看舒。

閏元宵

年年此夕半春天，今夕春光特地延。百二良宵難此度，十千拚醉肯輸前。六街見女衫初薄，到

井花燈踏未還一樣人間望三五新年先得拜重圓

范大司馬朗照堂詠並頭蓮

廣庭香散碧雲叢仙袂相將出水中采采涉江難再得娥娥初日見雙紅惟公不是凡花主于爾能移造化功莫逆未知何以笑傳神詩句許誰工

其二

亭亭立向晚風前何處飛來玉比肩片葉下秋

頤興治詩 卷之六 五

涼面面兩心如月照娟娟若爲私語元同氣競出新粧總一妍香國對房齊結子明珠顆顆是天然

冒辟疆構屋樸樹上卽以樹作平橋而達屋處名曰樸巢

木客經營待謫仙來携野鶴伴棲烟甌龍鞭作虹梁度風雨晴呼鳥夢還根勢下窺全化石簷陰高積不通天置身百尺淪漣上絕勝香茅傍朝川

九日集樸巢

節序驚心復重九他鄉愁說強登臺主人特爲張高幕客子何辭進滿杯棲樹一枝通嶺去鑿江百里引潮回晚天秋色空濛裏涼雨遙飛海氣來時聞河果下徑通江射

馬馱沙與同舍諸子賦

離憂高會不相期遊倦偏逢新故知沙冷半江連鴈影月明千里定烏枝殘冬催去晴留客廉俸分來酒滿卮一輩東南好賓主風流宜記規

頤興治詩 卷之六 六

山碑

李徂徠吏部新成花月山堂

小結居然一島洲玉人花月共生幽照花最愛花能語如月宜攜月滿樓石戶夜開聞按板道書朝把看梳頭春來春去渾閒事只解爲歡不解愁

其二

木木名園舊近來更于家裏闢清華何人先植留如待不日成山步已賒錦石平臨玉蘭樹綠

上。碧。樓。桃花。洞。門。閉。後。仙。塵。隔。再。過。惟。應。碧。樓。

過馬稚遊

秋客園林去住情。別來時復夢酬賡。草堂相見。此春暮花事。恰逢今日晴。何術度荒能閉戶。以經詣子即謀生。衡門泌水堪娛樂。自悔辭家萬里行。

模巢看梨花

韶光客路兩匆匆。樹底朝來是落紅。獨有梨花。

顧與治詩

卷之六

七

似年少。共依芳草醉春空。繁枝初散玲瓏雪。柔葉全欹滄蕩風。歡賞未終驛馬去。露晨烟暝復誰同。

山茨社送春

共用劉仙起句

三月正當三十日。春光還有一句留。輕寒白社。遲花候足雨。青郊釀麥秋。多病登臨扶杖怯。他鄉情思聽鶯愁。非因地主催乘興。去盡東風上樓。

過胡僧眼值其山行用見投韻

彼我情于朱見深。聞聲先已似披襟。荆扉掩日。一村晚柱杖看雲。何處吟。獨客旅魂依塔定。懷人遶夢帶鐘尋。青鞋白襪元同興。倘許相從過遠岑。

社集曹能始先生三石亭

是日主賓如竹林數

千秋壇坫四方推。遊子初過白社開。廿載意中人盡見。三山林外爽齊來。竹封入徑蕭蕭響。石辨前朝細細苔。遂似步兵何用哭。清風快舉七賢杯。

顧與治詩

卷之六

八

次徐與公徵君見贈韻

通家子弟喜同遊。問舊凄然有淚流。住處先生在東郭。明時高士隱南州。客中白露猶愁暑。坐裏清風始見秋。詩思病來全潦倒。縱逢青眼豈能酬。

開弈樓社集

佛地仙居對一枰。疎簾高捲衆山平。林深不到行天赤。谷應時傳落子清。問字客來皆載酒。窺簷鳥下自呼名。旅身蕭散元無累。此日風前。

覺輕

石倉招同孫兵憲小集

秋暑征途汗不乾、登臨客但道高寒、地靈閣借
因人著山勢、周遭讓水寬、帆去影含空翠嶂、樵
歸歌散夕陽灘、使君千騎東方立、暫得相從徒
倚看、

九日楊子儀社集平山

偏將偏多飛蓋遊、與賓握筆賦清秋、曾無落木
要高躋、恰有羣峯近畫樓、吾土兵戈稀遠信、佳

顧與治詩

卷之六

九

風日易羈愁、天涯兄弟今相對、忽漫憑空綬
自憂、

其二

老大乾坤一病夫、玉山頽去倩人扶、南天秋色
此山好、北地軍書何處無、渡水暮鐘同鴈過、人
堂涼月作霜鋪、主人愛有忘歸客、高燭重燒倒
玉壺、

拜宋比玉墓

時李直指爲刻集樹墓石

空天落水迥生哀、豪士青山骨已灰、劍掛高

吳客去、酒香宿草白、魂來遺文一代傳、新板片
石千秋表大才、地下好名知不免、爲君寄語謝
霜臺、

溫陵別李觀察

客路浮雲見世情、獨將心事向君傾、招攜送目
千山遍、真率揮杯萬感平、久住似家啼鳥識、空
囊辭主去驪輕、快心最是逢知己、何必臨邛重
長卿、

楓亭晤林侍御別後寄之

顧與治詩

卷之六

十

豈是聞聲不用媒、刺投一笑竹扉開、驛邊去路
呼停馬、谿上高齋旋啟陪、懷抱朗如行日月、封
章忠欲感風雷、臨岐青玉勞持贈、比德何堪及
匪才、

歸途再晤林伯珪卽別

海內聲名黃宋流、關河通夢幾經秋、高情世路
豈堪問、獻策君門偏不收、旣見其如行更遠、
未來先恐別生愁、鄉心非爲兵荒劇、歲晚相從
一月遊、

登狼山

竒山特以水生奇。極目迷茫混兩儀。南際點青
無對岸東連一氣。是諸夷高峯塔語潛蛟立絕
壑風鳴介馬馳。誰使暴帆欹酒盞。樓船新有誓
師期。

朱撫寧重鎮淮南却寄

元老成謀慷慨言。聖明虛已數臨軒。得投魚水
時將治。屢犯龍鱗道始尊。聞外令無天子詔。宮
中餞用御前樽。知公屢拜辭天後。露布猶難報
願與治詩 卷之六 十一

主恩

其二

十萬貔貅擁渡河。高牙新府列靈臞。芙蓉劍裏
青天色。楊柳營中白雪歌。衝髮誓師親草檄。遊
魂羣盜早投戈。八公草木春來長。乘勝還聞風
鶴多。

徐元數六十初度用錢牧齋宗伯韻

近住空林日日閒。自來塵事不相關。縱然絕跡
市城裏。未許逃名天地間。竹屋雲封樵客到。花

谿月出棹歌還。懷余應念吟重九。吾欲從君共
買山。

垂青菴僧初度

小結山邊又水邊。酒人遊許共逃禪。黃塵十丈
隔深竹。清磬一聲開野烟。種樹成身未老護
花籬。薄手重編昨朝臘。八今初度雪煮青松上
佛筵。

送黃帥先赴史相公幕

淮南江北竟如何。惟爾雄心急渡河。未去先因

願與治詩

卷之六

十一

談虎快從來。不爲食魚多。故園萬里春無夢。積
雪千山夜枕戈。諸將盡如文士猛。飛揚豈復慮
鯨波。

秋日束僧

幽情共爾結雲根。只有陰晴勞夢魂。葉響空階
疑夜滴。光生虛牖恰朝暾。山溪百折無塵路。澗
壑千重過雨痕。好辦雙筇弄寒炤。遠公應已設
清樽。

訪菊次沈子遷韻

爲問秋英候淺深。閒客共秋尋。籬邊逢
是三益。采處青山非。一岑賣酒人家宜。小憩登
高天氣。愜幽吟。烟墟欲認陶公宅。先辨荆扉雞
犬音。

夜至東園探梅

白月入戶人未眠。驚鳥一聲開野烟。梅花兩村
對香澗。竹杖十畝穿水田。袖手不語立中夜。倚
石孤吟看遠天。軍城有禁悵歸早。此意悠悠誰
與傳。

顧與治詩

卷之六

十三

乙酉除夕

青熒燈火不成歡。薄醉微吟強自寬。何意有家
仍卒歲。久知無地可垂竿。壯心真共殘更盡。老
眼重將舊曆看。同學少年休問訊。野人今已擲
儒冠。

其二

未須渾坐惜流光。歲月愁人去不妨。細數一年
渾涕淚。奈何吾世盡滄桑。詩篇只索寒花笑。心
事惟同野衲商。酒債入春應不少。朝來檢點是

空囊

谷宣城沈徐諸子

論交宛水倍酸辛。可贖何難百此身。杜宇有情
終望蜀。桃源無路可通秦。黃沙安忍埋新骨。青
史猶堪起故人。讀罷長歌真當泣。窮愁宜爾句
如神。

其二

更無閒地在人間。霧裏翻憂見豹斑。快意但求
今日醉。相逢誰似去年顏。淮簫歇後空浮月。陵

顧與治詩

卷之六

十四

木疎來罷看山開。得遠書愁轉劇。暗飛清淚滿
河關。

集陳澹仙鳳臺寓園

香徑重來有落花。天風吹不散青霞。更穿密竹
成深坐。欲上高城怯暮笳。喧夜酒聲驚鳥雀。懷
人秋思亂蒹葭。臺空鳳去千年事。芳草而今恨
轉賒。

贈別張大玉

臥甕百戰空回首。眉色猶存精悍餘。莫報君恩

惟梵唄并無生事在。樵漁偶拈石理如。數書
別有詩情欲廢書。何計留君共蕭寂。又尋
遊棹及春初。

送趙孟遷北遊

江南江北總黃塵。君去將誰托此身。落日聞笳
千里淚。酸風吹黍一天辛。自來燕趙多悲士。爲
覓荆高舊酒人。不是送行纔作惡。秋來無事不
傷神。

寄荅鷺子步原韻

顧與治詩

卷之六

五

蕭蕭秋雨謝湖邊。却共樵夫晝打眠。野史直書
德祐紀。新詩老並建安年。戶封石髮疑埋照。雪
壓山柯不闕妍。飯客草蔬難供母。風流如見漢
人賢。

荅常熟陸先生

正是懷人落木初。開門快讀故人書。宦情拋擲
歸垂柳。生事蕭條得荷鋤。夢入虞山秋色老。亂
來淮水酒船虛。詩筒幸不兵戈阻。便欲相從學
釣魚。

湯君謨梅村司過訪話舊

誰能見面不神傷。身世難從別後詳。一輩友朋
埋碧血。十年詞賦泣寒螢。豈無歡伯淹良夜。却
有愁城在醉鄉。江路莫看春草色。東風明日又
開航。

臘八日禮佛水草庵喜謝在之至

清水塘邊血作燐。正陽門外馬生塵。祗應水月
無新恨。且喜山雲來故人。晴臘最憐今日好。聞
遊同是再生身。自傷白髮空流浪。一瓣香消淚

顧與治詩

卷之六

六

滿巾

送朱岑雪還山

不見先生三十年。重逢顏色好於前。雪霜頭上
近如此。日月人間劇可憐。西千五湖同恨載。中
山千日與愁延。新詩只合藏名嶽。江路風波莫
浪傳。

其二

霜林棲處共寒威。不待將離淚已揮。雪候豈堪
聞買棹。月明從此獨開扉。青山似恨歸雲晚。碧

漢○爭○看○一○鳥○飛○誰○道○紅○塵○無○去○路○諸○公○自○不○夢○

漁○磯○

張○介○子○移○尊○過○梅○下○

一○樹○橫○斜○老○屋○邊○花○時○正○好○雪○晴○天○挂○錢○竹○杖○
換○村○酒○與○客○荆○扉○坐○晚○烟○月○落○皎○如○通○夜○照○風○
停○香○自○帶○鐘○傳○醉○鄉○莫○問○今○何○代○只○似○空○山○太○
古○前○

送○祖○心○師○還○嶺○南○

一○春○風○雨○愁○中○去○春○去○還○添○送○客○愁○心○事○兩○年○

顧○與○治○詩○

卷○之○六○

七○

同○下○淚○鶯○聲○明○日○獨○凭○樓○舟○車○已○斷○尋○前○路○城○
郭○重○歸○失○舊○遊○只○恐○經○臺○也○荒○草○吾○廬○何○不○且○
淹○留○

送○方○爾○止○遊○武○林○兼○懷○蕭○伯○開○

花○開○惆○悵○欲○歸○春○花○下○妻○其○爲○送○人○風○片○乍○飛○
離○思○亂○烟○帆○停○發○酒○情○親○胥○江○東○向○波○濤○立○岳○
樹○南○懷○涕○淚○新○慷○慨○况○同○燕○趙○客○誰○能○吊○古○不○
沾○巾○

寄○錢○駉○少○

我○友○半○爲○生○死○別○君○家○兄○弟○獨○相○歡○日○邊○鴈○
衡○陽○近○塵○裏○鴻○飛○碧○落○寬○望○遠○不○來○空○歲○暮○封○
書○未○寄○又○春○殘○比○來○雲○物○非○前○度○試○上○三○山○高○
處○看○

寄○鄔○沂○公○

大○隱○由○來○市○上○居○不○將○踪○跡○翻○樵○漁○空○傳○婦○子○
知○君○實○未○許○文○章○薦○于○虛○一○水○共○看○明○月○夜○三○
春○未○報○隔○年○書○蒿○中○近○有○求○羊○徑○倘○肯○相○思○命○
鹿○車○

顧○與○治○詩○

卷○之○六○

八○

贈○友○蒼○上○人○

心○期○近○得○遠○公○知○許○我○同○醒○醉○亦○宜○交○友○自○多○
情○足○累○新○詩○卽○事○語○尤○奇○百○年○日○月○空○悲○壯○萬○
里○風○烟○總○亂○離○記○得○躊○躇○分○手○處○婆○心○一○倍○切○
臨○岐○

寄○黃○仙○裳○下○第○

相○逢○空○下○行○藏○淚○干○祿○猶○爲○失○意○人○鵬○翼○何○効○
今○日○息○牛○衣○更○比○去○年○貧○江○村○愁○絕○頻○賒○酒○樵○
路○歸○來○就○問○津○病○裏○懷○君○思○命○駕○青○山○紅○樹○老○

開身

送朱漢生歸甬東

幽映城隅別有村。兩三家接竹間門。與君住處望衡宇。每我過時傾酒樽。貧賤儘容同放浪。兵戈猶自滿乾坤。佳期此後真難卜。未折長條已斷魂。

其二

錢塘江外事堪傷。客子逢人問故鄉。別友正當搖落後。夢歸先見菊松荒。倦遊更向臨邛令。薄

韻與治詩

卷之六

九

俗難謀。陸賈裝酒熟。月明梅信近。留君無計總淒涼。

午日社集送周元亮方伯入閩

清淮十里夜喧闐。往事新逢意惘然。恰似故人重見面。不知今夕是何年。詩成多在明燈後。歌疊愁當解纜前。驛路三千有仙侶。也須回首渡頭烟。

送康小范公車

十年姓字四方聞。側席公卿重識君。南浦別秋

婁綠草北河先凍。入青雲從來自信千金價。此去真空萬馬羣。楚老意中無富貴。臨岐情爲收時殷。

送王子京備兵澧州

知君心事道君賢。五載功名亦偶然。舊感自生會官地。新詩未許衆人傳。楚天盡處逢家口。蜀道通時上墓田。持慰故交無通此。封書付與下江船。

江船

寄壽范異羽先生八十

韻與治詩

卷之六

十

十年前寄古稀觴。春酒今年復寄將。居海誰知周尚父。如山獨立魯靈光。鬚眉想見氷霜色。綉佩思齊蘭芷香。我已扶衰需藥物。可容肘後乞真方。

其二

漢室才名尊董賈。文章老去更無前。甄簡歲歲分同社。梨棗家家手一編。後起眉山仍絕代。別留心史待他年。綠陰清晝賡家慶。新句應將洛紙傳。

其三

少日青雲身早致、一生長是愛蕭閒、人師局冷
養心骨、天部節高風、憐頑、鷺鷥獨超評論外、微
書再付水雲間、紅塵熱客今何許、贏得龍眉照
玉顏、

其四

秋風吹過石頭城、天遣重來覓友生、冤劇何曾
妨嘯咏、別輕其奈各屏營、隔年預約稱觥兒、此
日安知阻甲兵、我有寸心江與永、白狼山下幾

顧與治詩

卷之六

三

潤澤

寄壽宣城沈子

太史名高百代傳、後來奇節抗前賢、敬亭秀色
參天起、宛水高風與日懸、夢裏子規聲是血、意
中精衛海爲田、霜原此日皆茅廩、誰道青松更
迥然、

寄題陳簡菴谿南草堂

洛下名園誰復好、新堂帶郭俯清漪、開闢十畝
思遊處、鬱鬱千章話種時、世守異書同友誼、偶

成佳句、報僧知、懷人未見詩先見、他日漁郎到
不疑、

寄題丘季貞西軒

古城高木棲遲地、散帙開簾事事宜、赤日自行
濃綠外、寒原最愛夕陽時、天空初鴈來秋爽、夜
靜新桐待月移、我向淮南布帆落、歡迎應許入
披帷、

寄宋搗之先生

中原吾代多耆舊、君隱蘇門得遜嘉、名姓合題
顧與治詩

卷之六

三

高上傳身心、全付梵王家、過江遊爲佳、山水蹈
海人增老、歲華莫性風蟬太孤潔、神仙原自節
松霞、

寄周元亮方伯閩中

使君當代獨風流、山色詩情到處收、八郡諸侯
皆擁篲、三山才子競隨舟、每將古道存車笠、豈
有貧交歎蒯緱、遠託故人零落子、月明同上庾
公樓、

寄丹後張康侯明府

在昔開西解獨步，於今爲政復何如。于旄行處
攜冰雪，山水光中了簿書。千騎望風遵約法，四
郊沾潤似堦除。江田敲骨逃無計，此日來蘇欲
荷鋤。

其二

多難餘生顧影憎，龍門不望聳身登。嗟枯拯溺
有何幸，請急訟冤殊未曾。肺病夢中梁苑賦，心
期江上剡谿藤。他時尊酒論文地，雲白山青第
幾層。

顧與治詩

卷之六

五

寄懷吳不官

龍鐘愧爾十年知，歲歲書來答每遲。野艇不迷
催賦吏，窮山莫問破愁卮。湖中歸隱虛前度，人
外爲廬合此時。我欲攜家相傍住，因風先寄隔
江思。

寄謝在之移居

閒門仍是傍河開，移近烏衣巷口來。東距畫譙
青嶂轉，西流淮水赤磯迴。鐘鳴獨入霜中寺，城
閉重登月下臺。老友愛君能減累，清晨客至卽

銜杯

送孤松上人北渡

法雨初回起病吟，又將離賦振秋林。只須期遠
常存杵，莫謂知稀不載琴。數字鉢拈三乘識，一
編雲動五湖心。折蘆飛渡淮河曲，到處爭酬長
者金。

送南徐張銓部

前年得上李公舟，廿四橋連烟水悠。別後春風
開匣劍，夢回明月滿揚州。池邊白鶴真雙絕，天

顧與治詩

卷之六

五

上青雲第一流，隨世豈堪稱國士。感時吟望獨
搔頭。

壽糧憲傅公

江南二月春如海，恰喜今朝雨乍晴。官舍近連
淮柳綠，宦情遙並嶺梅清。琴生畫壁千山響，火
照青藜乙夜明。白叟黃童謳未已，誰將度入管
絃聲。

哭黃海鶴先生

八朝人物從今盡，一代文章自昔雄。鏡裏有心

長似雪、草頭何意、勁於風、舊遊白社、還餘幾、新
塚、青山又送公、雙淚近來乾、不得西州、況是哭
秋空、

劉榮之叔丈七十

東林四十年前夢、介壽抽毫感不禁、我已卑雞、
棲倦羽、翁如雙鶴、快高尋、秋花滿徑、茅堂淺春、
酒來朋蔗味深、莫歎壯懷全未展、驛驢後起更
駸駸、

胡曰從中翰七十

顧與治詩

卷之六

五

朝市繇來多隱情、老思逃世未逃名、不將金馬、
重尋夢、爲感銅駝、只掩荆海內、詩今稱有子、
致累有、閨中友共說、無生重陽過後、秋逾好、觴
處西山爽氣迎、

朴君實七十爲沈子遷索賦

六峯山下草初薰、日日春醪醉隱君、化手種花、
盆是圃、閒心供石几、生雲放懷不問神仙、訣閉、
尸從無理、亂聞一任兒曹、天路濶、長林獨愛、
爲羣、

伍瀛州八十

駐世神仙出世儒、飄飄霞氣上衣裾、未顏長在、
非開酒、白日餘閒不著書、花徑有時還抱甕、水
亭無客獨觀魚、飛騰自是兒孫事、看作浮雲點
太虛、

朱太夫人八十

壽母文成十載前、高堂大耋又開筵、仲君迺馭、
調朝七季子溫裝待夜眠、花下板輿凭玉樹、塵
中法乳現青蓮、清齋不用君羹進、四海人文手
顧與治詩 卷之六 五

一編

補遺

壽賈徒南先生七十 辛卯

官味從來矯鶴翎、於今跡跡是鴻冥、滄桑以後、
尊耆舊、德靖之間、論典型、步健廢、車兼廢、杖情
高宜、醉復宜、醒後生笑我、頭先白、君似青松老
更青、

顧與治詩卷之七

江寧顧夢游與治父

宣城施閏章尚白父選

桐城方文爾止父閱

六合沈希孟子遷父

訂

晉江黃虞稷俞邵父

寺下岷江萬里來。短闌平倚立崔嵬。秋清海上

顧與治詩

卷之七

一

晴看雪浪息山根。靜起雷八面帆情隨地轉。四
虛眼界際天開。登臨詞客知多少。千載還推張
祐十

焦山宿樵公房

破浪尋山水。滿船獨來轉。覺興超然。蝸廬世遠。
人如在。鶴墓名存。字不全。扣戶正逢僧。病起登
峯。直至鳥巢邊。虛堂清福容消受。夜煮黃精自
汲泉。

新秋集晦公房

道人住處暑全收。客到添衣木末樓。江上數峯
遙隔雨。山中六月早驚秋。又更物候還飄泊。久
聚朋情重去留。蓮社但能長置酒。不因蕭瑟問
歸舟。

北固山小飲

修堤一縷引危攀。坐處居然出世間。三面雪濤
連碧落。萬家烟井住青山。人懷蘇米如同賞。時
比孫劉似更艱。極目神州心折盡。酒杯雖滿未
開顏。

顧與治詩

卷之七

二

甘露寺社集

住山情味愛山冬。風雨諸君肯過從。紅葉亂飛
林末路。白雲浮動石根松。不分江際疑臨海。纔
歇歌聲又聽鐘。一幅畫圖晴望遠。却將烘染試
烟濃。

小春集飲瓶菊前

憑高歷歷數晴帆。却為良朋下碧巖。地近市囂
因主勝。庭留秋草戒童芟。永輪過望如初滿。霜
蓋迎寒有半緘。靜坐忽驚觴令下。一堂豪飲學

枚衙

萬歲樓春望

南徐景物迴消憂。選勝來臨指點收。山浸綠波連海氣。花飛紅雨入江流。萬家烟火清明近。入表風光碧落遊。爲惜半徂春領取。那堪高處望神州。

趙赤霞諸公開社以見遲不至爲題賦謝

春山春水快幽尋。詞客東南正盍簪。花色近樓宜引滿。歌聲娛夜不墜陰。懷人預作班荆想。聽

鳥勞爲伐木吟。只道扁舟趣興盡。雨嵐何意隔前林。

辛卯北園送春

歲歲留春春不住。今年別處又天涯。窓邊黃鳥清江樹。樓外青山古佛家。南浦蘼蕪烟若夢。東風楊柳雪爲花。枯僧到此還惆悵。况我停觴坐日斜。

春歸夜聽吟四十二度曲

但是聞歌喚奈何。奈何今夕更聞歌。絲絲不繫

韶先住。嫋嫋能生別怨多。無語低回三漏盡。在家拋擲一春過。未知空外愁人耳。幾處推窓濕袖羅。

寄周元亮方伯

海上新傳十月詩。江臯又是送春時。風帆故向愁邊過。烟草偏於望裏滋。有美欲來勞夢想。無人道寄安危嚴。公旦晚開軍府。野老先寬失路悲。

送何明瑞之任永嘉

顧與治詩

卷之七

四

最奇謝客開山處。幽夢探尋幾十年。海上飛鳬爲地主。江間移舸卽天仙。小鮮初試經綸手。大厦終爲梁棟肩。聞道鯨波似山立。知君到日已恬然。

夜同龔半千過友人小飲

林明地白月黃昏。步入城隅小小村。最喜故人秋有約。却尋高隱夜敲門。松風細細生茶響。竹素蕭蕭閣酒尊。日出片帆江外客。憶君應似憶仙源。

集潘江如山居

高士蕭蕭有數椽。菊花籬外一溪烟。呼兒掃葉迎詩客。謀婦烹葵上酒筵。無限夕陽開戶看。幾回秋雨對牀眠。將歸預恐難爲別。明月偏於去後圓。

送葉緯如歸杭州

客裏若來醉幾回。秋逢搖落不知哀。難于好月經旬後。忽報歸帆向晚開。山路午風同喚渡。江心落日更登臺。誰言對酒愁還減。無奈清歌是別杯。

顧與治詩

卷之七

五

送范文白歸海寧

小立河橋緩去鞍。斷鴻天際帶愁看。何時更就陶家醉。誰敢輕憐范叔寒。鹿苑但餘開梵唄。鳳臺空憶古衣冠。與君共是悠悠客。潦倒休歌行路難。

贈靳于王

青松歲晚見高枝。縱有凝寒不敢欺。壁壘衆山年少操家藏萬卷。相公遺空庭老樹閒啼鳥。出

郭澄江對賦詩。存魯靈光逃物色。桃源人不是秦時。

東楊曰補

大江東下客心悲。獨夜窮冬又北吹。念爾正溫松火酒。與兒同得草堂詩。烟雲供匪人間有。水竹情於郭外宜。景物蕭疎煩自寫。寄將一幅慰予思。

贈鄒沂公 其二補後

顧厨一著讓君先。聞達無求性命全。几上嗒然

顧與治詩

卷之七

六

非有我壺中隱矣。別爲天開尋芝木。消長日節食松霞。養大年。開道方平。近相語。揚塵行復海爲田。

三月二日朱公是酌別甘露寺喜晤曹離菴范性華諸子

愁說江邊繫去舟。一樽携處儘淹留。分題臨水先修襖。半醉看山更上樓。芳草心情偏客苦。落花庭院是僧幽。離筵却有新知樂。別後應同乘興遊。

韓聖秋過京口以杓司寄懷詩見示言君謨且至

與君縱跡同萍梗、客路相逢此會難、遠道有詩、驚隔歲、深杯無算、耐春寒、兵戈江左、身空老、棋、弈長安局正殘、塞外何時歸、逐客又看南鴈向、三韓、

其二

吾子浮沉在舊京、癡從知己說長鳴、避人自有幽棲地、舉世猶傳任俠名、江上形容雙鬢老、天

風與台詩

卷之七

七

涯兄弟一燈明、伊人又報扁舟下、何事春來也輟耕、

壬辰北固送春

難爲別奈不留何、樓上愁人愁緒多、九○日○逢○晴○色○少○雨○三○年○是○客○途○過○妻○烟○林○黯○頻○啼○鳥○欲○雪○江○寒○獨○釣○蓑○擁○絮○當○牕○一○杯○酒○和○風○和○雨○醉○清○波○

鶴林寺

乍晴天氣城南路、古寺重尋空翠中、竹院人來

初地碧、鵲樓花去夕陽紅、細摩新碣尋前蹟、倚高松、想數公、爲愛晚山回、望好、故紆歸步到溪東、

送徐松之訪邢孟貞於石臼

來去條然興獨乘、布袍以外只枯藤、辭家衲子少、瓢笠遺世仙人多、友朋別我又尋湖上棹、話離重、剪竹間燈相思記、取相逢地紅葉蒼山雲數層、

真州拜文丞相祠

顧與治詩

卷之七

八

楊子江頭丞相祠、春帆弔古獨看碑、中興百死猶思濟、正氣千年儼在斯、風雨如聞九合語、乾坤又見陸沉時、吞聲野老偷生久、未薦蘋蘩淚已垂、九音紉

贈吳國次

楊柳風流張緒年、相逢記在亂離前、藏名此日無如酒、買隱從來不用錢、百尺未曾容客上一寒、誰敢爲君憐、鍾情我輩愁無奈、學佛須知勝學仙、

宮紫玄春雨草堂

漢代文章重子虛，時移只合賦閒居。王孫去後空芳草，紫燕來歸是故廬。烟纖柳絲迷遠浦，水流花片過前除。米家畫裏鉤簾坐，門外惟應到澤漁。

送孫無言還黃山

靈區垂老無緣到，送遠送心忽漫飛。獨樹裂峯蒼雪瘦，千巖沉海白雲肥。青冥日月非塵世，縹緲林泉有住扉。滿意家山隨分隱，天涯通客幾人歸。

顧與治詩

卷之七

九

人歸

九日泛舟遊吳山

此日誰能閉戶吟，衝風擊汰遠登臨。半天作雪原無雨，一月放晴何事陰。羈酒不知波洶湧，凭高應感氣蕭森。自憐寒蛸蓬牕下，臥看遊人恣絕尋。

贈蘇侍御

知君柱下是深山，茅屋春雲臥更閒。時雨遍生南國色，清霜不上醉鄉顏。舊遊詩帙披盈案，新

漲淮光弄幾灣。手筆古今真絕大，小儒也許日追攀。

小飲范是文曲室中，青門司農拈起句同賦。

一幅天然士女圖，看來猶恐畫難摹。風流是柳柔生態，綽約如花弱待扶。半醉更衣愁意足，拈辭說謎怨情俱。蘇臺佳麗知多少，得似伊人定有無。

菊影次陸道威韻

顧與治詩

卷之七

十

愛惜秋花恐冒霜，霜深移植護花堂。素暉分映青黎榻，淡筆高懸白版牆。單葉寫如雙葉照，兩枝爭似一枝香。當年籬下悠然處，此際風流孰與長。

京江送友

江上重逢冬未殘，秋宵好月尚同看。相思應數流光迅，欲去先知爲別難。五岳戒心虛曠展，十年歸計候漁竿。淮南叢桂雖招隱，桃葉還期續舊歡。

梅下聽冷四十二度曲

去年春歸度曲於京中客寓

欲晴不晴春已分。繁花曼曲相氤氲。當軒滿覆太古雪。倚簫細過空天雲。坐中有客情悄悄。林下無月光紛紛。送春迸淚如昨夜。河滿一聲驚重聞。

家報海棠盛開牡丹將放促歸

手種名花似靚妝。當軒倚石映迴廊。開時爲客不歸去。書到問予何事忙。入夜明燈親照睡。深春藏酒待澆香。綠肥紅暈東風裏。遲我須教舉。

顧與治詩

卷之七

七

幕張

歸夕對牡丹小飲

其二補後

花下人歸喧女兒。老妻置酒索題詩。爲言昨日纔全放。又比去年多幾枝。夜裡香光如更好。曉來風雨不堪思。中車若得先三夕。飽看還從欲吐時。

爲丹徒張明府母壽

河陽花信先春好。花下興開花下樽。倩以謳歌彌四野。若爲歡舞散千門。筵娛狡獪麻姑米。岳

氣氤氲玉女盆。聞道詞人爭獻賦。才華誰與茂先論。

鴈字

誰遣飛鳴作此奇。高天歷歷繫人思。揮絃送處頻留別。落木空時正寫悲。得意故爲三折勢。諧聲定是一篇詩。春風吹到差池羽。碧落依然無字碑。

其二

天然位置密還疎。舒卷風前迥自如。式好弟兄

顧與治詩

卷之七

七

長共硯相將。琴瑟復耽書。塋成正爾非。鴉類拆散猶疑。經盡餘我有。離憂銷不得。秋來一字一愁予。

其三

顏筋柳骨未須論。真跡偏於幻蹟存。大海名山藏不住。霜天雪積去無痕。秋風汾水君王淚。夜雨湘江帝子魂。多少傷心數行裏。一行行又向黃昏。

其四

縱刪詩手豈能刪、編簡殘未是殘、白水盡頭
毫末細、青山絕頂、墨光寒、錦文機畔、惜常是紅
葉、溝邊、悵獨看、常恨惹愁、因識字、冥冥何苦、只
揮翰、

其五

秦城漢戍、天山迴、漠漠迴看、筆陣長、重譚同風
來、萬里空、江落日、下千行、年年惜別、題新恨、歲
歲尋盟、返故鄉、不似、蘇耽、夜書、屋人民、城郭兩
茫茫、

顧與治詩

卷之七

七

其六

詞林墨客、羽林軍、草檄傳符、共策勲、金殿前來
呈露布、玉關外、亦奉華文、寒生白、葦一編、雪秋
老、丹楓五朶、雲野、鷺家、鷗太、分別、不妨、遊戲、人
鷺羣、

其七

遠水長天、拂作箋、未會寫就、已仙仙、蕭疎、自挾
風、霜氣、歷落、偏宜、雨、雪、邊、蒼頡、造前、何體、製祖
龍、焚後、轉、編、隨從、知、筆墨、非能、事、此、意、居然、在

筆先

其八

載筆尋山、賦遠遊、翩翩何處、不夷猶、代韓、補作
青柯、記、邀李、重題、黃鸝樓、塞上、殘星、橫幾、點、水
中、細、穀、影、雙、鉤、九天、珠玉、隨風、下、散落、人間、未
可收、

其九

紛披老筆、掃青、旻、海外、文章、空、外、神、遠、信、與、誰
書、一、一、閒、情、兀、自、寫、人、人、各、將、雲、氣、分、濃、淡、難

顧與治詩

卷之七

七

以天機、辨、草、真、試、向、化、城、看、鳥、跡、大千、世界、幾
微塵、

其十

好學何人、得比、渠、胸、明、風、雨、吹、相、呼、不、須、閉、戶
成、玄、草、似、頗、知、兵、作、陣、圖、一、畫、後、來、渾、變、化、三
冬、以、往、尚、吟、唔、縱、橫、到、眼、皆、文、字、過、眼、元、來、半
字、無、

元夕社集馮秋水方伯玉尺堂限韻

良宵滿月、早升、東、廣、闊、詞、人、逸、興、同、筆、陣、並、驅

冰硯側、梁塵徐動、雪歌中、蛟絲射、鮑爭朝、采火、
樹噴花、逆夜風、賓從獨、子頭白、盡酡顏、還借珀、
光紅、

其二和秋水

未覺茲宵氣似冬、團團溫語到鳴鐘、清颺故故、
梳牕竹、白月紛紛灑石松、照徹天街驚鳥鵲聲、
喧人海、幻魚龍、滿城燈火千山雪、共坐冰壺對、
玉峯、

其三和長庚

顧與治詩

卷之七

圭

百卉先春爛滿枝、竹枝歌、踏上元詞塢、花耐冷、
初開口、堤柳搖晴未放眉、雲樹正同千里外、風、
花不異六朝時、青天問月人如在、更欲停杯一、
問之、

其四和石友

東皇新駕兩龍車、月殿光盈斗柄斜、玉尺堂中、
天不夜、金陵城裏樹齊花、板輿行樂逢春鳥、竹、
素生香、漾紫霞、詩思惟、永清欲絕松聲雪、水試、
秋茶、

其五和毗瞻

如水高齋合署蕭、宦情久付鹿邊蕉、尊壘淹夜、
疑清畫、星火飛光亂碧霄、風定花魂香作吹酒、
酣歌頰、暈生潮、白門城下烏啼曉、秉燭微吟影、
正提、

其六和訥生

萬戶千門映九微、餘閒官舍吏人稀、遨遊宛洛、
前塵似帶礪河山、舊跡非雅會、東南仍白社、風、
流來往半烏衣、清樽紅蠟宵逾永、玉唾珠吟細、

顧與治詩

卷之七

共

細霏

其七和澹心

消遣春寒子夜歌、玉龍天矯粲庭柯、烟花甲第、
連雲麗、水荇空階受月多、時序也知彈指過、繁、
華其奈賞心何、虛疑身人光明藏、九陌鄰鄰起、
素波、

其八和伯紫

水沈長空霽雪天、燈光照徹月光前、可憐宵買、
元無價、此度春占是有年、詩以上根能入悟酒、

於中聖。即通玄。起居爲問高。堂寢樂意婆娑殊。
未眠。方伯大夫人尚在堂。

其九和開公

春蟾影裏見秋毫。列戟門前列炬高。醉倒玉山
還授簡。權騰鐵甲更投醪。平原愛客宜絲繡。幕
府開筵盡布袍。一代詞壇讓牛耳。江山潤色借
風騷。

朱石者太守歸自大梁索賦半水園詩次

李司馬韻

顧與治詩

卷之七

七

谿尋窅窅似山尋。來路無多但覺深。輞水賦宜
同迤浩。漢陂汎亦共高岑。臨流已合千章木。隔
塢還連十畝陰。好鳥也知人意靜。呼朋細細入
林吟。

其二

舊愛磯頭臥。纔雲野心初狎野。鷗羣波光滌蕩
邀魚上。夜色空明與鶴分。地主自來能好客。風
流此日孰如君。凭闌忽自傷遲暮。四十年前寫
練裙。
予初過此作書在戊午

其三

家家廊檻繞清塘。修竹陰陰水一方。白鳥下來
當夕照。黃鶯多處落空香。四鄰燈上星搖影。對
岸人歸月滿航。我病豈堪居硯北。頻遊詩思未
全荒。

其四

有時閑話竹間門。細數前朝幾個園。江令宅邊
仍茂草。謝公遊處又荒墩。十千酒好無容惜。二
百年來此獨存。我欲朝朝扶杖至。不煩折柬赴
輿輿。
治詩

卷之七

六

平原。市隱園與先司寇息園並。勝息園在江總
故宅也。

其五

著屐移船半隱淪。忘情神子倍情親。家家花裏
皆喧酒。日日鳧來不避人。土物分遺梁苑雪。天
香移種洛園春。蓬瀛已注神仙籍。宦海何心再
問津。

其六

功名穎潞有誰如。天與蕭閒水竹居。俠客夷門
知已淚。高僧匡嶽故人書。醉情浩浩何關酒。釣

意悠悠、不在魚、清福未應容久戀、蒼生爾且莫躊躇、

李梅公黃石公兩先生合集送馬秋水先生入粵分得魚字

綠陰清夜廣庭除、明月涼風畫不如、一代文章會盟日、五羊旌節置郵初、青溪潮水留將別、白雪詩篇賦索居、岳牧聲名滿滄海、江天回首託雙魚、

再餞馮方伯共用東韻

顧典治詩

卷之七

七

三年高步大江東、海國新除倚更崇、楊柳路岐隨轍雨、荔枝時候送船風、歌場窈窕客俱靜、曉色依稀宴未終、此夕渭城纔再唱、驛亭供帳莫匆匆、

送祝長康從馮方伯入粵

歸夢已依松菊徑、別子庾嶺更難尋、有山不隱爲知己、垂老何求復道心、荔子夏丹和露摘、梳陰冬客避喧吟、他鄉風物殊堪戀、未定菟裘是故林、

許菊銘臬憲社集

幕府詞人禮法疎、春風此日扇和初、盤餐不是人間有、樓閣真於天際居、羣夜酒聲傳谷遠、過溪花氣拂筵徐、未知後代論今夕、授簡梁園如不如、

次王珂眉過存原韻

喜溢相看悲亦餘、別時青鬢見時疎、亂來莫問梅花屋、去後何無桃葉書、江上結廬終客計、山中製服宛僧如、南村卜宅宜將母、我病猶堪醉

顧典治詩

卷之七

七

隱居

明眉別十餘年、從蘇來歸昔有書、在雲谷梅中以僧跌小照索題故云、

趙赤霞使君五十初度詩以寄之

南徐郡裏傳遺愛、北固山前走辦香、急難不知貧逆旅、還家只有滿詩囊、逢佳山水歸心緩、攜好賓朋靜日長、閒到白頭歡到老、百年餘萬八千場、

元日過李杞瞻讀其新詩

春光曉入幽人戶、出戶尋春興獨乘、數子風塵猶作客、似予蕭寂已同僧、青郊此去遊應共、白

雪從來和不能秀色一編餐未厭辛盤何用酒如澆

送周元亮司農被誣入閩勘問

秦淮吹綠不成波情滿春觴雪滿河鵲月夢回親舍遠鴿原詩好淚痕多一生寵辱閒看偏十載勲名半枕戈誰使勞臣傷蕙苾百城曾否問謳歌

和吳不官還山作

梅從客裡聽倉庚君去南明春水平招隱人同

類集治詩

卷之七

王

青雀泛拋荒田帶白雲耕松膠未熟先開徑石戶無求亦治生莫向漁郎問何世桃花深處卽河清

寄懷方爾止

隔歲爲君藏好酒春光欲去來悠悠孤城江上豈安土落月照處增離憂文如珠玉自有價志不溫飽今何求珍重禽山三十卷預知風雅垂千秋

龔芝麓新居病未能往寄此

新秋老樹暫婆娑山色淮光上薜蘿北道夢因清興少南村卜爲素心多畫圖萬里看詩帙賓客千杯共醉歌同是羊求薄緣分掩關憎說病維摩

壽許菊谿臬憲

南國高秋逢再旦新晴雨氣淨高雯蒼山紅樹攜詞客紫嶼黃花治酒軍馬首卽尋天路去鷗情長共野人分明年今日知何地引領遙看松外雲

類集治詩

卷之七

王

送王望如之官閩中兼柬急難諸子

曲江聲價更誰如此去搏風九萬初賣賦長安羞索米覆人廣厦陋懸魚致君先用臯陶法學古曾焚不害書野老荷鋤兼把釣閒看台鼎十年餘

其二

誰言交道近難論急友君能古誼存颶海正翻偏著手晴江未到早消魂故人天上多揮涕新歲山中擬閉門相見定知爭問訊好教顏解莫

聲吞

寄蔡蓮西太原

春風五馬憶寒幃三十名城待指揮南極星光
臨紫舍太行山色閃朱旗謳歌遺愛留秦地橋
梓清風被晉畿我友去爲門下士八行迢遞鴈
初飛健西等入仕晉寄書者爲太原石岸伯

袁淑岐索賦霜葉紅於二月花

秋冬際日變山容最喜新霜透染楓比對芳菲
無此好書將顏色較難工陶家濁酒浮霞綺謝

顧與治詩

卷之七

三

客枯藤入錦叢特地爲君明夕照不教飄落小
春風

餅梅和爾止韻

幽姿自合老荒村攀折逢君亦是恩不向黃昏
歎孤立却依清冷托芳根偶然獨笑香吹幕似
解相思月到門回想寒崖虬屈意燈前細數雪
霜痕

過林茂之先生

植杖何堪問九州乳山應爲避人留青疎舊閣

顏無壁黃落高田穫有秋微累每因珠在手悲
歌偏愛雪盈頭我來願乞終長生病起還思附
嶽遊

贈汪易白

如昨風期少小時浮雲富貴老安知千秋節表
遺經母四海名歸式穀兒排難妙於微中處樂
貧何用治生爲笑予先落同蒲柳獨挺寒林松
栢姿

友生姪初度時方移居而徐節母七十

顧與治詩

卷之七

五

才華何富遇何怪最喜無金有壯顏培得天風
須六月買成老屋且三間兒書探索青燈共母
飯婆娑白晝閒期爾國門懸世業莫將著述付
名山

何次木四十初度

祖父情親慶曆前高才晚遇兩歡然君今盛年
不得意世盡俗眼誰能憐貧賤儘堪藏傲骨風
流真不愧先賢觴邊自覺梅花好東閣新詩又
幾篇

應智回四十初度

荷製衣裳簪製冠、茅齋高會酒杯寬、不傷壯節逢今世、且與時人爲古歡、道在河汾原自重、名齊兄弟信稱難、鍾山雲物應翹首、未必君能老釣竿、

汪澄仙兩尊人雙壽

新秋爽氣入前軒、眉案雙擎難老尊、有子已成玄圃玉、何人不羨太丘門、野情勝地高偕隱、勁翮空天快獨騫、青鳥紫泥知不遠、詞壇歌頌此

特繁

病中酬葉士安士毅枉過兼乞太夫人節壽詩

入秋二仲頻相訪、愛是芳林連理枝、短帙已居詞客席、高堂何用野人詩、湖中空翠生衣袂、離下初黃待酒卮、欲起沉疴期共醉、朝來紫氣正支頤、

項眉雪詩來却寄

風雅連牀話竟陵、竟陵風雅得君增、千旄小隊

摘水雪山水開情憶友朋、海燕又來窺病客、江魚不去託高僧、何時強起文園臥、棹人寒河與其乘、

己亥除夕

蕭齋向夕興悠悠、餅栗賒來百事休、窮到忍飢方有味、亂容高臥復何求、愁心自遣輕看酒、病骨人扶學上樓、燈火牛衣相慰語、研田荒落也徵收、

不晤沈仲連三十年庚子元旦偕諸子楊

顏與合詩

卷之七

五

前團拜語及好友近事慨然作

未楊枯臥一病僧、夢中見君來何曾、來風入門偕勝侶、西山抗志皆高朋、牧底傳聞已易節、飯牛下淚空成冰、劇談酣飲聊快意、浮雲富貴吾安能、

枕上送春

枕上經春未見春、忽聞春去獨傷神、青郊誰賦消魂別、白日偏驚臥疾人、翻羨腐儒能夜坐、何如逆旅是輕身、浮生歲月知多少、漸覺心於古

佛親是年先生九月即遷味此詩似有先覺

補遺

葛震甫文啟美勸今度鄒滿字雨集小樓

次啟美韻

殘菊含烟細雨中、西風吹葉過樓東、松齋素業、
寒猶在竹、逸青溪數偶同、望處幾村人待雪、飲
徒一輩酒生風、羣公擅美仍多暇、樂事冬餘正
未窮、

啟美今度滿字曰補再集小樓運震甫不

顧與治詩

卷之七

三

至限深字

草閣推牕面遠林、不寒前約此重尋、飛鴻送目、
天無際、遲客挑燈夜又深、城樹影分知月上、離
花香寂畏霜侵、惟來山似詩懷淡、野霧空浮碧
岫沉、

其二

冥樓林色倍深深、宴坐居然似遠尋、鐘動意中、
黃葉寺、語真交後白頭心、苞梅候雪開寒酌、瘦
竹因風荅細吟、月上荒臺望空碧、高城一帶澹

生陰

震甫滿字曰補見過待月

秋葉晴冬吹不稀、閒筇先後款柴扉、夕陽登閣、
半規在遙海、生寒一鏡飛、頌橘昔宜湘水種、懷
人新自洛陽歸、高吟此夜應難得、對景無勞咏
式微、

夏日寄穎齋師 時予爲書兩碑

秧田初綠雨初晴、杖笠蕭然幾處行、妙悟得來、
御廡後遊踪所到、驚峰生午鐘、親設千人供、夜

顧與治詩

卷之七

天

滿園聞衆唄聲我與大書深刻石萬年陵谷百
年情

顧與治詩卷之八

江寧顧夢游與治父著

宣城施閏章尚白父選

桐城方 文爾止父問

六合沈希孟子遷父訂

上元宋 媚山眉父

五言排律

和紀伯紫香橙詠

泉落千山翠。偏垂一樹黃。留將秋後色。占斷臘

顧與治詩

卷之八

一

前香露。泣珠生。馥煙寒。壁變蒼。樽鳴仍。謝巨蒸。栗亦輸。光纖。湯初沸。規懸月。未央鳥。棲頻睥。曉蟲嚙。慎隄防。暮霧平。林裏朝。暄小閣。旁沉吟。凭幾度。滿引對。千觴。手折思。持贈。懷馨孰。寄將。辭枝情。自黯。入坐氣。彌昌。案拂何。朝組。窈明古。墓細。護肌。沉水冷。照睡。吐花長。如飲。越村韻。來新吳。死妝。及其含。正色。猶似。拒嚴霜。別擬。幽人淡。全疑。道氣。莊令人。消鄙吝。顧我若。清揚。誰筆生能寫。惟梅伴。不妨。野柯驚。歲晚。拾蒞憶。春芳。

吳興虛齋題。眠雲素壁涼。會邀馬舌賞。未許蝶

頻忙。大雅空。凡植。微芬耐。寂賞。中邊。群豈。屑仙

逸品須。詳宜。琳羞。牛後。吳柑。耻鴈行。弄閒欣。以

承題。句病。渾忘。片玉。茶淫。嗅。蕤金。酒渴。腸。曾誇

珍味。絕。忍。劈。臙。膚。傷。起。臥。齋。心。向。寒。溫。著。意。量。

還。延。銷。夏。翫。分。與。楮。君。藏。

社集秦淮分得淮字時薛千仞鄭超宗楊

龍友將行

山水頻高會。烟光如更佳。夏雲青不斷。夕漲白

顧與治詩

卷之八

二

無涯近市滄。浪趣消炎水。雪齋船平。邀笛檻。屏拚。曉。冒。柴。樹。幟。騷。人。集。能。文。女。史。借。含。毫。生。氣。韻。交。臂。畧。形。骸。點。染。停。纖。玉。迷。離。墮。小。釵。燈。明。天。不。夜。酒。滴。照。非。埋。望。古。選。情。接。謀。篇。險。韻。諧。滿。堂。成。互。目。朝。倚。送。孤。懷。轉。以。風。期。合。而。將。星。路。乖。夷。猶。雜。去。棹。何。忍。別。滄。淮。小園初成同社過集值水滄生初度塵沙餘隙地不礙酒徒狂莫漫愁爲客相於卽被卿龍離生且重酬勸醉時忙月白知烟盡秋

清似雨涼。窮將詩調合。澹得友情長。感物還攀柳。論心類坐桑。風聲先響竹。露氣暗滋棠。離落黃花近。還來看傲霜。

和吳不官欽性就幽蓬詩

那更知人境。深居似老禪。桃源無漢代。栗里是羲年。屋角千頭橘。波心二頃田。兩峯浮水鏡。三徑疊松泉。不擇漁樵侶。長攜冰雪篇。林陰安鳥夢。厨火接溪烟。得酒愁何在。同塵意不然。獨看高士傳。如對古人賢。風落蘇門嘯。雲埋華岳眠。

商輿治詩

卷之八

五

終酬招隱約來問渡湖船

補遺

頌守憲林公德政

林公以江寧太守權江

南國逢初逢。東濱蔚巨材。頽川名藉甚。廉度歧

方來。佩犢風初汰。迎貓歲不災。四知心獨凜。八面譽羣推。鋤暴恩偏洽。親民德逾巍。魚懸留故署。鳳下集高臺。遷秩丰稜峻。攀轅父老回。璽書褒異績。憲府表雄才。冠美何勞借。膏深得更培。舊恩忘鼎革。大地散雲雷。墨綬聞皆解。賢門洞不媒。風流羊石永。月燕庾樓開。自顧同魚目。垂

顧與治詩

卷之八

五

眸比蚌胎。等威寬草野。光化及蒿萊。作頌愁疎嬾。酬身感暮衰。祇應占象緯。佳氣上三台。

七言排律

重九前一日張羣玉觀察招集諸子坐雨
青谿寓樓限韻同賦

木落未殘秋已殘。浮生一日借蒲團。愁中歲月
隨流水。年大文章學老瀾。病與懶宜渾似傲。眉
因醉後不曾攢。驚心涼雨催衣早。吹血悲風射
眼酸。蹈海有人懷激烈。登樓客我共高寒。堂傾
燕子空留壘。津失漁人獨刺竿。乘興擬尋黃葉
寺。晚晴望斷白雲灘。蕭騷短髮看如此。明何

顧與治詩

卷之八

四

心問正冠

五言絕句

葉君節豆區園詩十七首

有杞門

山中雖設門。樹杞不樹棘。藩籬復何事。聊以資
服食。

石屏

無數青芙蓉。到此忽如削。天然列屏障。巧匠不
曾鑿。

閒雲石池昔年長數尺

顧與治詩

卷之八

五

名山挾靈氣。烟嵐日滋養。惟。有。無。事。人。靜。見。雲
根長。

踏月廊

清光在松際。長廊最先白。徘徊未能去。千山已
空碧。

倒影橋

水是無心物。青山自寫照。獨客過橋來。顧影成
雙笑。

雙檣

昨從虞山來，婆娑已無幾。雙龍何昂藏，似君兄弟偉。

柳塘

嫋嫋烟中絲，下拂悠悠波。秋風復春風，情人當奈何。

釣臺

其意不在魚，傍水聊自適。何事釣名人，竿懸數千尺。

鳳凰嶺

是爲鳬鷺居，而以鳳得名。似謂池上毛，不若山間清。

巖壑

陰崖入趺坐，不知日暮午。但見人間雲，初生白縷縷。

櫻桃塢

誰家玉牕前，花開對花歎。家有如花人，年年在。

杏花棚

村鳩不妨喚，晴風盡花力。最愛輕陰天，養花好顏色。

下嶺磴

上嶺喜先登，下嶺宜緩步。歷歷心目間，清景數回顧。

北碕

白石淨可數，清流細生滿。終古無日色，六月高松寒。

聲聞室

瀑布作風聲，樹聲響濤水。風水互吐吞，不亂定中耳。

西垞

幽人愛夕佳，閒心倚林望。返照收紅嵐，高峯月初上。

返渡坂

杖策歸去來，此興殊未已。遙見村墟烟，復詠滄浪水。

送別天目弟

一、何人許高堂有老親黃金因客盡身在
言貧

其三

日日醉笙歌、明朝隔雲樹、愁是別時醒、君當醉時去、

茂生樓上聽琴

飛閣倚青山、溪流去無極、枯桐理深夜、中有山水色、

其二

顧與治詩

卷之八

八

纖纖春可憐、道心等灰木、客有琵琶汀、愁消來忽如沃、

其三

曲罷別情深、何時便乘興、泠泠三峽亭、明月來清聽、

久旱喜雨作

一片黑雲起、半空雷電隨、銀河自天瀉、玉龍乘雷垂、

其二

向家浮水上、溪壑片時平、急漿無避處、擁棹寒尚生、

其三

應禱傳輦下來、蘇過江南州、縣追呼、緩君王惠澤覃、

顧與治詩

卷之八

九

七言絕句

村歎

市上斗糧如異物、老翁扶杖說荒年、百年未有、今年苦秧草焦枯、渰豆田、

其二

比屋惟聞對怨嗟、揚州誰說最繁華、始知羅綺、笙歌事只在高官大買家、

留題李觀察書屋

碧蔭參天不見天、荔枝樹下抱書眠、早知仙境、

願與治詩

卷之八

十

容高枕何不來於未熟前

其二

清涼秀色逼高臺、天淨遙峯面面開、海氣東南、最空闊、青山中斷紫瀾迴、

其三

石塔封苔盡碧空、前朝傳是梵王宮、千年別倚、新臺榭、清明還飄靜夜風、

其四

此地城中最高爽、短牆矮屋勝全收、胡牀隨意、

我簪日處處山光到兩眸、

其五

歲晚不知身是客、春花春酒認江南、主人醉客、已一月、但道不肯停行驂、

其六

近市能如山谷深、生幽全爲覆高林、隔牆復是、誰家苑、望去仍連十畝陰、

楓亭

谿碧山青天路空、人家齊在翠雲中、秋陰小駐、

願與治詩

卷之八

十一

忘前路、細想垂垂萬樹紅、

其二

故里高阡落日程、行人下馬拜端、先明相連、諫議新開徑、帶月款門通姓名、
杜松忠惠與林自芳傳神

同安道中見紅葉時冬深矣有懷今度

愛向冬林看積翠、山迴忽見炤溪紅、清霜不度、

鐔天嶺、玉露天南自變楓、

其二

望望蒼山登復登、海村村塢一層層、如春天、

忘歸客忽亂鄉心到孝陵

其三

千里清江秋岸好，管山直接富春山。迴帆堅許
閒消酒，水落風嚴人未還。

其四

渡口溪邊素心侶，秋尋管比看花忙。此時待雪
待遊子，肯信紅林坐夕涼。

哭興公

一見驪然有贈篇，交深惟恐上歸船。誰言少別

與台詩

卷之八

士

千年恨却在春波南浦先

其二

身入清源久不回，懷人矯首思悠哉。到來何事
遲相見，隔日來過隔夜臺。子至自溫陵在先生
去世前一日竟未再
面面

其三

南山山半迴，居樓不是仙人不共遊。此日愁雲
空鎖却，重來有路是西州。

其四

紀年似詩還似偈，胸中原不宿纖塵。最奇了了
知前數，預署年齊絳縣人。宋五字先生
元日春帖也

其三

萬卷每容佳客借，一生長爲買書貧。遺簾莫笑
遺經者，玉樹詞壇幟又新。

其四

城裏三山畫裏詩，鼇峰人去色淒其。古人管恨
我不見，猶喜相逢未死時。

別黃若木

顧與治詩

卷之八

士

洪塘暮雨問停舟，童僕歡迎江岸樓。一夜剪燈
三載事，豈能話盡別來愁。

其二

已知官况似浮漚，說到人情舌不收。籬外南山
門外柳，陶公何事不風流。

其三

來去蒲陽三日間，訂交拜墓不曾閒。佳山佳水
重遊夢，明日隨君車馬還。

其四

遊興知君未肯刪、名山到處望躋攀、相期先上
清淮閣、拂拭烟光看曉鬟、

題畫

高樹無風葉自飛、山泉落處響岩扉、看山獨有
忘機客、解得清秋在翠微、

九日吳振振攜菊過存

一榻眠爲一畝宮、不知門外已秋風、送花人到
知重九、似坐籬邊山氣中、

蕭孟昉新婚詩和李梅公司馬韻十二首

顧與治詩

卷之八

古

桃葉桃根舊渡頭、水烟臺榭人空浮、爲逢世外
雙眉嫵、一洗人間萬古愁、

其二

烟、姿、玉、骨、映、清、淮、烏、鵲、填、橋、傍、水、涯、絕、代、從、來、
厭、金、屋、千、秋、風、雅、一、蕭、齋、

其三

綠陰交影燕鶯忙、春老初遺洛浦璫、自是名花
比傾國、新梳也學牡丹妝、

其四

詞人盡賦麗人行、道是飛仙下玉京、若使秦、
儂、趙、璧、不、知、宜、與、幾、何、城、

其五

天然不畫遠山青、草草妝成掩玉屏、密地背、
郎、偷、顧、影、鏡、中、迴、轉、愛、娉、婷、

其六

水明樓上倚闌干、似御天風駕兩鸞、若個合歡
詩最好、謫仙人在碧雲端、

其七

山水江湖到總遲、秋波靜對好花枝、待、
殘、月、添、妝、後、十、里、笙、歌、不、斷、時、

其八

溪雲淡淡想衣裳、水近巫山一段香、好借春浮
園、向、此、誰、爲、縮、地、費、長、房、

其九

輕盈如欲受風斜、婉約居然未吐花、爲、
立、奩、邊、誇、雪、月、一、時、嬌、嬾、起、微、霞、

其十

元無塵事不須刪、愛翫偏宜日日閒、宴坐茗茶書畫裏、還攜素手看青山、

其十一

柳色山光上板橋、桓伊遠向水邊邀、世間多少貪花客、不解風流度此宵、

其十二

年年行樂憶江南、消受桃天春正三、不爲忘憂佩萱草、愛他小字喚宜男、

野宿 六首

顧與治詩

卷之八

七

襖被前途早入城、荒村斜日戒人行、村沽如水、醉不得、土榻生冰、眠豈成、

其二

百家蓋屋亦新草、舊草爛來通見天、翁言屋破住不得、但恐亂來還播遷、

其三

久客近將無限情、一程分作兩程行、時危行路難如此、江路石尤山路生、

其四

北戶無扉風惱客、鄰翁哀客進烏薪、村中強半無烟火、此物胡能尚急人、

其五

逆旅主人供布被、一家鐵足不曾伸、千金漫說淮陰事、未必拚饑飯路人、

其六

販柴來往六十里、升米帶回堪活家、聞道山東無一粒、家人相食骨如麻、

移居

顧與治詩

卷之八

七

構得幽居愜隱情、經年無送亦無迎、有時直上孤峯頂、月下披雲嘯一聲、

東程望尼結夏

冰雪精神秋水姿、紅塵應不掛鬚眉、何須更掩蓬門臥、猶恐南薰動薜帷、

題畫壽王玉式

王郎自是仙山客、偶謫人間亦高格、笑指青青海上山、碧霞長近仙人宅、

其二

愛聞世事一齊刪、未減風情向小蠻、宜在畫橋
泉落處、置君杜杖倚雙鬟、

爲東曙上人題梅憶友

往葛震甫書梅一幅贈劉今度自題詩於上
今三十餘年矣有人於他處得之以贈東曙
東曙索予續題適手庭梅亦死故感而賦此
門庭一樹最先開、花後花前醉幾回、花與看花
人盡去、尋花獨入寺門來、

病中酬王季銓

顧與治詩

卷之八

七

知君分手葛洪家、日與仙人論末砂、病子粒丹
如許乞相隨、山海弄青霞、

其二

閉戶不來空谷響、支牀灰稿亦陶陶、故人遠過
復空去、始覺文園太寂寥、

壯悔堂文集十卷遺稿一卷四憶堂詩
集六卷遺稿一卷

〔清〕侯方域撰

清順治刻增修本

中國科學院圖書館藏

鼎荷堂文集序

事有數百季失之而一朝得之者有識者遇之其咨嗟讚歎而急稱之可知也有數百季失之而一朝得之者其在小者猶不能不以之興感況於數百季失之而一朝得之者而適在於經國之業不朽之際此其關於世何如也嗚乎文章至今日凡數變矣易書詩春秋四子之書以載道也非可以文言也歐陽修以讀易者如無春秋讀詩者如無書聖人之文不可及也至矣哉修之研見至隱也哉世皆知誦蘇洵之文而洵乃淵源於孟子傳曰言之不文行之不遠聖賢之文莫不有條理每進而愈出而合於起伏開文之變而具乎規矩放于戰國接乎漢氏而離離蔚蔚爭長並出亦巍乎其盛哉漢氏之文不易盡尤著者爲司馬遷班固固尚有不及遷者而遷遂爲古今文之冠然則合離起伏極文之變而莫不有規矩後之學者其尚求之遷焉可矣求工於字與句晉以後之失也昔人所以

謂之衰也直謂之無文焉可也嗣盛嗣衰而衰之極者至於明古人之文潔而明之文冗古人之文精而明之文庸古人之文朴以蒼而明之文媚明之文鈎棘夫晉以後以其求工於字與句者失之而在唐宋有韓柳歐蘇曾王諸公取其潔者精者朴以蒼者而以合離起伏變化而一乎規矩者拯之韓柳歐蘇曾王諸公拯之而明乃以其冗者庸者媚而鈎棘者易其潔者精者朴以蒼者以壞之文之統不亡吾知必有韓柳歐蘇曾王諸公起于六代五季有韓柳歐蘇曾王諸公起于六代五季亦知必有若諸公者起于明當此之昔而視其人其所關何如也需之而遇之其爲咨嗟讚歎而急稱之者又可知也則余爰侯子其人也侯子曩以詩與制舉執名海內海內凡在宿儒無不知有侯子而尚未見侯子之爲古文也侯子十季前嘗出爲整麗之作而近乃大毀其向文求所爲韓柳歐蘇曾王諸公以幾於司馬遷者而肆力焉而其文已

竟與韓柳歐蘇曾王諸公等昔司馬遷歷四海
周天下名山大川廣而遇之故其文奇偉振耀
古今夫文非徒以辭也侯子向嘗遊兩都歷邊
塞浮江淮盡吳越觀覽人物之盛所涉者多則
所得於事與理者益精理足乎中而充其外知
與古作者發明矣今將次所爲文行于世其爲
離合起伏變化而合乎規矩者世應具見也壬
辰秋九月同里年盟弟徐作肅恭士書

壯悔堂文集序

三

壯悔堂文集序

侯子曩所刊古文數百篇兵火焚佚盡亡其冊
乙酉秋自江南歸里始悔從前古文辭之未令
于法若幸兵火爲掩拙者今十年中新著古文
若干卷以付徐子而叙之叙曰明三百年之文
擬馬遷擬班固進而擬莊列擬管韓擬左國公
穀擬石鼓文穆天子傳倡矣卒以謂唐宋無文
則可謂溺於李夢陽何景明之說而中無確然
自信者也夫孔子之時去開闢之時已數千年

壯悔堂文集序

四

孔子刪書起于唐叙詩綴以商以明世遠言湮
滅沒莫考但舉二千年以內之言擇其雅者爲
人誦習之法古者法其近古而已矣蓋古文如
漢如莊列如管韓如左國公穀如石鼓文穆天
子傳法莫具于馬遷前此之文馬遷不遺後此
之文不能遺馬遷然而馬遷之文法具矣體裁
有未備也備之者其昌黎柳州廬陵眉山諸子
乎諸子之于馬遷猶顏曾思孟之于孔子也道
必學孔子然善學者學顏曾思孟而已矣文必

學馬遷然善學者學昌黎柳州廬陵眉山而已
矣蓋進而上之如莊列如管韓如左國如公穀
如石鼓文穆天子傳猶義農之制作皇娥之歌
謠高而不可爲儀者也侯子今十年之文則可
謂離于夢陽景明之說而中有確然自信者也
蓋夢陽景明謂爲文本于馬遷是矣乃所爲誌
銘書記諸作景明稍稍自好而夢陽則支蔓
無章降而弁州白雪諸子尤而效之明三百年
所以有詩而無古文辭也詩之所以越宋元而
北惟堂文集片

自同于唐也夢陽景明之功也文之所以三百
年支蔓無章者夢陽景明之過也而世猶莫之
寤也惟侯子之文本馬遷爲高曾而實宗乎昌
黎柳州廬陵眉山諸子一氣磅礴百折不移雖
舉世不喻未有以易之也或曰信子之言則昌
黎諸子之文反居于遷固莊列管韓左國公穀
石鼓文穆天子傳之上矣對曰君子之爲古文
辭也爲其真者而已矣真者不必其貌之似也
彼僞鼎彝者淬以銅青飾以土蝕亦何益乎

隸之變而八分行草也晉之義之獻之唐之虞
世南顏真卿亦工其變者而已矣不聞其習篆
隸也知此者可以讀侯子之文矣社弟徐隣唐
爾黃氏撰

本傳

侯方域字朝宗，商丘人也。幼博學，隨父司徒官京師，習知中朝事。嘗歎曰：「天下且亂，所見卿大夫殊無足以佐中興者，其殆不救乎？」去遊金陵，爲一書所引，重尤負氣。阮大鍼願與交，不肯違。後大鍼與黨人獄，欲殺方域。渡揚子，依高傑，得免。豫王師南下，傑已死。方域說其軍中大將，急引兵斷盱眙浮橋，而分揚州水軍爲二戰，不勝，則以一由泰興趨江陰，據常州；一由通州趨常熟。據蘇州，守財賦之地，跨江連湖，障蔽東越。徐圖後計。大將不聽，以銳甲十萬降從其軍。渡江，授官辭歸。明思宗貴戚寇李自成破河南，四郡圍汴。司徒出視師，方域嘗進計曰：「大人受討賊重任，師經一旅廟堂，言議牽制，難行。奏乞兵糧，甲仗皆遠在數千里外，不可猝得。今陽朔久虛，不用顧破文法，首徇一甲科令，守諸所徵錢旬日，便集晉師，許定國師，噪當立斬之，以明軍法。亦不須奏事，辦成立疾驅渡河，中原土寨圍

結之徒不下數十萬，皆願自効，宜毋問所從來，救而將之，就左良玉於襄陽，約孫陝督犄角，并進賊乃可圖。將在軍，君命有所不受。今責教示，示守堅未易下，舍之乃所以救之也。」司徒曰：「如此是我先跋扈矣。」小子多言，不宜在軍。遣還吳道，遇永城叛帥劉超，挾之問曰：「與若有舊，今獨不一言救超死耶？」方域曰：「君所坐不過殺一御史，奈何遽反？今三請有警，君能兼行赴救，負義之甲卽勤王之旅，勝固立功，敗則以一死殉國。」

策之上也。急自縛，遣見吾父，僅得奉命朝廷。方姑息我臣君，未必死，不然亦免族滅。次也南歸，率羣賊出永城門，還來宛洛間，觀變誅我，卽不言亦必有爲君畫者。然如此則真反矣。願君無以爲意，超服其言亦不殺也。方域豪邁多大畧，少本有濟世志，嘗與吳應箕、夏允彝、薛登金山指評當世人物，臨江悲歌二子，以方域比周瑜。王猛已卯舉南省第三人，以策語譴諫，烈辛卯舉豫省第一人，有忌之者，復斥不卽見。

用其放意聲伎已而悔之發憤爲詩歌古文論
者謂其詩追少陵古文出入韓歐其應制文尤
自成一家從來作者皆不能兼獨方域兼之今
觀其集非虛語也武威賈開宗撰

壯悔堂文集目錄

第一卷

序十六首

送徐吳二子序

贈倪榮陽序

贈徐恭士序

贈彭孝先序

贈王子序

贈丁掾序

壯悔堂文集目錄

贈鄭大夫序

代司徒公贈萬將軍序

代司徒公贈周生序

贈江伶序

代宋太保贈衛商城序

贈季弟序

秋園雜佩序

大寂子詩序

彭容園文序

倪涵谷文序

第二卷

序十六首

梅宣城詩序

八陣圖序

曼翁詩序

孟仲練詩序

贈宋子昭序

王瑞信文序

壯悔堂文集目錄

代司徒公送王博士序

橫山堂遺集序

戴黃門詩序

任王谷詩序

陳其年詩序

陽羨隱集序

陳緯雲文序

贈陳郎序

王彤生詩序

顧修遠辟疆園集序

第三卷

書十八首

答張天如書

答田中丞書

癸未去金陵日與阮光祿書

代司徒公與寧南侯書

答孫生書

與任王谷論文書

壯悔堂文集 目錄

與王氏請藏經書

與王仲見論物命書

與賈三兄論肉食書

再與賈三兄書

再與賈三兄書

與宋牧仲書

與吳駿公書

與陳定生論詩書

與槁木大師書

答孫若士書

答張爾公書

答倪玉純書

第四卷

奏議十四首

代司徒公論流賊形勢奏 崇禎壬午

代司徒公屯田奏議 崇禎甲戌

官屯

軍屯

壯悔堂文集 目錄

四

兵屯

民屯

商屯

腹屯

邊屯

墾種

考課

信任

上三省督府勦撫議 順治庚寅

萬孝子割股議

第五卷

傳十首

太常公家傳

司成公家傳

賈生傳

吳伯裔伯胤傳

徐作霖張渭傳

湯御史傳

牛年堂文集目錄

五

寧南侯傳

李姬傳

任源達傳

馬伶傳

第六卷

記十二首

重修白雲寺碑記

新遷顏魯公碑記

重修顏魯公碑亭記

陳將軍二鶴記

莊悔堂記

四憶堂記

鄭氏東園記

管夫人畫竹記

重修演武廳事記

重修書院碑記

倪雲林十萬圖記

雲起樓記

莊悔堂文集目錄

六

第七卷

論九首

朋黨論上

朋黨論下

宦官論

太平仁義之效論

太子丹論

謝安論

王猛論

顏真卿論

于諫論

第八卷

策十首

南省試策一 崇禎己卯

南省試策二

南省試策三

南省試策四

南省試策五

豫省試策一 順治辛卯

豫省試策二

豫省試策三

豫省試策四

豫省試策五

第九卷

表二首

擬 思宗改元追復楊漣等官爵并起被

廢諸臣旋欽定逆案頒示百官廷臣謝

表

擬 上遣官致祭 先師孔子闕里羣臣

謝表

說四首

定鼎說

豎人臧說

劉次隣字說

字曉兒說

書後六首

壯悔堂文集 目錄

書昌黎潮州謝上表後

書周仲欽集後

書練貞吉日記後

書吳廷仲集後

書彭西園集後

書黃子久書後

第十卷

墓誌銘五首

明東平州太守常公墓誌銘

明少保左都御史陳公墓誌銘

沈季宣墓誌銘

曹秀才墓誌銘

郭老僕墓誌銘

祭文二首

祭吳次尾文

祭亡弟文

雜著八首

代三省督府張公禱雨文

止梅堂文集 目錄

九

告井神文

爲吳氏禱子疏

西施亡吳辯

狄仁傑反周復唐辯

劉璋

直告

寒千里傳

止梅堂遺稿

目錄

與方密之書

送何子歸金陵序

宋牧仲文序

宋牧仲詩序

雪園六子社序

明處士汪君墓誌銘

止賈三兄過禹州書

止梅堂遺稿 目錄

正百姓

額吏部

重學校

賈開宗靜子 選

徐隣唐爾黃 宋 犖牧仲 閱

序

送徐吳二子序

侯子既放涉江迓棹棲乎高陽之舊廬日召酒徒飲醇酒醉則仰天而歌猛虎行戒門者曰有冠儒冠服儒服而以儒術請問者固拒之於是侯子之庭無儒者迹一日遇豎儒於途勞侯子

壯悔堂文集 序 卷之一 一

日子之術可以封然且不免於游緝洗者不善用其手也吾願授子侯子叱曰是七聖焉羣逐而黃帝之所聽焚者也而豎儒又何知而身且死而猶傳蓬萊之藥而又誰欺言未畢豎儒迓走於是侯子出皆選去無所與語者會時時從其故人吳伯裔徐作霖遊一日二子遇侯子置酒伺其飲酣而謂之曰我將走北闕以儒術售天子賴子一言以壯我且拒奈何侯子曰吾惡夫豎儒者惡其羣鳴逐鳳凰而鳴噪焉其後者

壯悔堂文集 序 卷之一 二

不為所噬哉二子徐曰侯子曰吾聞鄭之人有覆蕉者以為夢而覺乃求之然則凡有所求者寐且不可而大於醉耶子教我醉是猶適越而北轅也不如輟駕侯子曰二子行矣二子所言者逐鹿之幻者也是猶畫虎也安知鹿之不止為馬安知馬之非即吾尻臂浸假而化為至於無窮子其能醒而憶之耶今天子憫生民之被噬方欲驅虎然屬之人輒色變者無他醒故也眾人皆醒二子獨醉吾且以二子為嬰兒

嫉其文采之異已也蜀之犬望日而鳴者少所見多所怪也蚘廉蟻信而自以為得繩墨也今二子皆落脫好飲酒醉後讀書不求章句是吾所燭照而求者也雅善歌猛虎二子願聞之乎今夫虎見人無不噬者然遇嬰兒則舍之神不動也不敢觸醉夫避其氣也故欲求可以制虎者嬰兒之神而加以醉夫之氣庶乎近之矣今天下之虎多矣往見獵虎者禹步而入山嶠以為誦符而騎其項既見虎則又首鼠亦焉往而

也。二子行矣。於是二子大呼盡一石而去。

直是一篇奇文韓歐集中不嘗有

恭士

處處照應一絲不亂是極細心文字 靜子

贈倪榮陽序

友人王君侯服者東夏豪傑之士也舉於鄉以歸而貽書於余曰服輩出榮陽倪先生之門願得一言以頌先生非吾子不爲重先生之命也後五日將登吾子之堂以請已而王君至再致先生之命如其書嗚乎先生通且顯矣世莫不願得王公卿相之言擇其尤通且顯者而託焉先生乃獨折節向放廢之人求之若以余之言爲有幾於道者以此求天下士何士不得宜吾

王君與其倫輩二三子之偕出其門也先生自敏曰倪氏自徽之祁門遷於閩十有八代皆隱之盛人傳東方倪氏若先生者豈徒以簪履之歟且以先生之折節虛懷天下士聞其風而慕之莫不願一遇先生以爲依歸又豈微與聞所得而私也先生又云閩有名山左旗右鼓兩岸之盛甲於八郡荆公所謂龍蛇之神虎豹羣翟之文章鞭撻竹箭之材皆自山出至其淑靈和清之氣磅礴委積於天地之間萬物之所不能

得者乃屬之於人意者其鍾之先生耶先生嘗
治民而民懷取士而天下之士以得事業煥煥
將來未卜其倫匹不知左旗右鼓其磅礴而委
積者果足以當先生否也先生有二親在堂王
夫人年八十餘在上昔唐寶曆中楊於陵自東
洛入觀子嗣復知貢舉畢率生徒迎於潼關既
而大宴於新昌里第於陵居正座嗣復率生徒
晚拜稱觴一昔賦詩以爲盛事今所傳楊汝士
駕掖鯉庭之詠所謂壓倒元白者是也先生行

北梅堂文集

序 卷之一 五

以治行起擢不次爲大僚王君輩必且賦曲江
張謨春明門外相率迎先生一如楊氏惜余無
汝士之才不能一爲詩歌以傳其盛於無窮也
雖然以余言先生之折節而好士照映千百世
而下猶將見之卽不及汝士其可傳者因在也
於零碎不好收拾處却借之起伏頓挫生姿
生色關於神氣者不可易到 恭十
須看其段落脫化處 子

贈徐子序

侯子旣放而有喜色或問焉曰徐子遇也或曰
何也曰君子憂大道之不彰不憂夫身之不遇
道在其身也與其身一也苟其及之彰夫道無
以異於身也徐子吾友也或曰敢問彰夫身與
彰夫道曰今夫舉於鄉登於國不知其所以然
而然其未致之也乃其固也其旣致之天下以
爲幸而且沾沾然而且烜烜然是其彰夫身也
旦暮之遇也舉於鄉登於國知其所以然而然

北梅堂文集

序 卷之一 六

其未致之也天下信之其旣致也天下以爲重
有所啓而佑焉有所待而傳焉是則其彰夫道
也徐子以之或曰徐子所遇者文也非道也曰
否徐子之文寓於道者也往者大雅不作詩蓋
具陳十年以來天下之人淫詞說說榛莽塞路
當是時小生末儒挾一組織故冊子篇章之積
不能以寸稍稍規而摹之取富貴如寄徐子輒
閉關高卧不肯出也已而 天子下詔書褒崇
典型釐正繁蕪徐子乃奮起與昌明之運會焉

乎天下自此知積學力行之士必有其報而僥倖之不可以常試也息鹵莽之心務滋植之業誰之力歟徐子之文將不得爲其道乎哉且余嘗童而習之矣其人清剛方正性有所不可必形於色發於言凡其所守而不變者非獨區區應世之技能已也今日天下以文求徐子徐子以其文易天下苟其大而能以道求徐子徐子又必以其道易天下如若所見是殆沾沾吾徐子者也烜烜吾徐子者也徐子方以爲耻而莊悔堂文集序 卷之一 七

起東以道爲經以文爲緯是文章大關鍵處

骨力頗類昌黎 牧仲

贈彭子序

歲乙酉河南貢士子鄉例也吾彭子與焉嗚呼夫士之遇不遇豈不以貴歟遇卽幸不遇非不幸余於彭子三數以彭子之才使早十數年見用當世豈有所不見哉然而三北也已邪嘗中選已復罷去無何坐詩語鍛鍊覃懷獄御史必欲殺之值天下大變乃免當此皆未嘗不歎彭子誠蚤達必不如是由今思之彭子蚤達豈止免鍛鍊昔者憲宗之朝旁求若渴用人不次

取吏甲官往往見天子片言立取卿相彭子王人侍承明出領藩牧久矣在易之華大人虎變彭子宜何以稱焉然則彭子向者之選而後片以至困頓幾死者誠非其材不豐而貴不利也吾聞唐初如楊師道封倫宋初如范質王溥諸公其人者皆在前朝通籍踐殿顯赫其後乃知命通權身輔聖主功名有足多者然而達節者少硜硜然議之難以龍蛇之道喻也以視馬周張齊賢起身布衣應運倏忽豈不附景命以

循。落。光。明。居。然。以。得。位。行。志。大。丈。夫。哉。嗚。乎。
彭。子。誠。蚤。達。又。何。如。其。晚。也。嘗。致。馬。周。薄。遊。郡。
邑。間。屢。爲。人。折。辱。見。者。以。爲。酒。徒。齊。賢。饑。寒。尤。
不。自。保。其。不。得。意。雅。與。彭。子。少。年。皆。無。異。然。則。
士。誠。有。才。各。當。其。世。乃。爲。貴。耳。卽。使。且。困。窮。豈。
送。困。哉。

轉折處有勁姿有雋味 恭士

北海堂文集

卷之九

贈王子序

辭之屬尤高其以人文稱者太丘。泰丘。爲最。泰

丘有魏君敏祺學古行高太丘有錄君貞吉能

以家學知當世人物蓋又二丘之最若也嘗爲

余言泰丘有王君侯服云余曾一見王君於郡

東旅舍已而借譙集其城歎其器韻閑遠不可

得而親疎以黃憲徐寧目之未幾舉於鄉其夏

人輩推余爲言以贈余惟王君之文則已見長

於天下矣二君既二丘之最獨交口稱王君王

君豈非更其最焉者乎余夙信重二君之言近

又習王君知其果不虛其言也乃告之曰以吾

子之雄文且連第春官官禁院爲天子貴近臣

可不謂榮焉吾之邑今昔固皆有之其昔者不

專以此爲榮也其今者則吾嘗得而見之矣於

吾子何如抑以吾子之爲處士也修身砥行令

名滿天下自此以往又加之以得位而行道使

其守而勿失不以赫赫而渝志不以戚戚而貶

節以紹二丘之前光卽無論其他若練君之先

人司馬公者真所謂不以世俗之榮爲榮者也。吾子豈有意乎。王君再拜而答曰。吾子贈服之言厚矣。服敢不勉。辱吾子之言以辱二子。嗚呼。王君信斯言也。又豈特二丘之最乎哉。

士 既信其文而勉之行。纔是古人贈言之道。

子 大段本昌黎送石處士文來。吾取其分寸。

七

贈丁掾序

丁掾治其室。成其條。若多相與賀焉。而請於僕。子爲之文。曰。今吏治之所以不古者。以擇其吏。胥者輕也。若丁掾者。可謂能佐其上矣。先是太。守徐公來蒞是郡。昔方草昧。無文法。可循。一。給事公府者。心幸之。又竊念徐公自關外來。或。不習郡之要害。人人自以爲必寄任我徐公。至。則潔清而威嚴。皁然不可欺。於是畏犯法者。皆。縮不敢前。徐公明而善知人。獨謂丁掾循循者。

七

卷之一

廉潔是

可用也。終徐公之治。掾自守廉而事上官謹。徐。公去其所以事其後之太守者。亦然。蓋掾之辟。於公府久矣。迄無赫赫名。當世以此賢之。嗚乎。掾者郡邑所推擇以佐其上者也。使盡若此吏。治。具有不古哉。吾聞治之成也。其源逮下。朝廷。正則其官賢。官賢則吏自不敢爲不肖。蔽之革。也。其流逮上。吏不敢法。則官無敗事。官盡無敗。事。則推而廣之。朝廷亦無裨政。上下相循而古。今之變盡矣。當其勢之偏重也。雖聖君賢相不。

能矯之使爲不必然而推移而救正之天下未嘗不治往者天下之仕出於一雖未必其人盡材而賢而諸練者或二三十季最少者亦且十餘季竭其力於文學而又束之以律令其於一切之章程皆口能熟之而手能習之上呼則胥趨上畫則胥諾而已行之百季而其勢積重而難於是其中雖有餘異可自見者亦遂不自愛惜而消磨無餘故其政之得失不在吏今天下開創伊始一胥諸大功臣天授者定內以長其建德堂文集序 卷之一 三

六曹外坐鎮千里皆尚大畧不遑問文法其餘從寵而出治郡邑者亦往往多崛起不屑操儒生毛雞其或未能盡如郡之先太守徐公變通其俗則不得不暫以吏爲師已而難漢人之在官者亦因仍以爲固然天下化焉豈非向者之精一反爲偏重而古今之變者耶然則由今之俗而欲如昔者用所不擇之吏未有不敗者矣何也得非其獨得而失非其獨失也且天下殆未覩廉謹之效也由今思之果自守廉則於

人無多求果其事上官者謹則不依倚於非其道無多求則其俗安不依倚於非其道則其政肅政肅而俗安雖天下盛治可想見也故效於其職無大小也惟效其職則理苟身實在其職而以爲小者不足爲則進而一邑之令進而一郡之守更進而天子之相位愈尊則愈易曠名愈高則愈易諉又豈有績用之可見耶吾觀三代而後惟兩漢之治最爲近古而其用人多公府之辟召者尹翁歸張敞之類是也今天下彼

作一胥吏文說到古今政治大開頭是何等識見而雄博岸異堂堂正正更見力量

贈鄭大夫序

八年冬十月朔郡太守王公奉制行鄉飲酒

禮以鄉大夫鄭公爲大老先期遣博士造於其

廬具述天子所以尚賢蓋老之意乃集生儒

勅人吏設筵於明倫之堂太守暨僚屬胥屬胥

恪迎鄭公至就賓位酒醴既陳三歌鹿鳴鄭公

北向拜手稽首謝天子而退是日也觀者傾

城食謂以公之賢克副大典今相國宋公曰是

不可無以誌盛事爰率先其族裁屬於公而都

人咸繼以述嗚乎風化之所以盛衰其由來者

漸矣昔者禮教大行鄉閭一俗莫不尊延耆者

象其德音馴而習之敬讓之心生悖亂之萌息

比屋之間蒸蒸如也傳所謂觀於鄉而知王道

之易者其在斯乎蓋自天下兵爭以來而此禮

之廢也久矣以余耳目所觀記卽間有舉之者

或國中無可矜式則聊與一二野老循行故事

而已齒不配德又何觀焉嗚乎鄉飲酒禮大興

也非其人不爲先有其人矣吾君吾相未必加

意而長吏奉行不以誠與上之人知所以崇之

而不遇夫漸向文明之世皆不可以行此禮今

三者適備焉意者太平之治將從此見端則必

有輔世長民者出而鄭公其番番者耶夫加之

以鄉相之位得貴行志炳炳烺烺其事業可望

而知可述而識也若夫從大夫之後辭榮守道

積於身而孚於鄉示我周行爲羽爲儀使風有

自厚而化自有興是其佐助乎國家者豈猶在

人耳目之間也嗚乎非古之純樸耆者烏足以

當之哉

文亦木甚用力而局陣可取

爲司徒公增萬將軍序

紀刻項編

制府張公當世所稱善將將者也於其部下不

輕許可而獨謂萬將軍賢會歸之舊將遷於督

元以行公以是爲重地乃屬將軍於大司馬俾

代鎮至則討軍實而中傲焉必備必嚴兵不忘

戰民不知兵期月而歸人感之相率請於余願

得有言以誌將軍之功若勞也余惟稱人之善

先其大者而後天下之人推崇遜讓以爲不可

及以將軍身歷百戰佐開國皆即貴有之勇暗

莊悔堂文集序

卷之一

本段中自西轉換

鳴叱咤此其所固有縱云歸在中原爲腹心重

地其來成者又豈不能蓄數十輩健兒躍馬彎

弓以自爲功名封殖計耶將軍獨循循然謹

守朝廷法度伏毫無侵於民郡之人爲余言

此兵興以來所罕觀也以張公節制三方其部

下熊羆之士雲屯森立而特屬望將軍其必有

以收之矣余因憶遠者太平盛治文武之職各

得其序蓋朝廷所恃以安民者惟吏所恃以統

軍者惟將而已其後將強而吏弱將不戢兵則

吏雖欲愛民而苦不可得自昔明季餘習藩鎮

階亂每脇其強梁咆哮憑陵浸不用命以至於

亡非朝夕之故矣清朝締造藉師武臣力雖

悉其弊而一昔積重之勢未能遽挽今天子

明聖張公又久在兵間數奉詔諭其部下而將

軍乃率先遵約束有儒將風此其識量豈與暗

鳴叱咤者同日語哉歸敵郡也愛養而休息之

猶恐不得當郡之人莫不幸將軍之來而又惜

其來之晚將軍曰不然我爲將但能不受錢不

莊悔堂文集序

卷之一

六

縱下此自其常分耳嗚乎余昔數歷中外以至

泰抵卿所開天下之利害多矣果能不受錢又

不縱下力行而致有終詎獨宜於爲將而已也

將軍聞余言也充然以喜已而怒然若有思嗚

乎賢矣哉

轉筆深厚章意周匝於文家已得三昧

恭士

代司徒公贈周生序

周君少年材勇善騎射尤洞習兵家言辛卯例當以武校士君遂舉於鄉余忝君之姻姪三世於茲矣君之祖起家布衣以甲科歷諫議位司空嘗抗論中貴人李實忤魏忠賢又折幸增張璠憲不肯與共座最後以爭駙馬齊贊元事倪鳳天子之前掛冠去毅然三大節在人耳目子業熙亦以文名雪苑中舉已卯孝廉門第相承一皆美焉司空父子沒而周氏中落者十餘年

蕭憐堂文集

卷之一

然里人猶能言周司空云君今乃以武繼之儻所謂公侯之子必復其始者耶君嘗云丈夫當立功萬里之外安能冠儒冠儒言矩步終身厭厭屬下哉伏劍走河朔不遇歸里傭人竊笑之君氣益豪負不少挫更射策乃卒見收蓋昔聖人所以治馭天下者武與文并稱未始細也書曰則亦有能羅之士不二心之臣鬼且之詩曰趕趕武夫公侯于城皆言武也其後途冗而類雜清漸凌夷士乃以鉢首髯袴握刀佩弓爲耻

其豪傑望而去之而牧圉下走無廢無聊之屬乃思藉此以圖僥倖嗚乎疆場之事戰守之責有國大務也乃不一留心而使材者曾不肯就就者卒不林雖欲無亂亡豈可得哉誠得如君輩數人爲一邊潞而炤映之庶天下雄偉非常之選自此興乎故士之能自堅立者未可以常格拘也余昔叨樞府出爲天子行邊見部下士有少年材勇負氣不肯少挫雖暫屈伏輒接面怒誌之彼果皆爲大帥封徹侯君其可以自信

蕭憐堂文集

卷之一

矣且君猶能念爾祖乎司空起布衣與余同朝嘗及見其困頓肯乃不憚慨個儻落落有神采卒陟通顯爲世名臣其所自堅立然也果能自堅立文可以布衣致位卿相即安見卿相之子去而事武遂不可以致公侯耶

祖父門第交情最易爲文併其人小有氣概故更煙波生色

恭士

素髮無遺恨波瀾獨老成嘗得唐人擅場二字矣

靜子

贈江伶序

江生吳人也。以歌依宋君於雪苑。先是沙隨有郭使君者。官常州刺史。攜江生與其侶十餘人。以歸余。識使君使君。每識余。則出江生度曲。秀外惠中。丰骨珊珊。發清商之音。泠然善也。朱幾為隴陽武衛馬將軍所留。已而復歸於郭。又未幾。卒歸宋君。江生嘗告余曰。身羈旅。也不幸以歌曲事人。實願始終一主。而朝章華之館。暮麗祁之宮。非其志也。主人不能有也。宋君者。今相

朱休文文集序

卷之一 主

國介弟也。乃獨能有之。日設酒食。召賓客。以自娛樂。慷慨豁達。不為醒醒態。可謂達矣。余因有感於雪苑盛會。烏衣朱桁門第相望。當昔亦有相國沈氏。其族如儀部君。譔尤以文采自命。為豪舉。輦千金。三吳招呼伎樂如江生者。皆衣輕執歌。子夜暇。則鳴珂走馬。富貴兒競而效之。南隣北壁。鐘鼓不絕。如此者。遂歷三紀。惜者以為雪苑風氣。於是盡矣。侈極而衰。固其所也。無何果為寇所破。向之門第相望者。或存寡婦弱兒。

或遂展轉城沒。不知其姓氏。嗚乎。轉瞬間相懸絕者。何止如江生一輩也。有老伶吳清者。嘗逮事沈相國家。年六十餘。鬚髮白如絲。貧無依倚。乃為陳將軍教。其十許歲歌兒。以糊口。能言吾郡神宗間最盛時事。謂江生晚出。雪苑向日之歌者。皆已散去。惜未得見江生。江生亦不幸而宋見夫梨園全陳人。擅白雪。每發一聲。則銀頭之贈金錢。委積積清老矣。當昔身所親歷。至今猶數數夢見之。每言則嗚咽泣下。沾襟不止。余更

朱休文文集序

卷之一 主

微出長老清之言。信然。既風有感於中。而江生之來自吳。又識之蜀。先然則江生雖少。則余之何哉。也。屬酒酣。乃為之序。而顧謂宋君曰。人生貴行樂耳。公真達者矣。天下固多不遇而遇。遇而不遇。江生江生。苟精一技。亦可以成名。而岸成谷深。谷為陵。即秉燭刻陰。豈足以當老伶之一泣也。

極蒼涼而風神更勝。仁人即不能有其兩美。奉士

代宋太保贈衛商城序

汾陽衛公尹商城之六年政大洽商城去宋郡九百里余以病告老於家間扶杖見賓客輒耳熟公之治狀若在几席也愧余老而去國不及以賢令尹屬言於廷俾天子知之又輒私念曰人之好賢誰不如我公賢者也行且有以自異無以余爲矣已而當事果廉公政聲禮而聘之分校士於鄉得士七人屬玉司亦倚重公以公所取士爲第一人而郡有徐生者當世所推許

莊悔堂文集序

卷之一 一

以爲力學者也與焉余老且病絕交遊文藝之事不悉知七人所業何若以徐生律之七人將非其倫乎哉公之得士信不誣也一日徐生乘馬戒裝過余日將適商城見衛夫子余私念賢令尹未嘗朝夕忘願告老不得薦之於朝則願從徐生致一言焉夫今所持以治天下者人才所以取天下之人才者文章所以衡天下之文章者主司也主司得其人則天下賢智之士接踵而升惟天子使故任國家之重者宰相而下

惟主司爲然苟無其素具而不能識拔之或有其識矣而不求之以誠尚有聞天下士之名而疑其面而曾不相識者而況分校之從格格於層次幽暗之中僅望氣乎丹黃者耶徐生曰衛夫子之好士蓋天性也尹商城數數延見諸生致課而勸勉之有貧不能赴試者給之郵馬又計其道里飲食費其在閑日有一言之善必表出之不肯以去取徇人見有能文章而不遇者無論出其門與否輒爲嗟惜累日徐生之言

莊悔堂文集序

卷之一 一

如此然則公之得士也豈偶然哉惜乎公猶未得爲主司而魁傑獨僅之士一一盡羅而收之以張吾中原也雖然特患無其識而不求之以誠耳儻有其識而復求之以誠則取一士拔其尤而天下之望以歸又安知異日公不且爲天子之相以造就拔擢天下之材使得如徐生之盡出其門也余尚日跋公之開東閣而賦菁莪以誌之

澹宕客與質中見與另一手筆

靜子

贈季弟序

吾家世戍籍祖父顧以文學致通顯未有習武事者有之自季弟始季弟勉乎哉方叔父司成公以詞臣傾動天下天下萃萃材賢之士胥出其門是其詩書之澤將十世未父也季弟胡爲乎以武名耶嗟乎士不因時通變守一卷之書終其身啾啾呻吟以爲不失祖父之舊亦何其固而不知所擇也天下承平尚文開創尚武往吾祖父遭明代盛時二百年之間放牛歸馬天下習之士非登甲科不貴其以韜鈴起家者雖佩虎符開鎮千里見公卿皆屏伏惕息不敢仰首視吾祖之少也孤曾王伯父嘗進而命之曰吾戍籍也爾不力於學將爲伍卒矣吾祖用是自奮與伯祖同致身列卿其後吾祖又進吾父若叔而命之曰爾勿以我爲貴吾戍籍也爾不力於學將爲伍卒矣吾父若叔之克奉吾祖之教也亦然季弟嘗從父兄之後聞之矣季弟勉乎哉今天下疆土甫定國家且歌大風思猛士

龍溪堂文集

卷之一

三

季弟能用其材武將來禦武干城未可量也歐陽永叔之送田秀才也謂秀才將家子反衣白衣從鄉貢士舉於有司彼此一時各適其勢而然也季弟顧乃脫儒冠負弩矜子馳騁熊羆之隊而爭其上駟豈非亦遭其勢而然耶往吾父司徒公佐司馬力能去其戍籍而不肯日留以警吾子孫也然則世有公卿之後既不事詩書又不能事騎射徒矜高其門第而不知警者其有愧於季弟多矣季弟勉乎哉

龍溪堂文集

卷之一

三

借家世喚起故易爲文而抑揚出脫鋒量不

失恭士

秋園雜佩序

友人陳子貞慧著秋園雜佩凡十六種皆記載

耳目間物近而小者或曰心遠地偏以消永日

其雜佩之謂乎侯子曰非也請爲序之其曰廟

後茶以澹爲宗君子之交澹若也譏附濃也曰

蘭自喻也衆草蕪穢蘭獨芳也曰麗公榛託西

方氏志物外也曰竹菇山中所存有之食焉言

採其薇也曰南嶽草惟南嶽澗中爲然易置他

所卽萎感物生之不可移也曰香梅誌閩粵之

壯懷堂文集序 卷之一 三

阻也歎摘香于童僕也曰香硯感憫肉也思良

爰也曰鸚鵡啄金盃記先朝法物思太平也曰

時人彬壺傷名有幸成而物易喪古也曰湘管

稽鍛也王琴也悼相國之先哲而貴池之忠義

也曰黃熟香辨正也惡奪真也曰五色石子質

堅也文離離也我心匪石也曰摺疊扇誌楚制

也曰丘山胡桃誌淫巧也曰杜鵑感符識之驗

而鄉里失所也曰永定海棠詳其始詳其廢詳

其復記興廢之有自也不獨物有然也侯子序

而歎曰秋收也天地之氣閉而藏也佩者佩也

古人或佩韋焉或佩弦焉或佩刀劍以示威焉

或佩玉以比德焉示不敢忘也陳子意者當天

地閉塞之時退而灌園有不能盡忘者耶其詞

微其旨遠其取類也約其稱名也博文武之道

大堅於地識小云乎哉

命意高遠體裁侶衛宏小序 恭士

壯懷堂文集序 卷之一 六

大寂子詩序

大寂子者彭孝廉賓乙酉後變其名也孝廉起雲間與夏考功允彝陳黃門子龍周太學立勲徐孝廉乎遠李舍人雯互相唱和聲施滿天下當時謂之雲間六子未幾周子天死考功投淵死黃門斷頸死徐君掉臂而蹈東海屢濱於死舍人雖非黑頭而還梁幾於少卿亦歸漢亦鬱鬱病死獨孝廉在因號大寂子嗟乎人生凡喧寂生滅皆本於情孝廉乃求寂焉或欲託於

壯悔堂文集序 卷之一 元

西方氏甘無情耶憶余年十八歲交孝廉及孝功黃門又四年交周子於梁間又一年交舍人於燕邸又一年交徐君於金陵先後咸相善也今二十年間不見五君獨見大寂子然則余之累於有情者復減大寂子哉大寂子著詩曰偶存草以見存者皆偶爾不獨詩也吳學士偉崇敘之詳矣又著詩曰越州草乃過劉忠端倪文正諸公之里而感慨係焉者也東海姜垓曰可以徵詩人怨怒之一端也嗟乎知言哉既而大

寂子合其二集請敘於余余竊以詩之工拙觀其懷抱今大寂子之懷抱殆不止屬國留別杜陵述哀焉詩安有不工哉余讀其詩飲酒而起舞既而歎且泣既而惆恍如有所失因不復能敘之終也雖然夫詩人之旨固有沉吟含蓄而發之甚遠求之轉深者即大寂子意有所不盡余乃欲以言盡之也乎哉

不必有意爲文而感慨悲悼一往情深 卷士

壯悔堂文集序 卷之一 三

彭容園文序

自古文章之事必有其人以任之而後衰者以興弊者以起舉天下之習俗氣運莫不趨於正所係若是其不易也。而人者必有其望與其時與其地三者畢具而後能以所操移易乎天下然則今日興起之任非彭子誰屬乎哉彭子故主壇坫雪苑中獎引後進中原風尚爲之一變海內推爲耆宿此其望也。屬天下初定方且銳意右文而彭子身負羽儀翱翔皇路此所謂壯悔堂文集序卷之一

昔也吳越向多聞人斐然森蔚彭子筮仕其間聲應氣求裁其過掖其不及此所謂地也。嗚乎是三者幾百千年而不可以一遇者也。往者三百年以制舉義取士其君相之制度與夫士大夫之學術靡不萃聚於此而一時倡率主持之人國固一俗而鄉固一師也。今則曾未須臾而生死聚散升沉顯晦之變不可勝窮乃彭子獲以碩果獨存豈非天哉。夫彭子負此三者不可得兼之遇而又獨爲天所厚而留之蓋必使之

身任斯文而非徒然已也。余固自惟衰廢不必身致之而尤願其及彭子之身致之而余且身見之也。嗚乎東南之君子尙有幸而介於生死未散升沉顯晦之際者必有聞余言而歎息或謂彭子之文而更以彭子爲古人相與唱聚而觀感焉未可知也。信矣斯文之絕續之果在吾彭子也。

澹宕紆徐意外不盡

恭士

行文當得一潔字

牧仲

壯悔堂文集序卷之一

倪涇谷文序

余少遊倪文正公之門得聞制藝緒論公教余
爲文必先馳騁縱橫務盡其才而後就於法然
所謂馳騁縱橫者如海。水。天。風。渙。然。相。適。清。薄。
吹。盪。渺。無。涯。際。日。麗。空。而。忽。黯。龍。近。夜。以。一。吟。
耳。悽。兮。目。賦。性。寂。乎。情。移。文。至。此。非。獨。無。才。不。
盡。且。欲。舍。吾。才。而。無。從。者。此。所。以。卒。與。法。合。而。
非。僅。摩。鑠。組。練。極。衆。人。之。炫。耀。爲。也。今。夫。雕。鏤。
以。章。金。玉。之。觀。組。練。以。侈。錦。繡。之。華。而。已。若。欲。
和。嶠。堂。文。集。序 卷之一 三
運。刀。尺。於。虛。無。之。表。施。機。杆。於。穀。殺。之。上。未。有。
不。力。窮。而。巧。盡。者。也。故。蘇。子。曰。風。行。水。上。者。天。
下。之。至。文。也。風。之。所。以。廣。微。無。間。者。氣。也。水。之。
所。以。澹。宕。自。足。者。質。也。風。之。氣。蕭。然。而。疎。然。有。
能。禦。風。者。否。耶。水。之。質。泊。然。而。柔。然。有。能。割。水。
者。否。耶。故。曰。氣。莫。舒。於。風。質。莫。堅。於。水。然。則。至。
文。者。雕。鏤。之。所。不。受。組。練。之。所。不。及。也。自。文。正。
公。歿。而。天。下。失。其。宗。十。年。以。來。後。起。之。俊。秀。乃。
務。求。之。繁。淫。怪。誕。以。示。吾。之。才。高。而。且。博。而。先。

民之規矩蕩然無復存者矣。夫天下之真才未
有肯畔於法者。凡法之亡。歸於其才之僞也。余
乃知向者文正公之論文。不以法先。才者蓋欲
收天下聰明智辨之士。使之巧盡力窮。靡然而
返。而究無以軼出我之範圍也。天下雖失其宗。
然猶幸存之。倪氏及人玉純氏之子涇谷。年未
弱冠。著經鉅堂制藝。余讀之。離離然有光隱隱。
然不可得而磨發。揚於理變化於自然。讀竟數
日。其離離然有光者。氣之舒也。隱隱然不可得
而磨者。質之堅也。所以能扶質而御氣者。才也。
而氣之達於理而無雜操之病。質之任乎自然。
而無緣飾之迹者。法也。才與法合。然則涇谷之
文。非吳越後起之文。而爲天下轉移風會之文。
也。亦非天下之文。而直倪氏之文也。以涇谷存
倪氏之文。以倪氏之文轉移天下文。正公雖歿。
而道固已傳矣。余感而敘之以報玉純。尚亦俾
涇谷思日孜孜也哉。
論文清當起結歸文正公更不草草 泰士

壯悔堂文集卷之二

賈開宗靜子

徐隣唐爾黃

同里

選

閱

徐作肅恭士

宋

華牧仲

序

梅宣城詩序

余昔歲偃居鄉里客有自宛來者曰而知梅子
騷三平登高能賦感遇爲詩騷雅之材跨漢魏
梁鄒枚吾丘之亞也及余涉江潯樓金陵探覽
人物披尋故舊爲余言梅子者以十數皆當世

壯悔堂文集序

卷之二

賢豪長者一日方子密之過旅邸夏雲忽來陰
雨相拂解衣燕坐爰出紙扇以六分扇有書畫
無款表書法創動勢若驚鳥之斜飛畫格蕭疎
體侶落霞之孤逝詩則過虎丘弔貞娘墓所作
情思幽涼風期秀勁振絕步於區中結遐韻於
塵外三復詠誦頌爾天宇若霽重霞自遣余徘徊
歎絕海內才子賴有斯君密之顧視而笑此
卽宣城梅子明三也方寄僧房投諸生去此可
數里子其識之余乃權秦淮之小艇訪天界之

壯悔堂文集序

卷之二

古剎烏語重吟石蹲藤臥遙望平一童當戶旋
聆乎逆嘯出林寒其帷室邇人遐穆如清風
梅子明三在焉嗟乎余與明三聲氣有素矣今
乃得握手豈不重稱愉快哉相與道平生訂趣
向大而人品學術之分別細及文章詩賦之指
歸循厥源流均爲同揆益信曩者客談之不謬
而大江南之多君子也嗣是則春草欲碧秋水
始波攜手莫愁之湖振衣鷗鳴之嶺山驛曉煙
露溽明漢靡不與明三偕每暇必授詩使余讀
之詩備諸體觸諷寄事則屈子憔悴之客京
爲骨傾舒懷慷慨斯且老頓挫之致沉鬱
論選昔而傷音微之不見想人琴之如今疑西
州半夜之咏窮其俯仰以寫流連則發明月之
輝光嬰妖女之窈窕齊美酒十千之篇極爲跌
宕長短歌律胥臻精妙而余斷之以一辭則云
採六代之華獨存規矩標三唐之製此是隆初
而已夫當世之爲詩者衆矣或侈衣冠之威儀
則千幅同裁或叩響簫於寂寞則新聲競奏寧

非所謂煙墨不言受其驅染紙札無情任其搖

發故煩雜而無當哉竊意我皇明大雅將興

作者虛左儻朗三而及昔射策入格潤色鴻寶

天下當共以此事屬之居無何朗三被放踰

西去余亦眇帝闕而愁予淹留裴之空敞歌彈

鐵賦歸來駕我虺隤游茲川路使朗三在旁登

山之海而作遠別離之曲對此景若百端交集

又不知其何從已後將年餘所而朗三念故羣

之索居假素行乎修途贈余詩曰昔季別君秦

壯悔堂文集序

卷之二

四

淮樓冷香搖落杜華秋冷香者余棲金陵所與

狹斜遊者也其二章曰今季思君梁王園百草

已綠蝴蝶翻余懸覽物序憂自中來益聚散之

移我情也如此乃記余與朗三定交本末以報

朗三謂子詩成其以此序之吾黨之同志者見

余與子之離合聚散飄忽不得志於世必且

歎彷徨淫佚而不能已已也嗟乎君有此才其

生孝武之世哉

全以氣韻行文淋漓激宕不覺其排

恭上

八陣圖序

余受賈生開宗年逾五十老矣負奇好大言嗜

酒不拘繩墨常自許得為宰相當一年平三

年可盡撤諸塞上兵里人大笑以為病狂乃感

憤著八陣圖數千言余問有取焉而為之序

日嗚乎今天下隱憂蓋在於文臣之望淺而武

臣之志隘不知其所終矣陸賈有云天下安注

意相天下危注意將夫為相不必讀書身先險

阻策合羣力能不思害人之功者名相也為將

壯悔堂文集序

卷之二

四

不必善騎射粗知古今遇大變而不挫者名將

也今天下急急論將哉漢祖之明不難於拜壇

下而難其所拜者韓信聞虛之信不難於斬龍

姬而難於識孫武而任之天下而有韓信孫武

宜使之專制千里豈當更有開府位其上中貴

親軍容掣其肘也天下而無韓信孫武又何取

於諸將而羣委之以旂節倚之若長城也哉今

天下宣蒞握重兵豫楚多元帥而鳴鎗在郊聯

火目連未央然則收其所為旌節撤其所為長

城卽外患不靖內患不滅而國家省金錢之費
人民免首功之慘亦未始非勿藥而愈病也余
所以終願今天子之右文而左武也雖然今
之以文臣任武事者朝則撫府藩則撫軍吾皆
得而見之矣大約多歷年所而得之又或以盤
錯之地狡利者善避更授鈍者此其胷中豈異
伍卒而乃使諸大將有蟒圍玉相與拜跪之固
宜爲其所輕而日有憤懣之變也雖日推轂鑄
印於以稱口文飾則得矣散亂則未也嗚乎藥
公好龍而龍至燕王巾馬而馬來我國家地廣
人衆而僞儻非常之畧寂焉無聞將果無人言
之耶抑無人用之耶豈天未悔禍而人未厭亂
耶又豈人之建功立業各有其時而急者不可
以緩緩者不可以急耶何賈生之且老而尚託
於其言也

文臣望淺武臣志驕明遂以此亡國朝宗經
濟往往具此觀者不可徒以文求之

卷士

曼翁詩序

曼翁詩以大晉齋名者別于晉齋也晉齋者何
曼翁之弟維庸子自署也維庸子曰余蓋嘗過
大晉齋云大晉齋不爲陳設中惟藏太史遺翰
旁置酒器主人必醉後發策一覽卽已少不醒
醉則廢書然而所讀書醒者不解卽醒而日事
誦詠者愈益不解嘗共酒徒二三人長嘯而已
性好詩又頗爲詩或一日而爲數篇取給興會
不工應接少而十五歲能詩至今十餘年而脫

七言五言集序

卷之二

稿存者十數十篇繼乃謁帝都聘王氣弔金臺
歌易水傷行旅乎在途念倚問兮叱馭馳驅十
數日而賦詩二百餘篇今又年餘止倡和二十
餘篇耳蓋詩以言志古人應過而申懷厥旨以
也夫曼翁以偉博敏麗之才欽崎歷落之骨而
憤憤是伍揮嗣宗窮途之淚彈中散廣陵之操
苟可以發茲深響振我逸情雖逆世斯吐之矣
若夫馳情物外應期寰中茂弘未聞于著作安
石不傳其詞致將無煩簡同歸顯晦一是耶故

作者必有懷而序者良有感也今日者捨懷其
火奔走放廢以憤憤所言必將曰戒酒却悔不
焚詩謝是非然而當世之達官貴人與夫腐儒
豎子不飲酒不賦詩者何限吾亦行見其同腐
於草木矣雜庸子序言未畢聞聲有軒然者起
而視之曼翁醉已

此與梅序皆朝宗十五年舊作余從其焚棄
之餘特爲檢出以誌文體之變亦以其氣韻
生動不爲風華所掩也要之梅序自勝 恭士

此序上之書序

卷之二

孟仲練詩序

歐陽修曰天下嘗不乏奇偉非常之士而消磨
老死於山林之間卒不得而見者天下無事無
疎知之也然則豈有有事而不及見者歟必世
之無其人也抑有之而世未求耶或此人猶
將求於世而世不之求耶或此人亦將
終老而老且死於山林竟不必其見耶嗚乎是
皆未可知也然慎勿謂無其人也余蓋得於大
梁孟觀孟君前十年來雪苑其昔吾郡方完盛
北齊書序 卷之二

其文人能爲辭賦吳伯裔伯胤徐作霖張渭侯
方鎮之徒皆在而余與賈開宗者尤晨夕與諸
子賦詩一夕孟君後至吳伯裔未之識也孟君
論詩雄邁驚其座人伯裔前與之言亦輒絀乃
大驚問是竟大梁人孟觀者耶賈開宗曰是固
然吾知孟君久矣諸君試取其詩觀之豪宕感
激頌挫沉渾殆學杜甫者孟君爲人個儻好經
濟大畧嘗困于酒兩目不聞如終然以論議英發
則瞬瞬然張其光射人吾郡市陌之前三日乃

賦詩別其受人自驅其驕而北渡河曹人劉澤清者知之會燕京陷賊國家驅之代立而江南亦更立故主澤清乃廷薦孟君以爲職方郎命以出使蓋所謂弘光元年也皆左懋第仗節不返廷臣當繼遣者皆惶恐哭泣不肯出金陵門獨孟君慷慨行未越境而遂以亡澤清方守淮安泛海去孟君以詩贈之亦不肯從也已而澤清竟歸朝久之坐法死矣孟君則徒步歸其鄉益得爲詩顧當世無知其詩者輒復過雪花莊懷堂文集序卷之二

遊而吳徐侯之五言皆沒想余與賈開宗在孟君凡四來雪花每來則必有零落湮淪之感其四來也則開宗亦病而徐作肅者屈出與之論詩徐作肅曰孟君之詩豪宕感激頓挫沉渾殆真能學杜甫者開宗之言是也於是侯方域論曰作肅其知詩乎夫孟君生平數遭興廢皆身與之固宜其痛切以憤怨排以怒而其爲詩顧能遺于道不以自累望之也厚而測之也深是豈猶夫世俗之苟作者耶余卽以詩觀孟君

亦所謂奇偉非常之士也天下方急得人卽萬一不得但孟君者而亦進之可不謂之求之耶而孟君則若將終無求于世者其必退而甘老且死于山林無疑也然則世之終不得而見之而遂謂之無其人者固其所也嗚乎世果無其人耶孟君之詩固在惜不得歐陽修者見之也大段是歐然全歐之神兼韓之氣以驅遣處勁而肆也 恭士

贈宋子昭序

今夫以孺子之年而循循然而莊莊然逆計其後可以至於大成者其有之乎曰有之視其父然則孺子之年且循循然且莊莊然逆計其後可以至於大成者果有之乎曰有之視其師若受宋子昭者相國之子而賈子開宗之弟子也余於宋氏世有肺腑親而受知於相國最早凡相國生平行事皆能耳而目之其德業之在天

壯悔堂文集

卷之二

下者姑無論論其一端先是相國屬疾國之人或以醫來或以卜或爲之禱於國之社稷余曰何患相國清慎而恕清則有餘福慎則能養其性命恕則無陰禍是殆以耄耄之齡昌其後人者也相國何患已而疾愈又旬日子昭入於庠吾聞相國之教子昭曰吾無厚田宅以貽汝今天下又不重門第如王謝崔李韓呂之屬能以其世顯汝惟力學則可不然無以異於市夫傭兒也吾有執受賈子者汝其師之賈子則又朝夕進子昭而教之曰能復相門之言乎相國

無厚田宅以貽汝今天下又不重門第如王謝崔李韓呂之屬能以其世顯惟力於學則可不然無以異於市夫傭兒也子昭皆書諸紳不敢忘嗚乎子昭豈可量哉蓋吾之所爲視其父與夫視其師若受者諒矣夫或曰世固有賢父之子良師之弟子而未必如子昭者是子昭偶然也余曰不然獨不見子昭之兄牧仲者乎牧仲年未二十博學能文章詩歌筆翰動天下望而仰之溫其如玉是以相國爲父而賈子爲師若受者也凡於牧仲又見子昭然則子昭非偶然也詩曰罔念厥憂則又其兄子昭有焉看其通篇提掇處真有生龍活虎之狀通篇止子昭皆書諸紳不敢忘七字是主餘皆客

恭上

王瑞信文序

選余輩起雪中爲文江左謬推之所謂吳侯徐劉者是也會遭兵革二君子者皆早折余獨歷流徙間關以歸則見里人所爲文大異於昔皆競爲新異絕不知世有所謂大家之文若震川萊峯者余雖強與之言輒口應心以爲怪余因自歎其力衰而孤終不得致雪苑之文如曩者三君子之昔已又竊念曩者之文乃吾雪苑三百年文物相承氣運委積勃而昌明適與

北齊堂文集序

卷之二

之會其自前之所爲也意者今天下休息方始興起猶未力教化猶未至或亦必有能爲鬱勃昌明之文而懼其不合於世乃隱伏而未出或出矣而當世果無有能賞拔之者遂鮮所知名余雖欲求之而不可得見也有王子瑞信者能讀古人書得其大意其爲文皆從規矩簡練出之變態百出卒軌於正今歲之秋客有自其城携王子之文而應其名以示余者余讀未竟決其非余里人客問何從知之余曰今古

之分豈特淄澠之辨里中文不尚古人客所攜文不類今人不難知也客曰良然是出秦丘秦丘故有崔令君彭司法皆能以如此文取高科此王子之所信而持以應世者也余曰不然秦丘之文更有魏子故祗令君司法未有以易也魏子今窮且老使王子但信令君司法之遇必不能信魏子之不遇能信魏子之不遇又豈屑屑焉以其文章之得失問人者耶余視其光焰益猶逼吾雪苑三君子而進於震川萊峯之間

卷之二

者也嗚乎文章之盛衰氣運由之其革以來其衰也久矣卽有能爲之者必不合於古合於古必不遇於世既合乎古又遇乎世物極必變由變而盛以應鼎革豈非觀於人文以化成之日乎用能輔翼乎氣運變而昌明者王子責哉天下且然余私幸不見怪於里人矣

極周匝極自然神法兩到 恭士

爲司徒公送王博士序

昌黎韓愈曰孰能養育天下之人材將非吾君與吾相乎孰能教育天下之人材將非吾君與吾相乎然而吾君吾相果總總然而自爲之其勞不過數人而止夫其不事總總之勞而天下之材乃咸蔚然敬應待用不可勝數者凡爲天下得師故也故能爲吾君吾相振作輔翼以成天下之材師道爲大而吾君吾相博咨而慎擇之以寄天下之人材者師之官爲尤重然則苟

性理堂文集序

卷之二十一

七

波瀾

非其人以道自處進禮退義不失其正者殆不足與此也郊鄉王先生堂教吾郡居一季郡士化之吾君吾相嘉先生之績遷其秩先生喟然曰吾之朝夕一官者誠以今天下鼎革方始學校未興欲廣布國家菁莪之澤豈爲五斗米折腰哉遽解組歸是日也諸弟子數百人徒步奔走挽先生車勒祖帳墮澤門外先生顧謂諸弟子曰天下危者易安亂者易復惟人材廢壞不可一日收拾其爲危且亂者深足憂吾自爲計

生昔嘗竊見而慨於中久矣每願得一身教之

今吾弟子皆濟濟從此相期勉自豎立吾之所
以報吾君相者庶其少舒乎於是諸弟子再拜
謝教先生盡酒一卮登車而去清徑老人聞之
曰旨哉先生吾師乎吾師乎君子未有不自審
其材而能成就天下之材者人之材具成大或
小難以逆見惟風采隱然伸已而行不回惑於
利祿所謂養望於澹泊者其所到未可量也先
生雖去而天下之聞先生之風而興起者良不

性理堂文集序

卷之二十一

七

波瀾

少矣然則如先生者又豈必朝夕一官而後可
以代吾君吾相教養天下之人材耶

不必問其切當自是本論文若一筆寫成照

映井然瀟灑悅人

卷之二十一

七

文情澹宕古樸論師道煞有關係

附黃

樓山堂遺集序

樓山堂遺集者亡友貴池吳子之所作也其死
昔文章散佚而當路大臣又曾上露布著以殷
頑之日以此見者皆以為其片言隻字
毀戒之恐後嗚乎使其言而可毀則採錄之歌
後童之怨必且不傳也久矣有人於此見日星
之光而欲掩之見河嶽之流且時而欲塞之推
之有是理乎余固知其必無也壬辰來陽美陳
子果出其所藏樓山遺集完好如初陳子謂余

莊樓堂文集序

卷之二

序

曰自經喪亂以來陽美之田先少保公之賜鑑
皆不可問得守此一集以報亡友即有同志欲
假而觀之亦不肯與嗚乎彼成周盛世殷頑在
洛今觀多士大誥諸篇為衆矣然曾無一人
如陳子者其故何也嗚乎又不知今古人
果誰不相愛也抑其文或有以遠過於
前人耶余交吳子歲在己卯今已十五年其文
集皆前已卯作者蓋三十年餘矣當明神宗
嘗天下太平無事而樓山集多憂危之言何其

登見也迨其後天狼墮鼠禍機將發其大臣將
相又皆畏罪持祿不為補救甚且不惜以其身
為餌余則嘗見吳子張目奮袂而言之禍福利
害一不少動蓋其素志之定也審矣又何難子
江上之死哉吳子嘗云文章自韓歐蘇洵後幾
失其傳吾之文足起而續之余嘗方泃浹於六
朝不知其善亦不取觀也今知之欲與之言而
吳子死久矣雖然以吳子之文求吳子余雖始
不知之而終卒知之恐天下之始終不知之者
亦已多矣以吳子之人求吳子之文即五又之
童豈有不辨日星即越裳之重譯豈有不望氣
而問指南一識夫河與嶽哉昔韓歐蘇之三公
者皆能守道不隨於世亦嘗遭貶謫彈射然固
未至斷頭絕脛以死殉之也而當世見其片言
隻字皆愛而重之不衰設以若韓若歐若蘇而
且以大義斷頭絕脛而死則當世之愛而重之
後世之憑而弔之者又何如也嗚乎可以知樓
山矣

讀一過心推色動直是流連稱佳亦不能名其所以佳也 恭士

章法極斷續離合之妙 簡子

戴黃門詩序

司徒公嘗語小子曰昔者自烏程相而我明之亂兆自武陵相而我明之亡決矣然烏程猶有言之者浸至武陵爲積威所劫殆謂我空無人僅有一詞臣引大義而罕見其不可用方爭子廷者戴黃門也小子志之然黃門先生雖言之而天子不能從明遂展轉卒以亡先生乃歸臥陽羨築陶庵而居之自此不復與世人相見亦不言會嘗胸中有所不能忘者則一寓於詩 謝安堂文集卷之二 之於詩壬辰小子來陽羨司徒公又進而命之曰吾向所謂黃門先生在陶庵汝必三遺叩之至則先生引見授以詩使讀而命爲序嗚乎小子不隨侍司徒公於青門矣以所著書達北闕正所謂世人也先生顧不以世人命之小子幸矣乃再拜而序之曰先生詩名陶庵者以彭澤自况也先生果終焉不出豈愧彭澤而時有難易則先生尤甚焉其爲詩皆嶺強而素嚴澎湃而奇肆不屑屑步 謝安堂文集卷之二 若謂之 謝安堂文集卷之二

知此詩者也。昔杜少陵生李唐兩代之間。開關
氣稜曾無虛日。而過蜀。迹秦能以忠義自持。一
飯一吟。不忘君父。故其詩多憂憤之思。雄鬱之
氣。亘古彌今。卓然不朽。其黃門先生之謂乎。夫
人未有胸中忼慨而發之於言。磊落而光明者。
此陶庵集之所以傳也。小子歸而述之。司徒公
試拄杖而登南園之小三峯。立於清澗之巔。南
望蓬蓬。然若有白雲起其下者。殆陶庵之吟處
耶。

趙維文集序

卷之二

起結縹緲行文淨而腴。信有嘉錄。

卷之十

任王谷詩序

侯子過陽。美望見山水之勝。數曰。美哉。泱泱乎
此中。有人則惟陳子。其年足以當之矣。已而私
念曰。少保公蔭其後。且十世。又清以處士之隱
德。豈關山水。陽美。卽無山水。而陳氏之有其年
可知也。彼銅官兩湖之聳峙而環流者。豈能終
鬱鬱不一吐其奇哉。余必更訪之。而任子王谷
果特出。任子神采謨謨。骨堅而氣雄。橫視一世
其足以當山水之勝無疑。不得志爲詩。則又原

趙維文集序

卷之二

本雅音如贈侯子詠古雜詩諸篇音調體裁一
不失古人尺寸。示余論詩一章。乃知任子攷訂
源流窮遠。析微非泛作者也。竊謂銅官兩湖。既
以其千年之鬱鬱而生任子。任子又日以其胸
中之奇歌且嘯焉於銅官兩湖之側。吞吐摩盪
樂已極矣。然則又必如何而後謂之得志哉。任
子曰。願聞詩之變。侯子曰。余不知詩。知歌。日者
寓澄江。主人有召。毘陵之伶而侑余酒者。全部
踏歌。宮商迭奏。其一揚袂而前。喉所欲言。吐若或

抑焉其一群若穿雲按拍吹竹循節而和之不及主人曰美哉穿雲者乎余曰彼格格於喉者病痔也瘡者聲在若穿雲者浮也其發也不出於丹田按之無着聲久亡矣夫詩亦有然惟其標以浮也任子試操琴而歌於銅官兩湖之側儻亦有高山流水出而聽焉者乎

神韻悠然韓歐最擅場之作 恭上

集每堂文集序

陳其年詩序

陳其年有著述材尤工詩往余居梁園去義興千餘里其年再以書來屬余爲論序余報之曰風雅之道於今絕矣得子誠未易此非可卒卒筆墨盡也行當渡江爲吾子言之後三年而余至其年之詩已成數百篇典則高華風致特勝余歎絕謂其年子知明詩之所以盛與所以衰乎當其盛也北地信陽爲之宗而郎耶歷下之輩相與鼓吹而羽翼之夫人之所知也其衰也則公安景陵無所逃罪吳趨諸君卽數十年來更變迭出而猶存乎蓬艾之間余家中原稍稍解此者蓋中原風氣樸邁人多逡巡不敢爲詩惟其不爲詩詩之所以存也其年乃獨於揚波導沸之中傑然以古作者自命豈不異哉往雲間有陳黃門李舍人皆起榛蕪以才情橫絕一世得其年而三然則風雅之道又未嘗不在吳趨也丁丑余與黃門論詩燕邸已卯與舍人論詩金陵自以爲盡意無復遺恨由今思之豈有

不得起二君於九原者幸其年獨在是天以故

吹羽翼之功私其年也夫詩之爲道格調欲雄
放意思欲含蓄神韻欲閒遠骨采欲蒼堅波瀾
欲頻挫境界欲如深山大澤章法欲清空一氣
杜少陵云讀書破萬卷下筆如有神不讀萬卷
豈易言清不破萬卷豈易言空哉侯子言未畢
其年改容起曰二公固讀萬卷者也然則吾子
所謂歎不得起之於九原者吾知之矣吾知之
矣因憶余與二君談肯秋浦吳次尾在坐默不

能事堂文集序

卷之二

語心甚怪之次尾雅能詩其年爲收藏其遺集
急取讀一過乃知次尾詩與二君雖互有得失
而了了見大意顧蚤於余者十年此昔所以默
不語也余與其年別八載而良友如三君者皆
已死其年幸各爲識之以續八哀夫少陵一集
而古今天下之治亂興亡離合存沒莫不畢具
豈僅僅一詠一吟足以盡風雅也嗚乎非其年
其又誰知之

行文亦未甚鍊而論詩必不可廢

靜子

陽羨譙集序

壬辰過陽羨其邑之名賢莫不喜予之來而陳
酒爲會以觴之散竟分曹賦詩長吟短詠咸極
其致蓋建安南皮之遺事也因憶己卯寓金陵
其昔桐城方檢討曾爲譙集徵召同人今乃再
見此舉且十五年矣檢討之零落殆不可問而
一昔同事者若吳貴池之蹈刃而歿李華亭之
賣志以歿梅金吾棲遲于蘭若張修撰歸逸于
海上風飄煙散畧已如斯而江山之恨禾黍之

悲從可識矣嗚乎夫美酒十千述詩見志更唱

予焉和汝以留連而寫物此皆生逢太平安樂
無事者之所爲也諸君乃能于兵燹之後收拾
點綴余又適幸與其間醉顏欲酡木葉微脫豈
復知此身在異鄉哉昔王茂弘過江宴新亭坐
中有淚下者茂弘正色曰何至作楚囚相對論
者壯之然其後因循以爲樂郊高者號勝于蘭
亭下乃荒涵于桃葉庾清鮑俊抑且徒然若夫
西湖賞眺遂至直作汴州益復不見道然則

序之泣蓋終愈于子夜之歌也嗚乎今之江左
視昔日又何如諸君而釋余言其尚亦當吟而
輟當醉而醒也哉

看其寓意自爾不同 靜子

陳緯雲文序

緯雲之文矯秀高騫吞吐出沒如夏雲多奇如
秋日山陰道上煙嵐萬狀余雖欲執一體以定
之不能也文章不歷變不工緯雲日夜讀古人
書神而明之變豈可窮然吾聞蟻螂變而蟬鳴
應變而飛此變之善者也龍謁變而鯢人感變
而地虎此變之不善者也夫文豈有不變亦顧
其變之何如耳吾願緯雲之審求之也吾曩序
緯雲之兄其年之文其年年十七今更十餘年
光澤堂文集序
而序緯雲之文緯雲亦年十七何陳氏之少而
多奇也雖然余幸數見陳氏之少而余且老矣
緯雲若鑒余之踉蹌而因而求之于其年之精
進緯雲蓋可畏也

尺幅中轉變不窮昌黎之最勝者 卷士

贈陳郎序

陳郎者余幼婚也。名宗石。字曰子萬。先是余與其父定生處士同學金陵。又前則余祖與其祖少保公同年同官御史同論朱和庚李相廷機而余父亦與少保公先後同官。同官同救大司寇王紀同爭紅丸同作魏謩忠賢同削官方余之與處士同學也。晚入監。大抵若有宿憾。後六年甲申大鉞黃緣官兵部尚書與黨人獄。或謂兩人盡曲謝院人余與定生笑不應。忽一日緹校捕定生去。余倉皇出。兼金付錢。若祿代請問而爲求接於練司馬公。定生得免。乙酉春正月有王御史者阿大鉞意上奏責浙直督府捕余余嘗若定生舍。既就逮。定生爲經紀其家事。漸行送之舟中。而握余手曰。子此行如不測。故鄉又未定此。崇崇將安歸乎。吾家世與子之祖若父暨子之身無不同者。今豈可不同休戚哉。盡以君幼女妻我子。余妻遂與夫人置酒定約。去是皆余女。方三歲。年方二歲。其後解郵。

里余居梁園。定生居陽羨。不相聞。又五年。寓書余曰。宗石已能讀書。解世事。甚念翁。未幾又寓書復以爲言。余方侍老父疾。束裝罷者再。壬辰冬始抵陽羨。與定生慰問。畢陳郎出揖。從容如成人。就坐。則雄談驚其坐客。余大喜。素不能飲酒。是日盡數卮。陳郎今年十歲。距余與定生別。皆蓋八年矣。嗚乎。人生可惜。凡所謂百年者。皆妄也。或以兵死。或以水火死。或以盜賊死。或以患難死。卽幸無是數者。而昔賢所謂七日壯懷堂文集片。不汗亦能死人。然則人生壯且盛者。不過三四年耳。而余與定生忽忽已聞其八。豈不痛哉。顧向者欲殺吾兩人者。安在而吾兩人猶各留面目相見。不可謂不幸也。因酒酣撫陳郎背而告之曰。郎名宗石。字子萬。取萬石君之義也。郎之祖若父皆爲世達人。有家法。諸昆羣從奕奕競出。又畢萬之後。必昌。吾以郎之祖若父卜之矣。然吾聞陳之姓望惟太丘爲最。而昔人論之曰。公慙卿卿。慙長今以處士之隱德無慙少保。

願即他日亦無慙處士可也吾向見耶耶在襁
褓今已能進而向學耶使我每見必有所進後
其何慙之有

生死骨肉情見乎辭文之真者自不同 恭士

王熙生詩序

義興蓋有周孝侯云千載馮弔其遺事國士之
風如見今生其地者輒不然嗚乎世變不古何
其甚也然則生今之世而能不笑乎其俗其人
之大樂亦可睹矣有王孝廉形生者誠以樸
實以直豪宕而志少壯多讀書卓有匡濟之
畧每與余談娓娓不倦余向者遊澄江之館偶
見形生詩輒心儀之今則見形生之人也已形
生一日贈余詩數百言其卒章曰與君刺刺語

壯悔堂文集

卷之二

不休翻使中原傷我懷嗚乎胡為也哉昔人如
劉琨溫嶠皆以匡濟為志不必有意為詩而詩
卒以傳蓋當吾世而憂時制俗託物見志非徒
求之聲詠而已意者形生今日亦有所感耶夫
音人制行立言各自一事不必兼顧人不逮其
言無論已即使言不逮其人而苟得其誠以樸
實以直豪宕而感激已不失孝侯國士之風
而況形生為詩又必感遇而進而求之三者之
間安在不與其人相合乎則形生固生於後

之里而傳溫劉之詩者也。義興卽爲變古。豈遂無人哉。

不深言詩只就其入上。摹寫感歎一番。又自一調。恭士。

龍梅堂文集序

卷之二

辟疆園集序

江南藏書之富莫過於常熟錢宗伯家。次則錫山顧氏。常熟甲申後。自上都歸。忽不戒於火。生平蓄積悉爲灰燼。錫山遂獨以其書。雄鳴乎書之託其人也。殆有神明焉。苟藏之且不可。而況於著耶。錫山故能著書者也。余與交者幾二十年。每見其心力所注。無不盡之於書。其先人遺者。僅二百卷。而後所收。乃逾萬卷。其著述則自辟疆園選應制文。行於天下。而日本朝鮮交趾。

龍梅堂文集序

卷之二

辰韓之屬。無不購傳之。其盛如此。乃錫山猶若有不足者。一旦出其爲詩古文。以示余曰。生平殫思苦學。盡在於世。人向皆非真知。我幸于爲敘之。余竊歎其神於法令。調以氣舉。蓋自永叔子美而後。而此種詩文之不傳也。百千年矣。錫山又授余以所註工部詩箋及訂宋以來詩名家文。始知其寢食源流。悉本歐杜。而余言適與之符也。夫文之疎密濃澹。各有程度。尺寸不踰。乃爲宗工。庸而論之。則與其密寧疎。與其濃

寧○濟○詩○音○亦○然○要○自○有○說○存○焉○而○非○生○涯○枯○寂○
之○謂○也○嘗○聞○三○家○之○市○有○延○上○客○者○宵○旦○經○管○
妻○孥○詭○辭○及○出○而○盤○餐○肴○核○殊○無○下○箸○非○其○誠○
不○足○而○力○有○所○絀○也○更○與○過○衛○尉○之○金○谷○太○傅○
之○別○墅○則○水○陸○畢○陳○不○禁○朵○頤○而○前○厭○飫○而○還○
矣○然○則○操○管○之○家○有○日○吟○一○卷○書○而○微○著○述○千○
萬○人○見○胸○中○不○悉○耳○目○聞○事○而○妄○意○希○身○後○名○
豈○不○重○爲○錫○山○所○笑○哉○

壯悔堂文集卷之二

同里 賈開宗靜子

選

徐隣唐爾黃

閱

徐作肅恭士

宋 榮牧仲

書

答張天如書

承示閩漳事有關於漕糧者即當轉白家大人
閩漳初以文人操入室之戈已自支離今乃以
軍國如許重務博一快已此其心術豈尚可問
哉西銘清識至德本末瞭然亦不必屑屑與角

壯悔堂文集

書

卷二

書

書

書

書

書

書

書

書

書

書

書

逐也某竊謂朋黨所以報漢而漢亡於朋黨道

學所以扶宋而宋弱於道學此其故在上在下

固兩失之然欲爲調停之說則君子不取蓋與

其失身無益不如終守道也數季來廟堂艸野

咸離離之山苗數鬱鬱之澗松位置失次以致

鳴鑼在郊戎馬飲河誠宜大破藩籬收拾材賢

同舟戮力亦已晚矣而當路乃堅報復恩怨之

旨借校刻爲孤立以聳動人主而夙負處士更

有咄咄持空函以邀之者不止閩漳一輩說者

亦必顧西銘鉞漢士之禍狹葉宋儒之禍迂利

方就圓與時消息不識果遂以爲可否昔者胡

伯始之中庸辛幼安之曠達其初皆享盛名而

後乃不徒無濟於時且甘心喪其生平某深願

西銘之鑒之也貴鄉虞山之爭枚卜長洲之去

國爲數年來極有關係事長洲已與日月爭光

天下所觀望者惟虞山與婁東耳語云行百里

者半九十西銘必有以處此敢因明教而僭及

之家兄意亦如此秀郎近爽黠頗有坦腹之致

止得少書

知郊公所欲聞也不盡

中有正論 靜子

答仲中書

承示省訟慙無所_先。執事與僕齒不啻倍
屣位不啻懸隔顧猥與_先。迨及少年之遊謂執
事往日曾以兼金三百_先。使伎爲伎所却
僕實教之而因以爬垢索_先。甚指議執事者僕
誠不自修飭然竊恐重爲執事累也使執事無
可議則昔賢如白太傅歐陽公東坡居士皆與
鳴珂不廢酬答未聞後世之議之也何獨至執
事而苛求之執事果有可議卽不微伎庸仁已
升傳堂文集 書 卷之三 三

乎僕之來金陵也太倉張西銘偶語僕曰金陵
有伎李姓能歌玉茗堂詞尤落落有風調僕
因與相識間作小詩贈之未幾下第去不復更
與相見後半歲乃聞其_先。執事金當竊歎異自
謂知此伎不盡而又安從_先。之且執事之邀之
在僕去金陵之後今天下_先。事者不止一人
豈僕居常獨肯肯標舉_先。事之姓名預告此伎
謂異日或邀若必不_先。乎此伎而無知也者
以執事三百金之厚貲中丞之貴方且奔命恐

此葉清華配補

後豈猶記_先。之言倘其有知則以


三百金之貲中丞之貴_先。不能一動之此其習
中必自有_先。而何待乎僕之告之也士君子立
身行已自有本末反覆來_先。復汗下僕雖書
生常恐一有蹉跌將爲此伎所笑而又能以生
平讀數卷書賦數首詩之伎偏遂顛指而使之
耶惟執事垂察不宣

中丞名仰李姬曰是故以八座父事魏璫者
耶却其金不往事本奇筆下更寫得委曲生

壯悔堂文集 書

卷之三 四

動 靜子



此葉清華配補

癸未去金陵日與阮光祿書

僕竊聞君子處已不欲自恕而苛責他人以非其道。今執事之於僕，乃有不然者。願爲執事陳之。執事僕之父行也。神宗之末，與大人同朝，相得甚歡。其後乃有欲終事執事而不能者。執事當自追憶其故，不必僕言之也。大人削官歸，僕時方少，悔侍未嘗不念執事之才而嗟惜者。彌日及僕稍長，知讀書，求及金陵將戒途而大人送之。曰：金陵有御史成公勇者，雖於我爲後進，我常心重之。汝至當以爲師。又有老及方公孔昭，汝當持刺拜於床下，語不及執事及至金陵，則成公已得罪去，僅見方公。而其子以智者僕之，以交也。以此晨夕過從，執事與方公同爲父行，理當謁然而不敢者。執事當自追憶其故，不必僕言之也。今執事乃責僕與方公厚而與執事薄，噫亦過矣。忽一日有王將軍過僕，甚恭每一至必邀僕爲詩歌，既得之必喜而爲僕贊酒。奏伎招遊舫，攜山屐殷殷積旬不修。僕初不

解既而疑以問將軍將軍乃屏人以告僕曰：是皆阮光祿所願納交於君者也。光祿方爲諸君所詬，願更以道之。君之及陳君定生、吳君次尾，庶稍滿乎僕歛容謝之曰：光祿身爲其卿，又不少佳賓客，足自娛安用此？二三苦生爲哉。僕道之兩君必重爲兩君所絕。若僕獨私從光祿遊，又竊恐無益。光祿辱相款八日，意良厚，然不得不絕矣。凡此皆僕平心稱量，自以爲未甚太過而執事顧含怒不已。僕誠無所逃罪矣。昨夜方寢而楊令君文驥叩門過僕，曰：左將軍兵且來都人洶洶，阮光祿雖言於清議堂云：子與有舊且應之於內子，盍行乎？僕乃知執事不獨見怒而且恨之，欲置之族滅而後快也。僕與左誠有舊亦已，奉熊尚書之教馳書止之，其心事尚不可知。若其犯順則賊也。僕誠應之於內亦賊也。士君子稍知禮義，何至甘心作賊？萬一有焉，此必日暮途窮倒行而逆施。若昔日乾兒義孫之徒，計無復之容出於此而僕登其人耶？何能事

集 51—453

文織之深也。竊怪執事常願下交天下士而展轉蹉跎。乃至嫁禍而滅人之族。亦甚違其本念。倘一旦追憶天下士所以相遠之故。未必不悔。悔未必不改。悔且改。靜待之數年。心事未必不恭。自心事果恭。白天下上未必不接踵而至。執事之門。僕果見天下士接踵而至。執事之門。亦必且隨屬其後。長揖謝過。豈爲晚乎。而奈何。陰毒左計。一至於此。僕今已遭亂無家。扁舟短棹。措此身甚易。獨惜執事伎機一動。長伏草莽。

壯懷壯懷復得志必至殺盡天下以酬其宿所不快。則是使天下士終不復至執事之門。而後世操簡書以議執事者。不能如僕之詞微而義婉也。僕且去。可以不言。然恐執事不察。終謂僕於長者。故敢述其區區。不宣。

此書爲朝宗黨禍之始。幾殺其身。然其文其人千載而下。猶想見之。荀子

爲司徒公與寧南侯書

頃待罪師中。每接音徽。嘉壯志又未嘗不歎。以將軍之材武。所向無前。而犄角無人。卒致一簣遺恨。今凶焰復張。墮壞名城不下十數。飛揚跋扈。益非昔比。雖然。天厚其毒於斯極矣。非常之功。必待非常之人。一時門外士銳馬騰。有如將軍者乎。忠義威畧。有如將軍者乎。久於行陣。熟悉情狀。有如將軍者乎。然則今日所稱爲熊羆不二心者。舍將軍其誰老夫曩者倉卒拜命。固以主憂臣辱。金革之義。不敢控辭。亦緣與將軍知契素深。相須如左右手。倘得憑先聲。藏果俘馘。實千載一時。不謂六年患難。疢已爲更遭家變。痛毀之過。遂致廢疾。以采薪之憂。未畢盡瘁。顧念高厚末繇。報塞唯願將軍。賈其餘勇。滅此朝食。是則十五年舊部。所以不忘老夫。而老夫藉手以答萬一。猶之其身耳矣。勉旃。勉旃。鄉土喪亂。已無寧宇。闔門百口。將寄白下。喘息未蘇。風鶴頻警。相傳謂將軍駐節江州。且俟。

而前老夫以爲必不然。即陪京卿大夫亦共信之。而無如市井倉皇訛以滋訛。幾於三人成虎。夫江州三楚要害。麾下汛防之衝也。耶襄不戒。賊勢鴟張。時有未利。或需左次以驕之。儲威風。飽殫圖收復。在將軍必有當。盡過此一步。便非分。壤冒嫌涉疑義。何片云部曲就糧。非出本願。則尤不可。朝廷所以重將軍者。以能節制。經緯危不異於安也。荆土千里。自可具食。豈謂小饑動至同諸軍士倉皇耶。甚則無識之人料

壯懷堂文集

麾下自率前驅。伴送室帑。匈奴未滅。何以家爲。生平審處。豈後嫖姚或者以垂白在堂。此自綱紀奉移。內郡何必雙旌。率來相宅。況陪京高皇帝弓劍所藏禁地。肅清將軍。與場師武未取進止。詎宜展觀。語云流言止于智者。若將軍今日之事。其爲流言。又不待智者而決之矣。惟是老夫與將軍義則故人情實。一家每聞將軍奏凱獻捷。報效朝廷。則喜動顏色。傾耳而聽。引席而前。惟恐其言之盡也。或功高而不見諒。道路

之口發爲無稽。則輒掩耳而走避席而去。嗟乎其不願聞也。頃者浪語最堪駭異。雖知其妄。必以相告。將軍十年建豎中外。倚賴所當矜重。以副人望。郭汾陽功蓋天下。勢極一時。而國體所開。呼之未嘗不來。遣之未嘗不去。當其去來。若不自知其大將也。同告臨淮。亦與齊名。其後勢位之際。稍不能忘。候寒蹊此。乃至偏較不復稟承。此無他功名愈盛。責備益深。善處形迹。昭白宜早。惟三思留意焉。不盡

壯懷堂文集

癸未侯子居金陵。寧南左侯兵抵江州。旦夕且至。熊司馬明遇知其爲司徒公舊部。請侯子選說之。侯子固陳不可。乃印署中爲書。以付司馬。馳致之。寧南後一夜。侯子晤友人云。議者且倡內應之說。遂以書抵議者。而行侯子禍雖不始此。然自此深矣。寧南旋得書而止。余嘗見其回司徒公稟帖。卑謹一如平時。乃知寧南感恩原不欲負朝廷者。駕馭失宜。以致不終深可歎也。偶過侯子舟中。觀此書。

感而識之 乙酉三月楊廷樞記

銀鈞鐵畫真正大經濟文章凡有目者皆能見之 靜子

答孫生書

域附白孫生足下比見文二首益復奇宕有英氣甚喜亦數欲有言以答足下之意而自審無所得又甚愧僕嘗聞馬有振鬣長鳴而萬馬皆瘖者其駿邁之氣空之也雖然有天機焉若戒若沒放之不知其千里息焉則止於閑非是則馬之嗜之且泛駕矣吾寧知泛駕焉之果愈於兄羣耶此昔人之善言焉有不止於馬者僕以為文亦宜然文之所貴者氣也然必以神樸而思潔者御之斯無浮漫南莽之失此非多讀書未易見也即讀書而矜且負亦不能見倘識者所謂道力者耶惟道為有力足下勉矣足下方年少有餘於力而虛名無所得如僕猶不憚數問豈矜與負者哉然則以其求之於僕者而益誠求之於古人無患乎文之不日進也嗚乎果年少有餘於力而又心不自滿以誠求之其可為者將獨文乎哉足下殆自此遠矣

全乎八家又不用史漢 恭士

與任王谷論文書

僕少年溺於聲伎未嘗刻意讀書以此文章淺薄不能發明古人之旨然其大畧亦頗聞之矣大約秦以前之文主骨漢以後之文主氣秦以前之文若六經非可以文論也其他如老韓諸子左傳戰國策國語皆欲氣於骨者也漢以後之文若史若漢若八家最擅其勝皆運骨於氣者也欲氣於骨者如秦峯三峯直與天接層巒危聳非仙靈變化未易摹步計里必觀其

筆情堂文集

卷二

六

趾姑舉明文如李夢陽者亦所謂驟其趾者也運骨於氣者如縱舟長江大海間其中煙嶼星島往往可自成一都會即颶風忽起波濤萬狀東泊西注未知所底苟能操舵視星立意不亂亦自可免漂溺之失此韓歐諸子所以獨峩峩於中流也六朝選體之文最不可恃士雖多而將焉或進或止不按部伍譬如用兵者調遣旗幟聲援但須知此中尚有一小行陣遙相照應未必全無益至於摧鋒陷敵必更有牙隊之見

崎○枚○而○前○若○徒○恃○此○鮮○有○不○敗○今○之○爲○文○解○此○者○罕○矣○高○者○又○欲○舍○八○家○跨○史○漢○而○趨○先○秦○則○是○不○筏○而○問○津○無○羽○翼○而○思○飛○舉○豈○不○怪○哉○頃○見○足○下○所○爲○杜○周○張○湯○諸○論○奇○確○圓○暢○若○有○餘○力○僕○目○中○所○僅○見○彈○思○著○述○必○當○成○名○然○亦○少○有○說○覺○引○天○道○報○施○湯○周○處○稍○涉○觀○縷○行○文○之○旨○全○在○裁○制○無○論○綱○大○皆○可○驅○遣○當○其○閒○漫○纖○碎○處○反○宜○動○色○而○陳○鑿○鑿○妮○妮○使○讀○者○見○其○開○條○尋○繹○不○倦○至○大○議○論○入○人○能○解○者○不○過○數○語○發○揮○便○須○控○馭○歸○於○合○若○當○快○意○時○聽○其○縱○橫○必○一○瀉○無○復○餘○地○矣○譬○如○渴○虹○飲○水○雷○隼○搏○空○瞥○然○一○見○瞬○息○滅○沒○神○力○變○態○轉○更○天○矯○足○下○以○爲○何○如○僕○十○五○歲○時○學○爲○文○金○沙○蔣○黃○門○鳴○玉○方○爲○孝○廉○有○盛○名○每○見○必○稱○佳○僕○竊○自○喜○又○得○同○學○某○君○伯○奇○日○來○逼○索○盡○日○且○酌○和○數○首○以○此○得○不○厭○然○皆○從○嬉○遊○之○餘○縱○筆○出○之○以○博○稱○譽○寒○詆○諷○間○有○合○作○亦○不○過○春○花○爛○熳○柔○脆○飄○揚○轉○目○便○蕭○索○可○憐○近○得○賈○君○開○宗○徐○君

作庸其相磋磨乃覺文章有分毫進益賈精於
論徐老於法二君嘗言此係何等事君不憚
經營便輕率命筆僕佩其言不敢忘足下嘗行
文快意時每一回思之必賞此言之不謬也

渾渾寫來直似說話真所謂了然於心手者
牧仲

皆從自得中說出正如披裘覺煖握米知寒
爾責

壯悔堂文集

書

卷之三

五

與王氏請藏經書

足下瑯琊世望以文業銳自振拔僕聞之久矣
前歲曾一見於其城又一年而揖於相國宋太
保之館皆匆匆別去無由相爲款曲以深習足
下然竊望足下之感其一二緒言已測
知其非尋常曹蔭中人也又聞宗者尤嚴
道足下之賢不去日足歲之春聞宗自江南還
方病謝交遊忽一日冒大風乘跨其驢出西門
去曰吾將過朱襄訪王君聞宗老矣常自負其

壯悔堂文集

書

卷之三

六

學又聞人多雖泛愛其實胸中有次第不妄脫
近人者足下必有以得之矣去三日而歸以告
僕曰吾向推王君賢未足盡王君王君純孝人
也吾陰察之見王君於其先公之書前楷楷皆
謹守未嘗輒啓以視世之朝暮親而暮傾側
其篋笥欲盡得之或更憂其為人顯官屬
藏未必盡書藉之於心也何嘗在庭也然
有一於此所宜公之天下不待私語其父者
吾將偕太史李公往誠求之而不知其許我否

也。蓋王氏之先公異人也。爲御史奉命巡江南。江南完盛繁富多珍產。公一無所取。獨捐其俸金千四百錢。請藏經若干卷。以歸郡之僧。有定空者。常買得田氏之廢園。欲改建爲禪院。建閣而藏經焉。此江北數千里所無。而今適有之於百里之內。意者西方之聖人將顯其教於茲土耶。吾將介定空求之。僕應之曰。信如足下言。王君固孝子也。必與何疑焉。蓋其先公請之以歸者。欲廣其教也。必不局之篋笥之中。王君其有壯悔堂文集 卷之三

不欲廣之者哉。或云。足下將構一閣。之關於其邑之隅。以奉而藏焉。疑未必肯與夫足下不欲廣之。則已果欲廣之。與其構閣於一邑。何如與定空而使剗梵宮焉。五都之衢也。且足下之所欲廣之者。非廣佛教也。廣先公之志也。佛教自在天地間。豈待廣耶。無遠何近。無小何大。無少何多。無暫何久。梁武帝興之而不必增。周武帝滅之而不必減。貯其言於金匱石室之中。未必重投之於水火塵埃。亦未必褻此固足下之所

不能與而定空之所不能受者也。惟是先公之志不可以不彰。而足下之所以繼之者。不可以不推。而廣今使十人傳之。較之千百人傳之。必有間矣。十人傳之一鄉。較之百千人傳之一方。必百間矣。十人傳之一方。而益以相傳於無窮。又必有間矣。然則足下雖已構而藏於其邑之隅。猶當綴焉而送諸通衢之楚。而况乎其未也。又此藏經之大部計卷以七千餘計。麗以二十。非可懷袖壯悔堂文集 卷之三

提負以來。瞥然而止於楚者。足下誠前之定空。必告於衆。而戒車牛以迎。所過之地。田夫墮子。皆將携妻引兒。呼朋招類。而舍瓦譁譁。以競觀焉。謂足下有功於佛。既至。僕隨問。爾亦當勉竭其生平。萬有一得之文。薰沐而拜述。爲記。以付定空。勒之於碑。使四方遊者居者。又皆稽首而實曰。此藏經者。故朱襄王公巡察江南。一無所取。而獨捐其俸。請之以歸者也。今王君乃能繼道志。垂不朽焉。嗚乎。盛哉。或足下歲時。必

則田氏廢園之址尚有勝地可建爲精舍流水
蹲石點綴其間甚與足下之慧業宜僕輩從太
史李公之後皆得以清言奉晨夕卽先公開之
於九原豈有所不可也僕聞先人之貽其子孫
有有二如國封田宅之類非受故所當固守
不可以尺寸與人者也僕聞先人之貽其子孫
宜之而禍彰挾之而禍彰於天下必不可吝
秘者也可以守而不守不可以秘其失維
均至於佛書則又超脫於彼我之外是究之足

射鵬手
翻覆沉痛皆爭斷

射鵬手

與王仲鬼論物命書

承示律見殺於犬爲有天命反覆而申說之噫
足下之言過矣儒者議論舉措雖自知不及要
不可不以孔孟爲法古人所謂循循然莫不有
規矩也此一大聖大賢固達天知命然未嘗肯
輕言孔氏嘗一論命於子服景伯所以廣賢人
之心塞奸雄之口也孟氏論莫爲莫致以生職
國之世思有以杜絕天下之篡弑力爭者至於
夫壽不貳則歸之立命固了了引爲己身之責
壯悔堂文集書
蓋此理輕言之於人事必有所不可若加之於
物尤爲不可夫物之隔絕於天也遠矣其名冗
而數繁氣薄而力淺決不能無介以自通凡所
以愛惜而長養之摧抑而夭折之皆人之所能
爲物之所不能自主而尤天之所不知也譬如
小邑遠鄉之百姓其或得所失所惟喜憂戚之
狀人君豈能一一耳聞而目見之哉恃有郡縣
之吏也人君惟不能一一耳聞而目見故託之
郡縣之吏天惟不能一一耳聞而目見故生物

而託之人此子思子所以反覆慎言成物也成
義甚大不僅與於取對凡有以運除其強暴
制用其材質安全其弱小使之自足之
分者皆是物也皆人之所能爲也漢嶺古人之
書自孔孟至於楊雄韓愈歐陽修以及程頤朱
熹之徒上下千百年卒未有以易者是下絕發
爲汗漫悠忽之言人粹問之亦其平常而該括
未之深察乃天下物之能傑然自立者寡而放
廢待命者多人之庸惰者多而自強知道理者
少苟羣倡足下之言誰不好逆而惡乎誰不任
使而脫禁錮者暴者豈復可驅除材者豈
復可制用弱者小者豈復可安全哉則而伸之
觸類而窮之則人事之功息天道之經緯物生
之官滋矣其矣足下之言之過也且此一節者
本非大之敵明其足下不審其量而強使爲受
既死又以爲天命何也假使足下謹視而遠藏
之獐必不死卽死而於其深山窮谷之里豐林
茂草之鄉乃其命也今既委足下之手而猶使

大得以殺之者果其命耶抑足下之所以愛惜
而長養之者或非其道也凡此皆天所不知而
物又不能以自言隨宜區處而有以周夫蠢動
之命類儒者用心所不廢僕故不惜與足下以
小事詳言之

書在韓歐之間有開闢有照應○辯 恭士

與賈三兄論肉食書

方域再拜。靜子三丈。足下客有自南中來者云。足下已肉食。域聞之大喜。坐客於前而問之。惜乎空言而不能詳也。若其遂為向來之無擇而滂然沛然輒一盡而數豆則吾愈益喜。蓋足下之惑也久矣。今小悟則小嚼大悟且大嚼。足下學博而行古。有大名於昔。又素好佛。而其囀於從來超脫之道。若謂不肉食遂可以為佛。或反之而肉食亦無害於佛。此皆淺近無異於小生。

先集卷之三

書

三

腐儒之見。宜足下之不返也。吾所為足下慶者。乃以其可去而却也。邇之人有張翺者。不肉食有年矣。吾嘗與翺為交。雖不知其所得何若。然其人篤行寡欲。頗有道者。足下曩云。吾獨不得嗣者。而見之而坐之於西郊之大梵殿。之七日。借其夙昔之信心於人者。以號召諸人。士女吾亦且聊去其髮。而持齋戒。拜跪於其旁。稱弟子。示請自隗。翺之果可立致也。足下既言之。而悔然。吾已察知足下之貪於其。

之中矣。又嘗簡髮而櫛數米而炊。以教足下之妾。曰殺生者將有以報也。妾稍稍行之久。乃無益。審其妾相與言。公不肉食於家。而肉食於外。此特給我以膏財耳。足下自是而或食於人之家。或食於逆旅。亦遂以舍肉矣。然吾嘗陰觀之。足下每日動而顧張。輒食而察其箸數。願望其老僕若重有所不足者。嗟乎足下奈何。其至於此哉。足下讀書三十年。老而不遇。嘗自負其材。謂可王者之位。而今亦已矣。又嘗聞天下之變。以為得喪成敗。不過如此。誠能一旦捐舍盡去其種種之髮。與其斑白之髯。茹苦甘淡。入深山而去獨求其性命者。而安焉。豈不亦割斷決絕。毅然大丈夫哉。而吾有以審知其不能也。即足下自審。豈敢云能之乎。然則足下幸而本去其種種之髮。與其斑白之髯也。設誤而去之。乃蕩然禿以濟其食。與否不過世俗之鄙僧耳。豈不重可嘲笑耶。足下又嘗云。張翺者天下之愚夫也。有數十萬之財。吾嘗問示以隙而不

先集卷之三

書

三

能取也吾向者豈甘爲嗣氏之隄哉誠欲立卒
爲神師正用而反出之也今既不可吾將去而
自斃於通都大邑之間登壇講說以奔走天下
之人而出其金帛彼西方氏之祖師固吾之嫌
與尸也而何以翻之變變爲吾異聞足下之言
而足下數出遊於外宮恐其遂行之也夫張騫
者篤行寡欲之士也足下欲以嗣爲國嗣固不
肯卽有之邑人信焉縱不得財亦未爲害以足
下風昔之狂名而忽一旦濟之以怪異之行其

世悔堂文集

卷之三

博之才而聚天下以羶馳天下如驚豈待再計
哉吾將見足下之且前而天下之老者幼者美
者惡者顛且跛者聾且盲者婦人之保抱携持
其子者而莫不續隨屬其後也此固已駭天下
之耳目矣今天下方大用兵稱名據號未全割
除而泉魁喜事之徒皆復混身於緇流以僥倖
而竊發重臣之建節於外而以收獲捕斬受上
褒賞者踵相接也設一旦有喜功名蔭妻子之
臣以足下爲奇貨號之曰妖而執而俘之足下

其有以自解耶嗟乎悔無及矣夫足下不幸而
爲浮屠氏之鄙兒又且甚則不免於妖以逮於
刑皆自不肉食始足下之不肉食也爲以自信
耶抑以取信於物耶如以自信而已苟拔食而
却各足下胸中且曠曠然落落然雖餐不狼藉
血肉紛拏無以異於茹蔬而噉蔬飲木而託孟
也倘以取信於物而二者之患不除則是有設
網焉而取之之機雖足下低眉闔目交手而微
譟不輟魚將見之而深入鳥將見之而高舉矣

世悔堂文集

卷之三

何也兵莫慘於志而物固其畏乎其誠也吾少
讀韓愈氏之書慕悅其文章高其大節至其論
佛則以爲僞淺而未之盡豈樂以此詆呵足下
哉誠見夫世俗愛慾萬狀沉苦可憫未有不去
各而可以解脫其縛不去貪而能免於世之攻
取者而足下乃口與心爽類於當世厭憎之老
嫗而又苦無其術卒爲其同類婦女所笑而猶
不返則惑之甚也夫此愛根而慾穴者他人多
中之於養本狼藉血肉紛拏而足下顧以茹蔬

噉菹飲水託孟而得之吁亦異矣譬如有人作
狂呼呌色殷而氣憤而切其脉以爲其病寒有
人四支奄閉臆冷而陰蹶而切其脉以爲其病
大熱此惟扁鵲知之世俗之醫不知也域自以
爲今者足下之扁鵲也豈足下五十七年之疾
纏綿附體而不能去者當豁然愈耶或與足下
之分深矣敢不再拜而賀若其日凡幾食食凡
幾許果能盡所遇而無所擇與否則猶願足下
之示我也

杜海堂文集

卷之三 七

是呂黎文中第一果有識者必不河漢吾言

再與賈三兄書

足下肌膚之病除矣而腠理之病未也域不深

言而痛攻之足下之病後當發方爲書未竟而

兒子曉年十三立於旁曰大人數言賈丈賈丈

且疏盡毀書嗟乎足下此非孺子所知也吾曩

與足下飲於郭村之墅足下醉仰天而歌既而

悲執余之手而熱視曰吾與子平生之友若吳

伯裔及其弟胤與夫徐四作霖者皆死矣而吾

且老天下卒無有多讀書能知我者幸子在耳

杜海堂文集

卷之三 八

因泣下久之復飲吾憶之若昨日云者足下當

亦不忘也所云多讀書吾不敢當如云知足下

則吾固誠知之吾聞古人所爲相知者非貴知

其美乃貴知其病也吾誠知足下而不爲足下

言之是卒無有爲足下言之者而足下卒不

聞之也且足下深許我之知之而我卒不爲足

下言之是負足下也豈惟負足下是殆并負吾

昔之及吳君徐君也負足下吾不敢負足下而

并負吾昔之及吳君徐君者吾尤不敢是以卒

痛攻而深言之足下搶攘攘奪若苦入口之
累隙日之促者吾心竊怪焉誠願足下守不貪
之富省無事之忙而已夫足下豈真欲富者耶
使足下真欲富則富也久矣吾每見其於求榮
干祿之道一出餘緒而優得之者舉謝不往也
蓋足下之性好新異喜技術作之不必果成成
之不必果用然凡可以嘗試爲之者莫不爲之
吾過足下之館值有釋其首者有服道士服若
有言倉公術者有云馬矢之菜殷之可爲水銀
是皆虛妄之書
卷之三
者又有繪畫古狐虛圖者皆解衣盤礴徐據案
食吾方逡巡立不進而足下之游十前揖語我
曰是皆吾翁之客相與求利效者也而足下之
財固以耗十之五矣且足下好釋則遂有方竹
之杖若木之孟好方士則揮塵而玉其柄戴冠
而簪其葉若辛若酸之諸呼解乃始談余公若
銚若鎔之諸器備乃始煨羹以爲銀其圖書者
則又几榻屏案丹青楮黛不可勝數凡此皆非
能取之官中必出財以易之而足下之財又以

耗十之三矣足下既專心生財之術則必益全
事事而賓客之需貨物之費勢不得不假手於
婢僕婢僕習知足下耗於日而短於莫乃竊據
中飽以欺足下而足下之財又以耗十之二矣
大約足下之財以什爲準三耗而不存一乃更
出門如臨邛客而求之而方車僕馬之耗又所
不數或卒困無所得矣頃不能改前所爲輒
復散去而足下竟以爲足下非求富者也
亦非患貧者也以言爲之之心求富以嘗試
是皆虛妄之書
卷之三
爲之之道致貧業貧矣庶得不計財業計之矣
庸更知其非求富者耶庸更知其非患貧者耶
三復展轉而足下之故吾殆已不可識矣非域
交深誰悉其所以然而爲之惟自之者然而足
下顧自知其不貪耶吾豈謂足下能饒而不食
吾與而不衣哉如此則足下之意蓋足下有先
人之田七百畝比於古爲上者之恒產亦已過
豐苟人無留力地無棄土則一歲所入租之稅
之猶不難給一歲之用且吾善足下久矣其

家之食指皆可呼而數之以不盈十之口而用七百畝之財固宜其倉有陳粟織有美帛烹葵制棗薰鼠取貉歲嘗伏臘處此室而饗朋酒相勞苦自娛乃婦以縫裳反目子以挹菜約口交謫嗷嗷易有餘為不足者是足下果未思其故也乃吾所謂十之五者耗之十之三三耗之而十之二者亦耗之也誠能一旦翻然省悟而謝其五罷其三條望其二則足下之財向之以十為準者固秋毫具在也本不貪何願富雖然恐

非惟坐二集

卷之三

足下之心善吾言而不能用也蓋足下之病從擾生者必更從擾復之人之為業以專精也足下一身而仙釋醫卜劍術兵法無不通涉矣人之有僕妾以省勞也足下更代執其僕妾之勞而奔走作役無不為矣凡人數動則心煩心煩則神竭神竭則氣燥氣燥則形與力不能以自主吾見足下卧忽起而坐坐忽離而立立忽遠而行朝來而夕往夕來而朝往忽寒則重裘忽熱則裸體甚至於牕中猶吟嘯呻吟夜必數四

嗟乎吾不謂足下之擾吾寧而滑吾真遂至於此也顧足下方以得道自處必抵節不受請更以事徵之吾昔從足下自村中來距城門甫十里夕陽在樹可徐步而入足下忽預其僕曰疾驅之疾驅之前牽而後擁簞筥更下未三里而足下之驢力竭喘汗仆於地數舉數仆徒倚之間日暮城闔而吾與足下遂共止於佛舍又共足下宿逆旅氏逆旅主人有獻卮酒者旋注火且熱而足下數身自起視提撥嘗試以察其公

壯悔堂文集

卷之三

媛手觸器覆酒竟潑火亦以焚卒不得飲時方祁寒而同舍有劉生者志足下足下又好從惡少年遊授以房中靡靡之歌久之浸為所侮相與戲弄給誑以為笑足下怒則益隨而笑足下乃更大怒不止數端皆瑣細不足言然足下少從容自持之量人實無所事事而舉止轉以錯亂槩可見矣甘之為言茫也茫茫然也質也質質然也其言不見於經然古賢人若張安道者嘗力以為不可足下亦幸而守三畝之室

治一僕二妾耳設遂以守大邑治大官將何如
應也呂許公之赴召周亞夫之持軍可謂不忙
矣此固古將相學術不苟必平素有以深歷而
熟練之非倉卒能然者然則當有事且大事猶
不可忙而況於無事耶抑吾所爲足下慮更不
在此足下力學三十年讀書養氣豈盡無所得
耶而乃幾耳順而有童心條疑條信旋不旋然
詩云威儀棣棣不可選也無乃非可則可象之
義耶近且又口瘡手痺操瑟而求竿并吾之所
求也

卷之三

許以求榮干祿之道舉謝不往者而亦期期失
之是皆足下忙於心者之過也心忙則形神力
氣之屬應矣勢必不自見其無事而日求之於
有事因而煩作而不止數徙而不安而向之所
謂十之五十之三十之二以笑惑足下而耗之
者將又乘間而窺相續而入矣然則足下尤先
省無事之忙而後可以守不貧之富也二者誠
去則足下之病雖死不發而乃以其安逸之身
徐理其三十年讀書之所積養氣之所得者而

出之於世足下固猶然天下之大儒也足下老
矣宜益勉自愛吾少足下二十有四歲比遂腰
痛髮白嘗自歎無用思刻苦爲文章庶幾萬
傳其後而其亡及吳君徐君者皆有遺書未就
若有餘力必爲探討收輯之念非足下無可與
共事而乃以二病糾纏廢吾何望焉嗟乎伯
喬伯胤死而其子材弱無傳人矣獨徐四有弟
日作肅者亦吾與足下之故人也近益多讀書
能知足下足下如不深信而三思吾言曷過作

卷之三

肅問之

爲靜子入神規諫計畫已無剩義尤妙藏工
細於渾朴但覺蒼茫不見刻鏤不讓首篇矣
○首篇淺此篇深首篇畧此篇詳亦次第不
得不爾

恭上

再與賈三兄書

冬夜病目方寢而友人范召氏至感情悵能坐
移時乃語謂足下傳書而載及所不當與之人
爲輕聖人之道以自便其私余察其色慍而意
薄厚轉取而視之其言信吁嗟乎無乃甚矣何
足下病加於小愈而竟入膏肓焉之弗可殛也
余是以瞿然躍起撥火而披裘拭目而去翳勢
不能以旦急呼童子秉燭爲書與萬一或然之
救於足下昔楊子雲著書成而富人載錢十萬
壯悔堂文集 卷之三
求附其名子雲不肯者今足下之得固若是其
多耶亦有其半耶孔子作春秋而高弟子若游
夏乃不能贊一詞足下之書固非春秋比然嘗
學聖人矣亦必有一二語幾於道者而願使天
下之販夫傭徒皆參錯於其間是孔子之會夾
谷當遂與優休相登降折讓也斯亦猖狂悖亂
之極也已矣且足下之傳書以明道也而范召
氏之言曰是殆漁利市人之名姓以便密也以
聖人之道而營錙銖之利吁嗟乎無乃甚矣然

則足下之爲此也固誠以其名明道者實密利
耶抑或有見於聖人之道大自以四子書設科
以來舉凡天下之求富貴利達者皆借聖人之
道以自成其私而此又特其小者也雖然其責
之深者其望之厚余終期足下以明聖人之道
者也非欲足下自便其私於借聖人之道以成
其私者也昔十年足下爲書而先草官吏部者
至欲勅足下由今度之是耶其非耶余無吏部
之權獨爲足下誦詩耳行路之章曰豈不夙夜
長行多露言謹微也還之章曰子之還兮遭我
乎徂之間今言其交錯捷利而不自知其非也
足下而不能爲詩則已足下而能爲詩者斷章
取義可以思矣吁嗟乎何其甚也若夫足下之
書則辭涉而義博矣而亦有率以蕪者今皆不
可以言俟足下省察更詳說之
有所悲慨而言故詞氣激越然正有飄然之
致 恭士

與宋公子牧仲書

某叨受太保先公深知嘗授其難公子又不以僕爲不肖數下交質以所爲文業僕竊見郡中自吳徐二三子凋謝之後近二十年絕無有清才標映如公子者嘗心口歎頌不能置今有所欲言伏惟公子聽之僕聞之賈子口諸人以太保既薨有願公子出而結交天下貴人一如太保在日以爲克侶太保者竊謂太保在日乃天下貴人皆願一當以交太保非太保之交之也壯悔堂文集書卷之三

今論者顧欲公子求而交之以爲克侶太保此不惟不侶而固已相遠甚矣往郡中貴達子弟固有然者然皆以財力自雄周旋良苦今公子善病體不任衣太保清節僕之所諒未有厚貲貽公子也所謂財與力者公子自審能之乎破其業以致貧勞其身以致病而徒博一交結貴人之名僕竊爲公子不取也抑人之所謂克侶其先者有道不可以不辨有以卿相之子世爲卿相而不必不辱其先有以卿相之子乃甘爲

一介之士而足以光益其祖父者若公子不深察其道卽如諸人所云亦不過倣太保在日存其門戶方幅外侶之耳非謂公子遂真侶太保爲宰相也公子之家昔爲宰相今爲秀才何可強同顧舍其力之所能可以得其真侶而必出於不可得之數以爲聊侶其外者何也夫克侶之道在於守道讀書公子才氣超軼何施不可願且朝夕自愛調病病愈之後以諸人所陳交結之才多收古今書籍以交結之力閉戶力學

壯悔堂文集書卷之三

而篤行之如此一二十年亦不必不侶太保卽不然太保亦必含笑於九原決不以公子甘爲一介之士遂以爲不克侶之也某惶恐再拜

悉事人情文筆之妙不必言

靜子

與吳駿公書

十月朔日城再拜致書駿公學士閣下城兄舊不材年垂四十無所表見然辱學士交遊之末者自甲戌以來今且二十年矣是時學士方少年爲天子貴近臣文章德器傾動天下議者謂旦夕入相屈指曾幾何時而學士乃披裘杖藜棲遲海濱歌彼黍之油油人生遭際信可悲也然學士身隱而道彌彰城之美學士之披裘杖藜也過於坐玉堂秉鈞軸遠甚近者見江南重

元

卷之三

臣推轂學士首以姓名登之啓事此自童蒙求我必非本願學士必素審無俟鄙言然而學士之出處將自此分天下後世之觀望學士者亦自此分矣竊以爲達權救民有志匡濟之士或不須盡守硜硜獨學士之自處不可出者有三而當世之不必學士之出者有二試言之而學士垂聽之學士以弱冠未娶之年蒙昔日天子殊遇舉科名第一人其不可者一也後不數歲而仕至官詹學士身列大臣其不可者二也清

修重德不肯隨時俯仰爲海內賢士大夫領袖人生富貴榮華不過舉第一人官學士足矣學士少年皆已爲之今卽再出能過之乎奈何以轉眼浮雲喪我故吾其不可者三也昔狄梁公仕周耶律楚材仕元其一時君相皆推心腹而聽信之然後堅忍委蛇僅能建監兩人心迹亦良苦矣今不識當路之待學士果遂如兩入否其不必者一也卽使果如兩人矣而一時附風雲輔日月何患無人學士前代之遺老也譬有壯悔堂文集 卷之三 早東隣之寡見西家財業浩大孤弱顛連自負能爲之綜理願入其室而一試焉其後子仰母慈奴婢秉主威果如所操信則西家之健婦也顧其若東隣何其不必者二也凡此三不可二不亦亦甚平常了然易見然時一念之逢萌梅福不過如此不然則怨猿鶴而負松桂北山咫尺耳學士天下之哲人也豈不爭此一閒耶十年以還海內典刑淪沒殆盡萬代瞻仰僅有學士而昔時交遊能稍稍開口者亦惟城尚在故再

四脚踟卒不敢以不言萬一有持達節之說陳
於左右者願學士審其出處之義各有不同堅
塞兩耳幸甚域經患難後乃知昔日論著都無
所解今頗學爲古文并近日詩歌澄江返棹後
當圖尊酒一細論之

文之光華上薄星漢○余見學士復侯子書
尤慷慨自矢云必不負良友其後當事敦迫
辛堅卧不出斯人斯文并足千古矣

歸子

與陳定生論詩書

僕下里之鄙人也承下究以作詩之旨不知所
對及過陽羨聞足下論詩娓娓者三日固已悉
其源流正變不止獨步江東殆何李既往後天
下一人也僕雖不能窺作者藩籬試自以其意
妄爲足下道之夫詩壞於鍾譚今十人之中亦
有四五粗知之者不必更論故鍾譚之失者雲
間也雲間有病處則深中今日之膏肓卽一時
才調絕出之士亦尚未免蓋鍾譚所爲詩虫鳥
之吟雲間所爲詩裘馬之氣大段因自不同要
不能無過後惟陳黃門李舍人力自矯克歸於
大雅然而其流風終有存者三吳祖而述之輒
愛不能割故今日能知雲間之失則才調絕出
之士不患其不進矣先由北一一段折開來今夫日月與山水者天地
之色也光者日之色也陰者月之色也山之色
煙雲互變水之色澄碧相接若盡欲刊落而空
之舉目黯淡何古何今無怪乎風人才子不肯
服也顧今日所爲色大率皆借也借何可久天

然威施又何必借若其本不西而東不南而北
漫給雕飾徒自苦耳故必洗盡天下之情色而
後天下之真色始出此惟足下心知其意耳往
中州有吳伯裔惜未大成死矣王相國鐸材固
博厚氣固雄拔求之章法不能無間然近如賈
子固宗徐君作肅皆老宿卓有所見宋君華英
笑欲起照前映後惜足下未得盡見之也賈君
論詩欲清空一氣如話僕曰是固然更小氣象
不得間闕冕旒固屬氣象木鷗風蕪得意客與
容非氣象耶抑而至於太原真人之禍喪曲江
仙侶之彩筆任城家飲斗落參差玉門愁月疎
白霜皎皆能以其氣象爲氣象當其勝絕變動
難拘是惟心知其意者觸通而已今人往往好
爲樂府僕謂如郊廟饒歌諸題皆古人身在其
間鋪張賡歌今無其事而輒摹擬之卽工亦優
孟衣冠而已若不求盡倡其音節又何必其通
白香山嘗有新樂府得風人之旨不可以其生
盛唐後輕非之也今之作詩者言風言情是已

此道鍾譚亦嘗論之木偶何嘗不類人形其爲
木偶者無情故也風爲四始之一尤有關係然
竊以爲詩本經術不同詞曲其大者陳無外微
者道性情俯仰興會固自有風與情而必非世
之所謂風與情也五七古律諸體皆如黃鐘如
軒姚之琴用以根本萬事宜幽鳴滯不可輕叩
惟七言絕句初無盛晚唐人已分兩種太白龍
標自爲一種大曆而後劉夢得最爲擅場又自
一種當時皆翻入樂部韻調出入無嫌輕婉然
亦須灑氣寫其遠情可也其年郎君他日必不
朽僕入越後見吳詹事偉業曹太僕溶姜行人
垓葉處士襄宋學使徵與及西陵十子詩皆其
有源委幸致郎君就而講求之
論詩入微行文欲化 靜子

與槁木大師書

敬啓槁木大師座下僕聞人之所以自立者兩
種非有所建豎則有所捐捨而已建豎未必無
因苟其乘時取便即庸人稍謹慎者亦自可就
尺寸至於生平愛戀之處往往不惜以身名殉
之而不能割然則獨毅然捐捨者乃真英雄也
大師少年生世卿之家百萬一擲粉黛連行每
見賓客言楚黃梅公子者輒色動也未幾與僕
遇金陵則蕭然布素無豪俠態而大師意若有

止

卷之三

餘蓋是時已捨富貴矣然而馳騁南皮之隊廢
和東堂之詠大師復以文章走天下夫慧業之
與貪業雖稍不同其爲業一也至於聰明人夙
因愛戀則更過之大師去富貴而得文章謂之
得念則可謂之能捨則未也已而乃散煙墨焚
緇帙就官執金吾改形易影曾不驚顧此在他
人爲失其故吾在大師則勇於脫其夙因矣不
意甲申滄桑而後大師遂并其妻子鬚髮而一
切捨之也僕過江來問大師異口同聲皆舉大

師之故姓氏以告曰梅惠連建豎千秋名矣僕
竊歎生人一身十九戀富貴十一戀文章即不
然亦未有不戀其妻子與鬚髮者今種種皆盡
是大師且捐捨其身矣何有於名哉即僕之以
大師名大師者亦非大師也然而儒者之聖釋
氏之佛同一積累乃詰至極當其道成教立謂
之佛與聖其初堅忍精進之日皆英雄也不立
見捐捨力豈能爲英雄不預鍊英雄根器豈能
爲聖爲佛認見如此不識然否僕邇來世網已

莊解堂文集

卷之三

吳

深沉迷萬狀大師諸相皆空雖不復分別故人
尚異於衆生中一體開示覺悟耳臨風皈依不
宣

朝宗文通韓歐此種學問又是韓歐不能道
梅子

復孫若士書

向未立事君自江南校士邇遇僕坐未定卽訊足下李君曰孫子名可得而聞人不可得而見矣僕益竊歎足下非一時文士之比而真能以道自處也旣而讀所論著則見足下勤勤懇懇發明聖賢之旨務欲返天下之陷溺而又遠賒僕書曰某窮老且死然不敢忘斯文當勉立言以任之終其身筆鋒繩樞以謝知己強乎矯哉昔許平仲有云名教綱維不可一日不在天地

正學堂文集

卷之三

三

間苟在上者無人表章則在下之責也僕私以爲平仲見之雖明而守之則未篤矣誠知在下無異於在上卽蘇門教授詎不足以拯陷溺之人心而爭道學之絕續也而必待祭酒一官耶元之平仲爲祭酒時其所成就轉移未嘗遠過於蘇門則是反多此一祭酒也夫元世祖雄畧之主也許平仲大儒也而一時進退不過如此蓋遭逢若是其難也今人卽幸遇世祖而其後求或未必盡如平仲乃袞袞焉恐後以爲吾

行道也亦惑矣然則足下果立言以任之而甘於窮老且死殆平仲之幾幾乎未及者也咫尺鹿城未遂展晤歸棹而怏怏者彌月錫余徐公僕竊傾竚并祈爲謝相念不盡

引平仲立論是借意却極正當

恭士

正學堂文集

卷之三

三

答張爾公書

僕自患難歸里後舊遊零落久不通江左音問以爲足下已死去歲見所著書乃知尚在因狂喜呼賈三兄開宗告之開宗老且病感足下尚在喜極而泣僕又竊疑足下昔日寓黨人之禍備極苦毒必無全理或有假足下名而著書以營利者急取反覆觀焉則種種見解議論悉折中於聖賢非足下不能爲自是而私心真幸足下之真未死與萬一恐其已死而或有人假而

壯悔堂文集

卷之三

託之乃終日悻悻不休也前月抵江甯忽從陳定生處接足下手示定生又爲面述足下之道貌無減於昔且盡得其十年來出處生死之槩始信斯文之未喪而足下果幸而留也足下云幸在後死尚須僕匡其不逮共成不朽僕之鄙陋豈日能之然亦有故人之意不敢默然已者惟是以海內之所仰望於足下轉爲足下期勉足下今日已無負前日但求後日復不負今日耳今日海內之稱足下者曰正學也清流也昔

者奸人乘國蓋嘗欲錮而殺之足下能守死以無悔未幾故主採詢人望拔足下以禁近之官授之以講讀之任足下侃侃正論不同卽鼎移社墟猶間關存其初服不忍一旦委於草莽說者謂足下如此生平之事畢矣僕則以爲足下生平方託始於此何也足下道高名重苟一日未死則天下之仰望故人之期勉與夫足下所以自處皆未知其果能終焉與否而不可稍自寬假也譬之傀儡學技音節雖工面目非情必壯悔堂文集

卷之三

寫出張君交情而議論更不可磨

恭士

復倪玉純書

與知已別來十年而此生遭際慨當以慷乃有
出於契濶之外者竊念士君子夙夜終譽必有
所以自立而後夷險一致足下曩者左右婁東
寧犯清溪之不測蓋名義至重久不置禍福於
胸中矣持此念以處世且歷千劫而不變而况
此聚散浮沉之迹乎哉遠示郎君佳篇喜其英
軀承命勉爲一序自慙同陋雖欲有所發揮而
不能不過以少時聞之文正公者還爲郎君述
之冀郎君留心黽勉異日得以繼文正公之家
學而僕亦不至殞越其師說借以廣其傳則至
願也拜復依依不盡

尺幅中具有見解頗不寂寥

恭士

壯悔堂文集卷之四

同里

賈開宗靜子

選

徐隣唐

徐隣唐

徐作肅恭士

宋

舉牧仲

奏議

代司徒公論流賊形勢奏

臣謹昧死上奏寇患積十五年而始大非可一

朝圖也由秦入豫一敗汪喬年再敗傅宗龍而

天下之強兵勁馬皆為賊有矣賊騎數萬為一

隊飄忽若風雨過無堅城因資於我官軍但尾

壯悔堂文集

奏議

卷之四

一

其幾問所向而已卒或及之馬陷士餓甚且以

賜劍之靈不能使開城之縣令出門一見連一

束芻饋一斛米此其所以往往挫衄也今賊氣

告迫全豫已陷其七八藩王待救望若雲霓然

自他日言之中原為天下腹心自今日言之乃

糜破之區耳自藩王言之維城固重自天下安

危大計言之則維城當不急於社稷世為諸道

統帥身任平賊豈可言舍汴不援但臣所統七

鎮合之不過數萬人而四鎮尚未到也馮河而

此葉清華配補

前無論輕身非長子之義亦使羣賊望之測其

虛實玩易朝廷矣賊中情形臣已具悉大約錢

則聚掠飽則棄餘已因之糧不知積蓄地生之

利未開屯種且多久通思歸中宵雨泣以衆積

強難驟攫其鋒然其強易散可持久而定也賊

中聯營各部如曹操一支窺李自成有兼并之

心陰相猜貳而袁時中有步卒二三十萬則已

去而顯與為敵矣惟是彼之情實難以猝與我

通而當事秉鉞者避款賊之嫌又皆畏首畏尾

壯悔堂文集

奏議

卷之四

二

不肯一擔當利害為國遠圖以致機會之來觀

面坐失此即朝更一撫夕易一督而省臺言兵

事之臣章疏日數十上豈能錙銖有濟哉誠能

省朝中議論行間外軍法不顧責備不徇人情

厚集兵加養威蓄重伺隙設間潰其腹心賊必

變自內生惟在任事之人肯捐去妙迹一捨其

身與否而陛下聽之斷與不斷任之力與不力

耳故為今詩苟有確見莫若以河南委之令保

定撫臣楊進山東撫在王承吉北護河鳳陽撫

此葉清華配補

臣馬士英淮徐撫臣史可法南邊賊衝而以秦
陝督臣孫傳庭塞潼關臣李左良王固荆襄凡
此所以斷其奔佚之路也臣鄉自賊中來者皆
言百萬今且以人五十萬馬十萬計人食日一
斗合馬食日三升合則是所至之處日得八千
鐘粟也中原赤地千里望絕人煙自茲以往安
所致此哉目今兵強無過良王良王為臣舊部
每對臣使涕泣有報効之心三過臣里皆向臣
老父叩頭不敢擾及草木私恩如此豈肯負國
但從前督轡駕馭乖方兼之兵多食寡高遣為
難使臣得應其軍官論將士畏以忠義用
三楚之兵資全鎮之兵臣不曉受支關兩陛下
亦不必下軍令狀責取戰期機有可乘即東出
與孫傳庭合擊賊腹背無援賊實無所不相磨
滅必自降散舍此不圖而欲急已潰之中原失
可扼之險要蛇下中勢恐其禍有不止於遷王
者此社稷之憂而非小小成敗之計也臣謹悚
息待命之至

奏入朝廷不許不三年而燕京之社稷墟矣
吾謀適不用耳莫遂謂秦無人也讀之三歎
靜子

代司徒公屯田奏議

臣竊見從來屯田之利人人言之而其大槩不
過兩語在腹裏則屯田少而隱占多宜用清察
在塞下則屯地多而耕種少宜用開墾清察法
行而所以實軍伍者即寓于其間開墾法行而
所以限戎馬者即寓于其中所患者惟無實心
任事之臣徂因循更紘之為擾獵捷效則
厭蓄艾之為遲坐使自然之利棄而不收其可
惜也臣謹廣詢衆論參攷故實諸如官屯軍屯

東漢書卷之六 奏議 卷之四 五

兵屯民屯商屯之以人異也腹屯邊屯之以地
異也條分縷析期于明便可行笑計見效別著
墾種事宜而以攷課信任二議終之誠見天下
有治人原無治法費力行不貴多言伊惟陛下
以重農貴粟為本圖以知人善任為綱領專責
以課其成久任以收其後予以復 高皇帝嘗
養軍百萬不費民間一粒之盛庶有期乎雖然
臣所言者不過其大畧而已各省直事體未必
盡同或宜于昔而不宜于今或便于此而不便

于彼自非身在地方不能悉其曲折仍宜令各
該撫按督率所司悉心規畫酌量昔勢遵依上
奉聖旨所云塞下作何營護腹裏作何綜理條
議詳確約期具報以憑覆覈上請庶制以斟酌
而盡利法以潤澤而宜民其有裨于國計軍儲
非淺鮮也某月日臣某謹奏

一議官屯今天下屯政之壞弊如鼠穴而官屯
與居一焉攷永樂嘗著令每一都司另撥旗軍
十一名耕種號曰樣田蓋欲據所收籽粒多寡
以辨別歲之豐凶地之肥瘠軍之勤惰初未嘗

以田與官也始于隆慶二年將宣大屯田開墾
成業者每十頃內給軍官五十畝為養廉之資
而又令各自行開種若副參不及一百頃守備
以平不及一十頃者參將以防其立法初意豈
不期將領偏裨等官督率家丁克勤稼穡為士
卒倡哉今則強役部曲占收籽粒至如宣大山
西諸鎮關師肆其鯨吞矣延寧甘肅諸處亦
恣其蠶食矣肥區歸已而其瘠地亦資之軍

士久則竄易厥籍而糧餉不均糧不均於是不
得不寄甲于勢要而欺隱遂多欺隱多於是不
得不難稅於佃軍而包賠愈苦流病相仍非朝
伊夕入鮮樂耕野多曠上職此之繇倡宜稍爲
限制總兵受田不得過二百畝副總兵不得過
一百五十畝叅遊都司不得過一百畝坐營守
備不得過七十畝俱督率家丁耕種有多餘者
卽令退歸屯田數內給軍領種照則徵科敢於
限外多占一畝擅撥一軍者卽以贓論而又通

刑部堂文集

奏議

卷之四

二

計所部墾田多寡以爲殿最果勞來有方副叅
至一百頃遊擊都司至五十頃坐營守備至三
十頃千把等官至十頃者聽撫按覈實舉薦叙
陞若副叅不及二十頃遊擊都司不及十頃坐
營守備以下不及五頃者聽該道報部題叅降
罰敢有冒無作有欺荒爲熟該管轄者并治之
令出惟行國初原額庶可復乎昔唐郭子儀以
河中軍苦乏食乃自耕百畝將佐以是爲差於
是士卒皆不勸而耕其後京西營田節度使劉

昌亦身率士墾田三年而軍有美食兵械銳新
邊陲安寧此皆官屯龜鑑也伏候聖裁

一議軍屯軍政之壞蓋未有如今日者也籍無
用之人盡有限之粟而軍之外又別賦民以養
兵是昔也兵與農爲二而今也兵與農與軍爲
三矣宋臣朱熹有言恤民之實在省賦省賦之
實在治軍軍誠練則得一軍可省一兵省一兵
便贏一餉推而上之所贏常不貲而或者曰軍
不可調也戍守不可使虛也臣愚將有以待之

刑部堂文集

卷之四

八

皇帝初定制每衛所軍士以三分守城七分屯
種又有二八四六一九中半等例皆以田土肥
瘠地方衝綏爲差蓋卽先王寓兵于農之意無
事爲農有事卽軍也而今頂種者無以異于民
佃享軍之產無軍之差夫其意已甚至軍田民
種則不獨軍無其軍且幾屯無其屯夫典賣之
禁故在也還官之條非不炳如也然相沿已久
將槩引律例以從事彼不闕然羣肆阻撓則計
出十言名詭託已耳所宜行令各衛所無論軍

民舍餘雜色但種軍屯卽應軍役其一軍之屯而衆佃者則朋出一丁務于農隙之肯分番操練遇警則城操之軍不妨調發而卽以屯軍代之戍守合天下屯田共六十四萬三千餘頃各處屯軍受田則例多寡不一折中推算當不下一百二十餘萬人有此一百二十餘萬人之數以備戍守便可于城操軍內挑出一百二十餘萬人之數以資調發不煩召募不增餽餉而緩急舉有所恃誠國家無形之鉅利也其或民籍壯悍堂文集 奏議 卷之四 元

人戶慮一受用則世世受軍之累許其吐出還官別召軍餘頂種從此盜典盜賣之弊亦將不禁而自絕卽爲社蠹計法莫逾此伏候聖裁議兵屯夫天下無益田而有增兵有廢歲而無損餉度支仰屋之憂寧有已時乎聞之兵法屯田一石可當轉輸二十石皇帝從宋訥策守邊士卒備譏察外悉令屯田每將以東西五百里爲制耕作以時訓練有法遇敵則戰寇去則耕景泰時邊臣言沿邊開營城堡附近空閑地

土甚多將見在開營軍士二分守關一分屯種見在守城軍士一分操練一分屯種近唯天津海防營令兩兵共一屯一主耕一主戰深爲得法今宜卽依其例籍並邊空閑地之可開墾者於新舊尺籍內始以一分負耒耜而留其二分任防守如有客兵者則以客兵防守以主兵耕其無客兵者則挑其精壯防守以不任戰者耕每三人共一屯每一屯定三十畝其所收穫則均分焉農具牛種力不贍者量許于餉銀節贖壯悍堂文集 奏議 卷之四 元

羊祜鎮淮襄城戍遷之半墾田八百餘頃當其始至軍無百日之糧及至季歲乃有十年之積已事明効照耀簡編豈有可行于古而不可行于今者哉伏候聖裁

一議民屯屯田因兵屯得名則固以兵耕若夫募民耕之而分里築室以居其人如晁錯疏所謂相徙以實塞下者則以營名其實用民而非兵也乃又有民自墾無不繇官募而第爲之畫其疆井之數量行起科者謂之民屯宋制兵屯

莊惟堂文集 奏議 卷之四 二

以使臣王之民屯以縣令王之而魏了翁疏則曰墾田之效多丁屯田其言良爲有見今江南杆抽幾空而秦晉荆豫之間草盜迭起民生無聊將盡化未耜爲刀劍則驅浮惰招流移誠不可緩昔漢人有徙遠方民以實廣虛之法而今恐不可行亦惟善用其勞來之術而已一日因之一曰利導之一曰整齊之何謂四大荒大廢蘇軾所謂民輕離其鄉之時也以臣所聞見畿輔棄田甚廣津涿水利無窮卽並邊膏腴亦不

之又如淮、鳳、之區齊魯之域阡陌相連灌莽彌望山陝等處游經兵燹散而四方州里蕭條田土無廢謂宜令所在各有司加意招徠鼓舞開墾係額內者俟三年後起科係額外者俟五年後起科起科分數雖上中之別止照下田則例其農器牛具亦當量行借動使其興作秋成之後漸續補還王者以天下爲家苟有清于吾民自不宜愛惜小費況費于帑而終償于田乎如是則人可無流移而野可無曠土是之謂四何

莊惟堂文集 奏議 卷之四 二

謂利導倣晁錯拜爵實塞下之意虞集軍官授富民之法試下令曰能闢五百畝者予秩視百戶能闢千畝者予秩視千戶能闢二千畝者予秩視指揮僉事等而上之進秩有差俟三年後以上中下則勻笑照中則起科其在邊地者仍照下則起科果歲入如額卽給與初下令肯職銜仍于籽粒中撥三分之一爲月俸其四百畝以下者量授散官職銜三百畝以下者給告身冠帶二百畝以下至一百畝引進而獎勵之若

是而民之褻裳赴者什二三矣。韓止既定必請其占籍長子孫得以三途進。又疑土著之民不能相容。則另立屯額。若是而民之赴者什七八矣。或謂若輩非武功何得界武功。爵然田墾而食足食足而兵強。又何武功之足美。或又謂進取格立無乃爲冒籍開徑則第令若輩來時卽登其所携與俱者于版更無虞。滋他族也是之謂利導。何謂整齊。令邊腹有司盡報其所部荒田可開墾者。兩直報各道各省報布政司近限

杜樞堂文集

奏議

卷之四

三

三月內遠限六月內悉行報部。一面督率開荒如隱匿不報聽撫按察奏以不職論而獨慮成熱之後或有妄認世產希圖吞霸者則惟當開墾昔卽與改名爲屯給帖承掌俾此疆彼界瞭然難混雖有新軍補役逃戶復業亦不許告爭有勢家豪右恃強橫占者必罪不宥是之謂整齊雖然勸民要矣勸吏亟焉請令凡考課州邑之長必以境內開荒之饒乏爲殿最雖他政當併論而農事在所先漢臣王祭所謂農益地關

則吏受大賞農損地狹則吏受重罰者尤今日所宜講求也伏候聖裁

一議商屯甚哉制之不可輕變也國初計邊地寒又受兵且耕且守力最艱乃通商中鹽以維之令賈人輸粟邊郡官給之引赴鹽所領鹽轉鬻永樂崇禎二斗五升得鹽一引商贏利過當爭趨之各自設保伍募衆督耕於是邊地盡墾而塞下粟充溢露積饒于中土屯軍亦因其保障守望相助得力耕當此之時各鎮軍餉就其

杜樞堂文集

奏議

卷之四

四

地足給無有所謂太倉年例者問左日止供外亦無他財賦蒸庶樂業其後邊事漸興建弘治中鄧臣葉洪見謂賈人輸薄而獲厚利遂令納銀運司解部部分輸各邊於是商各散歸逐本業管費而故所墾田盡廢邊地米價頓湧一遇災荒卽積錢如山金如土而米無從出鹽課不足給食又塞上尺籍日增至傾左藏以贍之加之遼事起民賦愈重而東南力竭矣雖至嘉靖中仍復初制然不過僉報土著及積贖之人

多易糧粟與官攬兌支無復懇土市以私鹽
行官引壅滯倉鈔莫售勢不得不減價投於國
戶資空本壓商皆逃徙每司北併鹽糧如臨
湯火不啻議者徒見邊方米豆不足沒思將餘
課之銀悉改納邊方本色鹽商聞之無不疾首
蹙額審行之不至于無商不止也今欲籌所以
恤之則亦不外開種屯而已請于沿邊拋荒
田地察有可墾者年貢量給百畝或五十畝填
與印信照帖永不起科及米豆赴倉之日則惟

壯懷堂文集

奏議

卷之四

三

酌時估以定斛量傷官額而革常例庶耗費既
少而輸納無難也然其要者則尤自疏通鹽法
始必禁私販於產鹽之地以清其源銷壅引於
行鹽之區以導其流而又嚴掣挈杜浮課以制
其旁溢若是則引鹽無滯引鹽無滯則倉鈔速
售彼執母權子之徒有不負耒耜而樂趨塞下
者耶伏候聖裁

一議腹屯今之言修屯法者不過清舊墾新二
事而已而墾之課額益不如清之計功實百人

于此本有之產荒落不治徒墾于坎莽之鄉
而虛興不必然之獲未敢以爲得也方今屯法
大壞極矣大抵膏腴之區貧併于巨室隣界之
處侵奪于豪強雖然衛所未改南陽之產猶可
問也後湖具有故府之籍尚可稽也請令各省
直督屯按臣道臣細將魚鱗老冊與屯田戶籍
逐一勘對項畝條段務取相符四至坐落毋容
矇濶備開見在耕種者若干有無包占欺隱荒
蕪坍塌者若干應否召佃開墾卽以大明會典

壯懷堂文集

奏議

卷之四

三

所載萬曆六年見額爲則除節年續報開墾數
目自應增入額內畫一督徵其縮于原額者務
要詳察起自何年因何緣故近省近鎮限十月
遠省遠鎮限十二月報部稽察各道能清出隱
地百頃以上糧三百石以上者臣部特薦紀錄
進而得地三百頃以上糧千石以上者特薦超
擢如全無清數及造冊不明或違悞限期者糾
叅罰治益必地糧之實額了然而後動墾之事
乃可措手然則丈量之法雖不必盡施而亦不

必不施也彼頃畝如舊者可勿問矣有如按冊
則有而問田則無非履畝而丈之何以瞞侵牟
說計之奸卽其差額覈其畝數大不過一都一
里小不出一圖一區豈遂騷擾乎卽造報之冊
見謂無用而實未嘗無用彼滄桑變易者固嘗
亟銘若夫弱被強吞而不敢言肥以瘠易而莫
能想非書版而藏之何以存溝塗封植之券管
收必明除在必斷三年朝覲則令投冊于臣部
十年改造仍當冊報于後湖豈日繁文乎繇是
壯悔堂文集 奏議 卷之四 二
出隱占之浮者而均之據原額之湮者而種之
按冊索屯按屯索丁卽爲軍屯卽爲餉從前
私買私賣爲侵爲匿之罪咸與赦除蕩然與人
更始萬無不濟乃其因革之宜則猶有當議者
國初開設屯田派坐甚遠幅輳甚廣名隸本衛
地落他處有相去數百里者有相去數千里者
軍產民產相錯其間屯伍之官不能照管大半
爲豪民所占蓋地廣而賦輕故豪民喜得入乎
卽報新墾於州縣而屯地自此消滅矣除同省

而越府者清察猶易如江西之南昌衛饒州撫
州等所屯田坐落南直地方河南潁川衛潁川
所亦然似此類者恐難勝數鞭長不及漁侵莫
問謂宜比照嘉靖四十年將山西寧山衛平定
州屯田歸併比直屯院管理事例通行改正徙
軍就屯如不願往卽招本處軍人頂種徵其籽
粒轉解原管衛所以充官軍俸糧尤爲妥便此
利在改併者也祖制每軍田一分賦正糧十二
石給本軍自贍另賦餘糧十二石以給在衛城
莊撫堂文集 奏議 卷之四 八
操者洪熙元年詔減徵餘糧六石至正統二年
復詔各屯正糧卽令屯軍收自贍毋輸倉雖曰
便之其實害之家多十斛麥卽良民不免妄費
官無稽考糧無安頓焉能留積以待八月耶此
壞屯廢法之病根也況錄前之制屯軍領糧于
官猶自知其爲軍錄後之制屯軍未嘗從官領
糧且自忘其爲軍矣今卽未能復正餘二十四
石之舊謂宜徵其正糧十二石貯之屯倉俟本
軍月取給焉而其餘糧六石自非大荒之年不

得希恩改折單備給軍之用亦不得輕許兌支此利在督此者也抑臣竊有慮焉法弊于積習人樂于因循得無怨清釐爲紛更而詆整頓爲操切乎要在以復祖宗舊制爲主則不爲大力所撓不爲浮議所惑而尤貴任用曉暢實務之人以調劑其間天下事無不可爲也何但屯田哉伏候聖裁

一議邊屯邊塞屯卒必先無授田之害然後收耕田之利漢趙充國留金城屯田擊先零宣帝

壯懷堂文集

奏議

卷之四

五

問以屯人不擾將何以止之充國今日北邊自燉煌至遼東乘塞列障有屯卒數千人羌數大衆攻之不能害今留步上萬人屯田地勢平易多高山遠望之便部曲相保爲塹壘木樵較聯不絕便兵營防固具烽火幸通勢及并力以逸待勞其之利者也往其策而屯田成先零遂困唐韓重華田代北募人爲十五屯每屯百三十人人耕百畝就高爲堡東起振武西逾雲州極於中受降城凡六百餘里列柵二十墾田三

千八百餘里歲收粟二十萬石今誠令沿邊於屯田多處因其地勢立爲營堡相其要害廣置柵柵內得以安居而外難於猝攻又且彼此相望聲息相聞敵豈遂能爲吾患哉若夫遠外之地苦于勢低則當謹烽火以料之布遊兵以防之遇有抄掠入境未至之先豫知倣備勢可敵則出拒不可敵則欲避百無一失唯是邊政久弛墩軍斥候多虛應故事不肯武弁或賣閒或私役或扣其月糧致尺籍半虛逃亡相繼敵入壯懷堂文集 奏議 卷之四 三

而烽不舉卽有收穫徒資盜糧此耕種之所以寥寥也宜責成督撫各道將見在墩軍嚴加點察補缺額易老弱墩必五軍軍必有家臺之圯者修之井之涸者濬之墩旁閒地任其開墾不許營弁私科敢有賣閒占役以老幼濫充及扣剋月糧者察訪糾參重寘之法庶斥堠明而人心有所恃以無恐至耕耘收穫之時除老幼守城外凡有丁壯俱令盡室而行以擁衛之當不憂戎馬之侵軼也而於是乎微蒙估之壘上爲

山前榆爲塞做吳璘之地網。地鑿渠深丈餘。連環不斷。激李光則之爲閘。濟井列畦隴。築短垣行見我。瘠我理地自爲險。我鼓我鐸家自爲衛矣。伏候聖裁。

一議鑿種欲使地無遺利人無留力其道有三。一曰用水。一曰因土。一曰依牛。用水之法或濟川或疏渠或引流或設壩或建閘或設擺其現制在故輔臣徐光啓疏中。最爲詳備。今北方之地皆可作水田。所以廢置不講者。以水田自犁。

北極堂文集

卷之四

三

地浸種插秧。蘇草灌水無一息得暇。逸而北人習懶故也。徐貞明規度水利。遼海以東青徐以南鑿鑿有據。大抵京東諸地山之湧泉溢地而出河之支流等地而平。未有如東南轉水於數仞之深者。海勢趨於東南。歲多潮患。自遼海以及青徐有海之饒而鮮潮之患至。若中州之地或低窪則圍田之法可行也。山東之地半瓦礫則叠耕之制可議也。瀕海之地多滴鹹則支河之說可採也。濱湖之地每沮洳則芍陂之跡可

求也。又如高燥之區平行之地天澤不時非旱則澇。其效在廣開溝洫先度量地勢高下。跟尋水所歸宿。濬河以受溝之水。開溝渠以受橫潦之水。官道之衝設大堤以通行。偏小之村亦增

復古

和。治。水。之。法。不。過。如。是。不。非。固。而。

早薄以成徑。惟欲於道旁多開溝洫使接續通流水。縣地中行不占平地。又度低窪處所多開塘堰以蓄蓄之。夏潦之時水歸溝塘亢旱之日可資灌溉。高者麥低者稻。平行地多則木棉桑果皆得隨宜樹藝。土成膏腴地無遺利。遍野皆

北極堂文集

奏議

卷之四

三

衣食之資矣。先臣左光斗嘗曰沿河地方除運河不敢開洩外其餘源流諸委足不一水陂塘堤堰是不一用。或故跡之可尋或方便之可設工力多者官爲量給費少者聽民自舉。惟無水之處不必鑿空尋訪。以爲鹿無虞之戒。斯言深得其要矣。何謂因土周禮職方穀宜三種大。中祥符時取古城稻三萬斛分給居民擇田高仰者蒔之內出播種法不擇地可生今制給軍國皆以稻而永樂三年定歲收之田籽粒則例

每粟穀糜黍大麥蕎麥各二石稻穀葛林各二石五斗絲梓各三石並各准米一石小麥芝蔬與米同宜令凡新墾之用無論梁菰蕒芋蔬菜之類審從其便惟意所適不必規規種稻又如遼方之地果樹不毛即種樹亦可蘇秦有言燕雖不仙作而粟粟之實富于民程蘇植雜木數萬日異皆樓櫓具可不出于民皆此意也總期于盡地力而已何謂養牛致洪武時給天下屯牛共二十五萬五千六百六十四隻仍歲課

龍傳堂文集

奏議

卷之四

三

學生數目登報其後法制稍弛弘治中猶存八萬二千九百四十三隻至萬曆中據報冊猶存屯牛五萬三千四百六十四隻今即不課其孳生而原額豈可盡歸烏有即不能復洪武時之舊而萬曆時所存者尚可按籍求也除遼東都司五千一百三十一隻今則無矣山東都司三百九十五隻都司四千三百九十二隻福建行都司二百五十六隻廣西都司四百五十九隻貴州都司二千一百五十六隻四川都

司四千七百七十一隻四川行都司入千五百六十六隻湖廣都司五千四百三十一隻湖廣行都司一千六百三隻山西行都司一千一百九隻萬全都司一千三百八十五隻陝西都司寧夏左屯等衛共一萬四千六百九十隻直隸寧山衛二千八百二十一隻直隸興州後屯衛八十九隻計共四萬八千三十三隻宜下令曰若輩在國初領官牛耕屯原令隨田交割至今孳生不貲可以裕耒耜之用矣姑依近額悉還

龍傳堂文集

奏議

卷之四

三

出還官或錄其牛或徵其價聽界內有新開墾而力不能備牛者咸取給焉其依散之法依宋制每一夫給牛一頭治田五十畝約可墾新田二百四十餘畝俟田已成熟遠限五年近限三年悉令還官又足以給後之新墾者孳生免其造報如有倒死盜賣嚴併追補不煩設處不勞簡括誠救時便計也三策畢舉人力既修地利可盡矣伏候聖裁

一議考課祖制屯田衛以指揮提督所以千戶

提督都司不嘗委官督察法本甚詳而武弁自
好者少或攬納而恣其狠貪或侵欺而詭于風
耗於是議者思革屯弁而屬之有司然非制也
按嘉靖年間曾選有司佐貳官一員協同教吏
矣今行之萬曆年間曾嚴衛所管屯官考成之
罰而波及于掌印官矣今行之而近例督屯副
使僉事等官及府之管糧通判與州縣正官之
帶徵屯糧者各照民賦例綜覈完欠一體參罰
功令具在幾可謂無遺法矣唯在實實舉行耳

將獻堂文集

奏議

卷之四

三

昔劉定之有言優游城市而足不歷溝塍憑信
簿書而日不按廩實此兩者屯官之大戒也臣
請更于常罰外武職如有敢行勒占文職如有
市恩兌折者所在按臣必以自簡聞奏論治不
少貸庶屯弊可頓振乎雖然此爲舊屯言也邊
方腹裏皆將以新增望之宜令管屯監司嚴督
所部造報荒地若干陸續墾闢期于盡完年終
將各省直較勘簡其最多最少者三五人分別
陞降以示勸懲果監司督率有方所屬皆無荒

土不妨破格起遷昔宋隆興中臣僚言管屯十
說而以擇官必審賞罰必行始終之擇官如魏
武之用任峻司馬懿之用鄧艾是也賞罰如晉
元帝督課長吏以穀多少爲殿最齊武成詔管
屯田歲終課所入以論褒貶是也重其事權寬
其歲月釋然挈擔而歸之若使謀其家計然者
而尚有弊不釐有利不舉則是披裘握水不自
知其寒燠也當時太祖高皇帝初命諸將屯
龍江惟康茂才所收充初降璽書獎諭誅侵暴

上卷卷之四

奏議

卷之四

三

屯卒百戶吳信至今邊徼屯種五月報屯養七
月報結實十月報籽粒文皇帝亦謂少獵田
家見所食粗糲每親勞之管屯官何不如是以
開天創業之君而依依南畝眷眷西成是以歲
無不登農無不獲願陛下留意伏候聖裁
一議信任前代之屯止數郡而治本朝屯徧天
下而反弊前代于軍政外各立一官如都尉中
郎之類而治本朝即統之于軍衛而提督之以
監司最簡易亦最詳覈而反弊此其故何也前

代人能舉其法故治近代人多效其法故弊夫
御馬者必執轡挈裘者必振領督屯監司所謂
轡與領也議者不察以爲事權不重位望不尊
則必不能下令于流水之源而救弊于積窳之
後然備考累朝以來或遣部院大臣或遣風力
御史領敕察屯領銀種屯計供給科求之費何
啻百千求耕獲蓄畬之功竟無尺寸則無如專
責之督屯監司較爲便易而自非究心疆理極
意勾稽不憚繁勞罔克勝任請令吏部于凡督
屯缺出務要訪舉通知農務水利及素以富國
足民爲心者方與推用俟著有勞績勿拘常調
卽待以不次之擢若夫典革所宜身任其間籌
之必確尤須假以事權聽其規畫所見果是卽
與題覆施行不以徂故常而阻不以搖浮言而
格所謂法貴因舊制宜無取刻舟膠柱也乃臣
更有所慮者欲行法不得不任怨既任怨不能
不任謗今夫屯田之失額也弊誣侵占與隱匿
二端耳而爲此者有大力焉權貴也豪右也武

弁也稷峰社鼠莫敢誰何吮血剝牙習爲故智
稍懸三尺法以繩之伺隙中傷蜚語潛構禍且
不測是必廟堂之上毋聽焚銷骨骸任事之心
毋驟樹數移開諉卸之路將見農狎其野積豐
于垣許下湮中之利可旦夕幾也不然誰肯引
以爲已任者哉伏候聖裁

言之剴切仰宣公文之峭潔臣家令靜子
諳練條達期於可行朝宗經濟文如此恭士

壯悔堂文集 奏議 卷之四 三

上三省督府勦撫議督府張公存仁

某以草野書生荷明公引見督府賜之曲坐又數頒手札詢問今日彌盜方畧某誠感遇慙恩雖自審碌碌不容無言竊惟今日之盜蔓延雖衆實無遠圖不過求食救死亡其刃守令激成之而後乃更養之必察知其致盜之原然後可以收彌盜之效不盡關係用兵此須明公經緯東土畢入覲天子痛陳利弊一洗酷貪庸憤之習得數十賢守令天下太平可坐致某今日

壯懷堂文集

卷之四 記

書生徒言無益語云救病者急則治其標謹擇方畧機宜切於施行者條具爲勦議五撫議五皇恐塞命伏候裁斷

勦議一日逼巢穴竊見草竊偷生敢抗戎索實以去軍府所屯遠者三百里近者亦百餘里邇日兵出鳥飛煙散歸又復蠅聚我常爲客盜常爲主不若移一旅之師寬其期會互爲犄角使通處傍近村落隨宜撲剪聯樓夾寨漸次燒除兎窟既破烏合焉棲庶幾十乘不煩多駕

一日絕徑路竊見盜賊所居非有城池不過深

林密箐暫爲掩蔽生聚不多資蓄易置金帛器械之用牛馬之力皆掠取周道以延歲月誠於四旁分布勁卒扼其出沒防其窺伺譬若押虎釜魚咆哮游泳旬日可斃牽制小醜豈必臨戎一日因糧食竊見歲在夏秋麥菽滿野巢窟之下固皆賊田卽東阡西陌稍附近者不爲賊掠取亦爲脅送徒飽豺虎何益蓋藏莫若及時興師聲援土著俾所在隨地收穫七給民用三濟

壯懷堂文集

卷之四 記

軍需羣盜就哺無術豈能持久將見梟雄日漸消沮

一日鼓敵仇竊見伏莽嘯聚黨與雖多不甘汚染亦自有人賊皆係累其妻子蕩析其生產今吾遺民團結遠徙衣草葉食木屑恨不一同誠得一賢將率師助其夙憤諸所得賊之財物仍令自取則斬木持鋤皆爲選旅旣開地利又省召募計一處可得步卒盈萬

一日散黨援竊見兵制罔赦志在渠魁厥窮則

搜良非得已。今茲饑寒之徒。美兵潢池軍威。臨情見勢窮。不無內變。莫若設疑以間之用。間以離之。使羣盜自生猜貳。互相屠滅。既示必死之期。又開可生之路。利害懸殊。事捷功倍。宣奉還靈。邀全者多。

撫議一日。因根本竊見諸來降者。散處肘腋。蔡入吾人。推心甚善。然聞之指大於臂。則臂不能運。指操縱之勢。自古而然。莫若厚集牙兵。以資彈壓。無使威重轉見輕玩。庶彼鳴音。永變鷹服。

壯悔堂文集

卷之四

三

不存未雨早防可省後圖

一日昭激勸竊見降人立功本求官位。虛數小慈有文無實。雄心久鬱。必至變生。班定遠嘗言塞外戍卒。本非孝子順孫。何況於曾為盜渠。莫若於此中擇一二人。可用者量補軍職。莫彼美榮。目前望遷。事後從此歸化。心堅風靡者。廣一日簡精銳。竊見首領既降。部曲漸多。聚遣恐鼓舞非宜。全留又難。粟難給。莫若十中選一千中選百。擇其超乘。按名補伍。仍付彼渠帥自為。

部界其餘悉為安置。歸農府帳可壯軍實。彼亦不憂枵腹。

一日信號令竊見刀筆之吏。不暇遠慮。降人歸鄉。或挾其警。或利其有。今日赦條不能行於郡縣者。比比皆是。愚誠畏死不免。求生莫若嚴告且戒。間行破格大法。一二事示吾徒。木杜彼傷弓。庶使毛織。櫛疏之徒。不以文法撓我撫局。

一日責屯種竊見降人無以生生。雖與其進難保。其往昔以招降為盜賊退步。今日又以盜賊。

壯悔堂文集

卷之四

三

為招降通數。展轉滋蔓。底定無期。今却曹漢莘范之間。無主遺田。盈千滿萬。莫若責彼邑長。簿紀姓名。勸耕桑。捐稅役。量口授畝。仍以墾田之多寡定邑上下。則是人無餘時。官無棄地。無餘時則亂心息。無棄地則生業饒。庶幾賣劍之後。不滋隱憂。

以上勦撫十議。自相表裏。亦有後先。勦能使見為盜者必亡。不能使未為盜者不起。撫可行於羣盜未撫之時。不可恃於羣盜既撫之徒。殺運。

不除水火可憫明公任兼將相所願深圖本計

救濟蒼生某且得歌詩以述太平幸甚

十議皆合時宜而文之格調又似西京 恭士

龍溪堂文集

卷之四 三

萬孝子割股議

有言萬孝子割股愈其母之疾者或曰當事是宜請於上旌而表之或曰否著在會典余竊以人子至性純篤世不常有顧格子禁例無以推駁極論裨益仁孝之化不可以不辨按全州孝子唐儼割其右臂肉啖父事與此相類姚太史涑論曰昔鄆人之對謂毀傷滅絕蹟政妨義不可以訓後世守其說不變夫身體髮膚不敢毀傷聖人之訓也但月非其所雖拔一毛猶懼其

龍溪堂文集

卷之四 四

毀且傷也如出於至誠發以忠孝則并醫可塗腰領可斷而況於一股哉昌黎又謂陷于危難固其忠孝以是而死者然後旌勸加焉夫所謂危難者禦患復讐類也今視其親之疾痛瘡痍而大不忍之心生焉其情獨可緩哉無可奈何而甘於自殘以求其親之生聽其所為可也且自殘其肌膚其勢濱於死矣是必篤於義烈而非世之詭與激者所能襲也以斯人而使固於忠孝彼焉有不蹈者乎今不惟其情而且以毀

傷爲非則韓子持論之過也昔者周公以身祈武王也兄弟君臣之間苟可以延武王之命死且爲之而况其餘乎信如周公之願而死也則戒絕其身不特毀傷之慘而已將以絕戒之罪加之乎吾固知其不可也推此義也則人子如唐生者君子所許也孰謂其過哉嗚乎姚氏之論至矣孝於其親古之所謂至德要道也世衰道微上之人不復激揚名教而天下誦詩讀書之人其平居既不能致身力養少少自盡及一

壯悔堂文集

卷之四

三

旦危險有事則又雍容游漠引文飾義視等行路類借口以爲中道宜爾賢者不敢過其間有奮不一顧以赴其君親者反以爲詭且激切切然議之天顯烏自而惇民莫烏自而正哉夫世之切切然議之者以其詭且激也今有人於此誠能詭且激焉而勉爲一善其明日又復爲之又明日又復爲之漬漸而爲之不止則是終日而且皆善也終日而皆善又安問其詭與不詭激與不激哉抑忘其身以事君竭其力以事親

而必謂之詭且激則世之誦詩讀書之人所謂誠然而安然者果何爲也嗚乎余是以賢萬孝子或曰孝子父爲宿將行兵有紀律不妄殺掠是其全人父子骨肉者多矣固宜有令嗣然則孝子生長戎馬之間未嘗有所觀習顧以至性純篤反衰俗而振古行非偶然也當事雖爲請於上旌而表之可也

議極正當文稱絕作

恭士

壯悔堂文集

卷之四

三

壯悔堂文集卷之五

賈開宗靜子

徐隣唐爾黃

選

徐作肅恭士

宋 學牧仲

閱

傳

太常公家傳

王父太常公諱執蒲字以康先世大梁人後徙
宋三歲母李夫人卒又三歲父贈侍郎公卒育
於伯瑀少從里學道經土神廟神夢其鄉父老
曰侯公貴卿每過吾朝夕起立幸爲遷之三夢
壯悔堂文集 傳 卷之五 一

父老不悟神乃告之曰貴卿侯氏七歲孤兒也
年二十一同兄執躬舉戊子孝廉提學使者長
垣李化龍謂曰吾授生時獨未飲鬼漿能前知
二子皆列卿然長者聯第次者當後十年公果
以戊戌登進士科李騰芳者公之座主也公既
第數以文進騰芳輒揮不錄最後私問其小豎
公意屬同門生誰豎言獨見官進士應震文則
大喜耳公乃求應震爲文三騰芳三稱善既而
歎曰官生雖善文詞吾陰相之其人後必敗侯

生器識當建大節何其文之類官生也吾不復
相天下士矣公筮仕寧津令清淨簡易能惠其
俗嘗出過里塾諸生皆誦習公所爲文公笑曰
吾幸登科第雅不善此吾同門生官君文乃可
法也寧津生自是誦應震文而得第者四前此
天荒者且百年矣公既以文推應震後同領言
職益親應震一日私邀公曰鄭貴妃方有寵青
官未可知吾與公陰擁戴之不世功也公大怒
叱出之曰若向以鄙夫患得失文叨省解名天
下今乃若自道又欲污我自此遂與應震絕公
嘗論李相廷機清而吳方相從哲陰而邪不副
平章望不報又論僧達觀假佛法搆煽禁掖詞
臣陶望齡首倡拜跪稱弟子爲辱官壞風俗而
孫鑛手持書卷坐大司馬堂偏邊事方棘非濟
變才皆侃侃特立不隨時變易云先是朱相廢
之未罷也御史陳于廷三劾其姦詔慰展而論
諫官勿復得言衆皆怏伏公獨力爭曰眞實姦
于廷言是乃用例出公於楚臬公與高攀龍善

其前後爲都御史言之冢宰趙南星卽家起公
爲太僕卿楚人吳亮嗣者黨于官應震言公驟
遷非例南星曰例所以待衆人侯公大賢亦用
例耶少宰陳于廷賜言侯公去國無他以言朱
相廢于廷乃先言者侯公不當遷于廷當先
罷時攀龍南星于廷皆天下重望更推讓公公
取時時共攀龍講學魏廣徵族之曰此扁鵲老
者東林之魁渠也未幾遷太常卿會當祭祀中
人魏忠賢欲代行禮公知之乃先期上言曰天
壇寅清之所皇帝所對越以事上帝者也今輒
有宮奴闖豎連行結隊走馬射彈狂遊嬉戲不
容禁止臣職典禮不敢不言竊謂刑餘不宜近
至尊而況天神饗祀之地乎宜下所司論治忠
賢見之大怒公遂致政歸公至孝事伯如父贈
侍郎公與李夫人歿後之五十一年而公爲太
常卿子司徒公爲御史司成公爲庶子公會其
族人於家廟曰吾父之生也苦無襁痏無葬地
豈見有今日乎乃聚其所得語命哭而焚之

本成籍司徒公佐司馬將去之公貽書曰人盡
以爲苦如國家何若吾獨以爲辱如吾祖宗何
卒不易其籍焉五子長司徒公次司成公次忬
有文學次恕次慮

數行黜緩處數行大節處兩兩照映愈間愈
朴文通馬遷

卷十

北齊書文集傳

卷之五

司成公家傳

叔父司成公諱恪字若木年二十四登第不肯仕更讀書爲詩賦三歲而方相國從哲賢之以爲翰林院庶吉士然立朝論議終不肯苟同方相國公性寬厚長者嗜飲酒不事生產常家居其門下生董嗣謀爲郡太守宋致林一柱之徒各宰其旁邑迭請問願有以爲公壽公固閉閣不與通日召其故人飲酒故人稍稍有言及者益拒卻之更飲以酒數歲以爲常以故歷從官壯懷堂文集 傳 卷之五 五

通顯矣而析產不輒豐公爲詩推杜甫而洛陽人王鐸者後公舉進士能爲詩既第家貧甚公更推薦之鐸以此得入館後卒以詩名當世自唐杜甫沒大雅不作至明乃復振雖李夢陽何景明倡之得鐸益顯公之力也天啓間公爲編修而宦者魏忠賢竊政日殺優士大夫不附已者公心重楊漣而與繆昌期及漣指忠賢二十四罪條上之天子不能用反爲忠賢所害昌期亦坐死尋有言忠賢二十四罪章者故昌期

傳趣公代其蔡忠賢大怒坐曲室中深念欲殺公而其假子金吾將軍田爾耕頗素知公進曰是人頗以詩賦謬名公卿間而能書米芾書翁必無意曲赦之耶忠賢仰視罔思日影移晷不語良久乃顧謂爾耕兄試爲我招之爾耕退詣公話故舊因伴言我之遊魏翁者欲爲士大夫地也非得已者公大悅呼酒與飲輒慷慨指當世事爾耕默不得語居數日又請公則益爲效言伺公嬉笑飲酒酣乃促膝附公耳言公且以壯懷堂文集 傳 卷之五 六

楊繆故重得罪我爲公書計某月日乃吾魏翁誕辰公自爲詩書之言未得竟公大怒推案起酒羹覆爾耕衣上淋漓爾耕低頭慙而已而乃大發怒去適南樂魏廣微者亦忠賢之假子也以大學士掌貢舉而公爲其下校官廣微心嫌公公所薦取士鄭玄宋致輒有意摧抑之以語挾公公力與爭日人生貴識大義恪豈戀旦夕一官負天下賢才哉語侵廣微而忠賢里人子御史智鋌廉知之乃力劾公罷官忠賢積前

恨更矯傳上旨奪所賜誥而令公養馬公即日
脫朝冠自杖策出長安南門而其門下生二十
為三出二十三人字見其妻
三人者追止於盧溝橋共置酒觴公公飲酣遍
顧二十三人者曰吾歸矣幸無覲顏以羞諸生
諸生第識之異日有言諸生為好人者乃吾弟
子也誠不願諸生為好官二十三人者皆泣下
而宋攻終工部侍郎仗節死爰玄以御史直諫
謫當世名公為知人公既歸則益召其生平故
人者與痛飲不事事而里人鄧生者妄人也構

莊惟宣文集傳

卷之五 七

小彙誥公謂若乃養馬而我職弟子員冠儒冠
公門下奴客忿欲歐鄧生公大笑悉召之與飲
皆醉鄧生乃免當是時忠賢實欲殺公不已會
誅死而公復起為庶子鄧生大懼更請公汗浹
背前旬旬謝公又大笑按起之徐飲以酒一無
所問鄧生亦醉公為人和易有容不修苛節見
人無貴賤皆與飲酒然遇有所不建者輒義形
於色屹不可奪以庶子遷為南雍祭酒太學諸
生聞之曰是故與南樂相爭鄭及玄宋攻者耶

顧人成均近萬人明興三百年未之有也滿歲
以病請歸公生平善為詩每賦詩輒飲而前後
慮天下事有不當意則又感憤日夜縱飲久之
積病竟以卒年四十三天下皆以公有宰相器
深痛惜之大處一後不附天下關係公之
當崇禎二年公之為庶子也職記注
有浙人溫體仁者揣天子意自為書訟言羣臣
朋黨得召對時體仁鈞挑詬誶數貶望顏色
伏叩頭為側媚曲謹狀天子大悅趣立以為相
公跪墀下纖悉疏其醜而出屢言於朝體仁病

莊惟宣文集傳

卷之五 八

之數曲懇公願稍得改易公固不肯而謂人曰
體仁之奸過李林甫而偽強介若盧杞果執政
天下且亂吾所以颺言者冀天子神明一聞而
感悟耳體仁聞恐遂言之乃出公於南京云初
文相國震孟為吳門孝廉年五十餘老矣以書
謁公於史館公一見稱之曰子慎自愛終當輔
天子子必勉之其後十餘歲震孟與體仁同執
政以爭諫臣許譽卿事不勝去而體仁終相位
者八年卒亂天下焉公著遂園詩二十卷李自

成破宋子方岳從賊中搜得之負以過河公六
子方鎮方岳方巖方聞方隆方新而方鎮城破
死有才名別傳

次第生平直敘而每事穿插照應極密極老
叙法甚潔却以飲酒在在點綴作煙波見文
有餘地 恭士

北齊書卷之三

卷之三 九

賈生傳

賈生名開宗商丘人也少落拓不羈十四歲從
其師學師故儒者喜繩墨賈生慕司馬相如之
為人學擊劍鼓琴嗜遠遊師以弗類已謂之賈
生固謂我非儒奈何以儒者責我即日除弟子
籍更去與里中少年伍間讀書爲文詞干謁當
世舉茂才第一是時賈生年二十餘益負才不
事生人產業破家墓其妻陳轅畝來校士寓意
郡太守欲賈生充餼縣官賈生日我當不日爲
卿相何至謀升斗却不就日共罷人張渭等約
汗漫遊傲阮嗣宗縱飲六十日白晝射箭中夜
擊鼓宋俗上元夜張燈飲酒賈生率其徒服老
衣駕鹿車疾馳百餘里漏下三鼓抵睢陽司氏
者睢陽巨族也張銀瓢容酒數斗約能勝飲者
持瓢去羣少皆醉卧寤甚賈生忽叱咤登階舉
滿一飲卽擲瓢付奴持之不通姓名坐賓駭散
久之賈生貧益甚盛夏短褐不完過市兒童
隨笑之賈生浩歌不輟晉太原孫傳庭謂商丘

令知賈生下車引見日往謁爲計貲財復田舍
 閱數歲東平侯劉澤清開府淮陰奏除翰林院
 孔目掌其軍書記賈生察其異趣不肯就澤清
 跋扈內挾權相嘗衣白衣從軍因事調度乙酉
 澤清自海道來降賈生乃辭歸里凡七應舉不
 第作長歌云自從事澤清不信天上有奎
 宿因大悟盡焚其素所讀書閉戶揣摩十餘年
 馳驚于先達師說十餘年最後而冥坐窮思與
 侯方域徐作肅往復辯論又幾十年卒就於正
 形性堂文集 傳 卷之五 三
 天下以純儒稱之既老更追憶少遊京洛集所
 聞見述帝都君德相衛三篇走泰岱觀日出處
 述山靈地勢二篇已買舟金陵泛吳越歸而星
 象占緯兵食國籍各有論說大槩其學術行業
 奇濟濳適於致用然欲以擬述求之又不得
 也常與侯方域方域爲忘形之友張渭徐隣唐
 吳伯裔伯胤徐作霖作肅宋犖爲文酒之友張
 嗣沈譽釋頂目乘澗爲方外之友又自序爲野
 鹿居士

侯方域日以余視賈生所謂羊質善變每變必
 趨上者耶抑依隱曼世所稱大人先生者歟少
 年類耶抑俠而後乃大雅卓爾嗚乎彼終身守
 一衆矣倘非其與道屈伸亦焉能知之哉
 行文潔而宕 卷之五 三

吳伯裔伯胤傳

吳伯裔者少貧育於舅劉格格長者嘗舉孝廉家饒於財數推與伯裔千金以此得讀書交遊

天下賢豪伯裔淹通古今高自稱許夷然不屑

也弟伯胤少裔八歲而讀書與裔等郡人劉瀚

格之族父也嘗問格言二子當富貴乃以其孫

女妻伯胤而盡以其財產贈之伯胤之妻亦賢

輒出私財佐酒食費而勸胤從伯氏學胤早舉

明經爲鄉進士而伯裔淹蹇後丙子伯裔乃舉

北齊書文集傳 卷之五

孝廉胤亦迄不第伯裔爲人沉練英博慷慨負

大志論者以其出處在郭泰皇甫規之間爲文

章原本經術歸於大家嘗簡忽其時人人以此

憚焉其實儻才好獎引文士見人有一言善者

未嘗忘也伯胤風流文雅美鬚眉善書生平事

裔如父其學亦皆裔教之惟爲詩稍輕不及裔

其餘制作溫湛悉中矩度皆不及見用以城破

死而其父年七十餘兩目皆盲願獨在賊去後

伯裔婦程氏嘗使人僞爲裔胤狀立於父前父

輒以手摩之而喜既乃審其妄坐土坑上搏膺

而呼曰裔胤皆何往乎老人安歸乎哭大痛而

無淚不絕聲三日亦以死程氏自乞木爲棺而

葬之後其家求裔胤之死處卒不得而賈開宗

曰有孔尚達者裔之同年生也嘗從闖賊見伯

裔死時以目視尚達不語其色不撓而程山人

自云城破時見兩賊以伯胤爲官繫而牽之伯

胤抗聲言奴乃以我爲官我卽非官豈從汝賊

耶二賊更嬉笑諧謔疾驅之去噫可哀也裔字

北齊書文集傳 卷之五

讓伯胤字延仲後皆與徐作霖同贈官

徐作霖張渭傳

徐作霖者有雋才少不得志於有司以入貲爲諸生張渭曰朝廷歲一大縣補生徒百人小者亦四五十人每歲取天下之士且逾萬數而作霖以貲入豈不異哉張渭者慕徐渭之爲人因名渭自謂狂生人亦狂之使酒難近獨推作霖作霖短小精悍高辭盛氣遇人皆以奴蓄之顧謂渭善也渭鬚繞其面髮毵毵然又騎馬折其左臂常蹙曲類世之兒童戲繪以爲冥官像者北悔堂文集 傳 宋之凡 五

短舌無正音醉後談天下事則衮衮不倦爲文敏妙日成十餘篇作霖好學深思常偃仰臥竟日或草創後復毀之然出而人以爲高文典冊焉會南昌萬元吉知作霖崇禎二年庚午舉孝廉第一作霖既就徵春官而渭益落常試君下自袖其文爭之提學使者潘曾紘曾紘取熟視日子文誠善吾猝未識也竟高拔之後數年而復袖其文爭之提學使者任贊化贊化怒更黜渭渭大噪而郡之薦紳先生亦有言渭實名士

者久之乃復其故崇禎七年甲戌作霖入對策言今天下劇賊竊秦蜀蹂晉豫孔棘殆矣天子不可不及嘗收人心若崇任苛察責文法恐天下亂傳冠得之以示文震孟共嗟歎署上第而宰相溫體仁惡其言直排之不救也庚辰作霖復罷春官渭亦且摧挫老矣每醉則謂其及人曰吾馬周也天下方有事胡不用我天下且不

知文士况能知我或遂怒罵其坐客或醉而哭坐客益以渭爲狂作霖忽怒罵曰若富貴子席父兄餘業飽十數椀肉羹耳天下亂形已成無英雄能救之者吾輩固旦暮死而謂渭狂何哉舉坐酒皆醒而其及人吳伯裔吳伯徽侯方域則皆哭泣時方嬉遊修春社於吳伯裔之家因慘沮不樂罷去閱二歲而爲崇禎十五年壬午宋城破作霖不知所終其及侯方域曰作霖死矣作霖慷慨意氣丈夫也烏能鬱鬱凋迫青乎作霖必死矣後甲申弘光立錄中外死者宗伯亦錄知作霖果死遂爲請贈以爲祠部郎而張

渭當城破時賊以刀斫之願張且斷矣渭猶右手灑其髻之血而以折臂手自承其願徐步行口喃喃罵不止又一賊從後至斫以刀乃仆而死渭故貪饒心計縱橫術立置產逾萬而其子後鬻於市僧狙猾者不數月皆盡無所得作霖無子有弟作肅侄世琛文行甚高人見之猶想見作霖云

侯方域曰嗚乎古之死而不知其所者多矣其懷材質者或不得見用於世而傳之亦異又足悲也四子之文學不具論以余交當世之縉紳先生以及知名士未有如喬與霖之大畧者也微稍文弱然其死又何壯也渭乃自比徐渭即福衡何足道哉嗚乎而皆不幸而死矣由今論之豈其不幸歟豈獨其不幸歟

此與吳傳并奇崛字句氣皆昌黎而各兩人忽挿忽散忽合惟史記酷吏極擇引縉廻之妙
恭士

湯御史傳

湯公名兆京字伯岡宜興人也爲孝廉有族人抵法者賂以田求爲解之不應旣而察其誣乃力爲解而却其田壬辰登進士第官豐城令豐城巖邑公下車期月立變其俗有巨盜范紹九者以都村爲巢穴劫掠袁臨吉嶺之間令之左右皆其耳目輒捕輒先問公則密計而卑騎掩之擒紹九豫章數千里之患以平報最徵拜御史
神宗皇帝將殺建言御史曹學程命公臨決公曰學程不當死必殺學程臣願同日死沈相國一貫傾其同官沈鯉大興妖書獄爲羅織計屬會審公獨以其事坐敷生光獄得解又嘗特疏請福王之國寢奪嫡謀公爲人孝謹和易事父母常爲孺子歡與鄉人言訥訥不出口尤不與公府事鄉人皆曰湯公以者及居御史則慷慨言天下事數面折廷諍嘗論柄相煩天子譴責同事者惶恐惴息汗下公意氣自如或今日譴責而明日更言之公父家居歎曰吾兒

向循循書生今乃能強項如此哉然性素高介
當官則死其職過卽澹然無軒冕情已而念父
歿母春秋高嘗稱病願家居凡三奉使皆天子
嚴督之而後行掌河南道日給事趙興邦者數
挾太宰勢軒輊臺綱公連章劾之當是時元詩
教趙興邦官應震吳亮嗣人謂之元趙官吳比
于四內迭居要地無敢撓者公視之蔑如也而
辛亥京察朝官更力斥湯賓尹及其黨鄒之麟
韓敬尤爲士君子所賴云初賓尹有盛名羣小
欲撓職之爲相賓尹尤驚悍陰制朝權京察未
榜之前一日猶聚其黨招呼思有所挾持迨明
公獨袖出一單于吏部堂羅列賓尹狼戾狀當
事者錯愕公昂首日今察典欲黜幽賓尹不黜
誰當黜者賓尹故不識公一朝會問人日孰
爲湯伯閑人指示之賓尹悚然旣廢而歎日吾
目中空無人向獨睹湯公意動今果爲所中矣
先是沈一貫欲殺天下賢士大夫分立門戶殺
復私怨傳至賓尹爲高弟子卒未及有所動而

敗其後屢起屢仆又四十年至思宗任溫體
仁其黨始得志則前此持之者公力也公以論
太宰趙煥擅權掛冠歸病卒年五十二後天子
知其賢常思之贈官太僕卿

侯方域曰余王父與湯公同朝爲言官旣老致
政每見朝廷事有得失輒歎日今言路無湯公
卒無言者矣又言有僧達觀者善言佛法居京
師公卿見者皆膜拜李太后方好佛嘗取達觀
畫像水入宮禁謂之法水湯公爲御史大怒權
達觀痛苦之繫獄以死嗚乎公真龍麟丈夫也
哉

識力俱不愧史才 靜子

寧南侯傳

寧南侯者姓左氏名良玉字曰崑山遼東人也少起軍校以斬級功官遼東都司苦貧嘗挾弓矢射生一日見道傍斃素馳馬劫取之乃錦州軍裝也坐法當斬適有丘犛者與同犯願獨任之良玉得免死既失官久之無聊乃走昌平軍門求事司徒公司徒公嘗役使之命以行酒冬至燕上陵朝官良玉夜大醉失四金厄旦日謁司徒公請罪司徒公曰若七尺軀豈任典客哉

紀德堂文集

卷之三

吾向誤若非若罪也會大凌河圍急詔下昌平軍赴救榆林人尤世威者為總兵官入見司徒公曰大凌河當天下勁兵處圖不易解世威嘗行今既以護陵不可公且遣將誰當往者中軍將王國靖書生也左右將軍更不可任司徒公曰然則誰可世威曰獨左良玉可耳顧良玉方為走卒奈何帥諸將司徒公曰良玉誠任此吾獨不能重良玉乎即夜遣世威前諭意漏下四鼓司徒公竟自詣良玉邸舍請為良玉初聞世

威往以為捕之繞床語曰得非丘犛事露耶走匿床下世威排闥呼曰左將軍富貴至矣速命酒飲我引出而諭以故良玉失色戰慄立移時乃定跪世威前世威且跪且掖起之而司徒公至乃面與期詰旦會轅門大集諸將以金三千兩送良玉行賜之卮酒三令箭一曰三卮酒者以三軍屬將軍也令箭如吾自行諸將士勉聽左將軍命左將軍今已為副將軍位諸將上吾拜官疏夜即發矣良玉既出而以首叩轅門

紀德堂文集

卷之五

史記

下曰此行倘不建功當自刎其頭已而果連戰松山杏山下錄捷功第一遂為總兵官良玉自起謫校至總兵首尾僅歲餘年三十二是時秦晉入豫良玉當往勦見司徒公司徒公曰將軍建大功殊不負我欲有言以贈將軍將軍奚字良玉曰無也司徒公笑曰豈有大將軍終身稱名者哉良玉拜以為請司徒公曰卽崑山可矣自此乃號為崑山將軍良玉長身頰而貌勇善為左右射每戰身先士卒既至豫則向所苦賊

神一斗穀蝎子塊滿天星等皆平最徒戰懷慶
與督府意不合乃歎曰吾卽盡賊安所見功乎
遂陰縱之而寇患始大熊文燦者繼爲督府嘗
受賊金而脫其圍良玉尤輕之以至楊嗣昌以
閣部出視師倚良玉不啻左右手九調而九不
至嗣昌快快死丁啓睿代督師則往來依違於
其間爲良玉調遣文書未始自出一令時人謂
之左府幕客然良玉立功最早威名重一時強
兵勁馬皆在部下流賊憚之呼爲左爺爺壬午
大出兵與李自成戰朱仙鎮三日夜而敗良玉
還軍襄陽初良玉三過商丘必令其下曰吾恩
府家在此敢有擾及草木者斬入城謁太常公
拜伏如家人不敢居於客將朝廷知之乃以司
徒公代丁啓睿督師良玉大喜踴躍遣其將金
聲桓率兵五千迎司徒公司徒公既受命而朝
廷中變乃命距河授汴無赴良玉軍良玉欲率
其軍三十萬覲司徒公於河北司徒公知糧無
所出乃諭之曰將軍兵以三十萬稱盛然止四

萬在額受糧實又未給度支今遠來就我固善
第散其衆則不可若悉以來而自謀食咫尺幾
輔將安求之卒不得與良玉軍會未幾有媒孽
之者司徒公遂得罪以呂大器代良玉愠曰朝
廷若早用司徒公良玉敢不盡死今又罪司徒
公而以呂公代是疑我而欲困之也自此意益
離遂往來江楚爲自監計盡取諸鹽船之在江
者而掠其財賊帥惠登相等皆附之軍益強又
嘗稱軍饑欲近南京就食移兵九江兵部尚書
熊明遇大恐請於司徒公以書諭之而止朝廷
不得已更欲爲調和計封良玉爲寧南侯而以
其子夢庚爲總兵官良玉卒不爲用燕京陷江
南立弘光帝馬士英阮大鍼亂政良玉乃興兵
清君側欲廢弘光帝立楚世子至九江病死而
英王師亡其後夢庚以其軍降初尤世威爲總
兵時往謁蕭遼督府曹文衡文衡尊嚴不少假
更謁司徒公司徒公諭令勿長跪相見如弟子
禮世威感悅願効死後司徒公行邊至黃花鎮

上遇火砲災司徒公壓於敵樓下背上積二十
二死人世威震而仆五里外起立卒不肯去號
而呼求司徒公復至敵樓適有電光照司徒公
世威乃趨而抱之而以手起其二十二死人者
火及冠脫其冠及袍脫其袍遂燒其鬚及其左
耳世威堅不動竟袒而負司徒公以出行四十
里抵於山下邊人謂之尤半耳云丘磊者既坐
斬繫刑部獄十三年良王每一歲捐萬金救之
得不死卒受知司徒公後爲山東總兵官

先哲堂文集

卷之五

侯方域曰余少時見左將軍將軍日不知書然
性通曉解文義勇畧亞於黔彭而功名不終何
歟當左將軍出軍時有先春者以軍校遞伍
當死司徒公縛而答之百應春起而徐行無異
平時按以爲軍官復遞再縛之來應春仰首日
劄官實宜異軍校耶司徒公異之以付左將軍
爲先鋒後乃立功佩印爲山海大將然則將奇
有材得其人以御之雖卒伍可也而況於公侯
哉

直是一篇史遷得意文字 恭士
叙寧南瑕瑜不相掩史裁 靜子

先哲堂文集

卷之五

李姬傳

李姬者名香母曰貞麗貞麗有俠氣嘗一夜博輸千金立盡所交接皆當世豪傑尤與陽羨陳貞慧善也姬爲其養女亦俠而慧畧知書能辨別士大夫賢否張學士溥夏吏部允彝急稱之少風調皎爽不羣十三歲從吳人周如松受歌玉茗堂四傳奇皆能盡其音節尤工琵琶詞然不輕發也雪苑侯生已卯來金陵與相識姬嘗邀侯生爲詩而自歌以償之初皖人阮太鍼者壯悔堂文集 傳 卷之五 五 以阿附魏忠賢論城旦屏居金陵爲清議所斥陽羨陳貞慧貴池吳應箕實首其事持之力大鍼不得已欲侯生爲解之乃假所善王將軍日載酒食與侯生游姬曰王將軍貧非結客者公子盍叩之侯生三問將軍乃屏人述大鍼意姬私語侯生曰妾少從假母識陽羨君其人有高義聞吳君尤錚錚今皆與公子善奈何以阮公負至交乎且以公子之世望安事阮公公子讀萬卷書所見豈後於賤妾耶侯生大呼稱善醉

而卧王將軍者殊快快因辭去不復通未幾侯生下第姬置酒桃葉渡歌琵琶詞以送之因公子才名文藻雅不減中郎中郎學不補行今琵琶所傳詞固妄然嘗昵董卓不可掩也公子豪邁不羈又失意此去相見未可期願終自愛無忘妾所歌琵琶詞也妾亦不復歌矣侯生去後而故開府田仰者以金三百錢邀姬一見姬固却之開府慙且怒且有以中傷姬姬歎曰田公寧異於阮公乎吾向之所贊於侯公子者謂何壯悔堂文集 傳 卷之五 五 今乃利其金而赴之是妾賣公子矣卒不往一事奇而傳足以稱之 恭七

任源遠傳

任源遠者宜興之鄙人也乙酉之變逃入湖已而往來羣山中審其寧皆無成居久之不能忍乃出就呂氏于青山柵方酣戰而呂氏遁源遠被執至溧陽當事者命之跪源遠瞋目曰若獨非故明臣乎我恨不殺汝何跪爲乃斷頭而死其兄元祥聞行號哭求其屍以歸而葬之初元祥爲儒生以文行自厲而源遠負氣狂放不相類少時有羣兒戲爲泥龕于田間設神像謬以壯悔堂文集傳卷之五 三

靈應相與煽惑爲香火間里開闢源遠過之怒則溺其龕毀其神鄉里苦之年十五始讀書輒析大義兄元祥嘗爲無賴子所侮憤曰我卽出而仕寧不能爲若所爲耶源遠曰止元祥旣而謂曰一朝之忿終身之耻失言矣元祥改容謝焉方乙酉師南下時江北四大藩鎮其三解甲降二藩更隨豫王爲前導江南將相握兵者亦或竄或降而江陰尉閻應元獨固守城八十日不屈死源遠以宜興布衣起與相繼云

侯方域曰嗚呼源遠功不成節乃見矣故明養士三百年或得其報或否豈在貴賤哉源遠死時年二十五或曰以子之年盍少待源遠曰子惟其待乃不能死也余何待卒闕而死悲夫

寫源遠生氣凜然 恭士

馬伶傳

本傳馬伶之伶也

馬伶者金陵梨園部也。金陵爲明之留都。社稷

百官皆在。而又當太平盛時。人易爲樂。其士女

之間。桃葉渡遊雨花臺者。趾相錯也。梨園以技

鳴者。無論數十輩。而其最著者二口。興化部曰

華林。部二日新安賈合兩部。爲大會。遍徵金陵

之貴客文人。與夫妖童。女莫不畢集。列興化

於東肆。華林於西肆。兩肆皆奏鳴鳳。所謂椒山

先生者。迨半奏。引商刻羽。抗墜疾徐。并稱善也。

壯悔堂文集 卷之五

當兩相國。論河套而西肆之爲嚴嵩相國者曰

李伶。東肆則馬伶坐客。乃西顧而歎。或大呼命

酒。或移坐更近之。皆不復求。未幾更進。則東肆

不復能終曲。詢其故。出李伶下。已易

衣道矣。馬伶者金陵之善歌者也。既去而興化

部又不肯輒以易之。乃竟輟其技。不奏而華林

部獨著。去後且三年。而馬伶歸。遍告其故。侶請

於新安賈曰。今日幸爲開燕。招前日賓客。願與

馬伶復爲嚴嵩相國。以出李伶。忽失聲。旬前

稱弟子興化部。是日遂凌出華林部。遠甚其夜

華林部。過馬伶曰。子天下之善技也。然無以易

李伶。李伶之爲嚴相國。至矣。子又安從授之。而

掩其上哉。馬伶曰。固然。天下無以易李伶。李伶

卽又不肯授我。我聞今相國崑山顧秉謙者。嚴

相國儔也。我走京師。求爲其門卒。三年。日侍崑

山相國於朝房。察其舉止。聆其語言。久乃得之。

此吾之所爲師也。華林部相與羅拜而去。馬伶

壯悔堂文集 卷之五

名錦宇。雲將其先西域人。當時猶稱馬狗。云

侯方域曰。異哉。馬伶之自得師也。夫其以李伶

爲絕技。無所於求。乃走事崑山。見崑山。猶之見

分宜也。以分宜教分宜。安得不工哉。嗚乎。耻其

技之不若。而去數千里。爲卒三年。倘三年猶不

得。卽猶不歸。爾其志如此。技之工。又須問耶。

逸情妙景史記中亦不多得 蔡士

此等鋪敘最難措手。文之雅潔神奇。真一字

一金 靜子

壯悔堂文集卷之六

賈開宗靜子

徐降唐爾黃

同里

選

徐作肅恭士

宋 牟牧仲

閱

記

重修白雲寺碑記

白雲寺者其先隙地也。或曰舊爲古刹有遺址焉。在宋郡之郭西南五里。明崇禎之二年中書舍人吳興君開之爲廬一屋覆之以茅。以棲遊僧。既一年始門焉。而堂其中置臥佛。二三年乃

壯悔堂文集

卷之六

創大殿建立三佛像。與夫金剛羅漢。章歌伽藍

之屬。廊廡寮厨以及棧楹櫺檻之具。靡不森鮮

其後歲時增而不廢。迨思宗皇帝建元之十

五祀而寇李自成益熾。攻破宋城。舍人奔金陵

僧亦散去。寺以壞。甲申寇陷京師。金陵共擁立

弘光皇帝。舍人復補官於朝。居一歲。明亡。舍人

棄其官歸。嘗往城之西南。觀故所爲白雲寺者

歎曰。天下之變遷淪毀。于吾前者。豈皆積劫不

可救耶。予將爲浮屠氏以終老。於是盡出家財

於寺。不期月悉復其舊。僧請記。舍人曰。是非侯

子不可姑待之。余既歸自江南。以爲請。余惟昔

者崇禎以前。實克承慶曆之業。問左安富擊壤

之叟。垂五十年。不見兵革。歲時伏臘。莫不思有

所祈報。以答靈貺。小之則牽羊陳豕。奏鼓吹竿

而祭賽于村原。之社大者。乃造爲梵宇。官觀香

火相續。余嘗北歷燕趙。抵齊魯。浮江淮。適吳越

所見通邑大都。金碧赫之區。何啻白雲寺。蓋

天下人之財力。當其壯盛。必有所費。無以製之

壯悔堂文集

卷之六

且後而溢。又或甚者。乃至銷磨蕩滌於水火

鋒鏑之中。而不能壽。而自禁賴清淨之教。爲之

疏通施而舍之。所謂明治以禮樂幽治以鬼神

也。而後世博物如昌黎清河之徒。猶相與詆焉

無乃未之思歟。嗚乎。天下之變遷而淪毀者。若

驪山之石。太液之池。金張之邸。封君世家之官

室。亦已多矣。曾不得如白雲寺者。復而新之。舍

人昔嘗官兩都。豈有所託於浮屠氏耶。舍人名

議姓沈氏。故明相國鯉之裔孫。

銷而腴非其然不能恭士

新遷顏魯公碑記

宋魏舊有魯公碑蓋魯公所書八開齋會報德記也結構精妙創動聳側爰攷書契肇自皇初蒼頡而遙旋存篆隸逮夫會八體之情狀開六勢之堂與王羲之一人而已而際世不辰靈蹟多淹當蕭丞訪落昭陵升遐方且弓劍陪玉匣之年風雨護金墳之日蓋大寶於茲秘矣獨斯碑者雲蒸霞蔚筆旣斷而還連鳳翥龍蟠勢如斜而反正所謂坤輿之神奇歷千載如一日歟

以故雖間有殘闕而輒致可尋海內自縉紳先生山林風雅之士見者未嘗不欲歛稱歎購之惟恐不得也而兒童走卒或遊卧嬉戲其下亦從而拱揖拜跪肅然如見其人焉豈寒燐衰草荒祠斷碣顧足以移人性情耶抑魯公神明所係竟龜時往來其間有使之者而然耶夫魯公名在旂常精感日月誰不知之而一厄於虛祀再陷於李希烈當書曾不以爲重使魯公不以骨鯁處已方正忤人而徒葬於斯焉知其

必爲一時所慕。不爲一時所嫉也。然則魯公之書豈非反以魯公之人掩蔽而數千百年之後。輒敬重愛惜。山河之佳麗。奸雄之氣焰。曾不若拳石之孤竇立之。而不忍廢之。廢之而復欲修之。又何以說也。八關齋去麗城南里許。爲魯公碑舊立處。毀之者就新碑也。歲在崇禎戊寅春。齋之址築爲堦。下臨淙水。久之浸及碑。麗人張嗣遷之。請余爲記。歲在崇禎己卯夏。碑高八尺。橫八稜。稜尺許。凡八百八十六字。闕七十四字。卽魯公報德記也。

有精采處。此亦朝宗十五年作觀者辨之。
子

重修顏魯公碑亭記

太保宋公入相之四年而葬其親以歸。既畢事矣。拄杖而遊南城焉。徘徊遠眺。漠然大墟見有嶽嶽焉。若人之立其際。強項而不仆者。顧謂其從者曰。是何爲者耶。是非魯公之故植者碑耶。夫向之高。薨朱題與淙光雉影。侵薄而滂淙者也。吾幼與諸生肄業而遊者也。今老矣。物之變態固至此乎。吾將爲亭以覆之。閱月告成而命城爲之記。城請於公曰。公之爲是亭耶。以魯公之人耶。抑以其書耶。夫魯公之見厄於當世而直伸其志。其視卿相王侯與其國封邸第。曾不若脫屣而何有于亭。及其罵賊而死。從容就義。視吾之頭顱身軀。皆其所不愛也。而何愛此蜉蝣鳥跡之遺哉。抑公今者天子之相也。苟有所舉將觀而效之。公故能書如以爲娛悅之具。蘇軾嘗曰。翰墨之清虛。其異於聲色財賄之惑溺也。特一間耳。域間古大臣之佐其君以有爲。莫不勤懇於遠大之務。汲汲而造之。而不遑於

小技及其治定功成然後有所退託焉以自適如謝安石之絲竹裴晉公之松雪亦其類也今公意者以開創之業爲已畢歟而或借魯公以激發天下之忠義長養天下之人材乃崇是亭也大天下大矣倘無如魯公者之神靈以往來昭回於荒文斷碣之間是又蘇子所云深山大澤龍亡而虎逝吾且見狐狸之晝遊而鰐鱔之羣舞也公之意其爲是哉公曰子之言旨矣顧吾以爲少而遊焉老而不能忘也嗚乎然則公之感於天下之變故深矣乃退而爲之記

通篇以太保爲主畧引東坡意點綴成文正旨只結尾一句說出不說魯公而魯公之可

重處自在 恭士

陳將軍二鶴記

沙隨李氏有二鶴焉參之有年矣李氏宦於湖湘之間盡載其室帑與其財貨器幣以行而遺鶴陳將軍者聞之而歎曰鶴之不遇也有如此夫顧謂其門下客有能知鶴者乎其借之以來既而曰是馴鶴也吾尤李氏而馴焉其庸愈乎乃遣使者唁之而告以其所以待鶴者明日而使者返又明日而鶴至至則館於其堂之廡召匠氏新其宇焉而命執事者致餼必專必潔是日也考鐘伐鼓陳清商之音大饌其客於堂上享其士於堂下曰吾以處夫鶴也酒方酣其從事劉子曰昔燕昭王築黃金之臺以好馬也而馬果畢至今公之所以延鶴者至矣將華亭之大姓遼東之貴族吾且見其引領接翼而至也雖然公帥臣也職在選鋒而養士以佐天子開疆土除暴亂不宜以山林隱逸之事自近若移其所以養鶴者養士庶吾軍其振乎侯子曰甚哉子之闇於養士也夫鶴者天下清虛之物也

寡欲而省費故可以高人隱士之禮致也世之
戰士皆驍雄勁悍之徒彎弓盾刃目不瞬而色
喜吾一旦欲得其力而効之于死是必閒居則
美妻妾厭梁肉六博羣飲仰天而歌烏烏養以
有餘之財而作其感恩之氣然後報其主而不
叛吾未見其可以虛數致也故子之帥以其求
鶴者求士士未嘗不至若遂以其養鶴者養士
吾恐士之聞風而來者將掉臂而去也甚哉子
之聞於養士也將軍大悅避席再拜曰敬受教

卷之六 九

頓挫飄逸

恭士

微公之言吾幾失士矣顧謂二鶴舞而侑觴因
相與劇飲皆大醉堂下之士有泣者

壯悔堂記

余向爲堂讀書其中名之曰雜庸或曰昔司馬
相如賣酒成都市身自滌器與庸保雜作子何
爲其然余曰以余目之所寓皆庸也子亦庸也
余不能不舉足出此堂又不能使此堂卒無如
子者安往而不與庸雜又豈必酒壚耶嗚乎君
子之自處也謙而其接物也恭所以蓄德也况
余少遭黨禁又歷戎馬間而乃傲睨若是然則
坎壈而幾殺其身夫豈爲不幸哉忽一日念及

壯悔堂文集 記

卷之六 一

慨然久之其後歷寢食不能忘時有所創創輒
思積創積累乃知余平生之可悔者多矣不獨
名此堂也急別構一室居之名曰壯悔古者三
十爲壯余是時已三十有五矣嗚乎以古人學
成行立之年而余始稍稍知自創艾日其餘幾
已而復之慰曰夫人終身老死而不知悔者亦
已多矣壯果能悔其尚愈諸猶但恐余之不能
悔也夫知過而能內自訟君子許之然則雜庸
堂者毀諸曰否余將更營而新之以誌余過於

此篇也

此篇見朝宗生平學問

子寧堂文集

卷之六

四憶堂記

或曰堂之以四憶名者何也曰今昔之故觸而感焉則憶之適四則四之爾敢問所謂四憶者曰屈原幽憂而著離騷其中稱名類物或呼爲羌或呼爲荃今讀者不知其所專指子寧知之耶蓋人心誠有所鬱則必思思而不得所通則必且反覆形諸言辭發爲詠歌情迫氣結綴其所至不循阡陌卽胸中時一念之非不歷歷及欲奉而告之人固已纏綿沉痛十且亂其七八矣微獨我與若不知原之所指卽使原今日復生亦未必自知也我又安能以其所憶者告吾子哉或曰然則子旣以悔名其文集而仍以憶名其詩者何也苟憶於昔不必其悔苟悔於今不必其昔之憶曰詩三百篇昔人發憤之所作也余自念才弱不能憤聊以憶焉云爾抑聞之極則必復憶之憶之所以悔也

峭仄荆公一路文字

卷十

鄭氏東園記

鄭氏東園者余少遊焉其隣人指以示余曰此沈氏之園也前三日易於鄭沈氏者相國鯉之族也余及見之鄭氏得之二十年而鬻於今太保宋公猶言鄭氏者物未能遽忘其故也嗚呼余年三十有三憶少之嬉遊於是園者曾幾何時而園顧三易主矣先是園中有榴千年不華而是歲華鄭氏驚告曰是何祥也已而鄭子入於庠鄭君以茂才舉州刺史歷官徐淮副使焉

止齋文集

卷之六

十三

者歲久滅沒無故老知其誰氏矣其自沈氏得之沈氏失之者不知其亦有是祥焉有是妖焉否也或曰凡妖祥之端必其大者先見而後小者應之方沈氏時天下太平理醇氣和妖祥之端無自而興也其後啓禎間大亂將發而鳳皇見於丙寅黃河清於丁卯是殆所爲祥也而太廟血孝陵有赤黑二鬼相與鬪是殆所謂妖也天下之大妖祥興而小者應之舉天下之非鄭氏而榴之祥非鄭氏而卉之妖者吾又不知其凡幾而曾不可以悉數也或曰松入地而爲脂腐蒸氣而生菌物之變化固有不知其所以然者鄭氏之盛衰適與之會安見夫榴之果爲祥而卉之果爲妖也嗚呼君子惟修德而不怠焉則吉者不足喜凶者不足懼矣而况草木之變態無常者乎若其反是而必榴之祥必卉之妖將人事廢而天禍作則吾三十三年間而目見乎天下之物三易其主者何獨鄭氏園也

看其一段一段起處是散而歸結甚密

其機軸從轉來而氣全用歐收作

其機軸從轉來而氣全用歐

卷之六 主

管夫人畫竹記

曹州余尉出畫竹一軸以示余曰此元管夫人所作也出自大內明亡後遊燕市而得之嗚乎余聞書畫之在大內也中貴人掌之玉其積而金其絨而猶誌之以別璽曰秘閣之寶今出自天子之宮而入尉之手廢典之故可以感矣然方其在大內也雖玉積而金絨而天子倦萬幾或將歲不觀暇則如寵工媚者各趨而前書畫不能以其落莫爭也雖中貴人掌之而彼日徒營爲酒食醉飽則聞鸚鵡貓亦不知觀而天下之文雅鑒賞者固雖欲觀之而秘閣禁嚴不能到也是終無由見知於世也方且真偽雜而美惡混不過榮其外而已尉乃鑒之別之愛之重之與天下之有識者更拂拭而贊歎之故天下之物有不必榮於天子之宮而絀於尉之手者嗚乎遇合之道誠難與俗人言也尉又云今太保宋公嘗見而欲得之詭辭以歲久剝落將入吳中求國工裝之以獻時尉方求補官舍於太

保之館因遂逡巡以去其後數見太保輒問曰
畫固在乎曾求國工治裝乎言之而笑尉終不
獻太保亦不更索也嗚乎尉誠高矣若太保者
不具論倘亦所謂不貪爲寶者乎余嘗觀之其
絹細密有堅致非近世所能爲竹瀝神韻旁
有石歷落而遠其爲管夫人作無疑管夫人者
趙文敏之妻也文敏以宋宗姓仕元爲顯官今
所傳者翰墨滿天下豈當皆矜重而求索不獲
辭耶抑文敏夫婦借以寫其彼黍離離之感耶

盡觀歐公之勝在結構閒散上 恭士

重修演武廳事記 代陳將軍作

其既鎮歸之五年日勉循厥職曠弛是懼乃按
其部伍而進之曰講武大事也而無其所可乎
歸舊有廳軍府將先鳩財焉爾其各量乃力爲
之部以告其將伍以告其士皆曰諾於是庀器
用均作役立期會閏旬而成嘗攷歸在前代初
爲州豫州故天下之腹心而歸又豫州之腹心
也內地相仍不特設兵戍歸有軍衛沿農戰空
名而已積安二百餘年至隆慶間邑人師尚詔
叛乃改爲郡置兵立參將領之當是時豫州無
統帥專閫之權爲重小安事漸以緩久之
愈益以爲無事遂廢其官萬曆末又數十年矣
鄒滕妖人徐鴻儒變興復置兵以守備爲將蓋
不侔於昔云歸人父老爲某言復設兵後妖變
旋平天輕武所置守備者日趨踰服屈於鄉
大夫之家不復坐廳事廳事雖設爲樵牧場間
歲乃借於有司以較士按部使者至則守備拱
立拜跪其下益踴曲其得稍稍具威儀者僅霜

降揚兵一升其堂而已。如此者二十年將甲兵寡冠氛日熾歸人乃欲請於朝復設衆將而破亡不可待矣。今日精明舊建官某實承乏東寇不靖潛逸我疆賴國家威靈數殄滅之五歲於茲日警武備也。嗚乎歸故所稱爲腹心內地未幾而於明季爲四戰未幾而入版圖尤惜惜戒伏莽焉常變安危之相倚伏豈有定哉然焉知後之人不更積輕而廢之亦如昔日者耶夫天下無事相承廢而修之嘗難輕而廢之甚易百止悔堂文集記 卷之六 七

爾君子敬其爾位某之責在講武而修屬事者乃其位也故記

凝然有典謨之象通古之文必傳

奉士

重修書院碑記

代宋太保作

順治八年燕山王公來守歸德首下教博士弟子問以郡之政所宜先者博士弟子對曰歸有范文正公書院先太守鄭公嘗沿其意而創大之以儲歸之材居有號舍賸有田課試有約行之既久歸之名公鉅卿接踵其間出爲當世用不絕而士風亦羣感動淬厲烝烝以變今雖廢而人之謳吟思慕鄭公之澤者數十年不衰竊以爲佐朝廷興道育賢郡國之政宜莫此爲大止悔堂文集記 卷之六 二

公曰博士弟子言是凡書院之爲舍者幾極其侵而居之者幾何家資餼之田幾區其官守因而入其租稅者幾何年今坐何所其試士之期月幾日條約之議詳而要者幾何具趣所司各以聞以付郡博士收而掌焉蓋自鄭公去而書院之廢垂四十年公一朝復之嗚乎偉矣博士弟子曰是不可以無記謹按書院之設始於宋范文正公公爲諸生卽以天下爲己任其後奉大政不久未竟厥施然所措置率宏以遠卽如

在歸而歸有書院其隨地收拾人才之意是何可一日廢也范公往而繼之來守者不能識其意亦沒以淫滅矣歷宋而元而明至萬曆間始克有鄭公再舉行之當時之人親被鄭公之澤至於今其遺老有能言鄭公時事者猶過書院仰首歎歎不忍輒去豈人情因習近而遺遠耶抑所以繼范公之遺緒於兵火喪亂之餘久不墜者實鄭公力也然則鄭公之遺緒又豈不待後之人哉夫天下法制代有更變惟學校絃

月書堂入集

卷之六 三

誦之事建國者卒無以易也書院之設與學校相表裏王化之本而菁莪棫樸之盛所由自出是誠不可一口廢乃自范文正公以來上下千百餘年而其間之創而建建而興者僅公繼鄭公而三然則政之舉廢存亡豈不視乎其人歟倘無以垂永久則何以告於後之人俾克守之公曰博士弟子言是其勒石爲碑而屬余爲之記嗚乎余之望於守是碑者久矣其何敢似表忠愍碑

倪雲林十萬圖記

壬辰過陽美之宅村定道人出所藏雲林十萬圖相示皆有雲林自跋首幅臨顧虎頭虎頭爲長康畫家以顧陸張吳爲四祖畫斷有云顧陸之迹不逮意聲過其實故政中亦言其用景多幽暗少開遠而自喜深秀過之是爲萬笏朝天圖萬竿煙雨圖則彷彿郭河陽河陽名熙世傳其滿湘圖最精此蓋借意成之而墨法在有無之間居然蒼潤按畫家分南北二宗庠諱爲南

江杜陵人集

卷之六 三

宗創始荆浩雖之後則董巨二米子久松雲雲林北則爲馬遠夏圭誠文進輩世不能無異議矣荆浩一稱洪谷子關仝嘗北面者也故世稱荆關董宗伯畫旨云雲林畫早歲學北苑在勝國時可稱逸品昔人以逸品置神品之上元人多從陶鑄而來大癡王濛尚存蹊徑獨雲林古淡天然米襄陽後一人也卽雲林自題獅子林圖予此畫真得荆關遺意非王濛輩所能夢見此圖內幅一小跋云荆浩臨泉清賞卷是其得

意之作此幅做之而爲萬丈空流圖雖出摹想亦不多遜胸次可知矣又嘗同其妾輕雲放舟錫山而寫萬經爭流圖令對之猶自水聲入耳波光滿虛使人恍恍莫知所適但跋字筆法稍失結構宗伯常云雲林畫江東以有無論清俗其韻致超絕當在子久山樵之上沈石田一日作雲林画其師趙同魯見即呼日又過矣又過矣蓋雲林妙處實不可學啓南力勝於韻故相去猶隔一抄顧漢中題雲林畫云初以董源爲宗及乎晚年畫益精而書法漫矣蓋雲林書令工得大令法晚年乃失之而殫精於畫一變古法以天真幽淡爲宗要亦所謂漸老漸熟者其雲卿畫苑云縱橫習氣卽黃子久未斷幽淡兩言則趙吳興猶遜雲林神會自別其氣韻包舉爲諸家所推重如此後人用筆不原其變化生動之妙每得其一木一石便自高詡今見是圖足令那夫人無色也王元美謂雲林生平不易作青綠山水僅二幅留江南園內淡墨沈沈各

半其萬經爭流萬丈空流之謂乎凡癡翁寫九峯雪霽而作萬峯飛雪圖自許爲峯巒多勝之癡翁卽黃氏子久名公望其萬卷詩樓圖殊有高簡詩人意乃做洪谷子荆浩者也王維詩端君不出戶秋原人外閒斯人在焉呼之或出自跋萬林秋色圖日前晨着筆今西方完速者仍拙遲亦不能巧也是夕秋潭同觀嗚乎巧拙自在遲速之外蓋所謂百年智巧消磨欲盡而後意動天機神合自然難爲粉墨者道也萬松登非律堂文集 卷之六 詩 翠萬橫香雪二圖寄韻設色并極神秀萬松尤有勢蓋雲林畫多得之氣象蕭疎地林清曠此獨峯巒渾厚勢狀雄強其巖擦勾斫分披糾合之法無一不備神至之筆豈可以一律論耶若夫輕煙遠翠掩映連絡斷續之際津渾自然者萬點法逆圖也自跋云夜來同惟寅月上張伯雨方壺子論右丞詩中畫畫中詩快然曠遠乃做爲此由今觀之此與萬卷詩樓圖真不愧右丞也以上十萬圖乃雲林爲陶九成作者嘗考

雲林倪瓚自稱懶迂又稱荆蠻民又自號滄浪
 漫士又號淨名菴主數與九成其宿漢里經月
 忘逆九成即陶南村所著輟耕錄者也跋內所
 引諸人如羽士惟寅陳姓元高士倪集中有詩
 贈之張伯雨善詩及書別號句曲外史方壺子
 名從義貴溪道士與伯雨齊名秋潭者想亦縉
 流元時世亂高人多托而迹也其款署至正癸
 丑乃其晚年筆元亡于丙辰逾癸丑止三年耳
 明太祖定鼎金陵建元于戊申至癸丑莫美
 已六易矣雲林爲吳人尚仍至正甲子其不忘
 所自如此定道人出此圖相示且歷元而明以
 至今日又四百餘年矣道人名貞慧明少保陳
 公于廷之子自乙酉金陵變後絕迹不入城市
 更命其二子棄去諸生其亦雲林不忘至正之
 意耶嗚呼凡山水樓閣之在天地間無論真幻
 皆有人司之今真者頌易主而幻者乃託於雲
 林之畫歷久彌新孰謂一技之精不通於神明
 也哉

斷續離合全以神行歐陽公得意之筆
 敘十萬圖逐段引逐段結侶散碎而一氣包
 舉真化工手○論畫更有入微處 牧仲

雲起樓記

戴子陳子延侯子登於雲起之樓徘徊四望意
慨然若有不能釋者顧謂侯子曰此余邑故孝
廉吳問卿氏之樓也子曷爲記侯子曰余雖未
交孝廉然而嘗聞此樓矣當孝廉在昔好尚文
雅流風可挹嘗於此樓晨夕招賓從溪光山色
相吟眺也夫孝廉在而此樓之盛時余皆不及
見今乃欲記之又烏從而記之耶言未畢二子
且愴然以悲法然以泣侯子曰是無庸也夫吾
與子所聞歷十年之間蓋有大於此樓者今有
存焉者乎其主人亦尚有如故者乎而孝廉前
二年始死此樓雖非其舊而尚可登攀而問然
則吳氏之所得亦已多矣夫天下事獨誌其盛
而且遺其衰則是必欲與栢梁而爲詩陪上林
而爲賦而阿房之劫灰玉華之妖鼠可以輟筆
而不作也吾聞是樓之下曰富春軒孝廉嘗藏
黃子久所畫富春圖於此其死時若有慨其後
之不能守者命投諸火以殉或曰孝廉於是乎

不達觀矣夫天下事而苟付之得其所則貽之
子孫與傳之其人無以異也昭烈謂諸葛亮曰
嗣子如不可輔君自取之天下之大尚且如此
而况於一圖况於藏此圖之一軒一樓哉不然
吾目中實未見其可與而又不思所以置之即
使有人於此珍而藏之什襲吾又安知其果異
於水火糞壤耶大凡天下之神奇不顯於明必
藏於幽苟無人以傳之必有鬼物以陰護之然
則以達觀責孝廉者不惟不知孝廉亦淺之乎
能傳堂文集記 卷之六 三
論達觀者也孝廉死時歲在庚寅余後二年始
至爲壬辰先是孝廉之父納言公之作是樓也
當明神宗時今五十餘年矣納言嘗延梁溪
高忠憲公坐卧其上而屬雲間董尚書爲之題
今尚在蓋孝廉守其志以無失類如此嗚乎所
謂五十年者固不可追而問矣即庚寅與壬辰
相去不過一二歲而余曾不得及孝廉之在時
一觀此樓之盛其後當何如也又焉能已於二
子之愴然而泣然哉孝廉又有南嶽別墅死時

指爲寺

遠而逸兩絕之作

恭士

北修堂六集

卷之六

无

壯悔堂文集卷之七

賈開宗靜子

徐隣唐爾黃

同里

選

徐作肅恭士

宋 學牧仲

論

朋黨論上

君子小人之不能不分也久矣其禍必成於小人其罪必歸於君子此二者相持不並立之勢也而小人必勝君子必敗其小人之所以勝者大率自稱孤立其君子之所以敗者必以爲朋

壯悔堂文集

卷之七

一

黨漢唐而下凡五六百餘年以此始亦以此終若然者何哉蓋天下之事未有可獨行而就者也況以國家之大而欲用君子以治之必其度量廣而才智博者也必其耳目親以明者也勢必於天下相交接而後人品之邪正可以洞然而無疑必於天下之中擇數人焉與之託綏急其功名然後可以通天下之聲氣察天下之議論而使在中者相安在外者無忌其有沉淪者則君子必薦揚之其有清通者則君子必羽翼

之其有誤遭網羅者君子又必申救之以無私之心行至公之事故其防人也常疎而以相善之人不得不有相顧之實其爲名也益甚若如是則朋黨之說出嗟乎黨人果何負於國家哉而小人言之主上必聽之者又何也彼小人之伎倆主上之意旨吾知之矣小人秉性必深刻立行必矯激用心必險毒見利則合見威則劫一人而首尾數易一事而曲直兩徇一日而陰陽百出是孤立無朋者也無朋則無黨而飾曲謹爲學術假小廉爲操守以其身深結於宦寺宮妾之間而顯然與士大夫爲敵方且欺其主上曰公忠也介執也彼清流相標榜者皆罔上行私者耳夫主上居深宮之中與臣庶隔絕常恐天下之欺已而密以爲防羣天下之人而有朋羣國之臣而有黨此豈人主所樂聞哉彼小人者或緩言之或急言之或密勿惟幄之地私割陳之或以草野不經意之人伏閭請之而左右各有所樹又陽探而陰誣焉賢否混淆利

壯悔堂文集

卷之七

二

害賢亂則主上豈暇究朋黨之人爲何如人朋黨人之事爲何事哉勢必去之而後止又必盡去之而後小人之心安顧君子無罪也卽或有罪矣而衆君子無罪也一自黨人之說出則首必有主謀者次必有同志者又次則亦必有脇從者羣陷之而羣逐之此寧有虛實可辨而衆寡可分哉故小人之害君子者斷斷乎其出于此也因勢調停之說君子知其不可爲而忠正強毅之性又不肯少屈盛衰而有所改移勢必羣起而力與之爭乃主上方重其孤立而深疾朋黨是以君子上位而攻小人主上則以爲竊美威福也在下路而攻小人則以爲挾怨沽名也在散地下人則以爲長意指使也信者日以信而疑者日以疑又何得有全理哉昔者漢有陳寶十常侍之黨陳寶以君子而敗十常侍以小人而勝唐有牛李之黨僧儒以小人小敗而大勝德裕以君子小勝而大敗宋有司馬光呂惠卿之黨惠卿以小人一敗而卒勝沮

公以君子一勝而卒敗得失相尋自古而然已惟人君深察其所以不得不黨之勢而鑒其用心因以知小人所歸無黨之故則忠邪寧待計哉嘗就天下之大勢觀之門戶不同風氣亦異有合一鄉而爲小人之黨者有一鄉之中各分郡縣而爲君子小人之黨者亦有一家之中父子兄弟各分而爲君子小人之黨者蓋其先達所教後進所趨聖明所不能齊性情所不能強也而要之君子尚義小人尚利其盛也小人北侮君子集論 卷之二 四 益濃而君子益淡其衰也小人子同類之中自爲排陷君子子失志之時其相悼惜故小人常得脫然而卒以朋黨之禍歸君子耳夫朋黨豈君子所避哉同爲國家之人同受國家之事苟其謀之而必公行之而必忠雖日弘吐握之風夜前客之席虞書之所稱協恭箕子之所論大同也不然而獨行無信心實不測蔡京蔡攸之相構真可謂孤立者矣人主宜何取舍焉 確論必傳 恭士

朋黨論下

自世之既衰也。而黨人之目在下。蓋小人既逐。君子則朝廷之上。可以惟我所爲。而恒恐君子之在下者得。而非議之。於是因其議論而指爲譏刺。觀其風節。而誣爲標榜。羣天下名彥之士。而盡陷之。語言文字之中。使其辨之無可辨。而逐之不可逐。則小人之勢成矣。夫古今之相尋也。朝廷有頑鈍無耻之大臣。而後草茅有激濁揚清之名士。又必其朝廷之上。激濁揚清之大

壯悔堂文集

卷之七

五

臣去者去。而死者死。然後草茅之士相與持之。而愈堅爭之。而愈力。此其事一關於國家之氣運。一關於國家之風俗。氣運之不可爲也。必人才委靡。不知有名教之防。而後小人之煽張風俗之不可爲也。必人心柔滑。不知有是非曲直之性。而後君子之澤以盡。起而視朝廷之上。小人既勝。而君子既敗。則陰陽消長之辨。亦彰明較著矣。所謂草茅名士者。皆四方之彥。素不相識之衆也。或聞其名而向慕之。或弔其風而

感歎之。或見其人而折節之。或同有道義之歡

而貴達不移。或共有澄清之志。而禁錮不惜。其

與國家無職掌之不可辭也。與受禍之君子無

恩私之不可背也。徒以名教之不可滅。是非之

不可昧。故千里一人焉。百里一人焉。遙相推引

而致。朋黨之不可復解。嗟乎。此寧有所勉強哉。

國家養士之恩。而氣運之未必卽衰。風俗之未

必卽壞。有人焉。採其議論。而高其風節。羣然與

起。推而挽之。以待澄清之一日焉。知小人之所

壯悔堂文集

卷之六

六

以勝者。非卽小人之所以敗耶。雖終身隱伏。而

天下係其想望。小人有所畏忌。則治亂之故。因

始於在上之黨。豈不懸於在下之黨乎。故昔者

聖明之世。元愷之賢。必與九官十二牧相知者

也。降而漢之諸葛亮。晉之謝安。皆以處士得衆

心。負人論之目者也。英主興賢人。進則天下以

朋黨治。惟不幸而繼君子既敗之後。則小人之

求於我者。方深。而我之所以應於人者。方激。上

下聲氣之相通。而謂之交結好善。欲其登惡。惡

附本、金、嘉
欲其崩而謂之武斷身名相託而羽翼相扶謂
之驚薄成風乘君子之疎而以中主上之忌于
是求快小人之意旨而一束於朝廷之功令則
有分南北部之名按籍而求遍邑而索陳寶既
賈而范李旋續者桓靈之代是也選取冗濫罷
天下科舉以示海內無遺材投之黃河惡其清
流而使爲濁流者李林甫朱溫之奸是也南渡
而殺陳東因東而殺歐陽徹遷臨安而放四君
子散太學生而使作捲堂文以見志者趙宋之

附本、金、嘉

宋之七

代是也此皆黨人之在下者也夫黨人在上而
爲小人所勝恃有天下之議論而裁抑之天下
之風節而折服之此其勢亂矣而猶不足以亡
至於朝廷之人空而草茅之禍烈勢必化國家
之氣運而盡爲委靡變國家之風俗而盡爲柔
滑其又孰得而救之也耶君子亦何樂乎有此
矣原其初一人爲名教之宗而一鄉之人推之
繼且羣天下之人而其推之爲之上者莫不表
揚於前爲之下者莫不輔助於後未嘗與聲名

期而天下之名至焉迫行成矣名立矣未嘗爲
禍患懼而天下之禍集焉同志益相爲引重則
異已益相爲忌嫉故黨禍之在下者常更烈於
在上然則閉戶絕迹不識天下之人緘口藏身
不談天下之事乎夫一介之士必有密友其人
而踴躍無徒不事交遊必其胸懷陰險矯激不
常而見棄於賢者也不則甚卑賤無所短長者
也豈有君子蓄用世之志而孤立寒與者哉嗟
乎彼聖明之世平康正直而已無異同也自小
井懷堂文集 卷之六 八

人指君子爲黨而後朝廷之上分爲忠邪草茅
之下分爲清濁水火不并立薰蕕不共器豈可
以小人之加君子者而遂以定君子之罪哉試
喻之國如木然君子則其本根也衆君子則其
條幹也君子之議論風節則其枝葉也按本則
什削幹以弱去枝葉則枯此乃木之蠹賊也人
主奈何不之悟也

漢唐宋有漢唐宋之朋黨明自有明之朋黨
本末源委各不相蒙若以前代事論明豈不

河漢明朝門戶自四明以分至烏程而後士大夫之禍始烈朝宗家世最熟最悉故兩篇議論整整無一字依傍此響恭士此係朝宗少年作細看終不同近日文字然亦不失大家爾黃

宦官論

人主者威勢之所積也勢借則不威嗚乎惟其過威勢之所以下於蓋天下之患無窮人主以大度應之則無不安苟其不能無疑而慮人之欺已則必思所以防之防之而所患不必起於所防也防之人足以爲患矣故天下之患每起於所忌而慮於所忽也古聖人潤畧坦易不矜威嚴之名其大小臣工得以朝夕相見天下之情僞莫不悉知而萬里之禍無從而生止存肅政近習之間亦不得借權以自堅今天子手除凶豎明見萬里矣然竊以爲未皇日其也其事在於用宦官夫宦官日奔走於人主之前伺其喜怒而乘意竊發出則言於衆日王上之所欲爲也天下信之則其令行而不可止苟其之而不行又烏從而其非乎昔西山之狐往見南山之虎曰子跋林薄之間日一得食何其憊也誠能假我以毛與牙爪子安坐山隅之中而飲食不乏虎之衆獸果見狐而

及走生死之惟命夫豈畏一狐哉見其皮毛與
牙爪或疑真虎之所爲也今人主之威不啻虎
也上下隔絕不啻山嶠之深也而宦官之邪媚
煽惑甚侖於狐假人主之聲名以爲皮毛借人
主之威權以爲牙爪天下焉得不畏之哉夫衆
獸所以畏狐者不得見虎也天下所以畏宦官
者不能見天子也故今日之患在於朝廷之體
過尊大臣天子之股肱也而周歲不得一見偶
有召命則拜跪唯諾山呼而退不得一言彼幸
非則天子必信信且必行外庭有疏其罪者不
惟不從又加罪焉嗚乎公卿之賢者務爲相安
無事之說惟恐激其怒其不肯者又貪權固位
而陰與相比偶有小臣言之則又以爲誹謗而
莫之省憂也廟堂果何自而悟哉夫是以其勢
益盛古者寺人領之太宰西漢之初宰相猶得

以制之雖鄧通之寵申屠嘉能傲之使叩頭流血
今也外臣不敢與聞內事而中貴苛刻暴橫
民間私語皆採以上聞交接往來稍有涉於朝
臣者羅織株連必中傷之而後已其身之賢否
則惟司禮監得以議之夫耳目所聞見內侍之
斥外臣者月常四五而大璫之考核其屬窮歲
不得一也豈內臣皆賢而外吏皆不肖哉秦漢
以來千有餘年矣其不爲惡者呂彊張承業錢
人耳大逆奇凶則不計其數以是知不肖者多
而其黨相與朋比爲姦也譬之盜賊爲害使官
兵討之理也今乃以官兵爲不足任歸其渠魁
使自爲治則同惡共濟耳何益之有哉故天子
誠能法周官西漢之制勿偏任宦官而曲防朝
臣且卽以宦官之所以制朝臣者使朝臣得以
制宦官則善矣昔太祖之制內侍數人給灑
掃而已不使識字也故迄於宣宗不受其禍
浸假而有王振之事又有汪直之事至劉瑾而
極凶豎魏忠賢而橫矣天子手自誅鋤熟知

其惡豈不戒前車之輒與蓋輕其爲厥役薰刑之餘以爲其惡不能有爲姑使察天下之情僞一旦得罪雖勢如凶豎而我立除之無難也竊以爲不然夫人見虎則卽然駭閉門而拒之惟恐不速見鼠則恬不爲怪究之墮垣穴牆不出於虎而出於鼠者豈鼠之力有加於虎哉患成於所忽而卒然難防也故天下常有不測之事齊桓公九合諸侯強如晉楚奉命恐後而其後一豎刁敗之有餘秦始皇滅六國并四海威

壯悔堂文集

卷之七

三

力所加天下不敢仰視自以爲一世之雄海內莫爲予毒也而不知趙高美之如木偶也嗟乎二君豈非絕世之英主哉以有力小察不足以爲明而耳目宜廣不在防人之欺已而在乎使人樂盡其誠今天子任宦官以爲朝臣不足用也夫朝臣豈不肯然而其人習詩書習禮義知身家之難安則爲惡之易敗則勉於爲善彼宦官不爲善之易敗則勉於養其性無妻子以係其心事之未敗則詡詡然

自以爲得而曾不顧惜其後彼自視其身輕如腐鼠而謂其重人國家之事哉夫漢之常侍唐之中尉何常不剪除於操溫之手然而國運隨之以亡夫以萬鎰之璧徇一破瓦愚夫不取也且凶豎之事恃聖天子在則不足憂耳苟或不然不知國家何以處之也故曰天下事未然而易制已成者難圖弊釀於庸主易反而偏中於英王者難回也

論古事宜含蓄論今事宜愷切朝宗親見

壯悔堂文集

卷之七

十四

思宗任宦官而發故旁引曲中殊非泛然

牧

仲

論爲變體而行文無不入古

靜子

太平仁義之效論

人主欲以三代之治治其民莫貴乎其斷也。以斷行之猶恐以小人之言間之。况乎以不斷行者乎。人臣之進說于其君者有以王者之治相期者矣。有以霸者之治相期者矣。有以刑名法術之治相期者矣。是三者其言不同其人亦異。其將來成功亦大懸殊。雖人主慎終惟初未可逆知。而要其大端決于聽計之始何也。其所以排之者力而所以審之者定也。未有用刑名法術之說而治能幾希于霸者也。未有用雜霸之說而治能幾希于王者也。五帝三王其治尚矣。三王之世去五帝已遠。商周征誅之世去夏王之揖遜已遠。而三王之心固曰吾終不以世之代降而治遂不若五帝也。而商周之主之心亦曰吾終不以征誅之世代降而治遂不如揖遜也。故帝王之治無百年而不變者。法也。雖乎世而不易者。道也。道莫大於仁義。自堯舜二帝以至於三代以來未始更也。秦欲以一國而併天

下則須強兵。欲強兵則須用刑名法術之學。併民力於一而李斯韓非之徒起。仁義乃蕩然於天下。卒之秦滅六國而亦旋亡。猶病熱陽狂之人惡其疾而以毒寒攻之。疾去而元氣亦蕭索矣。漢承秦後高帝草創文景敦崇黃老孝武好大喜功。所云雜霸者非耶。宣帝矜察刻核自以爲漢家制度議者推原西京之衰實基於此。惟光武有人君之量而躬親吏事失其綱要浸淫至於魏晉六朝益不足言矣。嗚乎相傳千百年來惟堂上集論卷之七仁義之說不明而欲致太平之效猶適越而北其轅吾見其惑也。宋信曰貞觀之治庶幾三代吾嘗攷太宗之治天下也粟米狼戾囹圄空虛夜戶不閉人行萬里不持寸兵可謂太平矣而太宗歸之魏徵勸行仁義之效且曰惜不令封德彝見之。夫德彝之言便給可聽魏徵所陳近於迂緩其能不以彼易此者良由太宗所以排之者力而所以審之者定也。鄭子產曰政如農功日夜以思之思其始而圖其終朝夕而行之

行無越思如農之有畔如此而不效者未之有

也故太宗之治天下也亦惟專其人而已矣亦

惟一其政而已矣亦惟貞其恒而已矣若是者

所謂斷也彼所謂兼採其說而徐觀其成者皆

謬也後之人主之爲治也入與賢者謀之出與

不肖者議之是與不肖者論賢也朝與智者謀

之夕與愚者議之是與愚者議智也其始也不

斷於心及其行之無效則曰古道之不可治今

之世也如此不究已之不斷反以疑王道之必

不可行自以爲求治而不知適所以亂治也自

以爲求言而不知多言之弊聽也是二者皆非

也雖欲求效其將能耶宋儒曰貞觀之治庶幾

三代然開雕鑿趾之意安在是太宗猶非能躬

行仁義者也而仁義之效彰彰如是况乎其本

之修齊家者也嗚乎後之人主其亦審擇所

尚哉

總不填仁義庸語獨從斷字看出治本何等

識力 恭士

太子丹論

天下有繩墨之論而挫英雄志士之氣者如以

荆軻爲盜是也况乎徂於成敗之形而不察於

確然之數以忠臣孝子不得已之深心苦行不

痛惜其不幸而反以爲罪則何以爲後之國家

者處仇敵法也昔者燕太子丹遣荆軻入秦刺

始皇不中秦人來伐王喜斬丹頭以獻於秦國

竟以滅宋儒曰丹有罪焉故書斬嗚乎丹之心

事可以告之皇天后土而無憾矣其死也將下

見其始祖召公奭於九原卽引而進之周之先

文王武王之側亦豈有慙色哉本意欲殺敵不

遂則死已決絕於易水送軻之日矣其書斬者

固其所笑而不受也然且何以罪丹乎曰召公

也夫強秦之欲滅燕豈待有彙哉彼六國之見

滅者又坐何彙也刺亦亡不刺亦亡三尺童子

能辨之矣卽云幸而苟延焉乃蟬蛸之朝夕也

尚不得爲螻蛄之晦朔也有兩人行而遇虎者

其一惶恐拜跪而乞哀以死其一大呼奮臂闖

不勝而死而論者顧以乞哀爲智以大呼奮登
爲狂佻而櫻虎之怒則何其愚且謬也且太子
丹之遺軻也或籌之熟矣秦之橫行而不可禦
乃天下驚覓震鬼自攝伏於秦非秦果能制天
下也斬竿一呼而天下瓦解相去幾時秦既無
德以入人而其勢又非蟠結而不可動設一旦
其萬乘之君立死於匹夫之手國有不內亂乎
天下豪傑因以知其不足畏而太子丹者且收
合六國之餘燼以西向而前吾恐嬴氏之亡不
待沛公之入關矣其以洩暴秦之威而倡天下
之義莫此一擊若也他日張良之椎蓋猶踵荆
軻之劍而爲之者也其不能成則天也故荆軻
之與聶政不可同日語也宋人有見於戰國之
世聖人之道不明先王之法不立其公子養客
而俠士輕生故一切以儒者之論繩之惡聶政
之以私害公而并及之於軻惡原嘗春申之屬
而并及於太子丹譬如有醫之於藥者不察其
人之何病而藥以烏附爲不可用日以寬和之

刺養其腸胃又安能起久病而生之乎且天下
固多散緩肥重以死者何必其暴蹶也宋之亡
也秦檜湯思退之流日以挑彘之說挾持殺戮
天下之謀臣戰將始終以講和誤其國僅有一
大儒如考亭者猶所見之如此亦何怪乎三百
年間多議論而少成功哉然則軻可爲忠臣丹
可爲孝子乎曰由今日論之軻可爲忠臣矣而
要之其人則英雄而感思者也設其遇嚴仲子
未必不爲之用也若太子丹者雖與日月爭光
壯悔堂文集論 卷之七 三

可也

刺骨之論起宋儒而質之當不復置辨行文

神侶子瞻 恭士

層層論議斷案處嚴重如山蘇老泉得意之

作 靜子

大蘇無多層折小蘇層折覺碎弱而少雄剛

此的是老泉靜子論極當子初評謬矣 恭士

又評

謝安論

古之有爲於天下者必有以脫除天下之習而
立乎其外蓋爲物所移者雖足以自見於天下
而恐其歷久而不勝也夫君子之所恃以勝天
下者在乎器識德量之間而不在乎幹局然而
幹局之用君子雖不恃以爲長而不可以之自
廢苟遺棄其鄙近而將寄託於所溺豈獨權寵
利欲之足以累人哉吾以爲謝安之清言亦其
累也安之未仕也知鎮西之必敗而委曲厚結
其士卒脫弟萬於難其既相也當桓溫而不忤
禦符堅而不懼是其識量豈猶夫尋常之可測
哉顧可以見天下之幾微者識也而天下之大
有非明智之所能盡則識於是乎窮可以鎮天
下之危疑者量也而建功立業之人又有時乎
出於達生脫死之表則量亦僅得其一端嗚乎
蓋未有力不足以舉天下之煩氣不足以鍊天
下之苦性情不足以扶持天下之一偏而可以
大有爲者也善乎王羲之謂安曰夏禹胼胝文

莊悔堂文集論

卷之六

三

王肝食虛談廢務浮文妨要非常世所宜而桓
冲亦云安石有廟堂之望不聞大畧安皆不之
用也天安豈不知四郊多壘所當布置而經營
日不暇給也哉顧其數十年以舉熟見夫江東
之門地聲名以文雅爲高以風流爲美既不能
矯克其一時之風習而又以清言濟之方且塵
視乎軒冕弊展乎功名以矜其邁往不屑之韻
幸而遇變如溫與堅者而皆有以鎮靜而安全
焉以爲是已足以自見也說者以二患既平之

莊悔堂文集論

卷之六

三

後安即問於國寶之譏不久而卒故其建堅止
於此而不知其不然蓋安之爲人清中有餘而
樸練不足無以爭天下之先而無天下之遠吾
以其風習決之矣夫所貴乎矯而克之者非以
爲勝於天下也乃以自勝也不爲浮譽所惑則
所以養其力者厚不與流俗相競則所以制其
氣者重厚且重則其性情無累故其見之於天
下者煩簡適宜而苦樂一致若安者可謂簡易
而和樂矣設一旦思之以煩嘗之以苦吾恐其

廢然而返於莊生老子之林也。又安能深沉確
實開擴淬厲而以天下爲已任乎晉氏之既東
也。其相臣前有王導。後有謝安。導有大有爲之
識。而無大有爲之才。安有大有爲之量。而無大
有爲之幹。過此則時勢去矣。其偏安也。宜哉。然
則必何如而可。曰。如陶侃。祖逖者。而更假之以
導與安之識量。庶乎其可已。

雄渾深渺節奏無一不安 恭士

王猛論

唐荆川曰。王猛者。符堅之謀臣也。此可謂得猛
之著者矣。猛處天下分崩之世。其志未嘗不在
中原。及其不得已而見用於異國。猶惓惓不能
忘猛。蓋識大義者也。嗚乎。三代而下。亂世之臣
識大義者。諸葛亮。王猛而已。亮始終心乎漢者。
也。猛始終心乎晉者也。然亮仕於漢。而爲漢人
之所知也。猛仕於秦。而爲晉人之所不知也。吾
故舍亮而論猛。當猛之隱於舉陰也。姚氏石氏
多雄畧之王。豈不能出而佐之。以爲是氏羌僭
竊者。而非其志也。志不肯輕出。而又無以自達
於晉。故寧隱焉。逮夫桓溫入關。而後喜可知矣。
被褐而謁捫虱。而談詎偶然哉。溫見之。而與論
三秦之豪傑。旣而曰。江東無君比也。蓋溫且心
折於猛矣。乃溫還而猛不從。何歟。嗚乎。猛英雄
也。溫亦英雄也。天下英雄之與英雄。可一望而
知。猛從溫。則溫必大用猛。然而溫欲篡晉。其從
之。則苟或郭嘉之下。也不從溫。又必殺猛。天

下英雄之相愛而相用也。出於誠然而英雄之
殺英雄與其見殺於英雄者則必皆出於萬不
得已。苟有可以擇之而可以全之斷不相強也。
故此時猛不難於舍溫溫亦不難於舍猛溫欲
篡晉猛之所知也。猛必不從溫篡晉亦溫之所
知也。然猛自是始無望於晉也矣。晉偏安江左
僅有一桓溫足以有爲而又不可以從大軍一
還彼峭瀾函谷之間豈復尚有奉正朔襲冠帶
之日哉。其出而相符堅者猛之不得已也。一出
而強兵富國擴疆啓宇勲績爛然說者以爲符
堅之管仲是固猛之生平所裕如者也不足異
也。垂沒而告符堅曰晉正統相承上下輯睦非
所可圖臣死之後願無以晉爲念而後其本懷
見矣。故吾以爲猛者非僅僅功名之人也。然則
猛豈并不仕秦曰猛之才高於諸葛亮而澹泊
寧靜不及卽其治秦也亦以英氣爲之而多不
可耐。使亮不遇先主則必不仕吳魏者亮之所
能也。猛不遇晉則并不仕秦者非猛之志也。

然而當猛之時可以爲晉難者莫秦若也。猛存
則以秦存晉猛亡猶欲以秦存晉是則吾之所
爲識大義者也。

以猛比之諸葛亮見義士苦心與千古隻眼
之議文更圓暢反覆

合論溫猛如見其捫虱而談大是英雄

顏真卿論

狗國以死之謂忠抗道不同之謂直若此者魯公顏真卿能之然而當天下變故之際亂成於前而禍伏於後強藩不順人心不服中外觀其設施賴其彈壓所謂大人宰相之事也以忠臣當之可乎曰不可忠臣能不負國而已以直臣當之可乎曰不可直臣能不貶道而已然則真卿何如曰真卿者所謂唐之大人宰相也唐用之不盡其長公僅以忠直見焉而已推公之心

紅梅堂文集

卷之七

三

蓋嘗慷慨以經濟自許而思所以用之豈樂夫悻悻孤子必置其身於危地而與天下後世爭此一日之名哉當祿山叛而平原固守稍識逆順者皆然不必真卿也卽云早知其叛而預爲之備彼之蓄有逆志也久矣特明皇不悟耳又不足爲真卿異也迨夫凶焰轉張諸郡連陷公乃謀於衆曰賊銳甚不可抗委命辱國非計也不若徑赴行在嗚乎天下有其實未固而助之以聲其威尚隱而係之以望公所謂以聲望係

唐之強弱者歟祿山甫叛而堂堂天子倉皇西走哥舒老將一戰投戈河北二十四郡無復忠臣獨有一魯公奮袂而起椎牛歃血號召連結以橫塞賊衝是其聲望豈渺小哉固賊人之所震而驚而天下之忠義所觀望而激發也設不審時度力而一旦威擒則逆賊之氣彌振而天下之志以挫而威以消沮矣豈特一郡之得失一身之死生而已哉委之而去正其全身以全國者也不然公之生平豈愛一死者而使聞風

紅梅堂文集

卷之七

三

移於呼吸之間。不動聲色。而因敗爲功。化有事爲無事。是其深藏老謀。惟李泌陸贄僅知之耳。特區區辨逆順者哉。又有不止於此者。玄宗在蜀而祝冊署嗣皇帝。則真卿諫李輔國遷太上皇於西內。則真卿率百官問安。以諫代宗自陝還。先入宮而不謁陵廟。則真卿又諫。此皆名分節目之要。而當時自魯公外。無有能言之者。嗚乎。唐之三百年治日少而亂日多。其君臣父子之間。傳授不明。而將順不正。六月四日之變。神非悔堂文集 卷之七 二十九
堯遂退爲太上皇。而太宗卽位。房玄齡杜如晦不知其非也。太平公主謀廢宗。遂退爲太上皇。而玄宗卽位。宋璟不知其非也。浸假而至於靈武之事。天下益以爲固然矣。獨公於事後。猶能辨其幾微。而謹嚴之於大義。使得盡出其底蘊。如房杜諸人之遺際。必有舉措適宜。使天下相觀而諭。而有以逆銷其僭亂之萌。又豈必待其著而力爭於甲兵權數之間哉。然則魯公之學術。獨見其大固。唐三百年之一人也。雖爲宰相

可也。

風神頓挫。具六開闢筆。踞虛陵之巔。史論之最勝家。
恭士

于謙論

英宗北狩 景帝立以于謙爲大司馬已而

英宗還退居南宮七年 景帝崩南宮返正殺

于謙天下惜之曰于謙社稷臣也侯子曰于謙

非社稷臣也可謂功臣矣 英宗之北狩也社

稷無主都城洶洶廷臣已有倡議南遷者其不

爲宋之續也幾希矣也先擁 英宗入寇是明

以靖康紹興之事效我也于謙颺言曰社稷爲

重國有君矣來惟有戰耳也先大沮乃許 英

宗還固不在乎急急奉迎矣當是時謙以天下

安危爲已任以大一統之主出狩而歸海內晏

然若不知者作哉于謙社稷再結之功歟然則

謂之非社稷臣者何也曰社稷臣非可以功論

也不可以禍誘不可以禍誘之所在毅然爭

之知則必言言則必盡務納其君於道而後已

不從則爭以去就而無憾忍國度之私焉吾觀

謙之所以自處與其所以處 景帝多有非其

道者然則 英宗居南宮非欺曰 英宗還而

欲 景帝讓位此非謙所能也即能之族立其

君而旋廢焉尤非社稷臣所爲也然則吾之所

以責謙者何也曰廢太子而立見濟則謙之力

所能爭也謙雖位爲大司馬而其權過於相蓋

景皇帝幃幄腹心之臣也黃竑之議一萌使謙

造膝密陳其不可則 景帝亦必徘徊而不取

出而况其率羣臣面折廷諍乎使謙率羣臣羣

臣必從何也謙之任遇深而羣臣所恃也乃不

聞其有此舉而詔草一傳謙亦唯唯署名推其

意以爲非我發之而我又非秉鈞者天下無以

專責之也嗚乎不思其待君行政之何若而欲

以名位形迹之際自解免於後亦惑矣謙人傑

也逢君之欲以取富貴其所斷不爲蓋有出於

甚不得已焉而不能換之於道也以爲吾不幸

而遭變故輔人之弟而閑放其兄功蓋世而名

震主是其大權不可一日令不在我也吾特爲

景帝特達所拔非有古大臣威望之隆願託之

重隱然必不可動者設一旦拂帝之意吾將置

其身於何所乎。當是時。謙年僅四十餘。而景帝甚少。苟可以君臣意合。輔之一二十年。而南宮之事告終。則天下無意外之變矣。彼易儲者。乃其早晚所必不免也。以宋太宗所難。而以貴之。其景帝過矣。謙以為可不必爭也。雖未嘗遇其衝。而亦未嘗開其隙。是其心迹豈猶不在趙中。今之上哉。七年而景帝崩。謙之所不及料也。故曰。天下事有出於勢之必然。而道之所不然者。則君子爭之。爭之非慮其勢之容成有不然也。道之所不在。而天理人倫之所不安也。夫上皇之居南宮也。廷臣之不得已也。天下之不得已也。亦景帝之不得已也。即使周公處之。無以易矣。而見濟之立。則何以自。景帝之非幸。其兄而謙無所挾。以為居功地耶。異日謙之得罪。也不以易儲。而以金牌召襄世子。雖不必其事之不出於誣。而自其不爭。易儲之惑推之。則景帝升遐之後。謙之不主南宮也。明矣。又何怪乎石亨徐有貞輩。借口以為奇貨也。然則

謙之所以得禍者。乃其畏禍者也。社稷臣者。爭道不爭禍福也。即使明哲而全其身於禍福之間。亦不宜參以禍福之見。而況其隱忍而無所於擇耶。雖然。謂謙非社稷臣可也。謂之非社稷功而教之。則不可。功成矣。無以寵利居焉。之謂道情乎。謙未聞也。

直使于少保無辭文。固以度勝者蒼然悠然全在矣。字也。字數十處。用得回旋有態。東坡

晚年絕調也。 恭士

壯悔文集卷之八

賈開宗靜子

徐隣唐爾黃

同里

選

徐作補恭士

宋

榮牧竹

策

南省試策一

所貴於君德者能臨天下之謂也。虞書曰：臨下以簡，而後世任數之主，乃欲矜其察察以窮之。過矣。夫天下之情偽蓋嘗不可以勝防，而人主恒任其獨智，鈞距而探索其間，其偶得之也，則

必喜於自用，其既失之也，必且展轉而疑人乘自用之術，而積疑人之心。天下豈復有可信者哉？舉天下至於無可信，而乃欲寄其耳目託其心腹，則其勢不得不流於偏重，而私昵得以用之矣。偏重者壅蔽之源也，私昵者竊美之漸也。無怪乎執事之所問察乎有煬竈之懼，而又不取盡其辭也。竊意執事之所謂偏重者，得非密勿之大臣耶？所謂私昵者，得非左右宦寺之小人耶？果然則雖折檻叩牓而言之而，皇帝有

所不信何也？彼方有所挾以取重於人主，而人主又嘗自恃其往日之英斷，以為彼有所不敢肆也。愚請得破其所挾而明指人主之所恃可乎？竊見今日之大臣所挾者，強也，介也，而皇帝之因而重之者，亦以其強也，介也。然而強者，四而弱者一焉；介者一而和者二焉。皇帝未之察也。所謂強者，強於盜柄，強於飾罪，強於拒納忠之言，強於護其私局。弱者，則弱於守道格君而已。介者，介於接天下之賢人君子，和者和於羣小，和於皇帝之左右而已。凡若此所謂強而介者，唐之盧杞蓋皆有之，不足異也。頃有諍臣亦嘗痛哭而陳，以為今日有德宗之病，誠為不識忌諱，然而其任人則倍之矣。夫大臣有所挾以為重，則必陰窺皇帝之意旨而明與為市，此必與寺宦相表裏而。皇帝又未之察也。皇帝未之察，而且有所恃以為彼不敢肆，蓋自信即有大慈如御極之初，昔吾有以剪除之無難也。夫天下之患必有伏而起，必有所

乘而入見以爲甚著則其微可杜也見以爲甚
大則其細可圖也苟忽之以爲微且細則其著
而大者立至矣 皇帝以爲所養而役之使之
而彼且疑天疑神也 皇帝以爲吾將有法焉
誅罰其後而彼則已流毒而莫可窮也故 皇
帝手除大慙之後今魯幾何時而部堂之署有
貂璫矣邊塞之庭有貂璫矣財賦之地有貂璫
矣舉未聞當密勿之任者一造膝陳其不可也
大臣以逢迎 皇帝而結納乎內臣內臣以嘗
止事堂文集 卷之八 三
試 皇帝而應接乎大臣 皇帝雖察察於遠
而已遺之於近又豈有濟哉本欲寄耳目而適
得塞本欲託心腹而適得盡恐其病積累而深
也聞之善治病者不必條具藥餌也誠能審其
中於四肢而已得十之二三矣誠能審其中於
血氣而已得十之五六矣誠能審其中於腠理
而已得十之八九矣 皇帝一旦知受病之處
則知起病之方任天下之情僞日察而吾惟以
誠應之坦然大度固已收偏重之權塞私昵之

路而羣天下莫之我欺矣所謂君德者有大干
此者即譬之診脉者標病環集舉不足顧惟以
攻虛邪而固根本爲上斯國醫也哉

是科爲己卯朝宗舉第三人放榜之前一夕
而副考以告正考曰此生以如此策入數吾
輩且得罪本房廖公國達力爭曰果得罪本
房願獨任之正考遲回良久曰吾輩得罪不
過降級罰俸而已姑置此生正所以保全之
也朝宗遂落今讀其策豈讓劉蕡千載一轍

先居堂文集

卷之八

不可欺也 爾黃

行文逼蘇長公 許子

南省試策二

用人之道上以實求之下以實應之循其常格未嘗不可以爲治不然雖日言破格而格且從之益固矣甚矣保舉一途皇帝之意甚盛而羣臣皆以虛文塞責也夫皇帝之所謂保舉者求濟世之才也今天下內訌外侮誠宜得個儼非常之人任而使之非爲其能周規而折矩前拱而後揖也若但如此而已見在三途之內豈患無其人而又特設此一途耶保舉卽古之

壯悔堂文集

卷之八

薦辟也其法不始於今日卽不稱而坐其舉主亦不始於今日然不過防其徇人情之私開賄賂之門而已以愚意論之奇士固斷乎出賄賂之外真才亦未必不在人情之中昔人所謂非親非故何由習知之也此二者已常不同觀而況於避影匿形惟恐多此一舉爲身累者乎於是士之稍才穎者則懼其多事而不舉矣士之稍方幅者則懼其異俗而不舉矣士之稍氣節者則懼其沽名而不舉矣此行而彼倣以庸

碌爲老成以軟熟爲諳練以闕茸爲和平究之人情固有賄賂非全無而偶儻非常之人則百不得一也且得謂之能破格者乎漢武帝嘗曰馬駟馳而致千里士負累而立功名魏武帝雖非帝王之比然而知人善任使未之過也彼則直謂士有行如陳乎者吾用之矣斯二者與破格者也今天下之時之勢豈減漢魏用人豈尚可拘常格然而苟有舉二君之言以舉士未有不驚駭失色者以文求之而以實拒之格又烏

壯悔堂文集

卷之八

在乎其破也嗚乎舉朝之臣皆不以建功立業爲事而以畏罪持祿爲心而且借口曰吾必得孝如曾參廉如伯夷而後進之也然則屠販誠辱行而販築乃賤夫耳豈得一望見皇帝之國門哉夫處三代以下之世而必欲得三代以上之人以濟之愚竊見其惑也勢必至其真者不得而僞者踵至乃愚之所謂庸碌也軟熟也闕茸也夫士苟得其才穎者亦可矣苟得其方幅者亦可矣苟得其氣節者亦可矣今此三者

皆以爲不足而乃更得夫庸碌焉軟熟焉聞茸焉豈因俗救時之道宜然耶抑此三者越於格之外而彼三者寓於格之中也 皇帝曰破格羣臣亦曰破格而實陰持一格共牢不可破於是乎保舉一事以虛文告終矣且天下士名求之甚高實待之甚卑無論高者鮮有有者不至即使有而至矣頃嘗有一士焉以草茅疎賤不爲祿誘不爲禍怵連章累牘抗論今日任兼將相之大臣 皇帝曾一聞之否乎竊意 皇帝

破格可也

論當日取人用人得失可謂曲盡文章反覆

照映更妙不容言 靜子

南省試策三

叔孫通曰太子者天下之本也本重則天下重然而往往搖奪者冊立之不早豫教之不先也我國家元良之建蓋已有年近者 皇帝又爲擇日出閣命儒臣授講讀蓋其所以爲社稷計者追古三代之隆而非漢唐以下之所能及也從來並后匹嫡少凌長愛間親皆足以搖奪國本今幸無之獨是豫教則願有說焉書曰一人元良萬邦以貞竊以爲元所以長仁良所以繼善蓋欲以仁善正天下而無事乎刑名法術也漢景帝性本刻薄當其爲太子也又以晁錯爲之家令其後制七國卒亂天下論者究其禍本不必吳王稱兵之日也當錯爲家令時已早決其有此矣則所以遺教太子者非其人也宣帝雖漢英主然而殺趙蓋韓楊皆不以罪殘於用法高文之澤始衰顧嘗謂成帝曰漢家自有制度本參王霸奈何欲純任儒仁則所以爲教太子者非其道也夫教太子者以書教之不若以

人教之以人教之不若以身教之也太子異日
有天下之責者也但得青宮讀書辨古今興亡
識人才邪正足以治平耳矣豈欲其博物能文
類儒生耶顧其生深宮之中長阿保之手觀而
感之漸而摩之朝夕而悠游之所謂以人教者
非獨妙選儒臣也卽左右替御之人尤所不可
忽也儒臣之少不若宦寺之衆也儒臣之莊不
若宦寺之狎也儒臣之進止有常度不若宦寺
之臥起而無間也儒臣以經史進而宦寺以嬉
遊進二者豈相敵乎昔者如懷恩覃吉輩皆賢
而有識以故憲孝兩朝多得其助焉 皇帝誠
厲風旨於此中得一二入如思與吉者俾侍太
子則一暴十寒之病庶幾免矣然而人主者太
子之所取則也人主好聲色則燕趙之粉黛吳
越之綺羅不問而進太子之前矣人主好狗馬
則韓盧之駿足蒲稍之龍種不問而充太子之
御矣推而至於人主好仁儒則太子之必純厚
可不問也人主好名法則太子之必刻薄可不

問也商高宗賢君也而爲太子日常在民間先
朝 仁宗 宣宗聖主也而 二祖命之從征
伐又嘗往來兩京道路身出入田舍訪問百姓
疾苦今既不能如此脫畧而簡易則所做法者
獨 皇帝一身耳 皇帝無聲色狗馬之嗜固
足以端本而正源然竊恐漢之景宣之病不
盡能免也意者於元良之義尚未深長思耶抑
愚則更有進焉往者太子出閣則爲之廣置講
讀之官使之前有師後有傳左有弼右有輔其
或儒臣不足則更選他曹而改授焉蓋其重也
今則幸有一儒臣可以當師傳輔弼之任佐太
子爲堯舜者 皇帝顧以建言怒其僨直卒使
之折辱貶謫以去毋亦疎教太子更有其術歟
而何其不愛惜人才也

人教身教是訓儲本原之論 恭士

當 思宗稍涉深刻故朝宗對策如此 教

仲

南省試策四

今天下之患殆有不可言者內之寇外之邊是也愚以爲寇之患非寇能爲患也患在任寇事者武臣養禍以自利文臣文飾以避害邊之患非邊能爲患也患在任邊事者因循而不知變計畏縮而不敢奮發當夫寇之起也繇於民貧民貧繇於賦重賦重繇於增兵增兵繇於備邊迨夫邊事之壞也繇於兵弱兵弱繇於餉薄餉薄繇於粟不登粟不登繇於田荒而民多爲盜

然則二者之患將更相表裏而不知所終矣竊以爲邊之患遲而大寇之患速而烈請先以勦寇言之寇何起乎其先不過一旅之噪兵而饑民附之耳當其在豫之河北也一二將帥剪滅之有餘然而卒使之復燃者則養禍以自利也未幾由晉入秦而其勢張而大矣於是乎一誤於撫再誤於勦之垂成說者且以爲行金而脫繯之開府秉銳以爲方叔召虎者誠與前人不同然亦聞其久於宦路善調人情而已今日省

臺議論甚深且苛幾束縛任事之臣無可一措其手而獨交口而譽其人者非誠以其用兵之善也乃愚所謂文飾者之效也 皇帝宵衣旰食欲拯生靈於塗炭倚任行間非文則武而約畧不過如此亦何怪乎寇之日熾哉雖然以法徇人則亂以人立法則治以官徇人則亂以人擇官則治今所爲文武者固在也武臣縱寇其責在武今則繫縱之不問而獨朝逮一撫夕更一督其爲督兵撫者亦曾聞有露章而劾一將

帥者乎其則積玩而輕武臣曰進彼亦進武臣曰止彼亦止以國家推轂賜劔之任而日望影隨聖主於將軍之幕客而猶謂之將士豫附皇帝亦孰知其事聞其人否也 皇帝誠願知其事聞其人一旦舉而措之以武立法以文擇官罷周旋繩墨之料而用括囊英雄之材中割不逾時之格而警驕不可御之將則寇患可立平也夫內實則外之虛者不足憂內重則外之輕者不足舉請更以籌邊進從來籌邊者三策

日和日守日戰今則和有所不屑言戰則又倡
不即舉獨有一守而已然而遼事自英宗以
後固皆出於守矣亦嘗有三歲不破軍殺將乎
五歲不入關乎十歲不窺京乎守業已無效而
曾不知變計曾不敢奮發乃愚所謂因循者幸
目前而畏縮者踵事後也然則今日誠變計而
奮發焉勢必出於戰而愚且見陳言者之以建
功爲多事也挑釁爲速禍也孤注爲首罪也又
誰爲任之者乎夫國勢處積強之日在於持重
休息爲安處積弱之日在於整齊振刷爲強不
可一槩論也天下之因循而畏縮者殆二百年
士馬久消耗矣器械久敝壞矣大將吏亦以其
禍福之命羣聽之無可如何矣非使之卧薪豈
能知寒非使之嘗膽豈能知苦也耶譬如有人
病積痞者無不劑而救之之理即使驟畏尅伐
亦必漸次破除其壘塊盪滌其腸胃而後徐養
之以升平若乃徒畏藥餌而日進聚肉又豈能
下咽哉夫我之遼且延袤以千里計守東而西

濱守西而東濱五里置墩十里傳烽積而一
將即使勝兵滿千而彼驅忽騰捷立以十倍
來不可支矣夫彼嘗以聚當我之散我卒不思
一大聚以掩出其不意則何說也我國家之幅
員十大於彼彼我國家之人力十強於彼我國家
之財貨十富於彼誠能反其積弱而以戰爲守
則遼患不難備也嗚乎愚之來也未著者易收
而已見者難防漢之渤海朝歌寇也唐之黃巢
亦寇也秦之畏城周之太原遼也宋之澶淵浸
假而至於江至於海亦遼也竊幸執事之問及
之而更願其破忌諱而入告我后也

練達英豁李文饒一流

恭士

明策從來以填引古事爲工此獨語語切今
三百年第一手也

敬仲

南省試策五

今夫文章者有達下之體有達上之體有疏理之體有致用之體有述誌之體有載事之體有象物之體有抒情之體教令詔誥之所發也箋書章奏之所附也經術之表章也謨猷之條貫也彰往切今之經緯也條近行遠之章施也風詩之所見端也銘賦之所揚盛也總而言之俗尚之所繇以醇澆也人心之所繇以邪正也是固有體焉而非可以意爲之也然而變而通焉各自以其體而爲之爲一體也欲其皆醇而不正必自取士始蓋士人之進身雖僅以其一體者爲之而其後歷久而殊用教令詔誥於是乎代言箋書章奏於是乎表職經術將以述聖紹賢謨猷將以澤民致主彰往則必取裁切今則必徵材條近欲其無蔽旨行遠欲其無滯思宣朝野之好惡於是有風詩壯國家之威儀於是有銘賦凡其所以需之如是其備也夫需之以衆效而求之於一端無怪乎上作

而下不應也何也本可以操末末不可以操本源可以澄流流不可以澄源無以鼓舞天下之學而徒欲振起乎天下之文是逐之於其末也爭之於其流也古人知其然故取士之途不一而其所以教學之旨甚鄭重所以教學之方甚周詳也今天下取人於進士一途且三百年而不變其偏重也久矣所謂進士者非真其學異於人也亦能爲進士之文而已父師之所教子弟之所習不過曰簡鍊而揣摩之求爲進士此外非所尚也始以其人登科日繼卽以其人知貢舉久而化焉公卿大夫士相視其選如出一轍夫舉天下而盡驅之於聞見寡乏才氣粹劣則進士之文之罪也雖然徒歸其罪於文彼有所不服何也彼誠無其學而不能非彼嘗能之而故出於此文以圖一得也且其所專家而爲進士體者亦不啻其心粗而氣浮旨陋而格卑鹵莽而食報臧裂乎先民矣而况乎求當於諸體也夫教令詔誥之文體在典重今也非鄭重

則聲偶矣。是其病爲襲爲遺。箋書章奏之文體。在條達。今也非夸諛。則冗庸矣。是其病爲諛。爲設經術之文。以發明爲體者也。訓詁者。病之穿鑿者。又病之謾猥之文。以裨益爲體者也。空疎者。病之沿襲者。又病之彰往之文。以失其斷例。而體病切。今之文。以失其考實。而體病條近。行遠之文。今勸其體於胥吏。病在乎學士之依樣風詩銘賦之文。今虛其體於館閣。病在乎舍人之斷臆。凡若此者。病不可勝言。曾無害其爲進士。無阻其爲大官也。夫天下之執其一卷而思僥倖也久矣。今皆如其願而償之。俗尚又焉得不漓。人心又焉得不汚乎。天下之道。一彼一此。習之於此者。百年而不能效之於彼者。一日容有之矣。若於此未嘗習之。而遽欲求其效於彼。則必不得之數也。今執事所問者。舉不越進士之文。是其所積重。不過此一體耳。而乃欲諸體之皆合。不亦異乎。韓昌黎曰。氣水也。言浮物也。氣盛則物之小大畢浮。愚以爲學水也。文浮物

也。學既充實。則其於諸體也。變動焉而出變化焉而來矣。今天下未必無淹博之儒。貫通諸體。亦未必不能爲進士所爲之文。但其所爲文。不盡如其心。且而氣浮。旨陋。而格卑。而有司又不以先民之式求之。則亦黜而落耳。執事豈能誠而求之。達于天子乎。執事而無進退之責。則已執事而有進退之責。愚終願其急於勸學。而其所爲文者。將有待而自舉也。

光芒萬丈。曲折自如。文章家之宗匠也。靜子

北海堂文集

卷之八

上

論文體一字不可動移。文更疏暢。爾黃

豫省試策一

三代而下未嘗無雄才大畧之主而治不進於古者非時有不同學不明也夫人主不下殿庭而周知小民向背之情左右忠佞之端海隅隱伏之變豈有他哉勤於讀書而又集諸幃幄儒臣於古今之理亂道術之原委日啓沃於廣廈細旃之上如斯而已矣是故行一政而天下歡欣舞蹈以頌之用一人而天下莫敢不服誠以本原一清則其勢自不可得而蒙欺也君心之

壯懷堂文集 卷之八 七

出入一彼一此不向之於詩書則向之於聲色其勢必然也不親之於儒賢則親之於匪賢其勢必然也不納之於精明則納之於蔽塞其勢必然也彼其託於天下之上渺然一身耳十步之外不能聞也百步之外不能見也既已不聞不見則不得不委重於人其所委而重者幸而得其人則猶可彌縫其闕而苟安於一時苟不幸而不得其人則將陰陽爲工講張爲幻其患有不可勝言者三代而下任數明察之主猶且

不免焉而況於性質不相習文義不相曉言語不相接者乎聖人知其然故雖紆績以塞其耳而聽於無聲不與天下爭區區之聞而自無不聞也旣旣以蔽其目而視於無形不與天下爭區區之見而自無不見也夫所謂聽於無聲視於無形者何也博通古今精研道術而好學不倦也三代而下創業之君漢高帝唐太宗宋太祖元世祖明太祖而已矣高帝繼秦滅楚以太牢祀孔子緣葛議禮拜叔孫通爲太常命陸

賈述古與亡十二篇以進號曰新語唐太宗置弘文之館躬釋奠之禮命孔穎達撰五經正義宋太祖喜讀書雖在軍中手不釋卷會御殿今洞閣諸門曰此如我心少有邪曲人皆見之元世祖定鼎於燕召寶默許衡以充講帷明太祖

祖命有司廣求古今書史收之秘府新發成繪古事蹟法戒於壁此數王者雖性分學力各有偏勝然未有不從事於學者也不特此也他如漢劉向嘗上黨崔游習毛詩京氏易馬氏

春秋每日一物之未知君子耻之後趙不勒且
不知書然常使人讀漢書勒臥聽之北魏拓跋
珪克燕卽置五經博士問李光曰何物可益人
神智光曰莫若書籍遂令郡縣崇焉是一時雄
霸偏安之主亦未嘗不知所重而非云馬上果
遂可以得天下也 今大統初集 皇帝生知
天縱百度維新然而有致治之本源惟一曰讀
書而讀書之道有三一日開經筵考前朝經筵
之制常以月之二日御文華殿進講惟大寒暑

弘治堂文集

卷之八

警報焉春講開於二月暫輟於五月秋講開於
八月暫輟於十月然猶有日講又午講於煖閣
皇帝倣而行之日就月將二帝三王之大經大
法於是焉在所以格非心緝敬勝也一日親儒
臣人主親賢士大夫而遠近習便嬖則可以高
養德性今一時從龍侍從皆起兵間而 皇帝
又有近獵狗馬之好豈特長沙之不合於終漢
哉夫古之輟衣虎賁皆選吉士而後出入起居
不陷於非幾所以慎輔導廣忠益也一日讀漢

書古今書不能盡讀而治平有要畧若其德承
之大學衍義丘濬之大學衍義補一王於理而
以立乎天下之綱所衍之義大而簡一王於事
而以舉乎天下之目所衍之義細而詳其書其
體立書其用 皇帝萬幾之暇留心講覽所以
總得失辨興亡也然而猶竊有慮者公之 命
令詔誥滿字也譯而後頒之天下焉章疏奏議
漢字也譯而後上之 朝廷焉書之命龍曰朕
聖說說珍行震驚朕師命汝作納言夙夜出納
朕命惟允天下人臣之爲龍者少而不爲龍者
多則出納之可虞也久矣 皇帝如不通漢書
卽經筵何以開儒臣何以進哉夫大舜生於東
文王生於西其實天下之至聖非東西可得而
限也豈 皇帝僅云真人起於朔漠而必滿焉
之是尚歟誠能濟滿以漢而力勉乎此三者而
猶不聞所不聞見所不見或小民向背之情左
右忠佞之端海隅隱伏之變猶有蒙而欺夫
皇帝者愚不信也若夫執事之所問天人精義

之青詩賦詞章之流卽本末內外各有不同
一爲儒者之學一爲文人之學皆排人立己
其失也非迂則蕩愚未敢臆言以獻也

俱從治平上講學獨見其大勝處尤在切今
恭士

卷之八

三

三

豫省試策二

聖人之治天下也未嘗不可以蕩佚簡易者爲
之而必習之以委曲煩重之數豈故以此勞天
下哉蓋有見於人情之自然而放而決之與閑
而閉之均有所不能也自然之謂禮非以爲文
也所以經世變也非以爲儀也所以定民志也
蓋聖人作而萬物觀舉天下之情方且皇皇焉
不釋其故而日求於我之思我顧無以厭其
求而徒示之以固陋之觀則朝廷所以自爲者
未始宜其然也
輕矣夫勢無常強而在於維持者厚運無常盛
而在於輔翼者隆循循然行之既久而其始非
一端之所能窺者其卒亦非百年之所能犯聖
人於開物成務之日已慮之矣三代而下其
國不以禮者莫如秦而興也勃焉衰也
蓋秦之爲道也是今而非古拂人而從己
且而惡周詳其所爲質者非真質而不至於文
者則真無文也禮者制文質之中者也時可以
質而質時可以文而文故謂之中昔之得統於

亂天下之法其分嚴則天下之耳目可不威而肅也其器安則天下之心知可不柔而服也其節明則天下之名教可不勸而興也其利溥則天下之衣食可不給而裕也其法立則天下之風俗可不約而齊也於是乎黼黻之章我不得而簡賤之干戈之威我不得而逞極之綱常之義我不得而湮滅之井廬之界我不得而兼并之倫要之列我不得而增減之我之所以自爲者不輕則天下雖欲凌而蕩焉而有不能踰我

北梅堂文集

卷之八

三

之予天下者不薄則天下相與享其治焉安焉而有不忍去是以天下自結繩畫象茹毛飲血而後未有不日之於文而可以固陋之治治者也聖人知其然故有改道之名無變法之實有虔始之勞無慮終之憂自非大有爲之至其能不惑於衆而建大業者鮮矣三代而後惟趙武靈王魏孝文帝近之而變而不失其托則孝文爲烈焉文中子曰貴其時大其事太和之治何可少乎哉夫孝文優安之至也而况乎皇帝

之大一統者乎故曰居五帝三王之位繼五帝三王之道治五帝三王之民而欲廢五帝三王之禮竊有以知皇帝之斷斷乎不然也抑皇帝而果欲議禮則必有數倍於叔孫通高堂生之人出而佐之又何難於輟天下之疑異而絕天下之牽制也

立論決不可磨是將來典制中第一等文字

論子

豫省試策三

與人主共百姓者守令也。守令輕則百姓愈輕。

矣。三代之制封建天下而寄其民於諸侯民間

之利病諸侯專之更一轉而卽達於天子無甚

懸絕也。漢承郡國而立守令其時之賢者往往

徵入爲三公僚屬佐吏得自選署而有所因革

建置於民無復得而侵沮之者則漢之守令卽

古之諸侯也。吏治之盛厥有由哉。夫託之重則

簡之不得不重也。簡之重則任之不得不重也。

任之重則進之退之不得不重也。故曰叙之甚

難而授之甚易。其勞甚矣。責之太劇而視之太

卑其勢輕矣。名之太濫而實之太濫其勢輕矣。

選舉之道儒與吏而已。儒焉而不盡出於儒吏

焉而不盡出於吏此所以敘之甚難而授之甚

易也。委用之道法與體而已。法焉而不獲於其

法體焉而不獲於其體此所以責之太劇而視之

之太卑也。甄別之道貪與廉而已。貪焉而不必

果其貪廉焉而不必果其廉此所以名之太濫

而實之數濫也。於是天下之守令習而玩焉其

賢者相與飾虛名循故事坐待資俸而不肯者

且幸其一日之便潤身飽家而已何怪乎民生

之日凋也。皇帝親政之初洞悉其弊嚴飭而

申行之致治之盛卽何論兩漢然而天下之流

品不清天下之文墨不破天下之僥倖不思天

下之功能不厲皆足以家吏而害民愚生請盡

言而無諱焉可乎。親民之官非賞功附勞之具

也有功有勞者以此賞之附之卽非真有功真

有勞者亦奔競焉而借賞之附之而郡邑之

繁曠若若者不知其所從來矣。蒞政之司非屏

氣折腰之地也。統轄所及者而願之指之卽驛

驛旁午之所過者而更以挫之辱之而郡邑之

唯諾者無所措其手矣。黜幽之典別民靈也則

一日而三褫未爲過也。乃有同墨其守而或摘

之綬或彈之冠者又安見乎民靈之必黜也。臨

明之典勸民庸也則一歲而三遷未爲過也。乃

有同素其絲而或企登仙或嗟向隅者又安見

乎民庸之必陟也。皇帝曰：吾有法在其令。天下政之課之攷之課之誠是也。然而令之上有守焉，又有貳於守者，數人焉。守之上有監司焉，又有列於監司之署者，數人焉。皆數經層折而後達於彼若撫乃以聞於天子。天子又不即裁其可否，下之六卿六卿審決矣。又復得請而後下之。其層折而至於守令者，猶夫故也。長於守令者未必賢於守令，即賢於守令矣，而滿漢之見不除，或有所顧望而不敢，或有所牽制而不能。於是上與下終日求塞責，下與上終日求當意外。其內實杆格，初似精嚴，而後益縱廢弛。豈可得哉？夫人主之取吏也，程之以不可冒之衡，則賢才之塗不得而混之也。假之以不可撓之權，則豪傑之氣不得而困之也。束之以不可避之誅，則中人將以其畏罪者而羣奉法也。激之以不可遺之賞，則小賢將以其圖功者而爭修職也。故必疏品清而後士墨可破，必文墨破而後僥倖可息。必僥倖息而

後功能可厲，自然之勢也。以古之吏視今之吏，則今冗矣。以古之法視今之法，則今幸矣。以所甚冗，猶若有不足以所甚幸，猶若有不平。此無他，績詔之屬太廣，而鈎考之律或踰也。皇帝誠心知其弊，而力矯之。遴數大吏以遴天下之羣小吏，又遴一大吏以遴天下之數大吏。舉而措焉，人無新舊，皆朝廷之吏。何親疎也？地無遠近，皆朝廷之吏。何輕重也？職無廢最，皆朝廷之吏。何恩怨也？勿以美錦而學之，製勿以善書而掣之。財塞鼠穴，以杜三窟；出筒衣以公敝袴。則源端於上，流潔於下，民不求安而自安矣。太平之治天下，且拭目俟之。

經濟文章古人兼之者殊少，此能兼之。
縱談當世之務慷慨洞達莫謂今天下無馬
周陸贊其人也。

豫省試策四

天下有其言近於從來之所習聞而聖人必不能易者則治河之策是也。太上順之其次利導之。最下者與之爭順之不能於是乎始導導之而懼其濫而不循乎流也於是乎始分懼其衝而不安乎濶也於是乎始鑿分之鑿之皆以導之也。從未有與之爭者。今而障焉是塞之也塞焉是與之爭也。自漢以來治河者屢矣竟悍然爭焉而不顧其不受及至乎力竭功廢而不知止。則令當路條議其便宜而輕謀喜事之臣猶且大聲疾呼願據臂一試卒無有心知其不可而肯爲昌言之者。夫以神禹所不致出者而後人出焉聖人所不智窮思而以爲無奇者乃就十數肉食之人而詢焉採焉既而於其挽之勢又惑於下流之利則亦徒見其勞民傷財而已矣。夫河發崑崙出自西域其由積石而入者禹引之也禹當時謂諸水以入海爲歸而中原之水皆散而無統而無方其勢無有能相

注傳堂文集

卷之八

注傳堂文集

卷之八

挾相屬會同而入於海者故不得不借河爲用也。然而禹用河而不虞河之不爲用反因以爲害者則所謂識其源辨其性諳其形而非恃吾區區之力與之爭也。河之源自天上來驚濤奔浪一瀉千里雍冀首當之而不至大爲潰溢者有山以束之也。其性喜紆折好遷徙委注於徐揚之窪下而亦不至大爲潰溢者有陂澤以蓄之尾間以洩之也。惟至於豫充之墟野平而曠土疏而實既無險可以抗又復滿而不能容聖人以爲河形至此逶迤而蕩漾吾惟捐數百里之地以予之而已矣。聖人非委其地而不惜因而棄其民而不愛也。蓋審量其勞逸大小焉而委之棄之乃所以全之也。河者天下之神物也其澎湃汪洋無不之也。又天下之陰氣也其鼓衰於西南而自東而北則地氣之陰應之故常出沒乎豫充之間此漢以來河患之大較然也。戰國時白圭鄭國之徒皆制其堰而高其岸者天下有分地與分民也。害歸於彼故利成於此。

勢不得不自爲防也。今天下一家，兩岸之地皆朝廷之地也。兩岸之民皆朝廷之民也。南徙則吾避而北焉，北徙則吾避而南焉。計其財力，不費不敵治河十分之一，而固已無事矣。故河所出於南，則出於北，利害一也。今必欲使不北而南，或使不南而北，何利之有？雖然，當事者必有以爲利，利運道也。則請卽以運道言之。國家定鼎燕京，運道所經必由於河。然視堯都冀方，未甚相遠也。攷堯時九州貢道，已有沿海逾陸之結。○據。○堯。○時。○之。○貢。○道。○有。○沿。○海。○逾。○陸。○之。○文，不憚推挽轉折以達之。未聞首尾數千里而必恃一綫於河者也。河之所以爲貢道者，以通淮也。周定王五年徙矜磔，已失其故道矣。漢武帝時復通淮泗，宋太宗時始專入淮，則是數千年間其或通與否，皆氣運之自然者爲之，而非人力之所能爭也。今不審其上流之怒，安何故而遏其湍駛之衝，是不知其源也不審其下流之停滯何所而隄於尋丈之內，是不知其形也。以龍宮蛟窟潋原浸天之物而欲集區區泉脈

草土之力以敵之，是不知其性也。不知其源，不知其形，不知其性，是昔者神禹之智不能以玄圭收黃熊而後人謂可以僥倖焉，豈不惑哉！夫視運道之利，先受治河之害，且運道明明有沿海逾陸之文，可以揚千艘之輕帆，疏雙輪之中梗，而必欲首尾數千里恃一綫於河，則亦徒見其勞民傷財而已矣。皇帝軫念民數正供之額，繁從儉薄而治河之竭民財者倍正供而五之，其以耗民之力則又父老子弟終歲於陸風泣兩剝肉補瘡之中而不得休息也。以治河爲名而取之民間者，本折工億，追呼運轉之費，種種以什伯計，追數易其手而實用之河者曾不得其半。故今日且有以治河爲奇貨者矣。除執事所問荆隆口小長堤而外，其不經水衝之計，筭河臣之耳目者，尚未易一二指也。其實皆久湮之陂，徑寸之穴，本無可治而胥吏備作之徒，輒欺得請而科歛焉。甚者則日築而夜潰之，利其迄無成功。宋人有云：治河猶治兵也。治兵

不利於用兵若謂兵無可用則利權輕矣治河者利於治河若謂河無可治則利孔塞矣故今日之河朝廷即欲行其無事而司空未必以為然也司空即欲行其無事而總河之制府未必以為然也總河之制府即欲行其無事而藩河之監司未必以為然也藩河之監司即欲行其無事而濱河之有司未必以為然也濱河之有司即欲行其無事而胥吏傭作之徒借河以為漢經者終不肯以為然也故今日之河下秦之先悔堂文集 卷之八 三

之則上因循之愚生未盡其所終也執事倘察

慈堯而一昌言焉是中原之幸也

通篇以不治河為主變化出沒極文事之

恭士

豫省試策五

人主之所操以礪世磨鈍者賞罰之法也賞不逾時罰不旋踵衛嗣君曰賞立誅必雖失十左氏無傷也賞不立誅不必雖得十左氏無益也而君子譏之曰嗣君知數不知道聖人務以忠厚寬大之道待天下而不屑屑小數以邀之若是乎其立法之有本也雖然不通乎時變而為之以聖人之法猶不足以為治通乎時變而為之即區區之小數聖人有所不廢也天下積玩壯悔堂文集 卷之八 三

之所致固有激之以賞而人不知勸陳之以罰

而乃以爽然恬廢然逆者矣人非大賢鮮不愛

財人非至愚鮮不惜死聖人能以所甚惜者所

甚愛故天下之中人皆可自全於功名之

不至有覆餗傾轅之傷則其必用嚴者乃其善

濟乎寬也蓋法設而不立積習不破也法立而

不行積威猶不伸也衆人守之不足一人壞之

有餘也事事而守之不若其忽然借一事以徇

之也天下惟積玩之後循之難為功亦惟積玩

之後反振之易爲力出其不意而用其不測誅
責不必遍於天下而服從者遠說在乎烹阿而
益封卽墨已鳴乎天下之亂必其法先亂天下
之治必其法先治故聖人不患人情之難御而
惟患吾法之設焉而不立立焉而不行也明之
季也其政似刻而實弛其吏似畏而實欺天下
相承數十年而實萃能於法之中有人焉起而
救之可以知世變矣 皇帝執太阿以馭天下
亦豈能外賞罰哉然而 皇帝能獨操之不能

先悔堂文集

卷之八

三

獨用之必有所寄寄之而不當雖欲獨操之而
天下之窺之者衆也寄之而當雖與衆用之而
其權未嘗不卒歸於一也何者法有所自衆而
本末之衡異也 皇帝者天下之本也誠能秉
至公於上而貴屬戚疏無有借吾養者然後推
而大吏以至於小吏無有阿循者矣誠能運至
明於上而左右近習無有場吾寵者然後推而
大吏以至於小吏無有壅蔽者矣竊聞往者二
三藩王皆得以用人殺人而諸從龍於舊邸者

或出爲流官或中司大柄譯一字焉而行刻一
木焉而旋止外廷不敢問也以 皇帝一人之
權而分持之所謂法者特有其名耳於是天下
之奸宄有所沿以自升而天下之貪猾復有所
恃而不敗民殘而俗弊此雖日誅十數人未必
當也不正其本而躬行督責天下豈信之哉夫
法設而不立不如其無設也天下猶知有法也
法立而不行不如其無立也天下猶知法之必
不可犯也迨一出而屢反一反而不平而天下

先悔堂文集

卷之八

四

始陽以奉法者塞責陰以執法者售姦矣明法
之不振也其弊有二曰情面曰賄賂今天下則
并於一途究之情面而可破而賄賂不可破則是
羣天下以金錢爲守官之符續命之膏而朝廷
不復有功令也明臣馮琦之言曰當廢無二體
責賤無二法則天下治愚竊以爲今日滿漢無
二體貪富無二法而天下治令亦非盡無法
之理也所以寄法者未嘗也寄之滿漢大臣法
太臣密故小臣廉然使舉動可必其不與也賞

罰可處其不論也甲可而乙否焉則核之核之而果否焉則其罪在甲矣若此者無赦乙否而甲可焉則核之核之而果可焉則其罪在乙矣若此者無赦不逾時而列焉不旋踵而判焉絕游移之端杜管庇之路振綱挈領而法已伸矣○文○鏡○張○太○伯○富○年鳴乎天下之貪欲也極矣○出○謂○美○新○如○見○李○惟制其命者可以立反之制其尤大之命者可以預止之故事有近○結○出○五○品○罪○心○於銖急不近人情之所為而適以符吾道德之用者不可不察也

莊悔堂文集

卷之八 四七

從救時立論最為警切却不肯雜入刑名一

字靜子

壯悔堂文集卷之九

賈開宗辭子

同里

選

徐隣唐爾黃

附

徐作肅恭士

宋

榮牧仲

表說書後

擬

思宗收元追復楊漣等官爵并起被廢諸臣旋
欽定逆案頒示百官廷臣附表
崇禎元年

伏以

惟皇御極授淹采於辛陽

壯悔堂文集表

卷之九

一

至聖有臨騷凶人如鳥雀雙鳳題白印之墓泉
臺忽際風雲九州鑄若鼎之形人世不逢
精杙此陰消陽長之日實小往大來之期
斗柄獨持泰階載遇臣等誠懼誠忤稽首
頻首上言竊惟周易章授茅之慶春秋列
刈草之文殷少師告彼新君首嚴威福里
大夫賦其世子用戒薰蕕乃知朝廷之司
實惟賞罰是寄自玄皇初辭誤予人倫之
書而神木失幾遂爲博徒所借形迹鹿馬

傷黃犬於東門權授王曹飛白蛆於西市

水德之傳一傳二豈獨神言赤帝之爲桓

爲靈誠非曆數泊乎沉香亭畔縱橫排衣

三千竟至甘露臺前顛沛金枝奕世沙門

獲法人稱胡廣中庸北府開衙誰疏王涯

冤滯拜聖燒宋氏之座以社鼠而結城狐

得衛卿彌子之方本獻桃而致楊竈黨成

翼虎爪牙之焰彌張臥近驪龍雲霧之勢

在手於今方烈自古以然未有日月無私

壯悔堂文集表

卷之九

二

陰幽爲之昏照光華復旦魑魅因之潛藏

如此時者也茲茲伏遇

皇帝陛下

曆應乾圖

電繞華渚

龍飛代服紀元開藝祖之年

廟告神宗重臨增軒孫之瑞新煉蜩妃之石

玉清仍是九層更築共工之山坤維安於

四極八閩既宸泰軍應慰孤寬七聖同遊

大澤猶勤異夢若以芳州之杜若先夜已
零更恐湘水之幽蘭入秋將落玉極雖美
深愁非屈子之官金鏡尚存竊喜無張公
之祭爰下褒忠之典生者榮死者如生更
嚴辨奸之條赦者追刑者無赦謂妖增自
作之孽值先帝倦勤之時始焉以豎刁之
謀期於天子終焉以國老之勢廣置門生
家國無人衣冠掃地懸鷺鷥之餘食犬吠
籬間逞刀鋸之淫刑復愁梯上娥眉初進

竟同大諫之名溺器何來乃鐫亞卿之職
拜公姥而爲假子侍郎豈敢有疑託與校
而得美官耶鄆因之效步遂致長安道側
日走豺狼不止灌壇城前夜呼風雨自恃
障天之手公爾渠魁有賦同讐之章立成
藻紛甚至淳于通術落紫微之前星試問
裕如何辜賜馬嵬之錦帶上壽呼九千餘
歲觀兵蓄問鼎之心點將列一百八人展
禽蒙盜跖之號卽楊雄劇美之論陰附巨

君與蔡京紹述之名明詔太后彼無生祠
之建此多要典一書同是戴天履地之人
獨笑龍逢非俊物更耻誦詩讀書之輩借
言董卓誤中郎海幾揚波日將匿曜幸有
黨人之目不附黃門乃至清流之臣幾於
赤族身騎箕尾頌此氣壯本朝名盡族常
更願克生王國安鐘簴于震蕩之後豈曰
謀身不臧復銅駝于荆棘之中實乃先聲
奪氣死而無悔常留折檻之風神其有知
化爲指佞之草若夫削迹而遠引尚存九
死以一生魯連之清高義蹈東海梅福之
明哲冠掛北門鳴鳳朝陽橫遭泉鳥之嚇
冥鴻在野誤爲弋人所羅此
祖宗養士之恩共扶名教亦臣子鞠躬之義寧
間存亡各予維新之施用彰異舊之治至
於逆黨某某者率土不容含生共憤倘擬
拔莠應作獨餒之臺姑念放鷹使禦題
之鬼擁戴稱頌懸金石不刊之書令其遺

臭千秋門戶宗盟杜調停兩用之局防其
貪緣一旦庶乎舉朝華面得免宵小之憂
允矣薄海同心共遵蕩平之路臣等才非
拔類志切觸邪探虎子於穴中豈其愛而
不殺奪絞納於領下值彼睡而獲全生入
玉門之關已叨非望新脫龍城之戍便授
崇階生成荷天地之私髮膚非身家所有
敢不潔清冰雪自託青筠益當奮駑駘毛
不虛蒼隼伏願慎終如始國逸於休有北
雖投蒲嬰之心足畏以人爲鑑魏徵之孟
可懷近觀先朝之包容已成前轍遠取韓
侯之頻笑不假中涓去邪勿疑灼知虞氏
之精明非深文網臨下以簡樂與唐帝之
廣運共此聖神將見侍御僕從罔非駿明
之助股肱元首再膺喜起之歌矣
宛轉疏暢高勝處尤在體裁讀之生氣
千秋 辭子

擬

上遣官致祭

先師孔子闕里奉祀表

順治九年

伏以

齊躬思道觀百代於焚籍

憲古修儀隆一時乎俎豆風生泗水初傳

元運之星鑄神降尼丘永式遐心之金玉敬

其後矣皇皇者華格則享之洋洋在上斯

文啓佑至治馨香臣等誠惶誠恐稽首頓

表

卷之九

昔上言切惟立大君之則必遵垂統之師

自生民以來未有集成之聖誕娥妃之鳥

齊孫始慶衍雲初應鳧繹之麟上瑞繁肅

瞻對角江河一沛會支派之淵源日月有

明聚羣星之緯次用以典用以治誰云可

廢詩書繼自昔繼自今國不虛修禮祀唐

官宋殿雖道絕天階無益分毫郭雀漢蛇

皆手脫龍泉願觀鐘鼓慨沙丘之不道自

取乎三月烈燼卽壁篋之餘音尚足爲千

秋禾鑑豈寬應春此靈光自在人間抑澤
未斬焉衣冠終藏故里玉臺夜闌恍疑終
節之來朝盡棟晨間忽爾駿奔之咸助東
西南北位屈生前天地皇王接符身後自
非大聖人克真見聖未有修文祀成秩無
文如今日者也茲蓋伏遇

皇帝陛下

玄宿真人

紫宸正位

掃風塵於三尺劍復華夏之深讐
定社稷於一戎衣得帝王之大統
雲屯禹甸直入秦關百二重

龍起冀方適合堯年十六歲爰念開基之要
一新厥政之初謂崇儒非僅虛名况承祭
光爲大事禹背湯肩者至人也敢以南面
而傲彼東家嶽降星流者曲阜歟用展中
心而馳茲四牡御府書七典之帛若日予
一人昭告非遙錫卣灌三液之漿可知吾

先哲明歆莫吐子孫爭逐膚敏以前父老
來觀客嗟而去隔朝之曠典洗兵於此重
逢一代之休風振鐸目茲勿替相之蹈相
之舞公西氏固存乎克有光克有輝顯孫
千猶生矣祠畔之枯枝何意頻滋日炤之
華林中之祥鳥攸聞羣避鳳卿之客斯寶

天開有道故能

聖暨同心臣等器遜瑚璉司存遷豆生右文之

世徒咏菁菁之在阿際尚德之朝未燭濟

濟之酬國仰承夙夜益切淵冰敢不思一
得之中庸庶其事君庶其事父因而讀全
部之論語半以開創半以太平伏願

文武克猷

始終典學

念孔子何闕而居闕里

以先聖爲師不耻師臣

午朝而御極講經

報爾更勤思博覽

歌大風思猛士古成陽勿變儒冠

虛前賸談夜分今宜室猶多鵬賦則修聖人
爲明大義論清體
之文者修聖人之道用以建極訓行而重
聖人之道者重聖人之徒推之興賢育德
將洪開敬敷之業無壞無窩而永席祇承
之貽於萬於億矣

對仗靡麗有神氣音韻鏗鏘有思理

使徐庾失步 恭士

士學堂文集表

定鼎說

高皇帝之經邑也審曲面勢蓋嘗靡地不營矣
然而卒定鼎金陵焉龍盤鍾山虎踞石城門連
三吳室控二楚大江之所環枕淮肥之所內通
也昔者秦得金策剪諸鵠首鑒觀秣陵厥有王
氣令朱衣三千之衆鑿立方山疏迤水道爰以
湧泄龍勢肇啓鴻河錫嘉名爲秦淮此天下之
奧樞神阜也禹夏山川初平田惟塗泥世變漸
夷廣行沃野辨方定位上圭測影會風雨而和
陰陽中天地而交四時財賦自儲漕運惟充計
道里之均環朝會之所軼軌周京駕美漢都矣
故天下大患未嘗不始於西北而建康乾符坤
絡世聯戎狄梗指流池馬無所馳郵水逶迤車
無所衝草蔓漚濯牧芻蕭寂非天塹之險艱干
渡也以性岐蕃落渡之無適於用耳夫內有旬
粟之裕外益風俗之隔豈非盛則足以定四海
衰則足以奠一方在德亦在險之說與粵暨
文皇重啓疆壇煥以制度爰虞人渙定社稷於

北平以天下財賦產東南金陵其會戎馬盛西北金臺其樞輪財賦於東南統戎馬於西北其幽并營天地之中也雲中右則浩於龍門左則衍於碣石面臨洪河背拱渤海垣應紫微板成艮位介震出坎勢之間殆亦所謂天府百二也上多慨慷產饒蓄牧瑯琊旋繞雲輶轉於遼海漁陽豪俠香粒來自東吳倚敵盛矣而三面隣邊一面制禦天下聞之正位居體者以中夏爲喉舌不以關陞爲襟帶也惟文皇順天受命威德所訖咸賓咸牧以河套爲脇以遼廣爲翼外而三十六家爲之藩內而二十四南張其勢密接胭脂奪匈奴之顏色烽火連騰上廂之驂駟因勢於斯稱強焉自英皇北狩河套淪沒巢焚原燎糜鹿爲墟而肅皇庚戌之變乃從西薄矣熹皇初御遼左沉疴弩弓躍馬仇讐是尋而皇帝己巳之年乃自東蹕矣嗚乎兀良福餘沈焚於烽煙南關西極飛騎於鋒鏑致丙子戊寅之間落日吹笳破榆關之曉夢秋

原鳴角起帝城之暮愁寅發卯臨無旦日之期唇亡齒寒鮮百里之界豈形勢固有異乎抑古今貿理而金臺之區昔取裁八都今則孤峙壘外也昔翼脇秦晉肩背遼河今則抵墻窮幕也且五大之邊以餉爲儲勝固有三都焉冬春居大都東都夏秋居上都以習蒐獮均輸運大都者上谷也道自淮而入濟上都者開平也道繇海而會河東都者大梁也開朱仙之故鎮資中土之咽喉從未有漕聚於一區者苟孤舟懸於先聲定之說萬里幸來石鍾之稱防肅遍於開關猝厓榛梗之虞寧細民營室尚陶穴以備非常而正紫宮裏曉關固可不憑倚後戶侯食迫域哉稽漢都渭浹定以天邑唐承其朔實爲咸陽山河四塞峭函重關後有巴蜀之饒前有商鄧之阻故兵戎出於不意可以退安而徐復宋都中豫澶漫九州關與中夏水陸都會也而勢多平衍以弘普山無鬼我以岌嶭故道旣昌以麗康氣衰風而悲喪其視高皇帝萬世不拔之基文皇

帝一昔獨創之盛。眇矣蔑矣。今日倘思扼天維。衍地脉。創艱食之弊。策定民之本登。聖曆乎天階。章國祚之有秩。盡求所以紹揚偉烈焉。

此說作於戊寅十五年前。即已見及遷都矣。文之沉雄壯麗。又自一體直在三都南京之間。

恭上

壯悔堂文集 卷之九

豎人臧說

豎人臧者。吾兄授以乳羊七。臧受而牧之。二年矣。羊未之增也。吾兄怒而責之曰。吾羊之牧於他所者。歲兩乳焉。其所乳者。又乳焉。而汝之畜。獨不繁。臧俛首無以對。吁。臧可賞也。天下有以不亡爲存者。臧殆是也。牧二歲而猶七。其羊臧可謂能守其故者矣。天下之業。苟今以受之。昔後以受之。今日傳而日守其故土。不必其能廣。人不必其能衆也。無失先王之舊。計雖世強焉。

壯悔堂文集 卷之九

可也。無失先王之舊。民雖世富焉。可也。天下之開疆而疆。以必杜民而民以臧。是乎臧之所不爲也。且吾兄亦知夫乳羊者乎。吾隣翁者。嘗有羊焉。而命人牧之。其人既報之以繁息之數。乃立豎而受。已而謂羊之牧於野者。摘苗而害稼也。乃置圍而牧之。已而又謂羊之居圍中者。產繁而氣疫。羊多以死。大約終一歲。增不能數羊。而授廩有餼。浦牢有費。所謂建豎豎若中。似理者。又一歲而數。聞白其說。翁碎問其繁。

息之數而喜不及詳。准羊而授牛焉。牛實疫死。又准羊而授鷄與豚焉。受耕之戶惡其瑣細而弗堪也。燕田而去之。嗚乎。翁始貪貪而惑。既惑益不知所悔。皆乳羊之利誤之也。故天下往往徇小利之虛名而卒之勞費紛擾得遂不償所失者。藏乎。藏乎。吾知免矣。人各有能有不能。善用人者貴審其能與不能。若此者不言利以數其主。寧辭功而受過。乃藏之所能也。不可不察也。吾兄曰。爾之言近。然吾羊則實有牧而乳。壯悔堂文集 卷之九

者又若之何。嗚乎。天下之地廣於先人。加於舊受業而守之。而或以創開而昌大者。君子豈不謂賢焉。然而不可必也。若夫漢武帝猶其得焉者也。後將有掩敗以爲功。飾虛以爲實者。李宓王成之屬。雖知而誅之。亦何益矣。故天下之亡其羊者多矣。藏殆以不亡爲存者也。侯子曰。利之所不與者。害之所不伏也。藏之功不可見。然天下必見功而治者。又何其美哉。耶。

無中生有。駕空蹈虛。發出大論。 卷十一

劉次隣字說

嗚乎。古人君之待其下。觀於尚書之反覆於降。臣者何其優渥而親密也。士幸生其間。可以出而仕矣。及人劉君暢者。業尚書。名其子曰宣。而請字於余。曰。雖知夫宣之不敏。然欲其力於四方也。余字之。次隣而說。以贈曰。夫尚書所稱。左右有民而望之。翼者職無專責焉。輔翼之統詞也。宜力四方而曰汝其爲之。豈古之外而牧伯而以勉勉綱紀者耶。夫君子於德業之際。嘗謙以自牧。避其上焉。而不居。則亦爲其次者而可矣。是可以爲字耶。劉君暢曰。宣方未足以爲士。而子顧屬以盛大之辭。教之。夸也。曰。宣所以爲力也。苟力於其事。而不怠。則士也。而有卿大夫之材矣。倘壞焉。而不及。數弱焉。而不及。張閭焉。而不及。昭因循。遏廢。而至於無可表見。卽假之以卿大夫之位。其庸有以愈耶。夫君子於德業之際。亦云爲焉。而日至勉焉。而日強也。然則余一字之者。誠大而非夸也。劉子其無駁吾言乎。

哉

道德全是荆公

恭士

字曉兒說

曉既冠字之日彥室而進之日曉乎天下何易
云通人也爾無寧室焉耳矣室於應事故省爲
省爲故安於拙室於虛人故寡合寡合故全其
樸天下惟上智能通中人且不可而況其下者
乎曉乎爾毋寧室焉耳矣

道德之精言

靜子

書昌黎潮州謝上表後

昌黎一代人傑其諫佛骨幾致殺身尤挺立不撓然貶潮州而其謝上表亦何哀也昔人論其欲以詞賦進封禪幾於相如逢君此誠太苛使昌黎而自此貶道以趨昔豈遂安坐不至卿相乃官侍郎日明知王廷湊不可犯而必卿命宜論此取不回何哉蓋士君子之自處固有生死不難決絕而落莫悲涼之際反憐然不能自持者如蘇子卿要胡婦冠萊公陳天書與昌黎不安於潮陽其病一也嗚乎之三君子者豈非錚錚者哉而往之所近不能自強故曰君子之學變化以成德自知其病矯而克焉變化之謂也朝宗此種論著最有道氣莫草草看過

書周仲馭集後

仲馭不以文章名然官儀部郎日嘗疏請仲理遜國時事而其復吳貴池書論皖人阮大鍼尤爲嚴正卽此已與日月爭光非文章之家所能及也後卒以觸皖人殺其身遂有議仲馭生平剛愎太過有以取之者幾乎此亦就其殺身而後論之耳仲馭與余交最善余嘗見其負盛名時執贊聞業者滿天下倘其自此踐履公卿天下必且益附之以爲景星慶雲豈復有議其剛愎者哉惟堂文集卷之六

言外嗟惋含蓄不盡 恭士

書練貞吉日記後

夏人練君貞吉司馬公少子能繼述其家學爲中原人士之冠嘗遊禾水作日記所載皆纖碎不經意事而含蓄甚遠余每讀之以遣旅况記中間雜談諧客有病之者夫善戲謔兮不爲虐今風人所以頌衛武也談言微中固不在莊語矣嘗聞有先朝鉅公惑志一姬致風望頓減姬問之曰公胡我悅曰以其貌如玉而髮可以鑑也然則姬亦有所悅乎曰有之即悅公之髮如玉而貌可以鑑耳又嘗遊虎丘其爲衣去領而潤袖一士前揖問何也鉅公曰去領今朝法服潤袖者吾習於先朝夙以爲便耳士謬爲改容曰公真可謂兩朝領袖矣以此二語語觀之是鉅公碑傳之所不盡者而賴以表微也然則日記之談諧何必其無關於世耶

坡公所謂嬉笑怒罵皆成文章

靜子

書吳延仲集後

延仲學問該博爲文章多本兩漢其詩出風入雅如感秋射潮諸篇皆深壯有當世之志近體頗哀豔在韓李間非其至也少年時就燕京廷對猝遇者中貴延請置之坐求爲作兔山五龍亭梳妝樓諸記天壇迎神諸歌既畢辭之金五百鎰願奏天子延仲辭余已卯下第歸嘗遇延仲飲見有伎武氏者在側是昔山東劉大將軍方擬青齊諸侯王請以金屋貯伎伎曰願得終身操險藥侍吳仲子文筆足矣其爲人所傾慕如此昔司馬相如能以琴聲奔成都豪女又遇楊得意薦其詞賦得陪昆門夬之遊後世每豔稱之相如大節固不足爲延仲道然延仲卒窮不遇死矣夫當世貴要豈無操衡量文章引拔人材之權者顧其識反出狗監與蛾眉下何也延仲生明思宗門天子嘗寤寐想見天下之士而同昔才賢流落又不止一延仲嗚乎明也遽墟誰之咎歟

借司馬相如兩事照映最感慨而有風神
士

莊悔堂文集 書後

卷之六 三

書彭西園集後

彭西園名堯論余鄉人之前輩工爲詩者也少
多讀書有氣調嘗遊京師遇竟陵鍾惺與譚不
合。奮。歐。之。當。是。昔。惺。方。倡。異。說。盛。惑。天。下。見
者莫不拱揖下拜西園獨勇於擁衛風雅如此
西園詩開闢起伏具有法度意遠調圓在盛唐
入室之列其負盛名昔詩道榛蕪無人足以共
切磨者西園性又簡傲以故其晚年詩遂失於
率放嘗有馬別駕以詩就正西園翻被一過卽
棄。悔。堂。文。集。書。後。卷。之。六。三。
置之而熟視別駕曰公年四十但窮日夜吟詠
至六十歲不患不佳也豈知得失寸心晚節欲
細當其頽然老反不若少壯歟雖然余嘗序次
西園之詩卽其少壯者已足傳矣獨是一言而
以別駕二十年不輟苦吟世之爲別駕者何其
不幸哉。

自在蕭灑踞文家妙品 靜子

魯黃子久畫後

王君喬年得子久之盡而疑之曰是未必真出
之子久也反覆觀者累日夫使其不佳耶雖子
久何益使其果佳耶而猶疑非子久則是徇名
而阻天下以無齊善也王君方爲盡而徇名以
阻善其可乎譬如古詩十九首相傳枚乘作而
說者往往以爲不\\然人苦不知詩耳苟知詩亦
熟誦之而已安用窮其果乘耶否耶王君乃鋒
然喜余則有感於子久之盡也轉下并妙天下之道未有

先悔者二入云

見之不真蓄之不厚而可以苟爲之者子久以
畫名其所以得傳者固有說嘗致子久常熟人
去大海九十里焉知其不常登蜃樓以觀日習
潮音而聽濤湧而後以其靈竒恍惚之況寓之
於畫耶再一証佐通廣司馬子長作史記必先遊覽天下書畫
之道未必不與此通也且子久旣以畫名矣而
乃自號曰大癡癡則不畫畫則不癡二者果可
兼乎以是知子久之畫又必其有無等無滯齊
毀亦舉之性情寓其中而後進乎技水

者天下之神氣也其始必日見山水羅而致之
几席之間以蓄其氣其終當遂無山無水以吾
心之浩浩落落沛然與之爲一而乃傳其神蓋
若是其不易也而世俗之爲畫顧有終身不見
山水者何也且甚或終日見焉而猶之不見者
又未可知也而況乎其能求之無山與水者乎
嗚乎天下容有習且熟於其真而舉而爲之常
不得其侶者未有望而摹其侶而有所得者也
畫何獨不然王君愜然有間頰首而屈其指曰
先年春必往觀山水焉予其識之昔庚寅十二
月望後七日也

紆餘澹宕 恭上

月望後七日也

諸吾春必往觀山水焉子其識之
昔庚寅十二

壯悔堂文集卷之十

賈開宗靜子

徐隣唐爾黃

同里

選

徐作肅恭士

宋

華牧仲

閱

誌銘

祭文 雜著

明東平州太守常公墓誌銘

妻父常公以壬午卒時宋郡爲寇所破公易服爲道士以免既渡河而卒於曹其子霖權厝之於望魯村又二年乃克具槨如禮迎葬於舊阡余爲之誌而銘曰公名維翰字子羽少常不得

壯悔堂文集

誌銘

卷之十

一

於父然純孝讓產於異母弟卒以格性醇厚與物無競既舉孝廉尤自修飭入上春官不第筮仕保定令邑故福小公爲政隨任其俗人不知有令既滿當遷司徒公數問所欲得者皆不應其于怪之公曰司徒自篤親我自守已遷東平州守既至見民饑開倉賑焉當催科歎曰吾民今賣妻子保性命天子豈知其至此哉然停賦則病國吾願輸家財抵之乃盡鬻其田廬二萬金猶不足遂坐謫司徒公又問所欲補公笑曰

吾向家財有餘故可藉以仕今無矣尚可仕耶

公歸而無居乃居余之北村郭茨數椽意泊如

也公雖平易然見以爲不可卽終始持之官太

守日有中貴人道過東平勢張甚前路令守皆

起居拜跪厚有所饋獻公獨閉閤不與通更禁

其婦尉印頭爭公卒不許人稱其介云公娶吳

氏繼娶朱氏生五子四女植朴霖樾梓其四蚤

死樾霖在女長嫁余叔情次嫁沈魯幼嫁周司

空子業與三余妻也銘曰

壯悔堂文集

誌銘

卷之十

二

往過東平父老來迎愛公及我有酒如濯蓋來公與其子皆不得而見其婿亦猶之乎見公廉吏不可爲而可爲公庶幾有其遺風

誌潔甚銘爲變體然自奇妙

靜子

明都察院左都御史太子少保贈少保陳

公墓誌銘

代司徒公

公名于廷字孟諤年二十九舉進士歷官左都

御史太子少保卒後贈少保天下稱少保公少

保大節侃侃爲吏部侍郎日忤魏忠賢一削官

同楊漣左光斗出國門數日于廷幸不辱身自

此天下士大夫無種類矣已而如公言忠賢誅

死復起歷左都御史爭言驕升漸不可長且亂

天下既爭不得再削官未幾諸大帥握兵者果

難得重文集

卷之一 三

養寇自圖便利浸至開藩鎮類唐河朔故事益

不肯効命貽禍至不忍道又皆如公言天下於

是不徒多公之節而更歎公之先見也公言驕

升時且得罪余督軍昌平習知九邊將帥狀欲

賜言佐公公報書日老臣得以微罪行不足累

公顧從薪慮良苦言不行死且爲恨幸公知我

他日誌吾墓可也公卒後十餘年季子貞慧以

張清惠公狀請余既已受公託生前乃誌而銘

之日公系出宋名臣永嘉陳公傳良由永嘉徙

居義興湖南五世至衛輝丞弘甫自湖南贅毫

村視其地蓬蓬有白雲氣因家焉又七世至憲

章憲章生一經一經有孝行鄉里謚爲孝潔先

生先生方妊而母邵氏發兩刺頸一指殊不得

死後奉詔旌節以公顯贈夫人孝潔先生既不

識父詢得貌乃繪事之伏臘嚶嚶孺子泣至老

不衰娶雷夫人夢虎飛天門之祥生公手足結

毛成麟文襁褓中數自躍起墮地不驚既長有

器量舉於鄉不色喜第進士授光山令不受餽

歷唐山秀水皆以治最徵拜御史公爲御史號

敢言嘗言給事汪若霖鯁直不當黜又言朱相

賡挾私意逐諫臣又言王相錫爵黨庸又言職

方郎趙拱極吳有孚輩皆兩相私人不宜處要

又言從官陶望齡顧天峻犯清議其奉命巡河

東應嘗言閩人張忠不法撓鹺政又言鹽法便

宜五事又言神宗皇帝人不復當陽以致天

怒正陽門災又言鄒元標趙南星王德完皆直

臣當收用其巡江西嘗言淮藩庶長子常洪謀

下。執又言。潘宗多庶代。始死。育生。幼。謂長及。晚
養異姓。廉祿食。爲宗。盡。人言。頓稅宜。節。又言。聞
人。潘相。稅湖口民。不聊生。已。而。言。聞。當。撤。又言。
并稅。亦當。罷。辛酉。熹宗。改元。公已。歷。同。貳。還
太常卿。紅丸。議。起。公言。向以。風顛。脫。張差。庇。其
主使。已。誤。今。以。誤。斌。紅丸。獄。更。誤。壬戌。罷。刑部
尚書。王紀。公又言。紀。賢。臣。持。詔。獄。議。不。上。良。是
不宜。罷。甲子。歷。戶部。侍郎。遷。吏部。侍郎。尚書。趙
南星。相。賀。曰。冢宰。不足。喜。與。公。同。官。乃。可。喜。也
私。人。代。南星。公。面。拒。之。而。薦。喬。允。升。馮。從。吾。汪
應蛟。忠。賢。大。怒。叱。曰。是。三。人。者。庸。愈。南星。乎。于
廷。乃。黨。渠。不。可。不。急。逐。之。公。既。罷。卽。騎。一。驢。去
賦。詩。示。連。光。斗。曰。脂。韋。世。所。同。侃。直。性。所。獨。忠
賢。命。騎。四。偵。公。行。李。蕭。然。無。所。得。丁。卯。遣。提。校
逮。公。適。熹。廟。崩。乃。止。嗚。乎。此。公。所。爲。一。削。者
也。戊辰。皇帝。更。政。舉。遺。老。拜。公。留。都。右。都。御
史。掌。南。察。黜。陟。惟。允。卒。未。遷。北。都。察。院。左。都。御

中。公。辭。不。許。拜。闕。謝。畢。退。而。告。人。曰。于。廷。平。生
好。言。天。下。事。官。御。史。皆。則。其。職。也。熹。皇。帝。拱
默。中。人。有。竊。政。者。于。廷。卽。去。言。路。亦。當。言。今
天。子。英。明。嘗。疑。臣。下。好。名。沽。直。更。多。言。徒。滋。疑
天。子。惟。有。勉。修。職。業。仰。報。萬。一。耳。壬。申。八。月。御
史。視。微。畢。佐。周。以。笞。武。弁。失。上。旨。下。都。御。史。議
公。乃。抗。言。曰。陛。下。赫。然。留。意。武。功。欲。激。厲。諸。介
曹。臣。卽。薄。譴。兩。御。史。未。爲。過。然。天。下。將。驕。卒。悍
紀。綱。不。立。尾。大。之。勢。已。見。萌芽。又。推。挫。法。吏。以
長。其。焰。恐。益。潰。廢。不。可。收。拾。將。貽。聖。明。之。憂。方
大。今。日。倘。避。激。聒。不。一。深。言。爲。失。職。失。職。且。負
國。老。臣。不。敢。是。時。天。子。意。有。所。向。公。持。之。益
堅。凡。五。宣。諭。五。不。奉。詔。天。子。怒。公。遂。歸。里。此
公。所。爲。再。削。者。也。公。事。四。主。立。朝。四。十。年。歷。官
事。業。不。可。殫。述。而。獨。以。一。再。削。之。故。海。內。翕。然
仰。之。兒。童。走。卒。皆。知。姓。名。嗚。乎。士。大。夫。砥。礪。風
節。固。有。所。在。而。當。世。乃。有。於。姍。陰。巧。邀。主。固。寵
欲。以。卿。相。位。傳。子。孫。者。亦。獨。何。哉。公。云。官。後。嘗

深知扼腕天下事不可為居久之病卒年七十

以下叙家世信有法

夫人張氏後公兩月卒有婦德門內化之公四子張夫人生者二貞貽負才早夭貞裕舉甲子孝廉王安人生者二貞達官戶部主事甲申殉國難死而季子貞慧最賢當世所稱定生處士者也余許以孫女妻其子銘曰

死乃銘公則未飛虎祥白雲氣乘之遊因甚慰千萬年猶髮髯

通篇兩制官是骨建言是線索大文章須如

此作中二集此銘

之六

此倣方見手眼○銘亦奇絕

沈季宣墓誌銘

沈、一、有、十、未

沈君字季宣相國鯉之族也少孤所分產鉅萬為其兄蕩費且盡舉安之無聞言兄嘗假為舉券貸財於豪有力者後來徵無以償舉妻常氏最賢慧能告舉曰吾所居豈不有餘耶舉大悅從之徙居澹隘舉天性澹泊不茹葷血力學穎悟有文章各年二十七而病遂以死沈氏自相國鯉以來為宋之巨族無論千餘指惟相國最貴其餘皆以財力雄霸閭里間相國在時嘗

沈、一、有、十、未

宋之十八

南晉之而無以禁也舉獨以寒素稱然沈氏既

富而其人或習為驕奢或更解校校給以謀為

故種雖千餘指無復有讀書能識字者舉獨以

文章自立謙者皆曰此非沈氏子所宜也果早

卒無子一女以妻余子曉銘曰

人異其族是為不祥况君之異乃在文章嘖嘖

而壽孰哲而殤大塊不知終古茫茫

安貧力學已足沈君生平借相國族人一段

照映更自生情生色 靜子

曹秀才墓誌銘

曹秀才以明崇禎庚午卒。卒後而有嗣子璜。璜既長而因其舅陳君貞慧從余遊。是爲順治壬辰。其母陳孺人之教也。陳貞慧曰：璜母年二十餘而寡。今歷兩代且三十年。而曹氏家門之事皆身任之。常秀才之歿也。而事其舅姑不異於秀才生時。其圖所以嗣秀才者。則無子而有子。其撫璜也。門以內慈。門以外多長者。遊教之義。方人不知其無父。今更圖其不朽。秀才者將使

狀世堂文集

誌銘

卷之十

九

怒而召之來。卽署堂上。命爲文立就。凡三試。三稱善。且喜。且罵曰：孺子。倘力學將來建立何啻老夫。而乃不自愛。若此秀才。立感悟。卒。泫厲以文名。顧數不得志。於有司。殊快快。庚午出試院。而病遂死。先是秀才病。孺人常額天請代。又剖股以進。既寡而足不踰戶者三年。乃日撫璜。馮秀才凡而告之曰：君賜留時。恨無子。今有子矣。則又踴踊痛哭。隣里皆感動。孺人勤敏有識量。動止尤嫻禮法。姊嫁乙卯舉人吳洪。姊妹嫁辛未進士吳簡思。兩家姊妹之盛。車馬賓客絡繹不絕。獨孺人蚤寡孤苦。處兩家間。然持其家。世往往傾兩家上。孺人既苦節而孝。歷久無間言。里人乃爲請旌而表之。邇相賀。且歎曰：秀才死而親無廢養。于無廢嗣。世業無廢。主秀才可以死矣。陽羨俗重貨利。士大夫彼此較論。銖兩不得。則瞋瞋然怒已。而更謀所以得之。則復滄滄然。以相合。尤不尚交。又間治具招賓客。必心有所爲。無泛然者。秀才生時。獨數出千金。周人之

狀世堂文集

誌銘

卷之十

十

而孺人常撫璜曰而父有遺志未就而必求
當世達人爲師若受庶克繼之卽碌碌如余
人猶介其兄引璜延請館於家每膳必豐必潔
皆孺人手調而目視之而猶若有餘者嗚乎是
豈少保公之遺教耶孺人陽羨一婦人何以然
孺人生二女其一天常曰秀才恨無子今止一
女豈可不擇配凡富貴家來求者皆却之獨以
歸萬曆間名御史湯公兆京之孫原楨原楨文
雅純謹與璜皆能有立云銘曰

無成有終緊臣與地孺人象之爲君也妻其克
撫璜大君之裔君之生僅二十六年而令聞百
世

是爲秀才誌却以孺人作主行文極映帶穿
插之妙 恭士

郭老僕墓誌銘

郭老僕死而葬於城北之金家橋其主人爲誌
其墓而銘之曰老僕名尚十八歲事余祖太常
公方司徒公之少而應秀才試以及舉孝廉登
進士第老僕皆身從之司徒公仕而西抵秦涼
之塞南按黔方北盡黃花居庸邊鎮上老僕又
皆從司徒公嘗道經崑山攀崖懸洞而陟其巔
老僕則手挽鐵索從焉崑山老道士年百八十
歲矣謂司徒公曰公貴人也然生平豐於功業
壯年而老矣 誌銘 卷之十一 三

嘗於福用當腰圍玉而陪天子飯此後一月難
作凡有五大難過此壽可老矣此僕當濟公於
難者也幸善視之然老僕殊不事事司徒公嘗
遣視南園之墅久之所司皆荒失命人迹之則
老僕自攜琵琶與一嬾人飲於鹿邑之城門樓
司徒公怒斥之不使近戊辰赴官京師老僕固
請從至則日酣飲於城隍市司徒公朝所命老
僕歸醉而盡忘之司徒公怒而罵老僕則倚
壁而鼾鼾聲與司徒公之罵聲更相聞也積二

歲餘以爲常。司徒公爲烏程相，所構下獄，願諸僕曰：「爾輩皆衣食我，今誰當從乎？」老僕涕泣拜於堂下。司徒公熟視曰：「嘻，爾豈其人耶？」老僕前曰：「主人盛時，安所事老僕？老僕亦酣醉耳。今老僕且先犬馬死，主人又患難，豈尚不盡心力？」主人不憶老道士言乎？自此不飲酒，亦不與其家相通。從司徒公於獄者七年，烏程相與韓城相相繼秉政，皆苛深，託諸緹校，誦察在事士大夫親朋奴僕，往往避匿去。老僕嘗衣敝衣，星出月入，以事司徒公。初，燕女有姚氏者，數嫁不終，饒於財。每日我當嫁官人耳，老僕乃僞爲官人娶之。日取其財，易酒食，交歡諸緹校者，故得終始。不及於難，後姚氏察知其僞，大哭罵老僕，以手提其耳，嚼其面，面上痕常滿。及司徒公出視，師乃以老僕爲軍官，冠將軍冠，服將軍服，以見姚氏。姚氏則大喜。老僕入謁司徒公，曰：「老僕嘗飲酒，今七年不飲酒。此後願日夜倍飲酒，以償之。久之，飲酒積病，遂以死。年五十七。」老僕有四

子，其次嘗犯軍法，當死。諸大帥卜從善等羅浮司徒公曰：「非願公細法，乃軍中欲請之以勸忠義也。」當是時，郭老僕之名播兩河。云銘曰：汝士大夫之師，而乃居於奴，奴乎？奴尚則有士大夫卒無。

通篇淋離寫生，從來誌銘中第一。

祭吳次尾文

壬辰十月日梁園侯方城卽陽美爲文而三灑
酒祭於先受吳君次尾曰嗚乎次尾死矣余蚤
決次尾之死而次尾果死矣然余時時見吾次
尾之面冷而蒼髯怒以張言如風發氣奪電光
坐於我上立於我傍狂醒酣醉時一呼之不知
吾受之云亡也今過陽美陳子來迎憶我三人
共學石城嘗更高歌聲滿帝京又同時而幾殺
其身乎大鍼與士英蓋安樂與患難固無一之
弗并今次尾竟不見而獨見定生嗚乎次尾果
死矣因與定生痛哭失聲君豈聞之耶是夜卽
夢君握余手曲叙平生歡笑異常然則次尾又
未必死也余向聞君死嘗就梁園爲位南望而
祭然不欲爲文者以未悉授命時本末恐萬一
亂真失吾次尾今定生乃爲我言次尾戰敗急
坐正冠徐起拜故君辭先人引頸就刃意氣彌
振嗚乎今而後吾次尾果死矣次尾果死次尾
何慙次尾果死次尾固在余與定生哭者受朋

之情而次尾哭者蓋夢中猶不屑爲兒女子之
態余與定生之外次尾交親范張一生一死拜
墓加封當在君里以君之神乘雲策駑今古蟬
辨乾坤棟樑方且無所不之而又何必池陽之
爲桑梓也次尾念我與定生別垂一紀安知不
已駕池陽過陽美格止觀止特我與定生不能
見爾嗚乎次尾讀萬卷書識一字是明三百年
獨養此士

經綿嗚咽全是一團真氣此等文正以不必

剪裁爲佳 恭士

祭亡弟文

君之垂歿也。執余之手而屬之曰。必葬先夫人之墓。而以哲兒爲嗣。鬼既冷而目不瞑。余號哭請於大人。許焉以復。乃。賻。今葬君於先夫人之側。伯兄墓之左。而哲兄奉君之婦杖而衰。是日主祭。拜見賓客。年六歲。禮如成人。賓客皆曰。君有子矣。蓋二事皆如君易箚之言也。敢告。

只直叙事而悲情無限

靜子

代三省督府張公祈雨文

昔聞天生民而明以寄之。岳牧幽以寄之。社稷百神。其有疾病水旱。則岳牧爲之請命於君。百神爲之請命於天。其義一也。今某謬爲國家領岳牧之任。實與神共事茲土。而五月不雨。三農之失其業者。號呼之聲日徹於耳。某心竊憂焉。至廢寢食。則神之憫之可知也。然而某久禱而不應。何也。豈神固未之知耶。抑知之而不爲之請耶。或請之而不許耶。或某之不職已。風獲戾於神。而茲又禱之。不以誠耶。夫果未知之。是無神也。知吾民之顛連如此。而不爲之請。是神溺其司也。若其請之而帝不許。是必且仁愛化爲慘刻。尤某所不敢信也。或某之不職與不誠。則殃咎宜如某之身。而又何與乎斯民也。凡若此無一可者。神必有所以處之矣。某敢不竭潔以待命。

崢切而嚴正方是所告之文

恭士

告井神文 有序

壬辰七月侯子鑿井於西堂剛婦汲焉
神有憑之者曰爾胡不祭我將攝爾覓
願爾言畢而仆侯子奠酒三盂爲文
以祝之婦是夜甦

某之鑿斯井也毋亦聚族而飲神惠也匹婦何
罪之有不腆蠲烝以告神歆主人既已知之矣
神而贊焉其若之何若其非神之爲而妖或憑
之是用疾降威誕昭厥德不然某且是湮是塞
龍傳堂文集 雜著 卷之十 七

辭令是左氏能品 靜子

爲吳氏禱子疏

澄江有蔡烈女祠遠近禱子者輒應余
異之爲妾吳氏禱焉

某謹疏 娘娘殿下某妾吳氏者家本吳門言
歸梁苑十二樓月沉子夜偏照雙眉三子里雲
際扁舟常憐一葉鶯鶯漸老傍公子以何依燕
燕空忙歎佳人之不再終恐霞裳翠袖總歸花
落烏啼恭惟 娘娘殿下自淑也貞聞風者遠
不辭玉碎留誓肯於人間所喜石堅得請申於
帝座掌盞斯有簿俾佐部妃念鳳卜未諧乃辭
麟子伏祈慈明俯照鍊力永平大降英雄菩薩
之靈曲成兒女帷房之願從此長齋續佛早歲
牽錫佳名千歲桃花佩瑤池之結實萬年靈藥
望碧海以邛思某可何虔誠禱祝之至

神韻瀟灑 恭士

蘇長公禱喜一流文字 牧仲

西施亡吳辯

西施非能亡吳也而後世以亡國之罪歸之西施過矣使吳王不信宰嚭殺伍胥內脩國政外備敵人西施一嬪嬙耳何能為當時以勾踐之堅忍種蠶之陰計以蕢嘗膽日伺其後而乃遠出數千里爭長黃池之間構綠艾陵之上窮師殲武殆無寧歲越人乘其空虛而傾其巢穴此即無西施豈有不亡者哉吾觀吳之亡也與秦之苻堅相類二君荒淫精明固不可同年而語北齊書文集 雜著 卷之一 三

而秦之亡以伐晉致潰吳之亡以越境而內救不及其轍一也然後知佳兵者自焚而攻遠者遺近元龜格言必不可易也夫吾之為西施辯者非果謂女戎可與於末滅也蓋欲推其致亡之繇而斷之於窮師殲武以為後世鑒戒也嗚乎吳之亡也有西施亡無西施亦亡強大真不可恃哉

馬屠推論精勁無前 恭士

狄仁傑反周復唐辯

賢哉梁公有存唐之心者也非遂反周復唐也何也武氏一淫虐之婦不過藉唐之基業假唐之名器以濟其惡耳倘一旦廬陵相王或廢或死而果欲傳天下於三思承嗣天下豈有拱手聽之者武氏即英雄豈能盡以威力劫制天下哉周必不能建國何事於反唐必不亡何待復且張易之昌宗者狐鼠豈子其罪固不容於誅而唐之存亡實不係乎誅之與否也五王乃至借兵於羽林踏踰顧慮如臨大敵其視豈子也太過矣善乎李賢告 英宗曰奪門之計非出萬全 景泰帝不起羣臣自詣南宮請陛下正位何事張皇不動聲色而就夾日補天之功此真大臣之言也雖然後之為人臣者倘其無梁公之心而徒借口鎮靜以俟事機之自至則何以異於模稜首鼠者是又五王之罪人也

眼光籠罩古人上細看却是以平心出之 子

憫憐

客有過侯子以律獻者侯子曰律可馴乎客曰夫至德之世獸可同羣而遊今子無乃有所不信耶而何律之疑歟侯子曰然營室而授律焉已而律啾啾焉其鳴之情以思嗥嗥焉其號之窮以悲也又夜則以首搶其戶或視之瞿然而驚類於人多有所不可者仲鳧王子聞之曰子之不善於律也審矣曷以授余侯子曰子之庭有二物焉其大者類西旅氏之葵而小而駿者韓子盧之齋也是皆有欲於律奈何王子輟然而笑曰子非特不善於律也又且不知吾子盧與西旅氏吾將導律而見之二氏浸假而共牢以爲食浸假而共寢以爲處浸假而相與爲夏而日以益善予因而安之豈更害哉侯子曰雖然子曷使童子守之而猶授律以索王子默然不應居三日王子以告曰吾廢吾童子矣視二氏之貌且竊翦焉適矣又居三日王子以告曰吾廢吾索矣視二氏之情且煦煦然親矣雖然

律猶有間焉又居三日王子以告曰律無間矣與二氏者爲一矣又居三日而西旅氏伺律之寢也噬其吭韓子盧拉其臙律竟以死王子盛然不悅而語侯子以其狀侯子曰子固未之知耶向二氏之翦翦焉若適者所以餌吾童子也既而煦煦焉若親者所以餌去其索而恐或爲之援也既而示之以無間者乃所以餌夫律也撤其防去其援而又探得其情此西楚霸王之無所用其力而南宮萬之所以斃也何況於律哉王子大怒抽戈以逐韓盧與西旅氏侯子曰無庸也夫世之相與爲夏日以益善反出其不意而害之者其智非始於韓盧與西旅氏也或曰是律也狷中而狹外類於人恒有所不可者卽無韓盧與西旅氏亦將有災焉

無中生有變動奇軼

爾黃

是莊列中一篇好文宇

韓子

虛告

居三日而韓子虛見夢於侯子曰天平天平夫
子何冒我至於此極也夫子若以我爲陰陽狙
詐而賣吾之友者吾寧且死於夫子之前以明
我之不受也昔先王辨族以合天下之類余是
以受姓爲西戎氏同類而殘謂之忍同族而殘
謂之悖今律之與我族耶類耶我之司守於王
氏執往而捕狸分也彼倖者銳首斜目細前而
厥後假佻詭秘以自炫其身庸知其非往氏之
親而狸氏之黨耶執而殺之又何誅焉且是役
也首兵於西旅氏西旅氏將舉大事而我莫與
助也夫子且得以我爲仁乎我之交善於西旅
氏有年矣夫子之所知也而何有於倖若一旦
潰敗其謀而推倖之卽焉舍其舊而新是圖夫
子其又謂我何幸而倖手爪機歛天下一妄庸
子耳設其有中山氏之狠珥寅氏之威而西旅
氏化不測出生死相角逐我乃顧望兩端成其
其名敗遠其害縱夫子曲而赦我我何面目而

見乎二氏之父老哉抑夫子之徵喻與西楚也
朱辭日者秦失其鹿天下逐之我實準族爲一
旅以從後高祖定天下論功惟崇讓蕭何其餘
十八諸侯皆以余爲準以故熟楚漢事頗悉彼
項氏者吾敵也夫是以見利以糜之分土以角
之多其間隙以困鬪之捐小仁以就天下之大
計也夫子奈何以婦人女子之煦煦者而論敵
於及哉若其爲友者則有之矣彼其生同牢食
同筐交首而戲弄分背而摩搔自以爲交最密
而莫之間也或投以腐鼠乃勃然怒羣起而爭
又怒其爭之不勝乃陽好而陰與爲伺或更以
其友之情而泄之於其仇是則我與西旅氏所
大懼也當是昔與余同事高祖者曰常山王其
友曰南皮侯自二氏不終而其後浸以廣是其
爲道也負塗而載鬼黑烏而赤狐意者其吾族
者敗類之子耶而何夫子之旨及於余也雖然
夫子之言駸駸乎布已余恐天下之後生小子
尸祝乎夫子之言而遂以余當之也夫子何不

則余以尺寸之地。余且三蹠三號而滿其頸之血。以上請於帝。化為天狗而噬天下之負塗而載鬼黑烏而赤狐者。以信余之志。辨余之族類而洗之於夫子言未畢。眼眼然若有大星之墜於戶者。侯子以寤出門。而王子來曰。吾韓盧氏死矣。

一肚皮不合時宜。發得淋漓如許而行文。

綽起忽別創一格。爾黃

有關名教之文。牧仲

壯悔堂文集卷之十 七

蹇千里傳

蹇千里者衛人也。其遠系出於汧渭馬氏。後無顯者。馬氏損之不與通。因別其姓為蹇氏。祖鳴音。初以聲干王濟。濟悅之。而為言。孫楚濟故天子貴近臣。楚尤以文學起家。知名於時。二人既交口譽之。鳴以此稍稍遊士大夫間。積官至樞密令。後頗益驕。與馬氏論姓望先後。為諸葛恢所抑。丞相導爭之。不能得也。鳴坐是廢。鳴既斥家。益中落。乃退與奇章氏耕於野。千里父轅客。早卒。幼孤。不慧時。時從販夫牧豎者。而為人負載。又戲為人逐得之。騎千里。項千里。走人輒笞辱千里。千里貌益恭。觀者大笑曰。是千駑怯乃爾耶。因戲字之曰駑長。遂以名之。會有善相人者過之。曰。吾聞人多矣。公耳鬚鬚然而狹。而長類諸葛瑾。後當極人臣。必富貴無相忘也。千里徐昂首曰。人皆謂我駑是皮相者。烏知我我當於旬日間自致千里耳。乃更其名為千里云。千里既長。盡謝去其故所狎美者。聞孟浩然為

詩乃折節事之爲。攜笈獲沽。然醉輒自負之。而行皆操其所最下者。久之相得益歡。甚浩然。教之曰。子族陋而孤。非有以延致之。卒無所成名。後三日。我與諸公會。灞橋上。子當來已。而大雨雪。諸公坐風簾中。相與傳觴飲。竟賦詩。因歷數當世之能爲詩無當意者。千里顧從泥淖中。背奚囊踉蹌而至。諸公望見。翕然曰。詩在此矣。因遂藉出其羣輩遠甚。尋以餐牡丹之朝。英賦登第。筮仕館驛。巡官擢駕部員外郎。出爲稷州。壯悔堂文集 卷之二 三

轉運使。以靈石道大都督入爲左僕射。封曹國公。千里居官。皆有勤績。性謹愿。不肯爲跼蹐行。嘗曰。彼債鞍而破犁者。烏足與共事哉。然無他材。能以資叙。層累坐取卿相同列。輕之一日。會食中書。漏下三鼓矣。千里一盞數豆。忽奮迅大言。罵坐鳳閣侍郎王及善。數曰。是局趣鞍下駒耳。幸致位此。乃欲一鳴驚人乎。顧謂令史驅出之。吾徐以上奏。千里竟罷爲黔中守。黔中險遠。多暴虫毒瘴。非人所居。千里自以貴臣。坐排斥。

意常快快。不檢押時。出行林薄間。猝爲虎所殺。當時亦以訾及善。云千里死而異父兄。曰田系者。青姓馬氏。更以材力顯。

侯方域曰。千里凡驚其先世。亦無達人而能自飾。飾以詩賦。顯致位卿相。嗚乎。亦異矣。卒厄於虎類。有天數焉。人始聞之。莫不驚不信。旣而果然。嗚乎。大位真不可倖致哉。

極老靠盡節奏。人人能見。不必贅譽。然亦直敘耳。神味都從中出。覺處處飛動。可見文不在救點。一涉救點。便拙拙便死。提頓分明。則神姿四映。無所爲神姿也。老靠耳。老靠固節奏所出。 恭士

與方密之書

敬啓密之故人座下。頃自毘陵。閉密之已還。卽欲奔走一晤。猶以爲未果。乃止。歸雪苑。遇何三次。德具爲述密之還里。月日甚詳。今已爲僧止於高坐。寺僕乃大喜。故人相見之有期。密之雖還而得其所也。往在毘陵。陳子定生私以問僕。曰。密之之還何也。曰。密之無兄。無弟。老父六十餘在堂。雖有二子。皆幼。未必任侍養。密之之還。宜也不然。密之讀書有道人也。南山之南北山。

北山

一

之北。豈患無溝壑足。了此身而必密戀故土哉。今密之既還而止於高坐。寺固無異於南山之南北山之北也。密之之事畢矣。敬賀敬賀。僕與密之交遊之情。患難之緒。每一觸及。輒數日營營於懷。及至命筆。則蒼茫然無從可道。猶憶庚辰密之從長安寄僕繫絲之衣。僕常服之。其後相失無處得密之音。門乃遂朝夕服之。無數垢賦所積色。黧而絲髮亦未嘗稍解。而於濯之以爲非吾密之之故也。乙酉丙戌後製與今時不

合始不敢服而薰而置諸上座。飲食寢息恒對之。欬嗽病妻以告僕曰。是衣也。子之所愛。吾爲子稍一裁剪而更之。以就時製。卽可服矣。僕急止曰。衣可更也。是衣也。密之所惠。不可更也。吾他日幸而得見吾密之。將出其完好如初者以相示焉。蓋僕之所以珍重故人者如此。密之或他日念僕而以僧服相過。僕有方外室三楹。中種蘭、蘭、竹、上懸鄭思肖畫。無根梅一軸。至今大有生氣。并所藏陶元亮入宋以後詩篇。當共評觀之。

送何子歸金陵序

龍眠何子之歸金陵也。道出雪苑。其友人賈子徐子宋子。送之以詩。而推方域爲之序。余之見於天下。興亡盛衰之故。友朋生歿聚散之感。既已多矣。又嘗與何子少同學。中同患難。今又幸存而兩相遇。其可以無言哉。余與何子之寓金陵也。歲在己卯。中原素晉之間。雖有盜賊之警。而江南太平。富庶朝廷之上。雖門戶角立。漸有黨錮之禍。而其公卿之賢而愛名者。皆願求天下

之序

三

下清流之士。引以自助。天下之士亦莫不砥厲節行。唱和聲氣。相聚於豐鎬舊京之地。以文學爲贊。而脩同人之業。卽以龍眠雪苑之一邑論之。其首事者咸有數人。推之天下。盛可知矣。是時余與何子方少年。意氣甚銳。又習見天下無事。以爲海內同志之士。或出或處。可以歲月相見。雖離別歸其鄉土。必不至迷契濶阻絕。故余之自金陵歸雪苑。同人雖聯舟載酒。餞送秦淮之曲。而賦詩言志。往往各有期許。壯以遠從容。

以於未嘗有從從靡驥之恐懼。可憐之狀也。其後三年壬午。而雪苑爲李自成所破。向之眷事者。徐子作霖。吳子伯裔。伯胤。皆罵賊而歿。余至金陵。求所謂龍眠之數人者。亦且有見有不見矣。又二年爲甲申。弘光帝立。大興黨人獄。何子依楚帥。余竄揚州。僅而免。會天下鼎革。同人或散或歿。無一存者。余再至金陵。嘗晨起跨一蹇驢。訪問故舊。盡日而歸。則吞聲止於廢寺。并何子亦不可得見。嗚乎。當余之歸。雖死也使知

之序

四

吾同人飄忽。湮滅。至於如此。必且頽馬踟躕。立斯須。同人亦必且牽袂引觴耳。熱仰天賦公無渡河。豈肯以子之別爲偶然也。夫余之別諸子於積安之時。又以同人如此之盛。而轉盼再見之難。十不獲一。況於龍蛇初定。流血未乾之日耶。又況於友朋寥落。皆其歿散之後。而幸存者耶。又況余與何子友朋生歿之遺。更有出於此外者耶。何子有管樂才。宜出爲世用。然十年以來。猶以布衣奔走。周遊。此其故何歟。吾友

龍眠方以智者崇禪中嘗仕簡詩亦與何子首
事之人也今聞於高坐寺爲僧何子歸試以語
之

兩支縱橫揮灑姿態橫溢奇力四放神明於
法度之中無不如意技止矣 泰士

莊子集注

五

宋牧仲文序

宋子以文質侯子侯子曰吾子可謂拙於文者
矣宋子愕然侯子嘆曰夫人固有爲其事而建
焉而不自知其故者天下之至技也吾子之夫
一至此耶吾子以爲今人與古人且誰勝曰古
人然則吾之所謂拙者古之人能之耶今之人
能之耶曰古人哉侯子曰吾固以宋子爲非今
之人也宋子可謂知古人矣古人之從事於拙
之效非徒其文辭也然而文亦有之平澹之理
出於自然之集序

六

惟拙者見之巧則或蔽之矣渾朴之氣惟拙者
全之巧則或鑿之矣子不聞夫射乎韓非子曰
夫射者殺矢發弩雖冥而發未嘗不中秋毫
然而莫能復其處終不爲善射無常儀的也羿
之中止於十步之鵠而古今以爲射者師有常
儀的也夫中秋毫之巧不啻倍於十步之鵠也
然而不以彼易此者鵠有定秋毫無定也然則
獵巧於秋毫者幸中焉且不必當而况乎其未
耶故巧者聰明之小者也學者之爲經世之文

非如他體之文求以名世已也。蓋代言而述聖賢之旨思以翼道也。是有鵠焉。苟其未合雖有大聰大明者出亦猶乎秋毫之中也。故拙射者必學鵠久而命中焉。羿是也。巧射者必希秋毫冥而妄發者是也。古人之不以巧易拙者有三。而文居一焉。拙於立身者忠信之徒也。巧則僞矣。拙於讀書者經術純固之儒也。巧則變矣。則詹詹矣。拙於爲文者大家先正之遺也。巧則鄙倍自以爲新奇而朽腐矣。宋子論文足以知古。

莊悔堂文集序

仁

人而若不自知者非不自知也。宋子之意蓋猶欲然不敢自以爲古人也。宋子欲然不敢自以爲古人此吾之所以信宋子爲非今之人也。卽論宋子之文其較著者矣。宋子俯首而思良久曰信如子言吾之文非謂遂能拙也將從古之人求之。

宋牧仲詩序

自梅聖俞爲詩而歐公序之有窮然後工之論於是凡天下放廢無聊之人方外遊旅之士莫不自託於歌吟聲詠之間沾沾以爲能卽有身世通顯者考其著作亦多矯情曲意務欲叩寂莫之音繪幽憂之狀蓋所謂和平者難工而愁嘆者易好。沿襲彷彿莫之易也。吾少而學焉亦以歐公之論爲然。最後讀宋子古竹園詩乃知歐公之序聖俞特有所寄。實感慨以求工其文。

莊悔堂文集序

人

非定論也。宋子之詩神蒼骨勁格高氣渾舉當世數十年爭噪學步之病一切空之。直錄盛明接於盛唐固幸爲之於論定之後易去其回惑而得旨歸。吾則甚服其冲融大雅油然悠然從容自適而工者自莫之及。未嘗有孤臣寡婦之悲怨悲鯉魚鵬鳥之侵怪引藉爲激壯也。蓋宋子生於鄉相之家。又少年卽膺勲命常從

天子左右歸而讀書自命尤自奮發攀躋於古作者之林未見其止固其詩之浩落而夷猶矣。

嗟乎吾少時所遇自謂不減宋子未幾流離於
兵戈之餘所至見錮坎塲抑鬱者幾二十年殆
無異於歐公之所謂窮而且老然而為詩卒不
工何歟豈非人之材分有限不能工者雖窮亦
不工能工者不必窮亦工耶以余之泯沒甚愧
其窮而不工幾使歐公之言不信賴有宋子之
不必窮而工者泰証於其間庶足以釋余之慙
而歐公亦不必信其言矣夫天下剝復乘除皆
有成數昔之兵戈之運流離之禍余不幸當之

亦已往矣則今日幸見太平為之導豫而鳴盛
所謂作為雅頌薦之清廟以追商周魯頌之作
者必宋子也嗟乎宋子之詩之工固終不必有
藉於窮然而其不窮者豈非各有其時哉宋子
歌乎吾猶願為宋子和焉

一氣磅礴有撼山排嶽之勢然中間抑多揚
少却從抑處見幽見逸見風神偶覽艾子子
一二文似朝宗此作然作者知者恐皆難其
人也 秦士

雪園六子社序

社者古道也舉必以文事焉其猶行古之道也
古者造士於鄉教化大行才賢輩出則聽其敬
業而樂群相見則執雉為贊傳曰執雉者象文
明也文之不可以已也如是夫吾向者雪園之
君子有若吳子伯裔伯微徐子作霖劉子伯恩
嘗與吾二三子為之其從而為之羽翼者莫不
以文采自著而以躬行相砥甚盛事也無何雪
園有寇難四子者咸余與賈子開宗散而之四
海

方徐子作肅與其任世琛揀橡栗揮鋤田野雪
園之社虛無人焉嗚乎雪園非遂無人也而其
文章散佚流風歇絕卒無有為之收拾而振起
之者雖謂之無人可也蓋天下兵革之氣方熾
主持於上者既不遑脩文而議道而其經術醇
雅之望亦消磨殆盡後生小有才者或跳身於
猴冠虎翼之間呼為異途群請儒行之迂濶而
大雅亡矣嗚乎先王鄉教之法失至使其士罔
與脩業而碩欲輔助菁莪之化復氣運於昌明

者恐未之有也。乙酉余自吳返。賈子自淮陰歸。兩徐子相見。欬欬言及雪園舊事。流連者久之。已而曰。吾四子可以社矣。是固吾雪園之幸而存者也。余曰。姑待之。大亂亦既夷矣。天下之人。才其生育而長養之者。未可量也。學古行脩。聰明淹貫之士。莫遂謂雪園無其人也。吾將未而益之。於是三年焉。而徐子隣唐者出。徐子宿儒也。是吾昔者雪園四子之所未及收也。三子曰。可矣。余曰。固也。學古行脩。聰明淹貫之士。莫遂謂雪園無其人也。吾將求而益之。於是五年焉。而宋子華學成於燕。而以至。宋子年少。有異材。是吾昔者雪園四子之所未及見者也。於是相與左之右之。朝夕而切磨之。又二年焉。而六子之社以成。侯子曰。吾昔者雪園四子不可追矣。求之三年焉。而得一徐子焉。求之五年焉。而得一宋子焉。又二年焉。而合徐子宋子與吾四子者。而乃爲六子焉。然則社之以六子名也。夫豈存乎見少哉。

從先王造士。士相見發論。獨枯本原。方見立社之宜。架空鋪叙。至末。潘宕收足。潔甚。恭士序事。以拙以朴。所以大雅。○不立意見。據事直書。大家之文。靜子。

明處士汪君墓誌銘

明之末有汪處士嘉先者年六十餘寓家於宋而身往來於吳越淮泗之間有子有孫而不肯就養能爲詩歌有高韻而察其意常慘沮不樂與余交至厚言必出肺腑無形迹嫌而晏坐之頃常口若囁嚅有所陳已復色墨然而退如此者二十年矣乃一日率其子若孫長跽余之前曰嘉先婺人也父旅於禾而卒於禾誓心欲舉之先世之墓屬天下方有兵事失業而貧遠延

葬悔堂文集

三

未果今老矣無可待矣倘必娶之返是終無以望吾父也將於禾焉懼非吾父志也違其志而復無以圖不朽其若人子何先生立言者也敢以誌銘請余受狀讀而嘆曰處士孝子也其用心也深哉既老而猶奔走不肯就養者親未塋也意常慘沮不樂者經營其事力苦於不逮而未嘗敢怠也若囁嚅有所陳者欲以誌銘託之余也輒墨然退者示其不敢輕也蓋三十年如一日也處士孝子也余與孝子遊二十年而

不知孝子余之過也敢不勉爲誌以補過謹按處士狀曰君諱世清字仲虛號同水幼聰敏好學長有大志好遠遊弱冠入秦涉涇渭登研岐入蜀放覽於瞿唐灕潏因嶮然曰四海大矣安往而不適志哉人生貴則列駟富則鼎食且富而好行其德大丈夫所爲也太史公之傳貨殖有以也夫乃入潯李業魚鹽既饒有貲爲其諸兄弟娶而撫其孤侄又數推千金與其從子克忠有三猶子爲令宰爭迎養之君皆勉以廉謹

光緒二十一年六月

百

不干以私君雅好交遊有聲益能爲詩董尚書其昌陳徵君繼儒皆與爲友晚而遊上谷雲中道出梁園而病與余祖父交因頌謂嘉先曰此中可居也故其後遂家焉與歸楊李仍賦詩自娛年七十一而卒娶方孺人繼娶張儒人并勸儉克相其家張孺人有至行撫立一孤侄與二庶子皆過於已子年五十有五卒子三孫八曾孫二汪姬姓絲出於周至漢有文和者仕新安收爲江南始祖唐時裔孫華與弟四人俱以武

功顯封越國公。追封英烈王。其後世有達人至
中元立墓。大阪相傳數百年。謂之大阪汪氏。今
卜葬於禾蓋。自君始嘉先。擗踊大痛曰。吾乃使
吾親遠。吾祖吾罪人也哉。吾罪人也哉。夫古也
墓而不墳。孔子東西南北之人也。葬其母。不知
其父。則殯於五父之衢。以俟之。苟附於身而附
於棺。必誠必信。勿之有悔焉耳矣。今汪氏之塋
於禾而不返於葵也。蓋阻於兵燹也。以視世之
無故而因循。或妄意求利其身。與其子孫。或徇
於拘忌而卒。以暴露其親而不葬者。其用心何
如也。處士可謂孝子矣。銘曰。
惟禾於越。爲禹舊甸。惟日月明。惟霜露變。豈生
之達而歟。之戀地厚水深。云胡不奠。

乎素士

參差離奇所謂每變在顏者也 靜子

止賈三兄過禹州書

竊聞諸執事。將以七月命駕禹州。祝修觀察者。
僕私以爲過矣。執事行年六十。夙病未瘳。晨夕
藥餌不能去口。步行三里則喘。乘馬十里則倦。
骨告瘁。呻吟之聲不絕。願欲往返適此千里。何
也。且七月秋陽方熾。雨潦時行。上冒炎毒。下苦
濕蒸。執事自抱恙以來。習於調養。方久。一旦驟
出乎逆旅。飲食不以其度。而求腸胃不感其內。
痼痼不攻。其外者鮮矣。執事或曰。觀察與我同
耄。悔堂文集 六

年故人也。禮不可失。情不可絕。固也。執事雅善
詩。試於高臥之暇。追叙其生平締交之好。勉厲
以德業盛大之務。期望以松柏岡陵之福。侑之
以蘋蘩盛之以筐筥。而命使者將焉斯。亦可已
不然。執事之同年故人。其在千里之內。百里之
外者。固不止一觀察也。執事果乎其不自行也。
亦不開一介行李。視釐其間。而獨於觀察有加。
是涉於重觀察而輕故人之嫌也。執事而有求
於觀察也。卽使其生長遠近之間。官於嶺南之

衣亦重爾。爾者。月陰。遠而謂之。何況。病州。倘其無求。古人固有大寒大暑不出者矣。風雨不出者矣。舉步即遠。潤也。何況乎。往還千里。竊見執事數年間。讀書樂道。達天知命。僕私心推崇之。以爲士君子師表。假之一命。不加貴累之千金。不加爵其無求於觀察也。必矣。故竊以爲此行過也。然又嘗聞之執事。願言於徐宋二子。曰。吾此行非徒祝觀察也。禹州咫尺。尚嶽。吾將往遊焉。噫。天下佳山水。其可盡乎。執事昔嘗登

北極堂文集

三

紆回容與恭注

凡八段曲折傳出似昌黎諸書辭子

正百姓

王者欲治天下而不求正乎百姓天下不可得而治也。百姓者人主所恃以與立者也。人主恃以與立則必先使其有以自立。苟不予之以可重之勢而齊之以至一之術則是其名甚賤而可耻其實甚弱而可凌也。百姓之自救不暇也。父矣。又烏能正之也哉。嘗觀世之衰也其所以說其百姓者有二。所以加其百姓者有七。不察乎七加而欲絕其二。說者未之有也。夫百姓皆

北極堂文集

七

以說而免焉爲得計其心。雖然若不終日人主將何以託根本。厚風俗乎。故天下之患莫大乎人樂改業而以百姓爲不足爲此。明之所以亂也。明之百姓稅加之兵加之刑加之力役加之水旱災侵加之官吏之貪漁加之豪強之吞并加之是百姓一而所以加之者七也。於是百姓之富者爭出金錢而入學校。百姓之黠者爭營巢窟而充吏胥。是加者七而因而說之者二也。卽以賦役之一端言之。百姓方苦其積重而無

告而學校則除矣。吏胥則除矣。舉天下以是爲固然而莫之問也。百姓之爭入於學校而爭出於吏胥者亦莫不利其固然而爲之矣。約而計之十人而除一人則以一人所除更加之九人百人而除十人則以十人所除更加之九十人展轉加焉而不可窮。爭競焉而不可禁天下之學校吏胥漸多而百姓漸少是始猶以學校吏胥加百姓而其後遂以百姓加百姓也。彼百姓之無可奈何者非歟。於溝壑卽相率而爲盜賊

北樓先生集

七

耳安得而不亂哉。夫百姓者人主得之於天而受之於祖宗其關於國家至重也。天下之人無事而爲百姓至安也。乃一旦荼毒之若罪人揀切之若輕草使天下之人一自知其爲百姓則不覺其傷心而嘆蹙額而愁寢不能安視食不能下咽父無以厝其子夫無以保其妻此何爲者也。議者猥曰富而亂。費官者有禁黜而叢公門者有禁庶乎可以一之鳴乎。不圖其本而欲制其末吾見其無術也。吾能使天下不見百姓

之辱斯不慕學校之貴矣。吾能使天下不見百姓之苦斯不慕吏胥之樂矣。嘗讀西風之篇見其區處其百姓者家室之計至完以固歲時之養至周以悉而猶恐其隔絕也則又使之辨堂獻酒而區區疾苦之情何患其不通積輕之勢何患其不振乎。然後知三代之主立國數百年其百姓皆相與安其分而終身無可撻奪之憂者蓋致之有由也。若以爲吾儕百姓苟不至於作姦而犯科固已自立有餘矣而又何需乎其

北樓先生集

十

他哉。故百姓之業自有餘者也。無藉於人主也。而人主不爲之正其實則所業內喪不爲之正其名則所業外徙不可不察也。先王之制百姓之孝弟力田者升爲士士之入官者爲吏其除此者則爲游民至兩漢猶沿其意而守之非獨以慎此二者蓋深求乎百姓之衆多而防其漸少也。當其時士不耀其民民亦不敢冒爲士吏不欺其民民亦不願苟爲吏使天下隱然知百姓之爲重而患根本不固風俗不醇者吾不信

也。嗚乎。百姓者治亂所由出也。彼其說於學校與吏胥也。非遂亂也。而自其不安。百姓之分而推之。則大亂之道也。其說於學校與吏胥者。皆不盡皆黠。而又非此。無以自立。尚不肯坐以待斃。固無所不爲矣。而要之。非百姓之志也。其勢有不得已也。故曰。王者欲治天下。而不求正乎百姓。天下不可得而治也。

目前之感於吏特深痛切言之悲憤言之無

非悔堂文集

卷二

不真切如書

卷二

額吏胥

今天下吏胥之橫何其甚也。雖少猶常有。以額之而況其多乎。夫以吾君吾相朝夕所講求之法。日夜所撫循之民。厲精而施之。跂予而望其治。乃一旦遽且壞焉。於群吏胥之手。朝廷之上。大聲疾呼。三令五申。遂熟視而無如之。何此其故何也。違令之誅不嚴。而容匿之蔽不破也。蘇軾曰。天下之人有奸於自棄爲惡。甚毒而不可解者。吏胥之謂也。古之取吏胥也。必有選而任

非悔堂文集

卷二

之之道。所謂樣屬者是已。學而後入材。而後試其賢能。畧與其官長等。非鄉里所舉者。則不得當也。故其途不祿。其數不可多設。其人亦自愛惜。勉厲於功名之路。有士君子之風。今則不然。姦猾者爲之。無領首爲之。犯罪之人爲之。緝紳豪強之僕。逃叛之奴。爲之。吏胥之子孫相沿襲。親若友相援引者。更迭爲之。凡若此者。豈復有毫末之餘地哉。是以雞鳴而起。孳孳爲不善。不擇人而食。不擇科而犯。以是爲應然也。嗚乎。吏

胥之固結也。又矣。爲之官長有能如唐之鄉公。權明之。況鐘者。不旋踵而制其威命。弊尸於市。庶乎其可也。而精明強固者。少。關茸。啗利者衆。初聞其說。亦未嘗不驚。且怒。旣而視焉。以爲是固吾之左右也。浸假而備顧問。浸假而寄腹心。託爪牙。藉以營其私。農夫且四顧躊躇。以爲吾非吏胥。誰與爲理。是一郡嘗有數守。一縣嘗有數令也。旣已有吏胥矣。而吏胥又各有貳有副。或一人而兩役。或一役而數名。莫不親近其官。

壯懷堂文集

三

長而以招搖於鄉里曰。我吏胥也。縣有吏胥焉。郡有吏胥焉。郡縣之佐貳有吏胥焉。其郡縣之人。又有叢蔽於諸道而爲吏胥者焉。縱橫巡按之。署盤踞督撫之衙。而爲吏胥者焉。嗚乎。天下之官冗而吏胥日以夥。每縣殆不止千人矣。以三百計。是一城社之中。而有三百狐與鼠。一郊原之中。而有三百虎與狼也。其幽暗之所及者。或代之役代之稅。或無故而魚肉。有事而勾攝。疾首痛心者幾何人。吞聲飲泣者幾何家。是吏

吏胥一而受其害者且百也。今天下大縣以千數。縣吏胥三百。是千縣則三十萬也。一吏胥而病百人。三十萬吏胥是病三千萬人也。天下幸無盜賊之擾。水旱之災。小吏無事而日有三千萬人不得其所。吁。亦大。可爲寒心也哉。此皆無以額之之過也。近者數有裁革之

詔

亦稍稍奉行之。然今日沐而明日復矣。巡按之署撤而督撫取而用之矣。吏胥之有罪者。縣發覺之。則入於府。府發覺之。則入於道。道發覺之。

壯懷堂文集

古

則入於院。至於院而人不敢復問向之所爲。府者縣者。轉而與之抗禮。道者降而接之以溫顏。是其不可向通之勢。始猶處於降殺之間。而其後乃反驅之於積重之地。彼大吏之不賢者。無論其賢者。持已有節。而御下無術。吏胥乘其峻刻之風。威猛之性。以市其重權。而取民間之財。頗有倍蓰於昔者矣。嗚乎。從來天下之亂。固氣運爲之。有洪水之害。有猛獸之害。有暴君之害。豈今之氣運在吏胥耶。夫以朝廷之尊立。意

欲革一事去一人易置大將如呼小兒罷遣
相朝下而夕出國門獨於吏胥之至微賤額而
限之易若舉手乃若泰山之不可拔決水之不
可樂天下之患未有壅蔽因循怠廢不舉至於
此極者此其故何也不悉其不額之弊與必額
之之法雖欲額之而不可得也不額之弊在官
不在吏必額之之法亦在官不在吏不額之弊
有三而額之之法維一官之不能而畏事者以
爲吏胥之多非自吾始也吾姑仍之且觀望其

壯悔堂文集

五

他者之未盡汰焉交相觀望而吏胥卒以自若
此其弊一也月而閱其簿朔望而稽其名奉
而裁之榜而示之陽以虛文案責而陰挾其金
錢還之以故物此其弊二也去者去矣而留者
未去彼此營護而以浸潤其官長三窟之鬼百
足之虫必濟其黨與之私而後已此其弊三也
夫朝廷而不知吏胥之弊也倘其知之而下之
令曰是皆有誦誦三人者其官誦誦五人者其
官誦誦十人者其官誦誦無赦彼吏胥之爲惡而

不顧其成者固有之矣亦有官代其吏成者乎
周書曰刑罰世輕世重當其積弊非重法無以
制之夫殺一人焉而舉天下三千萬人咸受其
福雖堯舜用心不過如此而豈其爲商韓之峻
也哉

了然於心了然於手

六

二策指陳利弊剴切不讓敬輿而行文變化
奔軼眉山父子間定當置一座然恐長公策
別猶未盡如其痛快也古今人不知及斯言

壯悔堂文集

六

誠証我耳○其好處只是一字曰達

重學校
今古之相反名與實之不相副蓋未有如學
校之甚者也古之學校所以養才而今以收不
才之其舊似甚貴而實失其提則甚辱久之
幾濫而無可別并其名亦不足貴則何以興天
下之學而成天下之材也天下之學不興天下
之材不成雖聖人無以致治欲反其道必自重
學校始夫設學校於此必其才者人不才者不
得入是以才者有以自見而不才者無所合倘

今古之相反名與實之不相副蓋未有如學校之甚者也古之學校所以養才而今以收不才其舊似甚貴而實失其捷則甚辱久之幾濫而無可別并其名亦不足貴則何以興天下之學而成天下之材也天下之學不興天下之材不成雖聖人無以致治欲反其道必自重學校始夫設學校於此必其才者人不才者不得入是才者有以自見而不才者無所合倘非悔堂文集

其襍然并進是才與不才混也才與不才混而天下之才者少不才者多是不才無以勝不才也才無以勝不才其勢必盡化為不才而後止嗚呼舉天下之學校盡化為不才朝廷猶曰吾養士於此而他日將以大用之也豈不誤哉然則重學校者必清其非學校者而後可也清其非學校者必嚴其督學校者而後可也天下之士至衆天下之學校至廣今槩曰不才則學校者怒而督學校者感嗚呼徒治其名而不察其實

誠無以塞其怒而解其惑也。往者士之遊於校者。十年五年之積累。視其學而共一日之短長。視其文進之者。慎而退之者。嚴蓋有公卿之子弟。望泮宮而不得入。既入而不免於黜革者矣。而况乎商賈富人之贅與隸廝養之賤者哉。今之遊於校者。亦視其積累與其短長。然而昔之所積者才。而今之所積者財也。昔之短長才有一定之優劣。而今之短長財有適然之厚薄也。才茂於人。謂之茂才。才秀於人。謂之秀才。古之

制也。今則謂之請託，熟於人而賄賂先於人可乎？自明之中葉，而督學者患在請託，明之末季，患在賄賂。至於賄賂之盛行，而數百金者爲之數十金者爲之，甚而至於數金者亦爲之。其有此等之實乃虛名之點○最○通○文○字○皆○神○操君之儲自乞人以上，無不侈然爲子矜者，嗚丘之田父朝市其一乎？而女以三子入於庠，嗚呼！士之賤不一牛若而舉世習於不知耻風化之壞，可爲痛哭流涕者此也。夫苟有其爲之之具，則以鄉大夫之奴、郡縣之隸爲之而無以禁。

也。且既爲之而猶不除役牙狙市僧之徒戎卒之伍爲之而無以禁也。且既爲之而猶不徒業然以其非此數者而指而擯之曰爾奴也隸也需狙僧而卒伍也而彼有所不服何也。以爲我之所不能者爾亦不能而爾之所爲有其具者我亦得而有之也。往歲校士而兵譚歐士幾矣其將方且擁大纛於中衢睨而命之曰夫夫也學校者也當答夫夫也非也當免宋之十郡縣之士數千餘人舉皆膝行匍匐甘心受之卒無

壯懷堂文集

充

有起而與之抗者說者以爲士氣之靡而不知其有以致之也。兵不識丁而士亦多不識丁。將鞭筆我分也又豈有名實之異哉。嗚呼學校之積輕至不可以盡言而猶欲以姑息爲有恩寬假爲有禮則是天下之穢者終無時而清天下之溫者終無時而裁也。故慎之而又慎所以明異也嚴之而又嚴所以示尊也。盡去天下之不才而後真才見雖得一真才而不以爲不足也。雖去數百千之不才而不以爲過也。今者大

縣之弟子殆不下二千人中小縣亦各千餘人此何爲者也。且也有進而無退其進也無論試士與不試士寸檄尺符隨手而下其退也無幾又不終朝提擢而復之。附賞錄陝歲不絕彼督學者非不知也因循之見徂於前而貪利之心橫於後前人之教後人若貽以規矩後人之守前人若舉爲律令吁其所由來者漸矣。然則必何如而後可也。曰舉南臣張居正之舊令而行之其進也有制大縣必四十人中縣必二

壯懷堂文集

十

十五人小縣必十五人其選也無制百人不知則退百人千人不稱則退千人無容僞客僞者褫不旋踵無姑狗姑狗者罰不移刻以作養之意而寓澄汰之權以文章之事而行軍旅之法庶乎其可矣。而其要則尤在勿以文藝爲浮華而以德行為借口。蓋其所可歸者行也而其所以不可歸者文也。今使恃其財力以亂其名實而使人保而舉之曰此德行者也則督學者必俟論定於歲月而無由一旦以知其然否。設使人

保而舉之曰此文者也取而試之閱其數語不終卷而瞭然矣夫然後察之曰之干也得無佻達者乎而士行亦可以飭矣故舍文而論其行者奔競之端也既論文而後察其行者齊一之術也天下固有文學而無德行者未聞不文不學而有德行者道德發聞之謂德百行卓越之謂行是文學之所不及也非謂其遺文學也且有人於此策之以經而不對考之以文而不能問之以字而不識無論其實不長者即果然

壯悔堂文集

廿

矣亦不過市井之愿勉之老耳朔望讀法舉而旌之里正之事邑宰之職也而奈何冒之以學校之名也或曰學校所以養士也居正刻嚴之法非先王寬大之澤夫士苟才而賢即居之以憂屋而享之以大烹古之人不以為泰不然育才之地而今沿以為惠濟之局豈不亦羞朝廷而輕當世之士也哉

干瞻論辭達而已矣之說曰辭至於能達則文不可勝用矣爾黃以此評朝宗諸策真足

以當之矣更愛此篇行文更在前二作上其筆下提頓緩急識者自曉至言之碩畫今日可用千年可傳豈非不朽之作恭士

壯悔堂文集

廿

四憶堂詩集序

侯子刻四憶堂詩成賈子叙曰嗚呼詩之存亡豈不以人哉易曰修辭立其誠誠者性情辭者體要吾聞古聖賢之徒誠發爲辭而詩命焉非知道莫或幾也尚書以樂合詩以教胄子以和神人孔氏斷自商周定篇三百疏宕者風莊嚴者雅興質者頌盡辭之變矣非是則無辭也端木賜傳卜商小序傳也序也非作也孔氏亡而詩亡漢魏六朝作者間出然求其旨歸於四詩者鮮矣千餘載而唐始有杜甫杜甫者非唐三百年一人也孔氏刪詩後一人也同昔當稱端木卜商之上舊論謂山東李白與甫齊名然白以氣韻雄未爲知道甫獨能極衆眩曜折以法度披其全文小雅譏小已之得失其流及上庶幾近之杜甫亡而詩又亡其後七百年明有李夢陽何景明登其堂正始在焉今流俗之議之者以爲優孟衣冠夫世有金谷瑤室居然天府卽明瑞琇瑩闕未充斥非探其層複者固未易

知也亦泱泱乎大觀矣彼刻意清至雖露臺猶不獲與未央宮等而况踰然起於窮巷庶人之風乎嗚乎慶曆以還言詩者衆矣其與二公之得失爲何如也二公亡後又百餘年而有余矣侯子殫心討論垂二十年避難歸里始釐定詩章一言之不類於道者皆去之侯子曰杜甫者非唐三百年一人也孔氏刪詩以後源流在此也今夫世之尊杜甫者非知杜甫也耳治也若侯子者可謂知杜甫矣可謂知道矣先是洛陽有相國王公鐸又稍前則侯子仲父天司成公恪其詩頗與甫合然集大成者其侯子乎武威賈開宗記

四憶堂詩集序

漆園氏稱犖牛大若垂天之雲而不能搏鼠蜩與鶯鳩翱翔蓬蒿之間而不能搏扶搖而上九萬里物各有其分信哉孔子刪詩有雅有頌有風雅頌之言欲大而普犖牛若垂天之雲之類也風之言欲幽而悉蜩與鶯鳩翱翔蓬蒿之間之類也漢魏而下唐三百年如杜甫諸人有時應制郊廟及名山大川邊塞之什與夫贈送將相有關治亂之作則其言大而普有時丘壑花

月飲酒紀離之吟則幽而悉致相兼也晚唐宋

三

元數百年號爲作者鄙而不能大也纖而不能而詩亡矣明三百年劉基高啓諸人而後李夢陽何景明今觀景明之詩沉鬱頓挫遶夢陽固也其與夢陽論詩諸書氣象之後益以清新逸俊故夢陽之詩全體杜甫者景明之力也其後太倉歷下諸子猶能守其宗風浸淫以終失其義類尋常宴集動引國事閨中辭房雜綴風塵充其類至于有雅頌而無風相沿

景陵起而詆之遂盡變其調而不自知其入于輕俗寒瘦之僻充其類又至于有風而無雅頌故夢陽而後全體杜甫者憂憂乎其難之乎矣侯子以詩名者二十年先後著作凡歷數變要皆慎而求焉以杜甫爲宗犖受而讀所謂明之夢陽庶幾近之其必傳無疑也世之犖詩者誦法太倉歷下則有侯子應制郊廟及名山大川邊塞之什贈送將相有關治亂之作所謂大而普者也卽不能遽反公安景陵之說則有侯子丘壑花月飲酒紀離之吟所謂幽而悉者也非獨有關于世道之絕續亦將使海內學詩者知所法也同里社弟宋學撰

四憶堂詩集序

先司馬公與侯司徒公相善以故兩家子姓咸若昆弟也司馬公長於司徒公八歲今朝宗乃長於余八歲其莫逆一如兩公朝宗蚤以文章風雅擅宇宙大名余時尚孩童嬉戲輒聞而震驚之司馬公亦數數言侯公子軼塵超影小子可不勗諸甲申朝宗罹皖江黨人之獄避司馬公邸中始與余定交慷慨悲歌醉後留一詩爲別今集中別練三者是也余每恨當時不知詩

四憶堂詩集序

五

雖幸與朝宗交聞其論當世大畧而未得究風雅之指歸一念及怏怏者久之未幾遭天下敗革聚散不常與朝宗遂相失又數歲復遇之於禾水朝宗是昔較滄岳秋興之年不過加其三而乃鬢有二毛余更七八潦倒無以謝故人嗚乎不有吟詠何以陶寫昔人之賦五噫四愁者未知視吾兩人遭際何如也邸次中時時論詩謬爲朝宗許可乃出其全集俾余訂之余竊謂詩人固無不學卽其才亦大約左右追隨之間

未有全相信屢者惟是識之所至不可復強則分優劣耳少陵之空其羣輩者有獨識也余之服膺四憶堂以此至於源流正變則賈宋二子論之詳矣茲不贅也社弟練貞吉記

四憶堂詩集序

六

四憶堂詩集序

人生每多不見古人之恨如梁孝王者不得與之同時亦一恨也假令生當其時與梁園賓客倡和必有可觀曩者萬年少相訂爲中州之遊弔梁王舊址憑眺嵩嶽觀二室之奇介余於侯氏之族謂此中有長舉朝宗賦詩譙客不減梁園余竊心動嗣後蔣黃門楚珍周文學勸卣相繼往遊歸述梁園人物之盛如霖蒼讓伯赤社孝先靜子恭士其選也而首推服者周稱道朝

宗勿絕云余甲戌交朝宗讀其文景慕其爲人

壬午

壬午之秋把臂白門意氣浩落才鋒四起以爲一代文人倜儻非常之集固宜如斯也壬辰冬朝宗渡江而南訪孝先於禾城復與余遇極論當世治亂古今成敗之故曉暢精詳皆素所讀練與耳食者異及言故人往事感歎悲泣然後歎其賦性淵篤用意深切不可徒以文人自之而余向乃知吾友不盡也朝宗齒方壯才名早著亦已二十年矣以其作史之才開館授筆可

備文獻顧其學乃時時見於他說何也儒者多不知前代故實與夫黨戶源流仕宦邪正及將相功罪邊疆虛實大小寇亂所繇起朝宗侍司徒公宦遊身歷兵農之務故言之洞悉若指諸掌余嘗於其所作傳記中竊擬之以稱良史綱魏焉若其緣情賦景卽事造端著爲風雅之辭體則各備動法古人闕亂侶少陵咏史侶義山懷古侶用晦出其憑弔之篇與秦州馬嵬驪山金陵北而較之未知孰勝一唱三歎之屬有變

而不失其正者語余曰是刻也編年而成凡若

八

千卷編年者以驗學之日進亦以考時之代更也二十年内兵寇流離奔竄瑣尾而刻陰窮暴著作不輟其所目擊心膺人物之存亡不知凡幾矣是以朝宗之敘余也感念陳夏皆已零落余又安能已於讓伯霖蒼西州之痛哉吾兩人雖老壯不同然靈光之存有同感矣雲間盟社弟彭賓題于吳興蕭寺

四憶堂詩集目錄

第一卷

過易水黃金臺

出塞

魏徵墓

關山月

蒼鷹

新月二首

蚤發述懷

寄彭別駕丈人

漫贈三首

贈吳徵君丈人

聞鴈二首

鴈鼠行

竹生崑崙西

西山雜詩五首

蚤春見蠅

惡木

藉田禮成恭記

天壽山陵

居庸關

和詹事文公宿郊壇作

郊祀二十韻

大閱二十五韻

早朝應司徒公教

宿州

塞下曲二首

蜀犬行

結鳧

晚眺

泛舟卽事

召早

絕句四首

贈徐大世琬

故城

武城

朝城

麥秀

寒食

清明

贈徐孝廉作霖三十韻

蓬蒿行

暮春雜詩五首

四時辭四首

劍客

第二卷

玉塘故里

謝方簡討送衣

寄夏進士允英

金陵贈范公司馬

奉和臬司李公白兔之作

贈梁明府

贈給事何公謫金陵四首

妖豔

招隱二章章五句

燕至二首

歸來酬吳大伯奇見贈用原韻兼呈徐四

作霖吳二伯胤

弔戰場二首

秋蚓歎

送贈生歸義興

贈人

金陵題畫扇

姑射何高

白頭吟

生別離

老栢

雨

贈劉京兆

聞亂八首

李生宗約家蓄鵝肥脂吳子數數爲余言

思其充庖率爾作此示宗約兼呈吳太

伯齋徐四作霖

野田黃雀行

禁旅十首

日書全言集

劍外

寄寧南侯

又寄子侯

桃源寺

九日雨花臺五首

夢吳二伯胤

世事

虎丘八月十五夜

第三卷

洞庭

冬日湖上二首

過昭慶寺

四兄至

岳廟

堤上

餘杭

晚渡錢塘

富陽

登發

寄揚州賀都督

贈高陽府二首

臨發別賀都督

贈張尚書

九日過張員外

宴張尚書舟中

甲申聞新泰相公口號

禹鑄九鼎歌

金陵別練三

燕子磯送次尾

白雲

卜居

湖上

海陵署中二首

過鳳陽陵園

日書全言集

中秋二首

九日登高

長至

觀趙十一娘畫幽蘭行

并序

十一夜月

雨

寄懷陳黃門子龍

奉送賈三丈開宗歸隱

苦疾行

春興八首

舍弟書至

奉贈故相國王公

蘭至

村西草堂歌

得姑蘇消息二首 黔虎行

寄陳子山中三首 都護馬爲狼所食歌

後歌 寄李舍人雯

寄泗上王二丈

第四卷

詠懷詩二十一首 送故武衛趙將軍

任弟生日 舊業四首

漫興四首 寄二兄

村居和徐五作蕭三首

目錄

五

幽棲 種樹

後春興八首 月

又見 除夜四首

正月初一日雪 我昔二首

去住 奉送王將軍歸田

遁迹 聞彭別駕亡

張叔夜祠 南園

題韓叔夜藤廬四首

詠古五首 聞警四首

感懷口號十五首 送前朝沈職方遠行

寄佟都督 歲暮雜詩四首

過叔氏別業 喜六兄舉兒

寄陳將軍二首

第五卷

高都督凱歌四首 過洛陽贈高都督

別徐大隣唐 再別宋二舉

四兄事雪後却寄

再過宜興贈陳四丈貞慧

目錄

六

示顧孝廉宸 贈觀察原公

宴原觀察生日席上作

陽羨歌答陳生 種松歌贈陳郎

寄賈三丈開宗 澄江贈高顯孫

贈徐君銓 贈許山子

遊吳遇李校書四首

贈校書歌二首 放歌送校書一首

哀辭九章 并序

澄江過韓氏園亭四首

君山

晚登君山大風望江

回首

答任王谷

第六卷

章皇帝御筆歌

老梅行贈韓翁

寄蕭三丈啓禎

寄宋二舉

寄徐五作肅

雨中舟行

答陳生

答任子

過澄潭贈蔣合明

贈戴九韶

贈戴生

漫贈二首

四憶堂詩集目錄

陽美同陳四丈過吳氏隱居

寄吳詹事

家書附絕句二首

偶聽絃索後又寄一首

陽美過陳青門廢園

送顧副使初入楚 寄宋學使徵與

贈武林陳文學

答萬孝廉壽祺惠書畫

過江過彭孝廉賓

弔周太學立勲

君馬黃

枯魚過河泣

杜鵑行

行路難

飲馬長城窟行

楊花篇

御河行

白頭吟

估客樂

鳴鴈行

過唐進士采臣

寄平涼兄

贈吳漢若

荷蘭行 并序

贈蔣黃門

寄盛一兄順

夢亡弟

贈張經師

送練三貞吉

贈曹太僕

四憶堂詩集目錄

過彭使君

題容園舟中

平望

鸚鵡啄金盃歌

玉堂歌贈蔣學士超

過江秋詠八首

越水遇李大元素

詠史五首

夜泊過姜如須

寄魏大敏祺二首

四憶堂詩集卷之一

同里 賈開宗靜子 練貞吉石林 選註

徐作肅恭士 宋 華牧仲

過易水黃金臺

千年尚有昭王關高臺遺址生青蕨陰風常聞

擊筑歌蟋蟀哀鳴細不歇野原夕照霸圖盡東

顧督亢臥蒼碣老父無語立漁津易水捲波寒

六月氣象高涼慘澹經營割據心死馬不辭金千笏

詩亦經營慘澹想見古人懷抱處今人但知重芻粟何論霜蹄

四憶堂詩集 卷之一 一

恣超忽汗血驂驕泣路隅況是區區皮與骨

出塞

迢遞關山上寒風萬里秋控騎還大漠分道出

通侯龍虎新縣號烽煙更築樓自是氣繁幕庭應北

去征戍一歸休

魏徵墓 自注魏徵墓在阜城

鄭公墳墓下亂草沒煙井遭際附雲龍零落歸

墟壠豈非古賢豪同此弔秋影唐季改衣冠大

造嗟馳聘我來揖荒祠聞鐘發深省

關山月

何處關山月飄零又一秋常通沙草白不度玉

門流漢將曾歸戍胡笳定解愁想像在烟塵今

未靖消息付刀頭

蒼鷹

斜日催寒樹蒼鷹獨野征飛揚愁歲暮遲頓爲

毛輕自具風霜氣終非燕雀情去來須任意湖

海尚孤清

新月 二首

四憶堂詩集 卷之一 二

新月弦初上繁星不可尋遙分銀漢影細沒玉

蟾陰思婦高樓淚荒城戍夜砧徘徊清照下客

易動沉吟

今夜人如許容光柰月何微茫遮桂樹窈窕見

嫦娥清入衰顏少寒侵薄袂多吾生渾意緒把

酒一長歌

蚤發述懷

蚤出上東門旭日始林莽西山發朝氣揚袂挹

新爽寒石蹲如人春雲薄於掌下馬折柳枝上

馬繫車鞅古意長嘯酌金壘高岡明俯仰四國

正風塵結束將何往紛紛戰龍蛇悄悄驕魍魎

安得延津劍劃然蕭清朗元侯二十四迹與蕭

曹倣仗策盪烽煙名畫麒麟上我亦聞修途努

力嗣前響奔走謁天門所期泰安懷帝側貴引

手衛霍出廐養南阿有高雀弋者祝羅網冥飛

自不顧芳餌何足賞

寄彭別駕丈人

何似南塘第五橋聞君卜築近參寥猖狂垂老

日常言集卷之一 三

餘潘鬢屏棄隨人誤楚腰瀟酒語殊極氣韻觸事莫須

歌九辨逃名惟應醉千朝誰憐昔日杜工部萬

卷讀書腹尚枵

漫贈三首自注梅憲王翼二人姓名也

寂莫青峰冷暮江落楓今更識梅憲岐王遺際

尋常事一曲鸞輪未肯降

天涯去住竟如何最是關情王翼歌細憶姑蘇

好風景青衫回首淚痕多

下蔡風華久寂寥月明宮殿夜吹簫多情傾倒

張公子不數珠兒侍館陶

贈吳徵君丈人自注丈人有二子伯喬伯

孫藥鴻濛去延陵瓜戍支高賢今杖履衡泌有

樓遲遭際先皇日衣冠全盛時在田畝隱士于

野荷天慈道大深懷古身清恥誦詩浮名終已

矣生事更何其純白兒童狎猖狂鹿豕欺風塵

終澹泊意趣肯磷緇南畝康衢力西成野老私

未鋤過白社風雨愜黃鸝伏臘羔烹酒逢年豆

落箕陰晴常蚤起枯菀較親知朝貴矜簪笏王

四常言集卷之一 四

塗暗羨藜玄黃紛戰鬪甲第飾言詞鼠雀邦人

指釜鬻聖主疑老瞶西去楚尼父晚居夷感激

存初服疇能悟具茨優游餘等輩堂構兩男兒

大小鱗龍望文章虎豹儀汗駒才自見弱冠影

難追憶昔當蘭茁吾翁尚相司清流遭禁錮破

格獨規隨劍宿驚雷煥玄文重左思通家神聽

好伐木友生宜泰舍分橫蓋秋風到菊籬即時

同作賦競慧各書碑神駿慙鸚鵡塵埃測驥騏

築壇牛耳會南國歌盟尸儀衛兼終賈大名總

倍蓰十年探象圖法物得宗彛婚媾因心契肯
陳易子爲才情相左右格律絕參差縱橫中原
約森嚴大將旗深交思弁角聞歲已鬚眉杯酒
論家世嚶鳴切問道扶藤超鶴禁隱几藉烏皮
畏墨行藏穩墨黔面目熬碧羹分潤茶朝露剪
香菱樂自人間得憂從物外彌長齡經變態四
海近瘡痍旅郭朝羅雀巖城夜叫鷗駿奔誰矯
矯狐立故綬綬燭武曾嗟逝馮唐可備容屏藩
尋戮辱七亡陽熊羆高臥羲皇遯遐心日月

國意堂詩集

卷之一 五

洪爐齊巧拙稿木喪成虧蒙叟漆園吏當樽楚
廟犧啜醢渾醉濁逃世在支離丹竈雲留鼎陰
符夜授圮接羅勝短髮恃粥供含飴章亥量朝
景魯戈駐夕曦貽謀開裔葉著姓系周姬世業
幽風遠人情舊俗疲南陽原臥葛莘野昔耕伊
襟帶江湖氣霜天薜荔枝自來巖穴者用則帝
王師

聞鴈 二首

故鴈鳴春苦

只一故字便爾寄意自別故知語正不在多

經年復此

過飄零漢塞盡慙惜楚雲多去去羣能穩棲棲
意若何江鄉望不極歲事已蹉跎

衡陽今幾載無力迅歸翰州渚妖氛隔稻梁儉

歲難

居然有今昔安危之係而卽難映帶正合風雅小中見大又不足言矣

爾來

關氣候不忍遂凋殘非小離憂在暫時可擇安

鷺鷥行

君不見布穀能兩鳩能晴鷺鷥穴居避天風

軀偃臥負稻梁羣鷺相啣積石鐘苦身作計無

乃勞果然之外亦何庸古賢用財有大度豈但

以計計

卷之一 六

儉德重卑躬積乃不散非中禮他人足論乘我

塘

度數乘除乃是英雄揮掃非僅爲達士之見

我有美酒君不飲焉

復後來辨雌雄二蟲自云知陰晴亮霖湯旱亦

誰通

奇意適合浩蕩無極思致者少能如此

願君開拓古心胸眼

前不見卽萬重

竹生崑崙西

竹生崑崙西桐產嶧山陽勁姿凌霜威高蔭拂

日光材美超凡卉奇珍繇茲章聖神初端拱燕

軒坐明堂取裁及草木制用因短長代桐作瑤

琴載鼓散沲殃截竹爲笙管吹之引鳳凰雖雄

十二律絃柱十五行疏而能古雅樂譙羣侯大

饗奏天間逢時豈不貴但惜天年傷落枝一辭

柯千秋委道傷語特雋酒千古豪傑功名文章

身分無不有夫足流落之恨具此包舉

西山雜詩 五首

聞道西山脈太行接嶺深入燕纔百里通晉欲

千尋如此覺氣蒸雲夢波夜過龍蛇跡春知草

木心靈根仍上古俯仰一微吟

定是魚公寺清虛勝外幽隨人來佛界任意與

山遊却又夜色石羊動松聲颺風秋勞生安有

定對此欲遲留

聽水石橋下應知洗耳勞太平通御運曲沼合

纖毫大內五龍池引西山水古洞松杉落衆龍

日夜號千巖開瀑布雲氣欲飛濤

晚到香山寺搔頭暈色分封題蒼顏字寺有來

宗御樓閣赤城雲西山惟香山寺近岫親紫杖

疎鐘狎鹿羣棲栖爲幽興豈敢勒移文

變佛何年臥空聞木葉清秋陰常在樹夏鳥不

時鳴兩雨見之浩劫開官闕注天閉靈旌歲時

經寂滅散應欲無營

疊春見蠅

尚未過春半如何起蟄蠅乾坤繁種類歲月歷

升恒有嗜從人逐尋釐與物終不減詠蠅詩自

然多變態所愧結玄冰結更深

惡木

惡木相與澗邊生歲久無人更尋蹤下有良苗

日世堂詩集 卷之二 八

懷抑鬱蔭蔽乃復不滋榮其上枝葉互纏膠老

根入地如蟠鯨一本動搖連衆株斧斤尋之不

能爭託典語却園公徘徊三太息力竭汗流徒

日瞠我命百人人一及一及一株無留行低頭

大呼芟除盡平曠瞬息天廓清君不見南山之

松挿天出中封雲氣掣練疋折規中矩棟梁安

在易大壯營宮室爾木終非出羣材久妨當路

何爲哉吁嗟乎久妨當路何爲哉

藉田禮成恭記

皇帝甲戌春詔下耕藉田先期司徒公執事戒

必虔是日陪法駕翼翼競後先百草沛春暉廣

陸發清煙敘事忽入爰至躬稼所尚簿悉以捐

天子徒步入獨召司徒前跪進耒耜具王手一

以率左操神農耒耜揮后土鞭玄牡感至誠不

驚衮衣神奇辛苦三推畢公卿乃助佃六

推更九推文數非徒然一德講民事推願降豐

年禮成帝怡悅行幄賜內筵侑歌黎園部頗亦

秦管絃曲不奏霓裳樂不奏鈞天所奏歌伊何

所慕自然法題篇雅奏固有節三歌無流連入古

駕起還宮顧謂司徒賢自卿掌國賦頓請朕恩

錫庶幾吾赤子寒暑稍息肩朱耒兼玄牡文綺

雜金錢頒送司徒府留爲子孫傳司徒旦日謝

造勝達重玄俱古國家自從增遠餉天下輟耕

弄兵仗如今練餉又將出奈何剗肉補新創天

語念及稼穡艱九州貢土幸無恙積貯徒充海

內貧望下老臣前日狀帷幄更有聚斂入皇帝

聰明慎所向結出忠懇大篇得體賈曰司徒公

帝之附臣溫體仁希旨進曰度支不足戶部宜多方設處司徒公曰設處者乃聚斂之別名臣不敢以聚斂事陛下體仁大慙

天壽山陵

陵宮十二奠山河王氣千秋更不磨晨幄開時

紅袖散夜龍吟處翠微多關情語却神孫荐食

繁霜露守戶分官淨薜蘿更有諸生思世澤老

臣昔日枕琬戈徐曰司徒公前歲鎮昌平也

居庸關

纔欲憑高便不同居庸關上起悲風起便雪明

千帳黃榆外月落一聲黑馬中遙北微茫傳御

幄稍南蒼翠是陵宮也知有道無須守怪爾盤

空伏老熊全首高涼結更深渾

和詹事文公宿郊壇作

千官夙夜御壇邊不數迎神太乙年共許駿奔

陪聖主全憑裡祀答皇天厚銀瑤傳唱春星寂

瑞鶴纔歸夜月圓肅意頻催官漏切早知法從

出甘泉五六寫題妙

郊祀二十韻

神廟園丘重皇國玉曆長迎休陳黍稷昭事在
羹牆二后思文績百靈覲耿光寅清夷夙夜端
拱舜衣裳風煖參樞動雲低亢宿張天顏增肅
穆亞旅盡趨跼絳節高能聽宸居曷未忘以茲
承廟社庶可保黔蒼勅官殿三星上君臣一氣
旁春雷翻靜夜霽雪更扶桑白馬黃龍曜金華
玉露漿舉頭明陟降下拜暗鏗鏘共奏聞韶樂
今開宴鎬堂蓬萊通漢時日月引周行九陌分
神火層城夾御香從來瞻有道應許頌無疆

日知堂詩集

卷之十一

二

史前讀冊瑚璉早獻觴但祈壽宇宙總爲掃機
槍是何等封禪真証罔神仙亦渺茫小臣恭奏
賦不敢效貴郎

大閱二十五韻

講狩今曾見張皇邁古風聖仁非好戰大事在
臨戎得陳勢軒轅出丹書筍渭同飛龍隨御輦
細柳近行宮將將雲臺老赳赳兎野雄詎關細
瀚海直欲畧崆峒愜息胡笳外規模漢月中每
當三殿坐深想二陵功寫出不分承平久反

聖武終旄頭窺塞紫微火照關紅正是殷憂會
從開有道衷投醪霑宿衛撫解待羣公下詔千
牛隊齊驅八駿馳旌旗邀落日鏡角起晴空卒
伍憐吳起詩書識呂蒙漢圖標閣畫周雅頌車
攻校賞衣笥重歡呼帝座通孤兒能勝甲姬女
解彎弓氣壓玄狼北聲摧白狗東中興憑一怒
丕業自今隆願戒謠成虎須令夢人熊廉頗猶
善飯馬援更成翁前代疆雖遠六師憤必窮驅
除寧得已駕馭不徒工振古休文日干戈慎

日知堂詩集

卷之十一

三

躬親訓有如此
詩乃非漫賦

早朝應司徒公教

御城佳氣曉來新九陌傳鐘近紫宸曙漢全明
鷄鶩影仙韶不動舞儀塵垂衣一拜勞元相深
殿微聞頌聖人洗早朝套語何苦懸轡更多
事翠華散仗誤行春賈曰是日諫官何楷
以論問臣事得罪

宿州白注乙亥作

宿州前路上衰草尚縱橫大野龍蛇迹荒原雉
兔行馬飢鳴散隊冠亂泊孤城將畧書生在邊

誰能請親

徐曰崇禎七年諸寇掠宿州燒破鳳陽陵宮

塞下曲 二首

黃河柳岸出新條三月榆關雪未消回首征人

齊下淚冠軍獨有霍嫖姚

獨留明月度關門衰草寒雲萬里昏曾有花城

千萬戍只今何用賦招魂

在龍標太白之間又不擬杜

蜀犬行

君不見峩眉近天止一尺仰摘星河晴欲濕五

丁運斤破盤盡至今愁暗天常泣世間怪異何

四憶堂詩集

卷之一 三

所無蜀犬見日驚吠呼一犬方吠羣犬鳴其音

似與義取爭驅次既高難常見爾已不識胡

經

尋常語自是奇處

吾聞初出映扶桑精鬼墜地成光

芒東西日行三百度帝命章亥不能量后羿神

手尚荒唐况爾小獸如羗羊吁嗟爾亦徒倉皇

如此起結典區區字句者自別

皓鬼

皓鬼情如此高懸桂影稀星河疑到地空翠林

霜衣

清麗自不減雲鬟玉臂一聯而典則具備

夜寂蛟龍泣秋深蟋

蟀微思成往事無路問支機

晚眺

晚眺郊原接鼓鼙春風春草暮萋萋新田落照

牛羊見冥火穿林燕雀低

景外合意即近即遠乃非泛然點綴者

拾翠歸人無意緒吹簫客子怨羈棲數逢耆老

淹留問指點當年說大隄

泛舟卽事

載酒消閒月扁舟問水涯沙昏藏浴鷺煙薄出

茅茨

清細合落寫景落如畫

浩蕩從吾輩乾坤適此時應

四憶堂詩集

卷之一 四

求漁父侶歸詠去來辭

召早

其如天道遠不雨歷三冬召早成今日愛時尚

老農

諷而不露怨而不迫正典受諫無今日臨危異古人同最得詩意 舊遺餘

虎吻新殘亦狠蜂嘆息祈年事殷勤賴守封

絕句 四首

五月榴花照眼時吳姬唱罷折楊枝容華博得

春風歇不羨清平賦小詞

曾經化碧緣偷淚暫著輕綃欲綺霞窈窕容光

不可不東皇一夜玉枝斜

奉使煩將大宛求也隨異物到皇州何如塞外

祁連草一入玉門顏色秋

當年漢帝種甘泉小卉朱明正可憐火德爭傳

赤鳳事昭陽宮裏落金鈿

高散俊逸似太白諸作李義山輩少能及

此只是氣格勝辨者當自知之

贈徐大世琬

海內論才子斯人尚典刑江淹今擅筆劉向昔

傳經寂寞南州榻嶧嶧小阮庭

自注徐有二叔衣冠推

自注徐有二叔

爾雅評陶許清醒謁帝難爲客草玄自有亭吏

干羞貴達詩賦忌神靈偃仰三冬史逍遙六月

翎何妨聊鴈鷄無意借光榮道拙身俱廢時艱

戶尚肩乾坤憐破碎黷業憶彫零避地餘空谷

從閒問歲星

渾渾寫來上下沉着

興來共採藥老至細推

箕鳳羽千尋逸鶴鳴九子聽蚤知乘日月終已

漸滄溟

結語尤自飛動淋漓之致筆有餘力

故城

爲客何時罷行行又故城日啣荒寺冷花發野

潞清垂暮時聞鴈過村未洗兵窮愁傷景物去住總關情

武城

十載河東路武城人望遙乾坤還氣象歲月已

蕭條獨火依村落清煙起野橋

入景清絕

客思經亂

後不忍夜吹簫

朝城

春色今零落獨憐萬里行逢人稽土俗斷碣識

朝城

老氣無改

吏蹟存官柳村家出曉晴太平思不

回憶堂詩共

卷之一

畫天或厭騎兵

麥秀

平原延野望麥秀遠離離父老愁方歇兵荒氣

未夷稍當紆國計或更仰天時

二語深大源流風雅如欲近之

慙愧野人力風謠奉敢辭

寒食

望去郊原花寂寂東風寒食一相過睢陽久戍

春陰淺洛汭新牧野哭多

非泛然如物語

暗水荒墳尋

石逕叢林落日遠鶯歌太平剩有遊人跡閑處

隔年自女蘿

清明

繁華憶昔清明日千騎萬人并出遊寒食纔過
江漢女瀾陵遙思帝王州金丸落烏珊瑚濕珠
勒迎風玳瑁柔三四湖大此富麗自有三城征
戰後斜陽丘壘只多愁

贈徐孝廉作霖三十韻

爾亦風塵裏吾徒夙有儕揀金從麗澤炤夜出
珠厓秋水懸陳榻元封識鹿牌用僻事名因高

四龍堂詩集

卷二 一 二

士著道自衆人指過驛同臧穀無心問等差翠
簾招漢閣駿骨得宛駟碌碌如公輩行行與子
偕春城雲際關帝里禁前街省識竿能好爭知
耳不諧公卿羞絳灌山隰慰茅柴徇往盟終在
長歌願未乖浮生寧泛泛覓友託喈喈雷煥知
龍合張華辨土惜以茲釀正熟頻過藥翻階難
佩來鳧弋昭靈失燕釵朝雲悲楚岫秋典寄秦
淮荀粲癡曾減江淹恨未排自注徐是操琴求
蜀女返棹載吳娃消渴年猶壯溫柔老亦佳明

河看微杆雅晏聽鳴蛙用孔稚所思詩誰報勝

情賦可懷豈料丁百六當道走狼豺半壁嗟沉

竈中原泣橋骸衣冠兼盜賊城社倚優俳應惜

承平日徒爭左右竭元龜須野老天子見麻鞋

自是遭逢數寧甘麴蘖埋氣渾格高時復流有

入譏小草作意破陰霾去去松筠麓茫茫嶠嶼

涯此生寄黃綺蕭散卽高齋

蓬蒿行

君不見蓬蒿因天風西渡大河來秦中與我民

四龍堂詩集

卷二 一 六

苗爭位置須臾穀死成枯叢野人無計饑飲食

亦採其實盈甕鐘語特粒色腥黑味澁苦三咽

始下心怔忡泣語老婦爲緩死此物豈堪持上

供此物豈堪持上供天高那知年歲凶

暮春雜詩五首

黃雲赤霧一春闌左貫蚩尤射日寒時事自回

天象改賊氛終戴聖朝寬楚人剽悍乘舟疾蜀

道崎嶇收馬難創伐近傳真信息淮陰早晚要

登壇

一黍望新苗雪雪經年更未調殘火殘煙
荒務鼠枯枝枯樹泣鴛鴦三農歲事懷春粒八
口生涯累聖朝惟有桑林一痛哭不然何計救
靈霄

接連烽火傍孤城豺虎公然陌上行赤羽飛騰
晨避澤黃巾旗幟夜摧鋒已聞渤海新傳檄誰
使潢池更弄兵莫恃承平俱故事漢家勉問請
長纓

封豕長鯨掃滅無黃昏落照敵樓孤威儀坐鎮
四德堂詩集 卷之一 二

憑賢守談笑圍城付豎儒萬馬搏風俱短箭五
原列戍盡長戈帶河北控咽喉地或藉天心未
足虞

灑酒椎牛將士功兩重堞雉四隅空前驅盡
啼兒女獨立清宵泣老翁十二金人銷戰久三
千鐵騎受降工傳聞昨日城南血親酒官軍細
柳紅 五首通杜

四時辭四首

日暮妖姬獨倚闌黃鸝紫燕惜春殘五陵拾翠

桑中門下騎如雲陌上看
小扇雙鬟着意忙夜明簾下拂牙床密肌紅漬
金鈿冷皎月白虛玉簫光

砧杵千家玉箭催新涼枕簟夢初迴曾填烏鵲
穿橋過憶向黃姑乞巧來

晚粧零落曉應難日午流蘇試小寒呵凍添鴉
隨手畫遠山新翠任郎看

劍客

報警今日過踰諾昔年來千載荆軻死龍泉不

四德堂詩集

卷之一

敢開

雄渾悲壯唐人
中不易得也

四清堂詩集卷之二。

賈開宗靜子 練貞吉石林

同里

徐作肅恭士 宋 華牧仲

選註

王靖故里

自注已卯歸自京師作

馬首孤墳日暮雲煙陵霜草平明君

起亦自不

經琵琶無補和親策帷幄空高報主勲願盡龍

城終漢社春迴屬塞竟青墳

忠厚之語沉渾之調斟酌出之固不易

易可憐不似中行說死向王庭將一軍

賈曰明

人考新城亦有王靖故里此必過新城者是處諸將以大凌河降大司馬楊嗣昌獻和議黃門

四清堂詩集

卷之二

一

何惜勅諭之

謝方簡討送衣

自註方子以智也

早歲耽奇服薄遊贈縻絲相憐知己意總爲殘

寒期素朴慙時製陸離適我宜無衣誰更賦珍

重在中笥

寄夏進士允彝

不斷離羣夢三年夢草廬我今天北去爾復水

南居世事憐蒼狗人情託素魚幾時重把臂江

上採芙蓉

全首一氣

金陵贈范公司馬

我聞司馬古平格湖海風神山嶽力稽模當代
足儀刑弼亮四朝勤社稷昔者天啓七載間陰
陽消長多荆棘謾諂蔽明曲害公不能俯仰甘
裁抑皇帝紀元肇戊辰日月重開思遺直命與
我公鎮通昌京師兩道各封植詩書元帥舊論
兵保障爰使烽煙熄恭遇紀元十一年謁來豺
虎逼君側豸冠御史有成勇痛惜綱常嚴彈劾
王居自聖明威福在心原不測公曰吁哉

四清堂詩集

卷之二

一

今何時事關大義豈容默乃率羣公帝前爭萬

里丹墀陳悃悃預料天意遽能回老臣矢志欲

殉國

生動之神跌宕之致元龜格人如將見之

我公昔日忝心知不

分孤臣騰芳蕙憶昨鈞黨起須臾奴僕親朋胥

避匿管鮑貧交見司馬觸目風波爲羽翼請室

兩辱雙魚書鳴向孫陽忘不得小子長跪御龍

門浩歌輒復填胸臆君不見莫赤匪狐黑匪鳥

天地茫茫皆鬼域楊李威權勢絕倫青蠅身後

爲誰殛

以予古作結故自激昂不傷於盡賈曰范公司馬景文也崇禎十一年景文爲

南司馬是歲相楊嗣昌太子中允黃道周論之
下吏御史成勇教道周并逮勇景文會諸公卿
申救不得去位十五年起爲相燕京陷死之按
侯了已卯在金陵是時景文亦以司馬去位爲
金陵而贈之也徐曰崇禎三年景文佐司馬鎮
通州侯子父司馬佐司馬鎮昌平五年景文
去司徒并通州代之與景文素善九年司徒爲
溫體仁薛國觀所忌下獄久不解景文蓋嘗營
救之也

奉和臬司李公白兔之作

夏屋雕籠錦繡幃等閒真異出羣遊虞羅自爲
奇毛潔春草須於大野求西入玉門思漢月東
歸銀海望金秋亦知碧落含虛鬼三窟無管也

日憶堂詩集

卷之二

不愛

贈梁明府

展矣梁公子軼塵出帝京烏衣推素業白幘足
時名地許雲霄近才令宇宙驚有人倡領袖處
士得澄清壇坫歸牛耳交遊竚鳳鳴蓬門寧寄
迹天閣蚤馳聲經術醇儒富匡扶舊學精種花
先百里叱馭卽前程豈弟鄰封久歡呼敝邑迎
威儀嗟父老靚觀想承平朋酒春觥狎端居夏
日明爲憐疲俗晚可怪鼠羣橫氛祲團城郭兒

童逐門兵空村狐吹火廢草憤備耕何似魴能
白無知尾自頰循良崇漢詔霖雨待周筑大器
臯夔列庸功召杜行讀書屬致主觀政已編氓
十載吟梁甫一朝見賈生鵬鵬終北徙羽翼忽
南征自愧羊公鶴空慙雒下食舊曾先郭隗今
始識韓荆歲月文章老蹉跎姓字輕陳書增感
激抒慮有精誠長揖明公禮彈冠下士情不才
餘等輩遲暮亦崢嶸

贈給事何公謫金陵

四首

四憶堂集

卷之二

四

重華晚仗就陳辭樞密南來陞見時國難匡扶
元老在廟謨慙愧小臣知不辭孤憤承遷謫
之尤得豈有狂名計早遲自是鎬京根本地都
人僥倖見威儀

當年折檻更何人萬里傷心一逐臣請劍非緣
迷鹿馬肖形實欲畫麒麟章邯待奏方三日項
羽焚宮已百旬

憂憤沉痛豈可
復宛轉出之

按地爭知爰立

誤黃扉諫草尚如新

大漠寒雲萬里風遙書夜到未央宮

起處與舊
里烽煙接

素秋同共依魏絳能通市不道周京亦徒豐不
深言即古今之勢安危前席已知長短計中原
誰奏救寧功朝廷遷次應求舊或憶東南有謝
公

十道徵兵大合圍潢池盜弄已全非誰堪仗鉞

仍獲伐尚如徒薪早見幾五噫歌聲憂底事三

間江色怨初衣青蠅蒼狗須臾裏莫便森茫擁

釣磯徐曰給事何楷也按崇禎七年楷爲戶部
員外郎侯子父司徒公薦改給事是年寇

陷鳳陽虎陵宮初鳳撫楊一鵬悍賊不肯移鎮
阻臣聖體仁主之權至是論殺一鵬并勅體仁

曰憶堂詩集 卷之二 五

時內批相王應熊故事閣臣無不由廷卜者楷
攻發其私應熊卒去十年以楊嗣昌爲兵部尚

書兼兼東閣大學士嗣昌陳邊議固請撤義復
用熊文燦招撫中原諸寇既而皆敗楷奏勅之

嗣昌與體仁合構楷貶南國子丞是詩多
指嗣昌者蓋楷就官日而體仁已去也

妖慧

妖慧驕天狗荒風長地榆不難頻下詔實欲陟

康衢主聖朝臨極宮深夜自娛風刺太平會端

拱諍諫亦斯須賈曰天狗星名按天文志主兵

年天狗見豫分是歲秦寇大入中原帝

下詔求言給事李化龍應詔切諫坐貶

招隱二章章五句自注辛巳作

招隱士兮山之陽菱荷爲衣下爲裳雲壑爲友

足徜徉高車駟馬憂方大事業蕭曹竟渺茫

招隱士兮山之曲生芻一束人如玉罄首折腰

爲多欲不見丞相今困固雖百其身何能贖徐

丞相蓋謂薛國觀也按崇禎十一年以吏部侍郎
劉宇亮禮部侍郎傅冠戶部尚書程國祥兵

部尚書楊嗣昌工部侍郎蔡國用金都御史薛
國觀并兼東閣大學士神宗以後故事閣臣無

用諸曹者帝即位八年始用刑部侍郎張至發
至是盡廢舊制矣已而諸相相繼去國觀獨乘

政帝意以國觀不次拔自外僚頗向用之國觀
凶邪狠戾枝害善類招權罔上被斥歸十四年

卒已帝復命金吾逮下獄旋以諸相意釋之
令居佛寺中一日震怒勅自盡是年故相周延

曰憶堂詩集 卷之二 六

儒起田開代之

燕至 二首

社日逢春燕關情始欲愁昭陽宮殿隔差羽歲

時留南北總風景去來懊悔尤爭知人事改猶

自近中州

物態頻年異關河卒用兵可憐春燕子獨有歲

時情如此起興如此入地圻烏衣巷巢添白帝

城驚心吾見爾卽事費推評卷中往往詠物詩

絕難典勵次

寂莫者道也

來酬吳大伯喬見贈用原韻兼呈徐四

作霖吳二伯微

可憐歸舊里烽燧亦危邦夜月狐狸舞霜郊虎

豹縱歡娛頻醉暇時序一寒缸素宕感微想見懷抱正是作者

廢邑懸秦制望村避越楚不工吹短笛誰使泣

新腔賦神雄千騎王師折九瀧禽毛知宋初退

舍險而能老臨陣抱膝吟三疊憂時劍一雙渾而能逸

憑將書以諫未許筆能扛旗鼓振朱鷺威儀肅

君公才洵陸海徐藻足潘江之子高酬應羣

言公雜亂嚨不須駭石語卽事伏金鉞薄俗爲名

卿殺機種服尤多牙聊任鼠逐吹故慙用死事

自難能故去去存初服長歌倚北憲

弔戰場二首

魂步歸何處還來玉塞遊笛聲明月夜不道是

涼州

祁連山下草寂莫漢人煙竟竟千年後還思渡

酒泉

秋蚓嘆

哀哉秋蚓慎勿鳴蒼蠅獨寢難爲聽深居穴復

縮更入幸自間防亦無爭不測常爲雞鷺食母

乃仰視負宿精君不見蒼龍夭矯有真神寄物

生子成麒麟當時一怒激洪水唐堯九載每遠

巡用事高渾如此何患不大雅龍固不貞妹不仁所貴乘空

雨露均眼前理說入穩確表裏周易儒冠莫笑酒徒業魯國

兩生徒屑屑糟粕須令萬物醇奈何坐守遺經

舌拓落大度語自是生色請看繩墨論英雄胡不使蚓御

天風結得陡峭如絕壁孤峰欲垂還挂四百詩含蓄不盡者只一句了當

四德堂詩集

送陳生歸義興

宛水中央一去船清秋細草尚綿芊東江族望

多才俊不及平原作賦年

贈人

夾道朱樓一徑斜王孫爭御富平車青溪盡種

辛夷樹不數東風桃李花

金陵題畫扇

秦淮橋下水舊是六朝月煙雨惜繁華吹簫夜

不歌

姑射何高

姑射何高上凌絳闕中有列仙顏如冰雪解一往

謁真人授我藥訣輕步九霄煙雲忽滅解二大鳥

來城云是令威徐市入海胡不遄歸解三春秋自

運日月相推於古賢聖而爲土灰解四

白頭吟

朝爲山雲暮爲川雨變化在心誰可告語解一今

日牛女明日參商兩不相待安知久長解二

生別離

四憶堂詩集 卷之二 九

妾守金閨中君出玉關道風吹萬里雲聚散難

長保解一朝爲春月花暮爲秋日草榮枯自有時

凋落亦何蚤解二

老栢

千尺凌霄直風聲相吐吞不知何年代老石穿

遠根木末生清煙盤曲雙龍蹲時時雲陰黑似

欲叫天門白非避秦士對此愧心魂

雨

父老談箕畢春觥醉落暝天心垂眷顧帝力足

耕耘燕掠高原濕鷗羣細水分三四風雅猶人

贈劉京兆

京兆羣公表朝廷倚賴新留豐虛幹濟建洛想

經綸黔首瘡痍淚中原戰伐塵到江應已息戡

定有耆人賈曰京兆劉仲祥也按崇禎十二年餘祿尹應天

聞亂八首自注辛巳作

海內風塵起關中指臂連漢家原寢廟秦火更

烽煙大將軍需飽蒼生盼望專高勝雄渾不成謀黍

四憶堂詩集 卷之二 十

稷何以慰豐年

舊屬秦川盜新經雒水迴衣冠諸父老堞雉一

蒿萊對句白日荒村哭黃昏鬼火來中原根本

地索取實艱哉徐曰洛水河南郡也按是歲寇破河南南陽

傳說西來信舍皇未可支魚書城市見狐火野

邨吹酒廢腐儒策俗貪羣盜時天高垂聽否鴻

鴈亦來思與而莊頌雅之體

不知防肘腋便自失籬籬忍死鉗徒勇謀生赤

子寬哀痛之詔聖明之思此十字仿佛見之政殘人避虎吏雜鶴

乘軒祿禍有如此回天在一言

李特重開道樵周不問玄峩眉斜近漢峴首細

望川詩至此難爲工矣春草愁魚腹蜀地歸

寬泣杜鵑遙知王會計稍稍憶叢綿徐曰是歲

西川破夔州遂克成都林之演粵貢道皆不通

劍閣從來險孤峯天際縣一呼百萬誰使破

雲煙烏道爭馳鹿驕心失控弦鄉鄰重玩冠統

御借高駢徐曰按崇禎七年以陳奇瑜爲諸道

賊賊急乃請撫奇瑜信之敗績十一年總理

文燦復主撫議於是諸賊益輕王師蔓延不可

四憶堂詩集卷之二

撲滅矣

元戎今相累推轂下都門緩急効羣吏安危煩

至尊風刺語六師懸賜劍五省殫游鬼消息穹

蒼裏休兵尚可論徐曰時以門臣楊嗣昌爲兵

督師賜尚方劍討賊師出久無功乃

委罪於湖廣巡撫方孔炤勅下獄

不爭麟閣待預使虎賁催靈所終望甫淮西舊

借裴廓清餘日月城社倚盤梅已矣機槍渴腥

風萬里來徐曰虎賁崇祿也按是歲

思其充庖宰爾作此示宗約兼呈吳大

伯裔徐四作霖自注辛巳冬作

昔者右軍性愛鵝頻年每向山陰過老姥不知

鵝不羣殺而烹之待右軍踈落豈必鬚眉好拙

誠亦復足人道李生李生爾何如破慳不用苦

躊躇鵝鶩餘食家不貧奈何門無長者車何不

烹鵝更貰酒長跪客前起爲壽天有星兮漢有

淵若念百憂行老醜潘鴻寫來頗放君不見二

月三月羣盜集萬馬奔騰蹂小邑繼之大蝗將

四憶堂詩集卷之二

小蝻黍稷秋成無寸粒又不見昨夜官兵圍新

築金帛子女壓滿軸拋棄還入一炬焚愴惶竟

忍千家哭徐曰是歲大蝗旱斗粟二千人相食

墟爲之一空賈曰新築歸德外郭也按是歲冬

內監劉元斌率禁旅圍外郭四十日不解侯子

有禁

旅詩

野田黃雀行自注庚辰作

莫生匪天不遺黃雀萬物同恩雀言不樂解一鷹

鷂孔多況有網羅既有鷹鷂與網羅避爾不得

渴飲小擇棲不過榆枋飛三解瞻彼鵲巢以翔以

翔顧令小爵逝矣柔條四解為語雀何愚雀愚雀

語迂奇強大世所寶弱者與禍俱感懷各辛楚

不止爾卿五解大道周張物各有王疇善而殞

就惡以臧野田黃雀當問鳳凰六解此詩凡

物同生而雀小不足自存鷹鷂網羅無所於避

也次復託黃雀自言引分無求而殺機中之反

不如鵲巢飛鳴各適其意末則推極古今成虧

得喪之理莫不貴強而賤弱以廣黃雀而歸諸

鳳凰言維所成禍也賈曰我自注作於庚辰蓋

是時思宗威嚴諸相秉政往往有蒙蔽市其權

者詩意或當謂此

四憶堂詩集 卷之二 三

禁旅 十首

軫念蒼生甚恭承禁旅遙紹璫親節制號令出

雲霄敢謂明威遠或傳將士驕數曾城上見未

可達王朝

知破南陽否全師尚此城或能遙控制不可怨

縱橫虛乃是深痛哭威儀在艱難父老迎終軍

應有意便欲請長纓

可怪虫愚甚呼天搶地愁若非恣大掠難以飽

同仇今後無錫犬軍前市馬牛平常語却至今

安堵在微骨汝何憂。

從軍良獨苦高晏慰寒厄鼓角輕村女容顏借

健兒無寧從亂賊何苦避王師不見秦川破凋

殘亦有時

誰道天兵劔張皇駐近郊小兒啼白起劇盜走

黃巢有刃皆流血挑鋒更補茅首功須自在不

戰亦何嘲

野火延延起殘煙細細高莫愁災土木有詔肅

秋毫危肅尊王路嚴城愧汝曹結意用字處何

四憶堂詩集 卷之二 四

當稍北去河上足翔翺

中尉新傳箭前軍自署牌如何怪賄賂容易觸

風霾可痛脂膏盡尤憐畫計乖憑將千萬去竟

不飽狼豺

歲月圍城裏洶洶尚可虞簪纓渾是盜遭際恥

為儒白露寒猶勁金天赦不誅即今關市外我

馬各踟躕

久戍臨春近荒城戶晝扃經年聞野哭有日暢

皇靈苦憶菰根黑驚看菜甲青民間還見此未

詩嘆伶仃

向緣高士誤今信我躬勞細數珠爲米生前桂

有膏艱難朝市易妻子夜呼號爾亦十年成能

無念大刀

語自委曲所謂怨而不怒賈曰禁

積五年始以內監高起潛監山海軍已而九邊

因之十四年復以內監盧九德劉元斌率諸軍

入豫九德與軍將周遇吉黃得功合追賊至鳳

陽及之元斌留歸德不進徐口崇禎十四年冬

十月劉元斌率羽林兵救豫駐歸德南郊時諸

寇在陝洛元斌留四十日不進城門盡閉縱諸

軍大掠殺諸將探者以首功聞已而欲攻城索

路乃免南陽破乃撫婦女北去思宗命御史清

軍元斌倉皇皆沉之於河十五年復爲御史所

御史所論下獄是冬斬元斌於長安市

劍外

劍外初傳檄回中數備邊時危思論相詔下

頻年

上下

恭已何難定王師慎勿懸

忠愛

怨乃是厚詩人源遙知諸父老每夜祝堯天

流正復於此會意

劍外蜀劍門也回中秦邊地按崇禎十五年

故相王應熊至京師帝旋悟其非罷去十六年

復以原官兼兵部尚書節制秦蜀時張獻

忠破成都李白成據陝是詩蓋指此也

肯寧南侯

聞外分茅重濯靈控制遙只今思猛士誰復數

銅標已舊高寒月楚弓勁射君王神武畧其

羽林中

賈曰寧南左侯良王也按崇禎三年

昌平良王謀麾下爲裨將司徒公爲兵部侍郎督

王積軍功爲諸道平賊元帥十六年封寧南侯

以太傳開藩武昌先是寇陷河南南陽歸德圍

開封諸道兵皆敗良王還軍襄陽朝廷以良王

與司徒徒有部曲詔乃罷兵部尚書兼督豫

楚鳳皖諸道督府下啓府客兵保處督府楊文

岳以司徒統良王等七鎮代之趙解汴泗司徒

素朝廷曰寇患積十五年而始大非可一朝

也由秦入豫一敗汪喬年再敗傳宗龍而天下

之強兵勁馬皆爲賊有矣賊騎數萬爲一隊

忽若風雨過無堅城因資於我官軍但尾其

問所向而已卒或及之馬賈士候甚且以

之靈不能使閉城之縣令出門一見一

債一解未此其所以往往挫衄也今賊氛

全豫已陷其七八藩王待救望若雲霓然自

日言之中原爲天下腹心自今日言之乃

四龍堂詩集

卷之二

之區耳自藩王言之維城固重自天下安危大

計言之則維城當不急於社稷臣爲諸道統帥

身任平賊豈可言舍汴不援但臣所統七鎮合

之不過數萬人而四鎮尚未到也馮河而前

論輕身非長子之義亦使羣賊望之測其虛實

玩易朝廷矣賊中情形臣已具悉大約飢寒

掠飽則棄餘已因之糧不知積蓄地生之利未

關屯種且多欠通思歸中宵雨泣以衆積強難

驟獲其鋒然其強易散可持久而定也賊中

營各都如曹操一支窺李自成有兼井之心

相猜貳而袁時中有步卒二三十萬則已去而

顯與爲敵矣惟是彼之情實難以猝與我通而

當事乘銳者避款賊之嫌又皆畏首畏尾不肯

一擔當利害爲國遠圖以致機會之來觀面坐

失此即朝更一撫夕易一督而省臺言兵事之

臣章疏日數十上豈能錄錄有濟哉誠能省

中議論行間外軍法不顧責備不徇人情厚

兵力養威蓄重伺隙設間潰其腹心賊必變自

內生惟在任事之人肯捐去形迹一捨其身與否而計苟有確見莫若以河南委之令保定撫臣楊進山東撫臣王永吉北護河鳳陽撫臣馬士英淮徐撫臣史可法南遏賊衝而以秦陝督臣孫傳庭塞潼關臣率左良玉固荆襄凡此所以斷其奔佚之路也臣鄉自賊中來者皆言百萬今且以人五十萬馬十萬計人食日一升合馬食日三升合則是所至之處日得入千鍾粟也中原赤地千里望絕人煙自茲以往安所致此哉目今兵強無過良玉良玉為臣舊部每對臣使涕泣有報効之心三過臣里皆向臣老父叩頭不敢擾及草木私恩如此豈肯負國但從前督輔駕馭乖方兼之兵多食寡調遣為難使臣得馳赴其軍宣諭將士鼓以忠義用三楚之糧養全鎮之兵臣不就度支關餉陛下亦必下軍令狀責取戰期機有可乘即東出塞傳庭合羣賊腹背驚擾馳突無所不相屠滅必

四憶堂詩集

卷之二

自降散舍此不圖而欲急已潰之中原夫可扼之險要蛇豕肆暴恐其禍有不止於藩王者此社稷之憂而非小小成敗之計也奏入朝廷不許

又寄子侯

結客賢公千平原更信陵天恩重奕葉好自式

雪承驥種千羣廢狼胡七校仍他年雲閣上先

後佐中興徐曰子侯左夢庚也時良玉進寧南侯朝廷乃以夢庚為總兵佩平賊印

後代

桃源寺

寂莫桃源寺明神道未昇香遺父老風俗憶

柴戾真地僻時聞磬林深夜見燈遙知太平日村鼓廢何曾

九日雨花臺

五首自注癸未作

雨花臺上接清秋起便萬壑風煙渺故傳古木

自饒龍虎氣六朝舊是帝王州不因狂客曾吹

帽晚臥滄江獨倚樓三四着意雄渾此更入懷境遇不易却憶

新亭多感慨近傳荆府出江流賈曰崇禎十六年以左良玉鎮

荆襄是歲良玉以糧盡引兵東下欲趨金陵都

人驚竄太學諸生以侯子與良玉有世舊誼言

之司馬熊明遇諸致書止之侯子與良玉書畧

曰將軍今日功高望厚猶唐之有郭子儀李光

四憶堂詩集

卷之二

嗣也子儀每承王命徇候而走光弼後稍曉曉乃至偏較不相稟畏雖固同始究復異終此無他勳地既盛始口先之形迹之際昭白宜垂將軍過場之臣未奉進止奈何欲謁孝陵弓劍哉且朝廷所以重將軍者謂能節制經緯危不異於安也荆土千里自可具食豈謂小飢動至同諸軍士倉皇耶良玉得書而止

重陽秋色正蕭森航勝還來到碧岑曲水過從

松澗落棲雲總向石林深熊羆夜守羣微濕鵲

鵲霜殘春殿陰羣微春殿翻入悲秋最念京塵過時更事生情欲絕

成往事時時風雨一長吟徐曰熊羆見杜甫過昭陵詩鵲鵲見過朝

陵舊內也

一秋過誌公龕高坐何年更結菴虛樹交風

延野翠垂蘿低子結朝簪由景又自別心疑虛壁藏

煙霧坐近危峰看雨嵐豈有新詩驚謝朓不妨

清語傲劉惔結語開蜀與鳥道漁翁神尤悉稱

荒臺遺迹最高清秋氣孤颺射石城紫嶺東來

通海國黃花細落逐人情紫嶺大有境界語然誰能如此對變體更

奇陶潛彭澤皆宜黍杜甫藍田未解醒言念往

賢俱蕭瑟茱萸斜插滿塵纓

金蓮玉露俯暫君對瞰平江湧去帆神氣衝萬千里近

四憶堂詩集 卷之二 二

調言細言曲 日冷芙蓉虛紫氣霜深薜荔滿蒼

巖不必在遠近濃淡之間高秋野潤常迴鴈近

岫天寒更着衫搔首逸情應不盡龍山夕照正

相銜

夢吳二伯徽

幾年國破後身去有遺琴稚子門庭減荒城草

樹深夢談今夜事生死故人心珍重新詩罷盈

盈淚滿襟

世事百進吳未卜居義興作

世事亦何補吾生亦有涯近村成小築習懶慰

茅齋過雨花扶杖微風草長階平泉山色好垂

老到珠厓徐曰平泉唐李德裕山莊也大中二年德裕貶崖州賈曰崇禎十六年開

臣周延儒勅自盡周義典人引

用平泉事意或謂此未可知也

虎丘八月十五夜

我登虎丘山秀露不在高恰來八月中秋興當

遊敖河漢欲動湧晴濤纖霜人水生空寥二語清絕

然一氣下此是杜陵襄陽分別處漏閣尚有雲耕下宓妃五女

携其曹前飛青鳥唧珠精銀絲細捲雙鑾刀坐

四憶堂詩集 卷之二 三

酣子夜歌誰清不見有人江月明商風再疊木

微脫一縷未絕峯轉青引商刻羽寫入曲細君最是詠題者所少

不見吳姬十五學新聲纏頭麗錦方長成詎知

機絲出流黃相邀採荷不採桑一轉出風入雅今人好流連景

物復何吳王見此富盛時重飲築宮館西施至

足道

今惟有生公石尚是當年舊苔迹

四憶堂詩集卷之三

同里 賈開宗 子 練貞吉 石林 選註

徐作肅 恭士 宋 榮收 仲

洞庭

洞庭憑俯眺煙水入雲虛

清妙正自過夏寒朱不必解

橘清秋盛白菓兩峯相對日

此如門對浙江潮之對切當奇拔下

句亦自 小艇各分漁搔首雄圖後因風想閭廬

飲楊孝廉廷樞宅

伯述甲申作

深念楊雄老艱難慎此躬浮名朝暮蝶往事馬

四憶堂詩集

卷之三

牛風痛飲何妨醉狂歌喜再逢不才如賤子舌

在與公同

冬日湖上 二首

又到西湖上新愁不易支橋通今日路花憶去

年時白眼何辭醉青春未可期無心憑短棹日

暮過東籬

何事憑新賞翻來起暮愁一年垂欲盡萬里此

長遊廢棄諸杯酒行藏倚釣舟滄浪雪色好更

上望湖樓

昭慶寺

昭慶何年寺江城士女臨非關通物境原自有
禪心又自一體 磬動春風寂月明止水深我來爲瞻

禮感悟一高吟

四兄至

慰汝北來者音塵想不訛國謨傳已定家廟近
如何 平常語正自 狼狽衣圍減鵲臬笑語多 上
悲喜之切下句憂危之情想見款曲 同羣有至理握手慎風波

岳廟

四憶堂詩集

卷之三

郭王遺棟宇瞻拜意如何老樹霜枝直空祠落

日多 點綴語 黃龍終躍馬赤羽竟迴戈已矣錢

塘水長存潮汐波

堤上

春日煙堤好薄遊暫此同漢江士女跡浩蕩帝

王風 俯仰與會 霜練連雲白花鉤隆水紅 清麗

臨安歌舞地不憶問周豐 結得

餘杭

不辨錢塘脉東分割斷隍 如此起何 到山疑盡

地現水自成鄉香稻綠杭綠霜柑過嶺黃時能
通一線竹箭出方航

晚渡錢塘

亦知濤不盡江晚射寒潮天際浪浮嶼雲中虹
始橋二語皆險境奇孤光秋動日清漢夏歸朝
觀始字特勝
東注疑滄海真源會未遙

富陽

富陽秋色晚高枕壯江門縣僻山園屋霜清水
長村支流原帶歛浙嶺細分源此日探禹穴應

四樓堂詩集

卷之三 三

知嶽瀆尊

蚤發

遄發孤城曉客星低玉繩輿圖渾禹鑿風俗澹
嚴陵境界闊大殊遠岫山里日寒波水浸藤早
非緩景語
經七里過殷齒不辭登賈曰張州本越郡以嚴
子陵生於此今七里龍
有釣

寄揚州賀都督

聞外遙傳更總師新從細柳見威儀龍吟鼓角
迎持節日轉江皋映大旗戎馬全歸周六月邊

烽不動漢燕支深官近說思頗牧會傍河山勸
誓辭賈曰都督賀龍昌也弘光元年建四藩鎮
托江北以高傑開府揚州樞相史可法奏
權龍昌大
都督佐之

贈高開府 二首

聖曆中興會名藩鼎建初與君王神武二匡時
語同一結構
惟一劍致主不傳書虎氣騰秦宿龍符剖豫墟

漢家雲閣上圖書欲何如

廣陵形勝地節制五雲高出令懸秋月觀兵壯

蚤濤王靈遐橘柚職貢欸蒲萄不分神州感應

四樓堂詩集

卷之三 四

知固圉勞

臨發別賀都督

石城王氣枕江邊錫爾維揚建節年頗含規望

烽舉千屯京口戌月明萬戶廣陵煙樓船漢

水通楊僕風鶴走人走謝玄畿輔好蟠根本地

中原指目下秦川賈曰是歲冬高傑經畧中原

北征而

贈張尚書

自注尚書張公鳳翔也

尚書旌節蒞三吳鼎建郊圻拱帝都禹迹遙能

來橘柚漢家原自貢珊瑚春星畫野明牛斗錦

纜沿江盛舳艫舊是東南根本地中興莫待後

人圖賈曰弘光元年以張鳳翔為蘇松巡撫兼督浙杭諸軍事按是年冬與黨人獄下吳

越捕候子依鳳翔得免

九日過張員外

自注甲申寓許墅作

驚心時序晚異地亦重陽廢黍鳴饑雀朝畦靜

素霜茱萸愁杜老叢菊憶陶狂過眼深秋色低

頭黯故鄉具仰空有約把酒未相忘三徑

騎狐鼠頻年走虎狼可憐村戍白不見野花黃

四憶堂詩集

卷之三 五

去去吳還越盈盈參與商此流麗知交誰共

健鬚髮總成蒼客自容敝帽家猶寄短檣長裾

羞落拓抱瑟惜行藏賴此張公子分司漢省郎

樓船盛故舊薨棟奏笙簧令節芙蓉署佳筵翫

翠房乍逢通晏笑接次倒衣裳牽纜當投轄開

關更洗觴相期一夕醉明月滿清滄賈曰員外張永禧也

按是年永禧奉使許墅

晏張尚書舟中

樓船晏客賦形弓錦纜牙檣起暮風翠釜舊來

西極國朱樓新賜大明官下句有體合商聲罷之口是壯麗

奏餘峯綠華炬高張照夜紅海甸無虞傳心事

老臣亦與幕僚同賈曰尚書張鳳翔也前有贈張尚書詩

甲申聞新泰相公口號

綸閣君臣漫盍簪黃麻遷次出新泰領藩異數

頭還黑宰相高庭面自藍險語切喻讀者沉快殊不傷於露相鼠豺

虎諸體此詩更見之袞職有名誰不補鳳池曾到亦何慙

巨川欲渡問舟楫莫使朝廷終已南賈曰是詩甲申弘光元年也按是歲以史可法高弘圖馬士英姜曰廣王鐸同入閣惟士英自鳳陽督府

四憶堂詩集卷之三 六

超拜已復稽史可法出鎮淮揚代為首相詩中有領藩語或謂馬也

禹鑄九鼎歌

自注甲申渡京口江作

吾聞混沌初鑿時汨陳滔天天帝醉深山大澤

出窮奇赤鳥倒射日昏睡夏禹鑄鼎象圖經按

悉羣醜供真形照見肺肝死血濕老魑不鳴潛

蛟泣秋陽當中犀夜燃百竅千毛颯骨立惟有

玄狐匿精鬼化為熊羆長子孫跪向蒼公求金

簡一朝竊得狂跳奔怪甚然似諸體復有証據固非長吉所能辦厭

勝西京拜雍時通取九鼎沉泗水千年忌憚一

且無公然引手相招呼長嘯愁風晝噬人機槍
掃地起黃燐聖王既逝妖乃興至今銅駝立荆
榛徐州侯子避世依之賈曰是歲馬士英人關起沈大誠兵部尚書被天啓間大誠附魏忠賢得罪廢居金安人下諸生嘗攻之至是復起引用楊維垣等遂劉宗周張慎言徐石麟議復三朝要典燬思宗所定逆案冬與黨人獄捕諸生嘗議已者及侯于乃北渡江而作此詩也

金陵別練三自註練三貞吉

樽酒東門道驪歌別怨生同時還念汝異地早
知名草色遍新戍車聲去故城蒼茫渾意緒天
四憶堂詩集 卷之三 一

地一孤征

燕子磯送次尾自註甲申作次尾吳太學

不盡登臨地依然燕子磯波心懸帝閣帆影動
江暉擊楫乘風志行吟紉芰衣相憐分手處轉
恐再遊稀悉憫欽曲交情不必言却另有感慨是時應箕與侯于同坐此大氣黨人獄將逮捕之此蓋應箕避難出金陵而侯子送之也

白露

紅葉嗟何晚獨憐返照時無心媚白露隨意自
青枝會意處不能口說與感至此 嬌鳥啣將盡繁花落有期

一秋蕭索處賴爾慰衰遲

卜居

喪亂還經歲艱難始卜居途窮存道拙地迫漫
交疎近日蜂鬚暖爭泥燕壘劔幽意閒景無字作虛用愈妙
幽棲耽僻事或亦遂吾初

湖上

臨安行在地尚有望湖亭堤柳和煙嫩山嵐夾
岸青故宮雙燕子過水一蜻蜓約畧得大意 可惜葛
坡嶺長愁戰血腥

四憶堂詩集 卷之三 八

海陵署中二首自注乙酉作

海陵烽火後煙戍長新美老栢何年朽蒼鷹盡
日啼江都隋戰伐京觀楚鯨鯢翹首愁欲破驚
心聽馬嘶賈曰海陵去江都百二十里今泰州也按是歲高傑卒豫王師濟自泗諸將走海陵遂

戊鼓沉雲黑城樓倒水青

倒字人不能用 秋陰低短袂

雨色上空庭諸將曾無敵王師舊以寧陳琳老
文士檄草亦飄零

過鳳陽陵園

帝里龍興日荒原秋後春故宮交鼠迹深夜出

蛇神解目蒼涼殆欲不減玉華宮禾黍君臣淚衣冠戰伐塵

普天規王氣固矣採薇人

中秋 二首

明月中秋夜清光客恨俱不煩添綺席好爲徹

窮隅砧杵衣裳隔關河戎馬迂漁陽年少子安

穩讓山隴

尚此中秋節荒原落日一川憐靜女虎豹擁

城隅隕泣天闊遠傷心容光會有却曾

四憶堂詩集

否到山隴

九月登高

登高聘望正茫茫老手一麾興舉驚荒徑遙開

叢菊淚折巾欲落短毛霜江魚過露肥無敵潤

菜經秋脆未央開語乃自乘興亦知滄浪好故

園會見掃欒槍

長至

寄情聊作少年遊長至尋春古陌頭東望烽煙

終影國中懸日月自神州陽廻差許霑新澤圭

識故丘造物何心置野老高歌一曲當

忘憂

觀趙十一娘書幽蘭行并序自註做少陵舞劍器體

崇禎十二年三月十七日禮部員外吳昌時

宅見姑蘇趙十一娘書幽蘭美其清拔問其

所自曰余義興士人之室也頗願終風蹉跎

如斯譬之蕭艾轉茂蘭蕙中摧時於繪事解

道其失意是時中貴人孫璘奉使吳杭以千

金購十二幅供奉帝嘉嘆下詔徵之貴妃不

四憶堂詩集

可乃止十一娘贈貽統扇感其遭逢會作歌

相答輒以酒酬不果歸田之歲已閱七載開

筭尚存觴而有詠憶昔者氛祲糾騰京邑淪

破西園翰墨乃復沉煙統扇故在亦已零落

者多矣

昔有金閨天水氏此題如此起佳人玉立清且

揚亭亭翠袖倚寒曦迴映四壁生清光發聲能

使韓娥悲客子聞之憂無方豪士有時亦困頓

駿驥失御徒低昂絳唇寂莫雨愁絕蛾眉無乃

妬見湯不難其渡至正復落落逸情寄繪事素

練沸波起瀟湘瀟湘之上九疑峯其中倒石森

隆從下有幽蘭現以笑曾未需酒接空濛舉如

升霞飄遊龍歌如思女送歸鴻晴如山陰發秋

色煙如江雨洗春丰後想見淋漓筆力開闔豈

特與公鄂崇禎年間稱絕技貴人千金購入宮

先帝舊不好玩物是日御座亦動容如此叙置

狀莫云特達易爲逢至性通靈非徒工遇合之

之感正使英雄嘔血文到今風塵隔七載神氣

日舊堂詩集 卷之三 二

獨欲飛昭融君不見公孫大娘舞劍器盛時儼

奉第一位漁陽霜笳夜半起杜陵白髮歌顛顛

十一夜月

老去鄉思切客邊苦望頻起便有典會何必訴

不宿林無定鳥入棚總愁人苑苑雄賓客鹿門

愧隱淪舉頭搔更急天漢指迴津

雨

不知霑雨澤何以答高冥新漲浮江岬幽蘇潤

隱苓二語深大意外意夏雲低更自說漳洗還青阜帽

前溪濕飄零愧管寧

寄懷陳黃門子龍

黃門晚節更抽簪寄興飽尊秋水潭海嶠自從

傳斧鉞王師無乃重樞楠無乃字殊九峯煉藥

曾遺竈三泖漁翁一臥嵐庾信老年最愁絕徒

將詩賦望江南深情磊落最是相期黃門賈曰

會阮大鍼等典重人欲忘之謝道暉王下江

南子龍不在朝此或侯子歸里後寄之華亭者

奉送賈三丈開宗歸隱

四憶堂詩集 卷之三 三

汝去誠何意起謀生亂世難形藏羞短鬚戎馬

賤儒冠大道浮沉穩狂名笑罵安河清終有待

鄙矣釣魚灘結悠然

苦疫行

昔者先皇十六年昊天降罰疫始傳其初中人

瘦如豆倏忽變化大連舉扼吭不語道傷死天

子聞之罷管絃雅奏得地步一朝內使坐官市有人

走馬持金錢換取寶物方入手所遺楮幣爲飛

煙叙事工逸只是嗚呼帝京百祥臻奈何妖孽

四門前舊鬼竊指新鬼笑爾魂乃不驅烏鳶或
曰禍兮福所伏明年賊將入幽燕體似諷一轉
詩人命意高處得君不見三皇之世皆上壽人
遊帝力稱黃耆訓獎陰陽天札無我歌四相思
風后救民死喪須大藥草根木皮徒剝削此真
人雅魏晉以下曾未到賈曰崇禎十六年京師
大疫死者日以萬計鬼物盡見內侍提舉宮市
所得銀幣日夕收之皆紙也是後市肆各設水
孟凡以金錢汚泥區別人鬼甲申三月京師陷
此詩蓋侯子追記之也

春興八首

四憶堂詩集

卷之三 三

西郭春暉碧欲澄萋萋極目入原陵柳絲落影
陰千尺麥浪翻風細幾層老去飼牛身尚健歌
來祝帝愧無能瓦盆注玉艱難得常使乘田也
自應
二月風雷起碧空一時潑盡盡開融平疇隔歲
為誰綠老卉經春着意紅身到甘泉能獻賦夢
迴紫閣欲飛熊惟餘杜市老詞客萬點愁人付
酒筇

秦淮春水阻江隈六季芳洲更不開燕子歸時

仍舊巷雨花落處是荒臺千帆斷鎖愁曾到三
殿鳴珂憶許陪一自諸公延訪後新亭風景逐
人來賈曰秦淮在金陵按乙酉豫王濟江諸公
悉赴京師此詩蓋亦侯子歸里所作也
戰後江山未可期深城草木接葳蕤起便接西
陵人去無消息南浦愁來有歲時細雨似霏新
淚濕輕烟渾放故春遲點綴語亦姑蘇自昔歌
舞地子夜聲青更恨誰賈曰是歲六月豫王遣
自發吳人多竄太湖中浦西陵或侯子有所憶也

四憶堂詩集

卷之三 四

日近長安出建章三春花樹接千行彈丸憶逆
宮鶯淚繞扇常浮御座香玄鳥北來曾燕啄白
魚西去竟龍驤律句有此起新蒲細柳年年在
指點隋陳畧喪亡不眉眉近事結得更高宋曰
天子所都通謂之長安按崇禎十七年燕京為
李自成所陷夏四月賊大敗遁去此詩蓋亦白
衣紅袖之感也

河源星宿自崑崙春漲桃花夾岸渾龍蜃難馴
歸故道犀牛何事刻新痕子來疏鑿關輪挽國
計耕喪重本根願使三農更四載力驅洪水莫

東市

徐曰崇祿十五年河決入汴以周堪廣濟工部尚書督齊豫諸州塞之河竟不流宋

曰河決西南為鳳泗思宗治之防陵園也清河

自宿遷入濟不縣曹軍考元以前縣膠萊河兼用海運明初因之後始命宋禮鑿今所塞口然則前代河亦未嘗走故道也

新霑雨露足深春麟閣丹青自有人碧酒凝寒

濃似醅宮衣勝體白如銀蒼生問渡饒舟楫赤

帝揮蛟佐羽鱗黃綺由來無壯畧商於枉却避

徵輪

畫角旄頭正此時中原十載更興師尋春偏臥

麒麟塚伐木驚傷烏鵲枝

苦語沉痛正自寶玉有河山之慨

日憶堂詩集

卷之三 五

東歸通肅慎宛駒西去隔燕支聲靈本為生民

出賤賣新絲養健兒

語有諷諫

舍弟書至

慰汝天邊信遙從月窟傳數歸應計日恨別已

經年地險愁新破兵連迹尚偏可憐重五日獨

有艾杯懸

奉贈故相國王公

慙愧十年尚未逢更來騎馬謁王公

一起飄通然不羣

朝後食惟先士于野同人總大風箕子西歸因

訪道蒼生一出匪求崇若承新主詢時事東閣

開賢第一功

徐曰相國王公鐸也弘光元年以禮部尚書入閣乙酉改弘文院禮

部尚書

蘭至

聞發金陵棹猶能四月來看花如欲泣隔歲不

曾開

如不經意七澤荒虞廟三閩阻越臺間開固自妙

觀方物南望亦悠哉

宋曰七澤三閩蘭所生之地侯子蓋歸里後作此詩也

村西草堂歌

日憶堂詩集

卷之三 六

村西尚存五畝官歸來何不葺高牆脫冠自執

白木柄落日平原伐短荃斬根整齊覆垣墻蓬

門頗有五柳風隔歲陰蟄土始牢清霜凍草發

煙紅稚子餽我蒼精飯飽煖亦與廣廈同

高麗森秀

數語寫村居畧盡

君不見東鄰老翁頓胸哭至今野處

思茅屋少年曾居三重堂咸陽一炬歸平谷旄

頭照地二十秋萬家舊址生苜蓿玉華妖鼠竄

古瓦珠簾畫棟胡為者行人夜過鍾山下但見

雙門立石馬

賈曰鍾山在金陵宋曰按乙酉歲侯子自金陵歸里卜居西村草堂

此也

得姑蘇消息 二首

經年傳薄伐難以問姑蘇門戶原通越春秋舊
是吳水從三澤合山自半塘紆險易殊方畧佳
兵慎遠圖

城外寒塘路愁人落日低江臨胥相廟草發越

來溪妙在用字處處感樵語通煙火船歌雜鼓鼙

周宗偏霸業不復問京西宋曰此言吳以蠡西

有感而引

四憶堂詩集

卷之三 七

黔虎行

黔虎不知山有驥疑其噬已耳生風心怯熱視
竟避去近前輒復驚一鳴詎意中原爲下獸手
爪撲蔽百不工君不見南山白額眼殷紅身負
文采稱斑公兼之猛銳敵萬人驅使羣狼友玄
熊奈何有力不自奮猶豫退處山嶠中日蹙百
里徒搖尾獵人將至非驍雄

寄陳子山中

三首自註陽羨陳貞慧也

迄民歌康衢安業在耕作濟洋適萬物細流非

所吟清陽起風雲日月迷秦樹綺里蓬蒿人愧

與蕭曹互

徒步歸故丘時清容吾嬾恤緯信迂懷大業自
微管長嘯澹夕陽與收豎伴寧戚誤叩角高
車坐累卵我昔耽墳史寒翁窮幽纂伊人秋水
曲從之在中渾

悲風從天來桑榆催短顙烈士重暮年收之正
復好種我彭澤田八口有餘稻富貴如時序成
功不自保願言寄遐心平楚爲三島

四憶堂詩集

卷之三 六

都護馬爲狼所食歌

君不見都護之馬玉花驄云是天閑旌戰功兩
銜不施道傍食田父辟易立墻東我叱田父無
自苦都護此馬擬彪虎一登平泰再人象曾破
舊京觀如堵都護猛烈如此馬亦恃力倍尋噴
嘶每將勦敵擒野豺曳尾蒼犬形禍發倏忽古
所箴嗚呼蜂螫毒況彼狼子心都護馬大失
防固見侵此又不我聞豺狼居深山此何爲
近城闌麒麟常向庭時遊怪異無乃非一班是

後歌

又不見昔日穆天子八馬名駿皆無比耳生紫

烟雙瞳黃赤汗東歸徐偃死古云此馬龍與通

駿裏非復下駟同當其不動神內視一顧滅沒

走追風天機常備十步外胡必踴躍始為雄英雄

生氣雖有猛虎須却避況是狼跋伏荒叢都護

之馬為狼食縱令不食徒伏櫪口厭芻秣氣已

盡安能驍騰赴強敵都護何不更請尚方刀一

四憶堂詩集 卷之三 元

斬凡馬洗其曹千金但莫問驪黃世上寧無九

方阜風塵之困騰騫之思俱於言外見之賈曰

都護孔希貴也希貴本明蘭州總兵官順

治二年鎮開歸鹿馬牧

野外者為狼食其四

寄李舍人雯

金陵門外昔同遊歸去衰遲有故丘六季春城

喧野雀三山雲氣黯江樓嵇康辭吏非關懶張

翰思鄉不為秋開闢最是月明照顏色平蕪煙

而使人愁

寄泗上王二丈

離離禾黍映周京泗上英國問舊盟豈負青鞵

尋往約為留黃髮慰蒼生有體有情非徒諛人語正是高處

雄二水江東戍雨暗三陵日暮城雄渾飄逸力

思慮又自不盡言想莫怪阿奴寄狂語故人原

自曉修名宋曰泗上王相業也由毫入泗水在

泗之北也二水合則達江東明太祖以上先陵

在盱眙故泗亦有寢宮徐曰弘光元年相業為

與平監軍豫王破揚州諸將降相業屏居海陵

豫王手令徵之復命與平大將李本身王之親

等致辟乃歸朝仍以明官改居泗後徙鳳陽此

蓋侯子歸里而相業尚在泗日寄之也

四憶堂詩集 卷之三 元

泗上王二丈

離離禾黍映周京泗上英國問舊盟豈負青鞵

尋往約為留黃髮慰蒼生有體有情非徒諛人語正是高處

雄二水江東戍雨暗三陵日暮城雄渾飄逸力

思慮又自不盡言想莫怪阿奴寄狂語故人原

自曉修名宋曰泗上王相業也由毫入泗水在

泗之北也二水合則達江東明太祖以上先陵

四積堂詩集卷之四

賈開宗靜子 練貞吉石林

同里

徐作肅恭士 宋 華牧仲

選註

詠懷詩 二十一首 自注丙戌作

虞舜昔端委安坐彈鳴琴薰風習習至貴適無
爲心道高一何逸五絃餘清音玄化非有形奈
何任鈎深

鳳皇自天來三顧頗迴翔羽儀肅威潔一鳴振
清芳碧梧結秋實晚啄亦何妨嗟彼稻粱羣徒

日惜之詩集

卷之四 一

以秦中腸千仞飛空虛胡爲籠與房岐周有聖
人乃始下朝陽若非蘇玄德豈棲枳棘傍
千秋風雅堂入室蘇與李陰山夏飛雪酪梁寒
愈言漢恩誠不厚去留從茲始馬首陳郅詞顯
過北平趾豈不戀故鄉高義愧君千少卿盛文
采零落亦如此

種穀城西村夜出村西道聚落生炊煙場稼互
收保明月照大荒零露寒宿草啾啾雙黃鵠化
爲白頭老似言慶曆間涕淚洒清昊戰伐三十

年常思太平好

南方有美人永矢發清歌跋涉往從之蹇裳不
能過豈無舟與梁晏安徒蹉跎精衛尚填海何
況但江河蛾眉苦易盡黃金焉用多君子崇令
名嗟哉老則那

奔霆激雲中長虹亘天外造化忽不常陰晴適
以會君子安義命履順無顛沛紛紛僥倖子嗟
爲寵祿害猶龍戒泰淫吉哉若龜艾

檜栢高參天常爲藤蘿欺勁心炤古色直幹無

四積堂詩集

卷之四 一

曲枝柔條善依附瞬息密葉滋主人命剪伐焉
知根不離運斤一以下去蠹木乃虧

海燕春始來翔鴈秋云歸各生大塊間寒暑相
因依既爲萬物母寧使本性違鳬頸善用短續
之常苦悲甚感裁成慈所惜非天機見美乃亂
羣玄造慎幾微

北風勁天地玄秋變此晨草本淹黃落墜葉紛
一振朝露察危幾所貴在哲人張翰起歸思取
與非鱸尊懷寶實可懼何況履要津君看金谷

貴乃使途路賔

希聲賞雅奏重器無繁音北里盛師涓麗曲妖
以淫神鼎鑄金鑄懸寓久浮沉萬物貴同氣蜀
桐實所尋但云叩不鳴乃使瓦缶侵

皎皎天女星雲錦爛七襄一織衣十人所寒道
相望豈無乞巧術明河照縫裳尚方重締繡費
日刺文章蠶桑曠所業織婦徒倉皇唐風譏織
手無乃儉德涼始知三五世機絲有餘箱

角里本農父言耕商於阿兩賜以時至歲月號

四憶堂詩集 卷之四 三

年和秋雯照禾黍微風岐穗多秦法重苛歛山
深吏不過高臥長巖下乃詠康衢歌

步兵稱至慎常爲詠懷詩生逢魏晉間長醉無
醒時發狂忽痛哭非不有所思謂天亦以高跼
躅欲向誰微雨潤幽草榮枯各自知
羌本名家子雅志好詩書傑材傲棟梁美器重
璠璣秦皇尚武畧卿相皆吏胥兩生相竊議坑
者四百餘儒冠若弊帟瓠落爲散樗赴赴少年
兒紛紛乘高車生無復臂姿起視但歛歛

百年不易得里人重長生呂望八十餘乃爲文
王迎左手仗黃鉞虎視竟事征親獻朝歌俘意
氣何盈盈伯夷叩馬諫所見詎慶極至今餓飲
死日暮採薇英

長卿厭朝謁謝病遊大梁當其不適意零落似
秋霜一旦奉使蜀高車何輝煌昔時卓王孫趨
馬伏道傍文君本婦人擇交得鳳皇分財巨千
萬先後若素蒼冠蓋固自貴乃以重綢常

黍稷在高陵含鬱如有思月令發晨風平嘯

四憶堂詩集 卷之四 四

無私上與桃李蹊相間生華滋萬物各自類誰
肯獨後時

七國奉強秦辛衍來自梁陳情詞冠盛饒者日
相望魯連感義氣矯首辭清揚諸君果致帝無
乃謀不臧譏臣將處國擊妾當充房微軀不忍
見東去委滄浪客卿聞此語豁然起膏肓一時
願罷去大號竟微茫

高原落日黃蕭蕭鳴病馬似感主將恩戰死北
印下放銜取故道至性養以寡天閑收駿骨龍

種憶一野豈無窮與粟長淚盈羈把君子師萬
物嗚呼戒苟且

往聞魯公扈有友趙齊嬰同時中疾疾乃就扁

鵲營命坐飲狂酒毒死不復生探胸易府藏神

藥感至精二子起辭歸兩室相與爭所以古至

人感激貴天情人生有心類委形豈足榮一旦

中變化妻子難與明

楊布晝出門玄冠而素衣中途雨澤下倉皇易

緇歸其狗吠發狂聲雖非故儀鑒茲犬馬心參

以憶堂詩集 卷之四 五

養懷所私極嘆忠至誠好惡良無欺人生感新

舊乃不辨素纒二十一篇氣格高絕通李白詠
古其端理者人選又其自然變

化乃還
十九

送故武衛趙將軍

遨遊誠遠志不可負吾廬祠祭還宗廟丹青有

誓書絕矣杜
度勝處客心愁歲暮旅食稔才疎我自慙

冠蓋謀生誤荷鋤

任弟生日

令弟今年二十餘風流正復陸機初還吳不可

稱公子入洛祇宜駕犢車情事藹然只是真酒
朴便自氣運生動

債若貧從婦釀瓜田一畔即吾廬此又高岸酒
脫之極凡題

位應有語無不到華亭鶴淚因戎馬細憶全生在散櫓

結語悠揚徐曰杜甫稱其弟皆曰令弟今集中
令弟尚為蒼水使諸篇是也陸機吳人吳亡乃

洛人

舊業 四首

舊業蓬門在艱難麥壘青衣冠存社鼓伏臘到

旗亭拙尚羞雲嶽蓋字從拙尚來是自愧
意若看入高僧便謬閉情

謝雨冷北齊書雖復冷雨自天終待
雲興四歲以喻薦引推轂也惟同諸父

四憶堂詩集 卷之四 六

老潦倒醉村醪

家世耕鋤地荒萊復幾春乾坤供老眼風雨落

秋垠非杜陵
不能瓜種青門晚鶴歸白社新盈虧從

晦朔不敢怨靈龜

慙愧風雲際尋常牧犢還何當承帝力自分掩

柴關一氣下骨
清色腴野膳新溪菜春漁曲水灣高歌

謝巢許只此對幽潺

非能存懶性高臥到羲皇龍衮才無補機杼事

可商商字委曲是
三百篇意北山餘翰墨南畝一繩床老

去平以裏黃梁是故鄉

漫興 四首

斟酌慙充隱起便勝天心適我客全生得近酒出

世欲聞鐘雪稻村春白霜漁細鱸點綴有胸次人所不

知秦灰曾不到日冷大夫松

村居耽僻性卽此遂吾初謠詠原無虎江湖不

碍魚道慙繩墨賤心慙牧芻有道語自信義皇

上松風夢有餘

本自甘衰白幽居借解嘲當村流水近入戶野

四憶堂詩集 卷之四 七

雲交歲月諸牛後乾坤悟鵲巢典重蘊籍意象俱妙隣翁

時共語床上有義爻

珍重茅檐好吾生願未厭過江哀庾信種柳學

陶潛用亢羣龍悔經語險確只是老氣故能之下句對正妙於開遠息

機一鶴恬從來悲蒼素於此定無嫌

寄二兄

爾尚長安裏京塵滿素袍曲江新謠會騎省舊

郎曹自注二兄崇禎末爲武部郎塞入黃龍盡秋從黑馬高

此氣象好將上林賦景物發纖毫

村居和徐五作肅 三首

天捧金微日風高玉塞雲杖藜從正朔望宿憶

新分厲驚謀方拙魚龍計自殷本無疏附畧非

是畏移文

爲有終南徑撫躬日飲冰麒麟空玉壘鷄鶩側

金滕白幘名堪老青蠅事可憎徘徊千載上寒

馬亦何憑

嘆息虛名累當衙有薦章善鳴祇自誤散水得

無傷道聖明農穩恩寬託寄狂犁鋤春雨外何

四憶堂詩集 卷之四 八

以謝黔蒼

幽棲

寄謝松筠客幽棲好任顛何當雲點染不愧月

嬋娟用虛字每萬事甘居後一樽自可前陳情每入妙

託綺皓爭肯負華箋所謂好詩即美如彈丸者

種樹

種樹南園好荒榛徑漸除荆妻時餽飯緩步許

當車白水通占座黃公竟定儲二事用得高遠却自然但覺題

有所應至今傳二老長通亦何如結語是

後春興 八首

杖藜着處置閒身搔首高吟送暮春煙色解愁
常漠漠燒痕無夜不燦燦狂於阮籍何勞哭醉
似陶潛漫著巾與會深至寄語五陵同學客艱難衣

馬謝時人

昆吾氛祲不曾消西入咸陽百二遙高鳥鼠山

空還放馬九泥棧斷欲盤如此氣塞遇少陵

花門憶破三城戍禁築或歸萬里橋只一憶字

若實忽遠忽近意境俱絕非眼前人所能道聞道有年收京洛太平

四憶堂詩集

宋之四 九

何以獻歌謠

春光零落隔虞州泯泯變江靜不流海氣山川

遙作國雲中龍只是格高客星

憶傍嚴陵釣霸業范蠡舟一自鼎分俱寂

莫側身東望使人愁

浩蕩詞源賦子虛西京臺榭欲何如月生苦院

棲金鳳雨過耕人得玉魚故自得意萬里風

塵渾入眼百年身事自盈枕夜雄綱當時曾到

昆明上御水東流太乙渠

石馬已精寒白晝金鴉似欲噪黃昏多情望帝

終思蜀無計神香更返寬全體似羣山萬壑一

則不見滄桑變春色與臺前日是王孫

漢家天子好文章金馬碧鷄白玉堂晚到湘江

終瘴地書成封禪竟貴郎過時春色花如雪屈

指愁人睡作鄉杜詩往往有逸氣故渾朴愈見

傷多酒八層之類是也此詩接上伏下感慨沉着言外得之氣象何曾干彩

筆不關絳灌也踈狂

四憶堂詩集

宋之四 一

永謝春明分亦甘素絲何意辨青藍常從野水

過溪北自摘新蔬到舍南梅福無冠存漢社繞

朝有策誤秦驂二語如大海雙峯餘波迴瀾東入星宿頻來三月

雙柑下臥聽黃鸝懶不堪

先朝雪苑盛盟壇徐應風情接建安一自衣冠

歸五嶺多時詞賦到三韓遙憐社日春盤細苦

憶花時夜坐寬俯仰欲絕昨暮經過吳裔宅自注吳孝廉伯

也隔年煙草不曾刊

月

何故今宵月清光依舊圓不難沉碧海直欲到

青天雲漢終無隔烽煙靜可憐即意即景與武陵一曲同其勝

遠受降城上望常似在霜前

又見

又見空村月春宵過雨寒不堪愁故國猶解憶

長安漢妾烏棲淚秦封貝谷九普天皆戰伐清

照好誰看

除夜四首自註乙酉作

何事年垂暮深慙鬢欲霜遭逢諸簡畧祖考想

四憶堂詩集 卷之四 二

佯狂野賽兒童鼓田歌種麥觴因風俱入耳隔

歲是春光

寂寂驚除夜椒花逼眼明酬恩當獻歲頌聖已

躬耕忠厚老計勉兒女同群託友生不知春潮

後何以謝柴荆

生事蒼茫晚王正報詰朝瘡痍驚臘盡戰伐想

春消卜歲閒聽竈祝空懶折腰野人踈禮法遞

莫臥東臯

只此晨鐘盡春暉漫欲然荒村仍建子舊曆已

新年曙色三江外雲城九塞邊幾回心力破不

敢問皇天四首託情寄興有體有要非作者不能到也

正月初一日雪自註丙戌作

野人生事信高天朔氣陰風雪滿田高回首千

村還縞素捫心八口且炊煙清才作賦慙今日

應節飛花似去年大有懷抱細憶豐時視丙戌謾同

寒盡是虞瘡

我昔二首

我昔寄紉揚車甲正縱橫先驅渡大江簪裾聚

四憶堂詩集 卷之四 三

以映語有風刺飲至酌功高南風忽不競嗟予歸去

來咄咄信時命

鱗鱗適北流汪洋意鯨鯨迢迢天路長雲影六

月濶大小貴逍遙鯨鯨何不脫勞尾泣施恩使

我心目豁賈曰弘光元年侯于從典平伯高傑

王師至揚州諸將奔海陵已而來降侯于歸里

傑故部曲大帥李太身等前驅渡江克金陵十

去住

去住從簷尹幽棲愧命衡尊生聊任懶計拙得

逃妙 郢市歌無侶蘇門嘯可并神龍嗟有

欲長拳不辭烹

奉送王將軍歸田天城

送爾天城去深杯照眼濃風蹄寒首霜劍氣老
芙蓉醉尉憐新戍開關愴故封逢時慚用武瓜
畔好從農

遁迹

遁迹遙岑外結廬問具茨隣村時見火荒戍夜
聞鷗遺歲花舒蓋埋憂黍作糜忘情到寒暑慚
四憶堂詩集 卷之四 三
愧說爰咨

聞彭別駕亡

別駕詩名久由來故老傳一官纔自累九誦不
辭顛典則蘭臺令清真竹下賢心房收聞氣消
息玉京邊賈曰別駕彭堯論也著詩有西園論
浪諸集萬曆間與國子祭酒侯恪齊
名崇禎十年為南康別駕有高韻不事上官督
餉侍郎張伯鯨徵符至堯論怒折之曰此戲具
中物耳堯論十五年劉超據永城叛誘校河南
巡撫王漢堯論以詩弔之誤者以為編入奏下
軍懷獄斷鍾久乃解堯論詩曰敢奮堯堯卿臂輕
傷節鉞威甲光隨雨點將氣入宵傲自分前驅
往誰令與視歸不知身予故
長使淚沾衣堯論蓋托起也

張叔夜祠

忍死雄州地白溝草色青前朝俱大漠遺像只
空亭一氣雄渾痛定乾坤淚血流日月腥可憐南渡
後不復問燕銘

南岡

旭日發清煙獨步南岡早翼翼壘中苗脉脉原
上草萬物感天慈非為田家寶達年力稼穡難
首問晴昊我祇服先疇勗哉念祖考是漢

題韓叔夜膝廬

四首

四憶堂詩集

卷之四 四

韓生結膝廬閉戶託一枝中夜思夷門顧我垂
老時再拜感君意贈君膝廬詩

韓生結膝廬危坐彈鳴琴載彼途路子乃為商
與參鳳鸞愛其儀不棲惡木陰

韓生結膝廬歲暮賦郊居近聞沙堤行忽獲廣

柳車嗟哉百年身努力冷芝葉

韓生結膝廬乃在臥龍原苦吟懷大畧隆外日
覆翻歸去詠鄙詞此意本忘言四首只數言結
構而包含無際

愈淡愈深
是最上乘

詠古五首

荊州形勢控南屏魏武東來若建瓴起輕練曉

浮吳氣白荒煙晚抱楚痕青淺青茅空篋愁難

問大若垂天之雲鸚鵡芳洲酒易醒逝矣莫言匡復事

景升末路付昏冥

萬丈天峯削劍門憑雲溢日亂朝昏江流白帝

原通峽隘失黃牛莫問源但使綿叢猶漢鼎依

然隆準是文孫燕周自信能知命夜草降箋答

主恩不明明之義周風人諷刺之體

時懷堂詩集卷之四

骭髀當年老尉他海隅不分俯煙螺天襟雉甸

星辰異地枕蛟宮翡翠多秦帝滅時灰正冷漢

皇書至鬢先皤三字言外英雄艱難西向渾一拜慙愧

陸生佩劍過全首高壯

新豐夾道未央前一劍雄風二百年昏夜龍號

分赤白東西王氣互雲煙春開小陌邀張放歲

譙離題賀董賢云以初九葉太平垂拱日離離

禾黍昭原田

赤眉初過帝城空萬井蕭條在眼中鳥鼠春窺

西谷八芙蓉秋對瀟橋風村翁有髮居然白宮

袖何顏強自紅曾記中元初建子普天賜酺與

民同五首明臣獻吉秋懷而其感特深

聞警四首

遙望樓櫓外平臨肘腋前渴芒斜睨漢妖焰夜

橫天不道纏青兗猶能俯澗漚工師終廟勝細

擬奏甘泉

豈容天塹地戎馬却秋郊狐火吹三輔烏飛黯

二嶠律應驕左次塔或慎前茅勉矣黃河曲焉

夷助斷蛟

莫怪王師過河陽大合圍長年防玉塞此日出

金微凱奏青蛾歛勳旌白馬肥從來怨楊柳應

許賦無衣結語直數回

上將軍中畧專征關外任驅除終帝力底定自

天心小墅魁魁走高堂蟋蟀吟猶煩數遺老永

夜立清砧四首少陰之得意者

感懷口號十五首

寸絲一粒天王貢舊賦新篇長吏恩歲費金錢

兵不以檄符莫怪夜呼門

保障功高競出財東京舊址起樓臺奏章博得
冠紳上下式非情信可猜

霏霏春雨盡扶犁直到先陵寢殿基稼穡相傳
王業地業盛誰貢大田詩

景畧當年捫蝨談逸才獨步老兵慙金刀一起
江分左玉屑何關晉已南

天閣掄材欲拔尤相憐等輩各淹留經綸自古
歸屠狗輩下何須識字流

日憶堂詩集

卷之四

二

陳餘張耳功名薄向秀下意趣嫌吾道艱難
爭末俗市朝恩怨莫相素

專城租稅輕馮煖薄俗公卿重灌夫爾輩古人
何所似暫來就食亦良圖

欺人日午饑臬語壞壁月明惟鼠驕安得秦灰
重不然依然社火事耕樵

梁雍兩地各防秋殺將覆軍戰不休六詔衣冠
輕漢禮三羗旗幟掩秦溝

澤畔行吟帝闕高靈均憔悴寄離騷幸留山野

容問放稍待秋風覓酒釐

漢閣招賢翠羽簾一時霖雨慶新霑猶煩寸紙
空函否爲道蒼生意未厭

六州荐食原秦旅三窟狡謀據蜀江勝算王師
多不戰專征之子已招降

更築長城豈偶然從來設險衛山川龍蟠日月
交伊洛龜卜東西食澗瀍

高峰儉歲日相仍公子王孫尚五陵七尺珊瑚
輪石季萬錢餽饌費何曾

日憶堂詩集

卷之四

二

銅駝背洛綬綬臥華尾垂秦焰焰饒共問守龜
新兆在草茅酒淚只儒衫

送前朝沈職方遠行

自有人憐阮籍途憑君長鉞到神都夕陽蝶雉
依然在莫向前程聽鷓鴣

蕭蕭激壯聲情
俱杳然無際

寄佟都督

連山跨海劃天關萬里提封掌握間早辨風雲
心力破平扶日月鬚毛斑先朝顧命元功在中
肯頻褒百戰還舊澤新恩俱殊賜千秋誰數灌

賦

歲暮雜詩四首

莫遣催漕吏逼除夜到門猶然紆國賦展矣識

天恩歲計閒薰鼠春饑慰采繁野農力自足不

解頌姜嫄

結句大雅渾成
三復始覺其妙

厚賚何勞問休兵慎自焚艱難甥舅國容易虎

狼羣換歲賢王雁朝正侍子縵遙知天仗內譯

語幾迴聞

餘波
宕漾

底事畿南盜經年上首功天容狐兔窟王赦馬

田休堂詩集

宋之四

牛風岱海連波黑青齊隔燒紅由來十二險用

武自非熊

定解青陽疾冬曦不可停聽兒憤社賽逃歲憶

郊垌已分頭能白幾時眼暫青除非過徐子

自註

徐子作

高話落參星

三四開遠過少
陵襄陽諸作

過叔氏別業

信有吾廬興悠然到隱居蜂房新荐蜜春沼舊

藏魚白日塵偏少綠樽醒不如可能留客住投

轄已無車

開闢一氣

廿六兄舉兒

近喜衡門客棲遲更有兒風塵存驥種澤國自

蘭枝村衍荀龍宅人傳謝鳳詩孔懷誰復切潦

倒付深卮

全首穩妥一
起真氣撲人

寄陳將軍

聞道乾坤更用兵天南高臥倚長城神京左臂

曾安枕瀚海前年想繫纓

內府何時賜錦袍從軍不易建旌旄天閑出塞

龍堆遠羌笛臨秋漢月高

田休堂詩集

宋之四

四憶堂詩集卷之五

賈開宗靜子 練貞吉石林 選註

同望 徐作肅恭士 宋 學牧仲

高都督勦歌四首

大將威名二室高
凱歌飛奏賜雙旄
弓開秋月臨熊耳
馬散春陰靜虎牢

中原千里敵平疇
坐鎮長驅古汴州
禹甸豈因形勢險
堯封總寄陣圖收

軍令分明下宋都
平沙列戍隔昆吾
心垣影靜

四憶堂詩集

卷之五 一

纏天狗火帝祠陰起夜烏

十萬啗枚盡渡河
親從帝子靖鯨波
巢平大陸

黃雲散陣破中堅
黑夜多

過洛陽贈高都督

瀝水西環澗水東
坤輿千古想雄風
中分二陝

周王地半接三秦
漢帝宮乃眷元戎
來作鎮肯

教天府不論功
從今職貢經過處
盡指洛陽開

會同

別徐大隣唐

吳越三千里江湖一再遊
逢人惟短髮縱意有孤舟
遠火霜林岍危星驛戍
樓永言謝知己回首嘆淹留

再別宋二舉

盡此一杯酒詰朝賦遠遊
客中過舊國歲晚付輕舟
橘柚紅漁浦星辰白蜃樓
懷人殊漭漭不敢更淹留

四兄事雪後却寄

郭西田畔老何事白門行
平世無冤獄還家有

四憶堂詩集

卷之五 二

更生舊遊桃葉渡卽次石頭城
閱歷十年盡愼

休作意鳴

詩貴鍊字每一二字鍊便覺全首精采如結句中休字是也

再過宜興贈陳四丈貞慧

八載宜興道重登百尺樓
江山開笑面圖史秘林丘
南浦芙蓉老夕陽菡萏秋
相逢一杯酒華髮各盈頭

示顧孝廉宸

每向梁溪憶盡簪直憑秋水到江南
十年相見無勞問京國風塵過已諳

荆楚終原公

巍我閭閻鎖煙阜南顧長城屬節旄海氣三山
晴不動江波萬里月還高何等氣象風人記事多銀
管揖客投詩重木桃接又忝竊通家陪趨走幾
迴搔首愧霜毛

晏原觀察生日席上作

暇日開筵賦客題粉榆舊國自關西嶠靈風雨
參墟遠華氣盤紆鬼宿低高伎出秦聲聞擊缶
珠明漢閣坐懸黎涇江本是烽煙地須放笙歌

四休堂詩集

宋之三 三

厭鼓聲

結句遠道爲此
等題出落千古

陽羨歌答陳生

自註陳生雅處士貞慧
子也有詩名湖海樓集

陽羨煙雲如青靄其中舊有湖海客自言高臥
三十年不曾下樓間今昔君不見北海才名當
盛時區區禍衡真小兒正使鸚鵡解人言焉知
元龍是吾師曾登銅雀臺十里柳花似雪芙蓉
紫漳水東流鄴宮盡亦如此黃塵不

到高樓中中原回首悲我穿麻鞋再一來
衰顏羞映珠槽紅四座狂呼一斗許更脫皂帽

然庸速短豪氣舉頭仰視漢已斜君不見大梁
侯生遊吳越霜吹兩鬢侵馬骨人生相見如聚
商細記壬辰冬十月

種松歌贈陳郎

自註陳郎余幼姪處士貞
慧子也

種樹當種松生兒當生龍松能參天三百尺龍
能騰地九萬重君家少子無乃是出揖丈人何
從容眼光奕奕逼我寒問所讀書音如鐘十歲
抗首復伸眉其意頗不屑吳儂君家少保古哲

四休堂詩集

宋之五 四

人

自註少保公于
廷陳郎祖也

我欲見之恨無從爾翁當時

稱有道今住青門老爲農五陵佳氣詎遂無善
卷洞口暮採葑高義乾坤誰識得定知有爾亢
其宗君不見洛陽桃李媚春風三月開花作意
紅轉瞬落葉已辭枝惟有霜皮傲崆峒又不見
鮒魚數寸口鰓鰓陂澤江海不相通纔欲過河
旋涸轍安知首尾接空濛

寄賈三丈開宗

故人華髮今如許冉冉修名六十年藥餌須防

身尚健酒豪莫遣興還顛傳經有子羞劉向被

禍一官笑鄭虔却寄先生珍重處老養不必更

逃禪乍看之亦自索莫不着三四韻詠在獻吉閒通諸作之列真老境也頓挫清麗

澄江贈高顛孫

相過兵燹後猶得見顛孫生久傷金屋酒酣憶

瓦盆濤聲迴岸住秋色隔江存此地多豪氣君

家第幾村陳曰澄江今江陰乙酉金陵之變惟江陰固守八十日不下

贈徐君銓

傾蓋一酣醉高霞落晚楓江東新塵尾城北舊

四憶堂詩集 卷之二十一 五

徐公賓從劉曹侶文章飽庾工匆匆恐別去問

訊幾時通

贈許山子

山子知名久恰巾一少年相逢秋水曲共對玉

壺天客嘆侯嬴老人推許勸先自然精切漢家今運

盡曾識幾才賢

遊吳遇李校書四首

自正校書舊出是官

回首江城隔碧霄兩行雲雨楚王朝武昌行今何在夢裏猶聞說舞腰

零落不稱到芰荷湘靈皎月照愁多停舟曾向

潯陽過怕聽當年太傅歌懷旋不堪多讀

楚些英傑更憶誰傷心不盡是蛾眉姑蘇惟有

寒山寺莫擅貞娘數首詩此豈徒贈校書者

一夜笳聲滿漢東寧南歌舞當時空從君紅袖

微遺事費盡薛濤漉紙工命意于思萬索造調千鍾百鍊

贈校書歌二首

伊州過犯早銷魂按拍纔終願一言相逢莫話

開元事曾受先朝進御恩

四憶堂詩集 卷之二十一 六

吳統衫子越羅裳白雪新詞舊擅場共向西陵

臺上望天風吹落淚千行

放歌送校書一首

大江東去浪淘沙神女祠前起暮鴉今日思鄉

歸不得洞庭深處有龍宮上七首自爲一格風神何等懷抱

須具如此手眼乃可作此題觀者辨之

哀辭九章

哀辭者感羣公之既沒而作也倪周二公

師也練公父執也史公世舊且明存亡所

公也張公以下友也哲人既萎情見乎詞
李公以雄才終於卑官抑更傷其志有難
言者用附於末蓋亦少陵之哀鄭台州云

爾

戶部尚書翰林院學士倪文正公元璿

上虞倪司徒廓清起東浙廓清字有深意弱冠事墳典

探討窮禹穴長嘯兩京巔魏晉皆丘垤賦生大

王風歌入郢客雪屬當啓積聞國華嚴以子公

乃振雄藻海內才人悅小子早汨沒蔽翳瞻采

口

穎葑菲曾勿遺許在絳帷列入室進所製吐哺

手自閱欵曲命我坐不惜殷勤說幸從上虞遊

上虞有大節權璫背障天熹宗照臨輟乾兒復

義孫羣笑左楊拙自註左公光天下重朱炎大

白黯然涅慷慨西江關發策願一折文章砥迴

澗昏夜忽昭晰一策一十字光芒淚與血藏之

二年餘精感帝座徹更陳要典書聖世當焚蕪

春秋明是非忍使三綱絕夷跼混一堂奈何無

差別星星且燎原死灰非局波果有呂純如嘗

附璫燭熱赫赫張少宰援手長其藥公坐鳳皇

池乃復生屈軼叩闕十旬爭奸相心憂授意

鷹犬羣所恃七貴孽譏諂蔽聖明中旨賜公珖

自公出國門皇途日兀陲調羹不得人坐使金

甌缺手淬昆吾鋒滅賊氣蘊結主辱已當死况

逢卜屠竭志在殉社稷君臣同一轍靖獻皇祖

前萬古須臾決永謝江左賢中興無泄泄至今

天地閉誰平荒祠碣練曰倪公上虞人天啓壬

公丁卯典江西試發策詆魏忠賢不少屈戊辰

四憶堂詩集卷之五八

改元首上疏論三朝要典初吳江人呂純如以

傳郎張捷送更薦純如可用公又力爭烏程縣

孔昭勅公歸吳未起公兵部侍郎兼學士時有

警起兵入衛入都拜戶部尚書未幾李自成陷

京師公殉難

右庶子周文節公鳳翔

昔我到陪京謬忝文章伯追隨鮑庾羣顛倒陳

徐客誼達文忠前傳取侯生策方坐讀之起起

嘆聲噴噴此當洪濛遊何鍛榆枋翮趣駕遺陌

巷相對飲一石來時鷄鳴曉去已鍾山夕是時

文節公方正國學席辟雍近萬人公有師表責

志責訪一士驚倒金陵陌盡願交侯生廣厦坐

管窄我思特達知不曾聞今昔豈料京洛塵忽

滿豺狼迹煤山殿火紅白註思宗皇帝璵室落

星白公為侍從臣願負鼎湖魄當日卿與相已

盡化巾幗殿上是何人忍復手加額公乃南向

拜辭親託素冊上寫忠臣字下註孝子籍此道

本兩全借口良取練曰周公已卯為南京國

受知於公公嘗先訪侯子寓痛飲侯子往謁相

與講釣敵之禮不使在弟子列舊例太學生與

司業隔絕甚都人異之甲申三月公為右庶子

燕京陷從容奉書辭其親乃殉難死諡文節

兵部尚書練公國事

練公位大臣生平恥厚祿敵虜隘城隅盤餐惟

麥粥未老身何羸蒼生無此福嘉禾好拱默有

相實履餽早朝公留身晚進金鏡錄聖心決去

留但視愿與淑勿使中貴肆博叢慎借木直聲

自此彰小人皆側目又為青宮案欲窮魑魅族

薰燒忌城社狐鼠方輯睦誰敢攫其鋒公獨

時歸澗谷戊辰帝星明妖璫西市戮爰念耆舊

賢賜公返初服其時烏程相意趣本縮朒忌公

與司徒璫在怨已宿出公撫西秦驕兵聞令肅

赤眉次第平重莫咸陽隲督府相私人通賊縱

貪黷宣言賊復叛因公劾降逮是日緹騎來秦

人徹天哭荷戈桂林郡丞相恨始復炎瘴冬轉

熟野花開僕漱日落過象祠空山叫驚鷺回首

春明門華胥遊正熟豈知李猶兒不見長安覆

建業况馬阮何以整坤軸亦審非我儕所期匡

百六荆棘立銅駝原野走羣鹿遺表淚滿襟冲

霄氣猶煜宋曰練公永城人與侯子父司徒公

疏請分別閣臣去留又追雪正之案發張差一

案而劾韓浚等掌丁巳察典探官禁言詎點之

案不公為浚黨趙興邦所攻坐以趙南星私人

制官歸公既敢言烏程相定逆案時偶漏網得入

烏程嘗頌權璫魏忠賢定逆案時偶漏網得入

相乃必欲殺公與司徒公不已公撫陝西有戰

功而總督陳奇瑜以撫賊敗私於烏程相更以

其罪半公論成廣西公有德於秦逮日秦人追

楊師軍事史公可法

萬里飄黑雲壓摧金陵郭起高鍾山熊羆號長

淮蛟龍涸慘澹老臣心望斷紫微落千載史相

公賁恨凌煙閣相公金臺彥早年起孤弱爰出

司徒門深契管鮑託文終轉漢漕殷富感神雀

高望著經綸宸眷良不薄南顧鳳陽宮卜曆實

舊洛帝曰汝法賢往哉壯鎖鑰二陵堂構基更

爲塗丹雘鎬京重樞密論功酌開擴福即承大

統倫次適尤若應機爭須臾乃就馬相度自注

也七美坐失綸扉權出建淮揚幕進止頻內請乘

錢威以削一時得失當時領四藩皆封公侯爵

飽颺恣跋扈郊甸互紛攪從來梟雄姿駕馭貴

大畧鞠躬本忠誠報主惟澹泊譬彼虎狼羣焉

肯食藜藿豈徒吟二劉與靖南又受馬阮約惟

有興平伯末路秉斟酌志驕喪其元乃緩猛獸

縛遂起廣漠塵負岷氛轉惡相公控維揚破竹

傷大掠三鼓士不進崩角何踴躍自知事已去

下拜意寬綽起與書生言我受國恩廓死此分

所安不見衛霍爲史公子去觀司徒幸爲寄

然諾自首謝知己寸心庶無作再來廣陵城月

明弔溝壑然嗚乎相公賢汗青照鑒鑒用兵武

侯短信信國如可作科量確富賈曰史公燕京人

楷倪嘉慶皆爲司徒公所拔嘗曰三郎官皆君

子然史君功名後當過我公感知已事司徒公

爲弟子已而出爲安廬監司進淮揚督撫視清

皆有績用甲申燕京之變公爲南京兵部尚書

掌機務時弘光以福邸當永大統倫序無可易

者公以強藩在外不即決乃就鳳陽總督馬士

英謀之而擁立功盡歸士英矣士英尋引用阮

大鍼嫉公異已出公以閩部督師淮揚公忠誠

清謹嘗食蔬素屢上疏抗陳大恥未雪廟堂不

宜兼繫天下論之然短於兵畧不能駕馭諸將

東平侯劉澤清與平伯高傑靖南侯黃得功廣

昌伯劉良佐并建四藩皆爲馬阮所用傑後以

疏收劉宗周鄭三俊等隔馬阮怒乃更歸心公

會經畧中原至睢陽爲許定國所殺定國遂來

降事去矣侯子避大鍼之難在幕公語之曰南

京固無可爲者豈孝陵在天之靈不能使將士

一跨江背城耶可法任兼將相當死子書生也

翰林院庶吉士太倉張公溥

張公負人望其時尚草萊意嘗陋殷浩况肯託

都南國賦秋水北海樽以開滄浪雖遠洞

氣盡一來選道大處士羣居然隱鹽梅勉力追

正始東林有廢限斯文本吾任千載亦悠哉羽

翼何燁燁助國育賢才辛未遊帝都振衣陟崔

嵬對策白虎殿賡詩栢梁臺先進競識面後起

願取裁文姚皆大賢自註文公震孟姚公親許希孟皆公鄉人也

輔世材以茲聲名盛轉爲異已猜湖州結伏陰

自註湖州溫蔡里也其中兩毒虺內舒障天霧外通燭

嬖華力衆穢凌孤芳誰爲感風雷遠訊梁園生

領袖猥見推歲寒颺謾勁回一陽灰非羨禁

門爵所慶連茹杯詎知皇運替大厦先已隕易

簣藏衣冠漢儀乃塵埃惋惜語却布爲張公慶幸處至今帝

座垣猶自暗三台練旦張公爲諸生以天不

復之辛未登進士第文公震孟姚公希孟皆以

公輔器許焉公以庶吉士家居爲周之夢所遂

將罪以發亂漕政賴司徒公覆疏得解烏程相

必欲構之乃主蔡奕密許公復社朋黨引諸生

促襄爲証襄慷慨然不爲承會烏程去位

旋卒獄以緩方初起時有欲求解於阮大猷者

侯子在全陵貽書陳其不可公得書嘆曰吾意

正復如此侯子乃適相同真及俊之領袖也後

思宗悟欲大用公而公已卒乃下詔復其遺書焉

今功員外郎華亭夏公允彝

雲間面大海襟帶三洲演陰陽溫潮汐往往生

偉人寫末氣集夏公年弱冠早充觀國賓奇文有羽

毛天下傳鳳麟曲高和者寡乃遭巴里嘆六入

春明門帝關何憐胸蹉跎四十餘猶自泣卞珍

更懷不朽志著述大業伸左携陳子袂右綴李

生巾自註陳公子龍李公安也共闢荆榛路周原無風塵

復駿遇我燕市內呼酒意彌真歸贈華亭鶴脩

以秋風尊鶴唳與尊羹遠歷復清淳澹交有至

味味盡道不淪在陶李間君爲山巨源我託劉伯倫

回首建業城同是放逐臣自註公爲馬阮所忌解官歸余是日亦建

難出金陵浩然歸舊廬結廬煙水隣梁上懸一幃皆

知吏部貧鶉衣拜伏臘驚聞改曆新上有釣鰲

客下有洗耳民委蛇誠未可何難投巨津故人

自此逝含淚十年辛讀結數語直欲泣是神宋

有盛名六上春官不第乃慨然有志於著述時

陳公子龍李公安皆後起公首倡之天下文章

之宗歸雲間焉丁丑舉進士歷官吏部員外公

有經濟大畧兼爲清流所推重阮大猷惡之解

官歸乙酉金陵之變從容拜闕畢赴水死

太子生貴池吳公應箕

吳公挺人傑家在秋浦曲早初薜荔衣兼嗜丘

墳篤一笑燕雀羣翩然冲黃鶴嘗過金陵遊公

卿欽瞻鵬孔融空許洛陽雄擅巴蜀氣繫託杯

酒文章洗雕稱自然廓然示周行譬之長夜燭

沛然飲殘膏譬之儉藏粟名高氣轉降撫躬頻

自易見道寧爲洞底松甘藟璞中玉賢者出有

時躍冶祇取辱我聞貴池言再拜肅忠告當時

秉國者前歷鳳陽督自註謂馬士英也潛引皖江子自

以懷堂言集 卷之三 三

謂皖大謀害清流酷吳公悍怒張奮義盛抵觸

彈指叩冰山目中無大纛黨錮至今榮願下范

滂獄但傷漢運終不竟銀鍊局接落不測却

吳公徒步歸棄其妻孥屬長及斬其林雜幟毀

其禡連合羣少年草草一結束聲言取九鼎重

復還郊鄒江波水何清江干日何旭照徹吳公

心七竅環相續豈不知非敵忠貞從所欲神氣生動

千古廢陵走麕鼠荒殿巢鴛鴦六朝建業城婁

涼百草綠昔日豪貴兒駒隨哀短促後死秉銀

幣連叙山陽錄時書吳應箕千載愧頑俗錄曰

爲太學生嘗攻阮大鍼與侯子素善後大鍼得

政典黨人侯必欲殺吳公及侯子吳公語侯子

曰今有欲吾輩謝大鍼可轉禍爲福者豈不爲

范滂所笑哉會寧南侯稱兵聲言清君側而侯

王師已逼獄乃解吳公歸起兵戰敗被執就刑

語刑者曰吾死勿去吾冠將以見先朝於地下

也談笑而死

兵科給事中青浦陳公子龍

陳公湖海姿本出簪纓後選藻驚老宿少與考

功稱文成經國編制作慎不苟俯視翰墨林靡

盡復何有啟禎論才子推公爲之首白眼燁奔

四懷堂言集 卷之三 三

電照人刮塵垢當其投分交謫然溢真厚陳公

肝膽贈我宣室辭徐曰公寄侯子詩有美陸離

如見宋宣室爲君開之句比瓊玖高冠曳長佩道直忌羣醜小儒引繩墨

紛紛避却走反歸簡傲名不滿時流口延津會

有神望氣遇黃叟自註黃公道周拂拭光燭天

紀歲在丁丑驅車會稽山禹穴相待久中藏洞

庭書鳥篆蒼玉紐旁有採芝翁取來繫公肘博

物窮天地大業益奇負微入芙蓉省依遲建章

柳金鑰夜一鳴東方驚戶牖矢陳畢變護早朝

尚早十補袞曾不供生平未全剖無術謝權奸

愚慙負我后

委曲

掛冠延秋門託病栖賦致

主志已違況乃觀陽九考功先投淵傷哉左右

手和歌高生筑餞送荆卿酒長箋奏地下端不

欺杵臼

跌宕淋漓足使

後死欲有爲成敗事皆

偶斷頸何足惜固其含笑受萬世識是字文人

非無守從來請慚薄賴公重示

爲千古吐氣

所聞已未進士公少有志文章雄麗明詩自

袁宏道鍾惺後失其正傳天下不知風雅公與

李公受方極之卒時正始公爲人高視闊步不

可一世下且發第出貴公道周門官紹興司李

之但惜未得

就耳不屈死

中書舍人華亭李公雯

人生感遭逢何止參與商故人悲素絲黑白不

相妨食魚必魴鯉娶妻必姬姜請聽蒿里曲薦

哀君子堂

其氣哀音不知所自讀之但覺悲風

四起情文相生想見友誼自註李公

皆自題其居

李公起雲間文賦久擅場摘藻風雲變探源崑崙長天才紛葩發弱冠卽老蒼海

內一字珍重若珪璋眷言千秋業尤在百行

賦雅志託皎日變態矢秋霜自矜隴西姓門閥

無敢望一歎少卿辱再笑太白狂

超忽

在天路九

萬里長駕有騶驕朝發宛城野暮宿金臺廟壯

士重遠到伏櫪未嘗忘豈知蹉跎久白首終爲

郎秋月照粉署殊非舊明光仰視天漢星淚下

不成行

氣調通蘇李不

我今朱顏醜何以歸故

鄉鬱陶發病死誰當諒舒章

自註李公字舒章

公子龍齊名天下謂之陳李才高不遇父達申

遭戍公走關下上書陳寔已而從父官京師舉

申之變不得歸順治元年授官中書舍人一時

草創詔誥大文章皆出其手假歸道過淮

人萬孝廉青祺以僧服見公望之泣下

澄江過韓氏園亭四首

不訪幽人去安知野興長江城連薜荔秋色到

衣裳檻外收平楚杯中落遠檣登樓一萬里醉

眼卽吾鄉

遍種東籬菊淵明意若何花經衆玩盡香是無

名多海日開金粉江妃立素波我思三徑外一

寂莫。憐官閣迢迢憶嶺梅。豈知千萬樹都向歲時開。江月愁中笛。春城醉後杯。新詞倘入破。不敢讓清才。

窮甕澄江宅。何時再問津。君山分楚國。角里避秦人。鶴性閒能識。鹿羣老更親。晚來秋興起。直欲到鱸尊。四首不減何將軍園林

君山自注春申君葬此故名

曾到君山頂上看。春申一去草漫漫。秋光落水星辰動。梵影懸空嶂岫寒。自古南風嗟不競。幾時西狩淚還乾。懷抱可想相傳二楚稱雄日。彩袖憑軒十二闌。

晚登君山大風望江

返照登君山下視。江千里大風捲潮來。衝波波立起。日淡鰕眼紅。水深龍宮紫。警語險况有客吹簫笛。一聲玄雲駛。再吹老魅愁。三吹新鬼喜。奇庶幾戰死。鬼叫出沉江底。讀至此涕淚千古

回首

回首沾膺一放歌。十年羞說舊鳴珂。漢家公子

五陵盡魏帝。詞人七步多。情既鵲寄南枝驚赤羽。龍蟠北陸走黃河。徒憐昔日梁王苑。老向夷門嘆逝波。

答任王谷

下馬臨床快一逢。文人誰似彥升雄。東朝舊事賓還在。北府新詩調最工。朱雀兩桁懸皎月。烏衣雙燕坐春風。繁華語寫出淒涼同時不憶今寥落。沈范徒高佐命功。

四惜堂詩集

四憶王詩集卷之六

賈開宗靜子 練貞吉石林

同里

徐作肅恭士 宋 舉牧仲 選註

章皇帝御筆歌

宣宗御寫三老圖峰石澗松勢相扶其下水流

若有聲遠聽湧濤近卽無神妙我聞丹青有神氣

況是天翰灑宸謨白練生風朱璽寒采鳳瞥空

蒼龍呼其中規模瞬息定至今想見山河紆何等

置豈期鼎湖二百年此畫出宮久流傳此畫猶

有人寶惜非寶故國寶雲煙嘆絕濠上寢宮生

秋草天壽近聞爲賜田賴有宣皇能給事見此

百感翻淒然看畫未畢心如縷整衫下拜頭空

俯同時拜者有陳生更有吳恭周少府區區兩

生兩小臣洒泣奎章何所補甲申長安勲貴人

不憶列宗與二祖

老梅行贈韓翁

蓉江雪苑三千里皆聞此梅老無比起語數槎

策杖願來觀春花已凋秋早寒主人謂客莫惆

恨章君神氣頗開放解看老梅何須花須花不

得梅槎枒神會語人我種此梅忘其歲怪石拱

立如參帝虬龍棲枝時一吟嬌鳥善啼無敢侵

護香猶是前朝窟照影不關今夜月十年曾起

翻江風百草零落江之東惟有老梅幹如鐵強

項負氣睨長虹未幾沾酒作微雨潤徹柔條與

低叢霜繡簪圍亦不知只是尋常付化工風威

雨澤兩無用艱難乃復保吾終幸君說向看梅

者看梅須看根不同看梅須看根不同紛紛盡

道青陽功至今芳樹金縷子淒涼愧殺羅浮翁

寄蕭三丈啓禎

三丈心期在別來歷歲時常煩過老父頗慰教

癡兒真如繫馬梁南郡登堂漢北司昔言君有

後他日大吾友

寄宋二學

頻夢白華館客思歲序中顧榮猶閉戶孫綽已

成翁自註宋嘗居余寄訊願遊倦爲朋少名高

反道窮十年得公子青眼欲開矇

可徐五作蕭

漸遠人情異將歸訊問難煩爲寄徐五鄉夢夜
無端只二十字而包舉無限

雨中舟行

小船鳴槳動秋雨夜深聞沙岸鼉鼉市天風驚
鶴羣驚棲迷宿浦漁火亂回紋孤客轉難寐披
衣起看雲

答陳生

見君少年時乃在石城墜束髮結賢豪長嘯相
四情堂詩集

追隨先進亦吹埙後輩亦吹簫我佩金錯刀君
服文絲桂出門各自別此心常相知十九首區中語

區道傍子馳驅欲爲誰天路三萬里瞻視但徘徊

答任子

夙昔念任生命駕梁園來眉宇果清真相見豁
塵埃自傷久蹉跎對君翻有懷憶昔建業城陳
吳日追陪自註吳貴池應集陳陽美貞慧也一自貴池死伯牙
絕其微惟有陽羨生矯首鳴以悲皎皎天漢明

采露不我擗起視苦不寐十年照心哀末路得
任生乃始慰差池譬如雙黃鵠獨翼焉能飛

過澄潭贈蔣合明

聞道澄潭市有人託采薇謀身憐道盡漸老覺
名非碧眼看誰健紫髯獨汝肥十年更相見不
負舊漁磯

贈戴九韶

自註九韶與余同年

種種侯生髮

只五字已絕

同年愧九韶論文推虎觀

選調得龍標殿閣黃門老

自註九韶黃門子

江湖白社

日竹詩集

遙覩星傍膝下光動少微宵

贈戴生

自註戴生孝廉九韶之子黃門之孫

戴生十五齡脫穎何初示我典冊文陸離若

璚璠聞其得意時立成千萬言秋實旣云茂春

華亦以繁詞賦本枝葉經術貴有源此豈詞賦者能道

乃祖黃門公簪筆紫薇垣一劾武陵相辜負乘

專再劾甄司寇唯諾矢平反聖朝大政事兵

興荆煩慷慨願對面陳蒼生冤集中叙置往具此

加批鱗死不恨格天語彌溫從古篤裴臣食報

在子孫而父本王謝意乃薄朱門二十有二歲
賢書早騰騫入獻春明策荆切過秦論兩獻兩
不收遺恨滿乾坤壯年甘淪落不愧養士恩至
今侍乃祖風雨種瓜園易哉爾戴生負荷慎無
誤世路多鴟梟珍重鳳與鶴練曰黃門名黃登第出韓城相薛國觀之門以戶部郎改給事韓城與正論不合天下頗有疑者然居言路首陳武陵相楊嗣昌誤國又劾刑部尚書甄淑不能執法平反務以深刻阿思宗意吉乙酉金陵之變家居無仕進志云

漫贈二首

四憶堂詩集

四娘逸韻最清真杜曲行觴惱殺人僥倖城南
歌舞地長安昨日已風塵

轉憶開元黃四娘依稀爲說舊平康荔枝紅散
海棠盡惟有溪花撲面香

陽羨同陳四丈過吳氏隱居

草堂無恙逐溪開曾到東郊舊隱來老桂解憐

悲秋意疎梅羞入刺鹽村自註草堂有兩桂三梅皆多年物陳

君野服容相訪侯子狂歌更一迴跌宕陽羨祇今

多氣色遺香膺詔上金臺自註前一日見當事薦陽羨人才姓名

吳詹事

曾憶掛冠吳市去此風千載號梅村好酬社日
田家酒莫負瓜時郭外園海汛東來雲漠漠江
楓晚落葉翻翻少年學士今白首珍重侯羸贈
一言練曰詹事吳公偉業也甲申官金陵知天下且有變謝病歸乙酉後野服泛舟吳越間自號梅村老人當事者薦之公與侯子書陳已之志誓死不出

家書附絕句二首

送別西園翡翠樓開帆十月到蘇州爲君寄訊

楓橋巷丘嫂迎門已白頭太白之駿逸夢得之微婉此兼有之

四憶堂詩集

問君衣帶近如何我道思鄉減去多况是王孫
芳草外休添離恨盡雙螺一句一意其絕唱也

偶聽絃索後又寄一首

紫馬黃花送我情手調絃索度新聲關門聽盡

娥曲不比樽前唱渭城集中絕句風調往往可空前後此又其勝

老

陽羨過陳青門廢園

寂莫青門後遺園聽客看秋風生石戶春雨黯

銅官蛛結蘭亭字烏窺籜葉冠出門無限心

竹石題詞

送顧副使入楚

舊京西去楚江東萬里長遊感慨中古月還窺

神女廟孤舟直破大王風頓挫浮沉漢祚終劉

表伯仲周郎是呂蒙上句題外意下句題中情

回首故人勞望眼莫遲佳信負春鴻贈送結句豈不埋沒作者懷抱

寄宋學使徵輿

官遊直到越王臺始信艱難嶺嶠開不必用意

四憶堂詩集

誰使無諸通漢禮果然宋玉是騷才文章自古

銷兵後冠冕還從正朔來北斗十年新氣

象憑君南服一昭回感慨却

贈武林陳文學

浙水相逢意轉驚舊遊何處問平生清波漁槩

潮依岸靈隱梵宮磬一鳴言外遠志分明為採

藥携壺不盡是逃名憑君醫濟蒼生手寄與西

陵陸麗京自註麗京名所浙人之望也

上

萬孝廉壽祺由心書畫

萬子為僧後棲遲又幾年捨家豐沛宅自註

卓杖海雲煙間寫蘭亭賣神從阿睹傳萬為僧後以書

猶能憶老友新寄詠懷篇

過江遇彭孝廉賓

往事滄浪裏浮踪白露邊可憐搖落日一共孝

廉船陳夏家何許周徐淚泫然自註四子皆孝廉同里余故交

也吾徒今後死須使故人傳窮工極化摹倣

弔周太學立勲

四憶堂詩集

如何連袂處不復見平生一代風流盡隔朝墻

墓平延陵空掛劍洛月想吹笙自註太學遲暮

故人老猶憐昨日情

君馬黃

君馬黃臣馬驤驤黃各異種種種出遠西一臣

馬驤君馬黃子馳我驅從狩無荒二驤邪黃邪

來何賒蹄有血痕繫有沙三解

枯魚過河泣

物生不在貴人生不在賤獨立絕所依進退乃

可差君不見九龍天矯白帝子翻雲覆雨常託
水一旦水涸化爲魚洒淚難滿漁父恥

杜鵑行

杜鵑啼血血垂盡云是蜀帝人不信哀魂夢想
天帝前願復故形一細認帝笑杜鵑爾何愚爾
道舊川識爾無各自心知口不言各自努力奉
歡娛爾今有翅可高飛幸此衆眼尚模糊讀至此傷
心須淚醉若更徘徊思往事轉恐分明射爾雖
我今憐爾告爾情爾去友雀莫友鷹黃雀雖小
解報恩飽颺蒼鷹誤殺人

行路難

與君雖異路不異行路難君遊東海我南山東
海之水傳已枯南山惟見石巉峴紅猩笑我瘦
蒼狔嘯我寒蒼狔猶自可紅猩善人言青我聞
人言面死灰險巇那能勝衣冠

飲馬長城窟行

朔風吹大荒龍裘雪滿野老將醉後泣復醒牽
馬更經長城下長城之上月偏明長城之下水

無聲如耳倒豎嘶不飲轉憶當時舊雲錦不必
哀激而青節
自不勝情

楊花篇

楊花管落水楊花更落衣落衣若有情落水兩
不知一晴日盪輕煙花落絲自牽君看三尺條
絲牽萬里邊二君心輕於楊妾意濃於花相猜
不相離不如絕萌芽三起坐白玉堂倦臥紅牙
床一春九十日總爲爾飄揚四

御河行

四憶堂詩集

卷之六

我恨御河不通海語前有無木蘭依舊帆檣在
窮之意在當年已自付流波翠華江左虛相待月明管見
故宮遊鯨淚驪珠今十載漢家有水接昆明秋
風一起洪濤生武帝傳聞多大畧習成素練領
長鯨如何溶溶太液池翻使春陰覆岸接垂楊
繫馬枝條盡盡是從龍花帽兒

白頭吟

人生感白頭變化何所無昔乃夫棄婦今乃婦
棄夫一夫本朱門子自矜娶羅敷羅敷悅使君

願隨八上都二還君耳垂珠脫君皎絲襦美衣

迎美食凝脂白玉酥三照君皎絲襦佩君耳垂

珠更總是嫁時粧安知夫婿殊四

估客樂

襄陽大估泊江渚夜登我舟爲款語估欲過關
權稅煩官卽放船吏不許往來吳越八九年昔
衣錦統今白紵羞過公子沙棠舟不携珍錯携
難泰家故有婦高樓居近閨樓下鳴機杼海內
財盡爲兩多官多吏多茫無緒我言估樂估自
疑我不告估估不知明星欲落言不盡蹉跎與
估痛飲時估聽一事意轉平估不出錢佐水衡
田夫總爲開河死估更乘舟河上行

鳴鴈行

候鴈過衡陽飛鳴意轉哀自悔離其羣舉翅觸
黃埃一啄詎難致稻粱萬里來蒼梧舜所遊淳
化日悠哉誰言卑濕地須避網羅災我欲鴈回
翼卽死近舊隈

過唐進士采臣

特地無錫縣停舟問采臣故人餘我在別況金

君頻春水潮京岸秋山北屋隣爾今懷大業天

路莫逡巡

寄平涼兄

苦憶風霜地孤懸鴻鴈心邊開秦障盡棧入關
門深官蹟二毛見田園三徑沉幸能寬老父清
白著朝簪

贈吳漢若

今日澄清士惟君合大羣文章收北極羽翼入
南雲劉表先聲好華歆晚節分感懷知不盡總
與話殷殷

倚蘭行

錫山顧孝廉宸年四十餘無子家有蘭忽于
二畹發於一枝觀者皆曰是瑞也已而遂生
子焉孝廉稱觴進母其友侯子侑之以詩

倚蘭十二畹難得共一枝花開何灼灼所務本

根滋一種花當種蘭種當庭戶間羣芳競自類

蘭香襲我顏二還心彼美人乃在瀟湘外君子

重簪采之爲佩帶三相映北堂萱蓀生爰玉

田自茲十二晚歲歲復年年四

贈蔣黃門自註蔣黃門鳴玉

蹉跎猶豫客老大更吳吟夜到黃門宅秋憐白

髮心俯仰具足憶曾交弁角謬許附瑇琳燕翼差池

雨鶴鳴黷黷陰明公題禁闥賤子泣遺簪豈謂

風雲異同遭機偷侵江南哀更信鄉下想繁欽

幸有青暉在莫令碧海沉艱難重握手不覺醉

橫參

附錄詩集

寓盛一兄順

金人一夢去西京舊事祇今對盛生曾憶分筵

梁苑雪轉愁同賦漢林鶯調羹相國餐砂瘴躍

馬將軍臥石鯨短髮猶能覆聾耳蓬萊近道種

桑成

夢亡弟

汝到重泉下相依慈母看真情語不招魂幡帖

帖入夢路漫漫廢宅秋花冷遺書手蹟殘當爲

課幼子心事在琅玕

張經師

再見張生老十年滯此都奇文驚衆眼高性厭

塵超越水寒如練吳山翠滿瓠狂醒叫酣醉明

月照啼烏

送練三貞吉

送爾輕舸去寒江靜可憐遙瞻梁苑雪晚入楚

雲天驚影孤帆遠漁歌短棹前客星驚歲暮歸

興妬人先無賴尋詩聖有懷藉酒賢神氣飛動狂名

推我右大畧與誰肩憶昔周京地恰逢漢黨年

四憶堂詩集

書生蒙禁錮皇路惜迤邐九辨徒悲郢三謠乃

去燕仙舟邀李御鸞翮斷續緇獨洒楊朱淚兼

揮祖逖鞭授餐藏室壁解佩贈韋弦同廟非關

俠忘機却類顛寫練君意氣隱然家聲渾白壁繼述付

青氈司馬君臣契徐曰貞吉司馬少子也濯纓

雨露邊當臺爲獬豸去芳必鷹鷂道長崇禎紀

名高萬曆編筆力開闢只在眼無何開罔寺卽

次領秦川舊塞九泥谷新清華嶽煙汧花間叱

撥漢文靜嫺娟形容司馬功業處入妙盡解鏡歌出齊騰

露布三羌羣貢屬七枝。索能牽志殫風雲會

功分意。以偏黃門專國命。蓋而煥朝權座近焉

程相星應彗尾曜詩史怪蘭當戶拔嫉桂併膏

煎遷謫長沙濕行吟落日淵蹉跎終賈誼潸潸

失張騫野服慙雙劍官裝少一錢粵中猿嘯仄

嶺外橘霜圓杜豈敢忘豐鎬猶然戀澗瀝樓槍

紛氣焰猥偷互周旋碧血流精衛丹心感杜鵑

西京龍更起北闕月重懸老歷中樞重才雄仗

鉞專不辭敷舜羽直欲正虞殯諸葛羸先病留

四時堂詩集

候較早僊謫焉傷社稷逝矣雜腥羶通籍雷陳

並登朝益契聯忍令清經老自註日從公號清

相善空想斷金堅老到復之子夫何忝修途各勉

旃貧安原憲宅力種邵平田有道碑仍在季方

澤已傳八厨簪奕奕三舍鼓闐闐蓋建中原壘

猥依廣厦椽草亭玄幾字餘父榮三篇五十年

過半自註時貞吉年二十七飄零路滿千滿酒浮陽秋泛

泛照小髮鬢髮庾信哀棲甚孔融世講連匡床

愁夜短詰旦是離筵宋日甲申黨人獄侯子避

題曹太僕自註太僕名落

近聞曹太僕瀟洒在東山起卿月雲霄上仙舟

郭李間致身文苑早匡主聖謨艱威鳳曾鳴瑞

神羊更觸姦塞淵酬罔頌空濶掌天閑幽冀騰

朝影風雲見一班先幾三徑宵後樂二毛斑殿

閣終求舊江湖暫乞閒十年懷半刺今喜御君

還

過彭使君自註使君

我憶容園久扁舟始一來吳人歸從約梁苑領

優才閱歷三江盡傳聞五嶺開相憐弔古意莫

望鸞孤臺

題容園舟中

一曲清歌試叩舷濯纓高寄鏡湖邊誰同秋水

邀仙侶爲御天風濟巨川鷗鷺有情隨羽蓋魚

龍着意近樓船伊人宛在蒹葭裏乘興何妨浩

淼前

平望

平望臨河市估帆落照斜而思纔一寸晒網幾

于家

鸚鵡啄金盃歌

鸚鵡啄金盃有二其下皆注成化字兩赤鸚鵡

棲碧梧兩小青雀交睛親神情絲理天子好尚

動鬼神土泥變化爲金翠豈尋常更有櫻桃

八顆細如粟粒迎風墜是名四妃十六子又爲

太平雙喜事酣適脫當年憲皇闕前星貴妃持

之獻祥瑞大明遺事有如斯不同人間金玉器

此杯今藏吳氏家傳聞神物頗爲累孝廉死後

歸他人陳生感舊一下淚命酒飲我請爲歌浩

歌未終發長喙勸君莫飲鸚鵡杯一轉言外非

人非時亦非地瀟陵遺老嘗吞聲忍淚開元西

狩記

玉堂歌贈蔣學士題

天子新開白玉堂規模不屑漢明光聽言草昧

待經綸豈獨潤色需文章詔選學士坐此堂坐

此堂中何輝煌名金燈翠旗邀春輦宮燕林鸞

題御墻其中學士誰最賢金沙蔣君方少年面

陳三才帝嘉嘆賜第非關權貴前借學士此日

入人看探花曲江之曲酒滿船揮平但謝立身

好王維李白總徒然用意憶我前輩過我拜我

今山野形醜怪學士此日爲大臣何事遠巡夷

門隘開門携手延君坐呼兒東籬剪葵薤更寫

士之賢不止訊問薇省早二毛徐曰薇省學士

世舊親切淚下生平轉不快急爲促坐洗

觴親須臾酣醉話重陳願君速酒霖雨新願君

速修烽燧塵威君世舊贈君語蓋殺曲學阿世

人平津自老君自少學士切莫學平津

過江秋詠八首自註壬辰作

北固濤聲湧帝京南徐秋色滿江城潮連雨霧

芙蓉濕日落晴帆燕雀輕豈可新亭終有限從

來故園總關情隣舟更奏清商曲不管霜華旅

髮生

秋原落日昭姑蘇爲問西施更有無一自上流

收錦纜幾回遷客弔吳趨多情橘柚垂朱實失

意兼葭冷玉見最苦繁華同逝水生公石麟不

曾枯

鵲李雄藩枕大漬乘潮東望氣氤氲爲齊湖外
吳楓盡煙雨樓中越岫分組綵一時似織錦樓
船何日更盛軍自來島喙傷心地莫使朝京相

國聞

錢塘江口問仙槎帶粵襟閩一線秋森天河
搖日月水深宮殿守龍蛇誰沉漢使千金壁更
射潮聲萬里沙面極不妨爲北斗漫開老眼望

京華

甘肅堂詩集

建業平分眇眇愁客心日夜大江流鐘聲先

臨湖殿暝色偏深結綺樓龍虎厓從淮泗合銷

豐都爲子孫留三秋遙想埋弓處不信鍾山主

氣收

粉紅江上水晶寒高並南甌象緯看極島風雲

通屈市中洋花茜領番官人家近日秋仍沸曆

數乘桴漢有欄底事閒愁緣小物荔枝無路到

長安

新開鐵道已經年并建三藩海盡通西望格

遠風臺南來桂管入蠻烟清猿頻下孤妃淚無

象如聞大樂縣誰向宸遊傳往事至今秋月照

虞淵

武昌高枕控三湘何事虛無託鬼方昨夜楚望

雲入夢多時屈子茭爲裳洞庭落葉秋逾白鼓

室空青晚更蒼鴻鴈一聲天際下岳陽盡處是

衡陽此與少陵秋興入首果有分別否讀清須放開眼孔其謂今人必不遠古也

越水遇李大元素

俱是梁園客相逢越水濱道窮殊念汝歲晚猶

四體堂詩集

依人記著含著抱膝吟何事讀書悔悞身素繡

真磊落仗劍卽嶧峴壁握邯鄲趙關開鳥鼠秦

自註元素嘗遊俠京洛少年傾刺孟上座倒陳遵慣落南

樓月能生北里春投詩爲意氣剗頭莫遠巡鏡

裏原陵影匣中荆叢塵乾坤陰唧唧日月火燄

燐白髮憂天短青門看雨頻劉伶惟近酒張翰

欲尋尊賴有江湖興終於眺望親釣舟遙泛穩

菰米嫩蒸句造語適得嚙中非少陵不能疎懶甘藏拙蒼柏

善事鄰子秋閒草屨一旦老綸巾名姓原在士

形容怨聲民豈知飄泊甚共對詠懷詩忽漫三
冬盡聊安四壁貧憐君多肺病腰背歲時使

元素時以
腰疾伏枕

詠史五首

漢家衛子夫乃是平陽姝朝侍公主前跪

蕭蕭粧罷賜蛾黃起謝幸自娛即少陵詩
多意此意

英一且武皇來置酒邸第區清歌奏者衆窺

與之俱醉後天耳熟忽聽子夫殊從來遺
此言外感嘆

千金召入宮翟瑜龍文紆簪花上林苑攬鏡

明湖寫來有
情有勢璇官詠雉鳩前星誕鳳雛帝爲赦

天下大亨三日醺平陽是日賀入向椒塗趨再

拜稱皇后垂手但一扶

范睢不得意嘗求事魏齊命爲須賈副出聘不

敢辭反命忽得罪橫罹筆與笞腸斷但舌存佯

死委糞泥幸遇咸陽使附車與之西獻策帝大

悅睢來開我迷易名爲張祿丞相實崔巍氣凌

六國小俯視函關低氣須賈再來聘
氣須賈再來聘肉眼乃不

知微服過驛舍感舊贈一綈以此得道誅堂下

食蒿歸語爾梁王張祿卽范睢妙速斬魏齊

頭免使社稷墟魏齊逼出走天下無留棲敵籠

西首來相視何凄凄

英雄當嗟此亦復航窈窕便自
高脫重耳昔出走

言齊國好晏安豈不懷鳩毒腴肉早姜氏本婦

人志畧何了了桑下觴公子極醉不復曉密與

舅犯謀疾出郎邪道人生圖遠大割愛乃可保

英雄君看霸業臣赴時迹如掃

豫讓事智伯嘗懷國士遇三卿連合成騎懷卒

致仆一旦貴卿頭乃爲飲器污只似平常語已
悲慘不可言

感憤不輕死隱忍報讐故曠野哭吞聲白日展

以暮漆身變我形吞炭變我語得入襄子宮運

去天不祥霸畧自不同竟釋豫生去出後
子好

伺出遊往伏橋下住襄子有老馬驚鳴使主寤

深意警語兩刺兩不成矢劍本吾素願斬君王衣持

此地下訴士爲知己死卽死猶無歎

孔光本名臣劉歆亦令子並生太平日清華若

玉峙倏忽圖富貴君父輕脫屣痛此處
宛轉不得溫

樹何心心六經有深耻賢者貴守節慎終如其
始嗟哉歆與光新室竟悞爾

夜泊過姜如須

姑蘇夜泊聽吳趨乃是東海姜如須起當年過

江第一人何事混作荆蠻民鷄鵲冠上玳瑁簪

采菱臨水傷客心相期大湖射鳬鴈隨陽之鳥

不忍侵手攜寸弩袖中藏日坐橋門南望吟君

尚能射射猛虎出右北平雪風舞李廣一醉老

蹉跎眼底生花徒自苦跌宕豪舉言外思深宋

崇禎庚辰進士
棄官隱居蘇州

寄魏大敏祺二首

魏子文章伯飄零晚更奇張衡愁作賦阮籍醉

能詩老眼觀時拙狂名託我知遙憐歲云暮潦

倒憶南皮

別後蘇門嘯幽棲孰與聞自註辛卯同行藏懷

老爰去住借離羣舊舍今仍在新書晚欲焚馮

公頭幸白原不用終軍

因憶王詩集遺稿目錄

何事

偶作呈宋二

送何三果

聞蟬和宋二

群盜

隋堤

題宋牧仲古竹

梁園懷古

何事

何事竟頭白青春一放翁乾坤羞解肉日月誤

雕蟲藝杖侵苔潤藥欄啄鳥紅經年常晏起非

是趁牆東泰士曰則首句起一篇完何事二字

偶作呈宋二

精悍推徐五飛騰憶賈三每當窮正變細與辨

青藍萬卷攻吾短千秋愧汝請幸為乘少壯努

力事幽探泰士曰二首直如說語千言百造一

思高有可想像而已

因憶王詩集

送何三果自註何龍眠人

回首論交十五年舊遊常自憶龍眠飄零何遜

官無興潦倒候羸地最偏老計相憐狂態拙清

時莫負酒杯賢送君明日東門道設聽驪歌是

偶然泰士曰空渾入情是送忘形之交之作

聞蟬和宋二

曉起鳴蟬靜秋聲動遠空披襟宜永日入戶況

涼風羣命亦云得孤音非所同庶幾飲清露取

翼托高叢泰士曰寄渾而筆膽一讀有超然之致再讀有幽寂之思

君盜

草木艱難已莫居誰令群盜更乘虛營田木欲
歸戎馬凍堅須防縱巨魚時有屯田豈謂民勞
關至計終於帝力望新除郎今樞相巡行日驛
使應先痛哭書時命洪太
保南征

隋堤

隋家天子綠楊堤萬古春風野鳥啼幾處吹簫
雲漠漠經時拾翠草淒淒龍舟想像牙樁入綠
袖虛無簇仗齊寂莫宋城南向望老人獨自杖

青藜

題末牧仲古竹圃

悠然過竹圃長夏有清陰何處孫登嘯偏瓦向
秀林善交翻閉戶高臥本從心濁酒勞招勸今
知靜者深

梁園懷古

驅車荒城隅昔是梁王園當日賓客館離離百
草蕃鄒枚自奇士文采何翻翻遂使辭賦業遠
託金石尊况彼經術子菁華有本根著述非所

願誰肯謀虜餐豈知梁王死委棄不復論赫赫
連城貴非不壯維藩遊從虎豹羣踔厲撼崑崙
千里飛食肉書生但聲吞所好在大劍毛錐安
足言

詩集



此葉清華配

[G e n e r a l I n f o r m a t i o n]

书名 = 四库禁毁书丛刊 集部 5 1 册

作者 =

页数 = 6 7 9

S S 号 = 0

出版日期 =

封面
书名
目录
正文